



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am




ՓՈՋՐ ԱՄԻԱ


ԱՄԻԱԿԱՆ ԹՈՌՈՐԻԱ, ՀԱՅԱՍՏԱՆ
 ԵՒ ԱՅՆ ԵՐԿՐԱՄԱՍԵՐ

ՀԱՐՏԵՍ ԿԱՅ ԳՈՂԳՈՐԾ

Հեղինակ՝ Մ. ՇՆԻՐՆՈՅԵՆ 1922



ՏՐԱՆՍԿՐԻՍՏԱՆԻ ԳՐԱԿԱՆՈՒՄ 1922



ՄԱՅՆ ԵՐԻ ՄԱՐԿՈՍԻ ԱՐԽԵՆԻՍԻ ԵՍՏՆԱԿՆԵՐԸ
1914 - 1920
ԱՅՍ ԽԱՅՐԱՒԸ ԶԵՆ ԱՍԿՐՅՈՒՄԸ
ԸՆԴՈՎ ԵՐԻ ՄԱՐԿՈՍԻ ԱՐԽԵՆԻՍԻ
ԱՅՍ ԽԱՅՐԱՒԸ ԶԵՆ ԱՍԿՐՅՈՒՄԸ

ԳՐԻԳՈՐԻՍ Ծ. ՎԱՐԴ.
ՊԱԼԱՔՅԱՆ

ՎՅ ԳՐԳՐՈՒՄ ՊՄԵՊՐԱՆ

Դրվագներ հայ մարտիրոսագրութենեմ

ԲԵՌԼԻՆԵՆ ԴԵՊՒ ԶՈՐ
(1914—1920)

Պալարյան Գ.

Հայ Գողգոթան: Դրվագներ հայ մարտիրոսագրութենին...

Նր.— Հայաստան, 1991. 391 էջ, 4 թերթ, նկ.

Հեղինակը առաջին համաշխարհային պատերազմի տարիներին (1914—1920) հայ ժողովրդի կրած անլուր զրկանքների, տարտաբուսային տանջանքների, բռնի գաղթեցումների ու կոտորածների ականատեսն է:

Հայոց ճայրագույն վարդապետը իր հոտի հետ արյան գետերի միջով քայլել է դեպի Տեր Զոր: Հետագայում հրաշքով փրկված վարդապետը իր տեսածն ու ապրածը հանձնել է թղթին:

Պատգամ այս գիրքը հասցեագրվում է ընթերցող լայն շրջաններին:

050802918

— 28ադատարարված
701 (01)-31

ԳՄԴ 68.8 (24) 52

ISBN 5—540—01381—6

© «Հայաստան» հրատարակչություն, կազմելու, ձևավորելու համար, 1991

Քե՛զի հայ ժողովուրդ

Ա.— Քե՛զի կը նվիրեմ սիրելի ժողովուրդդ Հայոց, այս փունջը մարտիրոսագրությանդ դրվագներում ՀԱՅ ԳՈՂԳՈԹԱՅԻՆ:

Թեպետ այս փունջը կազմված չէ Հայաստանի ծաղկալից դաշտերու երփներանգ և անուշահոտ ծաղիկներեն, բայց սուրբ է և նվիրական:

Որովհետև կազմված է այս փունջը անլուր տանջանքներով մեռնող քու անհամար զավակներուդ արյունի, արցունքի ծով ցավերեն ու չարչարալից անհատակություններեն:

Քու սուրբ գիրքդ է այս արյունոտ մատյանը. կարդա՛ անձանդույթ, ամենևին մի՛ կասկածիր այս եղեռնապատմիս, և մի կարծեր թե դիտումնավոր չափազանցություններ են գրվածքները:

Ընդհակառակը՝ նվազագույն չափով գրի առած եմ. զի մարդկորեն անհնար է նկարագրել ահավոր և անպատմելի մարտիրոսագրությունը մեկ միլիոնե ավելի մեռնող զավակներուդ: Եթե երկրագնդիս բոլոր ծովերը թանաք, դաշտերը թուղթ և եղեգները գրիչ դառնային, դարձյալ մարդկորեն անհնար էր նկարագրել քու փշալից և արյունալից վերելքդ դեպի կատարը հայ գողգոթային:

Իզո՛ւր սպասեցի զինադադարեն ի վեր, որպեսզի այս դժնդակ պարտականությունը ավելի կարողները կատարեն: Սակայն բացի օտար ակամատես միսիոնարներն և մեկ քանի հայ աքսորականներու ուղևորի համատուտ նոթագրու-

թյուններն, ցարդ լույս չի տեսավ եղեռնապատումը քու անպատմելի նահատակությանդ: ՈՐ ԱՊՐՈՂԻ ՄԸ ՀՈՒՋՈՒՄՈՎ, անշուշտ որքան որ մարդկային գրիչը կը գրեր, գոնե ընդհանուր գծերով համատոտ գաղափար մը տար ապագա հայ եկող սերունդներուն այն սարսափելի և անլուր դրվագներուն մասին, որուն զոհ գնացին ստուգապես կեսերդ ավելին:

Այո՛ չուզեցի գրել անոր համար, որովհետև ես ինձ տկար կզգայի և սրտով և գրչով մարդկային պատմության ամենաարյունոտ էջերն իսկ սևցնող քու եղեռնապատումդ գրի առնելու:

Եթե 451-ին Վարդանանց պատերազմը անմահացնող և Ավարայրի պատվո դաշտին մեջ ընկած 1586 վկաներու փառքը հավերժացնելու համար Եղիշեի մը հայրենաշունչ և ոսկեդրվագ գրիչը պետք էր, քու անթիվ անհամար և անլուր տանջանքներով նահատակված զավակներուդ խուժդուժ մահերը արձանագրելու համար, գերմարդկային գրիչ մը անհրաժեշտ էր:

Էր երբեմն, երբ հին զանազան դարերում՝ հայ ազգը հավաքաբար մեկ պատմություն ուներ: Իսկ այսօր ո՛հ ամեն նահատակված և վերապրող հայ՝ իր մասնավոր սև օրերու պատմությունը ունի, և այս մեկն է այդ հարյուրհազարավոր պատմություններն:

Այո՛, չուզեցի գրի առնել, զի կը նշանակեր երկրորդ անգամ՝ տարագրության մը երթալ, մինչդեռ վերհիշումն իսկ զիս կը սարսափեցներ: Քանի որ հայ գողգոթայի մեկ քանի դրվագները գրելու համար, հարկ էր մտքի և աչքի առջև կրկին բերել սարսափի հազարե ավելի այդ սև օրերը կամ երեք արյունի տարիները, իրենց մահասարսուռ թուր գլխավոր դրվագներով:

Իսկ այժմ՝ եթե գրի առի, ոչ թե որովհետև հերոսանալ կ'ուզեի, զի հին բարի օրերուն էր միայն, երբ հերոս զավակներդ մատի վրա կը համրվեին: Բայց այսօր օրորոցի հայ ծծկեր փոքրիկ մանուկեն մինչև ութսունամյա հայ մամերն ու պապերն ալ ճշմարտապես հերոս դարձան: Ձի այնպիսի անլուր տառապանքներ ու չարչարանքներ կրեցին, և այնպիսի հերոսական մահեր ունեցան հանուն ազգի ու կրոնի, որ իմ կրած տառապանքներս, ասոնց ամեն քաշածին բաղդատմամբ, կ'ամչնամ նույնիսկ տառապանք անունը տալու:

Բայց գրի առի, որովհետև սրբազան կտակ մը ունեի, նահատակությամբ սրբացած քու մեռնող զավակներդ:

Ձի ամեն անոնք, որոնք հայ փշալից գողգոթայի ճամբուն վրա հետ էին, խնդրեցին ինձմեն, որ գրեմ տառապանքի և տարագրության՝ իրենց անպատմելի եղեռնապատումը: Առհավետ մեզմե անդարձ բաժնվողները, ՄԵՌՆՈՂԻ ԻԲՐ ՎԵՐՋԻՆ ԿԱՄՔ, ԱՅՍ ՍՐԲԱԶԱՆ ԿՏԱԿԸ ԸՐԻՆ ԻՆՁ, ես ալ ահա կը կատարեմ այն խոստումը, որ տվի անոնց գերեզմանին առջև, ու քեզ կը նվիրեմ այս մեկ քանի դրվագները հայ գողգոթային:

Որպեսզի եկող ու անցնող հայ ամեն սերունդներ գիտնան թե այն նվիրական եռագույն դրոշը հայկական, որ կը ծածանի Երևանի մեջ, և այն ազատությունը ու անկախությունը որ կը վայելեն, որքան ա՛վաղ թանկ գնված է, և արժեքն է մեկ միլիոն ավելի անմեղ զոհերու:

Բ.— Բոլոր մեծ ու փոքր հաղթական ազգերը, անծանոթ զինվորի մը ոսկորները իրենց մայրաքաղաքներու հոյակապ պանթեոններու մեջ թաղելով, իբր ազգային փառքի տուն, իրենց արյունոտ հաղթանակները մեծահանդես տոնեցին, հարյուրավոր թնդանոթներու ահեղագոռ որոտներով:

Իսկ վերջերս ալ անգլիական օրաթերթեր գրեցին, որ չորս միլիոն ոսկի Անգ. մեծ ազգը հատկացուցած է պատերազմի փառաշուք հիշատակարաններ կանգնելու համար, ի պատիվ քաջարի և հաղթական իր այն զավակներուն, որոնք վտանգված հայրենիքի իբր արժանավոր զինվորներ. Մեծին Բրիտանիո անշիջանելի փառքին համար, ընկան հաղթական Գարդանելի մարտակուլ մարզին մեջ:

Եվ որպեսզի անգլիացի սզավոր հայրեր ու մայրեր, պատերազմի դաշտին վրա փառքով ընկած իրենց հավետ անմոռանալի մեռնող զավակներուն Գերեզմանները երբ ուխտի գան, ասպնջականության դյուրություններ վայելել կարենան, Սարոսի հրվանդանին ծայրը, Անգ. պետությունը հոյակապ հսկա պանդոկներ և նույնիսկ երկաթուղու մասնավոր գծեր շինել կուտա փոքր ազգ մը տարի մը կշտացնող այդ հսկա գումարներով:

Իսկ դուք՝ աղքատ և թշվառ ցեղիս անթիվ, անհամար նահատակներ, երբ վերապրող հայությունը սովահար և անթի

է, երբ ձեր թողած հարյուր հազարավոր որբերուն հետ վերապրող սովահար հայությունը քրիստոնջա և մարդասեր ազնիվ ամերիկացիներու և անգլիացիներու նվիրած հացով կը կշտանան, երբ ձեր ետև միացող ավերակներ միայն թողուցիք, ձեր հավերժական հիշատակին ու փառքին համար, մենք ի՞նչպէս հիմա կոթողներ ձեզ կանգնենք:

Ոչ ա՛լ ոսկի և արծաթ ունինք, որ բյուրավար նահատակներուդ համար հոյակապ պանթեոններ կառուցանենք, և կամ անծանոթ հայ կամավոր զինվորի մը հիշատակին համար, ազգային փառաշուք հանդեսներ կազմակերպենք:

Հոն ուր սուգ ու շիվան է, հոն մենք ի՞նչպէս հաղթության հանդեսներ կազմակերպենք¹:

Ա՛խ ի՞նչպէս և ո՞ր մենք ուխտի գանք ձեզի, երբ հանուն ազգի ու կրոնի, կամավոր թե բռնի բոլոր փառքով մեռնողներդ ձեր ետև գերեզման մը իսկ չի թողուցիք իբր մեզի հիշատակ...

Բայց հայրենիքի ամեն սար ու ձոր ձեր գերեզմանն է, ուր ինկաբ կողք կողքի կացինի կամ սուրի հարվածներու ներքև, առանց խտրության հարանվանության, զաղափարի, դասակարգի, կուսակցական շերտավորումների. և մեզ ասով կտակ թողուցիք համազգային անքակտելի միություն մը:

Ահա ասոր համար, հայ գողգոթաս կը նվիրեմ բյուրավոր անթիվ նահատակներուդ սրբությանը օծուն հավիտենական հիշատակին:

ՈՒ ԳՐԲԻՄ ԾԱԿԱՏԸ ԿԸ ԿԱՆԳՆԵՄ ԻԲՐ ԱՆՇՈՒՔ ԿՈՒՐ, ԶԱՐԴԱՔԱՆԴԱԿ ՊԱՏՄԱԿԱՆ ՄԵՎ ԳԵՐԵԶՄԱՆԱԽԱՉ ՄԸ, Ի ՊԱՏԻՎ ԱՆԾԱՆՈԹ ՄԵՎ ՄԻԼԻՈՆԵ ԵՐԿՈՒ ՀԱՐՅՈՒՐ ՀԱԶԱՐ ՀԱՅ ՆԱՀԱՏԱԿՆԵՐՈՒԴ, ՊԱՏԵՐԱԶՄԻ ԲՈԼՈՐ ՄԱՐԶԵՐՈՒՆ ՄԵՉ ՀԵՐՈՍԱԿԱՆ ՄԱՀՈՎ ԸՆԿԱԾ ՏԱՍՆՅԱԿ ՀԱԶԱՐԱՎՈՐ ԿԱՄԱՎՈՐ ՀԱՅ ԶԻՆՎՈՐՆԵՐՈՒԴ, ԵՎ ՍՈՒՐԲ ՈՒՆՏՈՎ ԻՆՉ ԼՍԱԿԻՑ ՈՒ ԶԵՐ ՀՈՏԵՆ ԱԼ ԱՎԵԼԻ ԶԱՐ-ԶԱՐԱԼԻՑ ՄԱՀԵՐՈՎ ՄԱՐՏԻՐՈՍԱՑԱԾ ՀԱԶԱՐԱՎՈՐ Ս. ԱՎԵՏՄԻՐԱՆԻ ՀԱՎԱՏԱՐԻՄ ՊԱՇՏՈՆՅԱՆԵՐՈՒԴ, ԻՆՉ ՀԱՐ-ԱՆՎԱՆՈՒԹՅԱՆՑ ԱԼ ԴՈՒՔ ՊԱՏԿԱՆԻՔ:

Խորապէս հավատացած եմ, որ ապագա հայ սերունդներ, Սանահնի վանքի Սպասալարներու պատմական այս հազարամյա քանդակազարդ խաչքարի իրական մեծությամբ

պիտի կանգնեն ազատ ու անկախ հայրենիքի ամեն կողմը: Ու երբ հայ անցորդներ անցնին առջևն, ծունկի պիտի գան հայ ազատագրության խորհրդանշան ծառայող այս սև գերեզմանաքարերուն առջև, և երկու կաթիլ արցունք թափեն ու ՀԱՅՐ ՄԵՐ մը ըսեն, ի հանգիստ հոգվոց անթիվ նահատակացն ազգիս հայոց, իբր երախտագիտական նվիրական պատականություն, հանդեպ հայ ազգի ազատության բյուրավոր սրբացած գոհերուդ:

Գ.— Վերջին խոսք մը, ևս, ՈՏՔԻ ԿԱՆԳՆԵ ՍԻՐԵԼԻ ԺՈՂՈՎՈՒՐԴԻ ՀԱՅՈՑ, արյան ծովերը անցնելէ վերջ բարոյալքվելու ժամանակը չէ հիմա, երբ այնքան սուղ գնված հաղթությանդ պտուղը վայելելու օրերդ հասան:

Այժմ անձնապանություն և ազգապանություն է բարոյալքվի, երբ անհամար մեռնող զավակներուդ ոսկորներն դեռ ցան ու ցրիվ սփռված են հայրենիքի դաշտերուն ու ձորերուն մեջ, երբ հայրենի գետերը տարի մը (915—916) արյուն փսխեցին ծովերու մեջ, երբ քու տասնյակ հազարավոր անձնագոհ կամավորներդ ամենամեծ հաղթական ազգերու սպարապետներն իսկ զարմացնող հերոսական մահերով՝ փառքով ինկան Արարատեն մինչև Արարա, Վանի և Կարնո հայկական բարձրավանդակներեն մինչև Կիլիկիո արգասաբեր հարավի դաշտերը, և Դարդանելի ու Բալկանյան ռազմաճակատեն մինչև Գերմանո-ֆրանսական մահասփյուռ սահմանազրուխները:

ՀԱՅ ԺՈՂՈՎՈՒՐԴ ՈՏՔԻ ԿԱՆԳՆԵ, եթե իբր ազգ ապրելու ԱՆՁՆԱՎՍՏԱՀՈՒԹՅՈՒՆԴ մեկ օր, մեկ ժամ լքես. արդեն կորսված ես. և դուն ձեռքովդ խաչ մը քաշած պիտի ըլլաս երեք հազար տարվան քաղաքակրթության փառավոր պատմությանդ վրա, և քու հին անունդ պիտի սրբվի ազգերու պատմությունեն, ՈՒ ԱՅՆ ԱՏԵՆ ԱՎԱՂ, ԻԶՈՒՐ ՄԵՆԱԾ ՊԻՏԻ ԸԼԼԱՆ ՔՈՒ ԵՐԿՈՒՏԱՍՆՅԱԿ ՄԸ ՀԱՐՅՈՒՐ ՀԱ-ԶԱՐԱՎՈՐ ԶԱՎԱԿՆԵՐԴ...

Արյունաքամ և սպառած, սովահար և կես առ կես կոտորակված, ինկած ես կորստական ճամփու մը վրա, իզուր կը սպասես ողորմած Սամարացիի մը, որ գա, քեզ վերցնէ, արյունալից վերքերդ լվա ու կապէ:

ԻԶՈՒՐ ՄԻ ՍՊԱՍԵՐ, քու դարավոր ՀԱՐԵՎԱՆԴ դեռ հա-

¹ Առ այս պոլսահայությունը ձխի բացառություն է:

գեցած չէ թու արդար ու անմեղ արյունեղ, և եթե կրնա, հետամուտ է կոտորելու մինչև վերջին քու որք՝ զավակներդ:

ՕՏԱՐԸ ԱՆ ՄԻԾՏ ՕՏԱՐ Է, ԱԼ ԱՆՈՐ ՎՐԱ ՀՈՒՅՍ ՄԻ ԴՆԵՐ՝ զի երբ փոքր Ասիո ընդարձակ սահմաններում մեջ նոր մենաշնորհներ գաղտնապես կորզելու հետին միտք ունի, այն ատեն միայն քու ազգային փրկության արյունոտ հարցիդ խաղի թղթերը առաջ կը բշե, ու այս եպերելի նպատակով է արդեն միայն, որ իր ձեռքին մեջ պահած է դարե մը ի վեր քու թուղթերդ...:

ՔՈՒ ՀՈՒՅՍԻ ՆԱԽ ԱՍՏՈՒԾՈՒ ԵՎ ԱՊԱ ՔՈՒ ՎՐԱԳ ԴԻՐ, խորապես համոզված, որ բարոյական ու մտավորական այնքան բարձր արժանիքներով պատմական հին ժողովուրդ մը, ԿԸ ԿՈՏՈՐԱԿՎԻ ԲԱՅՑ ԶԻ ՄԵՌՆԻՐ, ԴԻԱԿ ԿԸ ԿԱՐԾՎԻ ՈՒ ԳԵՐԵԶՄԱՆ ԿԸ ԴՆԵՆ, ԲԱՅՑ ԿՐԿԻՆ ՀՐԱԾԱՓԱՌ ՀԱՐՈՒԹՅՈՒՆ Կ՝ԱՌՆԵ...

Մի վախճար օտար թշնամիներեղ, այլ ավելի վախցիր քու այն զավակներեղ, որոնք հայրենասերի անունով ծայտված, առաջ բռնակալությունը կը շահագործեին, երեկ վաղանցիկ ազատությունը շահագործեցին, իսկ այսօր քու նահատակությունը ու ոսկորներդ կը շահագործեն...

Եթե անկեղծապես քեզ սիրող միայն տաք հատ անձնագրի արժանավոր զավակներ ունենայիր, ՔՈՒ ՂԵԿԱՎԱՐՆԵՐՈՒԹՅՈՒՆ ՄԵԶ, (որմե ժողովրդյան խոնարհ զավակներուդ մեջ, արդեն հազարներով ունիս), և որոնք ազնվությունը ու քաջությունը ունենային, իրենց չար նախանձը, կիրքը, փառամոլությունը և շահասիրությունը ստորադասելու կամ զոհելու հայրենիքի ու ազգի ընդհարական ու նվիրական փառքին ու շահին, ԱՅՍՈՐ ԱՆՊԱՅՄԱՆ ՔԵԶԻ ԱՎԵԼԻ ԲԱԽՏԱՎՈՐ ՎԻՇԱԿ ՄԸ ԿԸ ՍՊԱՍԵՐ...

Այո՛, հույժ վշտառիթ է, բայց ակամա պետք է խոստովանիմ, որ քու ղեկավարներուդ մեջ, ՀԱՆՐԱՅԻՆ ԿՅԱՆՔԻՍ ԱՅՍ ԱՆՑՆՈՂ ՔԱՌՈՐԴ ԴԱՐՈՒՆ ՄԵԶ, չի կրցա ա՛փսոս հանդիպիլ միայն տաք հատ անշահախնդիր, անփառասեր ու աննախանձ մարդու:

Որովհետև գրագետ, բանաստեղծ, փիլափիր, թատերագիր և մանավանդ լրագրող ու խմբագիր շատ ունեցար, բայց պատմագիր երբեք չունեցար: Որ անաչառ, անկաշառ և անվերապահ գրչով քննադատական վերլուծումը ըներ ՎԱՐԱԳՈՒՅՐԻՆ

ԵՏԵՎ ԹԱԲՆՎԱՍ ԵՆԲԲԻՆ ԻՐԱԿԱՆ ՔՈՒ ԿՅԱՆՔԻԳ, և ցույց տաք իսկապես շարժառիթները քու շարունակական դժբախտություններուդ...

Քա՛մի դերակատարներն միշտ նույններն են, և քանի ազգային քաղաքականության հիմք և ուղղությունը ՄԻԾՏ ԱՆԽՈՐՀՈՒՐԴ ԱՐԿԱՅՄԱՆԻՐՈՒԹՅՈՒՆՆ Է, ինչպես և իրար ջլատող, իրար հակասող և իրար խաչաձևող ԳԱՂՏՆԻ ՆԱԽԱՆՁՈՑ ԳՈՐԾՈՒՆԵՆՈՒԹՅՈՒՆՆ Է. դու մ փրկվելիք չունիս...

Եթե այս սվյալներով բախտավոր վիճակի մը հասնեիր, ես այն ատեն պիտի գարմանայի...

Ինչպես ըսի, պատմագիր մը ունեցար, զի ապերախտ պաշտոն էր ժամանակակից հայ պատմությունը ճշմարտությամբ գրել քողածածկ իր գաղտնի փուլերով... ու ամենքին հետ ցեշ մարդ ըլլալ...

Իսկ քու ղեկավարներդ, առանց դասակարգի, աստիճանի և կուսակցական խտրության, աներկյուղ կերպով գործեցին, առանց վախճալու պատմության պատասխանատվությունն, քանի որ պատմություն չունեիր... ուստի և ապագա հայ սերունդներու անեծքն սարսափելու երկյուղ երբեք չունեցան...

Բայց եթե քու այսօրվան ղեկավարներդ կը հեզեն ու կը ծաղրեն պատմությունը. ՄԵԶՄԵ ՎԵՐԶ ՋՐՀԵՂԵՂ ԸՍԵԼՈՎ. այն ատեն հայ ժամանակակից պատմագիրն ալ զիրենք պիտի հեզեն ու ծաղրե, և զամե պատմության անարգության պյունին, առանց խնայելու ոչ ոքին...

ՈՏՔԻ ԿԱՆԳՆԵ ԵՎ ԶԳԱՍՏԱՑԻՐ ՀԱՅ ԹՈՂՈՎՈՒՐԴ, ԱԼ ԿԸ ԲԱՎԵ ՈՐՔԱՆ ԽԱԲՎԵՑԱՐ, գոնե այսքան կյանքի, ինչ-էի մարդկային պատմության մեջ չարձանագրված անլուր գոհաբերությունները վերջ, ամեն ով որ ա՛խ հայրենիք, կե՛ցցե Հայաստան կ'ըսե՛ ու քու անունովդ կ'երդնու՛ քեզի փրկիչ մի ճանչնար, և իբր հայրենիքի հերոս մի ծափահարեր ու մի պանծացներ...

Որովհետև սուրբան Աբդուլ Համիդի ահավոր և արյունոտ բռնակալության շրջանին (1895—1908) քու անունը կրող մեծ ու փոքր շատ դավաճաններ ճանչցա, որոնք հետո 1908-ին, թորք պիսակ սահմանադրության անմիջական վաղորդայնին, կարմիր դրոշակը գրկած, սանձարձակ ազատությունն գիտովցած ժողովրդական խանդավառ թափորներու սուշենն քալեցին, իբր սահմանադրական ռահվիրաներ...

Ինչո՞ք էս ըստ՝ ԱՆ ԿԸ ԲԱՎԵ ՈՐՔԱՆ ԽԱԲՎԵՑԱՐ, ԹՈՂ ԿՐՔԻ ԵՎ ԶԳԱՑՈՒՄԻ ԲԱՂԱՔԱԿԱՆՈՒԹՅՈՒՆԸ: ԵՂԻՐ ՎԵՐԱՊԱՀ ՈՒ ԽՈՐՀՐԳԱՊԱՀ: ԱՆՀԱՏԱԿԱՆ. ԹԵ ԱԶԳԱՅԻՆ ԱՄԵՆ ԾՐԱԳԻՐՆԵՐԴ ՈՒ ՄՏԱԾՈՒՄՆԵՐԴ ԴԵՄԻՆԻԴ ՄԻ ՀԱՅՏՆԵՐ: ԶԱՏԵ ԱՐԺԱՆԱՎՈՐԸ ԱՆԱՐԺԱՆԵՆ: ԿԱՎԵ ԱՐԶԱՆՆԵՐՈՒ ԵՐԿՐՊԱԳՈՒԹՅՈՒՆ ՄԻ ԸՆԵՐ: ԱՄՈՒՐ ՓԱՐԵ ԲՈՒ ԲԱԶՄԱԴԱՐՅԱՆ ՀԱՅՐԵՆԻՔԻԴ, ԿՐՈՆԻԴ ԵՎ ՀՈՅԱԿԱՊ ԼԵԶՎԻԴ, ԲԱԶՄԱԾՆՈՒԹՅԱՄԲ ՇՈՒՏՈՎ ԼԵՑՈՒՐ ՀԱՐՅՈՒՐ ՀԱԶԱՐԱՎՈՐ ՄԵՌԵՆՈՂ ԶԱՎԱԿՆԵՐՈՒԴ ՏԵՂԸ: ԵՎ ՄԻ ԿԱՍԿԱԾԻՐ ՈՐ ԲՍԱՆԵՎՀԻՆԳ ՏԱՐԻ ՎԵՐԶ, ՓՈՔՐ ԱՍԻՈ ԵՎ ԿՈՎԿԱՍԻ ՄԻԶԵՎ, ԿԵՆՍՈՒՆԱԿ ՆՈՐ ԲՈՒՂԱՐԻԱ ՄԸ ՊԻՏԻ ԸԼԼԱՍ ԱԶԱՏ ՈՒ ԱՆԿԱՆ, ՎԵՐՔԵՐԴ ՍՊԻԱՑԱԾ, ՀԱՐԳՎԱԾ ԴՐԱՑԻՆԵՐԵԴ ԵՎ ՄԵԾ ՈՒ ՓՈՔՐ ԲՈՂՈՐ ՕՏԱՐ ՊԵՏՈՒԹՅՈՒՆՆԵՐԵՆ:

Բա՛վ է որ աշխարհի հիացնող ցեղային անհատապաշտ անձնական արժանիքների ի հայտ բերել փութաս հետ այսու ևս ՀԱՎԱՔԱԿԱՆՈՒԹՅԱՆ ՄԵԶ, իբր պետություն ունեցող ազգ:

Այո՛, ապագան քուկդ է, բա՛վ է որ փոխանակ բարոյալքվելով քու կորուստդ պատրաստելու և թշնամիիդ չ՛կրնալ ըրածը դու ինքնին ընելու ԱՆԶՆԱՎՍՍԱՀՈՒԹՅԱՄԲ ՄԻՇՏ ԱՌԱՋ ԲԱՆԵՍ: Ես հիացող մըն եմ քու ՍՏԵՂԾԱԳՈՐԾՈՂ ՈՒ ՇԻՆԱՐԱՐ ԱՇԽԱՏԱՆՔԻԴ ՈՒ ՑԵՂԱՅԻՆ ՀԱՏԿՈՒԹՅՈՒՆՆԵՐՈՒԴ, անցյալ պատմությունդ ասոր վկա է, օ՛ն, վաղվան պատմությունդ ալ թող վկա ըլլա ասոր:

Հա՛պոն ապագան քուկդ է, անվախ, առաջ քալե:

30 օգոստոս, 1922
ՄԱՆՁԵՍՏՐ

ԳՐԻԳՈՐԻՍ ՎԱՐ. ՊԱՆՔՅԱՆ

Ա. Մ Ա Ս

1914 հուլիսին մինչև 1914 հոկտեմբեր

ԲԵՈՒԻՆ
ՊԱՏԵՐԱԶՄԻ ՆԱԽՈՐՅԱԿԻՆ

Սարակոյի մեջ սերբ պատանիի մը կողմն Ավստրո-Հունգարական գահաժառանգ Ֆերդինանտին սպանման օրեն սկսյալ արդեն եվրոպայի քաղաքական մթնոլորտը շփազանց մթազնած էր: Երբ Ավստրո-Հունգարիո կողմն աննախընթաց խստությամբ և անընդունելի պայմաններով խմբագրված 48 ժամվա վերջնագրին, Սերբիա անգոհացուցիչ պատասխան տվավ, 1914 հուլիս 25-ին և Ավստրիա պատերազմ հայտարարեց ընդդեմ Սերբիո:

Վերջապես պայթեցավ համեվրոպական այն ահավոր պատերազմը, որ կը սպասվեր երկար տարիներեն ի վեր, և որ մարդկային պատմության մեջ հավիտենական արատ պիտի մնա եվրոպական համբավյալ քաղաքակրթության:

Բեռլինի գլխավոր պողոտաներուն և ի մասնավորի Ունթըրտեն-Լինտընի մեջ (Կայսերական Պալատեն ուղեգիծ մինչև Բլրանդըն բուրգիշըն Թոռ երկարող Բեռլինի ամենամեծ պողոտան) ժողովուրդը մեծ խանդավառություն ցույց կու տայ: Ընդհանուր տպավորությունը սա էր, թե Ռուսիա պիտի չկարենար պարզ հանդիսատես ըլլալ Ավստրո-Հունգարական-Սերբիական պատերազմին: Մեծ վաճառատուններու ապակեփեղկերու մեջ, կողք կողքի ցուցադրված էին Վիլհելմին և Ֆրանց-Յոզեֆին մեծադիր յուղաներկ նկարներ: Ամենուրեք կը ծածաներ ավստրո-հունգարական դրոշը գերմանականին հետ: Իսկ գիշերը մեծ եռուզեռ կար Բեռլինի բոլոր մեծ փողոցներուն մեջ:

Պատերազմի հայտարարության երկրորդ օրը 26 հուլիս կի-

րակի ըլլալով, անցուդարձը խափանելու աստիճան բազմությունը մեծ էր Ունթըր-դեն-Լինտըն, Տրիդըրիհշթրասն մինչև Լայքցիզըրը ըջթըրասն ու Պոցտամըրպլաց: Մեծ օրաթերթերու հավելվածական հարյուր հազարավոր թուղթիկ օրինակներ ձրի կը բաժնվեին ժողովուրդին, նպատակ ունենալով գերման ժողովուրդին միտքը պատրաստել առաջիկա պատմական մեծ դեպքերուն:

Մայրաքաղաքին բոլոր օրաթերթերը, առանց կուսակցական խտրության, կը պաշտպանեին իրենց զինակցին բոլոր տեսակետները, ի հարկին զինակցի պարտականությունները սիրահոժար կատարելու հաստատ և բացահայտ հայտարարությամբ: Միայն գերման ընկերվարական (սոցիալ-դեմոկրատ) կուսակցության օրգան «Տորվերց»-ն էր, որ չէր պաշտպաներ Ավստրո-Հունգարիո դատը, և բացարձակապես հակառակ կ'արտահայտվեր պատերազմին: Մայրաքաղաքին բոլոր օրաթերթերը՝ եթե ոչ դեռ սպառնական, գոնե ծանր և կծու լեզու մը կը գործածեին Ռուսիո դեմ հայտարարելով որ Սարաևոյի ոճրին գաղտնի թելերը Բելգրադի մեջ փնտրելի ավելի, պետք էր Պետերբուրգի մեջ որոնել:

Կիրակի գիշերը՝ Բեռլինի գլխավոր շենքերը ճոխ լուսավառություն ըրին, և ժողովուրդը ռազմաշունչ տրամադրությամբ մը ոգևորված, ամբողջ գիշերը խինդ ու խնձիղի մեջ էր առանց որևէ մտահոգության:

Բեռլինի մեծ ու փոքր բոլոր թերթերը 27 հուլիսին արդեն սպառնական լեզու սկսած էին գործածել Ռուսիո դեմ: Բացահայտորեն հայտարարելով, որ Ավստրո-Հունգարական-Ռուսական պատերազմի մը պարագային, Գերմանիա պիտի փութար հավատարմորեն կատարել զինակցի իր սրբազան պարտականությունը: Մայրաքաղաքին ժողովուրդը՝ արդեն սկսած էր անխուսափելի նկատել պատերազմը ընդդեմ Ռուսիո: Իսկ կառավարական օրգաններն, ի գլուխ ունենալով «Նորտ-Ռոյչե-Ալկեմայնե-Յայթունգ պաշտոնական մեծագույն օրաթերթը, արդեն սկսած էին հող պատրաստել, պատերազմի մը պարագային պատասխանատվությունը Ռուսիո վրա ձգել կարենալու համար:

Բեռլինի ընկերավարական կուսակցությունը, հուլիս 28-ին երեկոյան ժամը 8 1/2-ին կազմակերպած էր պատերազմի դեմ հսկա միտինգ մը մայրաքաղաքին 27 տարբեր ժողովատեղի-

ներու մեջ միանգամայն: Գերման ժողովուրդին կազմակերպված աշխատավոր դասակարգին հոգեբանությունը և մտայնությունը մոտեն ուսումնասիրելու պատեհագույն այս պատմական առիթը շուգելով ձեռքե հանել, նույն օրը որոշյալին կես ժամ առաջ, կ'երթամ բնակարանիս շատ մոտիկ Շարլոթենբուրգի ժողովրդային տունը «Ֆոլքսհաուզ» կոչված մեծ ժողովատեղին: Արդարև տեսարանը տպավորիչ էր, զի այդ մեծ ժողովատեղին, իր բոլոր հարակից սրահներովն ու պարտեզովը արդեն զրավված էր տասնյակ հազարավոր բանվոր դասակարգի երկսեռ ժողովուրդին: Ամենքն ալ տոնական զգեստով եկած էին, ոչ մեկ գինով և ոչ մեկ աղմուկ կը լսվեր, խորհրդավոր լուսթյուն մը կը տիրեր ամենուրեք: Օրվան պատմական պատասխանատվության գիտակ ամեն բանվորի դեմքին վրա, կը կարծեմ կարդալ վերահաս ահավոր վտանգի մը մղձավանջը:

Ինչպես 26 մյուս ժողովատեղիներուն մեջ, նույնպես և հոս կարգախոսը նույն էր, ՀԱԿԱՌԱԿ ԱՐՏԱՀԱՅՏՎԵԼ ՊԱՏԵՐԱԶՄԻՆ: Ռալխսթագի (գերման պառլամենտը) ընկերավարական ճառախոս անդամին արտահայտած մտքերու ամփոփումը հետևյալն էր:

«Մենք պատերազմ չենք ուզեր, որովհետև ներկա դարուն մեջ եվրոպական քաղաքակրթության այսպիսի պատերազմ մը նախատինք է: Որուն ամբողջ ժանրությունը պիտի կրենք մենք աշխատավորներս, հալալ քրտինքի արյունաքամ բանվորներս: Մենք աշխատավոր ժողովրդյան հոժ զանգվածն ըլլալով, չենք ներեր որ դրամատերները և զինագործարաններու մեծ գործարանատերերը մեզ շահագործեն և մեր դիակներուն վրա կոխոտելով իրենց նոր միլիոններ ապահովեն: Ո՛չ, մենք պետք չունինք պատերազմի և ինչո՞ւ պատերազմինք, որպեսզի Ավստրո-Հունգարիա անկախ փոքրիկ Սերբիա մը անպատճառ հաջողի ընկճել: Մենք չենք ուզեր գործիք ըլլալ Ավստրո-Հունգարիո տարիներ ի վեր Բալկաններու մեջ հետապնդած արկածախնդիր քաղաքականության: Որչափ ալ Սերբիա փոքր ու տկար ըլլա, իբր անկախ և արժանապատվություն ունեցող ազգ, մի՞թե կրնա ընդունիլ պայմաններ, որոնք Ավստրո-Հունգարիա ինքն իսկ՝ կը տկարանա իր երկրին մեջ գործադրելու: Մենք պատերազմ չենք ուզեր և չենք կրնար գործիք ըլլալ Ավստրո-Հունգարիո, որ դատապարտել և պատժել ուզելով Սա-

րակոյի ոճիրը, ինքն ալ մեծագույն եղեւնը կ'ուզե գործել, մեկ անձի մը մահվան փոխան, ամբողջ Եվրոպան ենթարկելով համատարած պատերազմի մը աննախընթաց արհաւիրքներուն ու նախճիրներուն:

Ամեն կողմն աղաղակներ կը բարձրանային, «անկցի պատերազմը, կե՛ցցե համաշխարհային խաղաղությունը և աշխատավոր ժողովուրդներու եղբայրությունը: Այո՛, մենք հակառակ ենք պատերազմի և համակիր ենք այն հարլուհագարավոր բանվորներուն, որոնք Պետերբուրգի մեջ բողոքի ցույցեր կ'ընեն պատերազմին դեմ մեզի պէս: Մենք ատելություն չունինք ֆրանսացի ժողովրդին դեմ, որ բաժնեկից է մեր զգացումներուն և մեր մտածումներուն»:— Պառլամենտի ճառախոս ընկերվարական անդամը ապա սկսավ ծանր ամբաստանութիւններ ընել զենքի մեծ գործարանատերերու, դրամատերերու և զորապաշտ կուսակցութեանց և զինվորականութեան հասցեին: Ապա իսկույն խմբագրվեցավ պատերազմի դեմ բողոքի բանաձև մը, հղելու համար գերման վարչապետ Պետման-Հոլվեկի և Պրուսելի միջազգային ընկերվարական բյուրոյին: Մինչ նույն պահուն գիտակցաբար համեցող ոստիկանական սպաները, սրահ մտնելուն սուվեցան ժողովուրդին կողմն: Ժողովրդային այս հավաքույթը լրացած ըլլալով, կատարյալ կարգապահութեամբ վար իջանք փողոց, ուր տեսարանը ավելի տպավորիչ էր: Զի ավելի քան 15.000-ի հասնող աշխատավոր ժողովրդայն բազմութիւն մը, որ լրջութեամբ ունկնդիր եղած էր «Ժողովրդային տան» տարբեր մեծ սրահներուն և ընդարձակ պարտեզին մեջ շորս ճառախոսներու, միացած և թափոր կազմած զինվորական հանդիսավոր գնացքով և կարգապահութեամբ կը առաջանային Բեռլինի ամենամեծ պողոտաներէն Բիսմարկ փողոցեն դեպի Թիր-Գարդըն: Նպատակ ունենալով օրվան գաղտնի կարգախոսին համաձայն, ուղղվիլ դեպի կայս. դոյակ, ուր ժամադիր եղած էին հավաքվելու 27 տարբեր ժողովատեղիներու մեջ հավաքույթին մասնակցող ավելի քան 150.000—200.000-ի հասնող Բեռլինի ընկերվարական կազմակերպված աշխատավորութիւնը:

Բայց բռնապետ և զորապաշտ Գերմանիո հավատարիմ գործակալները, ինչպես հեծյալ, հետևակ և հեծելանվոր ոստիկանները և ոստիկան զինվորները, եկած էին Բիսմարկ շտրասե, Քուրֆյուրսթրնտամ և Քանթ շտրասե մեծ պողոտաներու միա-

ցյալ վայրը, և երկաթե շղթա կապած իրենց անձերով ու ձիերով կ'ուզեին ցրվել ժողովուրդը, որովհետև խաղաղություն կ'ուզեին և ոչ պատերազմ...

Սակայն հակառակ ոստիկանական ամենաշալուրջ զայիչ միջոցներու, դարձյալ 60.000—70.000-ի մոտ աշխատավոր ժողովուրդ, կողմնակի ճամփաներ հասան կայսերական պալատ և պատերազմի դեմ ցույցեր ըրին, երգելով «Ինտերնացիոնալը»: Իսկ կայսրը, կանխավ իրազեկ այս ամենին, խոհեմութիւնը ունեցած էր նույն օրը արշալույսին հետ մեկնելու երկաթուղով մեկ ժամ հեռու հին արքայանիստ քաղաքը Պոտսդամ:

Տպավորութիւնս. արդարև խոր եղավ, զի օսմ. սահմանագրութեան վաղորդային, թեպետ իսլամ ժողովրդի ցույցերուն և թափոններուն ակնատես եղած էի, սակայն ոչ մի բաղդատութեան եզր կար երկուքին մեջ: Պոլսո մեջ եղածը իսթամուլ ամբոխի հիմար ցույց մըն էր, իսկ Բեռլինինը գիտակից լրջութեամբ մը կատարված պատկառելի ցույց մը: Առաջինը իբր զավեշտ՝ ծիծաղը կը շարժեր ակնատեսին, իսկ վերջինը գերմանատյաց օտար ակնատեսներու իսկ հարգանքին ու համակրանքին արժանացավ:

Բեռլինի աշխատավոր ժողովուրդը՝ ի մի հավաքված էր հանդարտութեամբ և պաղ արյամբ տոնելու ԽԱՂԱՂՈՒԹՅԱՆ ՎԵՆՃԱՔԱՆՍՈՆԸ: Եթե շնորհիվ ռազմասեր և դրացի երկիրներու ավերակներու վրա իշխելու միայն հետամուտ արկածախնդիր կայսեր մը շնորհիվ ապարդշուն մնացին աշխատավոր ժողովրդին խաղաղասեր ջանքերն, հանցանքը իրենց չէր: Ինչպես ապագա եղբրական և եղեռնական դեպքեր եկան իրավունք տալ արդար քրտինքով ապրող ժողովրդին և ոչ թե զորապաշտ քամարելլային:

Կյանքի պայքարի ծանրագույն բեռը կրող և նվազագույնս վայելող աշխատավոր այս ժողովրդին մեջ, ավելի ողջմտութիւն և հեռատեսութիւն գտա, քան Գերմանիո և Ավստրո-Հունգարիո նախարարներուն և պետական վարիչներուն մոտ: Այս տողերը ըլլալով արտատպութիւն մը 1914-ի Ծանթին մեջ—տես թիվ 60 մինչև 82—12/25 սեպտ.— 4/17 հոկտ.— անստորագիր իմ գրած հաջորդական հոդվածներուն «Հայու մը Բեռլինյան Օրագիրը, Եվրոպական Պատերազմի առթիվ, ի միջի այլոց այն ատեն գրած էի հետևյալ տողերը բառացի.

«Հեռու չէ այն օրը, երբ պատերազմի վաղորդայինն այս

աշխատավոր դասակարգը կը թվի մեծագույն դերակատարն ըլլալ ԶԱԽԶԱԽՎԱՍ Գերմանիո ներքին մեծ հեղաշրջման և վերածննդյան, բոլորովին նոր կազմով և նոր հիմքերու վրա... Զի փոխանակ աղետներ վերջ միայն սթափելու, կանխապես ըսին ու ըրին՝ ամեն ինչ, Գերմանիո երկնքեն հեռացնելու համար գերման ցեղին դեմ համաշխարհային ատելութեան մը սև և վտանգավոր ամպերը, և իրենք պատասխանատու չեն, եթէ լսող շունեցան...: Գերմանիո մեծանուն երկաթյա վարչապետը Բիս-մարկ սխալած չէր, երբ գերման «Իմպերիալիզմին» դեմ մեծագույն վտանգը գերման ընկերավարականները համարած էր, որոնք այսօր արդեն Ռայխսթագին մեջ 111 ներկայացուցրչ ունին, ե՛վ ՈՐ ՎԱՂՎԱՆ ԳԵՐՄԱՆԻՈ ԻՐԱԿԱՆ ԳԵՐՄԱՆԱՆՆԵՐՆ ՊԵՏԻ ԸԼԼԱՆ ԱՆՇՈՒՇՏ (տես. Շանթ Թիվ 62, սեպտ. 14/27):

Այսօր երբ կը գրեմ այս տողերը, 6 տարի վերջ, արդեն իրականութիւն են վերեւի կանխատեսութիւններս:

Բեռլինի բոլոր թերթերը, հաշորդ օրը 29 հուլիս արձագանգ կ'ըլլային այդ խաղաղութեան հսկա ցուցցերուն, հակազգային նկատելով զայն!!!: Միայն ընկերավարականներու մեծագույն կենտրոնական օրգան «Տորվերց» էր, որ տալով այդ խաղաղութեան ցուցցերու բոլոր մանրամասնութիւնները, նախատալից լեզու մը կը գործածէր ոստիկաններու շահատակութեանց դեմ:

Թեպետ հակաընկերավարական և ազգայնամուլ, ինչպես նաև զորապաշտ ու կայսերապաշտ խմբակցութիւններ, հակացուցցեր կ'ուզէին պատրաստել, հակակշռել ուզելով այդ ցուցցերը, սակայն բարեբախտաբար դպրոցական պատանիները պատ իրենց հետևորդ շունեցան:

Այս ժամանակ՝ արդեն երեք կայսրներու միջև հեռագրական տենդոտ բանակցութիւն կը կատարվեր միջնորդութեամբ Անգլիո թագավորին: Անգլիո արտաքին գործոց նախարարին համաձայնութեան մը ազնիվ առաջարկը, հեզնութեամբ ընդունվեցավ Բեռլինի մեջ: Երբ գերման զինվորական կուսակցութիւնը և համագերման դաշնակցութիւնը գլուխ ունենալով կայսրը, սկսան գաղտնի ամեն միջոց ի գործ դնել, մեկ կողմեն վիժեցնելու համար խաղաղասիրական ամեն ձեռնարկ, իսկ մյուս կողմեն գրգռելու համար գերման ժողովրդին պատերազմասեր վայրագ զգացումները:

Գերման մայրաքաղաքին բոլոր օրաթերթերը սկսած էին արձագանք ըլլալ Ռուսիո զորահանութեան: Նույնիսկ կ'ըսվեր,

թե... Գերմանիո: և Ավստրո-Հունգարիո սահմաններուն վրա: Ռուսիա արդեն սպառնական դիրք բռնած էր, և ընդհանուր կարծիքը հուլիս 31-ին սա էր, թե այլևս պատերազմը անխուսափելի էր:

Գերման ժողովուրդին ամբողջ ցասումը Ռուսիո դեմ էր, մինչ ընդհակառակը Ֆրանսայի դեմ թշնամական հայտնի զգացում մը չէր երևեր: Գերման կառավարութիւնը իր գաղտնի գործակալներուն միջոցով սուտ լուրեր կը տարածայնէր, թե ոռու գաղտնի լրտեսներ Գերմանիա եկած են կայսրը սպաննելու, կամուրջները օդը հանելու, թե Ավստրո-Հունգարիա և Գերմանիա գաղտնի ոռու գործակալներով ողողված է, թե Սարակոյի ոճիրը Ռուսիո թելագրութեամբ եղած է, պատրվակ գտնելու համար Ավստրո-Հունգարիո վրա հարձակելու և դեռ այս կարգի հերյուրածո և ստապատիր լուրերով ամբողջ կը գրգռէին, հող պատրաստելու համար հաշորդ օրն իսկ քաղաք պատերազմի պաշտոնական հայտարարութեան:

Քաղաքակիրթ ամբողջ մարդկութեան ճակատագիրը՝ միայն գերման կայսեր շրթներեն կախված էր: Իսկ առ, տիեզերակալներու հատուկ հաղթութեան վայրագ երազներով տարված, չէր ուզեր կանխատեսել համատարած թշնամութիւնը միլիոնավոր ժողովուրդներու, որոնք միայն իր ամենհի թնդանութեան մասի կեր կը նկատեր...

Սվրոպական ժողովուրդները՝ խաղաղութեան վերջին գիշերը կը լուսցնէին, 1914 հուլիս 31-ին անգիտակ այն ահավոր սուզին. որ վաղը՝ կայսերական պալատներեն մինչև գլուխական հետին հյուղակներն բռնադատյալ պիտի կրին. ի գին երեսուն միլիոն զեպի սպանդ առաջնորդված անմեղ ժողովուրդներու եղբրական մահվան:

2.

ԲԵՌԼԻՆ ՊԱՏԵՐԱԶՄԻ ՎԱՂՈՐԴԱՅՆԻՆ

Համալսարանական վեցամսյայի 1914-ի վերջին օրն էթ. Երբ իբր աստվածաբանութեան ուսանող, ըստ սովորութեան 1 օգոստոս շաբաթ առավոտ գնացած էի Բեռլինի համալսարան-2-Հայ Գողգոթան

րանը ունկնդրելու հռչակավոր պրոֆ. Հառնագին, որ առաջին ժամուն դասախոսն էր, և ապա պիտի սկսեր ուսանողներու այն-քան սիրական տարեկան արձակուրդը:

Սակայն պրոֆ. Հառնագ փոխանակ սկսելու իր դասախոսությունը, ռազմաշունչ խանդավառությամբ մը սկսավ բանախոսության, հայտարարելով որ մեկ երկու օրվան մեջ անխուսափելի պատերազմը պիտի հայտարարվի:

Հետևապես ինք կը սպասե որ գերման ուսանողությունը իր պատվո տեղը գրավե պատմական այս պատերազմի մեջ, որը դրացի նախանձորդ ազգեր կը բռնադատեն գերմաններուն մղել, ոչնչացնելու համար գերման քաղաքակրթության հետ նաև Գերման ժողովուրդը: Աշխարհահռչակ գերման նշանավոր այս գիտնականը, մոռնալով իր գիտնականի խաղաղ հանգամանքը, սահմանապահ զորավար մը հանկարծ դարձած էր, որ իր զորքերն իբր թե դեպի ռազմաճակատ պիտի մղեր: Մեկ րոպեի մեջ դասասարահը, ուր ավելի քան 800 երկսեռ ունկնդիրներ փութացած էին լսելու պրոֆ. Հառնագը, հանկարծ ռազմաճակատի փոխված էր. և գերման երիտասարդներու արյունը եռ կու գար արդեն դրացի ժողովուրդներու բոցավառ վրեժով: Պահ մը իրենց խանդավառության մոլեգնությանը մեջ, մոռցած էին, թե ամեն ազգե բազմաթիվ օտարականներ կային ունկնդիրներուն մեջ...

Ապա պրոֆ. Հառնագ կը փորձեր շարունակել իր դասախոսությունը, սակայն արդեն ամեն ոք պատերազմաշունչ խանդավառությամբ մը մտիկ ընել չէր ուզեր, և կը մեկնեին տակավ: Զի Բեռլինի համալսարանը գտնվելով կայս. մեծ պողոտային—Ունթըր-տեն-Լինտրնի—վրա, հոն այգածագեն սկսյալ հետզհետե ստվարացող ամբոխը իր խժալուր աղմուկով արգելք կ'ըլլար որևէ լուրջ բնականոն աշխատանքի: Գերմանիո նոր ավետարանիչը և աշխարհահռչակ փիլիսոփան Նիցշե քարոզած էր թե Գոթթը Ու ԿԱՐԵԿՅՈՒԹՅՈՒՆԸ հոգեկան հիվանդություններ են... և բուն ուժի վարդապետությունը հռչակած էր իբր տիրական ազդակ գերման ներկա ու ապագա փառքին ու մեծության:

Այս ոգով դաստիարակված էին Նիցշենն ի վեր եկող բոլոր սերունդները: Պրոֆ. Հառնագ ևս հավատարիմ հետևորդ մը Նիցշեական այս կործանարար վարդապետության. գերման համալսարանական ուսանողությունը կ'ուզեր մղել դեպի ռազ-

մաճակատ, քանի որ ժամանակը եկած էր «Deutschland, Deutschland über alles!» ոչ թե միայն երգելու, այլ նաև գործադրելու...

Հազիվ համալսարանեն դուրս եկած, արդեն հարյուր մետրե ավելի լայնք ունեցող պողոտան, կը տեսնեի խուռնամբոխ ժողովրդային հոծ դանդաղներե այնպես պաշարված, որ հնար չէր որևէ անցուդարձ ընել, բացի զինվորական ամեն աստիճանի սպաներե, որոնց հարգանքով և կեցցե (հոխ) աղաղակներով ողջունելով ճամփա կու տային:

Բոլոր մեծ վաճառատուններու ցուցափեղկերուն մեջ ցուցադրված էին 1870—1871-ի գերման հաղթական երկու մեծ զորավարներուն Բիսմարկի ու Մոլթթեի յուզաներկ մեծ նկարները: Ժողովրդային ծովածավալ բազմություն մը ամբողջապես գրաված էր կայս. դրյակի, Բեռլինի Մայր Եկեղեցվո (Տոմ) և թանգարաններու հսկա հրապարակը:

Պատմական այս աննախընթաց օրերու իսկական արժեքին գիտակ, հանձն առնելով ամեն տաժանք ջանացի մոտենալ կայս. պալատան Մայր Եկեղեցվո հանդիպակաց մեծ պատշգամին, ուրկե կ'ըսվեր թե կայսրը պիտի ընէր նույն օրը պատերազմի պաշտոնական հայտարարությունը:

Ժողովուրդը հաճախ կ'աղաղակեր «մեր սիրելի կայսրը տեսնել կ'ուզենք»: Վերջապես շորսուկես ժամ՝ սպասելե վերջ մեծ պատշգամին վարագույրները հուսկ ուրեմն բացվելով, երևցան կայսրն ու կայսրուհին, պալատական թիկնապահներե շրջապատյալ իբր նոր իմն նապոլեոն: Իսկույն այդ հարյուր հազարե ավելի մարդկային միազանգված ամբոխին մեջ գերեզմանական լուռություն տիրեց. զի ամենքն ալ երկար ժամերե ի վեր անձկանոք կը սպասեին լսելու համար իրենց կայսրը, որը գերման ժողովուրդին հայրենասիրության միջնաբերդն էր, և ամեն գերմանացի կը հավատար, թե եվրոպական ժողովուրդներու ճակատագիրը միայն իրենց ամենազոր կայսրեն կախյալ է... Կը կարծեմ թե եթե մի արասցե հաղթական ելած ըլլար, հին հռովմեացիներու պես եթե ոչ աստվածոց, գոնե սրբոց կարգը պիտի դասվեր իր ժողովուրդին:

Կայսրը հստակ և բամբ ձայնով ըսավ հետևյալը. «Ես ըրի կարելին պահպանելու համար խաղաղությունը, բայց մեր նախանձորդ դրացիները, անցնելով մեր սահմանները, ոտնակոխ ըրին հայրենի մեր սուրբ հողը:

Կրօններն ցարդ եղած կրթութեան քաղաքացիները (ակնարկուելով ընկերակցականներու). առանց կուսակցական և դավանական խտրութեան, գերման ազգը իբր մեկ մարդ պետք է կանգնի մղելու համար այն ճակատագրական անխուսափելի պայքարը, որ մեր թշնամիները մեզ դեմ կը մղեն, մեզ փշացնելու միակ նպատակով:

Սուրս, որ ավելի քան 25 տարիներ հանուն և ի սեր խաղաղութեան վար դրած էի, այսօր կը քաշեմ պատշանեն, և մինչև որ չհաղթեմ շախտի դեմ պատշանը:

Դեհ գնացեք վաղը եկեղեցի, և ծնկաչոք աղաչեցեք մեր Աստուծան, արագ հաղթանակներ մեր գինուց հաջողութեան համար»:

Հարցուր հազարավոր շրթներն որոտագոչ հուռաներու և հոխերու խժալուր աղմուկով կը թնդար հսկա մայրաքաղաքը, և ծովածավալ ժողովուրդը ալետատան, տակավ կը ցրվեր երգելով իրենց երկու ազգային սիրական երգերը «Դոյչլանդ, Դոյչլանդ ուրի ալես» այսինքն Գերմանիա գերիվեր քան զամենքն, և «տի վախթ ամ Ռայն» Հրոենոսի պահակը:

Քաղաքակիրթ մարդկութեան մահալճիռն էր, որ հայտարարած էր նոր ժամանակի աս Կալիկուլան, առանց մտաբերելու՝ թե այդ անմեղ արյան նախճիրին մեջ պիտի խեղդվեր և ինք և իր ռազմատենչ ժողովուրդը: Եվ իբր փորձ ամբոխավար, կը խաբեր ճշմարտութեան անգիտակ ժողովուրդը, հավատացնելով, որ թշնամիները իրենց հողը մտած են, մինչդեռ ինք էր որ արդեն հանկարծակի մտած էր անմեղ Պելճիքայի հողը:

Ժողովուրդը կիրակի օրը, տարվելիք ապագա հաղթանակներն արդեն գինովցած խինդ ու խնժիղի մեջ անցընելի վերջ, հաջորդ օրը ավելի պաղ արյամբ վերլուծելով իրերու ծանրակշիռ հավանական հետևանքները, խուժած էր խնայողական դրամատուններու վրա, իր պահեստի գումարները պահանջելու համար:

Պատերազմի հայտարարութեան երկրորդ օրն իսկ արդեն ամեն սննդեղեն սղած էր և մեջտեղեն անհայտացած:

Արդեն երկրորդ օրն ազդասյուններու վրա զորածողովի կարմիր ազդերը փակցված էին և ընդհանուր կարծիքը սա էր, թե 7 օրվան մեջ 5 միլիոն զինվոր կազմ և պատրաստ արդեն պիտի կրնային խուժել դրացի թշնամի երկիրներն ներս, ավելով առաթուր ամեն արգելք:

Կիրակի 2 օգոստոս «Նորու-Դոյչէ-Ալկեմայնե-Յայթունգ» գերման պաշտոնական բեռլինյան օրգանը, հրատարակած էր Ռուսիո դեմ պատերազմի սկսելու հայտարարութեանը, միանգամայն ծանուցանելով, թե կայսրը ընդհանուր զորահանուրթեան հրաման հանած է: Իսկ բեռլինյան մեծ ու փոքր բոլոր թերթերը արյան հնոցին մեջ փայտ կը նետեն սուտ լուրեր հրատարակելու մեջ իրար գերազանցել ճգնելով: Գերման ժողովուրդին հայրենասիրական խանդավառութեանը հրահրելու մտքը կը գրեին, թե օսմ. կառավարութեանը զորածողով հրամայած է..., իբր թե Կովկասի մեջ մեծ ապստամբութեան մը պայթիւն է..., իբր թե Հնդկաստանի իսլամներն խլրտիլ սկսած են: Մինչդեռ այս լուրերը ստանալ հնարավոր չէր 24 ժամվան մեջ:

Իսկապես պատմական օր մը էր ամեն գերմանի համար 2 օգոստոս կիրակի օրը, երբ համաձայն կայսեր հանձնարարութեան, առավոտյան գերման բոլոր եկեղեցիներու մեջ հանդիսավոր պաշտամունք կատարվեցավ իրենց զենքի հաջողութեան համար:

Արդեն 9 1/2-ին Բեռլինի հարչուրավոր եկեղեցիներու մեծ ու փոքր բոլոր զանգակները ահավոր զանգուններով ժողովուրդը կը հրավիրեն «գոթեստինսթի»: Կերթամ որոշալ ժամանակն կես ժամ առաջ, բնակարանիս մտակա «Քայլըր-Վիլհելմ-Գետեճիս-Քրոնեն», որը Բեռլինի մայր եկեղեցին վերջ երկրորդ մեծ և հոյակապ եկեղեցին է, 150 մետր երկնաբերձ իր զանգակատունով, գոթիկ իր արտաքինով, ոսկե մոզայիկ ներքինով, հրաշալի տաճար մըն է իրավամբ, որ բոլոր օտար այցելուններու սքանչացման առարկա եղած է, կառուցված Վիլհելմ Բ-ի կողմն ի հիշատակ մեծանուն իր մեծ հոր Վիլհելմ առաջինի:

Արտաքին տպավորութեանը նույն օրվան արդարև պատկառազու է, զի եկեղեցվո հսկա հրապարակը առաջնորդող երկարածիզ և լայն պողոտաները, Քաունցիզըն շթրասե, Քանթ շթրասե և Քուրֆյուրսթըն Տամ, որոնք Շարլոթըն բուրգի մեծագույն անցուդարձի երակներն են, և կ'երկարաձգեն մինչև եկեղեցվո հրապարակը, ծովածավալ բազմութեամբ մը լեցված խափանած են ամեն անցուդարձ:

Իսկ եկեղեցվո մեջ, ուր կը հասնիմ մեծ ճիգով, սրբավայրի մը վեհաշուք հանդիսավորութեանը կը տիրի:

Տաճարին ներսը արևելակողմը, դրված է սյունազարդ մարմարյա կաթողիկեի մը ներքև Հիսուսի նույնպես մարմարյա

իրական մեծությամբ ձյունաթույր արձանը, որը հեթանոսական կուռքի մը ասպավորությունը կը թողու անվարժ մտքերու և աչքերու վրա, և որ գլխովին հակառակ է հին ու նոր կտակարաններու իսկական ոգվուն: Առջևը դրված են այդ ու ձախ երեքական մեծ աշտանակներ վառող մեծ մեղրամոմերով: Սեղանին երկու կողմը կան հավասարակողմ քառաթև արծաթյա խաչեր, իսկ ամբողջ տաճարը ողողված է էլեկտրական հարյուրավոր լապտերներու լույսով: Որոնց շանթարձակ ցուլքերուն ներքև կը փալփիին եկեղեցվո լուսամուտերուն հալոճապակյա Ս. Գրոց թանկարժեք պատկերներն և ոսկեհամուկ մոզայիքները:

Ձորահանության երկրորդ օրն ըլլալով, եկեղեցիին մեջ երիտասարդներ շեն երևիր, 21—35 տարեկանները արդեն աճապարած են պատասխանելու հայրենիքի զորակոչին: Եկեղեցվո բազմությունը՝ քառասունն անցուկ այրեր ու կիներ և օրիորդներ են, շատեր կուլան լոկի, արդեն բաժանման դատապարտված ըլլալով իրենց հեռացող սիրելիներեն, ո՞վ գիտե թերևս անդարձ...

Օրվան պերճախոս քարոզիչը, վերեն տրված կարգախոսին համաձայն, պատերազմաշունչ խոսքերով կը հրավիրե ժողովուրդը կատարելու իր պարտքը հանդեպ ոտնակոխ եղած հայրենիքին!!!: Ապա կայսեր հրամանին համաձայն և քարոզչին հրավերին վրա. ամբողջ ժողովուրդը ծունկի կու գա խաղաղության Աստուծան աղաչելու պատերազմի հաղթանակներ... Գերման բանակներու համար:

Մինչդեռ նույնպիսի հանդիսավոր կրոնական պաշտամունքներ կը կատարվին Պետերբուրգի մեջ ցարին ներկայության, և մասնակցությամբ բազմահազար ժողովրդյան, ուսս զինուց հաջողության համար...

Եկեղեցին հրապարակին վրա ևս, նույն հանդիսավոր աղոթքները նույն պահուն կը կատարվին և տասնյակ հազարավոր ժողովուրդ մեծ պողոտաներու «ասֆալտին» վրա, տրամվայներու գծերուն մեջ ծունկի եկած կ'աղաչեք հաղթանակներ գերման զինուց համար...

Ապա ժողովուրդը հայրենասիրական ծանոթ նախասիրած երգերով, կը ցրվեր կատարյալ անձնավստահությամբ իր վերջնական և արագ հաղթանակներուն հույսով:

Հաջորդ օրը 3 օգոստոս արդեն երկաթուղիները հատկացած

ըլլալով միայն զորքերու փոխադրության, հաղորդակցությունը իսպառ դադրած էր:

Ժողովուրդը կը սկսի հետապնդել մասնավորաբար ուսերը, զանոնք իբր լրտես ձեռքակալել տալով ոստիկանության, հաճախ շինայելով նաև զավագանի հարվածներ խեղճերուն գրեթե, որոնք, սակայն, անմեղ առևտրականներ էին միայն:

Առ ի հետաքրքրություն կը փութամ Շարլոթընբուրգի երկաթուղու կայարանը, գաղափար մը կազմելու համար, զորակոչին պատասխանելով Բեռլինեն իրենց վաշտերը մեկնող զինվորներու իրենց սիրելիներեն բաժանման մասին: Հարյուրավոր զինվորներ իրենց փոքրիկ կապոցներով եկած են կայարան վերջին հրաժեշտը առնելու իրենց ընտանեկան պարագաներին:

Ապաքեն հուզիչ է տեսարանը, խանդակաթ գիրկընդխառնումներ, անհատնում համբույրներ այրը իր կնոջմեն կը զատվի, հայր մը իր շափահաս զավակներեն, փեսան իր նոր հարսեն, երկու դեռատի նշանածներ իրարմե, միայն ամենքին բերեն մեկ բառ կը լսվի իբր բաժանման վերջին խոսք «աուֆ-վիտերզեհեն» ցտեսություն...

Ոչ մեկ արցունք, ոչ մեկ թախիծ, ոչ մեկ հառաչանք, այլ հրաժեշտ կ'առնեն իրարմե ժպիտով և կ'երթան սահմանազուլի ուրախությամբ, իբր թե խնջույքի կ'երթան, այնքան անձնավստահություն ունեին իրենց հաղթանակին վրա:

Կը հիանամ գերմաններու հայրենասիրության վրա, բայց կը ցավիմ այս երիտասարդ ուժերու վրա, որոնք կ'երթան անդարձ, չվերադառնալու համար հավիտյան...: Որովհետև ազգին պետերը սպանդ կը տանին զանոնք՝ իրենց փառքին ու շահուն համար...: Շատ երիտասարդ զինվորներ կ'երթան պատերազմի, խնդրելով իրենց սիրելիներեն, որ նվերի ծրարները չը մոռնան դրկել սա հասցեով «Սենթրալ-փոստակրոնդ Փարիզ» այսինքն Փարիզ կենտրոնական նամակատան ի պահ: Զի գնպի սպանդ առաջնորդողները զանոնք համոզած էին, թե զբոսական պտույտի մը պես սեպտեմբեր 2-ին Աետանի պատմական տարեդարձի օրն անպատճառ Փարիզ պիտի գտնվին...

Սակայն գերման կայս. մայրաքաղաքին ժողովուրդին հիասթափությունը մեծ եղավ, և խանդավառության շուտով հաջորդեց ընդհանուր մտահոգություն մը, երբ պատերազմի հայտարարության հինգերորդ օրը Անգլիա հանկարծ պատերազմ հայտարարեց Գերմանիո դեմ: —23—

Մյուս պատերազմներու հայտարարութեան առթիւ խանդավառովոյ ժողովուրդը շվարեցավ իր գլխուն անակնկալորեն պայթած ահաւոր այս ումբին ազդեցութեան տակ:

Որովհետեւ ո՛չ ոք կը սպասեր որ Անգլիա կրնա միջամտել, որով կը կարծեին մեկ քանի ամսուն մեջ առ առավելն մաքրել հաշիվը Ֆրանսայի և Ռուսիո... Այս պատճառով գերման թերթերը սկսան հարձակիլ բուռն կերպով Անգլիո վրա, համեմտապական պատերազմին իսկական սկզբնապատճառ ցույց տալով Անգլիո ֆրանսասեր՝ էղուարդ թագավորը: Որը կ'ամբաստանեին, թե Ֆրանսիայի հետ բարեկամանալով և այս վերջնույն միջնորդութեամբ Ռուսիո հետ համաձայնելով, Գերմանիո դեմ նախապատրաստեց այս ահաւոր պատերազմը: Նպատակ ունենալով ոչնչացնել գերման նավատորմին հետ՝ նաև գերման վաճառականութիւնը, և այսպիսով ապահովել ժողովրդու անպատասխանատու տիրապետութիւնը:

Անգլիան կը նկատվեր ամեն շարքաց աղբյուր, այս պատճառով գերման ժողովուրդը այնքան մոլեգնած էր Անգլիո դեմ, որ մինչդեռ Ռուսիո և Ֆրանսայի էերկայացուցիչներուն դեմ ոչ մեկ անարգական ցույց չըրավ, սակայն մեծ ամբոյս մջ հարձակեցավ Անգլիական դեսպանատան վրա ի Վիլհելմ շքրասե, և շարդուփշուր ըրավ բարոյ ապակիները, այն պահուն, երբ դեսպանն ու դեսպանուհին ներսը կը գտնվին: Իսկ դեսպանատան պաշտոնյաները, ձաղկելու համար գերման շահասիրութիւնը, մեծ քսակներով «ֆենիկներ» նետեցին ամբոյսին վրա, ինչ որ բնականաբար ալ ավելի ընդհանուր զայրուած առաջ բերավ ժողովուրդին մեջ:

Գերման թերթերն ուզելով Անգլիո պատերազմի հայտարարութեան ժողովրդին վրա թողած ծանր տպավորութիւնը մասամբ թեթևացնել, վերեն տրված ընդհանուր կարգախոսի մը համաձայն, սկսան արձագանք ըլլալ սուտ զրույցներու: Իբր թե Պետերբուրգի մեջ 300.000 ռուս բանվորներ ապստամբած են ցարին դեմ, իբր թե ցարը իր մայրաքաղաքեն ստիպվեր է փախչիլ Մոսկվա: Մինչդեռ ճշմարտութիւնը սա էր, որ Ռուսիո կայսրը գնաց Մոսկվա կայսերական թագադրութեան կրեմլի պատմական Մայր եկեղեցիին մեջ ռուս զինուց հաջողութեան համար, պաշտոնական աղոթք կատարելով հրահրելու մոտիկին պատերազմասեր խանդավառութիւնը: Նույնպես գերման թերթերը գրեցին, իբր թե Լեհաստանի և Ֆինլանդիո մեջ

ապստամբութիւն ծագած է և դեռ այս կարգի շինծու լուրեր, որոնք հետզհետե պատերազմի ամբողջ տևողութեան ընթացքին կատարելագործեցին, մինչև որ ամբողջ այս սուտերու շենքը ահաւոր փլուզուեով կործանեցավ իբր ավազի վրա կառուցված շենք մը...

Պատերազմի հինգերորդ օրն էր, որ Պոցդամբիլաց քաֆե Յոսթի մեկ քանի հայրենակիցներու հետ նստած կը գիտեինք պատերազմի ճակատ գնացող նորագիր զինվորներու տողանցքը, երբ գերման ոստիկան մը եկավ հրավիրել զիս ոստիկանական պահականոց, որովհետե մեկ քանի հրեաներ մորուքիս համար զիս իբր ռուս լրտես ամբաստանելով ուզած էին ձերբակալել տալ: Այն պահուն, երբ ամբոյսին մեջ մտնելով կը հետևեի գերման ոստիկանին դեպի պահականոց, արդեան գավազանի մեկ քանի հարվածներ իջան ռուսիս, զիս հետապնդող ամբոյսին կողմե, որ հետզհետե ստվարանալով սպառնալից դիրք առած էր: Սակայն երբ աճապարեցի օսմանցազրեքս ցույց տալ ամենքին, և իրենց բարեկամ երկրե մը ըլլալս հռչակեցի, ամեն կողմե բարեկամական ցույցերու առարկա եղա և ոստիկանին հետ նաև շատեր փութացին ներողութիւն խնդրել եղած թյուրիմացութեան համար. որը սակայն ղժբախտաբար վերջինը չէր:

Գերման թերթերը այս օրերուն հրձվանք հաղորդեցին, թե «Կեոպեն» և «Բրեսլաու» գերման երկու մեծ հածանավերը ուժեղ ձեռքով են ալճերիական եզերքը: Այս զրահավորներն էին, որ ապա այնքան ահաւոր ճակատագրական դեր մը կատարեցին Սև ծովու մեջ ռուսական զրահավորներու դեմ կրակելով և Թուրքիան այսպես պարտադրելով գահավիժել պատերազմին հրակեզ անդունդը:

Հուլիս 6 հինգշ. օրն էր, երբ Շարլոթընբուրգի ծանոթ քաֆեներեն մեկը նստած էի Բեռլինի համալսարանեն երկու բարեկամ պրոֆեսորներու հետ, և կը խոսակցեինք օրվան հրատապ նյութերու վրա: Երբ ընտրյալ դասակարգեն անծանոթ գերմաններ, ներս մտնելով եկան ճիշտ մեր մոտիկը նստան: Անծանոթներեն ավելի երիտասարդը, որ հետո իմացանք թե փաստաբան մըն է եղեր, իմիջիայլոց հետևյալ միտքը արտահայտեց ճիշտ լավ պիտի ըլլար եթե հիմա հայերը կովկասի մեջ ապստամբեին... հայերը ձեռներեց, հանդուգն և գործունյա ժողովուրդ մըն են. եթե ասոնք անգամ մը ապստամ-

բին, Կովկասի 12 միլիոն իսլամները շուտով հայերու օրինակին կը հետևին, և Ռուսիո զլխուն մեծ փորձանք կը բանան...»

Եթե այս գերմանը՝ ներկաներուն մեջ հայու մը գոյութեան իրազեկ ըլլար, անշուշտ աս հայտարարութիւնը քաղաքավարական պարզ ձևակերպութիւն մը պիտի ուզեր նկատել. սակայն աս հանգամանքին անտեղյակ ըլլալուն, տարվեցա ինքնին հիշել աշուտին և մուկին առակը...

Զորաշարժի յոթներորդ օրը, արդեն հինգ միլիոն զինվոր իրենց ամբողջ կազմածով պատերազմական երկու ճակատներու վրա դիրք բռնած և պատերազմի մտած էին ֆրանսական և ռուսական թշնամի բանակներու հետ: Ամեն օտարական որ թշնամի ազգերու չէր պատկաներ, պետք է կրեր իր պատկանչալ պետութեան փոքրիկ մեկ դրոշը իր լամբակին վրա:

Մեծ հարգանք կ'ընծայվեր ամերիկացիներու, և ամեն ջանք կ'ընեին գերմանները, որպեսզի աս մեծ ազգին համակրութիւնն և շեղբութիւնն շահին: Զի միայն Բեռլինի մեջ 50.000 ամերիկացիներ կայրեին այն ատեն: Աս օրերուն հանդիպեցա հանկարծ դերձակիս, որ պահեստի սպա է եղեր, և հարցուցի իրեն, որ ճակատ կերթար 2 օրեն, թե ի՞նչ է իր կարծիքն, ո՞րքան կրնա տեւել աս պատերազմը, պատասխանեց անվարան. «Եթե միայն Տրանսա և Ռուսիա ըլլային, երկու ամսն ամեն ինչ կը վերջանար. սակայն քանի որ Անգլիա ալ մասնակցեցա՞վ պատերազմին, թերևս մեկ քանի ամիս ավելի տեւ...»: Իսկ երբ հարցուցի թե ե՞րբ կը հուսա որ գերմանները Փարիզ կրնան ըլլալ, անմիջապէս փութաց պատասխանել «Այս տարվան Սետանի տարեդարձը սեպտեմբեր 2-ին Փարիզի մեջ պիտի տունենք...»

Արդարև աս էր ամեն գերմանի հաստատ համոզումը, թե հոն պիտի ըլլային սեպտեմբերի 2-ին...

Գերման կառավարութիւնը զինվորական տարիքի մեջ գտնվող ավելի քան 40.000 ռուսեր, որոնք վար դրված էին պատերազմի հայտարարութեան հաջորդ օրն իսկ, իբր պատերազմական գերի, զրկեց խիստ հսկողութեան ներքև դաշտնոց, հունձքը քաղել տալու համար:

Կարմիր Խաչի կազմակերպութիւններու մեջ ծառայելու համար, ավելի քան 60.000 գերման կիներ և օրիորդներ դիմում բրին պատկանչալ մարմիններու, հայրենիքին ծառայելու նպա-

տակով: Մասնավոր Կարմիր Խաչի դասընթացքներ կազմակերպվեցան ասոնց մասնագիտական պատրաստութեան համար:

Քաղաքակիրթ ազգի մը անվայել մոլեռանդութիւն մը սկսավ ցույց տալ ժողովուրդը, պահանջելով որ վաճառատուններու և սրճարաններու վրա դրված ֆրանսերեն և անգլերեն վերտառութեան տախտակները վերնան և ասոնց տեղը միայն գերմաներենը դրվի: Առաջին-շաբաթվան ընթացքին հետզհետե շնջվեցան օտար լեզուներով տախտակները և ամեն տեղ միայն գերմաներեն գրվեցան նշանատախտակները:

Այսպէս Բեռլինի ամենանշանավոր և հոյակապ սրճարաններն մեկը, որ մայրաքաղաքին փառահեղ շենքերն մեկն էր և կը կոչվեր «Փիքատիլի», շնջվեցավ աս անունը և կոչվեցավ «Տաթրլանտ-քաֆե» հայրենյաց քաֆե:

Ամեն ոք օրօր հաղթութեան լուրերու կը սպասեր և միջոց ամեն գերման հպարտորեն իր օտարական բարեկամներուն կը խոստովաներ անկեղծորեն ըսելով. «մենք աս պատերազմին կը պատրաստվեինք 40 տարիներ ի վեր...»: Ահա ամբարտաւան ինքնախոստովանութիւն մը որ գերման ազգին դատապարտութիւնն իսկ է:

Ոստիկանութիւնը՝ պաշտոնական զեկույցով մը հրավիրած ըլլալով գերման ժողովուրդը, որպեսզի հետապնդե և դուրսցնեն ռուս լրտեսներու ձերբակալութիւնը, աս պատճառ դարձավ անմեղ ռուսերու դեմ ծանր հալածանքի: Հաճախակի դարձավ այլևս տեսնել փողոցներու մեջ ռուսեր, որոնք ամբոխէն վայրաբար կը հալածվին և նույնիսկ կը խոշտանգվին ի հեճուկս քսաներորդ դարու քաղաքակրթութեան:

Կիրակի, 9 օգոստոս, Բեռլինն անցան բազմաթիվ կառախումբեր դեպի ֆրանսական սահմանագլուխ, որոնք լեցուն էին սլավ զինվորներով: Ասոնք՝ Ավստրո-Հունգարական կառավարութիւնը կը փոխադրեր ռուսական ճակատն գերման-ֆրանսական ճակատը, վախնալով որ իր սլավ զինվորները կրնան դավաճանել, անցնելով իրենց ցեղակից և դավանակից թշնամիներուն կողմը:

Գերման պատկերազարդ թերթերը կը հրատարակեին, անշուշտ դիտումնավոր կերպով, Փարիզի 1871-ի պաշարումը գերմաններն, ուր նկարած էին մսավաճառներու կրպակներուն մեջ ի վաճառ հանված և ոտքերն կախված շուներ, կատուներ,

մուկեր, ձիեր... Ասով կը կարծեին հրահրել գերման զինվորին հայրենասիրական խանդավառութիւնը, ժամ առաջ հասցնել կարենալու համար Փարիզի պարիսպներուն առջև...

Պատերազմի հայտարարութեան իննեորդ օրն էր, երբ գերման բարեկամի մը հետ վիճարանութիւն ունեցանք և որ հետեւյալ՝ անգաղտնապահ հայտարարութիւնն ըրավ, որ ոչ միայն իր, այլև ամեն գերմանի ևս խորին համոզումն էր միանգամայն: Թե «երբ այս անգամ Փարիզ մտնենք, այլևս հինգ միլիառով դուրս չպիտի ուզենք գալ, այլ երեսուն միլիառ պիտի պահանջենք: Որպեսզի Ֆրանսա աղքատանալով, այլևս դրամ չզտնա փոխատվութիւններով մեր դեմ զինակիցներ վարձելու և վրիժառու նորանոր պատերազմներու պատրաստվելու...»:

Աս մտածումը ազգային կարգախոս մը դարձած էր այլևս առանց խորհելու, որ կրնար և հակառակը պատահիլ... ինչպես որ եղավ և բազմապատիկ տուգանքն ստիպվեցան վճարել:

Հազիվ տասը օր էր, որ պատերազմը սկսած էր, և արդեն աղքատ դասապարզը ապրուստի ամենասովորական նյութերու համար նեղութիւն կը կրեր, զի սննդեղենի հատուկ ամեն նյութ տակալ սղել սկսած էր:

Իսկ խնայողական սնդուկներն և դրամատունները, հազիվ հարյուրին հինգ միայն հանձն կ'առնեին վճարել: Հակառակ կառավարական արգելիչ օրենքներուն, հացագործներու արհեստապետութիւնն իսկ հացին գինը ուզեց բարձրացնել, առարկելով, որ ալյուրի ներկա արտասովոր գիներով, հնար չէր հին արժեքով հաց պատրաստել ժողովուրդին համար:

Պատերազմին պատճառով ինքնաբերաբար հետզհետե փակվեցան թատրոնները, ձիարձակարանները, այլևայլ զբոսատեղիները: Մայրաքաղաքին ժողովուրդը, այլևս առաջվա պես կիրակի օրերը չէր խուժեր երկաթուղու կայարանները, շրջակա բնութեան բացօթյա վայրերը երթալու համար զբոսնելու: Ամեն կողմ կը տեսնվեր ծայրաստիճան լրջութիւն և խնայողութիւն: Նույնիսկ կեսօրները ճաշարան եկողները սկսան նվազիլ, ամեն ոք սկսած էր՝ առ ի խնայողութիւն, ինք պատրաստել իր ճաշը և ջանալ որ քիչով գոհանա ու նվազ ծախքով դուրս կարենա գալ:

Շատ հազվադեպ կը տեսնվեին վաճառատուններու մեջ գնորդներ, ասոնք ալ կամ հուլիս ստիպողական պետքեր գնողներ էին և կամ միայն ճամփորդներ:

Բնակարանս գտնվելով Շարլոթըրուրդ կիցընգի ճիշտ եզերքը, և հանդիպակացը ըլլալով բեռլինցոց ամենասիրակաւն ճեմելավայրը «Կըրյունեկալտը» Մայրիներու հրաշալի անտառը, ուր այժմ հսկա թնդանոթներու փորձեքը սկսելուն, ամբողջ օրը կը լավին անհղագոռ թնդանոթի որոտներ, սարսեցնելով շրջակա հոյակապ արվարձանին բազմահարկ տուները և սարսափեցնելով պատերազմի դաշտը սիրելիներ ունեցող մայրերու և կիներու արդեն արյունոտ սրտերը:

Այս օրերուն առիթը ունեցա տեսնվելու մեր տան բնակիչներն բարձրաստիճան սպայի մը հետ, որ կը պատրաստվեր մեկնելու ռազմաճակատ: Բնական հետաքրքրութեամբ մը հարցուցի թե պատերազմը ո՞րչափ կրնա տևել, պատասխանեց «հիսլուրտիկըր (եկեղեցականաց մասնավոր տիտղոս) շնք կրնար մեր կիներուն և ժողովուրդին ըսել զգացած մեր մտահոգութիւնը, սակայն դուք խոստովանահայր եք և վստահելի անձ, շեմ ուզեր կեղծել, հաղթենք ալ, հաղթվինք ալ, այլևս Գերմանիա աղքատ երկիր մը պիտի ըլլա, այլևս մեր դիակներով պիտի լեցվի մեր դրախտանման երկիրը: Զի թեպետ 40 տարիս ի վեր այս պատերազմին պատրաստված էինք արդարև, սակայն մեկ անգամն այսչափ հզոր թշնամիներու մեր վրա հարձակումը երբեք չէինք ենթադրած: Անգլիոն և Ճապոնի պատերազմի մասնակցելովը այլևս ամեն հավասարակշռութիւն խախտեցավ... Մանավանդ Անգլիոն հարձակման շէինք սպասեր երբեք, և գերման ժողովուրդի լուրջ դասակարգը հուլիս մտահոգ է, զի համառ ազգ մըն է անգլիացին: Բայց ոչ ոք կրնա հակառակ արտահայտվիլ այժմ, զի մասնավոր գաղտնի ոստիկաններ հատկացված են պատերազմի դեմ խոսողները ձերբակալելու և պատերազմական ատյաններու հանձնելու իբր դավաճան... Ափսոս մեր 40 տարվան խաղաղ աշխատանքի արդյունք եղող հոյակապ քաղաքակրթութիւնը պիտի փշանա...»:

Ահա առաջին անգամ կը հանդիպի գերմանացիի մը, ան ալ տարեց սպա, որ առանց տարվելու տիրող ընդհանուր պատերազմաշունչ խանդավառութիւնն, իրերը պաղ արյամբ կը դիտեր, կը դատեր և կը վերլուծեր և ահավոր աղետը կը գուշակեր...

Գերման բոլոր օրաթերթերը, իբր պատասխան անգլիական և ֆրանսական օրաթերթերու, ի մասին գերմաններու կողմն

Պնդհիբայի շեղաթուփյան վայրաբար բռնաբարման ժանր քննադատություններուն, կը գրեն թե “Not kennt kein Gebot und kein Verbot”, այսինքն ստիպողականությունը ոչ օրենք և ոչ արգելք կը ճանչնա... Բայց կը թվի թե գերման պետության միայն սեփական եկող այս ընդհանուր սկզբունքը, զինքը այնքան հեռուները պիտի տաներ, որ ամեն համաձայնություն և դաշնագիր պիտի կրնար ուզած ատեն պատռել և գլխովին հակառակ շարժիլ իր հանձնառություններուն, ըսելով թե ստիպողականությունը օրենք ու արգելք չի ճանչնար...

Ակնբեր է թե ասով ինքզինք պիտի ենթարկեր համաշխարհային ատելության...

Տունի աղքատ վարձակալներու խնդիրը օրվան հրատապ հարցը դարձած էր պատերազմի հայտարարությունն ի վեր:

Քաղաքապետությունը և լրագիրները կը հանձնարարեին տան տերերու, որ կարեկցությամբ վարվին իրենց աղքատ վարձակալներուն հետ: Քանի որ ընտանիքներու աշխատավոր անդամները պատերազմի գնացած ըլլալով, զինվորներու խեղճ կիներն չէին կրնար ապրիլ, յուրաքանչյուր զավկի համար կառավարութենն ամսական վճարյալ 10 մարկի փոքրիկ գումարով մը...

Չքավոր ժողովուրդի վիճակը բարելավելու համար արգեն կազմվիլ սկսան կանանց օժանդակ մարմիններու: Ասոնք մասնավոր հանգանակություններով բացառիկ գումարներ կը հայթայթեին զինվորներու ընտանիքներու օգնելու համար, մայրերու վրային առնելով իրենց զավակները կերակրելու ծանր հոգը:

Այցելեցի օժանդակ կանանց մարմիններն մատակարարվող երկու ճաշարաններ, և տպավորությունս շատ լավ եղավ, երբ տեսա ազնվական կիներ, որոնք աս ձրի ճաշարաններուն մեջ կը սպասարկեին, աղքատիկ մեծ ու փոքր անմեղ երկսեռ տղոց ձրիորեն մատակարարելով տաք և բավական անդարար կերակուրներ ճաշի և ընթրիքի միջոցին: Նույնպես տեսա հատուկ ճաշարաններ, ուր անգործ մնացած դժբախտ բանվորներ 10 ֆենիկով, այսինքն այն ատենի 20 փարայով, երկու տեսակ կերակուր կը ստանային առատ հացով:

Կառավարությունը ևս կարելին կ'ըներ, օգնելու համար աղքատ դասակարգին, ուզելով պակսեցնել պատերազմն զժողհներու թիվը: Զի քաջ գիտեր թե այսպիսիներն են, որ ի հարկին

ընկերվարականներու արդեն հոծ շարքերը ստվարացնողները պիտի ըլլան:

Գերման ժողովուրդը սաստիկ մոլեգնած էր ոռուսերու դեմ, կարգալով լրագիրներու մեջ, թե Պետերբուրգի գերման հոյակապ դեսպանատունը ռուս խուժանին կողմն մեծ մասամբ քանդված, այրված և ավարի տրված է, սպանելով միանգամայն դեսպանատան հին և ծեր պաշտոնյաներեն մեկը: Այժմ ալ ավելի կատաղությամբ սկսան ոռուսերը հալածել փողոցներու մեջ և խոշտանգել զանոնք անգթորեն:

Հանքածուխը խնայելու համար, քաղաքապետությունը նվազեցուց պատերազմին տասներեքերորդ օրը մայրաքաղաքին լուսավառությունը և քաղաքացիներու կոշ եղավ որ ջուրի, օդային գազի և էլեկտրականության խնայողություն ընեն, նվազեցնելու համար աս ամենը արտադրող հսկա գործարաններու տարապայման քաբածուխի գործածությունը:

Չքավոր դասակարգը արդեն սկսած էր նեղվիլ անպործութենն, զի բազմաթիվ վաճառատուններ և գրասենյակներ արձակել սկսան իրենց երկսեռ պաշտոնյաները մեծ մասամբ: Ասոնց մեծ մասը երիտասարդ աղջիկներ էին, որոնք մղված ծայրահեղ կարոտութենն, կը շրջին մայրաքաղաքին բազմամբոխ փողոցները, գայթելով և գայթակղեցնելով ժողովուրդը...

Հանրային բարոյականի դեմ ամեն արգելիչ միջոցներ ձեռք առնելու նպատակով, ոստիկանությունը ամենախիստ միջոցներ ձեռք առնել սկսավ: Մյուս կողմեն երիտասարդ աղջիկներու բարոյականին նախանձախնդիր պաշտպան տիկնանց ընկերություններ կազմվեցան, նպատակ ունենալով հավաքելու և պաշտպանելու աս կարգի դժբախտ աղջիկները:

Պետք է խոստովանիլ, որ գերման ընտանեկան բարոյականը բավական գորավոր էր, և հանրային բարոյականը խաթարող ամեն ընթացք ենթակա է Գերմանիո մեջ ամենասաստիկ պատժի, առանց ակնառության դիրքի, աստիճանի և հարրստության:

Գերման կայսր. մայրաքաղաքը միակն է եվրոպական ցամաքի վրա, որ Փարիզի նման անպարկեշտ հանրային տուններ չունի, և ոստիկանությունը ամենախիստ կերպով կը հետապնդե կասկածելի նկատված տունները...

Աս բարոյական և կրոնական հոյակապ կենցաղին հետևա-

նոք էր, որ 1871-ին 36 միլիոն հազիվ եղող գերման ժողովուրդը այժմ 68 միլիոնի անհավատալի թվին հասած էր արագ աճումի աննախընթաց օրինակ մը ըլլալով բոլոր ազգերու մեջ: Մինչ 1871-ին 46 միլիոն եղող Ֆրանսան, վերի օրինակին ճիշտ հակառակը ըլլալով այժմ հազիվ կը հասնի 37—38 միլիոնի:

Պատերազմի հայտարարութեան տասնհինգերորդ օրը, արդեն պելճիքական և ֆրանսական սահմանագլուխներն գերման անդրանիկ հաղթութեան լուրեր սկսան հասնիլ, գինովցնելով մայրաքաղաքին երեք միլիոնն ավելի ժողովուրդը, որ այժմ մեկ միլիոնով ավելցած էր կենտր. բանակատեղի ըլլալուն պատճառով: Մայրաքաղաքը տոնական օրերու հանդիսական երևույթը ստացած էր և հազարավոր դրոշներ կը ծփան ալեծածան, ի պատիվ նորանոր գերման հաղթանակներու:

Ամեն կողմ կը տեսնվին ժողովրդային թափուրներ, որոնք հայրենասիրական երգերու գոռ շեշտերով կ'ոգևորեն մայրաքաղաքին խաղաղ և տխուր և տակալ մայայցած փողոցները:

Գերման ժողովուրդը օրեօր կը սպասեր իր բանակներուն Փարիզ մուտքին... այնքան հանձնապատան էր իր հաղթութեան... Կայսրը արդեն մեկնեցավ ֆրանսական սահմանագլուխ, իր հետ տանելով գերման ժողովրդին մարմնավորյալ անձնավստահութիւնը և անձնվիրութիւնը:

Արդեն պատերազմի մեջ մեռած զինվորներու անվանց սև տախտակները սկսան կախվիլ պաշտոնատուններու դուռներուն կամ պատերուն վրա: Որոնց առջև ահագին բազմութիւն մը խռնված, մտահոգ հետաքրքրութեամբ կը փնտրեր իր սիրելիներուն անունները: Պատերազմի մեջ ինկած բազմաթիվ սպաններու կիներ արդեն սեւեր սկսան հագնիլ: Ամեն կողմ կը կարողացվին «մեռապիլիթե ցիմըր» վարձու սենյակ վերտառութիւնը, զի յուրաքանչյուր ընտանիք մեկ քանի սենյակ տրամադրած էր, որպեսզի վարձու տալով կարենա հասույթի նոր աղբյուր մը ստեղծել:

Ամենալավ շահեր կ'ընենին միայն լուսանկարիչներն, զի պատերազմի գնացող ամեն ոք նախ կը փութար լուսանկարվելու իրք վերջին հիշատակ մը նվիրելու համար իրեններուն...

Արդեն, երկաթուղային և էլեկտրական տրամվայներու հաղորդակցութիւններն վերսկսան սովորական օրերու հաստականումավորութեամբ:

Համաձայն կրթական նախարարութեան կարգադրութեան, բացվեցան միջնակարգ ու ժողովրդային դպրոցները, միայն դեռ առ այժմ ցնոր տնօրենութիւն փակ պիտի մնային մասնագիտական, կրթական բարձր հաստատութիւնները: Արդեն միջնակարգ—գիմնազիում և ռեալշուլե— և ժողովրդային—ֆոլքշուլե—դպրոցները կը բացվին օգոստոս 1-ին: Իսկ կրթական բարձրագույն մասնագիտական հաստատութիւններն և համալսարանները ոչ առաջ քան սեպտեմբեր 15-ը:

Զինվորական իշխանութիւնները, կարմիր ազդերով 35—46 տարեկանները ևս սկսան հրավիրել զենքի տակ: Աս պատճառով ժողովրդին մեջ, եթե ոչ խուճապ, գոնն ընդհանուր տագնապ և մտահոգութիւն սկսավ տիրել: Իսկ լրագիրները կը քաջալերեն ժողովուրդը, տանելու համար ամեն ծանր զոհաբերութիւն, փրկել կարենալու համար հայրենիքը համալրական հեղեղէն: Հետզհետե գերման դաշնակցային պետութիւններուն, ի միջի այլոց Վլուրթեմբերգի և Բավարիո թագավորները և բազմաթիվ իշխաններ մեկնեցան ռազմաճակատ, գլուխ անցնելու համար իրենց սեփական զորքերուն:

Արտակարգ էր հայրենասիրական խանդավառութիւնը ժողովրդին բոլոր խավերուն մեջ, ի մասնավորի հիանալի էր գերման մայրերու դուրեցազնական անձնվիրութիւնը, մայրեր եղան, որ ռազմաճակատ ղրկեցին իրենց 4, նույնիսկ 6 երիտասարդ զավակները:

Գերման լրագիրները լեցուն էին բազմածին գերման մայրերու անձնվիրական դուրեցազն օրինակներով: Կը գրեին թե գերման զորութեան և գերման մեծութեան իսկական հիմերն ՄԻԱՅՆ ԳԵՐՄԱՆ ԲԱՁՄԱԾԻՆ ՄԱՅՐԵՐՆ ԾՆ, առանց որոնց արժեք պիտի չունենային ոչ էսընի Կրուզյան տասնյակ հազարավոր հսկա թնդանոթներն և ոչ ալ արագահարված մավզերներն: Բացատրելով թե երբ գործածողն կը պակսեր, ամենակատարյալ զենքն իսկ արժեք չէր կրնար ունենալ: Ինչպես նաև՝ երբ գերման մայրերն ըլլային, թշնամիին դեմ մսե պատվար կազմող հինգ միլիոն զինվորներով ուստի՞ հնար պիտի ըլլար ճակատ կազմել տալ:

«Հայ-գերմանական կոմիտե»-ի մեկ անդամն լսեցի որ այս օրերուն սուլն ընկերութեան նախագահ և ծանոթ հայասեր քոկտոր Լեփսիուս դիմում ըրած էր գերման արտաքին գործոց նախարար պարոն Ֆոն Յակոֆի, որպեսզի հայերը, որ

ազգի հպատակ ալ ըլլան, շնթարկվին ոստիկանական հետապնդումի, իսկ նախարարը իբր թե նպաստավոր ընդունելութիւն ցրիւր էր աս առաջարկին: Աս կարգադրութեան շնորհիւ ռուսահպատակ հայ մը, ստուգիվ կրցավ Շվեդի ճամբով Պետերբուրգ մեկնիլ: Բայց չէր կարելի վստահիլ աս կարգադրութեան հարատև նպաստավոր արդյունքին, ինչպես որ Քուրթիոն հետ զինակցելի վերջ ան հայ երիտասարդները, որոնք ղենվորական տարիքի մեջ էին, հանձնվեցան թուրք զինվորական վարչութեան:

Գերմանացիները ինչպես կ'երևեր, սկիզբէն իսկ մեծ հուշահեր չէին գրած Ավստրո-Հունգարիոյ պատերազմական կարողութեան վրա: Իսկ Իտալիոյ մասին գերման ժողովուրդը մեծ կասկածանք կը վերաբերվեր, զայն նկատելով անհավատարիմ զինակից մը, որ առաջին առթիւ հզորագույնին կողմը պիտի անցնէր: Սակայն զինվորական գրաքննութիւնը անսպայման արգիլած էր Իտալիոյ դեմ վիրավորական որևէ ակնարկութիւն, որպեսզի եթէ Իտալիա իրենց հետ չէ, գոն իրենց դեմ չդառնա: Իսկ Քուրթիոյ մասին գերմաններն այնքան համակրական զգացումներ ունեին և իրենց դատին շահակից կը նկատեին, որ իրենց բնական զաշնակիցը կը համարեին աս պատերազմին, առաջին ամսուն մեջ իսկ:

Չինվորական վարչութիւնը 21—46 զինվորական օրինական տարիքի մեջ գտնվողները, դրոշի տակ առնելի վերջ, այժմ ալ 17, 18, 19, 20 տարեկանները զենքի ներքե կը հրավիրեր իբր կամավոր..., մարզելով զանոնք հանգստեան կողմած փորձ սպաներու հակողութեան ներքե:

Գերման ժողովուրդը, որ կը կարծեր թէ միայն հաղթութեան լուրեր պիտի լսեր, սարսափով կը տեղեկանար դժբախտ մանրամասնութիւններուն ռուսական առաջխաղացման, Արևելեան Պրուսիոյ մեջ:

Ռուս բանակը, դեպի Փարիզ արագ կերպով առաջացող գերման բանակներու հզոր թափը կտորելով, իրենց թիկունքը պաշտպանել հարկադրելու համար, ուժգին թափով մը հազար ճակեցան և մտան Արևելեան Պրուսիա և ամեն արգելք խորտակելով սկսան առաջանալ, ավել սրբելով իրենց առջև գտնված ամեն խոշորոտ:

Իսկ նույն ժայրագավառներուն մեջ բնակող գերման ժողովուրդը, ևս կազակներու անգթութիւններու պատմու-

թյաններն ահաբեկած, լեղապատառ փախուստի ճամփան բռնեց, իրենց ետև թողնելով անշարժ ամեն ինչը ու ստացվածք և միայն իրենց հոգիները փրկելու հետամուտ ըլլալով:

Ասոնք մեծ մասամբ պապատանեցան Բեռլին, իսկ մայրաքաղաքի ժողովուրդը, ասոնցմէ լսելով ռուս կազակներու զահնդիչ պատմութիւններ, իրավամբ սարսափի մատնվեցավ: Մանավանդ խուճապով Բեռլին պապատանած զաղթական ժողովրդին վիճակը ստուգիվ խղճալի էր:

Արդեն ամիս մը անցած էր պատերազմի հրատարակութենէն ի վեր, և մինչ ամբողջ գերման ժողովուրդը հերոս անձկութեամբ գերման ռահվիրա գունդերու սեպտեմբեր 2-ին Փարիզ մուտքին կը սպասեր ակնդեմ, երբ Ֆրանսական ռազմաճակատեն ալ սկսան պարտութեան լուրեր հասնիլ Բեռլին, սրտաբեկելով միայն հաղթութեան լուրերով մինչև ան ատեն գինովցած ժողովուրդը: Բայց զինվորական գրաքննութիւնը ամեն ջանք կը թափեր խոշորցնելով հաղթութեան լուրերը և նույն համեմատութեամբ հույժ փոքրցնելով պարտութեան գուժականները:

Կովկասէն արդեն հայ կամավորական շարժումներու անդրանիկ լուրերը կը կարդայինք գերման թերթերու մեջ: Իսկ Քուրթիա եռանդով կը շարունակէր զորահավաքը, իբր թէ դիմակալել կարենալու համար հավանական հարձակման մը դեմ...

Գերման թերթերու մեջ, հեզնական քննադատութիւններով անշուշտ, կը կարդայինք արտատպումներ անգլիական և ֆրանսական օրաթերթերի առնված, ուր աս վերջինները բացահայտորեն կը գրեին, թէ համեմատական պատերազմի կտորած ապակիներուն արժեքը պիտի վճարեր Քուրթիա, եթէ խլրտեր... Թե աս անգամ կարգը եկած էր արմատապես լուծելու Արևելեան փոսախտ դարձած հարցը, զի համաշխարհային պատերազմի մը մղձավանջը, որ ամեն առթի իբր սպառնալիք կը հեղեղվեր, Քուրթիոյ մեջ հակընդդեմ շահեր ունեցող եվրոպական մեծ պետութիւններու կողմէ, Քուրթիոյ կամ արևելեան հարցին լուծման մասին, այլևս պայթած էր արդեն, տարբեր կետե մը, համասլավական հրաբուխին ժայթքման պատճառով: Հետեապես այլևս պատահութիւններու ինքնին ներկայացած էր վիրահատի նշտրակը միեւն շարավալից թուրք վերջին մեջ, մինչև ներքին խոր ծալքերը անոր...

Իսկ հայ ժողովուրդը, ըլլա ի Կովկաս, ի Թուրքիա թե արտասահման երկունքի ահավոր ցավերով և բազմադարյան պոռթկացող հույսերու փոթորիկով մը կը գալարեր... Ճակատագրականորեն մտնելով կյանքի և մահու տիտանյան պայքարի մը մեջ...

Ժամանակը պատմական էր, պատեհությունը անօրինակ բացառիկ, բայց ան ազգը պիտի շահեր ավելի, որ հեռատեսութուն պիտի ունենար դատողությամբ և ոչ զգացմամբ վերլուծված դեպքերու համաձայն նավելու արյան համատարած այս տիեզերական հեղեղին մեջ, դեպի խաղաղության փրկարար նավահանգիստը, ըստ կարելիության քիչ վնասով դուրս գալ կարենալու համար հորդահոս արյան այս ահավոր նախճիրեն:

3.

ԲԵՌԼԻՆԵՆ ՊՈԼԻՍ ՎԵՐԱԴԱՐՁ

Համաշխարհային պատերազմի վոզորդայնին, արդեն որոտացող հազարավոր թնդանոթներու ահավոր գոռումին հետ, խուճապը հետզհետե կը սաստկանար և կ'ընդհանրանար: Առանց սեռի և հասակի խտրության, չկար անհատ մը, որ շաղճվեր համատարած այս արյան փոթորկեն: Բեռլինի մեջ գտնվող ամեն ազգի օտարականներ 20—46 տարեկանները իրենց պատկանյալ հյուպատոսարաններեն ստիպողական հրավերներ կը ստանային դառնալու հայրենիք և պատրաստ ըլլալու կատարելու իրենց պարտականությունը հանդեպ հայրենիքին: Իսկ օտար երկիրներու մեջ գտնվող գերմաններ գունդագունդ կ'աճապարեին դառնալ Գերմանիա, և հազնելով իրենց զինվորական զգեստները, կը փութային խանդավառությամբ իրենց պատկանյալ գունդերուն հետ դեպի ռազմաճակատ: Բաղդատի երկաթուղու գծի շինության մեջ աշխատող գերման հազարավոր գործավորներ արդեն սկսած էին ժամանել Բեռլին, սահմանազուլու երթալու համար:

Ամեն ոք կ'աճապարեր իր պարտականությունը կատարել հանդեպ հայրենիքին և ազգին:

Անկարելի էր շաղճվիլ տիրող ընդհանուր աս հայրենաւիրա-

կան խանդավառութենեն: Ոչ ոք կը խորհեր դասալքության վրա:

Հերթը եկած էր նաև հայերու: Մենք ալ մեր հայրենակցական հավաքույթներուն մեջ սկսած էինք խորհիլ մեր պարտականությանց մասին: Կը մտադրեի արդեն դառնալ Թուրքիա, և հազիվ թե աս մտադրությունը հայտնեցի մտերիմ մեկ քանի բարեկամներու, արդեն ամեն ոք վտանգավոր կը գտներ Պոլիս դարձա... Շատեր խորհուրդ կուտային երթալ Կովկաս և միանալ հայ կամավորական խմբերուն և անցնիլ Տաճկահայաստան:

Իսկ ես արկածախնդրական կը գտնեի այսպիսի հանդուգն քայլ մը: Որովհետև կամավորական այսպիսի հապճեպ շարժում մը պատերազմի առաջին ամիսներուն իսկ, հույժ վտանգավոր կը գտնեի, որ միանգամայն գրգռիչ ազդեցություն մը պիտի ըներ թուրք-իթթիհատական ոճրագործ կառավարության վրա, և անպայման աղետաբեր հետևանքներ առաջ պիտի բերեր թուրք կայսրության մեջ ապրող երկու միլիոնե ավելի հայ ժողովրդյան համար:

Ամեն անոք, որոնք շափազանց հուսադրված էին ռուս պետության հայասեր քաղաքականությամբ, և կը կարծեին թե շնորհիվ ամեն ողորմած ցարին հնար պիտի ըլլար Թրքահայաստանը փրկել, կը հիշեցնեի 1878-ի ռուս-թրքական վերջին պատերազմը, երբ Կարինը գրավելի վերջ հայազգի զորավարներով հանկարծ քաղաքական փոխանակությամբ մը, կը քաշվեր ռուս բանակը Կարնեն, տեղվույն 80.000-ի մոտ հայ ժողովուրդը թողնելով թուրք կառավարության և խուժանին մոլեգնյալ վրիժառության:

Ամեն հայ, դարավոր հույսերու պայթող հրաբուխեն բուցավառած, շէր ուզեր լսել ԳԱՏՈՂՈՒԹՅՆԵՆ բխած որևէ թելադրանք, այլ ինքնասպանության հասնող և ներքին ազգային վրեժխնդրական բազմադարյան պոռթկացող զգացումներե միայն տարվելով բուռն փափագ կը զգար ինքնին ներկայացող հույժ բացառիկ առիթը շփախցնել, փութացնել ուզելով հաշվհարդարությունը ցեղային մեր թշնամիին թուրքին հետ...

Սակայն մյուս կողմեն՝ գերման պետության և ժողովուրդին բուռն թրքասիրությունը շէր կրնար վրիպել անշուշտ Գերմանիո մեջ ապրող որևէ հայու հեռատես ակնարկեն, և հնար չէր շտապախիլ ապագա դժվարություններ և զժբախտություն-

ներե... Ձի հակառակ գերման-հայկական կոմիտեի նախագահ գոկտ. Լեփսիուսի ապահովիչ հավաստումներուն, գերմաններու համար շատ համակրելի ժողովուրդ մը չէինք, քանի որ թուրքերուն ուխտյալ թշնամիներն էինք: Իսկ եթե գերման-հայկական կոմիտե մը կազմված էր Բեռլինի մեջ նույնիսկ թելադրութեամբ և հաճութեամբ գերման Արտաքին գործոց նախարար Ֆոն Յակոֆի և իրեն օգնական Յիմմերմանի, իրապես հայ ժողովրդի շահերը այնքան պաշտպանելու նպատակով չէր, այլ միայն արգելք ըլլալու, որ Թուրքիո մեջ ապրող 2 միլիոն հայութիւնը գործիք չըլլար ցարին կառավարութեան ձեռքը... Աս վերջնոյն առիթ շնորհելու համար, որ հայերը պատրվակ բռնելով միջամտութիւն ի գործ դնե Թուրքիո ներքին գործերուն մեջ:

Աս վերջին մտավախութիւնը այնքան արմատացած էր գերման քաղաքական մարդոց մտքին մեջ, որ Բալկանյան պատերազմի ընթացքին, իբր հայկական բարեկարգութեան պատրիարքարանի կենտրոնական կոմիտեի անդամ, երբ երբեմն ի պաշտոնն կ'երթայի գերման դեսպան Վանկընհայմը տեսնելու, նա անվերապահ կերպով չէր ծածկեր իր աս կարգի երկյուղները հիշելու ինձի, փափագ հայտնելով, որ հեռանալով ռուսերեն նետվինք իրենց գիրկը...

Մինչ մեկ կողմն գերման արտաքին գործոց նախարարութիւնը գերման-հայկական կոմիտեի մը, կազմակերպութեան գաղտնի թելադրիչը կ'ըլլար հայերը սիրաշահելու և ռուս կառավարութեանն տակաւ հեռացնելու թաքուն նպատակով, մյուս կողմն դարձյալ նույն պաշտոնատան հայտնի նախածնունդով, կը կազմվեր գերման և թուրք կոմիտե մը, նախագահութեամբ թուրք բանակին քսանամյա վերակազմիչ Ֆոն տեր Կոլց փաշայի: Աս ցեղով գերման, բայց սրտով ու մտքով իրապես թրքացած Կոլց փաշան, 1914 փետրվարի մեջ, այսինքն պատերազմի հայտարարութենէն հինգ ամիս առաջ, գերման-թուրք կոմիտեի առաջին պաշտոնական նիստին, ուր ներկա էին թուրք դեսպանն իր ամբողջ պաշտոններով և գերման քաղաքական, առևտրական նշանավոր դեմքեր, իբր նախագահ, իր բացման ճառին մեջ, աս վարկածը պաշտպանած էր, թե «Նկատելով որ ռուս կառավարութիւնը աս վերջին դարուն մեջ թուրք կայսրութեան մեջ սպորող քրիստոնյա հպատակ ժողովուրդները պատրվակ բռնելու,

միշտ հզոր միջամտութիւն ի գործ դրած է Թուրքիո ներքին գործերուն մեջ, և այսպեսով պատճառ եղած Թուրքիո անդամահատութեան: Նկատելով որ Թուրքիո բոլոր քրիստոնյա հպատակ ազգերը, ազատագրված ըլլալով արդեն, այժմ ալ ռուս կառավարութիւնը հայերը ձեռք առած է և Բալկանյան պատերազմն օգտվելով, բարեկարգութեան ծրագիր մը մեջտեղ նետած է, Թուրքիան նոր անդամահատութեան մը ենթարկելու թաքուն նպատակով: Հարկ է որ Թուրքիան նոր ազգտեն մը փրկելու համար, միանգամ ընդմիշտ ռուս-թրքական սահմաններու կից վանի, Բաղեշի և Կարնո կուսակալութեանց մեջ ապրող կես միլիոն հայութիւնը հեռացվի ռուս-թրքական սահմանն և փոխադրվի հարավ, Հալեպի և Միջագետքի կողմերը: Իսկ աս կողմերն ալ արաբները փոխադրվին ռուս-թրքական սահմանները»: Որով մեկ հարվածով երկու քաղաքական նպատակ հետապնդված կ'ըլլոր, արաբները և հայերը հեռացնելով իրենց ցեղային բազմադարյան հայրենիքներն, սպանել անոնց մեջ ներկա ու ապագա ազգային անկախութեան ամեն հույս և ակնկալութիւն...

Աս ժողովին ներկա պրոֆեսորն մը խորհրդաբար լսելով աս հրեշային ծրագիրը, փութացի իր ատենին գրել պատրիարքարան:

Սակայն այն ժամանակ, ո՛չ ոք հավատ կ'ընծայեր այսպիսի քաղաքական ՄԵԾ ՄՐԱԳՐԻ մը կարելիութեան, նկատելով որ մարդկային նախապատմական շրջաններն ասդին, չի հիշվիր երբեք ազգերու պատմութեան մեջ նմանօրինակ պարագա մը, ԱԶԳԵՐՈՒ ԲՈՆԱԶՐՈՍԻԿ ՏԵՂԱՀԱՆՈՒԹՅԱՆ...

Բայց ինչպես դժբախտաբար պիտի տեսնենք առաջիկային, ինչ որ այն ատեն անհնարին թվեցավ ամենուն և հեզանքի իսկ առարկա եղավ, համաշխարհային պատերազմի միջոցին հնարավոր դարձավ, մարդկային տարեգրութեանց մեջ աննախընթաց եղբրական և եղեռնական դեպքերու և համատարած ահալոր սպանդի նախճիրներով:

Ուստի իբր Թուրքիո հայութեան մեջ 15 տարիներն ի վեր գործող նկեղեցական, նախամեծար համարեցի դառնալ Պոլիս և իմովսանն օգտակար ըլլալ այն ժողովրդին, որը իրապես անմիջական վտանգի մեջ կը տեսնեի և ահալոր անդունդի մը առջև կը գտնեի:

Մեր շուրջը տիրող ընդհանուր հայրենասիրական խանդա-

վառուցյունը նպաստած էր, որ պարտականութեան ներքին ձայնը հաղթե երկյուղի ջլատող ձայնին...

Այսպիսի առաջադրութեամբ համաշխարհային պատերազմի երկրորդ ամսուն, 1914 սեպտեմբերի կիսուն կը մեկնեի Բեռլինն զեպի Պոլիս:

Հազիվ Բեռլինեն մեկ ժամ հեռացած, երկաթուղու նույն բաժանմունքին մեջ, ինձ դրացի նստող երկու գերմանուհիներ, մայր և աղջիկ (միջանկյալ հիշենք որ երկաթուղու գնացքներու մեջ դուն ուր եք հնար էր հանդիպիլ գերման այր մարդոց, զի ամեն ոք գորակոշին պատասխանած ըլլալով, մեջ տեղ այր մարդ տեսնելը հազվագեղ էր, բացի պատանիներէ և ծերերէ), հարցուցին թե ո՞ր ազգութեան կը պատկանիմ, որպէսզի ըստ այնմ՝ համաձայն ոստիկանական գաղտնի հրահանգին, հսկողութիւն ի գործ դնեին վրաս:

Լսելով որ Թուրքիայեն եմ, և կարծելով որ ամեն Թուրքիայեն եղող անպատճառ թուրք ըլլալու է, ուստի գերմաններու բարեկամ ազգի մը ներկայացուցիչ ընդունելով զիս, սկսան խոսիլ հետս անվերապահ կեքպով օրվան ընդհանուր դեպքերուն վրա:

Դեռ թարմ է հիշողութեանս մեջ գերման օրիորդի այն սրտացավ հայտարարութիւնը, որ քննադատելով աս ահաւոր պատերազմին պատճառ եղողները, կ'ըսեր իմիջիայլոց, «Ափսոս որ մենք գերմաններս բազմաթիվ նշանավոր զորավարներ և զինվորականներ ունինք, սակայն զժբախտաբար ոչ մեկ քաղաքագետ ունեցած ենք: Զունինք անոր համար, որովհետեւ քաղաքական պաշտոններու մեջ գտնվողները ամենքն ալ զինվորականներն են, ըլլան նախարարապետ, նախարար, գեապան, հյուպատոս: Որով Անգլիո նման պաշտոնին լուրջ գիտակցութիւնն ունեցող փորձ քաղաքագետներ չունինք և այս պայմաններու ներքե շենք ալ կրնար հասցնել: Եթէ գոնե մեկ հատ քաղաքագետ ունենայինք և ան մեզ ըսեր, թե գերմաններս կ'ատվինք ամբողջ աշխարհէն, անշուշտ մեր ազգին պատասխանատու անձերը այսքան անխորհուրդ կերպով և թեթևաբան շփոթի նետվեին աս պատերազմին մեջ...: Մեզմե ոչ ոք կը հավատար թե Անգլիա կրնա հանկարծ անցնիլ մեր թշնամիներուն կողմը... որով հավասարակշռութիւնը այնքան խախտեցավ, որ աս պատերազմը շահինք ալ, հաղթվինք ալ, Գերմանիա չլիս կորսված է...»:

Այս հուսահատական և անզաղտնապահ խոսքերուն վրա, մայրը վիրավորված իր ազգային արժանապատվութեան մեջ, և զայրացած իր աղջկան ինքնութիւնը անհայտ օտարականին մը ըսած այս անվերապահ խոսքերէն, կը շանար որ խոսակցութեան նյութը քաղաքականեն ա՛յլ նյութի դարձնէր: Թեպետ մեր խոսակցութեան նյութը կը փոխվեր, բայց ես արդեն կրցած էի թափանցել գերման ժողովրդի պատերազմի զժգոհ եղողներու հոգեբանութեան ու մտայնութեան:

Մեկ քանի ժամ վերջ կը հասնեինք Բրեսլաու, ուր մայր ու աղջիկ կ'իջնային կայարան, զի իրենց բնակավայրը հոս էր և Բեռլին գործով հաստատված ըլլալով, այժմ պատերազմի պատճառով կը դառնային իրենց ծննդավայրը, ըստ կարելու խաղաղ միջոցառումի մը մեջ անցնել հուսալով պատերազմի արջան փոթորիկը:

Ռուսներու հաղթականորեն Արևելյան Պրուսիա մտնելը, գերման մտքերու մեջ այնպիսի ահաւոր շփոթութիւն մը առաջ բերած էր, որ արդեն գերման մեծ սպայակոյտը Գրաման ըրած էր, Բրեսլաուն իբր ուսուցիչ գերման սահմանագլխին ժողովրդագույն մեծ քաղաքը խրամներով պաշտպանել: Հազարավոր գործավորներ Բրեսլաուն շրջապատող անտառները կը կտրեին և խրամներ կը փորեին գիմազրել կարենալու համար մոսկովյան արշավանքի մը դեմ:

Մեր Բեռլին—Պոլիս գերման ճեպարկայն երկաթուղին կը սուրար անընդհատ անցնելով սահմանագլուխները վազող զինվորական գնացքներու առնթեր, որոնք բեռցած հսկա թնդանոթներ, ռազմակառքեր, զինվորական երկաթյա փուռեր, խոհանոցներ, հազարավոր զինվորներ, կենդանիներ, կ'աճապ սրեին մեծ մասամբ Արևելյան Պրուսիա, որ այն միջոցին գերմաններու ամենատկար և խոցելի կողմը կը թվեր ըլլալ:

Հասանք Գերման-Ավստրիական սահմանագլուխը կեսգիշերին, զինվորական արգելք կար, պետք էր ըստ նոր կարգադրութեան, ձգելով գերման գնացքը սպասել ավստրիական գնացքին, որ սակայն կ'ուշանար: Հինգ ժամվան հապաղումի վերջ այս անգամ ավստրիական աղտոտ և դանդաղ գնացքով մը կը մեկնեինք զեպի Բուդապեշտ՝ հունգարական մայրաքաղաքը:

Գնացքին բոլոր վարագույրները զոցված էին և բայարձակ արգելք կար գուրքը դիտելու... Աս կարգադրութիւնը եղած

էր, որպեսզի ճամփորդ օտարականներ շիրման թափանցել պատերազմական զաղտնի տեղափոխութեանց:

Գարշահոտ միջավայրի մը առթող տաժանելի ճամփորդութենէ մը վերջ 60 ժամէն միայն հազիվ կը հասնենք Բուդապեշտ. մինչ պատերազմէն առաջ նույն ժամանակամիջոցին մեջ կարելի էր Պոլիս հասնիլ:

Բոլոր ճամփորդները կը հրավիրվեին, որպեսզի ներկայանալով Բուդապեշտի կենտրոնական զինվորական հրամանատարին, հաստատեն օրինական թղթերով իրենց ինքնութիւնը:

Բավական երկար ձեւակերպութիւններէ վերջ՝ դուրսէն կ'ըլլար ինձ ևս իբր բարեկամ ազգի մեկ անդամ, իմա թուրք, զինվորական արտոնութեան վավերաթուղթ ստանալ և երկաթուղու տոմսակ առնելով գնացք մտնել:

Ամբողջ ճամփորդութեան միջոցին տեսարանը նույնն էր, միշտ շարան երկարածիգ երկաթուղու բեռնաբարձ գնացքներ, թնդանոթ, զենք, ռազմանյութ, պաշար, զինվոր, ձի և այլն: Ասոնց փոխադրութեան տեսքը իսկ սարսափ կ'ազդեր դիտողներուն: Այլ դուրսէն է երևակայել, թէ ինչքան ահաւոր պիտի ըլլար, երբ աս հարչուրավոր հրանոթներու շանթող երախքներէն, հուր ու բոց ժայթքեր և համատարած մահ սփռեր...

Հուսկ ուրեմն կը մտնենք Հունգարիո լայնատարած և Գուսթի ու ծովի մակերեսի նման հարթ ու հալասար դաշտերը: Հունձքը տեղ-տեղ լրացած էր և հացահատիկի որաները բարդ-բարդ, դեզ առ դեզ, լեռնակուտակ շեղջակույտեր եղած: Իսկ տեղ-տեղ ալ դեռ նոր կրցած էին գերի ինկած ռուս զինվորներու միջոցով դաշտերու հունձքը հավաքել:

Ավստրիո-ունգարիո մեջ մեր հանդիպած բոլոր կայարաններու մեջ կը գտնենք հարչուրավոր զինվորներ, որոնք հրաժեշտի վերջին ողջագուրանքներով կը բաժնվին իրենց սիրելիներէն: Մինչդեռ Գերմանիո մեջ բաժանումի հառաջ ու արցունք շտեասնք, Ավստրիո և Հունգարիո մեջ կը տեսնենք արդեն լազգին գիրկընդխառնումներ, ողբ ու կոծ և արցունք...

Գերմանիո մեջ զինվորները իրենց սիրելիներէն ցնծութեամբ, ցտեսութիւն ըսելով կը բաժնվեն. հաղթութեան անխորտակելի հույսով, իսկ Ավստրիո և Հունգարիո մեջ զինվորները կը բաժնվեն իրենց սիրելիներէն և կ'երթային դեպի ռազմաճակատ լալով ու սգալով, իբր թէ անխուսափելի մահվան կ'երթան...

Ճամփորդութեան հինգերորդ օրը կը հասնինք Ռումանիո

մայրաքաղաքը Պուրեշ: Մինչդեռ կը կարծվեր թէ Ռումանիա շեղք դիրք մը բռնելով պատերազմի ոչ մեկ պատրաստութեան մեջ է, բայց արդեն Ռումանիո մայրաքաղաքին մեջ իսկ, կը լսենք թնդանոթի ահեղ որոտներ. հետեանք՝ հրետածիգ զինվորներու ռազմափորձերուն:

Հունգարիո և Ռումանիո սահմանէն սկսյալ արդեն մեր գնացքը փոխված ըլլալով, ռումանական երկաթուղիով, մեկ քանի ժամվան դադարէ վերջ կը մեկնինք Պուրեշէն դեպի Քեոսթենձե:

Ամեն կողմ կը տեսնվին արտակարգ եռուզեռ պատերազմի պատրաստութեանց, իբր թէ Ռումանիա արդեն պատերազմի մեջ ըլլար:

Դանուբի հանդիպակաց ափին, Բուդարիո սահմանին վրա կը դիտվին նույնպէս պատերազմական նախապատրաստութիւններ և խորհրդավոր փոխադրութիւններ ծածկված երկաթուղու վագոններով...

Վերջապէս Դանուբի հսկա և հոյակապ երկաթյա մեծ կամուրջը անցնելով, գիշեր ատեն կը ժամանենք Քեոսթենձե:

Ուրիշ ճամփորդներու նման կը հարկադրվինք 5—6 օր սպասել շոգենավի, Պոլիս մեկնել կարենալու համար:

Քեոսթենձեի մեջ ալ կը լսվին թնդանոթի գոռ որոտներ. հոս ալ ռազմափորձեր կը կատարվին, բայց որո՞ւ հետ և որո՞ւ դեմ... ոչ ոք գիտե...

Սարսափը ընդհանուր է, ամեն ազգ և անհատ նախապատրաստութիւն կը տեսնեն, ըստ կարելիութեան հետո մնալու, և հարկադրված պարագային, քիչ վնասով դուրս գալու միջոցներ ստեղծելու հետամուտ ըլլալով:

Կերթամ ռումանական շոգենավային ընկերութեան գործակալութեան կենտրոնական գրասենյակը, քարափին վրա: Ծամփորդները այնքան շատ են, և խճողումը այնքան մեծ է, որ գործակալութիւնը դժվարահաճութեամբ տոմսակ կ'ուզե տրամադրել ամեն անոնց միայն, որոնք պաշտոնական տեղեր և անձերն հանձնարարյալ են:

Ստիպված կը դիմեմ անձնապէս գործակալութեան տնօրէնին, նախապատվութիւն ձեռք բերել կարենալու համար: Տնօրէնը՝ Թեոֆիլեն գալս իմանալուն, շափազանց կը հետաքրքրվի և տեղեկութիւններ կը խնդրէ:

Կարծելով թէ ռումանները գերմանասեր են, շնորհիվ իրենց Հոհենցոլերնյան գերման կայս. գերդաստանէն սերած թա-

գովորին, կը սկսիմ պանծացնել գերման ազգն ու իրենց շատ-վածացված կայսրն, և գերման հաղթանակներն պատմել, հուսալով գերմանախոս տնօրենին բարյացակամությունը շահելով Պոլսո համար տոմսակ ձեռք բերել: Ի մեծ հիասթափումն ինձի, հանկարծ խոսքս ընդհատելով կը պատասխանե խոստովանաբար «Մոսկենյոր, դուք կը կարծեք թե ումանները գերմաններու կողքին պիտի պատերազմին ոչ, ոչ ամենևին, մենք ֆրանսացիները կը սիրենք, և եթե դրամ շահինք, շենք երթար Բեռլին ուտելու, այլ միայն Փարիզ կ'երթանք մենք»:

Կը ջանամ գերմանասիրական բռնազբոսիկ ջատագովականս ընդհատելով միջին ուղղություն մը բռնել, և այս անգամ ֆրանսացիներուն բարեմասնություններուն վրա խոսիլ և Մառնի ճակատամարտը հիշել և զորավար Ժոֆրը գովել, որ գերմանները Մառնի մեջ պարտության մատնելով Ֆրանսայի հռչակավոր մայրաքաղաքը փրկեց և սեպտեմբեր 2-ին Սետանի տարեդարձը Փարիզի մեջ կատարելու իրենց ուզումաշունչ ցանկությունը հօդս ցնդեցնել տվավ: Այլ տարակույս չունեցա, որ բուժանները համաձայնականներու կողքին պիտի պատերազմեին, զի ամեն ումեն ալ շոգենավի գործակալության այս պետին պես կը խորհեր ու կը զգար անշուշտ:

Բարեկամական փոխադարձ հարգանքով և շոգենավի Ա. կարգի տոմսակ մը արդեն իսկ ձեռք բերած, կը մեկնիմ դեպի պանդոկ:

Վերջապես 15 օրվան տաժանելի ճամփորդութենն մը վերջ, սեպտեմբերի վերջը, խաղաղ ծովով և ալեկոծյալ հոգիով կը ժամանեմ Պոլիս:

Հազիվ Ղալաթիո քարափի մաքսատունը դուրս եկած, մաքսատան ծանոթ պաշտոնյաներ, որոնք հաճախակի ճամփորդություններու բերմամբ առիթ ունեցած էին հետս ծանոթություն կամ արևելյան բառով բարեկամություն հաստատելու, երբ իմացան որ աս անգամ Բեռլինեն կը դառնամ, շփազանց հետաքրքրված ձգելով խուռնամբոխ ճամփորդներու գույքերու խուզարկությունը, շուրջս բոլորված սկսան տեղեկություններ խնդրել գերման հաղթանակներու մասին:

Ձի Թուրքիա դեռ պատերազմի մտած չըլլալով, ֆրանսական և անգլիական Պոլիս հասած թերթեր, ինչպես և հույն ու հայ պոլսական թերթեր, գերման հաղթանակները սուտ հա-

նելով թուրքերը բնական բերմամբ հուսահատության մատնած էին անգթորեն:

Բնականաբար ստիպված ըլլալով անխորհուրդ կերպով արտահայտվելով շենթարկվիլ կասկածանքի, Պոլիս մտած օրս իսկ, փութացի թուրք պաշտոնյաները ոգևորել գերման իրական և ենթադրական հաղթանակներով...

Այնքան հաճելի թվեցավ գերմանասեր խոսելիակերպս և այնքան իրենց սրտի թելերուն մոտիկ, որ մաքսատան խուզարկու պաշտոնեից պետը, գովելով ողջմտությունս ըսավ «Տեսփոթ էֆենտի՝ քիչ մը խրատ տուր Պոլսո ազգակիցներուդ, որոնք գլխովին հակառակ կը խորհին Ձեզի, որպեսզի ետ կենան իրենց ՌՈՒՍԱՍԻՐՈՒԹՅՆԵՆ...: Այնքան առաջ գացած են դեպի ուսը, ֆրանսացին և անգլիացին տածած իրենց համակրության և սիրույն մեջ. որ ան օրը երբ ուսը հաղթող է հայոց երեսները կը խնդան... իսկ երբ ուսը պարտված է հայերը տխուր են...: Այսքան անկեղծությունը իրենց գլխուն հետո փորձանք կը բերե»...:

Արդեն քարափին վրա իսկ կրցա իրազեկ ըլլալ այն ահավոր խրամատին, որ բացված էր թուրք և հայ դրացի ժողովուրդներու միջև: Միտքս տանջող երկյուղով մը տեսա, որ Մայրաքաղաքի հայությունը տարվելով դարավոր թշնամական իր ցեղային զգացումներեն. ՍՏՈՒԳԻՎ ԿՈՐՍԱՆԱՐԱՐ ԱՆԿԵՂՎՈՒԹՅԱՄԲ ՄԸ, պատերազմի երկրորդ ամսուն իսկ, թուրք ժողովուրդի մոլեռանդությունն ու հայատյաց զգացումներն մոլեգնություն հասցրնող թափով մը իր դեմ գրգռած էր: Գիտենալով հանդերձ, թե թուրքին կատաղությունը մինչև ի՞նչ ահավոր աստիճաններու կրնա հասնիլ, և ի՞նչ եղեռնական հետևանքներ կրնա ունենալ...:

Գոնե վերջին 30 տարվան արյունոտ փորձառությունը, դեռ չէր զգաստացված զինքն, և չէր կրցած նվազ անկեղծ և ավելի վերապահ ընել հայը...:

ԱՌԱՋԻՆ ՏԱՐԱԳՐՈՒԹՅՈՒՆ

1915 ապրիլէն մինչև 1916 փետրվար

4.

ՀԱՅՈՒԹՅԱՆ ԸՆԴՀԱՆՈՒՐ ԿԱՅՈՒԹՅՈՒՆԸ
1915-ի ՍԿԻՉԲԸ

Աշխարհավեր պատերազմին համատարած սարսափը, Գրդեհի մը լափիզող բոցերուն նման, հետզհետե կը ծավալեր կայսերական պալատներին մինչև գյուղական թշվառ խրճիթները:

Բացի պատերազմիկ հինգ մեծ պետութիւններն (Անգլիա, Ֆրանսա, Ռուսիա, Գերմանիա և Ավստրիո-Հունգարիա) մնացյալ մեծ ու փոքր բոլոր ազգերն, խորապես ըմբռնելով ահավոր այս նոր կացութեան արտակարգորեն ծանրակշիռ հանգամանքը, ամենքն ալ աճապարած էին շեղութիւն հայտարարել:

Նույնիսկ երեսնամյա դաշնագրով, ի նպաստ իր զինակցին Գերմանիո և Ավստրո-Հունգարիո պատերազմին մասնակցելու բռնադատված Իտալիա, վճռական քայլ մը առնելի բոլորովին կը զգուշանար, շուգելով ինք զինք ենթարկել արկածախնդիր քաղաքականութեան մը անորոշ ելքին:

Այո՛, ամենքն ալ վերապահ ընթացքի մը կը հետևեին, և շէին ուզեր մեկ կամ մյուս կողմին համակրանքի կամ հակակրանքի որևէ արտահայտութիւն ընել, սպասելով ակնդետ օրըստօրէ գահավեժ ընթացող պատերազմական դեպքերու անակնկալ դարձվածքներուն:

Յուրաքանչյուր ազգ, իր ամենանշանավոր պետական հին ու փորձ մարդիկը աճապարած էր բերել պետութեան ղեկին գլուխը, և խոհեմութեամբ ու անձկանոք ամեն ազգ սկսած էր լուրջ միջոցներ ձեռք առնել, կարենալ դիմակալելու հետզհետե

իրենց երկրին սահմաններուն մոտեցող արյունի համաշխարհային փոթորկին:

Ամեն ազգ հետամուտ էր ըստ կարելիութեան թաքցնելու խորհուրդները իր մտքին ու սրտին, և անկարելին կ'ընեին բոլոր պետութիւններն, դրացի ազգերու կռահել շտալու համար, իրենց գաղտնապես ձեռք առած քաղաքական, վարչական և զինվորական միջոցները:

Ահա՛ պատմական այս ահավոր օրերուն, Մենթ ՀԱՅԵՐՍ ԷԻՆՔ ՄԻԱՅՆ, որ փոխանակ ազգվելու տիրող այս ընդհանուր մտահոգութեանն, և փոխանակ հետևելու դատողութեամբ և հեռատեսութեամբ շարժելու հրամայողական պահանջին, ընդհակառակն ըստ սովորութեան տարվելով մեր զգացումներեն, բայց ավելի ճիշտ կ'ըլլա ըսել, մղված մեր ցեղային վրեժխնդրական կրթերեն, առաջին օրեն իսկ արդեն կոյրզկուրայն ազգովին նետված էինք գահավեժ բախտախնդրութեան մը մեջ: Մինչդեռ ամենահզոր պետութիւններ, մնալով սպասողական դիրքի մեջ և առանց վշտացնել ուզելու մեկ կամ մյուս կողմը, գոց կամ գաղտնի կը խաղային իրենց դիվանագիտական կամ ռազմագիտական ԽԱՂԻ ԹՂԹԵՐԸ, մենք հայերս էինք միայն, որ առաջին օրեն, կործանարար անկեղծութեամբ և հանդգնութեամբ սկսած էինք մեր խաղի թղթերը բացը խաղալ...

Այսպես կը գրգռեինք մեր դարավոր շարաննոց թուրք թշնամին, որ վաղուց արդեն պատրվակ կը փնտրեր սրբագրելու, իր նախնիքներու քրիստոնյաները շարդելով գործած քաղաքական մեծ սխալը, և մեկ հարվածով բնաջնջելու Թուրքիո ամբողջ հայութիւնը՝ զայն խեղդելով համատարած արյան ծովերու մեջ:

ԱՐՏԱՍԱՀՄԱՆԻ ՀԱՅՈՒԹՅՈՒՆԸ գրչով, խոսքով և դեպի կողկաս աճապարող կամավորներու անկազմակերպ խումբերով, կովկասի հայութեան հետ առաջին օրեն իսկ, արդեն փութացած էր հայտնել իր գործոն համակրութիւնն համաձայնական մեծ պետութիւններուն և ի մասնավորի ցարական Ռուսիո:

Մինչդեռ մեր այս բարեկամ կարծած մեծ պետութիւնները, զբաղած էին վատ սակարկութեամբ 1916-ի գաղտնի դաշնագրին հիմերն ու ծրագիրներն մշակել ու պատրաստել, իրենց մեջ բաժնելու համար մեր հայրենի ժառանգական երկիրները, մեր ազգային ճակատագիրը մեր 4000 տարվան հայրենիքը աճուրդի հանելով և միաժամանակ շի մոռնալով:

մեզ անվանելու իրենց փոքրիկ և քաջարի դաշնակիցը: Մենք հայերս, ԱՌԱՆՅ ԿԱՆԽՈՐԴՈՇ ՍԱԿԱՐԿՈՒԹՅԱՆՅ և անխորհուրդ կերպով, մեր արդեն քամված արյունը հոթդահոս կերպով ի սպաս դրած էինք նույն այս համաձայնական պետություններուն...

Փարիզի և Սոֆիայի մեջ Ամերիկայի զունդագունդ եկած հայ կամավորներու զենքերն, հրապարակային հանդիսավորությամբ պոլսահայ եկեղեցականներու կողմն կ'օրհնվեին նույն տեղերու թուրք ղեսպաններու գաղտնի լրտեսներուն աչքին առջև: Իսկ այս ամենը թուրք ղեսպաններուն կողմն օրը օրին կը տեղեկագրվեին Պոլիս Պապը Ալի՝ պատկանյալ պաշտոնարաններուն:

ԹՈՒՐԶ ՄԱՅՐԱՔԱՂԱՔԻ ՀԱՐՅՈՒՐ ՔՍԱՆ ՀԱԶԱՐԻ ՀԱՄՆՈՂ ՀՈՇ ՀԱՅՈՒԹՅՈՒՆԸ ԵՎՍ, առանց ի նկատի առնելու իր հույժ փափուկ կացութիւնը, և փոխանակ հետեւելու իրեն դրացի հույներու և հրեաներու վերապահ և շրջահայաց ընթացքին, առաջին օրեն իսկ սկսած էր արդեն ինքզինք փրկված համարել...

Մայրաքաղաքի հայութիւնը, այնքան ակնհայտի կերպով սկսած էր արտահայտել իր ներքին զգացումներն, որ թուրք թերթերը ինչպես «Կարակեռ» հեզնորեն կը գրեին, թե— օրվան պատերազմական հաշտութիւնները կամ ձախորդութիւնները իմանալու համար, Ձեզի հանդիպող առաջին հայուն երեսը նայեցեք, եթե ուրախ է, Ռուսիան է հաղթողը, եթե տրտում է, ուրեմն Գերմանիան է հաղթողը:— Ինչպես որ Պոլիս ժամանած օրս մաքսատան մեջ ինձի ըսին թուրք պաշտոնյաներն և որ կանխալ հիշեցի մանրամասնությամբ Բեռլինն Պոլիս վերադարձիս պատմութիւն մեջ:

Պոլսո հայ օրաթերթերը, մղված այս խանդավառութիւն ընդհանուր հոսանքին, մեծազորդ վերտառութիւններով կը պանծացնեին համաձայնական պետութիւններու սուտ ու շիտակ հաղթութիւններն հույժ շափազանցյալ ձևերով, իսկ գերմաններու սկզբնական իրական հաղթութիւններու մասին կամ բոլորովին լուռ կ'անցնեին և կամ աննշան ու աննշար աստիճանի մը կը հասցնեին, շմոռնալով ի դեպս և հանդեպս հակառակ արտահայտվելու ընդգնմ գերմաններու:

Առ այս համոզվելու համար, բավ է աչքն անցնել պատերազմի անմիջապես վաղորդային—1914 հոկտ, օգոստոս, սեպ-

տեմբեր—հրատարակվող հայ օրաթերթերն ու ասոնց մեծատառ վերնագրերը:

Ինչպես միշտ, նույնպես պատմական այս ձախտագրական օրերուն ևս, ԱԶԳԱՅԻՆ ՈՐՈՇ ՔԱՂԱՔԱԿԱՆՈՒԹՅՈՒՆ ԳՈՅՈՒԹՅՈՒՆ ԶՈՒՆԵՐ:

ՀԱՄԱԶԳԱՅԻՆ ԸՆԴՀԱՆՈՒՐ ԿԱՐԳԱՆՈՍԻ ՄԸ ԶԳՈՅՈՒԹՅԱՆ ՊԱՏՃԱՌՈՎ, ամեն հայ և ամեն կուսակցութիւն իր ըմբռնած ու նախասիրած եղանակով կը գրեր, կը խոսեր ու կը գործեր ԱՆՊԱՏԱՍԽԱՆԱՏՈՒ ԿԵՐՊՈՎ:

Առանց վերհիշել ուզելու, թե իր կտորած ապակիներու արժեքը, ինչպես միշտ, այս անգամ ալ ՊԻՏ ՎՃԱՐԵՐ Թուրքիո սահմաններուն մեջ ապրող ԱՆՄԵՂ ԺՈՂՈՎՈՒՐԳԸ, ԻՐ ԱՐՅԱՆԸ ԹԵՐԵՎՍ ԱՄՐՈՂՋ ԳՆՈՎ:

Պոլսո հոժ հայութիւնը իր փրկութիւն ժամը վերջնապես արդեն հասած համարելով, մեծ խանդավառութիւն մեջ էր: Անհեռատես կերպով տարված ախտաժետ այս հոգեբանութիւն և մտայնութիւն խաբկանքով, անօրինակ մեծ թափ ստացած էր մայրաքաղաքի հայ ժողովուրդին արդեն սովորական դարձած ՀԱՆԴԻՍԱՍԻՐՈՒԹՅՈՒՆԸ:

Ազգային պատմական կյանքերն առնված թատերակսն զգայացունց ներկայացումներ, տարաբախտ Կոմիտաս վարդապետի ղեկավարութիւնը կազմակերպված մեծ համերգներ, Բերայի Եսայան սանուց լսարանական ցերեկույթներ, գրական հավաքույթներ, թաղային երեկույթներ կամ կիրակնօրյա ցերեկույթներ, գիշերային պարահանդեսներ, աշնանային «Ֆուտբոլի» մրցումներ, երկսեռ սքառտական հրապարակային տողանցներ, և կարմիր խաչի անունով սարքված հաճախակի դասախոսութիւններ, և այլ այս կարգի հավաքույթներ, հանդեսներ, մրցումներ, իրար կը հաջորդեին երազատես խանդավառութիւն մը առթած հիվանդագին ոգևորութիւնը:

Իսկ իթթիհատական նենգամիտ կառավարութիւնը կամ նույնն է ըսել համանուն կոմիտեն բոլոր բռնավորներու նման, ոչ միայն որևէ արգելք չէր հաներ, այլ ընդհակառակն, օրենքին կանխատեսած սահմանն ալ ավելի դյուրութիւններ կ'ընծայեր, որ հայ ժողովուրդը, իր բոլոր խավերով, շերտավորումներով զրոսնու ու ցնծա, և ժամանակ չի գտնե զբաղելու ու թափանցելու, մութին մեջ իր սարքած արյունոտ և քաղտնի ծրագիրներուն...

Այսպես ընդհանուր էր ոգևորությունը և ամբոխավարությունը, ոչ ոք վազված մտահոգությունը ուներ: Ինձ հետ հազիվ մեկ քանի ազգ. երեսփոխաններ կը փորձեին իզուր մատնանիշ ընել Քուրքիո հայության սպառնացող վերահաս ահավար վտանգը: Սակայն արտոքի սպառնալիքներով լուռության դատապարտած էին բողոքողները, շնորհիվ մայրաքաղաքին ուստիկանական ընդհանուր տնօրեն Պետրիի ամենազոր միջամտության...

Ի՞նչ հարկ կար շարագուշակ մտավախություններով, խանդավառված ժողովուրդը սարսափեցնել և հուսահատեցնել... Չէ՞ որ անգլիական և ֆրանսական միացյալ հզոր նավատորմը արդեն Դարդանելի առջև կանգնած, իր հարյուրավոր մեծ ու փոքր թնդանոթներու դժոխային կրակովը, ամեն օր քարուքանդ կ'ըներ Չանազ Գալեի նեղուցի Քիլիզ էլ Պահրի ամբարկուռ մարտկոցները... և չէ՞ որ մեկ քանի օր վերջ Պոլիսը արդեն ինկած պիտի ըլլար...

Արդարև այս միջոցին Պոլսո նույնիսկ թուրք բոլոր օրաթերթերը բացահայտորեն կը գրեին, թե թուրք կառավարությունը ի գուլս ունենալով Սուլթան Ռեշատը և նախարարությունը, պատրաստություն կը տեսնեին մեկնելու դեպի էսկիշեհիր և ապա ի պահանջել հարկին նաև թուրք հին մայրաքաղաքն Գոնիա: Այս նպատակով պետական դիվանատանց թղթերն ևս հավաքված և սնտուկներու կամ երկաթյա արկղներու մեջ զետեղված էին և օրեօր վերջնական մեկնումի հրամանին կը սպասեին: Հետևապես մտավախության ի՞նչ շարժառիթ կար այլևս...

Վերջապես այս օրերուն ժողովրդային խանդավառությունը ան աստիճանի հասած էր, որ կարելի է ըսել, թե կը գերազանցեր 1894-ի հայկական անդրանիկ խանդավառության օրերը: Երբ հայերը դարձյալ ամեն օր գունդագունդ Մարմարայի ծովի ափերը կը վազեին, դիտելու համար անգլիական փառահեղ նավատորմին մեծաշուք անցքը Մարմարային դեպի Բոսֆոր, անշուշտ հայերը փրկելու համար... Շուտով մոռացության տված էինք անգլ. պետական հռչակավոր մարդոց, պատմական և խորհրդավոր սա խոսքը, թե Անգլիական նավատորմը չէր կրնար բարձրանալ դժբախտաբար մինչև Արարատ (5560 մետր): Բայց շատ դյուրավ անգլիացիք իրենց զրահավորները բարձրացուցած էին Հնդկաստանի Հի-

մալայան լեռնաշղթայի, աշխարհի ամենարարձր լեռը էվերեստ (8700 մետր) ՄԻԱՅՆ ԵԹԵ ՈՒՋԵԻՆ... Մինչդեռ Պոլսո հայությունը կը խայտար ու կը ցնծար այսպես ամենօրյա հանդեսներու մեջ, անդին ԳԱՎԱՌՆԵՐՈՒ ԵՐԿՈՒ ՄԻԼԻՄՆԵ ԱՎԵԼԻ ԽԵՂԾ ՀԱՅՈՒԹՅՈՒՆԸ լքված ու ձգված էր իր սև բախտին...

Արդեն թուրք կառավարությունը նամակներու գրաքննությունը, պաշարման զինվորական օրենքի անունով ծայրուստիճան խստության հասուցած էր, իսկ ճամփորդության երթևեկը պատերազմական օրենքներով հետզհետե այնքան կաշկանդած էր, որ ամեն հաղորդակցություն Պոլսո և գավառներուն միջև արդեն դադրած էր. թուրքերու (1914-ի սեպտեմբերին) պատերազմի մտած օրեն սկսյալ:

Այս պատճառով ալ Պոլսո Պատրիարքարանին ու գավառական մեծ ու փոքր երեսունն ավելի Առաջնորդարաններու միջև, ամեն հարաբերություն իրապես բոլորովին դադրած էր այլևս: Մայրաքաղաքի հայությունը գավառի հայութենեն լուր չուներ և փոխադարձաբար:

Այս իսկ պատճառով գավառներու ամբողջ հայությունը չէր գիտեր, թե ի՞նչ է ազգային ընդհանուր կարգախոսը, և թե ի՞նչ պես պետք է շարժիլ: Գավառներու հայությունը ևս, Պոլսո հայության նման, իր ազգային դարավոր երազներու և հույսերու իրականացման պատմական ժամը հասած կը համարեր, և այս պատճառով ինքն ևս աննախընթաց խանդավառության մեջ էր: Բայց վստահության կը սպասեր, և խորապես համոզված էր, որ ազգին ղեկավարները պետք եղածը արդեն կ'ընեին այս մասին...

Ի դեպ է ևս հիշել, թե ամենամեծ և հայաշատ առաջնորդական վիճակներ ու թեմեր, ինչպես Սեբաստիա, Տիգրանակերտ, Վան, Երզնկա, Արարկիր, Ակն, Մուշ, Գաղատիան և այլ երկրորդական թեմեր, ինչպես նաև Կիլիկյան ինն առաջնորդական թեմեր, տարիներ ի վեր անհովիվ կը մնային. եպիսկոպոս և վարդապետ առաջնորդներու կամ տեղապահներու, այլուր տեղափոխության մը և կամ մահվամբ:

Ռուսիո և Թուրքիո միջև, 1914-ի աշնան Բայրամի առաջին օրը պատերազմը սկսելի վերջ էր միայն, որ հիշվեցավ, թե անհովիվ քսանն ավելի գավառական վիճակներ ու թեմեր հովիվ ղրկել ստիպողական էր:

Իթթիհատական կառավարությունը, կամ իր ետև թաքնված

իթթիհատական կոմիտեի իրական կառավարութիւնը, թրքական բոլոր բանտերու դռները, ընդհանուր ներման անունին ներքև բանալով և հազարավոր արհեստով ոճրագործներ ազատ արձակելով, շեթայական խմբեր կազմել տված էր, ու սկսած էին արդեն Փոքր Ասիո բոլոր ճամփաներն ասպատակել, անանցանելի դարձնելով և ընդհատելով ամեն երթևեկ, մանավաւեղ քրիստոնյա ժողովուրդներու համար:

Այս միջոցին հրավեր կ'ըլլար Պատրիարքարանի կողմն նաև ինձի, ստանձնելու Երզնկայի Առաջնորդական տեղապահութիւնը և անմիջապէս մեկնելու Սեբաստիո ճամփով գեպի նորստաց Պաշտոնատեղիս:

Իզուր կը ջանայի համոզել մետասաներորդ ժամու այս հապճեպ ու անհեռատես կարգադրութիւններ ընողները, թե ԱՆԿԱՐՆԻԻ է տիրող այդ հանգամանքներու ներքև պաշտոն ստանձնել ու գավառ երթալ:

Հայտնելով, որ ոչ թե շեմ ուզեր երթալ, այլ ՉԵՄ ԿՐՆԱՐ ԵՐԹԱԼ:

Եվ ահա իմ դեմ կը հանեին փոթորիկ մը. առիթը գտած համարելով հագուրդ տալու իրենց անձնական կրթոտ հաշիվներուն և ճարտարորեն գիտ կ'ամբաստանեին իբր Պատրիարքը գահընկեց ընելու հետամուտ: Մինչ Ոստիկանական տնօրեն Պե՛որի, դամոկլիան սուրի նման կանգնած էր մեր ամենքին գլխին, և շարժելու ոչ ժամանակն էր և ոչ ալ միջոցներ կար...¹⁾:

¹⁾ Մեր նյութն գուրս կը համարինք ասկէ ազիւ մանրամասնութիւնց մտնել, ուստի այսքանով կը բավականանք. միայն հոս դնելով պատճեններ մեր փոխանակած երկու պաշտոնագրերուն:

Պատրիարքարան հայոց
Կոստանդնուպոլիս
Կ. Պոլիս, 22 Հոկտեմբեր 1914:

Խառն ժողով
Ազգ. Կենտրոնական Վարչութիւն
Համար 528

Գերաշնորհ
Տ. Գրիգորի Ս. Վարդ. Պալաթյան
Առաջնորդական Տեղապահ Երզնկայի

Ի Կ. Պոլիս:

Ազգային կենտր. Վարչութիւն խառն ժողովը նկատի ունենալով ներկե փափուկ պարագաներու մեջ Երզնկայի նման կարեոր գավառի մը Առաջնոր-

Չեմ գիտեր ի՞նչպէս, ինձ անմեկնելի մտասեւեռում մը կը տանջեր միտքս ու հոգիս և անծանոթ ձայն մը կ'ըսեր ինձ ՄԻԵՐԹԱՐ, ԿԸ ՍՊԱՆՎԻՍ...:

Ճիշտ այս երկյուղեն մտրակված էր, որ այս օրերուն Տրապիզոն գտնվող քեռայրս (ընդհանուր երկրագործական պետական քննիչ երեք կուսակալութիւնց Տրապիզոնի, Կարնո և Բիթլիսի) Պոլիս կը հրավիրեի ստիպողաբար, գրելով, որ ԳԱՎԱՌԻ ՀԱՅՈՒԹՅՈՒՆԸ պիտի բնաջնջվի, շուտ Պոլիս եկուր զավակդ հետդ առած: Իսկ երբ տեսնելով, թե մեկ կողմն թուրք և ոռուս պետութիւնց պատերազմի սկսելու հարցը այլևս օրերու

դական Աթոռին թափուր վիճակը, և հոն կարող հոգևոր հովի մը ներկայութիւն անմիջական պետքը նույն գավառի Առաջնորդական Տեղապահութիւն պաշտոնին կողմէ Ձեր գերապատմութիւնը, վստահ լինելով Ձեր ազգասիրական զգացմանց վրա և գիտնալով Ձեր ձեռնհասութիւնն ու վարչական հմտութիւնը՝ վիճակային գործոց մեջ:

Հաղորդելով Ձեզ հանձին Ձեր գերապատմութիւն կատարված այս արժանավոր ընտրութիւնը, վստահ ենք, որ նկատի առնելով արդի կացութիւն պահանջը, պիտի բարեհաճիք հոժարութիւնով ընդունել սույն կարևոր պաշտոնը և հաղորդել մեզ անմիջապէս Ձեր հավանութիւնը, ըստ այնմ պարտ ու պատշաճն ի գործ դրվելու համար:

Մնամք աղոթարար
Պատրիարք հայոց Թուրքիո
Ջավեն Արքեպիսկոպոս
Տեր Եղիայան

Պատճեն

Սկզբուար, 28 Հոկտեմբեր 1914:

Ամենապատիվ

Տ. Տ. Ջավեն Սրբազան Արքեպիսկոպոս
Պատրիարք հայոց Թուրքիո

Ի Կ. Պոլիս:

Պատիվ ունեցա ստանալու Ձեր բարձր Սրբազնութիւն 22 Հոկտեմբեր թվակիր Պաշտոնագիրը, որով կը ծանուցվեր ինձ, թե Առաջնորդական Տեղապահ ընտրված եմ Երզնկայի վիճակին:

Պատրիարքարանդ Վանի, Տիգրանակերտի, Սեբաստիո և Երզնկայի նման ամենահայաշատ և պատմականորեն ևս մեծ կարևորութիւն ունեցող թեմեր, ազիւ քան երկու և վերջինը երեք երկար տարիներ, օսմ. հայրենիքին հեղաշրջման այս պատմական շրջանին մեջ ցարդ անհովիվ թողուց: Հակառակ անոր, որ մայրաքաղաքիս մեջ գավառական հովվութիւն հարմար կես երկուստանյակ մը նորապսակ եպիսկոպոսներ ու փորձառու վարդապետներ անպատեն կը գտնվեին:

Ու վերջին պահուն, երբ օսմ. դժբախտ հայրենիքն, պատերազմի մեջ մտած է այժմ մեկ քանի շարաթե ի վեր. և մանավանդ առաջին ու վերջին թեմերն,

խնդիր է և բեռայրս ալ իր պաշտոնին բերմամբ կը դժկամակի կամ շի կրնար գալ Պոլիս, կը հեռագրեի, թե ՔՈՒՅՐՍ ՄԱՀԱՄԵՐԶ ԶԻՎԱՆԳ է, ՇՈՒՏՈՎ ՊՈԼԻՍ ԵԿՈՒՐ...:

Այս հեռագրին վրա կ'աճապարեի բեռորդիս հետ գալ Պոլիս մտահոգութեամբ լեցված, և քարափին վրա իր ծայրահեղ հուզումը կը հանդարտեցնէի, ըսելով, որ «հիվանդ շունինը, այլ քեզ այս ձևով ստիպվեցա Պոլիս բերել տալ, գի կացութեանը կարծվածն շատ ավելի ծանր է»:

Տասը օր վերջ Սև ծովի մեջ տեղի կ'ունենար գերման կեռպեկն և Բրեսլաու զբահանորներու հարձակումը ուս նավատորմին վրա և Բոսֆորի Սև ծովի մուտքը իսպառ կը փակվեր անմիջապէս ականներով, այլևս դադրելով ամեն շոգենավային երթևեկ:

Տեսնելով, թե անկարելի կ'ըլլա զիս բռնադատել ղրկելու Երզնկա, քանի մ'օր վերջ նույն Պաշտոնին կը կոչեին Պրուսայի Առաջնորդ և ինձ օժակից ողբացյալ Տ. Սահակ Մ. Վարդ. Օտապաշյան:

Սա մղված տիրող ընդհանուր խանդավառութեան հոսանքին, և հակառակ զգուշական եղբայրական թելադրութեաններու հայ օրախերթերու շոյալած ծափին ու գովքին մեջ կը մեկնեի Սեբաստիա: Քաջութեանը կը պակսեր իրեն, հոսանքին դեմ դուրս

Վանն ու Երզնկան, իբր անմիջական սահմանակից գավառներ Բուսիո, վերահաս վտանգի իսկ ենթարկված են այժմն, ապաժաման կարգադրութեամբ մը հովիվներ կարգելով. անհետատես իր ընթացքին ծանր պատասխանատուութեանը կը կարծե ձգել. ներկայիս ճամփորդելու իսկ անկարողութեան դատապարտված հովիվներու վրա:

Այս և այս կարգի շարք մը խնդրոց մասին, պատասխանատուները արդարութեամբ և անաշուտութեամբ ճշտելու «ղծբախտ պարագան» թողով հանդարտ առաջին առիթին, տասնհինգ տարվան եկեղեցական պաշտոնավարութեանս ընթացքին, առաջին անգամ ըլլալով, ստիպված եմ բացարձակապէս հրաժարիլ սույն «անվանական» Պաշտոնին:

Որովհետև շեմ ուզեր կրավորական հնազանդութեամբ մը, քաջալերել հոգևոր արդի իշխանութեանը իր սխալ ու անհետատես քայլերուն մեջ:

Գիտնալով հանդերձ, որ հոգևոր իշխանութենն (1913) ի Գերմանիայ ուսանելու արտոնյալ եմ, ու եվրոպական պատերազմին պատճառով միայն, առժամապէս Պոլիս դարձած հյուրաբար, մետասանտրոք ժամու եղած դիտումնավոր այս կարգադրութեան համար, մի զարմանաք, Սրբազան, խնդրեմ, եթէ հայտնեմ խորին ցավս:

Մեամ խոնարհ ծառա Ազգիս
Գ. Մ. Վարդ. Պալաշյան:

(Պատճեն)

գալու խիզախաբար, և միայն մեկնած պահուն լուր կը ղրկեի ինձ, թե «թեպետ շուգելով, բայց ճարահատ պիտի երթամ, գի քու դեմ պատրիարքարանի հանած հալածանքը կը վախնամ, որ իմ դեմս ալ հանվի...»:

Սեբաստիա իր ծննդավայրը մեկ քանի օր հանգիստ ընելով վերջ, երբ ճամփա կ'իյնար դեպի իր պաշտոնավայրը՝ Երզնկա, Պաղիվ Սեբաստիային տասը ժամ հետո՝ Սուշեհիբի մոտ, իթթիհատի կազմակերպած, և ներքին գործոց նախարար Թալեաթի կողմէ հրահանգված ձիավոր «շեթաներու» մահաբույր ինն զնդակներուն ներքև հոշոտված իմ տեղը շարաշար կը սպանվեի եղբրաբախտ Սահակ վարդապետ, անմեղ զոհը ըլլալով իր անհետատես պետերուն անխորհուրդ կարգադրութեանը:

Ապա փառավոր սգահանդես կը սարքվեր Մայր Եկեղեցի մեջ, և ողբացյալին, իբր պարտականութեան ճամփուն վրա ինկած զոհ, դրվատիքը կ'ըլլար մարդոց կողմանէ, որոնք անձնապէս զգուշական ամեն միջոց ի գործ կը դնեին, պարտականութեան այդ իրենց ներքողած ճամփուն վրա շատ ԱժԱՆ ԿԵՐՊՈՎ շինարու համար...:

Իսկ ես անձամբ ներկա կ'ըլլայի օժակիցիս այն սրտաճմլիկ սգահանդեսին, որ եթէ կույր հնազանդութեան համակերպող ոգի ունենայի, անշուշտ ինձ համար էր, որ պիտի կատարվեր մահվան այս համազգային մեծ հանդեսը: Սակայն հետո զոհաբերված միլիոնավոր հայ ժողովրդեան ահալոր նահատակութեամբ պիտի մոռցվեր անհիշատակ:

Բայց եղբրաբախտ Սահակ վարդապետը այս ժրագրյալ սպանութեանը սկիզբն էր երկանց...:

Թալեաթ այս անգրանիկ ոճիրը գործել տվալ համաշխարհային պատերազմի վաղորդայնին, և ուս-թուրք պատերազմի սկզբնավորութենն անմիջապէս վերջ, տարված սա մտավախութենն, թե հայոց Պատրիարքարանը իբ կողմէ մասնավոր եկեղեցական պատվիրակ մը կը ղրկե առաւանակ սահմանագլուխ, անշուշտ Երզնկա առաջնորդ ղրկելու պատրվակին ներքև, գաղտնապէս հրահանգելու համար ուս բանակի հայ զորավարներն և հայ կամավորական բանակի պետը՝ Անդրանիկը...:

Ինչպես 1877—78 ուս-թրքական պատերազմին, հոգելույս ներսես Պատրիարքի կողմէ Վահան վարդապետ պարախիդակցը ղրկված էր իբր պատգամավոր Լորիս-Մելիքովին:

Այս ոճրին քաղաքական բնույթին կառկած շէր մնար, վատն զի շերքեզի զգեստով ծայտված ութը թուրք սպաներն, պետական «Մավզերի» գնդակներով հեք վարդապետը սպանելի վերջ, պաշտոնաթղթերը առնելով մեկնած էին, կառքին մեջ սպանվալին մոտը թողնելով ոսկի ժամացույցը և մեծաքանակ դրամը: Այս վերջին հանգամանքը կը հաստատեր ինքնին, թե սպանութեան նպատակը գողութիւնն էր:

Այս պատմական ահաւոր օրերուն, հայ քաղաքական կուսակցութեանց ղեկավարներու կրավորական դիրքին պատճառով, ազգին ճակատագիրը իրապես վարող Պոլսո ԱԶԳ. ՊԱՏՐԻԱՐՔԱՐԱՆՆԵՆ ևս շվարած վիճակի մը մեջ կը գտնվեր, և բուրոյովին անընդունակ էր կշռելու կացութեան զահալած ծանրութիւնը:

Տիգրանակերտեն Պոլիս բերված և հազիվ տարիս մը ի վեր պաշտոնի վրա գտնվող Պատրիարքը ևս կարողութիւնը չունէր ահաւոր այս կացութեան բախտորոշ վիճակը ըմբռնելու: Զի բուրոյովին անծանոթ մըն էր մայրաքաղաքին պետական և ազգային անձերուն և անցքերուն, և նա մանավանդ շրջապատված էր խորհրդականներե, որոնք հետու էին իմաստուն «Մենտորներ» ըլլալի:

Իսկ վեց ամսե ի վեր պատահական մարդոցմե ընտրված քաղաքական ժողովն ևս Պատրիարքին չափ անծանոթ էր իր շուրջի իրադարձութեանց: Որով Ազգին պաշտոնական ղեկավարներն ենթարկված էին անգիտակցաբար Պատրիարքարանին դուրսն ու մանապէս ներսն սողողող հայ դավաճաններուն մաքիավելական խարդավանանքներուն:

Այս հայ դավաճաններեն ամենավտանգավորներն էին Պեշիքթաշի տխրահռչակ Մխիթար Արթին Մկրտիչյան, որ ձերբակալուի հայ մտավորականներուն սե ցանկին զխավոր հեղինակն էր և Պատրիարքարանի գործակատար Գամբր Շիրինյան, որը Քալեաթ ճարտարորեն կը գործածեր՝ իրազեկ մնալու համար Ազգ. Պատրիարքարանի ներքին ամեն իրադարձութեանց:

Գառնազգեստ գայլերու ոհմակ մը, որուն մեջ հեղափոխականի պատվանունը կրող բախտախնդիրներ ևս շէին պակսեր. ինչպես Հմայակ Արամյանց, խլուրդային ժիր գործունեութեան մեջ էին. և ամեն ջանք կ'ընեին հայոց Պատրիարքը համոզելու Քալեաթի կողմն ապահովիչ «սելամներ» բերելով, թե հայոց որևէ վտանգ չսպառնար...

Ներքին գործոց ամենազոր նախարար Քալեաթ, հայ և թուրք բոլոր փորձ դավաճաններու և լրտեսներու գաղտնի բանակը շարժման մեջ դրած էր օրը օրին իրազեկ մնալու համար մայրաքաղաքի հայ կյանքի գաղտնի կամ հայտնի բոլոր փուլերուն. ըստ այնմ խավարին մեջ իր ղեկը գործածելու համար դեպի հայ ցեղի ջնջման ԱՐԴԵՆ ՈՐՈՇՎԱՄ արյունածարավ նպատակը:

Իսկ ՀԱՅ ՔԱՂԱՔԱԿԱՆ ԿՈՄԻՏԵՆԵՐՈՒ ՊԵՏԵՐՆ ևս, նույնպես շվարած վիճակ մը ունեին. ճշմարտութիւնն է, որ շատ ավելի լավատես էին, քան հոռետես:

1914 հուլիսին, պատերազմի սկսած միջոցին կարևոր մեջ Դաշնակցական կուսակցութիւնը իր տարեկան համագումարին մեջ որոշած էր շեզոք մնալ, ի դեպ թուրքիո պատերազմին մասնակցութեան: Սակայն միանգամայն ամեն ջանք ի գործ դրած էին իրենց իթթիհատական թուրք բարեկամներուն և ի մասնավորի Քալեաթի մոտ, որպէսզի թուրքիա զգուշանա մասնակցելի այս մեծ պատերազմին:

Մյուս կողմն թուրքերու պատերազմին մասնակցելին վերջ դաշնակցականները մերժած էին իթթիհատի հրավերը, օգնելու թուրք կառավարութեան, հակառակ իթթիհատի շռայլած խոստումներուն:

Բայց հայ քաղաքական կուսակցութեանց ընթացքը հանդեպ թուրք կառավարութեան միշտ բարյացակամ եղավ ԵՎ ԵՐԻՔ ԴԱՎԱՆԻՐԱԿԱՆ: ԻնՉՊԵՍ կը ճգնին ցույց տալ հայ արյան պատասխանատու մեծ եղեռնագործ իթթիհատական փախստականները, անշուշտ իրենց մեծ ոճրին չքմեղանքն ապահովելու ուշադրով:

Պոլիս ժամանմանս առաջին օրերուն իսկ, փութացի այցելել օրվան Պատրիարքին. նախկին Պատրիարքներու, Ազգ. երեսփոխաններու, քաղաքական ժողովի անդամներուն, հայ քաղաքական կուսակցութեանց ինձ վաղածանոթ և բարեկամ պետերու, և ստացած ընդհանուր տպավորութիւնս սա եղավ, որ եւ որ կրցած էր թափանցել կացութեան իրապես ծանրակշիռ հանգամանքներուն և ՈՉ ՈՔ ՎԱՂՎԱՆ ՄՏԱՀՆԳՈՒԹՅՈՒՆԸ ՈՒՆԵՐ:

Վերոհիշյալ անձերեն շատերը կը պնդեին, թե թուրքիա պատերազմի չի պիտի մտնէ, և թե թուրքերու պատերազմին սկիզբն հռչակած զորահանութիւնը պարզապես զգուշական

կանխաճառ միշտ մըն էր: Կային պարզամիտներ, որ համոզված էին, թե ցորչափ իթթիհատի կուսակցության ձեռքն է պետական ղեկը, և Հայոց սիրելի Քալեաթն ևս ներքին գործոց նախարար է, հայոց որևէ վտանգ չսպառնար:

Հանդիպեցա հայ քաղաքական կուսակցության պետերու, որոնք ուրախ և գոհունակ ժպիտով մը ականջիս կը փսփսային, թե իթթիհատի կոմիտեն հայոցս խոստացած է, Բալկանյան 1913-ի պատերազմին ծնունդ առած հայաբնակ վեց նահանգներու բարեկարգության ծրագիրը՝ ավելի ընդարձակ սահմանի մը մեջ գործադրելու և հայերը գոհացնելու. եթե մենք օգնենք թուրք կառավարության, պատերազմի մասնակցության պարագային:

Ինչպես կը տեսնվի մեկը մյուսն խախուտ և նույնիսկ հակասական վարկածներ. որով ներքի էր ենթադրել, թե ազգին ճակատագիրը վարող այս մարդոց, բացարձակապես կը պատսեր պահանջված հեռատեսությունը և հստակատեսությունը, որքան ալ ճշմարիտ ըլլար պնդել, թե կառավարել հեռատեսել ըսել էր:

Թեպետ Եվրոպայի ամենամեծ ազգերու քաղաքագետ և գիվանադետ մարդիկն ալ շարաշար խաբվեցան, չի կրնալով կանխատեսել ապագա գահավեժ ղեկաբերն, բայց ինչ որ ներքի չէր ազգին ճակատագիրը վարող ղեկավարներուն, սա էր, որ պետք չէր այսքան կույր փտահուստներուն ցույց տային Չինգիզխանի և Լենկթեմուրի ժառանգորդ և վայրագ բնազդներու ենթակա այս մոնղոլյան թուրք ցեղին. երբ հեռավոր ու մոտավոր 500 տարվան արյունոտ պատմություն մը կար մեր առջև ահավոր...

Իսկ իթթիհատի կոմիտեի 1909 ապրիլ 1-ին Ադանայի մեջ սարքած ահավոր կոտորածը շատ թարմ էր ամենքին մտքերուն մեջ, և այս մասին հրատարակված թուրք և հայ քննիչ մարմնոյն պաշտոնական տեղեկագիրը, իրավունք չէր տար կասկածելու իթթիհատի եղեռնապարտ մասնակցության և բացարձակ պատասխանատվության մասին:

Իսկ երբ թուրքիա պատերազմ հրատարակեց Համաձայնական պետություններու դեմ. քաղաքական մեր կուսակցության ղեկավարներն ԿԱՏԱՐՅԱԼ ՈՒՂՂԱՄՏՈՒԹՅԱՄԲ իրենց խոստացած շեղբուսությունը սահմանին, զգուշանալով որևէ դժվարություն հանելիս իթթիհատական կառավարության դեմ:

Եվ այս անոր համար, որ քաղաքական հայ կուսակցության մտավորական ղեկավարները, գաղափարի ազնիվ ընկերներ փորձվեցան նկատել թուրք իթթիհատական մարդիկը, որոնք պարզապես փողոցի ոճրագործներ էին, բայց բախտի անակնկալ մեկ հարվածով և իրենց հանդգնությամբ մեկ անգամեն բարձրացած վարչապետական և նախարարական ամենապատասխանատու բարձր աթոռներու:

Ստուգելի Սելանիկեն 1908-ին կարծեցյալ ազատությունը բերող երտասարդ այս թուրքերը, գաղափարապաշտ ազատականության դիմակին տակ թաքնված ամենավայրագ կատաղի վագրեր էին:

Բայց ափսո՛ս, այս դառն ճշմարտության այն ատեն միայն համոզվեցան, երբ արդեն մահվան ճամփան բռնած կ'երթային, և փրկության որևէ հույս այլևս չէր մնացած...

Այնքան խաբված էին Քալեաթի և ընկերներուն շողմարար և փաղաքուշ շոսյլած բարեկամական արտահայտություններն և մեղրածորան խոստումներն, որ երբ Կալաթա Սերայեն ոստիկանապետ մը ոստիկաններով Բերա կը ներկայանա դաշնակցության ղեկավարներն և ուսահայ փայլուն գրագետներն Ակնունիի (հաշատուր Մալումյան) և կը հրավիրե, որ իբր ձեռքակալյալ հետեի իրեն ղեկափ ոստիկանատուն, սա ապշած կը հարցնե, թե Քալեաթ լուր ունի՞...— Ու երբ քաղաքային հագուստով ներկայացող ոստիկանապետը ցույց կուտա Քալեաթի ստորագրությունը կրող ձեռքակալման հրամանագիրը, ողբացյալ Ակնունի ալ ավելի զարմացած կը պատասխանե, թե ինք Քալեաթի մոտ ճաշի էր քիչ առաջ, հասա ինչո՞ւ ոչինչ չէր ըսած իրեն...

Տարաբախտ Ակնունի՝ իբր գաղափարապաշտ պատվավոր մարդ ղեռ չէր կրնար ըմբռնել, թե մի՞թե այսքան սինիք կերպով Քալեաթ կրնար իր դեմ դավադրել: Այն Քալեաթը, որ 1900 մարտ 31-ի ռեաբսիոնի օրերուն իր տան մեջ պահած էր, փրկելով իրապես Քալեաթի կյանքը իր իսկ կյանքին վտանգով:

Իսկ երբ Ակնունի Այաշեն իր հինգ ընկերներուն հետ կը տարվեր Տիգրանակերտի պատերազմական ատյանը դատվելու պատրվակին տակ, սպանվելու համար, երբ, հասնելով Օսմանիե և ապա մեր իր տեղին տալիք մանրամասն հանգամանքներու ներքև, երբ իրազեկ կ'ըլլա, թե ղեկափ սպանդ կը տարվին, կարի հուզված և դառնությամբ կ'ըսե իր շուրջիններ-

թուն. Չեմ ցավում մահվանս վրա, զի մի օր անպայման պիտի գար մահը մեզ գտնել, այլ միայն ցավում եմ, որ մենք էս թուրք սրիկաներից խաբվեցանք...

Թուրքին խաբեբայության ու նենգամտության իրապես կը համոզվին միայն այն ատեն ավա՞ղ, երբ իրենց մահվան ճամփուն 4/5 մասը արդեն առած էին, և որևէ ապաժաման զղջում, իրենց փրկություն չէր բերեր դժբախտաբար...

Իսկ Կիլիկիո շրջանի դաշնակցության ղեկավար հանրածանոթ Վահագ, երբ Ադանայի մեջ իրեն մտերիմ բարեկամները կը զգուշացնեն զինքն ըսելով, որ Վահագ, բոլոր ընկերներդ ձերբակալեցին և սպանեցին, շատ մի երևար մեջտեղ ու հետքդ անհայտացուր, կը պատասխանեն Վահագ պաղարյամբ և խորին համոզմամբ. ցորչափ Ջեմալ Փաշա (Սուրիո և Պաղեստինի թուրք բանակին վերին հրամանատար) ողջ է, մազիս դպչող չի կրնար ըլլալ:— Ապա իր սենյակին մեջ ոսկեզօծ շրջանակի մեջ պատվո տեղը կախված Ջեմալ Փաշայի մեծադիր լուսանկարը ցույց տալով կ'ըսեն— կե՛ցցե իմ մտերիմ և հայասեր անկեղծ բարեկամս Ջեմալ Փաշա...

Իր տեղին անհրաժեշտ մանրամասնությամբ պիտի հիշեմ նաև Վահագնի Ջեմալ Փաշայի կողմից իսկ, կախաղան հանման պարագաները: Սա ալ զո՞հ գնաց թուրքերու վրա ունեցած անարդարանալի կույր վստահության: Որ սակայն իրենց կյանքին հետ, ավա՞ղ արժեց նաև միլիոնավոր անմեղ ցեղակիցներու անգին և անփոխարինելի կյանքերը...

Եվրոպայեն արևելք եկող և ասիական ժողովուրդներու բարքերուն իսպառ անծանոթ, մեր այս հայ քաղաքագետները կամ մտավորականները դեռ չէին համոզված թուրքին ինք իր համար պարծանոք տրված սա վկայության, թե նԱՊԱՍՏԱԿԸ ԹՈՒՐԲԸ ԿԱՌՔՈՎ ԿԸ ԲՈՆԵ: Որ ըսել կ'ուզվի, թե թուրքը նենգամտությամբ կը բռնեն նապաստակը կառքին մեջ նստած...

Այո՛. երբեք չէր կարելի վստահիլ թուրքին, զի ըլլա շինական թե քաղքենի, համալսարանական թե հուլժ տգետ իթթիհատական թե իթիլաֆական կամ ահրար, կրոնասեր թե անկրոն, բռնապետական ըլլա թե սահմանադրական... ամենքն ալ կեղծավոր են, խաբեբա և նենգամիտ:

Եվ թե թուրք ազգը՝ իր այս ունեցած անսպառ դրամագլխին կը պարտի իր ցարդ պահած գոյությունը:

Հայոց այս ընդհանուր լավատեսության և կրավորական շվա-

րուն համակերպության մեջ, իթթիհատական քամառիլան արտասահմանի և ի մասնավոր Կովկասի ռուս-թրքական սահմաններուն վրա տեղի ունեցող հայ կամավորական շարժումները, օրը օրին և գաղտնապես կ'արձանագրեր ի հաշիվ հայոցս պարտքին...

Քաղաքական և զինվորական շարժումներ, որոնք տեղի կ'ունենային հակառակ թուրքիո հայ քաղաքական կուսակցությանց պատասխանատու պետերու կամքին, ստեղծելով այսպես հայ ժողովուրդին շուրջը կատարյալ քաոս մը:

Իսկ թուրք իթթիհատական կառավարությունը և թուրք օրաթերթերը սաստիկ կը զայրանային, տեսնելով իրենց սահմաններուն մոտեցող հայ կամավորական գունդի մի գլուխ օսմ. պառլամենտի անդամ, Կարնո պատգամավոր Գարեգին Փաստըրմաճյանը, որ առանց զինվորական որևէ արժանիք ու փորձառություն ունենալու, և ոչ մեկ իրական պատերազմական գործ կատարելու, մեկ քանի զինավառ ընկերներով Թիֆլիսի մեջ լուսանկարել կու տար ինքզինք մոսիններ ի ձեռին. և իբր «ռեկլամ»՝ «Լոնդոն Դեյլի Գրաֆիք» թերթին զրկելով վայրաբար կը գրգռեր թուրք պետական մարդոց և ամբոխի արդեն ատելավառ վրեժխնդրական կիրքերն, ընդդեմ անզեն և արդեն շվարած հայ դժբախտ ժողովրդյան:

Անգլիական նավատորմին Դարդանելի դեմ կատարած ուժգին հարձակման օրերուն կը զուգադիպեր 1915 ապրիլ 7-ի Վանի ժողովրդային շարժումը:

Սակայն Վանա այս շարժումը, ինչպես իթթիհատական պետական մարդիկ, գլուխ ունենալով հայոց մեծ դահճապետը Թալեաթ կը փորձեն ցույց տալ, երբեք ապստամբական շարժում մը չէր կանխապես:

Վանի խռովություններն, իթթիհատական կառավարության դատապարտությունն իսկ են:

Երիտասարդ թուրքերու ոճրածարավ այս ոհմակը՝ տարված համաթուրանական և համիլալմական ցնորամիտ գաղափարներ, կ'երազեր, արևը մայր մտնող օսմ. կայսրության հետզհետե խորասուզվող սահմաններուն վրա, կանգնել հսկա կայսրություն մը, կազմված օսմ. երկիրներին զատ Եգիպտոս, կովկասյան իսլամներ, Պարսիկներ, Աֆղանիստան, Պելուճիստան, տարածելով մտացածին այս իսլամական մեծ կայսրությունը մինչև Հնդկաստան:

Առանց հիշելու, որ օսմանյան կայսրության սահմաններուն մեջ դաբեր երկար ապրող իրենց կրոնակիցներն ևս, ըլլան իսլամ արլանացիներ, իսլամ արաբներ, իսլամ չերքեզներ և իսլամ քուրդեր, ամենքն ալ շկրնալով հանդուրժել թրքական աղաղակող անարդար և վատթար վարչութիւն, պարբերաբար իրենց ապստամբութիւններով ուզած են միշտ խորտակել թրքական բռնակալութիւն արյունոտ լուծը, և ապա ձեռք բերած են իրենց ցեղի անկախութիւնը ու ազատութիւնը:

Ալ կարելի է երևակայել, թե եթէ իսլամ զանազան ցեղեր չէին կրնար հանդուրժել, հապա քրիստոնյա բոլորովին ճնշված ժողովուրդները՝ հայը, հույնը, ասորին, քիլտանին ի՞նչեր կը քաշեին թուրք ռճրապարտ ռեժիմին ներքև: Բայց որովհետև այս բոլոր ցեղերու մեջ հայերն էին միայն, որ Նվրոպայի մեջ իրենց ողբ ու կոծովը թուրքերու դեմ գրգռութիւն առաջ կը բերեին, և Նվրոպայի հանրային ձայնը կը լարեին ընդդէմ ջարդարար թուրքին. ուստի թուրք իթթիհատական կառավարութիւնը ու կոմիտեն կ'ուզեին համաշխարհային պատերազմին ընթացած բացառիկ այս պատահութիւնը օգտագործել և հայ ցեղը մեջտեղեն վերցնել:

Զի ռուս պետութիւնը 1826-ին հույնը, 1854-ին Ռումանը և Սերբը, 1878-ին Բուլղարը ապստամբեցնելով թուրքիան զենթի ուժով անդամահատած էր: Այժմ տեսնելով, որ ռուս պետութիւնը 1913-ի Բալկանյան պատերազմի միջոցին միակ ստրուկ մնացած հայերուն վեց նահանգներու (Կարին, Վան, Բաղնշ, Սեբաստիա, Խարբերդ և Տիգրանակերտ) բարեկարգութիւն ծրագիրը հետապնդելով, օսմ. երկիրը կրկին անդամահատել կը փորձեր: Թուրք պետութիւնը ևս, այս անգամ ի նպաստ հայերու, իր սրտին վրա կատարվելիք հավանական անգամահատութիւն առջևն առնելու համար իսպառ բնաջինջ ընել որոշեց հայ ցեղը: Առ այս հետևյալ գաղտնի միջոցներն գործադրեց, դատելով անշուշտ իրողութիւնաց բնական և տրամաբանական ընթացքին:

Ա. Ամեն բանն առաջ համաշխարհային պատերազմի հայտարարութենէն անմիջապէս վերջ թուրքիո մեջ հրատարակված ընդհանուր զորահանութիւն օրինական պատրվակին ներքև, հավաքել հայ ժողովրդի ամբողջ երիտասարդութիւնը և այր մարդիկը 20—46 տարիքի մեջ գտնվողները: Ասով հայ ժողովուրդը արդեն զրկված պիտի ըլլար անձնապաշտպանութիւն իր

հզոր և հուսալից բազուկներին: Մյուս կողմին տնտեսապէս ևս պիտի զրկվեր անշուշտ իր աշխատող ձեռքերին ու ենթարկվեր նյութական թշվառութիւն, պատերազմին երկարելուն համեմատութիւն: Իսկ հայերի իբր զորք առնված շուրջ 50.000 այր մարդիկ թեպէտ նախապէս զենք ստացան, սակայն պատերազմին երրորդ կամ չորրորդ ամիսը ռուս-թրքական սահմանագլուխի մոտ, Քեոփրիվ-Քեոյի առջև տեղի ունեցած սաստիկ կռիվներու ատեն՝ մեկ քանի տասնյակ հայ զինվորներու դասալքութիւն պատճառով, հայ զինվորութիւնը ամբողջապէս զինաթափ ընելով, զրկվեցան Փոքր Ասիո խորերը, իբր թե ճամփա շինելու համար: Բայց դիտումնավոր կերպով զրկելով բավարար սնունդէ, զգեստէ, դեղէն ու դարմանէ. հետզհետէ հայ «ամէլի թապուրի» զինվորները անոթութենէ և ցրտահարութենէ կոտորակվեցան: Մինչև որ 1915 հուլիս-օգոստոս ամիսներուն հայկական համատարած ջարդերու ատեն զեռ ողջ մնացած բեկորներն ևս անխնա կոտորվեցան իրենց ընկերակից թուրք զինվորներու կողմէ՝ հրամանավ պատերազմական նախարար էնվերի:

Բ. Իր սկզբնական սաղմին մեջ ձախորդութիւն մատնելու համար դիմադրութիւն ամեն հավանական փորձ, որոշեցին ի մի հարված ձեռքակալել մայրաքաղաքին հանրածանոթ մտավորական և ազգային բոլոր գլխավոր գործիչները, առանց խտիր դնելու կուսակցականի կամ անկուսակցականի, ազատականի թե պահպանողականի, ի՞նչ ասպարեզի մեջ ալ կ'ուզե թող ըլլան, բավ է, որ ազգային շարժման մը պարագային կրնան գործոն ազդակ մը ըլլալ...

Գ. Ապա զինաթափ ընել մայրաքաղաքին և ներքին բոլոր գավառներու մեջ մնացած ամբողջ հայութիւնը, որոնք պատերազմական տուրք վճարած էին արդեն:

Դ. Բայց նախքան ընդհանուր զինաթափութիւն ձեռնարկելը, անմիջապէս զինաթափ ընել անպարտելի Զեյթունը և քանդել առյուծներու այս դարևոր լեռնային բույնը, որ կրնար կիլիկիո հայերու ընդհանուր տեղահանութիւն միջոցին մեծ դժվարութիւններ հանել և քաղաքական ու զինվորական ծանր կնճոտութիւնաց գրգապատճառ դառնալ:

Ե. Նույնպէս հյուսիսային Հայաստանի, կամ ռուս-թրքական սահմանագլխի հոծ հայութիւն նախքան տեղահանութիւնը և սպանդը՝ Զեյթունի նման ամենքն առաջ զինա-

Քափ ընել Վանի հայութունը և իսկույն տեղահան ընել: Զի Վանը գտնվելով ոռու-թուրք և պարսիկ սահմանագլխի հյուսիս-արևելյան անկյունը, և ըլլալով ամենահայաշատ կուսակալութունը, ըստ 1914-ի պատրիարքարանի պատրաստած վերջին մարդահամարին ավելի քան 200.000 հայ կապրե: Վանի կուսակալության մեջ—կրնար արդարև քաղաքական և ռազմական ծանր կնճռոտություններ պատճառել ուժ ստանալով դեպի Վան առաջացող ոռու և կամավորական հայ բանակին:

Այսպես իթթիհատի դեկավարներն ամբողջ Փոքր Ասիոյն վերածելով մեծ եռանկյունիի մը, արևմուտքը Պոլիս, հյուսիս-արևելքը Վան, և հարավը Զեյթուն, նախքան հայաջինջ ահավոր համատարած սպանդը սկսիլը, որոշված էր ամեն բանն առաջ զինաթափ ընել և շարժելու բոլորովին անընդունակ վիճակի մը մեջ դնել հայկական սպառնացող վիշապին այս երեք գլուխները...

Այս մտքը, 1915 մարտի վերջը Պոլսո կենտրոնական կառավարությունը՝ պաշտոնական հայտարարությամբ մը, հրավեր քրավ Պոլսո ամբողջ ժողովուրդին, առանց ցեղի ու կրոնի խտրության զենքերը հանձնելու: Բայց այս ընդհանուր զինաթափության քողարկյալ իսկական նպատակն էր, Պոլսո 120.000 հոծ և կենտրոնացյալ հայութունը նախ և առաջ զինաթափ ընել:

Ճիշտ նույն օրերուն միաժամանակ ձեռնարկվեցավ Վանի և Զեյթունի հայ ժողովրդյան զինաթափության, անսաստողները անմիջապես զնդակահարելու խիստ սպառնալիքով:

Սակայն եթե Վանի մեջ դեպքերը գահավեժ զնացին, պառճառք էնվերի քեռայր և Վանի կուսակալ Ճևտեթի ու իր իթթիհատական արբանյակներուն, զինաթափության այս գործին մեջ չափեն ավելի եռանդ ցույց տալն էր: Որ զսպողական արտակարգ խիստ միջոցներու դիմած ըլլալով, զորավոր ընդվզումի տեղի տվավ:

Թե Վանի հայութունը ստուգիվ ապստամբական որե՛կ կանխորոշ նպատակ և մասնավոր պատրաստություն չ'ունենր, անով կարելի է դուրավ ապացուցանել, որ Վանի կուսակալության ամբողջ հայութունը, գլուխ ունենալով օսմ. պառլամենտի անդամ և դաշնակցական պետերեն ողբացյալ Վոսմյան, ոչ միայն ապստամբական շարժում մը ստեղծելու հետամուտ չէին, այլ, ընդհակառակը, խոհեմ ու հեռատես զնթացքով մը:

հաջորդաբար գաղտնի պատվիրակներ կ'ուղարկեին ս. էջմիածին վեհափառ ս. Կաթողիկոսին և Թիֆլիս ազգային բյուրոյին, որպեսզի կովկասահայ կամավորական շարժումին վերջ մը տալով, վերապահ և սպասողական ընթացք մը բռնեն, չի գրգռելու համար իթթիհատական ոճրածարավ թուրք կառավարությունը, և ոռու-թրքական սահմանագլխի վրա ապրող հարյուր հազարավոր հայութունը շենթարկելու համար անել կացության մը...

Տարաբախտ Վոսմյան, մեկ կողմի Վանի կուսակալին գահավեժ ընթացքին վրդովեցուցիչ թափը կոտրելու, և կուսակալ Ճևտեթի ու տեղվույն զինվորական իշխանություններուն հետ հույժ բարեկամական հարաբերություններ շարունակել ջանալով հանդերձ, մյուս կողմի Պապը Ալի (Պոլսո կենտրոնական կառավարության) հիշատագիր մը կը հղեր հետզհետե կնճռոտող տազնապալի կացության, բարեկամական դարման մը խնդրելով թախանձագին:

Իսկ Վանի կուսակալ Ճևտեթ հայերու մեջ տակավ խմորվող անձնապաշտպանության ոգին խեղդելու և կենտրոնեն հրամայված հայաջինջ ծրագիրը դուրավ գործադրել կարենալու համար, ըստ թրքական ավանդական սովորության, դավադրությամբ հանկարծ ձերբակալել կու տար Վանի մեջ Վոսմյանը: Իսկ դիտումնավոր կերպով Վանեն իբր թե քննության և հանդարտեցնելու համար շրջակա հայ գյուղերը ղրկված դաշնակցական հայտնի գործիչ իշխանը, նույնպես նենգամտության մը գիշերով սպանել տալով ուղեկից ոստիկանապետին ու ոստիկան զինվորներուն ձեռամբ, կամա-ակամա Վանի հայ ժողովուրդը ինքնին կը մղեր փոխադարձ անձնապաշտպանության արագ միջոցներու, կանխելու համար իթթիհատական կառավարության նենգամիտ հայաջինջ դավադրությունը:

Իթթիհատական կենտրոնի և Վանի կառավարական ղեկավարները և հավատարիմ գործակալներն զժողովրդյան քամի ցանած էին և զարմանալի չէ, եթե արյան փոթորկին կարմիր հունձքը արդեն սկսած էր 1915 ապրիլի սկիզբը:

Այս օրերուն կը սկսեր նաև զինվորական խիստ հալածանք մը ընդդեմ քաջարի Զեյթունի զինվորական փախստականներուն, որոնք լեռը բաւժրացած էին: Թուրք կենտրոնական և Հալեպի կառավարական ղեկավարներն տարածայնելով, որ իբր թե Զեյթուն ապստամբած է՝ ոստիկան զորքերու հագսրա-

պետ Սուլեյմանի ղեկավարութեամբ զինվորական արշավախումբ մը ղրկվեց Զեյթուն՝ զսպելու կարծեցյալ ապստամբութիւնը: Իսկ զԶեյթունցի քաջերեն 7—800 հոգի բարձրանալով տեղվույն ամենաբարձր կետը եղող Քեքե կոչվող անմատչելի վայրը՝ դիմած էին անձնապաշտպանութեան:

Այս կռիվներուն մեջ սպանվելով հազարապետ Սուլեյման, հազար կ'երթար Մարաշի և Հալեպի կառավարութեանց, թե Զեյթունի հայերը արդեն բարձրացուցած են ապստամբութեան բողոքը...

Մինչդեռ եթե Զեյթուն ապստամբած ըլլար, մի՞թե թուրք քանի մը հազար զինվոր կրնար զինաթափ ընել քաջարի և անընկճելի այս 20.000 լեռնականները, որոնք ամիսներ երկար կրցած էին դիմադրել, հուլիսի 1898-ին Քեսալիո մեջ պարտութեան մատնող էտհեմ փաշայի հիւռնահազարանոց բանակին:

Ընդհակառակը, զեյթունցիները քանի անգամ որ լրաբեր զրկեցին Ադանա Կիլիկիո ս. Կաթողիկոսին և Մարաշ՝ տեղվույն հայ երեւելիներուն. միշտ պատասխան ստացան, թե չըլլա, որ ժայրահեղ արարքներու դիմեն ու ասով վտանգեն Կիլիկիո ամբողջ հայութեան գոյութիւնը:

Աքտորե 1919 վերադարձող զեյթունցի հայերը այս պատճառով ալ սաստիկ գայրացած էին, որ Կիլիկիո կաթողիկոսը արգելք եղավ իրենց անձնապաշտպանութեան և դիմադրութեան նպատակին:

Եթե Զեյթունի հայերը ապստամբած ըլլային. մի՞թե ոչխարի հոտի նման առջը կ'իյնային մեկ քանի հարյուր ոստիկաններու և կը տարագրվեին Գոնիայի մերձակա ճահճախաւտ Սուլթանիյե զուտ իսլամական գավառակը:

Բայց թուրք իթթահատական կառավարութիւնը մեկ կողմեն, մինչ հայերը բնաջնջելու իր գաղտնի ծրագիրը գործադրութեան կը դնէր, մյուս կողմի իր չբեղացումի միջոցներու հնարման մասին ևս անտարբեր չէր, ըստ թրքական առածին, թե միևարեն գողցողը պատշանը ևս հարկավ կը պատրաստե...

Ինչպէս ներքին գավառներու, նույնպէս և Պոլսո հայութիւնը, իր պաշտոնական ամեն մարմիններով բոլորովին անտեղյակ 1915-ի ս. Զատիկին զուգահիստող հուլիս տագնապեցուցիչ և գահավեժ այս բոլոր իրադարձութեանց, խինդ ու խնծիղի մեջ

նվազահանդեսներու, պարահանդեսներու և զվարճութեանց մեջ թաղված, անսովոր խանդավառութեամբ մը Պոլսո գրավվելուն կը սպասէր օրեօր...

Սակայն հոն վերը, պարսիկ դեսպանատան հանդիպակաց իթթահատի կենտրոնական ակումբ-որջին մեջ, ներքին գործոց ամենագոր նախարար Քալեաթ, իթթահատի երկու սյուններուն՝ ղոկ. Նազրմի և Բեհաէդդին Շաքիրի, ինչպէս նաև կուսակցութեան ընդհանուր քարտուղար Միտհաթ Շուքրիի հետ, գլուխ գլուխի նստած, ժամանակը հասած կը համարէին մութին մեջ իրենց դարբնած ճյուղային հայաջինջ ծրագիրը գործադրութեան դնելու համար: Սարսափելի ծրագիր մը, որը իրենց նախահայրերը ոչ թե գործադրած, այլ ոչ իսկ մտքով անցուցած էին. ենթարկվելով վայրապար եկող ու անցնող թուրք բոլոր սերունդներու հավիտենական անեծքին...

Անցյալ անքաղաքակիրթ դարերու մեջ իսկ թուրք նախնիքներու գլուխ հանել շկրցածը, որդիները մեկ քանի ամսվան մեջ ի գլուխ կը հանին քաղաքակրթութեան այս հուլիս լուսավորչալ դարու մեջ և քրիստոնյա Եվրոպայի աչքին առջև...

Թուրք սեռութեան պատասխանատու և անպատասխանատու ղեկավարներն կը խորհրդածին, թե համաշխարհային պատերազմը միտի և բացառիկ առիթն էր, որ երբեք երկար դարերու ընթացքին ներկայացած ըլլար, բնաջինջ ընելու համար թուրք կործանող կայսրութեան քաղցկեղը եղող հայ ժողովուրդը: Քանի որ քաղաքակիրթ և քրիստոնյա Եվրոպան իրար բզկտելով գրադած էր. իսկ զինակից Գեոմանիան կրավորական իր լուսնայամբ, եթե ոչ ըստ երևույթին համամիտ, գոնե հակառակ ալ չէր... Պատերազմին սկիզբը տիրող ընդհանուր մտայնութենէն տարվելով, թուրք պետական մարդիկ կը խորհնին, թե հարյուրին իննսուն տոկոս Գեոմանիա հաղթող պիտի ըլլար, որով իրենք ևս իրր Գեոմանիա զինակիցներն, հաղթականի հպարտ դիրքին մեջ գտնվելով, ոչ ոք պիտի համարձակէր իրենցմէ հաշիվ պահանջելու միտնամար անտերունջ ժողովուրդի հորդահոս թափած անմեղ արյան համար:

Իսկ եթե հակառակ ամեն ակնկալութեան պարտվեին, կը խորհնին թուրքերը, թե արդեն վրա պիտի տային ամեն բան Գոնե թուրքիո ավերակներուն վրա ի նորո կազմվելիք սակավաթիվ հայերով Հայաստան մը հուլիս տկար պետութիւն մը ըլլալով, կարելի էր ի մի հարկած, պատահ ժամանակի մը

մեջտեղեն վերցնել և հայ նորածին առյուծը իր խանձարուրին մեջ սպանել:

Այս օրերուն էր դարձյալ, որ թուրք բանակին իբր մարզիչ ֆոն տեր Գուլցի տեղ Պոլիս եկած և պատերազմին առթիվ Դար-գանելի թուրք պաշտպանության գերման ղեկավար, գորվ. ֆոն տեր Զանդերս, պատերազմական նախարար և օսմանյան բանակին Սուլթանեն ետք իրական հրամանատար ու սպարապետ էնվերի հետ համախորհուրդ, կ'որոշեր ուս-Քրքական սահմանագլուխի քրիստոնյա ժողովուրդները, որ ըսել էր հայերը. զի ուրիշ քրիստոնյա ժողովուրդներ չկային, տեղահան ընել և փոխադրել պատերազմական գոտի հետո եղող հարավի մարզերը, իբր թե պաշտպանելու համար օսմանյան բանակին թիկունքը:

Հայտնի էր, թե պատերազմական գոտի անվան ներքև ապա ամբողջ հայությունը տեղահան եղավ, փուլթ չէ, թե Գասթեմունիի նման սակավահայ և շեզոքացած կուսակալություն մը եղած ըլլար, որ բոլորովին հետո էր պատերազմական հյուսիսի և հարավի գոտիներեն:

Ինչպես կանխավ հիշեցինք 1914 փետրվարին Բեռլինի գերման-Քրքական կոմիտեի անդրանիկ բացման ժողովին, նախագահ ֆոն տեր Գուլցի ծրագիր առաջարկն էր, որ այսպես գործադրության կը դրվեր, պատերազմին անակնկալ օրեն առթած պատեհ դեպքերու զուգորդությամբ մը:

Բայց այս իբր թե զինվորական շարժառիթներով, պահանջ տեսնված տեղահանության պետական արմատական կարգադրության ետև, իրապես թաքնված էր ներքին գործոց նախարար Քալեաթ իր երեք օժանդակներովը:

Քալեաթ ջանք չէր խնայեր հաճախ դարանամուտ ըլլալու էնվերին անվան ետև. այնպես ցույց տալով, իբր թե էնվեր է հայոց այս ամեն շարիքը ընողը զինվորական պատճառների դրոյալ: Մինչդեռ էնվեր՝ բազմաթիվ ռազմաճակատներու վրա պատերազմական հետզհետե կնճոտող խնդիրներով այնքան ծանրաբեռնյալ էր, որ շատ ժամանակ շուններ հայաչինջ քաղաքականության մը մանրամասնությամբ զբաղելու: Այս հոգը թողած էր ամբողջապես Քալեաթին, այս մասին իր ձայնը տալով անոր: Իսկ Քալեաթ՝ իբր ներքին գործոց ամենազոր նախարար, միայն զբաղած էր հայ ժողովուրդը բնաջնջելու ծրագրին գաղտնի գործադրությամբն, չմոռանալով միանգամայն

Գետամուտ ըլլալու անհայտացնելու իր անլուր ոճիրներուն արյունոտ հետքերը...

Իսկ գերման հոնեցուկերյան բռնապետական կառավարությունը ևս, իր կարգին լավագույն պատեհությունը գտած կը համարեր, թուրք պետությունը «վասալ պետության մը վերածելով, ամբողջ Փոքր Ասիան դարձնել գերման գաղթավայր մը:

Ի՞նչ հարկ կար արդարև, երթալ մինչև գերման աֆրիկյան հեռավոր գաղթավայրերն Կամերուն, մինչև ծայրագույն արևելք Տոգո և Քիաուլու, երբ Եվրոպայի այնքան մոտիկ Փոքր Ասիան, իր բնական հարստությամբ օժտյալ հարուստ և ջրաուտ երկիրներով, կարելի էր արտադրող հրաշալի գերման գաղթավայրի մը վերածել:

Ինչպես 1913-ին բալկանյան պատերազմեն վերջ՝ ազգային պաշտոնով Կիլիկիա ճամփորդելուս միջոցին, անձամբ ըսավ Մերսինի առջև հայոց ապահովության համար խարսխող գերման «Straßburg» Շթրասբուրգ հաժանավին հրամանատարը դեր-ժովակալ Փաշիչ, որուն մարտանավը փոխ այցելության գնացած էի ի դիմաց Կիլիկիոս. Կաթողիկոսին: Հիանալով, Կիլիկիոս արգասաբեր և ընդարձակածավալ դաշտերուն վրա և իբր զինվորական, առանց ունենալու դիվանագետներու հանրածանոթ վերապահությունը կ'ըսեր ինձ խանդավառված. Կիլիկիա շատ ավելի հիանալի և հարուստ երկիր կրնա ըլլալ լավ վարչության մը ներքև, քան Եգիպտոսը, քանի որ Եգիպտոս մեկ նեղոս ունի, իսկ Կիլիկիա երկու և ավելի մեծ գետեր ունի և Տավրոսի լեռնաշղթան հավիտենական ջրի անսպառ աղբյուր մըն է, պողաբերելու համար տարին մեկ քանի անգամ՝ զանազան հունձքեր արտադրող լայնատարած և ծովի մակերեսի նման հարթ հավասար եղող Կիլիկիո հուռի դաշտերը:

Արդեն այս նպատակով շինած էին գերմաններն Բաղդատի երկաթուղին:

Եթե Բեռլին-Պոլիս Բալկանյան ճեպընթաց երկաթուղին երեք հազար կիլոմետր ճամփան կ'առներ ճիշտ երեք օրեն միայն, Պոլիս-Բաղդատ նույնպես երեք հազար կիլոմետր ճամփան ևս 3—5 օրեն կարելի էր կտրել անցնիլ. երբ ժամանակի ընթացքին հետ ճեպընթաց երկաթուղիի սպասարկություն մը հնար ըլլար հաստատել:

Այս թաքուն նպատակով ևս, գերմաններն արդեն Բաղդատի երկաթուղիի սկզբնավորությունը եղող Պոլսո Հայտար

Փառայի կենտրոնական կայարանին մինչև Տավրոսյան լեռներու փակուղիները՝ ամենուրեք երկաթուղու գլխավոր կայարաններու մոտ գերման, փոքրիկ զաղթականութիւններ հաստատած էին աննշմար կերպով, երկաթուղու պաշտոններու անվան ներքև, կենտրոն ունենալով էսկիշեհի, ուր էր Բաղդասի երկթ. գծին կենտրոնական գործարանները:

Սովուն հեռավոր հորիզոններուն վրա հետզհետե մայր մտնող արևու նման, օսմանյան կայսրութիւնը օրեօր կը խորստուգվեր ազգերու պատմութիւն հավիտենական անդունդներուն մեջ, ու ժառանգորդ մը պետք էր:

Այս ինքնակոշ ժառանգորդը գերման պետութիւնն էր, որ թեպետ ժառանգական թղթեր չունէր ի ձեռին, բայց իր ամենագոր բանակի անմրցելի ուժովը կը հուսար իրեն վերապահել առյուծի բաժինը կործանող թուրք կայսրութեան...

Բայց որովհետև Փոքր Ասիո մեջ գերմաններու մրցակից և պատմական այս հողերուն իրապես ժառանգորդ երկու հին ազգեր կային՝ հայն ու հույնը. առաջինը ներքին բոլոր գավառներուն մեջ, իսկ երկրորդը ծովեզերյա քաղաքներուն մեջ միայն: Ուստի հարկ էր, եթե ոչ ներգործական, գոնե կրավորական լուռ համակերպութեամբ մը, թույլ տալ, որ թուրքը հաշիվը մաքրեւ այս քաղաքակրթյալ և ցեղային ընդոժին գնահատելի հատկութիւններով օժտյալ երկու ցեղերուն և մանավանդ հայերուն, քանի որ հույնը իր թագավորով փեսայացած էր գերման կայսեր...

Ասով արևելյան վտանգավոր հարցի գորղյան հանգույցը ևս ինքնին լուծված կ'ըլլար, առիթ շմնալով եվրոպական մեծ սխտութիւններու հարատև և սպառնազին մրցակցութեան: Փույթ չէ, թե միլիոնավոր անմեղ զոհերու լեռնակուտակ մարմիններով ձեռք բերված ըլլար, աշխարհակալ քաղաքականութեան մը այս եղեռնական ծրագիրը: Զէ՞ որ ոուս արտաքին գործոց նախկին նախարար Լոբանով ևս Հայաստանը առանց հայերու ձգելու քաղաքականութիւնը հնարավոր գտած և ցատագոված էր շատ տարիներ առաջ (1895):

Ստուգիվ ժամանակը աննախընթացորեն պատեհ էր. ուստի թուրք պետական մարդիկ, լոին համաձայնութեամբ և անուղղակի քաջալերութեամբ գերման զորապաշտ և կայսերապաշտ հոնեցողիբրյան կիկին, համաշխարհային պատերազմի հաշվեհարդարութեան վաղորդային, քաղաքակիրթ ամբողջ մարդկու-

թիւնը ԿԱՏԱՐՎԱԾ ԻՐՈՂՈՒԹՅԱՆ մը առջև դնելու համար, աճապարեցին գործադրել ահավոր այն ՄԵՍ ՏՐԱՄԸ, որ երբեք մարդկային պատմութիւնը արձանագրած ըլլար, իր ամենաարյունոտ էջերուն մեջ:

5.

ԱՌԱՋԻՆ ԳՈՒԺԿԱՆԸ ԿԻԼԻԿԻԱՅԵՆ ԳԱՂՏՆԻ ՊԱՏԳԱՄԱՎՈՐԸ

Հետագա դեպքերը պիտի կրնան յուրավ ապացուցանել, թե որքա՞ն անիրավին թուրք պետական մարդիկ, թուրքիո հայերը ապստամբ ցույց տալու իրենց զուր ջանքերուն մեջ: Ընդհակառակը, հայ ժողովուրդի բոլոր ղեկավարները կարելին ըրին շահելու համար թուրք կառավարական վարիչներու վստահութիւնն ու բարյացակամութիւնը:

Այսպես Զավեն Պատրիարք, լոնցնելու համար պատերազմական նախարար էնվերի քննադատութիւնները հայ զինվորներու դասալքութեանց մասին, շրջաբերական կոնդակով մը կը հանձնարարեր հայ ժողովուրդին, նյութական և բարոյական ամեն օժանդակութիւն ընծայել թուրք բանակի և նավատորմի հանգանակիչ պետական հանձնախումբերուն, և այլ ծառայութիւններով դյուրացնել օսմանյան հայերենիթի պաշտպանութեան գործը:

Պոլսո և Զմյուռնիո ազգ. հիվանդանոցներուն մասնավոր Գարկաբաժիններուն մեջ հարյուրավոր անկողիններ կը տրամադրվէին, Դարդանելին ամեն օր հազարավոր Պոլիս բերված թուրք վիրավոր զինվորներու դարմանումին համար:

Հայ ժողովուրդը, փույթ չէ թե առ ահի թե բռնադատութիւններու ներքև, առատաձեռն նվերով կ'օժանդակեր թուրք կարմիր մահիկին:

Պոլսո և գավառներու մեջ, կառավարական ամենաբարձր պաշտոնյաներու նախաձեռնութեամբ բարեգործական բազուրներ սարքվեցան, և ասոնց ամենալավ հաճախորդները հայերը եղան:

Հայ զինվորը, հայ բժիշկը, հայ դեղագործն. ու հիվանդապահուհին, հայ արհեստավորը զինվորական օրենքներու մաս-

նավորաբար հայոց համար խստագույն գործադրութեանց բեր-
մամբ, ամենագործոն օժանդակութիւնը բերին թուրք բանա-
կին:

Վերջապես Պատրիարքարանի և հայ քաղաքական կուսակ-
ցութիւններու թելադրութեանց վրա, հայ ժողովուրդը օսմ.
բանակին և նավատորմին, կամա թե ակամա իր բերած օժան-
դակութեամբ, միշտ կը գերազանցեի թուրք մայրաքաղաքին իր
գրացի այլացեղ և իրմե շատ ավելի հարուստ բոլոր ժողովուրդ-
ները:

Թե ստուգիվ թուրքիո մեջ ապրող հայերը ապստամբու-
թեան մասին չէին խորհեր հայտնի կամ գաղտնի, կրնամ իբր
ապացույց հիշել, թե աքսորի առաջին ամիսներուն մեջ, նախքան
իրենց նահատակութիւնը, իբր տառապանքի ընկեր ապրելով
հայ քաղաքական կուսակցութեանց շատ մը պետերուն հետ,
մեր ամենամտերիմ և անվերապահ խոսակցութեանց ու խոր-
հրդակցութեանց մեջ իսկ, միշտ կը պնդեին ասոնք, թե ապստամ-
բութեան մասին խորհած չէր երբեք, և կ'ափսոսային, որ այսպես
անակնկալի եկած էին... Որովհետև հավատացած էին իթթի-
հատի խոստումներուն և անդորրացուցիչ հավաստիքներուն...

Ընդհակառակը, Պոլսո և գավառի քաղաքական կուսակցու-
թեանց բոլոր ղեկավարները, սպասողական դիրքի մեջ, խաղաղ
իրենց տեղերը նստած էին, և ոչ ոք երկրին հեռանալու մա-
սին կը խորհեր, զի անմիջական ոչ ոք վտանգ մը կը գուշակեր
գժբախտաբար:

Ի դեպ է հոս հիշել, թե քառամյա աքսորի ճամփաներուս
վրա հանդիպեցա հայ կուսակցական երիտասարդներու, որոնք
դառնութեամբ ու հեզանքով կը հիշեին իրենց պետերուն իրենց
դեմ ըրած այս ամբաստանութիւնը, թե ինչո՞ւ զինվորագրու-
թենք խույս կու տան և հանդեպ օսմ. հասարակաց հայրենիքին
չեն փութար կատարել իրենց հայրենասիրական պարտակա-
նութիւնը...

Ահա թե մեր «սոցիալիզմի» տհաս վարդապետները մինչև
ո՞ր հասուցած էին իրենց անգործնական և տեսլապաշտ երա-
զատեսութիւնները...

Արտասահմանի և ի մասնավոր Կովկասի հայութեան մեջ,
փոխարքա կոմս Վորոնցով Դաշկովի բերանը տրված «ՀԱՅ
ԿԱՄԱՎՈՐՆԵՐՈՒ ԳՐԱՎԱՍ ԹՈՒՐԹԻՈ ՀՈՂԵՐԸ ԻՐԵՆՅԸ ՊԻՏԻ
ԸԼԿԱ» կեղծ հայտարարութեամբ, առաջ եկած անօրինակ

ոգևորութեան և կամավորական շարժումներուն հակառակ,
Թուրքիո սահմաններուն մեջ ապրող երկու միլիոնն ավելի
հայ ժողովուրդը, զինք բնաջնջող վերահաս վտանգի մը մասին
բոլորովին անգիտակ էր:

Ընդհակառակը, ներքին գործոց նախարար Թալեաթի և գեր-
ման դեսպան Վանկընհայմի տված հաճախակի ապահովիչ
հավաստիքներուն շնորհիվ, թե վախնալու պատճառ մը չի
կա, թող հայ ժողովուրդը իր գործերով զբաղի և հանգիստ մնա,
ու վստահ ըլլա կառավարութեան բարոյացակամութեան վրա:

Ահա այս պաշտոնական հավաստիքներուն վրա էր, որ մայ-
րաքաղաքի հայութիւնը կը խայտար ու կը ցնծար հանդեսներու
մեջ, և ոչ ոք վաղվան մտահոգութիւնը ուներ, ինչպես որ
ընդհանուր գծերով նկարագրեցի նախորդ գլխույն մեջ:

Սակայն հակառակ կեղակարծ ներքին այս հանդարտութեան,
հայ ժողովուրդի մահվան վճիռը արդեն տրված էր ամիսներ
առաջ: Երբ ինչպես հիշեցի նախապես, ոչ Վանի կարծեցյալ
ապստամբութիւնը պայթած էր, ոչ օսմանյան բանակին թի-
կունքը վտանգի ներքև էր, և ո՞չ ալ թուրք կառավարութիւնը
մտահոգող ներքին որևէ հայկական շարժում գոյութիւն ուներ:
Բացի մեկ քանի խուճբ զինվորական փախստականներու մա-
սին եղած հետապնդումներին ի Ձեյթուն և ի Տարոն:

Թե ստուգիվ հայ ազգի ուխտայալ թուրք դահապետներուն
վարկաբարձի ամբաստանութիւններն, հայերու կեղակարծ
ապստամբութեանց մասին, ցարդ հիշված փաստերն ու եղած
հայտարարութիւնները, փոխադարձաբար ստեղծված ձրի-
ենթագրութիւններ և զրույցներ չեն, ատորև կու տամ վավերա-
կան նոր ապացույց մը ևս, որ ցարդ գաղտնի կը մնար զըժ-
բախտաբար, և որով հնար կ'ըլլա ամենահամառ կասկածող-
ներն իսկ տարհամոզելու, թե ՎԱՆԻ 1915 ԱՊՐԻԼ 7-ի ԿԱՐ-
ՄԵՅՅԱԼ ԱՊՍՍԱՄԲՈՒԹԵՆԵՆ ԶՈՐՍ ԱՄԻՍ ԱՌԱՋ, ԱՐԴԵՆ ԹՈՒՐԹ
ԿԱՌԱՎԱՐՈՒԹՅՈՒՆԸ ՎՃՌԱՍ ԷՐ ՀԱՅ ԺՈՂՈՎՈՐԴԻ ՎԵՐՋՆԱ-
ԿԱՆ ԲՆԱՋՆՁՈՒՄԸ, ՏԵՂԱՀԱՆՈՒԹՅԱՆ ՆՎԱՋ ԱՆՄԵՂ ՉԵՎԻՆ
ԵՎ ՏԱՐԱԳՐՈՒԹՅԱՆ ՊԻՏԱԿ ԱՆՈՒՆԻՆ ՏԱԿ:

Ահա թե ինչպես:

Ազանայի մեջ թուրք բարձր պաշտոնատար մը, վաղնջա-
կան մտերիմ բարեկամութիւն ունենալով Ազանա քաղաքին
մեջ, պաշտոնական դիրք ունեցող և տեղվույն ելրոպական շըր-
ջանայիններուն մոտ հարգանք ելադրեցութիւն վայելող մեծա-

Պարուստ հայու մը հետ, 1915 փետրվարի սկիզբը օր մը իր մոտ հրավիրելով կ'ըսե խոստովանաբար. «Հայոցդ գլխուն կրկին նոր փոթորիկ պիտի պայթի, որը պիտի գերազանցե ցարդ բոլոր պատահածները. գիտես, որ ես քեզ կը սիրեմ, նայե, որ գլուխդ ազատես...»: Հայ վաճառականը երբ կը հարցնե սարսափած, թե «ի՞նչ կրնամ ընել ազատելու համար, թուրք պաշտոնատարը կը պատասխանե լակոնական ձևով մը. «Մերսին գնա՝ և շոգենավ նստելով Եվրոպա փախիր... հարստությունս ազատեմ ըսելով ժամանակ մի կորսնցընեմ, նայե, հետո կը զոջաս...»:

Անակնկալ կերպով հույժ երկյուղալի լուրի մը առթած բնական հետաքրքրությունները մը, երբ հայը սարսափած առ այս մանրամասնություններ կը խնդրե, սրտմաշուք պնդումներն վերջ թուրք պաշտոնատարը երդվրնցնելիս հետո հայը իր զավակացը վրա այսչափ միայն կ'ըսե. «Ձեյթունի, Հաճընի, Տեորթեռլի, ինչպես նաև Ադանայի ամբողջ հայերը տեղահան պիտի ըլլան և հարստություններն պիտի գրավվի, նույնիսկ ձեր կիներն ու աղջիկները ձեզի շի պիտի մնան...», ես քիչ կ'ըսեմ, դուն շատ հասկցիր. դուն գլխուդ ճարը նայե և սա տեղեն ժամ առաջ հեռացիր, որպեսզի գալիք փոթորկին մեջ դուն ալ չի խեղդվիս...»:

Հայ վաճառականը շափազանց վրդոված, կ'աճապարե մեկնումի պատրաստություններ տեսնել, բայց նախքան մեկնումը կ'երթա պատմել ահավոր այս իրողությունը Կիլիկիո սրբազան կաթողիկոսին:

Ասկե քանի մը վերջ, անկարելին ի գործ դնելով և օգտվելով Ադանայի կուսակալին հետ իր ունեցած մտերիմ բարեկամութենեն, բացառաբար արտոնություն կը ստանա Կիլիկիային արտասահման մեկնելու և հանդերձ ընտանյոք Մերսին իջնելով 1915 թ. փետրվարի կիսուն Իտալական՝ շոգենավով մը կը մեկնի Եվրոպա:

Կիլիկիո ծերունազարդ կաթողիկոսը Սահակ Բ. կարի հուզված գաղտնաբար իր այս ստացած հույժ ծանրակշիռ լուրերեն, անբուն գիշերներ կ'անցընե՝ շանալով գտնել եղանակ մը, իր ստացած այս բռնաբեր տեղեկությունները քննել և ստուգել կարողանալու համար:

Այս օրերուն Պոլսեն Ադանա կը վերադառնար, Սուրիո՝ և Պաղեստինի ռազմաճակատին գինվորական վերին հրամանատար միանգամայն ծովային նախարար Ճեմալ, որուն հետ 1909-ի Կիլիկիո հայկական կոտորածեն վերջ, Ադանայի կուսակալ եղած օրերեն բարեկամական լավ հարաբերությունն ունեցած էր իր բարձր դիրքին բերմամբ:

Ուզելով օգտվիլ այս բացառիկ պատահությունեն, Կիլիկիո դժբախտ կաթողիկոսը կ'աճապարե Ճեմալի մոտ և առանձնակի տեսակցություն մը մեջ, լրացուցիչ տեղեկություններ կը խնդրե իր վերև լսածներու մասին:

Սուրիո և Պաղեստինի օսմ. բանակի վերին հրամանատար Ճեմալ կը պատասխանե այսչափ միայն, թե «նախարարական ժողովի այս հարցի մասին ունեցած խորհրդացությունց մեջ շատ աշխատեցա, որ փոխանակ հայ ժողովուրդը ամբողջապես տեղահան և աքսոր ընելու, ամեն քաղաքե միայն գրչի տեր, մտավորական ու հայ քաղաքական կոմիտեներու պետերեն 15—20-ական հոգի աքսորել տրվի, ու հասարակ խեղճ ժողովուրդը խնայվի, սակայն կը ցավիմ՝ ըսել թե ձայնս լսելի ընել տալ չի կրցա»:

Ուրիշ կողմնակի, բայց վավերական աղբյուրն լսած եմ, որ թե իթթիհատի անպատասխանատու կառավարության և թե՛ նախարարական ժողովներու, և ամեն այս հարցի մասին տեղի ունեցած գաղտնի խորհրդակցությունց մեջ, ավելի շափավոր քաղաքականության մը հետևելու ի նպաստ խոսողներու դեմ ծառայած են միշտ Հայոց մեծ դահճապետներն թալեաթ, Բեհաէդդին Շաքիր և դուկտ. Նազրմ:

Կիլիկիո խոհազարդ կաթողիկոսը տեսնելով, որ հայ ժողովուրդն ամբողջապես անմիջական սարսափելի վտանգի մը առջև կը գտնվի, և շուգենավ թերանալ իր բարձր դիրքին պահանջած հույժ պատասխանատու պարտականությունը մեջ, ստիպողական կը գտնե մասնավոր գաղտնի պատգամավոր մը փութացնելով Պոլիս, հանուր հայության սպառնացող վերահաս ահավոր այս վտանգին գուժկանք տալ և թելադրել միջոցներ խորհիլ կանխելու համար մեծ վտանգը:

Ս. կաթողիկոսը մարտ ամսի սկիզբը գիշեր մը իր մոտ հրավիրելով իրեն հույժ վստահելի ծանոթ հայրենասեր վաճառական մը, և այս վերջինը իրազեկ ընելով հայության սպառնացող մեծ վտանգին, կը հրահանգե անմիջապես մեկնիլ Պա-

1 Իտալիա այս ժամանակ գնա պատերազմը սկսած չէր:

լիս և այս գուժկանը հաղորդել Պոլսո Պատրիարքին խոստովանաբար:

Բայց այս օրերուս, ոչ թե ճամփորդ, այլ նամակ ու հեռագիր իսկ Պոլսո հետ փոխանակել, կարգ մը գրաքննչական ձեռնարկութեանց, զինվորական ու ոստիկանական կաշկանդումներու ենթակա էր, ուր մնաց Հայու մը համար ճամփորդութիւնը:

Այնուամենայնիվ այս հայ վաճառականը, շնորհիվ իր թուրք պաշտոնյա բարեկամներուն, հիվանդ ձեռնալով կը հաջողի պատկանյալ պաշտոնատունեն բացառաբար ճամփորդութեան «Վեսիքա» մը ստանալ և 1915 մարտ 2-ին մեկնել երկաթուղիով դեպի Պոլիս:

Գոնիայի մեջ սակայն, թուրք ոստիկանապետը ձեռքեն առնելով «վեսիքան»՝ կ'արգիլե զինքը մեկնելու Պոլիս:

Սակայն շնորհիվ նույն պահուն քննչական պաշտոնով Գոնիա գտնվող հայ բարձր պաշտոնեի մը ազդեցիկ միջամտութեան, ճամփորդութեան վեսիքան վերստանալով կը հաջողի շարունակել իր ճամփան և անվտանգ հասնիլ Պոլիս:

Մարտ 8-ին հասած երեկոյին հաջորդ օրը իսկ, իր պատասխանատու առաքելութեանը պահանջած զգուշավորութեամբ, կը ներկայանա Զավեն Պատրիարքին և հանձնելով կաթողիկոսական այցեքարտը, ուր հիշված էր միայն, թե հանուն իրեն պետք եղածը պիտի խոսի բերսնացի գրաբերը, խոստովանաբար կը պատմե այն ամենը, ինչ որ հանձնարարված էր իրեն ըսել:

Պատրիարքը նախ չուզեր հավատալ այսքան ծանրակշիռ լուրերու հավանականութեան և կ'ըսե, թե «Կիլիկիո կաթողիկոսը այս որքան հոռետես անձ է եղեր...»: Ապա Պատրիարքը կը հանձնարարե իր մեկնումը մեկ-երկու օր հետաձգել, մինչև որ այս մասին քննութիւն մը կատարելով կարողանար փոխադարձաբար տեղեկութիւն հաղորդել կաթողիկոսին:

Երբ երկու օր վերջ պատգամավորը առանձին կը ներկայանա, Պատրիարքը հանձնելով փոխադարձաբար իր այցաքարտը, կ'ըսե իմիջիայլոց «գերման դեսպանը (Վանկընհայմ) հանուն իր կառավարութեան կը վստահացնե մեզ, թե կոտորած չի պիտի ըլլա, և ո՛չ ալ հայերը տեղահան պիտի ըլլան: Իսկ ներքին գործոց նախարար Թալեաթ փաշա ևս հավաստիքներ կու տա մեզ, թե հայ ժողովուրդն իր եղած տեղերը հանգիստ ձգելու համար կարելին ի գործ պիտի դրվի: Բայց միայն

հաշտ կառավարութեան կասկածելի նկատվածները և հանցավորները պիտի հավաքվին»:

Այս պատեհութեամբ Պատրիարքը կը հանձնարարե, որ ի մասնավորի Կիլիկիո հայ ժողովուրդը, տեղական կառավարական պաշտոնեից հետ լավ վարվի և զգուշանա գրգռիչ ընթացքներե, միայն զբաղի առօրյա իր գործերով և հնազանդի պետական հրամաններուն ու հրահանգներուն: Ապա Պատրիարքը կ'ավելցնե, թե կը ցավի, որ ասկե ավելի բան մը չի գար իր ձեռքեն:

Սակայն պատգամավորին անձնական տպավորութիւնը սա կ'ըլլա, որ Պատրիարքը պահանջված լրջութեամբ շտապ մտնանշված վտանգը, քանի որ Կիլիկիո կաթողիկոսին հոռետեսութեան կը վերագրե այս ամենը:

Պատգամավորը այս երկրորդ տեսակցութենէն վերջ կ'աճապարե վերադառնալ Ադանա, և իր գաղտնի առաքելութեան համարատվութիւնը կը փութա ընել սրբազան կաթողիկոսին:

Այսպէս Կիլիկիո կաթողիկոսը գոհ կ'ըլլա, որ իր վրա ծանրացող պարտականութիւնը կատարեց, իսկ Պատրիարքն ևս կը բավականանա իր ստացած հավաստիքները, հաղորդելով կաթողիկոսին:

Բայց դժբախտաբար այս հուլիս ծանրակշիռ գուժկանը գաղտնի կը պահվի մինչև վերջը, ոչ մեկը, նույնիսկ ազգին ղեկավար մարդոցմե ոչ ոք, իրազեկ կ'ըլլա հայ ժողովուրդի կյանքի և մահու բախտորոշ այս ամենածանրակշիռ իրադարձութիւններուն, մինչև որ կը հասնի 1915 ապրիլ 11-ի սարսափի շարժք գիշերը:

Երբ Կոստանդնուպոլսո ամբողջ մեր մտավորականութիւնը, և հայ քաղաքական կուսակցութեանց բոլոր ղեկավար պետերը, բոլորովին անգիտակ իրենց զխուն պայթելիք ահավորարյան փոթորկին, մեկ գիշերվան մեջ անակնկալորեն թակարդը ինկան և ապա արսորվեցան ու անլուր տանջանքներով նահատակվեցան:

Ամիսներ առաջ նախքան մեր ամենքի ձերբակալութիւնը, տեղի ունեցած այս բոլոր ծանրակշիռ դեպքերուն միայն իրազեկ եղա 1922-ին Անգլիո մեջ հանդիպելով նույնինքն այս պատգամավոր Վարդան Փրենյանին, երբ պատահաբար կրցա իրազեկ ըլլալ Կիլիկիայեն դրկված և ամենքեն ցարդ

գաղտնի պահված այս առաջին գուժկանին բոլոր մանրամասնությանց:

Ամենքին ըսինք անոր համար, որովհետև ձերբակալված և արքունիկում ըլլալով մայրաքաղաքի ազգային ղեկավար և կուսակցական շատ մը պետերու հետ, որոնց մեջ ազգ. կենտր. վարչության անդամներ ալ չէին պակսեր, ոչ ոք այս ահապոր իրադարձության մասին որևէ տեղեկություն ուներ: Զի կիլիկիային Պոլիս գաղտնապես ղրկված այս գուժկանի մասին, եթե մեզմե մեկն իսկ տեղեկություն ունեցած ըլլար, նախ բանտին մեջ, ապա արքունի ճամփաներուն վրա, ամենքն իրար չէին հարցներ, թե ի՞նչու կ'ըլլան այս ամեն ձերբակալությունները և զգուշական ծայրահեղ միջոցները, ինչպես ավելի մանրամասնությամբ և փաստացի կերպով պիտի տեսնենք հետագա արհավիրացի գլուխներուն մեջ ևս:

6.

ԳԵԹՍԵՄԱՆԻԻ ԳԻՇԵՐԸ

Մինչդեռ 1915 ապրիլ 11-ի շաբաթ գիշերը, մայրաքաղաքի հայությունը մեկ քանի օր առաջ վերջացող գատկական հանգեսներին պարտասած, կը խորդար հանդարտ քունի մեջ, հոն Ստամբուլի բարձունքը Այասոֆիայի մոտը, ոստիկանական կենտր. տնօրենության ապարանքին մեջ, արտակարգորեն անշշուկ գաղտնի գործունեություն մը կը տիրեր...

Զինվորական արենագույն ինքնաշարժ հանրակառքեր (օթորու), մայրաքաղաքին մոտավոր և հեռավոր արվարձաններին ու թաղերին խումբ-խումբ ձերբակալյալ հայեր կը փոխադրեին կենտրոնական բանտ:

Պոլսո ոստիկանական տնօրենը, Պետրի, մայրաքաղաքին բոլոր պահականոցներուն շաբաթներ առաջ, կնքյալ պահանջներով պաշտոնագրեր ղրկած էր, միայն որոշյալ օրին բանալու հրահանգով և ծայր աստիճան գաղտնապահությամբ ու ճշտությամբ գործադրելու ստիպողական հանձնարարությամբ:

Այս խորհրդավոր հրամանագրերը իրենց մեջ ունեին սև ցանկը այն ձերբակալվելիք հայերուն, պատրաստված հայ գաղաճաններու և ի մասնավոր Արթին Մկրտչյանի ցուցմունքով, և թաղային իթթիհատական ակումբներու նախաձեռնությամբ:

Ասոնք մահապարտ այն հայերն էին, որոնք հեղափոխական թե անկուսակցական ազգային կյանքի մեջ գործող դեր մը ունենալով աչքի զարկած էին, և իբր թե ի հարկին կրնային ժողովուրդը մղել հեղափոխության կամ գոնե դիմադրության:

Նույն աս շարաշուք շաբաթ գիշերը, ուրիշ ութ սկյուտարցի գծաբախտ ընկերներու հետ, Սելիմիյեի հսկա գորանոցին քարափնն, մասնավոր շոգեմակույցով մեզ փոխադրեցին Սիրքեձի:

Մահաբույր գիշեր մըն էր, ծովը թեպետ փոթորկոտ, իսկ մեր հոգիները խոռվ շարագուշակ մտածումներով, կը տարվեինք դեպի անծանոթ ճակատագիր: Արգիլված էր խոռիլ իրար հետ, կալանավորներ էինք, որ ոստիկանական ամենախիստ հսկողության ներքև փոխադրվեցանք կենտրոնական բանտ:

Հոս հսկա և ամրակառույց պարիսպներու ու ամրափակ վիթխարի երկաթյա դռներու և նիզերու ետև, մեզ մտցուցին կենտր. բանտին շրջափակին մեջ փայտաշեն տաղավար մը, որ երբեմն կ'ըսվեր, թե իբր դպրոց ծառայած էր: Պլպլացող առկայծյալ կանթեղի մը տմույն լույսին ներքև և մերկ տախտակամածին վրա, նստանք լուռ ու մունջ, ու ոչ ոք մեզմե համարձակությունը կ'ունենար լուծելու աս սարսոցցուցիչ հանկարծական նոր առեղծվածը:

Հազիվ թաղված թախծոտ և հոգեմաշ սև խորհրդածություններու մեջ, ահա բանտին հսկա երկաթյա դռներն շարագուշակ ճռինչով մը կրկին բացվեցան: Խուռներամ ներս հրվեցան բազմաթիվ դեմքեր, ամենքն ալ ծանոթ հեղափոխական պետեր, հանրային գործիչներ և անկուսակցական և նույնիսկ հակակուսակցական մտավորականներ:

Մեկ քանի ժամ անգամ մը, մինչև առավոտ բանտ բերված նորանոր ձերբակալյալներով, գիշերային խոր լռությանը մեջ, բանտի ամրակուռ և բարձր պարիսպներուն ետև, տակավ եռուզեռն կ'աճեր, քանի բանտարկյալներու բազմությունը կը ստվարանար: Իբր թե նույն գիշերը բանտին այդ խավարտին նկուղներուն մեջ ժամադիր եղած ըլլային, մայրաքաղաքի հայության հանրային աջբառու բոլոր գործիչներն, ժողովական, երեսփոխան, հեղափոխական, խմբագիր, ուսուցիչ, բժիշկ, դեղագործ, ատամնարույժ, վաճառական, սեղանավոր և այլ ամեն դասակարգի ազգայիններ: Մեկն ավելի անձեր բերված էին նույնիսկ սենյակի զգեստներով և հողաթափներով:

Քանի ծանոթ դեմքեր ներս կը բերվեին այնքան շաղակրատությունը կը նվազեր և մտահոգությունը ծայր կ'առներ:

Տակավ դեմքերը կը լրջանային, մեր սրտերը կը խռովեին, բնազդաբար մոտակա փոթորկի մը մտահոգիչ նշաններ գուշակելով: Բայց իրապես մեզմե ոչ ոք գիտեր աս ընդհանուր խմբական ձեռքակալություններուն իսկական շարժառիթը, և ոչ ոք ի վիճակի էր կշռելու այս ծանրակշիռ դեպքերու աղետաբեր հետևանքները:

Քանի գիշերվան խորհրդավոր ժամերը կը սահեին, մեր մտանշնություններն ալ այնքան կը կրկնապատկվեին: Հազվադեպ անտարբերներե զատ մեծամասնությունը հոգեպես կը տառապեր ԱՆՄԱՆՈՒԹԻՆ երկյուղով, կրավորական համակերպության մը մեջ փնտրելով բունազբոսիկ միսթարություն մը:

Մինչև առավոտ հետզհետե բերվեցան նոր ձեռքակալալ ազգայիններ, իսկ մենք բանտ կանխողներս, ամեն անգամ որ զինվորական ինքնաշարժ հանրակառքերու ժխորը կը լսեինք, կը փութայինք պատուհանները, տեսնելու համար, թե որո՞նք են նորեկները:

Ներս բանտ բերվողները կու գային նախ ուրախ և արհամարհոտ ժպիտով, և երբ կը տեսնեին հարյուրավոր, հանրածանոթ ազգային հին ու նոր գործիչներ իրենց շուրջը թախժոտ և մտախոհ, իրենք ալ կը խորասուզվեին ծանր մտահոգություններու մեջ: Ամենքս ալ հետամուտ էինք լուծելու այս առեղծվածը և պատասխան կը փնտրեինք սա հարցերուն, բայց ինչո՞ւ հավաքական աս հարյուրավոր ձեռքակալությունները, և արդյո՞ք ի՞նչ պիտի ըլլա ասոր վախճանը...

7.

ԿԱՐՄԻՐ ԿԻՐԱԿԻՆ

Պոլսո հայ մտավորականության և հանրային գործիչներու մեծամասնությունը, 1915-ի Զատկին հաջորդող ապրիլ 12-ի ԿԱՐՄԻՐ ԿԻՐԱԿԻՆ կ'անցնեինք կենտրոնական բանտին մեջ, տխուր և մտահոգ, ակնդետ սպասելով որևիցե տեղե մեզի հասնելիք անակնկալ օգնության մը:

Մեզմե շատեր ճարհատ համակերպելով բանտի իրենց

նոր կյանքին և զուլխ ունենալով անոնք, որոնք թրքական բանտերը բազմիցս մատած ելած էին, կը սկսեին առավոտյան դեմ արդեն բան մը ուտելու մասին խորհրտ: Մինչ ուրիշ ընկերներ, դրամական մեծ վարձատրություններով, իրենց ընտանեկան պարագաներուն և ազդեցիկ բարեկամներուն կը փութային մարդիկ զրկել, թղթի գաղտնապես կրված կտորներով խնդրելով, որ գան և զիրենք ազատեն...

Այսպես մեր Կարմիր կիրակին անցավ, առանց արտակարգ որևիցե նոր միջոցառումի: Միայն երբեմնակի կը լսեինք ընդհատ ընդհատ խուլ որոտները անգլիական և ռուսական հսկա ծովային թնդանոթներուն: Մեր մեջ դեռ կային միամիտներ, որ այդ թնդանոթներու մահասփյուռ որոտները կը կարծեին, թե մեզ օգնության փութացող մարտանավերու փրկարար որոտըն էր...

Արդարև ճիշտ այդ օրերուն, անգլիական մարտանավերն Դարդանեյեն, իսկ ռուսականները Սև ծովեն կը բախեին Պոլսո ամրակառույց բերդ-դոնները: Մեզմե ոմանք կը կարծեին նույնիսկ, թե քանի մը օրեն Պոլիսը անգլ. զրավման անմիջական վտանգին ներքև ըլլալուն, նախքան թուրք կառավարության Պոլսեն Գոնիա փոխադրվիլը, փութացած էին ձեռքակալել մեզ իբր պատանդ, առ ի ապահովություն մայրաքաղաքին... Կարմիր կիրակին այսպես անցուցինք «Մեհտերհանե» կոչված Պոլսո կենտրոնական բանտին «մեքթեպին» մեջ, վաղվան գահավեժ դեպքերու սարսափովը առյցուն, հուսահատ և շվարած:

Արդեն երեկո էր, բանտին «վուեզիններ» մոտակա մինարենն իր «ալլահ էքպեր»-ը լրացուցած և հազիվ մթնշաղը սկսած էր, երբ բանտին ներքին պահակները—գարտիան—ստենտորյան ձայնով բոլոր հայ քաղաքական բանդարկայներս հրավիրեցին, որ հավաքվինք բանտին երկաթյա ավազ դռան առջև:

Վերջապես հնչած էր ժամը, երբ 24 ժամվան հոգեմաշ անորոշութենն մը վերջ, մեր ճակատագիրը պիտի որոշվեր այլևս: Ամենքս բնական հետաքրքրութենն դրդյալ, աճապարեցինք դեպի երկաթյա վանդակները: Իսկ դաժան բանտապետը ի ներկայության ոստիկանական բարձր ու ստորին ամեն աստիճանե պաշտոնյաներու սկսավ հանդիսական ձայնով մը կարգալ ՄԱՀԱՊԱՐՏՆԵՐՈՒՄ ՍԵՎ ՅԱՆԿԸ...

Երբ ստուգվեցավ, թե ամենքս ալ ներկա էինք, հարյուրավոր սվիճակներ ոստիկան զինվորներու և ոստիկանական բազ-

մաթիվ պաշտոնյաներու ամենախիստ հսկողութեան ներքե, հետխօտն առաջնորդվեցանք կենտր. բանտն միայն քիչ հեռու գտնվող ոստիկանական տնօրինութիւնը: Հոս մի առ մի խուզարկելով գրավեցին մեզմե ամեն ինչ, որ կրնար արժեք մը ունենալ. դրամ, աննշան թղթի կտորներ, զմելիներ, մատիտներ, հուշատետրեր, մինչև մեր հովանոցներն ու դավազանները, իբր թե վերջը մեզ հանձնելու համար:

Հազիվ խուզարկութիւնները լրացած, ձերբակալուներս քանական կամ ավելի հոգինոց փոքր խմբերով, առաջնորդվեցանք կենտր. ոստիկանական տնօրենութեան առջև, արդեն պատրաստ սպասող զինվորական կարմրագույն ինքնաշարժ հանրակառքերը:

Այլևս 24 ժամն ի վեր տիրող գաղտնիքը արդեն մասամբ լուծված էր, զի ողբերգութեան երկրորդ վարագույրը բացված էր և դժվար չէր հասկանալ, թե մեզ Պոլսն կը հեռացնէին... Ո՛ր, ոչ ոք գիտեր...

Մեր ինքնաշարժին մեջ, ուր ավելի քան 20 հոգի էինք, զեն ի ձեռին մեզ օդակավորող սվինավոր տասն ավելի զինվորներ շրջապատած էին մեզ, փախուստի ամեն փորձ կրակով պայտասխանելու հրամանով:

Ձերբակալուներս փոխադրող ինքնաշարժերու քարավանը, որոնց անձամբ կ'առաջնորդէր ոստիկանական ընդհանուր տնօրեն Պետրի իր մասնավոր ինքնաշարժով, արդեն ի թավալ կու գար փոշիի ամպերով Այասոֆիայի պողոտայն դեպի ծովեզերք Սիրքեճի ուղղութեամբ: Բոլոր մեր ինքնաշարժերն հեծկտուքի ձայներ կը լսվէին..., ինչ որ բնականաբար ուշադրութիւնը կը հրավիրէր անցորդներու, որոնք կը դժվարանային մեկնութիւն մը տալու ինքնաշարժերու խորհրդավոր և օրրնթաց աս թավալումին...

Երբ մեզ փոխադրող 10-ե ավելի ինքնաշարժերը վերջապես մտան Սարայ-Պուռնուի կամ Կուհաննի դարաստանը, ձերբակալուներու հուզումը ինքնին հասավ իր գագաթնակետին: Այլևս մահվան սարսափը ընդհանուր էր, որովհետև հայութեան մեծ դահճապետ կարմիր Սուլթանի բռնապետութեան սև օրերու հիշատակներն դեռ շատ թարմ էին մեր մտքերու մեջ... Մեզմե ամեն ոք գիտեր, թե հարյուրավոր անմեղ երիտասարդ հայ և թուրք մտավորականներ, քարեր կապված

ոտքերնուն կամ վզերնուն, ծովամույն եղած էին հոս, այս պատմական մահաբոցը հրվանդանին խոր ջուրերուն հոսանքներուն ու հորձանքներուն մեջ...

Մեր մահվան մղձավանջը ա՛լ ավելի կը խարազաններ գիշերվան թանձր խավարը և գարնան գիշերահավասարին զուգադիպող ծովի փոթորիկը: Արդեն Սարայ-Պուռնու ըլլալով հյուսիսային հովին ճիշտ ճակատը, միշտ ալեկոծյալ կ'ըլլար, իսկ նույն երեկոյին փրփրաղեզ լեռնակուտակ ալիքները քարափին բախելով, տասնյակ մետր հեռուները կը նետեին աղի ջուրի կաթիլները, որոնք հետո բա՛բե արջան կայսրներու փոխվեցան:

Այդ պահուն արդարև ամենազորավոր հոգիներն իսկ սկսած էին սարսուլ, որովհետև բնազդաբար մեզմե շատեր կը զգային, թե դեպի գերեզման կ'երթան, մինչ մյուս կողմն փրկութիւն ոչ մեկ հույս կար: Զի իթթիհատական թուրք կառավարութիւնը, օրինակելի գաղտնապահութեամբ և թուրք ցեղին հատուկ եղեռնական ընդունակութեամբ, հաջողած էր մեկ գիշերվան մեջ ամենքս հանկարծ մեկ ուռկանի մեջ թակարդը ձգել...

Սարայ-Պուռնուի անդաստանին մեջ, ամենքս ի մի հավաքվելի և բոլոր ընկերներու ժամանումն վերջ երկուական թափոր եղած, առաջնորդվեցանք Շիրքեթի 67 թիվ շոգենավը, որ արդեն ժամեր առաջ, շոգիի վրա կը սպասեր քարափին առջև:

Շոգենավը լեցվեցավ ոչ միայն 220-ե ավելի ձերբակալուներովս, այլև մեր թվնն ավելի մեր հսկողութեան հատկացած սվինավոր ոստիկան զինվորներով, էնվերի կողմն ղրկված երիտասարդ զինվորներով, քոմիսերներով, բանակի սպաներով և ոստիկանական ամեն աստիճանե պաշտոնյաներով:

Արդարև այս ամենը մեր վրա այնքան խոր ազդած էր, որ պահ մը ամենքս ալ համոզվեցանք, թե Մարմարայի բացերը կը տանին ծովամույն ընելու համար: Շատեր կու լային, շատեր իրենց սիրելիները կը հիշէին, ու այս ընգհանուր հուզումին մեջ, հուսկ ուրեմն մահապարտներու շոգենավը ճամփա ելավ դեպի բաց ծով:

Աղե՛, մեկ քանի ամիսներ վերջ՝ եկան ա՛լ ավելի սև օրեր, երբ ծովի մահը փնտրելով փնտրեցինք, երբ մեզմե շատերը շարաշար զզջացին, որ ծովը չէին նետված: Զի անշուշտ ծովի

մահը ավելի փրկարար էր և նվազ խուժողով, քան կացինի և սակրի ներքև ապա տեղի ունեցած շարժարալից նահատակությունները:

Մինչդեռ սուլթանական մայրաքաղաքը, աղջամուղջին գաղտնապահ սև պատանքին մեջ, նորանոր ոճրապարտ ծրագիրներ կը դարբենե, իր այս անդրանիկ հաջողութենե քաջալերված, մենք Մարմարայի ալիքներուն անձնատուր եղած, ակամա կը տարուբերեինք հոգեխռով վերհիշումներու և մահվան տագնապներու մեջ, երբ վերջապես մեր շոգենավը մոտեցավ Հայտար Փաշայի նավամատուցին:

Մահապարտներու քարավանը զույգ առ զույգ դուրս գալով շոգենավեն, հարյուրավոր սվինավոր զինվորներու շղթայի միջև տարվեցանք Հայտար Փաշայի հոյակապ կայարանի հսկա շենքին ճամփորդներու հատկացած Ա. և Բ. սպասման սրահները, ակնդետ սպասելով հոն շարագեպ նոր անակնկալներու:

Այլևս մենե ոչ ոքի մոտ ախորժակ մնացած էր, մտածելու մեր անոթութեան և ծարավին վրա: Միայն զինվորական երիտասարդ դեղագործ մը, երբ պատու մը երշիկ ապսպրելով կը ճաշակեր, հանկարծ վրա գալով ոստիկանապետ մը, երշիկը հանդերձ պնակով կը նետեր սրահին մեջ, և զինվորական վերարկուին ոսկեզօծ կոճակները փետրտելով կը պոռար ըսելով, որ «այլևս դուք ազգի և պետութեան թշնամիներ արժանի չեք այս պատվոյն...»:

Ավելի քան շուրջ երկու ժամ խոր լուռութեան և ցավատանջ հոգեկտուրի մեջ սպասելի վերջ, դարձյալ զինվորական ամենախիստ հսկողութեամբ, փոխադրվեցանք երկաթուղու մասնավոր գնացք մը, որ ժամերե ի վեր արդեն կը սպասեր շոգիի վրա մեզ տանելու համար Փոքր Ասիո խորերը, ուր տարաբախտ մեր բոլոր ընկերները, հազվագյուտ բացառութեամբ միայն, մեկ քանի ամիսներ վերջ ամենաքստմենի և եղբրական մահվամբ պիտի գտնեին իրենց նահատակությունը:

Վերջապես շարժեցավ երկաթուղու մեր գնացքը, բոլոր լույսերը մարած, վագոններու բոլոր դռները փակված, և ոստիկաններով ու ոստիկան զինվորներով պահպանված: Տակավ սկսանք հեռանալ հիշատակելի այն վայրերեն, ուր մեզմե յուրաքանչյուրը իր ետև կը թողուր սգալոր և անպաշտպան մայ-

րեր, քույրեր, կիներ և երախաներ, ինչք, հարստություն և ամեն ինչ, երթալով դեպի անդարձ, անանուն և անծանոթ գերեզմաններ՝ թաղվելու առ հավետ:

8.

ԴԵՊԻ ԱՔՍՈՐԱՎԱՅՐ

Երկաթուղու մեր խորհրդավոր գնացքը խավարին մեջ առանց դադարի կ'անցնե կայարաններու առջևն: Հետզհետե մեր տեսողութենեն կը խուսափեին իշխանաց լուսաշող կղզիներն և կը քերեինք Մարմարայի եզերքն դեպի նիկոմիդիա, մինչ Սուլթաններու շվայտութեան, զեղխութեան և քաղաքական ոճիրներու համբավավոր Ոստանը մեր ետև կը թողվինք ընդմիշտ:

Խավար էր կառախումբին դուրսը և ներսը, նույնքան խավար էին նաև մեր սրտերն, զի մահվան ուրվականը արդեն ցցված էր մեր առջև ու կը հալածեր մեզ: Ոչ ոք կառախումբին մեջ խոսելու փափագ կը զգար, մունչ էինք ամենքս ալ և ինքնամիտ, զի վաղվան մտահոգություններով տագնապած կը տարվեինք դեպի անծանոթ ճակատագիր:

Կեսգիշերը արդեն անց էր, երբ կառախումբին պետը, ազնիվ և անձնվեր հայ պաշտոնյա մը, մոտենալով մեզմեկ ըսավ ինձի. «հայր սուրբ, խնդրեմ ձերբակալյալ ընկերներուդ անունները աս թղթին վրա գրելով ինձի տուր»: Զեռքի գաղտնի շարժումով մը թղթի կտորի մը հետ մատիտ մը կը սահեցնե ձեռքս, և լայտերը մոտս ձգելով ինք կ'երթար զբաղեցնելու մեզ հսկող ոստիկանական պաշտոնյաները: Դյուրահասկանալի սրտագողով և հապճեպով, տմուլն լույսի մը պլպլացող ճառագայթներուն ներքև, կը գրեի մեր ընկերներեն գոնե ամեն անոնց անունները, զորս պատահաբար կրնայի վերհիշել: Ապա անկատար այս ցանկը գաղտագողի կը հանձնեի նույն ազնիվ պաշտոնյային, առանց բառ մը ըսել համարձակելու:

Արդեն լուսնաշաղ էր, երբ երկաթուղու մեր կառախումբը անձայն, անշշուկ և առանց կանգ առնելու կ'անցնե նիկոմիդիո քաղաքին մեջեն: Միայն սակավաթիվ անցորդներ, և մեծ մասամբ մանարաններու հայ գործավորուհիներ, կասկածոտ

զարմացումով ակնապիշ կը դիտեին մեր կառախումբը, առանց կարենալ թափանցելու ահավոր գաղտնիքին:

Մեր գնացքը անդադար կը սուրար, հետզհետե մեր ետև կը թողնինք Մարմարայի ծովին հետ, նաև գեղեցիկ ծովածոցը այլևստան իր ծփանքներով, նիկոմիդիան, հանդիպակաց եզերքին լեռներու գահավանդին թառած հայ կյանքի կայտուն Պարտիզակը, քաջարի Ասլանբեկը, Բութանիո դալարազարդ և հուսի դաշտերն ու հայ բազմաթիվ գյուղերը, Սապանճայի պսպղուն լիճը, գարնան հետ ծաղկազարդված մրգաստաններն, և երեկոյին մթնշաղին հետ կը հասնենք վերջապես էսկիշեհի:

Մեր բանտեն մեկնումեն 24 ժամ վերջ միայն, փրփրաքարերու այս հին քաղաքին առջև ոմանք դեռ նոր սկսան զգալ անոթութուն և ծարավ. և ստամոքս խաբող նախընթիք մը բնելու շափ համարձակութուն կ'առնեն: Մեր կառախումբին հայ ազնիվ պաշտոնյաներն էին դարձյալ, որ վտանգը արհամարհելով և առանց փոխարժեքն գանձելու, սնունդի մեր սակավապետ պահանջներուն կ'աճապարեին գոհացում տալ, գնահատելի և սնմոռանալի հաճոյակատարութեամբ մը:

Էսկիշեհի ըլլալով էնկուրիի և Գոնիայի երկաթուղու անջատման կենտրոնավայրը, հոս պիտի որոշվեր մեր ճակատագիրը, թե ի՞նչ ուղղութեամբ մեզ դեպի մահ պիտի առաջնորդեն: Մինչդեռ ամենքս լարված և սպառիչ հետաքրքրութեամբ կը սպասեինք գնացքին առնելիք ուղղութեան, և ահա մեր կառախումբը փոխանակ Գոնիայի, շարժեցավ էնկուրի ուղղութեամբ:

Պոլսեն մեկնած ըլլալով 1915 ապրիլ 12-ի կիրակի գիշերը, երեքշաբթի կեսօրին մոտ հասանք էնկուրիի մոտակա և Այաշ տանող Սենճան Քեոյի երկաթուղու կայարանը: Հոս հանկարծ հանդիսատես կ'ըլլայինք այնպիսի ահավոր տեսարանի մը, որուն վերհիշումն իսկ հրաշքով վերապրողներուս դեռ նույնքան սարսուռ ու սարսափ կ'ազդէ:

Երբ երկաթուղու գնացքը հասավ Սենճան Քեոյի ըսված այս կայարանը, հոս դուրս եկավ Պոլսեն մեզ ընկերակցող կենտրոն. բանտի պետ գարշելին Իպրահիմ, և շրջապատված մեզ ընկերացող ոստիկանապետներն և ոստիկան զինվորներն, ձեռքը առած մեր անուններու՝ սև ցանկը; սկսավ կարգալ «Միլիտորիշի, Ակնունի, Զարդարյան, Խաթակ Շահրիկյան, Ճիհանկուլյան, դոկտ. Տաղավարյան, Սարգիս Մի-

նասյան» և այլն: Խառնիխուռն անուններ հայտնի հեղափոխականներու, ոչ կուսակցականներու, պահպանողականներու, ըսելը 75 անձերու:

Որոնց անունները որ կը կարգացվեր, վար կ'իջնեին գնացքն և կ'երթային իրարու մոտ հաջորդաբար զինվորական շղթաներու մեջ շարվելու... Մինչև մեր ոսկորներն սարսուռ կը զգայինք, թեպետ որոշ շէնք գիտեր, թե ինչու աս բաժանումը կ'ընեին, բայց շատ ուշագրավ էին հաջորդաբար կանչված անունները: Մեզմե բաժնվողներն ոմանց հետ համբուրվեցանք ու համբուրեցինք, ակնթարթի մը մեջ լացինք ու լացուցինք զիրար, զի բնագրաբար միայն կը զգայինք, թե կը բաժնվեինք իրարմե անդարձ...

Ահա սուրբ նահատակութեամբ օծուն անունները մեր տառապանքի ազնիվ այն ընկերներուն, որոնք Սենճան Քեոյի կայարանին առջև մեզմե բաժնվելով հեռացան գնացին դեպի Այաշ, և մեկ քանի ամիս վեցջ էնկուրիի մոտակա ձորերուն մեջ շարչարալից մահվամբ ողջակիզեցան հայրենիքի սրբանվեր սեղանին վրա, հայ ազգի ազատագրութեան անմահներու հափիտենական մատյանին մեջ արձանագրելով իրենց անունը ոսկի տառերով:

Այաշի

Աքսորն ու անվանց օանկը

1. Խաշատուր Մալումյան (Ակնունի), հայտնի գրագետ և զաշնակցական պետ, նահատակված Ուրֆայի ճամփուն վրա:
2. Գարեգին Խաթակ, ուսուցիչ-գրագետ և զաշնակցական գործիչ, նահատակված Ուրֆայի ճամփուն վրա:
3. Ռուբեն Զարդարյան, ուսուցիչ գրագետ, Ազգ. երեսփոխան զաշնակցական գործիչ և խմբագրապետ զաշնակց. օրգան «Ազատամարտի», նահտկ. Ուրֆայի ճամփուն վրա:
4. Սարգիս Մինասյան, Գրողակի խմբագիր և ուսուցիչ ու զաշնկ. գործիչ:
5. Հարություն Ճանկուլյան, հնչակյան պետ, Ազգ. երեսփոխան, նահատակված Ուրֆայի ճամփուն վրա:
6. Գոկտ. Նազարեթ Տաղավարյան, հանրային եռանդուն գործիչ, Ազգ. երեսփոխան, և բժշկական երկասիրութեանց հրատարակիչ, նահատակված Ուրֆայի ճամփուն վրա:

7. Համբարձում Պոյաճյան (Մուրատ), հնչակյան հայտնի պետ, Ազգ. երեսփոխան, նահատակված Կեսարիո մեջ:
8. Հարություն Շահրիկյան, Փաստաբան, հանրային գործիչ, Ազգ. երեսփոխան և հայտնի դաշնակց. նահատակված էնկուրի:
9. Ատոմ Յարճանյան (Սիամանթո), բանաստեղծ, դաշնակցական, Ազգ. երեսփոխան, նահատակված էնկուրի:
10. Հայկ Թիրջաբյան (Հրաշ), դաշնակց. գործիչ, Ազգ. երեսփոխան, նահատակված էնկուրի:
11. Ներսես Զաքարյան, ուսուցիչ և հնչակյան գործիչ, Ազգ. երեսփոխան, և կենտր. ազգ. վարչության անդամ, նահատակված էնկուրի:
12. Բարսեղ Շահբազ, փաստաբան, դաշնկ. գործիչ, նահատակված Խարբերդի և Մալաթիո ճամփուն վրա:
13. Շավարշ Քրիսյան, ուսուցիչ և դաշնկ. գործիչ, նահատակված էնկուրի:
14. Ենովք Շահեն, դերասան, նահատակված էնկուրի:
15. Քրիս Ֆեներճյան (Սիլվիոյրիչի), բուլղարահայատակ ըլլալով ազատված և դարձած Բուլղարիա:
16. Ժակ Սայապալյան (Փայլակ), հանրային եռանդուն գործիչ, Ազգ. երեսփոխան, նահատակված էնկուրի:
17. Դոկտ. Ավետիս Նազաշյան, հանր. գործիչ, վերադարձած Պոլիս:
18. Դոկտ. Խաչիկ Պարտիզպանյան, հանրային գործիչ, նահատակված էնկուրի:
19. Դոկտ. Գ. Պողոսյան, ծանոթ հրճարարուժ. Ազգ. երեսփոխան, ազատված և գինադադարեն վերջ Պոլիս դարձած:
20. Դոկտ. Մելքոն Կյուլիստանյան, վերադարձած Պոլիս:
21. Դոկտ. Կարապետ Փաշայան, օսմ. պառլամենտի նախկին անդամ, Ազգ. երեսփոխան, դաշնակցական գործիչ, նահատակված էնկուրի:
22. Դոկտ. Տիգրան Ալլահվերտի, անդամ Պատրիարքարանի ժողովներու, վերադարձած Պոլիս:
23. Արիստակես Գասպարյան, փաստաբան, հանրային եռանդուն գործիչ և Ազգ. երեսփոխան, նահատակված էնկուրի:
24. Ներսես Փափազյան (նախկին Մաշտոց վարդ.), դաշնկ. օրգան Ազատամարտի խմբագիր և դաշնկ. գործիչ, նահատակված էնկուրի:

25. Համբարձում Համբարձումյան, խմբագիր, նահատակված էնկուրի:
26. Գրիգոր Թորոսյան (Կիկո), համանուն երգիծաթերթի հրատարակիչ և հանր. գործիչ, նահատակված էնկուրի:
27. Ռոստոմ Ռոստոմյան, վաճառական և ազգային գործիչ, նահատակված էնկուրի:
28. Սմբատ Բյուրատ, ազգ. վիպագիր և հանրային գործիչ, Ազգ. երեսփոխան, նահատակված էնկուրի:
29. Մելքոն Կուրճյան (Հրանտ գրական անունով ծանոթ), Ազգ. երեսփոխան, հայագետ, դաշնակցական գործիչ, նահատակված էնկուրի:
30. Թեոդոր Մեծիկյան, վաճառական, նահատակված էնկուրի:
31. Գևորգ Թեքեմանյան, դաշնկ. գործիչ Հայկ, Թիրաբյանի վաճուկ. նահատակված էնկուրի:
32. Հայկ Թրյաբյան, դաշնկ. գործիչ, Հայկ Թիրաբյանի տեղ աքսորված և ապա Պոլիս դարձած:
33. Խաչիկ Իտարեճյան, ուսուցիչ, նահատակված էնկուրի:
34. Մկրտիչ Հովհաննեսյան, ուսուցիչ, դաշն. գործիչ, նահատակված էնկուրի:
35. Մկրտիչ Հովհաննեսյան, վերոհիշյալին տեղ աքսորված և ապա Պոլիս դարձած:
36. Սարգիս Աբո, կովկասահայ, ուսուցիչ, դաշնկ. գործիչ, նահատակված էնկուրի:
37. Աբրահամ Հայրիկյան՝ տաճկագետ և տնօրեն «Արդի» վարժարանին, ազգ. երեսփոխան, նահատակված էնկուրի:
38. Լևոն Շամտանճյան, Միքայել Շամտանճյանի տեղ աքսորված և Պոլիս վերադարձած:
39. Բյուզանդ Պողաճյան, ազգ. երեսփոխան և վերադարձած Պոլիս:
40. Գեղամ Բարսեղյան, խմբագիր, ուսուցիչ և դաշնկ. գործիչ, նահատակված էնկուրի:
41. Հովհաննես Գըլըճյան, գրավաճառ, նահատակված էնկուրի:
42. Օնիկ-Ժիրայր, ուսուցիչ, նահատակված էնկուրի:
43. Լևոն Լարենց, վերակազմյալ հնչակյան պետ, գրագետ, ուսուցիչ, նահատակված էնկուրի:
44. Տիգրան Զեոկուրյան. գրագետ, ուսուցիչ, խմբագրապետ Պոլսո «Ոստան» պարբերաթերթի, հանրային գործիչ, նահատակված էնկուրի:

45. Ղազար Ղազարյան (Մարգպետ), դաշնկ: հին գործիչ, ուսուցիչ, իբր թուրք ծպտյալ Ամանոսի փապուղիներու Ի՛ Գիլիկողմը պաշտոն վարած գերմաններուն մոտ. հետո նիսիպին անցած և ապա ձիեն իյնալով մեռած նիսիպինի մեջ զինադարեն քիչ առաջ:
46. Հարություն Գոնյայան, դերձակ, նահատակված էնկուրի:
47. Միհրդատ Հայկաջն, հովանոցավաճառ, բազմաժամանակյա տարագիր, դաշնկ. գործիչ, ազգ, երեսփոխան, նահատակված էնկուրի:
48. Պետրոս Գալֆայան՝ նախագահ Մազրըզուղի թաղապետության, դաշնկ. գործիչ, նահատակված էնկուրի:
49. Պետրոս Գալֆայան, վերոհիշյալին տեղ աքսորված, վաճառական, նահատակված էնկուրի:
50. Կարապետ Թաշճյան, նահատակված էնկուրի:
51. Հարություն Ասատուրյան, նահատակված էնկուրի:
52. Կարապետ Սարաֆյան Ռեծիի պաշտոն., նահատակված էնկուրի:
53. Վրամշապուհ Սամուելով, ռուսահայ սեղանավոր, հանրային Լուսնդուն գործիչ, նահատակված էնկուրի:
54. Սարգիս Արմտանցի, նահատակված էնկուրի:
55. Խաչիկ Պերպերյան, ուսուցիչ, վերադարձած Պոլիս:
56. Վրթանես Մարտիկյան, վերադարձած Պոլիս:
57. Միհրան Աղաջանյան, սեղանավոր, Պոլիս վերադարձված և կախված:
58. Նշան կիտվածանկարիչ, Գումգաբուն, նահատակված էնկուրի:
59. Տիգրան Աճեմյան, վերադարձած Պոլիս:
60. Մարկոս Սեֆեր, փաստաբան, Մարկոս Նաթանյանի տեղ աքսորված և վերադարձած:
61. Սերոբե Նորատունկյան, Սանաս. վարժարանի ուսուցիչ, դաշնակցական գործիչ, և ազգ. երեսփոխան, նահատակված էնկուրի:
62. Բարթող Զորյան (Ժիրայր), հրատարակիչ, դաշնկ. գործիչ, նահատակված էնկուրի:

Այաշի կայարանին առջև 20-ե ամբի կառքեր պատրաստ կը սպասենին արդեն բազմաթիվ հեծյալ ոստիկաններու հետ:

1 Ս ա ն ս Թ. Ցավալի է, որ մնացյալ 13 արտորական մեծ տարաբախտ ընկերներու անունները հնար չեղով հոս արձանագրելու հակառակ ամեն պրպարտմաներու:

Զինվորական խստութեանց ներքև կառքերու թափորը շրջապատված հեծյալ զինվորներով, մեկ քանի բուռ վերջ արդեն ճամփա կ'իյնար դեպի Այաշ, որ հագիվ մեկ քանի ժամ միայն հետու էր Սենճան քեոյի այս կայարանին:

Ավելորդ է հիշել, թե երկուստեք ևս հուզումը մեծ էր, և մեր տպավորութիւնը ճնշիչ, զի բնագոյաբար գիտեինք, թե այս անգամի մեր բաժանումը վերջնական էր...

Արցունքոտ աչքերով կը դիտեինք հեռանալը մեր վշտի ընկերներուն, որոնց կառքերը տակալ կ'անհայտանային փոշիի ամպերու մեջ, շարաշուք վերահաս դեպքերու նախազգացումը տալով մեզի:

Այսօր, հինգ տարի վերջ, երբ անկախ և ազատագրված Հայաստանի վերակենդանացուցիչ արևը արդեն կը բարձրանա Արարատի ձյունապատ ալեփառ կատարեն, կյանք ու արև տալով մեր ապագա փառքի հույսով առեցուն ցավատանջ սրտերուն, այսօր սրբազան պարտականութիւն կը զգամ արցունքոտ աչքերով ձեզ ըսելու հրաժեշտի մեկ քանի հակիրճ խոսքեր, զորս այն ատեն մեր հապճեպ բաժանումին և մահաբույր խստութեանց մեջ չկրցա ըսել:

Երթա՛ք բարձրով պաշտելի ընկերներ, բազմատանջ հայրենիքի և ազատագրութեան գաղափարի անձնանվեր առաքյալներ, որ բյուրեղացած հայրենասիրութեամբ պայքարեցաք և՛ զըրշով, և՛ խոսքով, և՛ գործով: Որ ո՛չ իսկ մեկ օր, մեկ ժամ դեղե՞ցաք ձեր պաշտած ու պաշտպանված գաղափարներու փշոտ ճամփուն մեջ՝ գիտնալով հանդերձ, թե վաղ թե ուշ դեպի Գողգոթա կը բարձրանաք: Ապագա հայ նորահաս սերունդներ պիտի գան ի գուճ ձեր խնկանվեր հիշատակին ու հուշարձանին առջև, որ վաղվան ազատ հայութիւնը պիտի կանգնի ի պատիվ ձեր հավերժական հիշատակին, հայտնելու համար իր անմոռաց երախտագիտութիւնը հանդեպ ձեզ, որ հանուն թշվառ հայրենիքի ազատութեան և փրկութեան, շխնայեցիք ո՛չ ինչք, ո՛չ կյանք, ո՛չ արյուն...

Պատի՛վ և փա՛ռք ձեզ հայրենիքի ազատութեան վետերաններ. դուք ձեր կարմիր արյունով հայրենիքի գետերը ներկեցիք, և ձեր սրբազան նշխարներով սարերը ու ձորերը լեցուցիք, և ձեր լեռնակուտակ ոսկորներով թշնամիներուն առջև անխորտակելի պարիսպներ կանգնեցիք:

Իսկ ձեր շարշարալից նահատակութեամբ նոր դարագլուխ

բացիք, հայ ժողովրդին պարզեցնելով նոր կյանք, նոր արև և փառապանծ նոր ասպարեզներ:

Այսօր, երբ ազատագրված Հայաստանի նորակազմ քաջարի բանակը հաղթութենե հաղթություն կը սլանա, հայրենիքի սահմանները օրեօր ընդարձակելով և տասնապատկելով, թող ձեր հոգիները խայտան ու ցնծան հավիտենականության մեջ, ի տես ձեր արյունով գնված հայրենիքի շին ու ջող և ծաղկավետ անդաստաններուն և պտղալից դարաստաններուն:

Օրհնյալ թող ըլլա ձեր սուրբ հիշատակը, դարեր շարունակ և ձեր անունները ոսկեքանդակ ամս համայն պիտի օրհնվի հայ սերունդներեն բազմերախտ: Երթաք բարյալ...:

Հուսկ ուրեմն շարժեցավ և մեր երկաթուղու գնացքը դեպի էնկուրի: Ոչ ոք մեզմե սիրտ ունի խոսելու, ոչ ոք կը համարձակեր խանգարել մեր մեջ տիրող մեռելական լուսթյունը: Մեր մտքերը շէին ուզեր գործել ու խոկալ և շէին համարձակեր վերլուծել օրվան շարագուշակ մեծ դեպքերը: Իսկ մեր սրտերը արդեն գերեզմաններ էին, առանց դիակներու և առանց շիրմներու...:

Մեկ քանի ժամ վերջ, կեսօրի մոտ արդեն էնկուրիի առջև մեր գնացքը կանգ կ'առնէր միանգամ ընդմիջտ:

Կուսակալանիստ այս քաղաքին ոստիկանական տնօրենը, հանդերձ բազմաթիվ ոստիկաններով և ոստիկան զինվորներով և կառքերով առավոտե ի վեր կը սպասեր եղեր մեր ժամանման:

Հազիվ կառախումբը թողնելով էնկուրիի երկթ. կայարանը կ'իջնայինք, մեզ առանց մի քիչ հանգիստ տալու ոստիկանական տնօրենը մեկ-մեկ հաց տալով՝ մեզ հրաման կ'ընէր հինգական տեղ գրավել մեզ սպասող առանց ծածկույթի երկձի բեռան կառքերուն մեջ:

Բնականաբար տատամսելու ժամանակ շկար և ամենքս ալ մեր տեղերը բռնած էինք. միայն բացառություն ըլլալով, իբր շնորհ հինգ եկեղեցականներու հատկացված էին զնպանակավոր կառք մը:

Յուրաքանչյուր կառքի մեջ մեկ-մեկ ոստիկան զինվոր տեղավորվելի վերջ, 44 կառքերու մեր երկարածիք շարքը կամ մահապարտներու թափորը շարժեցավ դեպի Գասթեմունիի ուղղությամբ:

Ճամփորդության անհանդուրժելի տաժանքը դեռ նոր կը սկսեր, զի փոխանակ երկաթուղու Ա. և Բ. թավշապատ կառքերուն, այժմ շոր տախտակներու վրա նստած, խուլ վազքով ի զիլ կու գայինք փոշիի ամպեր բարձրացնելով մեր ետև քուլա՛, քուլա՛: Էնկուրի քաղաքը շուտով ձգելով մեր աջակողմը, մտանք սաքերու և ձորերու գալարապտույտ անհարթ ճամփաներու մեջ:

Քանի մեր ճամփան կը շարունակեինք և մարդաբնակություններ կը հեռանայինք, այնքան մեր հոգիները կը խռովեին և մեր մտքերը շարագուշակ մտածումներով ինքնալիկումի կ'ենթարկեինք: Զի ամեն ապառաժի և ամեն ծառի ետև պահվրտած ավազակներ տեսնել կը կարծեինք. և ամեն ծառե վար ձգված կախօրաններ կախաղանի շվան կը կարծեինք... Հայ ժողովրդի շինական երգերու վարպետն ու անզուգական վարդապետը՝ Հայր Կոմիտաս, որ մեր կառքին մեջ կը գտնվեր, արդեն մտքի տարօրինակ տրամադրություններ կը ցուցներ, և հաստարմատ ծառերը շարժուն և հարձակող ավազակներ կարծելով, միշտ իր գլուխը վերարկուի փեշերուս ներքև կը ջանար թաքցնել, որսորդի երկուղեն ավազի տակ գլուխը թաղող կաքավներու նման: Կը թախանձեր, որ պահպանիչ ըսեմ իր գլխուն վրա, հուսալով վերագտնել իր խռովահույզ հոգիին հանդարտությունը:

Անդին, ուրիշ ծանոթ ծերուկ փաստաբան մը իր կառապանին կը հանձնէր ոսկի ժամացույցը և դրամը, խնդրելով իր վերահաս մահն վերջ, Պոլիս երթալով կնոջը հանձնել՝ իբր վերջին հիշատակ:

Մեր կառքերը անդադրում և անգութ վազքով մը ի թավալ կու գային, կառապաններու մտրակներու անհատնում շառաչուններուն և ոստիկան զինվորներու հայհոյություններուն մեջ: Քանի՛ քանի՛ անգամներ տարաբախտ մեր ընկերներեն շատեր, շիրնալով տոկալ կառքի շոր տախտակներու խուլական վազքե առաջ եկած ցնցումներուն, կառքեն դուրս կ'իջնային, ենթարկվելով իրենցմե վերջ եկող կառքերեն կոխտովելու անմիջական վտանգին:

Արգելված էր կառքերը կեցնել ամենաստիպողական պետքերու պարագային իսկ, առանց հացի, առանց ջուրի ոսկորներ կոտտացնող վազքով մը կը առաջանայինք իբր թե մեզ հե-

տապնդող թշնամիներ ունենայինք, մինչդեռ անոնք մեր մեջ էին արդեն...

Մթնշաղին հետ կը հասնենք վերջապես Գալաճքը կոչված գալմագամանիստ գյուղաքաղաքը: Մեզ ընկերակցող ոստիկանապետներն, ոստիկաններն ու ոստիկան զինվորներն մեզ կ'առաջնորդեին թրքական սրճարան-իջևան մը (խան):

Հազիվ մտած ներս, մեր ընկերներեն ոմանք, ուժաթափ և զգալազուրկ հանկարծ գետին կ'իյնային, այլևս շկրնալով տուկալ գարշահոտ սրճարանի հեղձուցիչ օդին: Եվ հազիվ մեզ ընկերացող հույլ մը ճարտար բժիշկներու խնամքով կը սթափեին, զարմացկոտ ականարկներ պտտցնելով իրենց շուրջ. գոգցես իրենց ընտանեկան սիրելիները կը փնտրեին կամ իբր թե երազե մը կ'արթնային...

Ո՛չ ոք կը խորհեր հացի և շուրի վրա, ամեն ոք կ'աճապարեր իր կոտորած ոսկորտիքին հանգիստ տալ, իյնալով պատահաբար ուր որ բաց տեղ մը գտներ, փուլթ չէ, թե շոր տախտակ ըլլար ան:

Աղտի ու մլուկներու, փոշիի և ոչիլի ու անհանդուրժելի գարշահոտութեանց մեջ, որ ավելի սաստկացված էին մեր 150-ե ավելի բարձրութեամբ, բուն ավելի թմրած ու սահմուկած, սարսափի գեղեր մը անցնել վերջ, հաջորդ օրը արշալույսին հետ կը մեկնեինք Գալաճքըն դեպի Չանկըրը:

Նախորդ օրվան կրկին խուլ վազքով, փոշիի ամպերով և ցավատանջ ոսկորներով ավելի քան 10 ժամվան անդադրում ճամփորդութենե մը վերջ, հուսկ ուրեմն կը տեսնենք Չանկըրի աղոտ լույսերը խիստ հեռվեն: Վերջապես մոտալուտ հավանական հանգստի մը հույսով զորացած, և զսպված անհամբերութեամբ կը սպասենք վայրկյանե վայրկյան մեր ժամանման:

Մինչդեռ կարծես լույսերը եթե չէին հեռանար, գոնե չէին ալ մոտենար, շարաշար տանջելով մեզ մեր խոնջանքի հուսադրութեանը մեջ:

Սակայն փոխանակ քաղաք մեզ առաջնորդելու, հանկարծ ճամփան փոխելով դեպի աջ կ'երթայինք կանգնելու գիշերային խավարին մեջ թաղված հսկա շենքի մը մեծ դռներուն առջև:

Առաջինը՝ եկեղեցականներու հատկացած կառքը ըլլալով, նախահառաջ կ'իջնայի վար, երկուդալի կասկածոտ ականարի մը ձգելով շուրջ բուրս:

Սվինավոր պահակ զինվորներու առջենն անցնելով հանկարծ

կը մոտենար կանոնավոր բանակի զինվորական պահեստի հարյուրապետ մը, և նվազ դաժան ձայնով կ'ըսեր մեզի. «էֆեն-տիներ բա՛րի եկաք...»:

Երբ ամենքը իրենց կառքերեն արդեն վար իջած էին, հարյուրապետը մեզ առաջնորդեց կամարակապ մեծ դռնն ներս դեպի հսկա շենքին ներքին մասը, որ 4—5000 զինվոր առնելու չափ ահագին քարաշեն գորանոց մըն էր, շուրջանակի քառանկյուն շենքերով իրարու կապված, մեջտեղը ընդարձակ մարզարանով մը:

Չարաբաստիկ սև վարագույր մը ևս ինկած էր հոս, և կը սկսեր նոր ողբերգութիւն մը...

9.

ՉԱՆԿԸՐԻ ԶՈՐԱՆՈՅԻ ԿՅԱՆԸԸ

Մեր ձերբակալութեան շորրորդ օրը 1915 ապրիլ 14-ի գիշերը ուշ առնեն կը տեղավորվեինք Չանկըրիի աս վիթխարի գորանոցին ստորնահարկի մեծ սրահներեն մեկին մեջ:

Աս սրահը (ըստ թրքական բացատրութեան ԳՈՎՈՒՇԸ), աղտոտ, փոշոտ, բայց ոչ ոք մեզմե մաքրութեան հարցով զբաղելու սիրտ ուներ, ուստի ամենքս ալ ինկանք տախտակներու վրա իբր թե քնանալու:

Բայց քնանալ մի՞թե հնար էր շոր տախտակներու վրա, երբ ջարդուփշուր եղած պատուհաններե կը փշեր հյուսիսային սառնաշունչ քամին: Մարդոց շարաշարանքին պակասը նույն գիշեր եկավ լրացնել և բնութիւնը, զարնան այս ամիսին ձյուն տեղաց գիշերը սարսրափացնելով մեզ մինչև մեր ոսկորները, որոնք կառքի ցնցումներեն արդեն կը կոտտային: Մոտալուտ վտանգի ու մահվան մղձավանջը սակայն, կմախքի մը ուրվականով կը համառեր արձանանալ մեր շփոթ երևակայութեան առջև:

Մարդկային բեկորներ էինք, խլված մեր ընտանեկան ծոցն, մեր ընկերակառ դիրքերն, և նետված էինք հանկարծ Փոքր Ասիո խորը, անշուք անկյուն մը: Զրկված էինք կյանքի ամենաանհրաժեշտ տարրական պիտուլքներե, պառկած շոր տախտակներու վրա, գլուխ գլխի, ոտք ոտքի, սիրելիներու կա-

ըոտը մեր տանջվող սրտերու մեջ, վաղվան անորոշութեան սարսափը մեր հոգիներուն մեջ: Մինչ զորանոցին մեծ դուռն ու մեր արգելափակված սրահին փոքր դուռն առջև պահակ կը սպասեն հերթով սվինավոր զինվորներ շթույլատրելով, որ ամենաստիպողական պարագաներու մեջ իսկ գոնն զուրս գալ մեր սրահնն:

Հաջորդ օրը, սակայն, մեր մասնավոր դիմումներու վրա թույլ կը տրվեր շրջիլ զորանոցին բակին մեջ և շնչել գոնն մաքուր օդ:

Չամկրրիի Աքսորելոց անվամ ցանկը

1. Տ. Կոմիտաս, վարդ. Սողոմոնյան, ի Փարիզ հիմարանոցի մը մեջ արգելափակված:
2. Տ. Գրիգորիս, ծ. վարդ. Պալաքյան, վերապրող:
3. Տ. Հովհանն վարդ. Կարապետյան, վերապրող, այժմ կարգաթող:
4. Տ. Հուսիկ, քահ. Քաջունի, հիվանդութեամբ վախճանած Մեսրոպի մոտակա գյուղի մը մեջ:
5. Տ. Վարդան, քահ. Ֆերիքոյի, վերապրող:
6. Պատվելի Գրիգորյան, խմբագիր Պոլսո Ավետարների, վերապրող:
7. Դոկտ. Ռուբեն Զիլինկիրյան (Սեակ), գրագետ և հանրային գործիչ, նահատակ: Չանկրրիի և Գալաթիոյի ճամփուն վրա:
8. Գանիել Վարուժան, բանաստեղծ և դաշնակց. գործիչ, նահատակ: Սեակի հետ նույն ճամփուն վրա ի Թյունա:
9. Գասպար Զերազ, փաստաբան, մեծանուն եղբորը տեղ աքսորված, վերապրող:
10. Տիգրան Քելեկյան, Սապահ լրագրի խմբագրագետ և ուսուցիչ կուսակցութեան պետ, նահատակված Սերաստիո Ալիս գետի կամուրջին մոտ:
11. Դոկտ. Վ. Թորգոմյան, գրագետ և հանր. գործիչ, վերապրող:
12. Բյուզանդ Քելյան, այժմ դադրած Բյուզանդիոն լրագրի տեր և խմբագրագետ, վերապրող:
13. Դոկտ. Արմենակ Բարսեղյան, ուսուցիչ և դաշն. գործիչ, վերապրող:

14. Դոկտ. Գրիգոր Ընլալ՝ հին հնչակյան գործիչ, վերապրող:
15. Դոկտ. Միսաք Ծեփահերճյան՝ անդամ դատաստանական խորհրդի, վերապրող:
16. Դոկտ. Բարսեղ Տինանյան՝ հանրային գործիչ, վերապրող:
17. Դոկտ. Լեոն Պարտիզականյան՝ հանր. գործիչ, վերապրող:
18. Դոկտ. Արշակ Գազազյան՝ հանրային գործիչ, վերապրող:
19. Դոկտ. Միրզա Քեթենճյան՝ դաշնակ. գործիչ, վերապրող:
20. Դոկտ. Ստեփան Միսքճյան՝ նահատակված էնկուրիի մոտ:
21. Նշան Գալֆայան՝ ճարտարագետ-երկրագործ, ուսուցիչ-պաշտոնյա և հանրային գործիչ, վերապրող:
22. Երվանդ Զավուշյան՝ վերակազմյալ հնչակյան գործիչ, ուսուցիչ, հիվանդութեամբ վախճանած Քաջունի քահանայի հետ և նույն վրանին ներքև:
23. Միքայել Շամտանճյան՝ ուսուցիչ, գրագետ, խմբագիր Ոստանի և հանրային գործիչ, վերապրող:
24. Հայկ Խոճասարյան՝ բազմամյա ուսուցիչ և հանր. գործիչ, ու լիտր ազգ. երեսփ. ժողովո մեջ ի Պոլիս, վերապրող:
25. Սարգիս Գըլճյան (Սրենց)՝ գրագետ-ուսուցիչ, խմբագիր, դաշնակցական գործիչ, վերապրող:
26. Երվանդ Թուլայան՝ խմբագիր «Գալրոշ» երգիծաթերթի, վերապրող:
27. Արամ Անտոնյան՝ խմբագիր, գրագետ, վերապրող:
28. Հ. Թոփճյան՝ ուսուցիչ, հանրային գործիչ և խմբագիր, վերապրող:
29. Մովսես Պետրոսյան՝ ուսուցիչ և դաշնակցական գործիչ, բուլղարահայ ըլլալով ազատած և մեկնած Սոֆիա:
30. Արիս Իսրայելյան՝ ուսուցիչ և դաշնակցական գործիչ, վախճանն անծանոթ:
31. Սամվել Թոմաճանյան՝ հնչակյան գործիչ. վախճանն անծանոթ:
32. Հյուսյան (Տոռյան մանկանվանյալ)՝ ուսուցիչ, խմբագիր, նահատակված էնկուրիի մոտ:
33. Պողոս Գանիելյան՝ փաստաբան, դաշնակցական գործիչ, նահատակված Տեր Զորի կողմերը:
34. Վահրամ Աստուրյան՝ դեղագործ և հանրային գործիչ, վերապրող:
35. Ավետիս Զարիֆյան՝ դեղագործ և հանրային գործիչ, վերապրող:

36. Պետրոս Մանգլյան՝ դեղագործ և հանր. գործիչ, վերապարող:
37. Աղարիկ դեղագործ, նահատակված Տեր Զորի կողմերը:
38. Ասատուր Արսենյան՝ դեղագործ, նահատակված Տեր Զորի կողմերը:
39. Հակոբ Նարկիլեճյան՝ դեղագործ և հանրային գործիչ, վերապարող:
40. Գրիգոր Միսքեճյան՝ դեղագործ, նահատակված իր բժիշկ եղբոր հետ էնկուրիի մոտ:
41. Հակոբ Թերզյան՝ դեղագործ և հաճընցի հնչակյան գործիչ, նահատակված էնկուրիի մոտ:
42. Կյուլուսթանյան՝ ատամնաբույժ, վերապարող:
43. Վահան Ալթունյան, ատամնաբույժ, վերապարող:
44. Սիմոն Մելքոնյան՝ Օրթագեղեն, ճարտարապետ, վերապարող:
45. Մանուկ Պասմաճյան՝ ճարտարապետ, մտավորական և հանրային գործիչ, վերապարող:
46. Հակոբ Գորյան՝ յոթանասունամյա ակնցի հայրենասեր վաճառական, երբեմն ուսուցիչ, Պոլիս դարձած և բնական մահվամբ վախճանած:
47. Գառնիկ Ինճիճյան՝ վաճառական և հանրային գործիչ, վերապարող:
48. Թերլեմեզյան, սեղանավոր, վանեցի, վերապարող:
49. Աստվածատուր Մանասյան՝ վաճառական, վերապարող:
50. Արտաշես Փարիսյան՝ վաճառական, վերապարող:
51. Մկրտիչ Պարսամյան՝ զինավաճառ, հանր. գործիչ, վերապարող:
52. Հակոբ Պելլերյան՝ վաճառական, հանր գործիչ, վերապարող:
53. Նոյիկ Տ. Ստեփանյան՝ երզնկացի վաճառական, վերապարող:
54. Դանիելյան՝ պանտրմացի դերձակ ի Պոլիս և ծանոթ հընչակյան գործիչ, վերապարող:
55. Գրիգոր Օհնիկյան՝ հայր երեք որդվոց, յոթանասունհինգամյա վախճանած հիվանդությամբ ի Չանկըրը:
56. Արամ Օհնիկյան՝ տարրագետ, վերապարող:
57. Հովհաննես Օհնիկյան՝ հիվանդությամբ վախճանած Հաճազրի, մերձ ի Պելլեմետիկ:
58. Մկրտիչ Օհնիկյան՝ նահատակված ի Տեր Զոր:
59. Գևորգ Քեռիկյան՝ նահատակված էնկուրիի մոտ:

60. Խոնճեկուլյան, ակնցի վաճառական, մեռած Մեսքենեի կողմերը:
61. Օննիկ Մաղազաճյան՝ նահատակված Վարուժանի և Սևակի հետ ի Թյունա, վեց ժամ հեռու Չանկըրիեն:
62. Կարապետ Տեովլեթյան՝ փողերանոցի պաշտոնյա և հանրային գործիչ, վերապարող:
63. Արամ Գալենտերյան, օսմ. դրամատան պաշտոնյա և եռանդուն հանրային գործիչ, վերապարող:
64. Վաղինակ Պարտիզպանյան՝ Շիրքեթի Խայրիյեի պաշտոնյա և հանր. գործիչ, վերապարող:
65. Բարունակ Սարուխան՝ քաղաքապետության պաշտոնյա, վախճանն անծանոթ:
66. Մոմճյան՝ ռուս հյուպատոսարանի թարգման, նահատակված էնկուրիի մոտ:
67. Միհրան Գալբեճյան՝ վաճառական, նահտկ. էնկուրիի
68. Լևոն » » » » } Երեք
69. Գևորգ » » » » } եղբարք

Դժբախտաբար Չանկըրիի մեր աքսորական տարաբախտ ընկերներուն հազիվ կեսին անունը կարելի եղավ ձեռք բերել մեծ դժվարությամբ, մինչդեռ ասոնցմե զուրս կային նաև հայրենասեր ծաղկահասակ ազնիվ երիտասարդներ, և ժողովրդի խոնարհ դասակարգեն անձնանվեր անձեռ, որոնք այնքան պիտի փափագեինք, որ հիշեինք այստեղ:

Զի ասոնք ամենքն ալ մի առ մի արձանագրվելու արժանի էին այս մատյանիս մեջ, մասնավորաբար անոր համար, որ թեպետ շատ խոնարհ դասակարգի զավակներ էին, բայց շատ ավելի հայրենասեր էին և միշտ կը կրկնեին, թե եթե ազատիչ լիա մեզի և պիտի մեռնինք մեր ազգին փրկության համար, թող մեր արյունը արժանի ըլլա մեր հայրենիքին... միայն ափսոս որ վերջին անգամ մը ևս ծառայություն մը չըրած պիտի մեռնինք...»: Բայց կը մխիթարվեին ըսելով՝ «գոնե այս անգամ մեր թափած արյունը վերջինն է...»:

Ասոնք ալ կ'երթան ավելնալու այն անանուն բյուրավոր նահատակներու ցանկին վրա, որոնց արյան անգին արժեքովն զնվեցավ հայրենիքի ազատությունը և որոնց հավիտենական հիշատակին առջև ծունկի պետք է գան ապագա հայ բոլոր ազատ սերունդները՝ սքրություն մը օծուն պատկառանքով մը:

Հնար չէ երբեք մտնել ան ահապոր գիշերները, որո հար-
յուրավոր մտավորականներ, կրոնականներ, բժիշկներ, խմբա-
գիրներ, ուսուցիչներ, մեծահարուստ վաճառականներ, սե-
ղանավորներ զորանոցի շոր տախտակներուն վրա՝ գիշերները
իրարու մոտ կողք կողքի ինկած՝ կը մրափեին, զի քնանալ ան-
կարելի էր այդ պայմաններու ներքև:

Բայց սև օրեր եկան հետո, երբ այս անցած օրերն իսկ եր-
ջանկութեան օրեր համարեցինք:

Ապաքեն, աս հանգամանքներու մեջ մեր կյանքը իրապես
անհանդուրժելի էր, ուստի ամեն ոք ջանք և ճիգ կ'ընէր տա-
նելի կյանք մը ստեղծելու, շնորհիվ դրամի ուժին գոնե քիչ մը
ուտելիք ձեռք բերելու համար:

Իսկ մեծամասնութիւնը, որ զուրկ էր նյութական առձեռն
միջոցներէ, ինձ կը դիմեին իբր հոգևոր հոր: Սակայն ավա՛ղ
բախտակից ըլլալով իրենց, դժբախտաբար անկարող էի ծառա-
յութիւն մ'ընելու: Բայց իբր Գասթեմունիի և Զանկըրիի նախ-
կին առաջնորդ, օգտակար չիմ ծանոթութիւններէս, կարելի
եղավ անկողիներ, վերմակներ և կարպետներ բերել տալով
տեղւոյն ազգակիցներեն, գոնե ազատիլ շոր տախտակներէն:

Սակայն հետզհետե մեր պաղարշունութիւնը գտնելով կըր-
ցանք ներքին հանգանակութեամբ մեր կարտոյալ ընկերներուն
ևս օգնել և ձեռքի տակ միջոցներ գտնել, Պոլիս մեր պարագա-
ներուն հետ հաղորդակցելով նյութական օգնութիւն ձեռք բե-
րելու: Քանի մեր նյութական միջոցներն առատացան, նույն հա-
մեմատութեամբ մեզ վերահսկող գինվորական և ոստիկանական
պաշտոնեկից խստութիւններն ալ տակավ մեղմացան, շնորհիվ
մեր առատ պարգևներուն:

Ընդհանուր հայտնված փափագին վրա, տեղւոյն Հայոց
մատուռն ատյանի ժամագիրք մը բերել տալով, արտոնու-
թեամբ զորանոցի հսկիչ հարյուրապետին, սկսանք մեր զո-
բանոց մտնելուն շորորդ օրը երեկոյին «Յկեսցեի» ժամերգու-
թեան: Իբր եկեղեցական՝ քսանամյա կյանքիս կամ պաշտո-
նավարութեանս միջոցին, երեք անգամ միայն կրած եմ տա-
ռապանքի այն ահապոր սարսուռը, որոնք ազդած են հոգույս
մինչև խոր ալքերն, և որ երբեք հնար չէ մոռացութեան տալ իր
այնքան պակուցիչ և սփոփարար ազդեցութեանը համար:

Ա. Երբ Իզմիրլյան հոգելույս կաթողիկոսի հետ, հանուն
Քրքու-հայ եկեղեցականութեան, իբր շքախմբի անդամ ուղեկցե-

լով դեպի Պետերբուրգ, Մոսկվա, Քիֆլիս և ս. Էջմիածին կա-
տարած պատմական ուղևորութեան, ի միջի այլոց հանդիպեցանք
և Անի:

Հարյուրավոր տարիներու ընթացքին առաջին անգամ կը,
որ Ամենայն Հայոց Հայրապետ մը Բագրատունի թագավորներու
այս հոյակապ մայրաքաղաքը Անի ուխտի կու գար, երկրպա-
գութիւն այս սրբութեամբ և հիշատակով օծուն ավերակներուն:
Աս պարագան պատճառ եղած էր, որ Ալեքսանդրապոլի և շըր-
ջակայի հայերը մեծ քարավաններով ուխտի գան Անի ի տե-
սութիւն իրենց նորընտիր Հայրապետին հոծ բազմութեամբ:

Երբ վեհափառ հոգելույս հովվապետը, շրջապատված 20
ավելի արքեպիսկոպոսներէ, եպիսկոպոսներէ, վարդապետնե-
րէ, քահանաներէ խումբերամ ուխտավոր ժողովուրդն «Հրա-
շափառ Աստված, հոգեզմայլ շարականով առաջնորդվեցավ
Անիի մայր եկեղեցին, որուն բազմադարյան սյունազարդ կա-
մարներն կը թնդային երգողներու գոռ շեշտերն, արդարե
տպավորութիւնը սարսուղեցեցիկ էր: Զի հազարամյա ավե-
րակ կիսափուլ, բայց հոյակապ կաթողիկե եկեղեցւոյ դարավոր
մեռելական լուսութիւնը կը վրդովեինք մեր հոգեշունչ ալելու-
ներովը, քաղցրանվագ մեղեդիներովը, ապաշխարութեան շա-
րականներովը և խունկի ու ծուխի բուրումներովը:

Մեր սրտաբուխ աղոթքներովը ոգեկոշումը կ'ընեինք մեր
երանաշնորհ հայրապետաց և թագավորաց, որոնք այս սուրբ
տաճարին մեջ կատարած էին 850—1000 թվին մեծահանդես
արքայական և հայրապետական օծումներ, մասնակցութեամբ
հայ նախարարաց, իշխանաց, զորավարաց, զորաց և ազատ ու
անկախ մերազնյա ժողովրդյան:

Աս ամենն տեսնել ու չհուզվիլ անհնար էր արդարե, անկրոն-
ներն, անհավատներն իսկ պիտի հուզվեին այսքան սրբութեամբ
օծուն կրոնաշունչ հանդիսադրութենէ մը:

Բ. Երբ դարձյալ 1909 հուլիսի վերջը հոգելույս Իզմիրլյան
Հայրապետի հետ այցելեցինք Քիֆլիս, Կուր գետի ափին Մետե-
խի պատմական բանտը, ուր կը հանգչի հավիտենական քունով
Մահակ Պարթև մեծագործ Հայրապետի թոռնուհին և անմահ
Վարդան Մամիկոնյան ժողովրդական զորավարի դուստրը Շու-
ջանիկ, չքնաղ հարսը Վրաց արքային:

Կուր գետի ափին, ապառաժներու գահավանդին ցցված պատ-
մական աս բերդը երբ մտավ ս. Հայրապետը արքեպիսկոպոս,

եպիսկոպոսներու և վարդապետներու շքախմբով՝ բացառիկ արտոնութեամբ՝ մինչև բերդի երկաթե ավազ դուռը ընդառաջ եկան կովկասահայոց հռչակավոր ժամանակակից բոլոր մտավորականներն¹, գրագետ, բանաստեղծ, մանկավարժ, ուսուցիչ, խմբագիր, որոնք երկար ամիսներ ի վեր ցարական կառավարության հրամանով հոս բերդարգելալ էին: Ասոնք ամենքն ալ, հավատացյալին քով՝ թերահավատ, կրոնասերին մոտ ազատ խորհողն, վառյալ մոմերով և զույգ առ զույգ թափորով եկան դիմավորել Ամենայն Հայոց ս. Հայրապետն, երգելով «Ուրախ լեր ս. Եկեղեցի» հոգեշունչ շարականն:

Եվ ահա ծայր տվավ հեկեկանքն, վա՛յն ու ս՛ղբն. կու լայինք ամենքս ալ, և՛ հայրապետ, և՛ հետևորդ, և՛ բանտարկյալներ: Հայ ժողովրդի ազատագրութեան աս վետերաններն, ամենքն ալ ամիսներ ի վեր հոս դարավոր բանտին մութ նկուղներուն մեջ խցարգելալ էին: Որովհետև հայ ժողովուրդին ազատութուն քարոզած էին և՛ գրչով, և՛ խոսքով, և՛ գործքով: Մինչև մեր ոսկորներն սարսուռ կը զգայինք՝ տեսնելով Հայուն սև ճակատագիրը, որ կը հալածեր և՛ Հայրապետն, և՛ մտավորականն և ժողովուրդն...

Թեպետ հոգեւույս ս. կաթողիկոսն կը մխիթարեր ամենքն, բայց առանց դատի ու դատաստանի երկար ամիսներ ի վեր խավարչտին աս նկուղներուն մեջ, անորոշ վախճանով մը բանտարկված այս մեր տարաբախտ մտավորականները դժվար էր մխիթարել: Որոնք սգավոր սիրելիներուն կարոտը իրենց սրտին մեջ, վաղվան սպառնացող Միպերիտ սառնամանյաց ճամփաներն իրենց երևակայութեան մեջ, պահ մը նկուն ու շվարած օրեօր կը սպասեին անձկութեամբ ամենազոր ցարին շրթներեն ելլելիք հրամանին, որ կրնար կյանք ըլլալ, բայց և կրնար մահ ըլլալ...

Գ. Իսկ հոս Չանկըրիի մեծազանգված զորանոցին ամրակուռ պարիսպներուն ետև, շարդուփշուր եղած պատուհաններեն փշող հյուսիսի սառնաշունչ գարնանային փոթորկին դեմ, մենք 150-ե ավելի Պոլսեն արտորական մտավորականներ և ընկերներ ի մի եկած, առանց խտրութեան կուսակցութիւններու և դասակարգի, հավատացյալի՝ թե կրոնքի անտարբերի և կամ

թերահավատի, մթնշաղին մոմի տմուլն լույսի մը մեջ, ժամերգութեան կը կատարեինք: Երբ Կոմիտաս վարդապետ սկսավ իր մեկամաղձոտ և սրտառուչ «ՏԵՐ ՈՂՈՐՄՅԱՆ», ծայր առավ հեկեկանք մը ամեն կողմն, որը հնար չէր զսպել: Կու լայինք ամենքս ալ տղու պես. կու լայինք մեր ձգած սիրելիներուն վրա, կու լայինք չ'նր սև ճակատագրին վրա, կու լայինք մեր ազգի անբախտութեան վրա, կու լայինք անցուցած մեր արյունի օրերուն վրա, առանց ենթադրելու, թե արյան աշխարհավեր աննախընթաց նոր փոթորիկներու արդեն նախօրյակին կը գտվեինք: Երբ ազգ ու հայրենիք ի մի հարված պիտի փորձեին բնաջնջել մեր ցեղային դարավոր թուրք թշնամիները: Մեր մեջն ամենաքարացյալ սառնասիրտներն իսկ կը մասնակցեին աս ողբ ու կոծին, որ երբեք բռնազբոսիկ չէր, ընդհակառակը՝ հակառակ զսպումի ամեն ճիգերու, կու գար մեր տանջված հոգիներու խորքերն և հուզումն պոսթկացող ներքին հորձանքներն:

Թերևս տարաբախտ Կոմիտաս վարդապետ իր ամբողջ կյանքին մեջ այսքան հուզիչ երգած չէր երբեք «Տեր ողորմյան»:

Որովհետև, մինչդեռ ամեն անգամ «Ի պաշտոնն» երգած էր «Տեր ողորմյան», ուրիշներու ցավերուն, վշտերուն, սուգին առ ի մխիթարութեան, այս անգամ սակայն, «Տեր ողորմյան» կ'երգեր իր իսկ վշտին, հուզերուն ու հուզումներուն համար, հայցելով սփոփանք մխիթարութեան հավիտենական Աստուծանէն, որ սակայն լուռ կը մնար...

Այսպիսի ընկճված հանգամանքներու ներքև կ'անցնեինք զորանոցին մեջ մեր օրերը, միօրինակ և վաղվան մտահոգութեամբ լեցուն, միշտ մեր աչքերը հառած դեպի զորանոցի ավագ դուռը, ուրկե կը հուսայինք մեր փրկութեան ավետավոր լուրը:

Մասնավոր և բացառիկ թույլութեամբ մեր ընկերները հերթով կ'երթային քաղաք ոստիկաններու հսկողութեամբ գնումներ ընելու, և վերադարձին մեզ կը բերեին զանազան լուրեր և տեղեկութիւններ, որոնք հակառակ իրենց հնութեան, իբր նոր լուրեր հաճույքով կը լսեինք արտաքին աշխարհն մեկուսացված արտորականներս:

Վերջապես երկու շաբաթ վերջ ապրիլի վերջնաթիւ օրերուն կը ստանայինք ազատութեան դուրս գալու զորանոցն: Ամեն ոք կ'աճապարեր բնակարան մը ճարելու ընկերովին կամ հայրենակիցներու մտերմական շրջանակով մը, անցնելու համար

¹ Ասոնցմէ ոմանք մեր արտորական քարավանին մեջ ըլլալով նահատակվեցան Էնկուրիի մօտերը:

սպասողական այս սիրտմաշուք օրերը, մինչև որ մեր ճակատագիրը որոշվեր ի բարին կամ ի շարն: Քեզ հետ մեր մեջ կային ոչ նվազ լավատեսներ, որոնք կը կարծեին շնորհիվ իթթի-հատի օղափոխություն մըրած ըլլալ գառնան առթիվ...

10.

ԱՔՍՈՐՅԱԼՆԵՐՈՒ ԿՅԱՆՔԸ ՔԱՂԱՔԻՆ ՄԵՋ

Հազիվ քաղաքին մեջ բնակություն հաստատած, շուտով մեզմե շատեր մոռցան իրենց քաղաքականի հանգամանքը, և Պոլսո աղտոտ բարքերն սկսան երևան բերել գավառական այս խաղաղ և մաքուր փոքր քաղաքին մեջ ևս: Ոմանք փոքր խումբերով այգիներու և պարտեզներու մեջ կ'երթային կերուխումի, ուրիշներ իբր թե մտավորականներ, օրն ի բուն նստած խաղի սեղաններու շուրջ «Փոքեր» և «Յրափ» կը խաղային և կը հավատային, թե օղափոխության եկած են, այնքան անտեղյակ էին ահավոր կացութեան: Առօրյա զվարճություններն այն աստիճան ուղադրավ հանգամանք ստացան տակալ, որ թուրքերն սկսան մեր տարեց ընկերներուն զգուշութեամբ դիտել տալ, թե «Չեք գիտեր, որ ժամանակը փափուկ է, ինչո՞ւ ձերիները իրենք զիրենք կերուխումի տված են. հիմա ասոնց ժամանակը չէ...»: Իսկ գավառական այս փոքրիկ քաղաքի հայութունը գայթակղած էր, մոտեն ուսումնասիրելու առիթ ունեցած ըլլալով իր Պոլսո ազգային զուխներուն կամ պետերուն «տկար» կողմերը...

Պատրիարքարանն սկսավ այս միջոցին երբեմն փոքրիկ գումարներ գալ, որոնց համագումար արժեքն շանցավ 150 ոսկին: Աս դրամին պատճառով ալ ներքին փոքր վեճեր ծագում առին, մանավանդ այն միջոցին, երբ մեկուկես ամսվան շափ անկողին ինկա և շնորհիվ քաղաքական ճարտար բժիշկ ընկերներու հազիվ կրցա ոտքի ելլել:

Ասկե վերջ հեռացա քաղաքն մոտակա այգի մը, և սկսա գրադիլ գրական աշխատութեամբ, իբր միակ միջոց մոռնալու քաղաքականի մտահոգիչ վիճակը:

Ամեն ոք ջանք ու ճիգ կը թափեր և հեռագրով կը դիմեր ներքին գործոց ամենագոր նախարար և հայասեր Թալեաթին, և արդարություն կը խնդրեր... Կային և քաղաքականներ, որ

իրենց ամեն ազդեցիկ բարեկամներուն կը դիմեին և միջնորդություն կը խնդրեին: Իսկ շատեր ալ իրենց մոտավոր թե հեռավոր ազգականներուն կը դիմեին գաղտնի միջոցներով և կը հանձնարարեին, որ փոքր թե մեծ դրամական կաշառքով գնեն իրենց ազատությունն՝ իմա կյանքը:

Ջորանոցի մեկնելին շուրջ շաբաթ մը վերջ, շնորհիվ ամերիկյան դեսպան Մորկլենթաուի և ուրիշներու զորավոր միջնորդությանց հինգ քաղաքական բախտավոր ընկերներ՝ հաջողեցան դառնալ Չանկլըրին Պոլիս:

Երջանիկներու այս առաջին խումբն երթալին վերջ՝ բնականաբար աճեցավ մեր մեջ հույսը մոտալուտ փրկության, և կրկնապատկվեցան ջանքերն գաղտնի սակարկությանց...

Սակայն անցան ամիսներ, և կրկին ազատագրվող ընկերներու վերադարձն ողջունելու բախտը չունեցանք:

Բայց հավետ ողբալի ան սե օրն շենք կրնար մոռնալ բոլոր վերապրողներս, երբ 1915-ի Վարդավառին ճիշտ կիրակի օրը ընդհանուր փափագի մը գոհացում տալով պատրաստված էի պատարագ մատուցանել Չանկլըրի հայոց փոքրիկ եկեղեցիին մեջ: Հազիվ արշալույսը ծագած, մեկ քանի երիտասարդներ գուժկան բերին այգիս, թե ամբողջ գիշերը ոստիկանական հրակողության ներքե եղած էին, իրենց բնակած տուններուն շուրջ ոստիկանական պահակներ շրջած էին:

Բայց արդեն զորանոցն դուրս գալի վերջ քաղաքականներս յուրաքանչյուրը պարտական էր 24 ժամ անգամ մը երթալ պահականոց և անձնապես ոստիկաններուն աչքին երևնալով՝ քաղաքականներու հատուկ տոմարը ստորագրել: Ուստի այս վերջին գիշերվան հսկողությունը հույժ արտակարգ հանգամանքներու ներքե եղած էր անշուշտ:

Այս միջոցին երրորդ բոթաբեր Կրիտասարդ մը կը հասներ մեր մոտ հեիհե ըսելով. «Հայր սուրբ, ոստիկանապետը հրաման էրավ, որ բոլոր Պոլսեն եկած քաղաքականներս հավաքվինք կառավարական շենքին առջև, պաշտոնական ըսելիք ունին եղեր...»

Բնականաբար այլևս ավելորդ էր մտածել պատարագի վրա, ուստի աճապարեցինք այգիի բնակակից հինգ ընկերներով դեպի կառավարական շենքը:

1 Դոկտ. Վ. Թորգոմյան. Պատվելի Գրիգորյան, Բյուզանդ Քելլան, Երվանդ Թալաթյան, զեղազործ Հակոբ Նարկիլեճյան:

Երբ 135—140 աքսորականներս հավաքվեցանք և մահապարտներու պես ընկճված և խռովահույզ կը սպասեինք ըլլալիք պաշտոնական հայտարարութեան, ահա ոստիկանապետը ընկերակցութեամբ ոստիկան զինվորներու հրամանատարին և հետևորդ ոստիկաններու առաջացավ մինչև արտաքին դռան սանդուղներու վերի աստիճանը և դաժան ձայնով սկսավ կարգալ նոր սև ցանկ մը, հրամայելով, թե որոնց անունները որ կարգացված է, անցնին հանդիպակաց կողմը, այժմերը ոչխարներին կը զատեին...

Յ՛վ ահա տառապանքի մեր դժբախտ ընկերներին 56 անձեր անցան դեմի կողմը... Ամենուս տպավորութիւնը ահավոր էր. թեպետ ստույգ ոչինչ գիտեինք և չէինք հասկնար այս բաժանումին շարժառիթը, սակայն մինչև մեր ոսկորները կը զգայինք մահվան սարսուռ մը բնազդաբար:

Ոստիկանապետը կը հրամայէր անմիջապէս պատրաստ եղող կառքերը նստիլ մեկնելու համար... Այ մտածելու ժամանակ չկար. ամեն մեկ կողմին կ'աղաչեին ինձի, որ միօնորդեմ և մեկ քանի ժամ ժամանակ խնդրեմ, որպէսզի կարենան իրենց խուցերը երթալով պատրաստութիւն տեսնել և իրենց ճերմակեղենները գոնե առնել...

Երկար մտածելու ժամանակ չկար, պետք էր դիմել ոստիկանապետին անմիջապէս, անշուշտ ոչ իբր առաջնորդ երբեմն ունեցած պաշտոնական համարակութեամբ: Ուստի ուզեցի փորձել, և խնդրեցի մեկ քանի ժամվան միջոց պատրաստվելու համար:

Հակառակ մեր կանխակալ հոռետեսութեան, ստացանք մեկ ժամվան միայն միջոց պատրաստութեան համար:

Աննկարագրելի էր մեր մեջ տիրող խռճապը, շվարած էինք ամենքս ալ. չէինք գիտեր, թե ո՛ր մեկ քանի նախապատվութիւն տանք: Կարելի եղավ շնորհիվ անձնվեր կուսակցական մեկ քանի ուսուցիչներու՝ 60 ոսկի հանգանակել անմիջապէս, իբր մեր թշվառ ընկերներուն ճանապարհածախս. ինչ որ մեր 50 մեկնող ընկերներուն մեկ-մեկ ոսկի ըսել էր. բարեբախտաբար կային անձեր մեկնողներուն մեջ, որ օգնութեան կարոտ չէին:

Կառքերը՝ թվով տասնմեկ, պատրաստ էին. համբուրվեցանք վերջին անգամ ըլլալով մեր տարաբախտ ընկերներուն հետ, և ահա կառքերու քարավանը ճամփա ինկավ, ուղեկցութեամբ

տասն ավելի հեծյալ ոստիկան զինվորներու, իրենց նուե ձգելով փոշիի թանձր ամպեր և հետզհետե կորսվելով մեր անձկայրյաց աչքերին:

Մեր մեկնող ընկերներուն մեջ եղան կտրիճ երիտասարդներ, որոնք զգալով իրենց վերահաս շարաբախտ վախճանը, կը խնդրեին ողջ մնացողներես, որ իրենց արջան վրեժը շմոռնանք հաղորդել իրենց սիրելիներուն և ապագա սերունդներուն...

Այ ոչ ոքիս վրա կարողութիւն մնացեր էր ոտքի վրա մնալու. այնքան պարտասած կը զգայինք, իբր թե օրեր երկար տևող ճամփորդութենէ մը դարձած ըլլայինք ու անմիջական հանգստի պէտք ունենայինք:

Ամենքս ալ հուզված էինք, մասնավորաբար անոր համար, որ ոստիկաններին ոմանք մեր ականջներուն փսփսած էին թե Տեր Զոր կ'երթան...

Մինչդեռ մեկնողներուն ըսված էր, թե էնկուրի կը զրկվին պատերազմին մինչև վախճանը հոն մնալու համար...

Արդեն հունիսի սկիզբը՝ մեր աքսորական ընկերներին ոմանք, որ հաղորդակցութեան մեջ էին գավառի իրենց ազգականներուն հետ, կը ստանային հեռագիրներ, թե իրենք մեկնած են հանդերձ ընտանյոք Երզնկայէն դեպի Ակն. իրենց բոլոր շարժուն ու անշարժ հարստութիւնը թողնելով իրենց թուրք բարեկամներուն: Մեկ քանի օր վերջ Ակնէն հեռագիր կը ստանային, թե Ակնէն դեպի Խարբերդ կը մեկնին մեծ քարավանով և ետ այնու ոչ մեկ լուր կու գար այլևս...

Այնուամենայնիվ մեզմե ոչ ոք դեռ համատարած հայ սպանդի մը մասին կը մտածեր: Շատեր առանց հուսահատելու՝ հեռագրով շարունակ դիմում կ'ընեին հայոց սիրելի և բարեկամներին գործոց նախարար Քալիաթին և ոստիկանական տնօրեն Զան-փոլաղին և դատ ու դատաստան ու արդարութիւն կը խնդրեին կամ կը պահանջեին հանուն օսմ. Սահմանադրութեան...

Հաճախ աքսորականներու իբր հոգևոր պետ... արդարութիւն պահանջող հեռագրեր ստորագրել տալով ինձի կը հղեին Պոլիս կենտրոնական կառավարութեան: Բայց երբեք անձնապէս դիմում չկատարեցի ոչ ոքի, վասնզի միակ փրկութիւնս ուղադրութենէ վրիպելու մեջ կը գտնեի:

Բայց երբ Վարդավառի օրը մեր 56 ընկերները դեպի Զոք ճամփա դրինք, հազիվ մեզմե ոմանք սթափեցան և զգացին վե-

բահաս աղետ մը և կարելին ուղեցին ընել՝ ազատելու համար իրենց ինկած թակարդեն:

Բայց դարձյալ մեզմե ոչ ոք ի վիճակի էր կշռելու վտանգին մեծութունը և գահավեժ խորութունը: Ապաքեն, արժանի է պատմութեան կտակելի նաև մեր տարաբախտ աքսորական ընկերներեն նահատակ դաշնակցական Հայկ Թիրեաթյանի (Հրաչի) ազնիվ և դուրսագնական առած քայլը: Հրաչ տեսնելով, որ իրեն անվանակից վաթսունամյա ծերունի հայ նպարավաճառ մը Այաշ աքսորած են թյուրիմացութեամբ, դիմեց Պոլիս ոստիկանական տնօրենութեան, և բացատրելով եղած թյուրիմացութունը, պահանջեց, որ թշվառ անմեղ ծերունին ազատ արձակելով զինք Այաշ փոխադրեն Չանկըրիեն, ուր բերած էին ուղեկից ընկնով մեզի սխալմամբ:

Երբ աս դիմումը կ'ընեն Հրաչ, արդեն արյան փոթորիկը ծագած էր, և Հրաչ և մենք ամենքս շատ լավ գիտեինք, թե ինք իբր դաշնակցական գործիչ իր մահը կը փնտրէ: Բայց նա աներկյուղ արավ աս դուրսագնական քայլը, շուգելով, որ անմեղ մը զոհվի իր տեղ:

Աղետաբեր հրամանը եկավ և Հրաչ փոխադրվեցավ Այաշ, և նահատակվեցավ կարճ ժամանակ վերջ իր տարաբախտ ընկերներուն հետ էնկուրիի ահապոր սպանդին միջոցին:

Հայ մայրեր եթե այսպիսի անձնազոհ զավակներ կը ծնին, արդարև անհնար է բնաջնջել այսքան ազնիվ ու ազնվական ցեղ մը. թող օրհնյալ ըլլա և Հրաչի հիշատակը հավիտյան:

Մինչդեռ մեր աքսորական ընկերները սկզբի օրերուն չկարենալով թափանցել այն մեծ եղեռնական դավադրութեան, որուն մեջ կը գտնվեին, իրենք զիրենք տված էին մեծ մասամբ անտարբերութեան: Անդին Պոլսեն մեզ ընկերացող սելանիկցի ոստիկանապետը և ոստիկանները օրն ի բուն մտնելով մեր աքսորական ընկերներու շարքերուն մեջ, գետափի՝ աքսորականներու հատուկ ճաշարանը կը ճաշեին և «նարտ» կը խաղային, միանգամայն դադտնի ուսումնասիրութիւններ ընելով յուրաքանչյուր աքսորականի մասին և տեղեկագրելով «ԿԱՐԵՎՈՐԸ» ի Պոլիս...

Աս գաղտնի տեղեկագիրներուն վրա էր, որ Պոլս. մեջ ունեցանկերն կը պատրաստվեին և կը հղեն Չանկըրի, և մեր շարքերն սակավ կ'անոսրանային Տեր Զորի ճամփան բռնող մեր հեք ընկերներուն հետացմամբ:

Հետզհետե գտնվեցան մեր աքսորական ընկերներեն նաև բախտավորներ, որոնք շնորհիվ մեծագումար կաշառքի և կամ հուլիս զորավոր ազգեցութիւններու, հաշոգեցան դառնալ Պոլիս և ազատիլ արյան ահապոր բազմիքն:

11.

ԹՈՒՐԿԻՈ ՀԱՅՈՒԹՅԱՆ ԲՆԱԶՆՁՄԱՆ ԾՐԱԳԻՐԸ

Համաձայն իթթիհատ-Թերազըր, այսինքն Միութեան և Առաջադիմութեան, թուրք ազգայնական կոմիտեի 1915-ի ընդհանուր համաժողովի որոշման, հայ ժողովուրդը մահվան դատապարտված էր գաղտնի հետևյալ եղեռնական ծրագրով:

Ա. Նախ՝ զինվորական հարկեցուցիչ նորելով օրենքներու պատրվակով, բացարձակապես արգելյալ էր Փոքր Ասիո հայերու ճամփորդութեան ամեն իրավունք: Նույնիսկ ամենամտակա քաղաքներ և գյուղերն զրացի ո՛րևէ քաղաք և գյուղ երթալ անպայման արգելյալ էր: Թուրք իթթիհատական կառավարութեան հայոց պարտադրած ընդհանուր կարգախոսը սա էր՝ թե ՈՎ ՈՐ ՀԱՅ է, ԿԵՅԱՄ ՏԵՂԸ ՄՆԱ...

Բ. Յուրաքանչյուր հայաբնակ քաղաքներու ազգային գործոն ազդակներն, եկեղեցական թե աշխարհական, կուսակցական թե անկուսակցական, ազատական թե պահպանողական, կը բավէ, որ ժողովրդյան վրա ազգեցութիւն ունենան, ձերբակալել ու բանտարկելով շեղոքացնել արտաքին աշխարհին, որպեսզի չկարենան ժողովուրդը կառավարութեան դեմ ըմբոստացնել: Ինչպես և ըրին Պոլսո մեջ:

Գ. Ընդհանուր կերպով զինաթափ ընել հայ ժողովուրդը՝ մինչև խոհանոցի մեծ դանակները, և այսպեսով անհնար դարձնել ապստամբական ո՛րևէ հավանական շարժում:

Դ. Ամբողջ Փոքր Ասիո հայութիւնը տեղահան կամ աքսորի անվան տակ դեպի Տեր Զորի ճամփա հանել հանդերձ ընտանյոք, և անխնա կոտորել օրորոցի անմեղ մանուկն մինչև իննսունամյա ծերունին, և կամ անոթի ու ծարավ բնաջնջել Տեր Զորի անապատներուն մեջ, եթե հայկական խնդրո առարկա վեց նահանգներեն (Կարին, Վան, Բաղեշ, Խարբերդ, Սեբաստիա և Տիգրանակերտ) դուրս ուրիշ գավառներ են:

Բ. Թուլլատրել գեղեցիկ հայ հարսներու և կույսերու թուրք հարեմները տանիլը:

2. Մերժել իսլամության ո՛րևէ առաջարկ, նկատելով, որ 1895—1896-ի դեպքերը ցույց տվին, թե շի կրնար անկեղծ ըլլալ հայերու հավատափոխութիւնը...

է. Ազգային և անհատական շարժուն և անշարժ հայ ժողովրդի ամբողջ հարստութիւնը և տեղական դրամատուններու մեջ ավանդ գտնված դրամներն ու ոսկի և արծաթ զարդեղենները արքունիս գրավել, իբր թողլալ անտեր գույք, մասնավորապես կազմված «էնվալը մաթրուքե» կոչված հատուկ հանձնաժողովներու միջոցով:

Ը. Առանց սեռի և հասակի խտրութեան՝ ի սպանդ տարվող հայ ժողովրդի մասնավոր սև ցանկերը պիտի պատրաստեն զավառական ոստիկանական իշխանութիւնները և մեկ պատճենը ևս պիտի ղրկեն Պոլիս ներքին գործոց նախարարութեան, որպեսզի ներքին գործոց նախարարութիւնը, այսինքն Քալեբաթ և Իթթիհատի կոմիտեն օրն օրին գիտնար, թե ո՛րքան հայ սպանվեցաւ և որչափը դեռ մնաց...: Այս սև ցանկերուն մեկ օրինակը պիտի հաղորդվեր նաև պատերազմական նախարարութեան, որպեսզի սա ևս իր կարգին հակակշիռ ի գործ դնէր և օրն օրին գիտնար՝ թե պատերազմի ամեն ճակատներուն վրա սպանվող իսլամ զինվորներուն բաղդատմամբ ո՛րքան համեմատական է իսլամ և հայ ժողովրդի մահերու ընդհանուր թիվը:

Ժողովուրդ մը ամբողջ բնաշնչող աս հրեշային ծրագիրը գործադրել կարենալու համար՝ հետեւյալ եղեռնապարտ միջոցներն ընտրվեցան:

1. Փոքր Ասիո բոլոր քաղաքներու բանտերու մեջ գտնվող մահապարտներն, թիապարտները և բոլոր ոճրագործներն ներման արժանացնելով անոնցմե կազմված հրոսակային (չեթայական խումբերով անխնա կողոպտել ու շարդել հայերը, և ասով օսմ. բանակի թիկունքը իբր թե պաշտպանել...

2. Կենտրոնի հայաջինջ հրամանները շարժադրող բոլոր կուսակալները¹, կառավարիչները և տեղակալները անմիջապես պաշտոնանկ ընելով՝ ասոնց տեղ կամակատար հլու անձեր պաշտոնի կոչել...

3. Իթթիհատի ընդհ. ժողովի այս որոշումներու գործադրութեան անթերի հսկողութիւնը հանձնել Փոքր Ասիո բոլոր Իթթիհատի կոմիտեի զավառական մասնաճյուղերուն: Միանգամայն լիազորութիւն տալ ի հարկին ավելի խստութեամբ գործելու, եթե հանգամանքներն ստիպողական են և թուլլատու:

Աքսորի մէր ընկերներն մեկը (որ այժմ ողջ է) օր մը այցելելով Չանկերիի Իթթիհատի կոմիտեի պատասխանատու քարտուղարին Յոնուզի պաշտոնասենյակը, տեսակցած միջոցին, այս վերջինը վայրկյան մը դուրս կ'ելլէ: Մինչև դարձը՝ մեր արտորական ընկերը բնազդաբար կը մղվի կարգալ պաշտոնաթուղթ մը, որ սեղանին վրա ձգված էր, և որ հետեւյալ իմաստք ուներ բառացի կերպով:

«ՊԻԼԱ ԹԷՐԷՏՏԻՏՏ ՎԷ ՄԷՐԶԱՄԷԹ, ՊԻՐ ԱՅԻԼԳՏԱՆ ՏՕԳՍԱՆ ԵԱՇԸՆԱ ԳԱՏԱՐ ԻԹԼԱՅԸ, ՇԷՀԻՐ ՏԷՐՈՒՆԻՆՏԷ, ԷՀԱԼԻ ՀՈՒՋՈՒՐԸՆԱ ՕԼՄԱՄԱՍԸՆԱ ՏԸԳԳԱԹ»:

Թարգմանութիւնը. «ԱՌԱՆՅ ԽՆԱՅԵԼՈՒ ԵՎ ԱՌԱՆՅ ՈՂՈՐՄԵԼՈՒ, ՄԵԿ ԱՄՍԱԿԱՆԻՆ ՄԻՆՉԵՎ ԻՆՆՍՈՒՆ ՏԱՐԵԿԱՆԸ ՍՊԱՆԵԼ, ԲԱՅՅ ՈՒՇԱԴԻՐ ԸԼԼԱԼՈՎ, ՈՐ ԱՍ ՍՊԱՆԻԸ ՔԱՂԱՔՆԵՐՈՒ ՄԵՋ ԵՎ ԺՈՂՈՎՈՒՐԴԻՆ ՆԵՐԿԱՅՈՒԹՅԱՆ ՉԸԼԼԱ»:

Որպեսզի մարդկային պատմութեան մեջ աննախընթաց, Իթթիհատ կոմիտեի աս եղեռնական ահապոր ծրագիրը «օրինական» եղանակ մը ստանա, Իթթիհատական նախարարութիւնը օսմ. խորհրդարանին ներկայացուց Հայերը տեղահան ընելու և անոնց շարժուն ու անշարժ հարստութիւնը արքունիս գրավելու օրինագիծ մը, որ ավելորդ է ըսել, մեկ ընթերցմամբ վավերացվելով օրենքի ուժ ստացավ և Սուլթան Բեշատեն հրամայվեցաւ ի գործադրութիւնը:

Այս երկար և մանրամասնյալ հողավժներե կազմված հայաշինջ ծրագիրը լրագրաց մեջ պաշտոնապես հրատարակվելով, երբ Չանկերը մեր ձեռքը հասավ հունիսի սկիզբը, ըսինք ամենքս ալ, թե ԱՅՍ ՀԱՅ ԱԶԳԻ ՏԱՊԱՆԱԳԻՐՆ Է...

Բեհաշղդին Շաքիրի, Քալեբաթ և Դոկտ. Նազրմի հայաջինջ գաղտնի ծրագիրը հանկարծ երևան կ'ելլեր օսմանյան պառլամենտի մեջ օրինական ձև մը ստանալու ատեն: Համաձայնական Պետութիւններու դեմ հրատարակված սուրբ պատերազմը կամ «ճիհատը» գործադրվեցաւ միայն անգին ու անպաշտպան հայ ժողովուրդի դեմ՝ ամենավայրագ եղանակներով:

¹ Վալի, մութասարըֆ, գալմազամ:

Իսկ իթթիհատի երևակայած շորս հարյուր միջոն իսլամ-
ներն ոչ որ ապստամբեցավ, ընդհակառակը Արաբիո Քազավորը
Հուսեին հակառակ «Ֆեթվա» հանեց Անզլիո թելագրությամբը:
Քալեաթ: Բեհաէզդին Շաքիրի պատրաստած հայազինչ
ծրագիրը օսմ. պառլամենտն վավերացնել տալի վերջ: Շեխ-
ուլ-իսլամն ալ «Ֆեթվա» հանել տվավ հայերը իբր իսլամ կրո-
նին և հայրենիքին թշնամի հռչակել տալով: Ապա Սուլթանն
ևս հրամայեց գործադրություն հայերու բնաջնջման ծրագիրը:

Այս դժոխային ծրագրին գործադրությունը սկսած էր 1915
ապրիլի 11-ին տեղի ունեցած մեր մտավորականներու հա-
վաքական ձերբակալությամբ և արսորմամբ: Որ հետզհետե
ծավալեցավ Փոքր Ասիո բոլոր հայաբնակ քաղաքներն ու
աննշան գյուղերն, բավ էր, որ մեկ քանի տուն հայ դտնվեր,
որևէ տեղ:

Այս ամեն երևակայութենն հեռու վայրագ ծրագիրը դյուրավ
գործադրել կարենալու համար, ներքին գործոց նախարար
Քալեաթի կողմէն հետզհետե պաշտոնանկ եղավ Գասթեմունիի,
էնկուրիի, Յոզկատի, Երզնկայի և այլ տեղահանության կամ
շարդերու ընդդիմացող բոլոր կուսակալներն, կառավարիչներն և
տեղակալները: Իսկ ասոնց տեղ անմիջապես պաշտոնի կոչվե-
ցան երիտասարդ և կատաղի հայատյաց իթթիհատական պաշ-
տոնյաներ բոլոր գավառներու մեջ:

Բարձրեն հրահանգված անօրինակ գաղտնապահության մը
շնորհիվ, բոլորովին անտեղյակ էինք մեր շուրջի այս հայա-
զինչ ամեն եղեռնագործությանց:

Այն ատեն միայն փոքր-ինչ կրցանք թափանցել ազգ մը
բնաջնջող այս ահավոր ծրագրին, երբ Չանկըրիի մութասարըֆ
նշանակվեցավ Ասաֆ, որ 1909-ի Ադանայի հայկական մեծ
ջարդերու ատեն Օսմանիյի կառավարիչ ըլլալով, հայոց դեմ
ժանր խժժություններ ընելուն համար ամբաստանված և հա-
զիվ կախադանն կրցած էր ազատիլ:

Ասաֆ աշակերտած ըլլալով օսմ. համալսարանին մեջ
դասախոսող և Սապահ լրագրի խմբագրապետ Տիրան Քելեկ-
յանի, մեծ հարգանք ցույց կու տար իր ուսուցչին հանդեպ, և
Քելեկյան ասկե քաջալերյալ մերթ ընդ մերթ կ'երթար Ասաֆը
տեսնելու:

Հայ Ռամկավար կուսակցության պետը Քելեկյան, որ մը
հրավիրեց զիս ևս, որ միասին այցելենք Մութասարըֆ Ասա-

Ֆին, ~~տեսնենք~~ այս մեր ինկած թակարդին ուղատելու հն-
մար ի՞նչ փոքր կը սորվեցնեն՝ ըսելով:

Առարկեցի, թե որքան պաշտոնական մարդոց առջեւ շեքե-
վանք, այնքան խոհեմություն է, ուստի շուգեցի այցելել Ասա-
ֆին: Բայց Քելեկյան պնդեց, հավաստելով, թե Ասաֆ իրեն
աշակերտած ըլլալով, հույժ բարյացակամ է իրեն հանդեպ, և
երկու շաբաթին ավելի է, որ մտոր գնացած ըլլալով լավ է,
որ անգամ մը իրեն հետ խորհրդակցելու երթանք: Զիս քա-
ջալերելու համար հիշեց, թե Ասաֆ իր ձեռքը կը համբուրե, իբր
իւր երախտավոր աշակերտը: Գրեթե ակամա՝ ողբացյալ Քելեկ-
յանի հետ այցելության գնացինք Ասաֆին՝ իր պաշտոնատունը:
Ստուգիվ մեծ հարգանք ընդունեց մեզ, իբր թե արքայական-
ներ ըլլայինք, և իր դեմը պատվո երկու թիկնաթոռներու վրա
նստեցնելով թրքական սուրճ ապսպրեց մեզի համար, որ այն
ատեն ամենաբարձր հյուրերու միայն կը հրամցվեր. վասնզի պա-
տերազմի պատճառով առ ի խնայողություն այլևս վերջ տրված
էր թուրք պետական պաշտոնատանց մեջ ավանդական սուրճի
մեծարանքին:

Քելեկյան հարցուց Ասաֆին, թե Պոլիս դառնալու համար ի՞նչ
նոր միջոցներ կ'առաջարկե, քանի որ ցարգ ձեռք առնված մի-
ջոցներն փրկություն մը չէին ապահոված իրեն: Ասաֆ պա-
տասխանեց. Քելեկյան էֆենտի, ինչ կ'ընեք ըրեք, շուտով դուք
ձեզ Պոլիս նետեցեք, հետո ուշ կը մնաք... — Բնականաբար
հարցուցինք մտահոգ, թե ինչո՞ւ հետո ուշ մնացած պիտի ըլլա-
յինք, ի՞նչ կար որ... Զի ոչ մեկ բանն լուր ունեինք, հազիվ
բնազդաբար կասկածներ ունեինք, թե գաղտնի բաներ մը կը
դառնային մեր շուրջը...

Ասաֆ պատասխանեց. Հայերու հանդեպ կառավարական
քաղաքականությունը ազեկ չեմ տեսներ, դարձյալ բաներ մը
պիտի պատահին, նայեցեք, որ ժամ առաջ դուք ձեզ Պոլիս նե-
տեք, նոր փոթորիկներու նշաններ կը տեսնեմ...

Բնական հետաքրքրութենն շարժյալ Քելեկյան կարի
հուզված սկսավ պատճառը հարցնել Ասաֆի հայտնած ժանր
մտահոգությանց: Թեպետ նախ շուգեց մանրամասնությանց
մտնել՝ խուսափողական պատասխաններ տալով և ըսելով,
թե իմ քիչես շատ հասկեցեք, դուք մտավորական մարդիկ եք,
անշուշտ կը հասկնաք ի՞նչ ըսել կ'ուզեմ: — Բայց մենք իրոք
չէինք կրցած բան մը հասկնալ. միայն կուսած էինք, թե մեզ

աննպաստ բաներ մը պիտի պատահեին: Հետո թախանձագին պնդումներու ըսով Ասաֆ. դուք հոգևորական եք և արդեն ձեր պարտականութիւնն է խոստովանանք պահել (այս բառը հայերեն արտասանեց), իսկ Քելեկյան էֆենտի, դուք ալ իմ ուսուցիչս եք. կը սիրեմ Ձեզ, աս հեռագիրը առեք ու կարդացեք շուտ մը:— Այս ըսելով իր պաշտոնական գրասեղանին մեկ գրողցեն պաշտոնական թուղթի վրա «շիֆոն» հեռագիր մը հանեց, որուն թարգմանութիւնը անշատ թղթի մը վրա գրված էր և հետևյալ իմաստը ուներ.— ուղղակի հեռագրեցեք մեզ իսկույն, ո՛րչափ հայ արդեն մեռած է և ո՛րչափ դեռ ողջ մնացած կա. Թալեաթ:

Անկարելի եղավ իսկույն թափանցել այս հեռագրի զաղտնի իմաստին. և Քելեկյան հարցուց, թե, ի՞նչ ըսել է աս. չեմ հասկնար—Ասաֆ օձի քմծիծաղով մ'ըսավ.— Ա՛յնքան խելացի մարդ եք և չե՞ք հասկնար: Պատասխանեցի,— զմեզ այնպես վիճակի մը մեջ դրին, որ ոչ խելք մնաց վրանիս և ոչ ալ բարոյական կորով:— Ասաֆ ըսավ.— Աս պարզապես ըսել է, թե ո՛րքանը ցարդ ջարդեցիք և ո՛րքանը դեռ ողջ մնացած է, զի հոս ո՛չ երկրաշարժ եղավ, ո՛չ հեղեղ եկավ և ոչ ալ բնութիւնն ո՛րեւէ արհամիւրք պատահեցավ, որ ժողովուրդը խմբովին մեռնի: Ասոր վրա ողբացյալ Քելեկյան սկսավ լալ և ըսել, թե Ափսո՛ս որ դեռ զավակներուս ապագան չապահոված պիտի մեռնիմ:

Ասաֆ մեկ քանի մխիթարական և քաջալերական խոսքերի վերջ ավելցուց:

— Ես ալ տասնևհինգ օրեն պաշտոնես հրաժարելով պիտի մեկնիմ: Պոլիս նստող և հրամայողները մեզի ամեն ինչ ընել տալի վերջ, երբ օր մը նեղը մնան և պատժի օրը գա, կը ձոն կը փախչին և զմեզ՝ ստորադաս պաշտոնյաներս ոտքի ներքև կը թողուն: Ես 1909-ին Օսմանիյեի կառավարիչ էի երբ Ադանայի հայերու կոտորածը պատահեցավ, քիչ մնաց ինձ կախաղանի պիտի դատապարտեին, հազիվ օձիքս ազատեցի:

Ես աղեկ չեմ տեսներ կացութիւնը և չեմ ուզեր աս անզամ ուրիշներուն ձեռքը գործիք ըլլալ, պիտի երթամ մեկ-երկու շաբաթեն Պոլիս, և պետական պաշտոնեութիւնը միանգամ ընդմիջտ թողով իմ հին փաստաբանական արհեստս ի գործ պիտի դնեմ:

Ստուգիվ 15 օր վերջ Ասաֆ հրաժարական տալով ինքնա-

բերաբար մեկնեցավ Չանկըրիեն Պոլիս, և 1918-ի զինադադարեն վերջ ճիշտ, ինչպես մարգարեացած էր Ասաֆ, իթթիհատի եղեռնագործ գամարիլլան ձգեց՝ փախավ արտասահման, իրենց ճակատագրին թողով իրենց անլուր ոճրին գործակից մեծ ու փոքր բոլոր պաշտոնյաններն ու անձերը:

Կրնամ պնդել, որ դարձյալ չկրցանք իրապես թափանցել պետական այս եղեռնական զաղտնիքին. զի անկարելի էր երեվակայել, որ 4000 տարվան պատմական ազգ մը կարելի էր բնաջնջել կոտորածներով:

Ազգերու պատմութեան ամենարյունոտ շրջաններուն իսկ նախընթաց օրինակ մը չի հիշվիր: Նույնիսկ թուրք աշխարհակալ սուլթաններ ո՛չ թե ազգ մը մեկ անգամեն բնաջնջելու ծրագիր չէին պատրաստած կամ գործադրած, այլ ո՛չ իսկ մտքերնեն անցուցած էին իրենց վեց հարյուր տարվան արյունոտ ո՛րեւէ մեկ շրջանին մեջ իսկ:

Զի թալեաթական գամարիլլան խորապես համոզված էր, թե հակառակ ամեն հավանականութեան, համաշխարհային պատերազմի հաշվեհարդարութեան վաղորդայինն, եթե պատիժ մ'իսկ տնօրինվեր, սպանված մեկ հայուն կամ մեկ միլիոն հայերուն պարտադրվելիք պատիժը մահվանն տարբեր բան մը չէր կրնար ըլլալ:

Իսկ եթե հակառակ զերմաններու պես իրենց ևս անպայման հաղթական ըլլալու հավակնոտ հույսերուն, կորսնցընելին պատերազմը, Թալեաթ և ընկերութիւնը, արդեն նախօրոք ամեն պատրաստութիւն տեսած էին Գերմանիա փախչելու:

Փուլթ չէր, թե մեկ քանի հայտնի թուրք ջարդարարներ կախաղան բարձրանային, մի՞թե չէր արժեք թշնամի ազգ մը բնաջնջել մեկ քանի թուրքի գլխուն արժեքովը:

12.

ԷՆԿՈՒՐԻԻ ԿՈՒՍԱԿԱԼՈՒԹՅԱՆ ՀԱՅՈՑ ՍՊԱՆԴԸ

Ինչպես ամեն կողմ, նույնպես և իթթիհատի Պոլսո կենտրոնեն և ներքին գործոց նախարար Թալեաթեն, հրաման եկավ էնկուրի հայերը քաղաքեն քարավան-քարավան դուրս հանելով անխնա կոտորելու:

և դողներուն ողբն ու կոծն լսելի չըլլա, քաղաքին նշանավոր Քաշխանի շրջակայքը նվագածու զինվորներ փողահարություն և թմբկահարություն կ'ընեն:

Փոշեթաթախ այս մահվան քարավանը, քաղաքին 7 ժամ հետո, երբ Պըքնամ գյուղին շրջակայքը՝ Քուլլուքճը օղլու ըսված անտառը կը հասնի, հոս կը դիմավորվին թուրք շեթաներու կողմէ, ամենքն ալ զինված մահու հին ու նոր ամեն տեսակ գործիքներով:

Գեռ սպանդը շկսած, ծանոթ փաստաբան Արմենակ հրոսախմբի պետեն կը խնդրի, որ իբր մահապարտի վերջին սրբազան իրավունք թույլ տան երկու խոսք ըսելու: Թույլտվություն ստանալն վերջ, անօրինակ սառնասրտութեամբ և ոճրագործներուն իսկ զարմանք առթող, հանդեպ մահվան ցույց տրված ասպետական արհամարհանքով մը կ'ըսեն—Այ գաղտնիք չմնաց, թե մեզ հոս բերած եք սպանելու համար: Կը հարցնեմ ձեզի, թե գիտե՞ք թե ինչո՞ւ համար մեզ պիտի սպաննեք:—Հրոսապետը կը պատասխանի, թե շեն գիտեր ինչո՞ւ համար ըլլալը—Գիտցած եղեք թե, մեզ սպանելու հրամանը ձեզի տվող բարձրաստիճան պաշտոնատարներն և իթթիհատի կոմիտեն՝ իրենց միայն անձնական շահը ապահովելու համար կ'արտատվորեն ձեր պատմութիւնը և կորուստի կը մատնեն հայրենիքը: Գուրանը կը հրամայի, որ ոչ-իսլամներուն հետ սիրով վարվիք եղբոր պես, բայց մեզ սպանելու ձեզի հրաման տվողները Գուրանը իսկ շեն կարդացած և շեն ալ ուզեր կարգալ: Մեզ սպանելու հրաման տվողները և մեզ սպանողներն պիտի կրեն մեր անմեղ արյան արժանավոր պատիժը, և նույն տեսակ մահով և ճիշտ աստեղ պիտի քավեն իրենց ոճիրը: Մենք ձեզի դիմադրելու ամեն միջոց բուրկ ըլլալով ըրեք ինչ որ կ'ուզեք...

Հազիվ մարգարեական այս խոսքերը լրացած, հարչուրավոր շեթաներ ամեն կողմէ հարձակելով կը սկսին կացիններով, սակրերով ոմանց թևերը, ոմանց ոտքերը, ոմանց վզերը կտրել կեն կամ ամբողջ, և նահատակներուն գլուխները քարերով կը ճմլեն: Ապա կես ողջ, մեռյալ կամ հոգեվարք, նախապես պատրաստված հորերու մեջ կը նետեն և կրով կը ծածկեն: Իսկ անոնք, որ կիրեն կամ հողին մասամբ դուրս մնալով իրենց աղիկաուր հոգեվարքի հանդուներովն երկնից կամարներն կը թնդացնեն, անոնց վրա ալ հող լեցնելով ողջ-ողջ կը թաղեն: Երբ առաջին քարավանին այս սպանդը կը լրանա, կարգը

կու գա երկրորդ քարավանին, որ ավելի քան 320 հոգի բաղկացած էր: Ասոնք ալ դարձյալ նույն սրտաճմիրկ հանգամանքներու ներքե՝ քաղաքին վեց ժամ հետո գտնվող Քաշալի պարտեզը փոխադրվելով, նույն անգութ ձեռով կը ջարդվին: Իսկ նահատակներու աս հոշոտված մարմինները 15 օր անթաղ մնալն վերջ, թուրք սպաններու կողմէ գործավոր հայ զինվորներու կը հրամայվի թաղել զանոնք՝ իրենց իսկ անմիջական հսկողութեամբ: Հայ նահատակներու զգեստներն, կոշիկներն և զանազան առարկաներն այս ահավոր սպանդը գործադրող շեթաները հագնելով քաղաք կու գան. և ամենուրեք յուրաքանչյուրը կը պարծի, թե քանի հայ սպանած է և որպեսզի անլուր շարչուրանքներով ողջ ողջ անդամահատած ու անշունչ մարմիններն իսկ խոշտանգած են անագորույն կերպերով:

Ի դիպ է հոս հիշել, թե Փոքր Ասիո մեջ հայ կաթողիկոսյան պաշտոն. սկզբնավորութենեն ի վեր աս վերջին 100 տարվան միջոցին էնկուրի կենտրոն մը եղած էր հռովմեական հայերու, որոնք հետո մնացած ըլլալով ազգայնական ամեն ոգի և շարժում միշտ ազատ մնացած էին, նույնիսկ հայահալած ամենաարյունոտ շրջաններուն իսկ: Ավելի քան երկու հազար տուն հռովմեական հայություն մը կ'ապրեր, և շնորհիվ իրենց բռնած ոչազգայնական կամ անտարբեր դիրքին, կրցած էին մեծ հարստութեան տեր դառնալ և առաջադիմել:

էնկուրիի քաղաքին և մոտիկ շրջակայքից ավելի քան 1000 տուն հայոց հաշիվը մաքրված ըլլալով, առաջին պատահութեամբ՝ նախքան կուսակալութեան ավելի հետո շրջանակներու 50.000-ե ավելի հայերու հաշվեհարդարութիւնը սկսիլը, էնկուրիի փոխկուսակալ Աթըֆ և ոստիկանական տնօրէն Բեհաէդդին կ'ուզեն բնաջնջել նաև էնկուրիի հռովմեական հայերը, տիրանալ կարենալու համար ասոնց անբավ հարստութեան և մանավանդ զեզեցիկ հարսներուն ու կույս աղջիկներուն:

Ուստի ոստիկանական տնօրէնը Պուլիս երթալով խնդրը կը պարզի, ասոնց բնաջնջումը ևս օրակարգի առաջին հարց ընելով: Թեպետ ներքին գործոց նախարար Քալեաթ տեղի տալով Ավստրո-Հունգարական դեսպանին ազդու և հաճախակի դիմումներուն, խոստացած էր կոտորել շտալ էնկուրիի հռովմեական հայերը, սակայն խոստումը չկատարելու թրջական ավանդական սովորութեամբ՝ իթթիհատի կենտրոնական կոմի-

տեի հետ համախորհուրդ վերջապահ էնկուրիի հոովմեական հայերու բնաջնջումին ևս բերանացի հրամանը կու տա:

Ռատիկ. տնօրեն Բեհաէգդին, 1915 օգոստոս 13-ին Պոլսեն էնկուրի կը դառնա ջարդի հրամանը առած: Հաջորդ օրը ան-միջապես կը ձերբակալվին էնկուրիի հոովմեական հայոց բոլոր երեւիները «Կուսակալը ձեզ կ'ուզեք ըսելով»: Քանի մը օր բան-տին մեջ մնալի վերջ՝ իրենց ցեղակիցներու եղածին նման ամեն-քին թևերը իրարու կապված, գերապայծառն ալ հետերնին առած բազմաթիվ ոստիկաններու հսկողութեամբ այս եղկելի-ներու քարավանը ևս քաղաքեն գիշերով դուրս կը հանեն և կը բերեն Գարա-կետիկ գյուղը:

Այս թշվառներուն տանջանք մը ավելի տալու դիվային ծրա-գրով կը պարտադրեն, որ գիրենք սպանելու հատկացած՝ մա-հահոտ գործիքներու կառքերը իրենք քաշեն... Երբ Գարա-կետիկ գյուղը կը հասնին, ասոնք ալ իրենք գիրենք կը գտնեն արաշարված թուրք հարչուրավոր ավազակներն, որոնք աճապա-րած էին կառավարական հրավիրանոք գալ արյան խնջույքի...

Բայց հրաշուք իմն, հանկարծ էնկուրիեն սրբնթաց հեծ-յալ սուբհանդակ կու գա Աթըֆեն, որով կը հրամայվեր վերեն եկած բարձր հրամանի մը վրա շսպանել ասոնք:

Հայ մահապարտներու այս քարավանին պաշտոնական պե-տը՝ Սեվգիաթի հրամանատարը հետևյալ ճառը կը խոսի ամեն-քը ի մի հավաքելի վերջ «Օսմ. պետութիւնը Ռուսիո, Անգլիո Ֆրանսայի և ուրիշ մեծ տերութիւններու դեմ պատերազմ հրա-տարակելով հաղթական ելավ, հետեապես շկարծեք թե օր մը մեզմե հաշիվ պիտի պահանջվի: Ոչ ոք կրնա մեզմե պահանջել զձեզ, զի համբանքով չտվին, որ համբանքով ուզեն... Սա-կայն դուք հայերուն պես չպիտի սպանվիք: Աներկյուղ եղեք ձեր կյանքին համար և ազգին ու պետութեան աղոթք ըրեք...»: Հետևյալ օրը ավելի քան 120 հոգինոց աս քարավանը ճամփա կ'ելլե դեպի Կեսարիո ճամփով Տեր Զոր:

Ասոնցմե շաբաթ մը վերջ 200 հոգինոց հոովմեական հայոց երկրորդ քարավան մը ճամփա կը հանվի նույն ուղեգծով դեպի Կեսարիա և Տեր Զոր: Ասոնցմե ոմանց հանդիպեցա Ամանոսի կողմերը, որ իր կարգին պիտի պատմեմ:

Հազիվ հոովմեական հայերու արուններու մեծ մասը քա-րավան-քարավան քաղաքեն լեռնային վտանգավոր ճամփանե-րն դեպի Տեր Զոր ճամփա հանված՝ կարգը կուզա կանանց:

Օգոստոս 14-ին կառավարութեան հրամանով թուրք մունետիկ մը կը հայտարարե, թե «Կաթոլիկները թող երկաթուղով կայա-րան երթան, այսօր ցորեկին պիտի մեկնին»: Հոովմեական ազ-գայինք անով դողով կ'աճապարեն կայարան և անոնք, որ ինք-նակամ շեն երթար, բռնի կը տարվին:

էնկուրիի իթթիհատի կլուբի անդամներն կ'աճապարեն երկաթուղով կայարան և մայրեր կը պահանջեն իրենց զեղեցիկ կույս աղջիկները: Բայց կաթոլիկ հայ մայրերն և իրենց աղջիկ-ներն կը հայտարարեն բացարձակապես, թե մահը նախամեծար կը համարին, քան անպատիվ այս դժոխային պայմաններու ներ-քե ապրիլը: Ապա առաջարկ կ'ըլլա, որ իսլամ ըլլալով գոնե կլանքերնին ազատեն... Հազարավոր ժողովրդյան մեջեն հազիվ 10—14 կիններ և աղջիկներ այս ճամփով փրկվի ուզելով՝ մահ-վան քարավանեն անջատվելով կայարանեն քաղաք կը դառնան: Մնացյալը հանձն կ'առնեն երթալ հոն, ուր կառավարութիւնը կը հրամայե: Գիտնալով հանդերձ, թե անխուսափելի մահը կը սպասե իրենց, կ'ըսեն. «Ումում միլլեթ նե՛ օլույեօրսա, պիզտե պէրապէր օլուրուզ...»:

Այս խեղճ հազարավոր ժողովուրդը, ^{9/10}-ը կիներ և աղջիկ-ներն բաղկացած, երկու շաբաթե ավելի մնալ կը ստիպվին երկաթուղով կայարանի արմտիքի մթերանոցներուն մեջ, մինչև որ մեկ մասը Գոնիա, մեկ մասը էսկիշեհիր, մեկ մասը էրեկլի կը ճամփովին թշվառ վիճակի մեջ, մեծ մասամբ կո-ղոպտված իրենց ոսկի և արծաթ զարդերեն և իրենց տունները ամբողջ իրենց պարունակութեամբ ավար ձգելով իթթիհատի տե-ղական կոմիտեին:

Իսկ սպանյալ հայերու ձգած հարչուրավոր անշափահաս որ-բերն լսլամացնելով, երկար օրեր թլփատութեան մեծ հանդես-ներ կը կատարվին և կառքերով քաղաքին մեջ կը շրջագայեցնեն իրենց վիճակին անգիտակից այս նորագիր իսլամներն, որոնք 5—12 տարեկան անշափահաս տղայք էին:

էնկուրիի մոտակա Սթանոս գյուղին 350 հայերը առանց սե-ռի և հասակի խտրութեան սպանած ըլլալը պարծեցած է Գա-յալ գյուղի հոճա գարա Մեհմետ:

Այս ահավոր նախճիբին վերջ կը սկսի «ալանն ու թալանը», և մի առ մի ամեն տեսակ ապրանքներով լեցուն խանութներն ու ամեն հարստութեամբ ճոխ բոլոր հայերու տունները բռնա-

լով, օրեր շարունակ կառավարական բարձր պաշտոնեից և իթթի-հատի կուրսի անդամներուն տուները կը կրվին:

Այս ընդհանուր ավարառութենեն վերջ էր միայն, որ կազմվեցան Քողջալ գույքերու հանձնաժողովը, որ մնացորդ ավարն իր անդամներուն մեջ բաժնելու հետամուտ եղավ միայն:

Ամբողջ քաղաքին մեջ հազիվ մեկ քանի ծեր հին թուրքեր գտնվեցան, որ շմանակեցեցան այս ավարառութեան, ըսելով խղճահարութեամբ, թե «Լացողին ապրանքը գնողին երջանկութուն չի բերեր...»¹:

Էնկուրի ըլլալով Փոլսո մոտիկ և երկաթուղով Եվրոպայի միացած հույժ վաճառաշահ քաղաք մը Փոքր Ասիո մեջ, հայերու միլիոնավոր ոսկի արժեքով շարժուն ու անշարժ հարստութունը, այսպեսով անցավ կողոպտիչներու ձեռքը, և ասոնք եղան սպանդանոց առաջնորդված բոլոր հայերու «օրինական» ժառանգորդները:

Էնկուրցի թուրքեր իրենց այս արյունոտ շահատակութուններն պատմեցին համարձակ և ամեն մանրամասնութեամբ իրենց ցեղակիցներուն ու կրոնակիցներուն. և արյան ճապաղիքին գուժկաններն, հակառակ կառավարական զգուշական և արգելիչ միջոցներուն, սկսան հասնիլ տակավ մինչև Չանկըրը մեր ականջները Էս՝ մեզ մատնելով ահավոր սուգի:

Էնկուրիի արյան լափիլիզող կարմիր բոցերն տակավ ծավալեցան կուսակալութեան մինչև հեռավոր հայաբնակ քաղաքներն, ավաններն ու գյուղերն, և սպանդները առավել կամ նվազ անգթութեամբ հետզհետ տեղի ունեցան Տենեք-Մատեն, Իսկիլիպ, Սունկուրլու և ավելի անագորույն խստութեամբ Յոզկատ:

Այս քաղաքներու հայոց բոլոր այրերը նախ և առաջ, և ապա կիներն ու աղջիկներն հետիոտն և իրարու կապված, կացիններով զինված թուրք խուժանին ուղեկցութեամբ տարվեցան քաղաքների մեկ քանի ժամ հեռու ձորեր, և հոն ոչխարներու պես մորթուվեցան մինչև հղի կիներն ու ծծկեր անմեղ մանուկները:

Սունկուրլուցի հայ հազիվ տասներեքամյա աղջնակ մը անձամբ պատմեց ինձի 1915 օգոստոսի վերջերը հետևյալ սրտաճմլիկ ողբերգութունը, որուն ականատես եղած էր ինքը, և հրաշքով միայն ողջ մնացած:

Նույն թվականին օգոստոսի կեսին Էնկուրիի նման և ասկե

եկած հրամանին վրա, կը ձերբակալվին հայոց բոլոր այր մարդիկներն 12—80 տարեկանները և քաղաքեն դուրս հանվելով շարաշար կը սպանվին անյուր տանջանքներով:

Կարգը կու գա իգական սեռին. օգոստոս 20-ին 70-ե ավելի կառքերով քաղաքեն դուրս կը հանեն մնացյալ բոլոր հայ կիներն, աղջիկներն ու փոքր տղայքը և կը բերեն 1 1/2 ժամ հեռու կամուրջի առջև գտնված ձոր մը: Այս կառքերուն կը հետևի քաղաքեն թուրք խաժամուժ ամբոխ մը զինված, և ճամփան անձնյուր ոք կը գատն իր սպանդի ոչխարը կամ գառը...

Երբ կամուրջին ներքև կու գան, ոստիկաններն ու ոստիկան զինվորներն, վայրագ խուժանին հետ միացած, կը հարձակին աս անտեր անպաշտպան խեղճ կիներուն, մայրերուն, հարսերուն կույսերուն և մանուկներուն վրա, և կը սկսին արյունոտուշտ նախաձիրը:

Գարնան ծառերը ինչպես կը հոտեն հատոցով, արյունածառավ ամբոխը կացիներով, սակերբով, բահով ու բրիչով հարձակելով թշվառ կիներու և երախաներու 400-ե ավելի աս խումբին վրա՝ կը սկսին շարշարանոք կոտորել և կտրտել ասոնց մարմիններուն դուրս մնացած բոլոր մասերը՝ քիթ, ականջ, ոտք, ձեռք, մատներ, ուսեր... Մանուկներու մայրերու աչքին առջև քարերու կը զարնեն «ալահ, ալահ» պոռալով...

Շրջակա ապառաժուտ բլուրներն ու խոր անձավներն արձագանք կու տան աս անբախտ հայ մայրերու, կույսերու և մանավանդ մանուկներու աղիողորմ ձիչերեն..., լեղապատառ երախաներու «մայրիկ մայրիկ, հասիր» աղաղակներեն: Բայց անտարբեր անզուժ խուժանը անողորմ կերպով կը շարունակե արյան աս խնջույքը, անկարեկիտ իր շուրջը տեղի ունեցող և քարերն իսկ լեզվի հանող մարդկային մարմիններու հոշոտումներուն...

Վերջապես, 4—5 ժամվան աս նախձիրեն և կողոպուտեն վերջ, վրա կը հասնի գիշերը, որ իր սև պատանքով կու գա ծածկել վայրի գազաններու նախանձն իսկ շարժող աս արյան բաղնիքի արհավրալից տեսարանը:

Գիշերվան հետ հետզհետ քաղաք կը դառնան իրենց կապ ու կողոպուտով թուրք խուժանը և ոստիկաններն ու ոստիկան զինվորները և ասոնց պակաս թողածը կու գան լրացնել դիակներու սիրահար բորենիներն, գայլերն, շնագայլերն և այլ գիշատիչները:

¹ Աղլայանըն մալը, ալանա խայր կեթիրմէզ:

Գեոկապտարած նահատակներու մարմիններն բուրոսովին մերկ կամ կիսամերկ փոված ձորի գահավանդներուն վրա կը պատկերացնեն անհավոր տեսարան մը, որ մարդկային ոչ մեկ միտք պիտի զորեր իր երեւակայութեանը մեջ մարմնավորել:

Գիշերվան խավարին մեջ դէռ ընդհատ-ընդհատ կը լսվին մերթ ծանր վիրավորներու հառաչանքներն և հոգեվարքներու խուլ կամ խժալուր հոնդուններն...

Կեսգիշերին վերջ խտացող աղչամուղչին հետ կը սկսին իջնալ զովարար ցող մը և ահա նվազ վիրավոր ընդարմացած աս տարաբախտ փոքրիկ աղջիկը, կազդուրված գիշերվան զովարար եղջամով կը սթափի: Կիսակենդան իր մուրար ակնարկներով կը սկսի փնտրել իր մայրն ու երկու քույրերն, որոնք իրարու քով ինկած էին շարդուփշուր եղած ոսկորներով... Իզուր կը կանչե մեղմիվ յուրաքանչյուրը իր անունով, բայց բա՛բն անոնք ամենքն ալ կը ննջեին հավիտենական քնով:

Քշվառ աղջիկը կը զարհուրի, մինչև ոսկորներն կը սկսի գողալ, ակամա կափկափելով իր ակռաները... Մինչև առավոտ չ' համարձակիր շարժիլ կամ հեռանալ իր գտնված տեղին, իբր խնայող անկենդան իր մոր և խոշտանգված երկու շափահաս իր քույրերուն արյունաթաթամ անշունչ մարմիններն շփողվին, ոչ հեղ փոքրիկը լքե և հեռանա իրենցմե:

Վերաբացվող արշալույսին հետ աս ահավոր նախճիրին մերձեւ կամ կամուրջին մեկ քանի քուրդ հոտաղներ կ'անցնին. և հեռուն շարժուն դիակ մը տեսնելով բնական հետաքրքրութենե շարժյալ կը մոտենան հեզ աղջնակին ու գթալով կը տանին տուն և կը հանձնեն իրենց ծերունի հոր: Սա ըլլալով «գրգռալ» (ասոնք ամենքն ալ թրքատյանց աղանդավորներ են և միշտ եղած են քրիստոնյաներու բարեկամ) փրկելու մտոք՝ աղջիկը կը բերե գաղտագողի կը հանձնե Չանկերի իր վաղեմի մեկ բարեկամին:

Այս կենդանի մարտիրոսուհին մեր գտնված քաղաքը ժամանելով էր, որ առաջին անգամ ըլլալով իրագեկ եղանք մեր շուրջը անձայն ու անշունչ կատարվող սարսափելի սպանդին աներևակայելի շափին ու կշռին: Այլևս անհնար եղավ մոտալուտ մահվան մղձավանջով տանջվող մեր հոգիները հանդարտեցնել, զի չէ՞ որ ամենքս ալ սպանդի առաջնորդվելու համար իր կարգին սպասող զենման ոչխարներ էինք...

Այս դեռ մեկն է հազարավոր դրվագներն հայ ահալոր այն մարտիրոսագրութեան, որով աղարտվեցավ մարդկային պատմութիւնը, նսեմացավ քրիստոնեութիւնը և սնանկացավ քսաներորդ դարու եվրոպական համբավյալ քաղաքակրթութիւնը:

Մինչդեռ այս միջոցին 1915 հուլիս—օգոստոսին՝ ներքին գազաններու մեջ տիրող հայկական համատարած արյան նախճիրը գիշեր ու ցորեկ կը շարունակվեր, առանց անմեղ արյունին խանձի հոտն Պոլիս հասնելու, անդին էնկուրիի հայոց կոտորածի գուժկանն, կենտրոնին մոտիկ ըլլալուն և շնորհիվ երկաթ. հայ անձնվեր պաշտոնյաներուն՝ շուտով Պոլիս հասավ և հուզեց մայրաքաղաքին եվրոպացի թե տեղացի քրիստոնյա բոլոր ժողովուրդները: Մանավանդ պապական նվիրակը և անոր ազդեցութեամբ Ավստրո-Հունգարական դեսպանատունը իրար անցան ու բողոք բարձին մետասաներորդ ժամուն...

Չկրցավ անտարբեր մնալ և գերման դեսպանատունն ևս, և գոնե երևույթներն փրկելու և ի հարկին ապագա պատասխանատվութենեն զերծ մնալու կանխահոգ հեռատեսութեամբ՝ աճապարեց քննիչներ ղրկել էնկուրի՝ ձեռնարկ քննութեան մը համար...

Սակայն կանխավ ներքին գործոց նախարար և հայոց մեծ դահճապետ Քալեաթ կանխեց գերման դեսպանատունն և ինք անձամբ եկավ մինչև էնկուրի:

Ամբողջ կուսակալութեան ձորերուն մեջ անթաղ մնացած և երկրտանի ու շորքոտանի գազաններն հոշոտված նահատակ 42.000 հայերու մարմիններն հավաքել տալով ամփոփել հրամայեց հավաքական մեծ գերեզմաններու մեջ, կարծելով այսպես անհետացնել իր և ընկերներուն աննախընթաց եղեռնագործութեանց անզաղտնապահ հետքերը...

Բայց արդարութեան արևն ի լույս բերավ զայն...

Գերման դեսպանատան քննիչն եկավ էնկուրի, և թուրք բարձր պաշտոնյաներու հետ տեսակցելի, զանոնք հարցափորձել և ձեռնարկ քննութիւն մը կատարելուն վերջ դարձավ Պոլիս և գերման շարասիրտ դեսպան Վանկընհայմին հայտնեց, թե «հայոց վրա տեղի ունեցած ջարդերու հետքն կրող որևէ քաղաքացիներու չէր պատահած և թե եղած տարածայնութիւններն շարակամ զրույցներու միայն հետևանք էին...»:

Իսկ ամեն կողմն գերման դեսպանատուն եղած կծու բո-

ղործներուն և քննադատութիւններուն կը պատասխանէր գերման դեսպան Վանկընհայմ պաղարքամբ, թե ինք իրավունք չունի միջամտելու Քուրքիո ներքին գործերուն և բունաբարելու այսու Քուրքիո վեհապետական իրավունքներն, թե եվրոպական պետութիւններեն ո՞րն էր ան, որ պիտի անտարբեր մնար նմանօրինակ ներքին ապստամբական շարժումներու հանդեպ, և ձեռք չպիտի առներ զսպողական միջոցներ...

Ըստ գերման դեսպանին, հայութեան բնաջնջումին համար քարքված համատարած ահապոր այս կոտորածներն զսպողական միջոցներ էին... և ոչ թե մարդկային պատմութեան ամենաարյունոտ էջերն իսկ սեզնոզ անլուր եղեոնագործութիւններ...

13.

ԱՅԱՇԻ ԱՔՍՈՐԱԿԱՆ ԸՆԿԵՐՆԵՐՈՒ ԵՂԵՐԱԿԱՆ ՎԱՆՃԱՆԸ

Մինչդեռ էնկուրիի ամբողջ կուսակալութեան գետերը ու վտակները հայ անմեղ արյամբ կը ներկվեին, իսկ ձորերը հայ նահատակներու անթաղ մարմիններով կը լեցվեին, ութը ժամ հետո Այաշի մեջ—փոքր գայմագամանիստ գյուղաքաղաք մը—մեր աքսորական անբախտ ընկերներու վիճակը նվազ ողբերգական չէր:

Մեր 75-ի շափ ընկերները Այաշ փոխադրելի վերջ, արգելափակած էին քաղաքին հեռավոր մեկ ծայրը կառուցված «Սարը-Գըշլա» կոչված հին զորանոցի մը մեջ, որուն պատուհաններուն ապակիները ջարդուփշուր եղած ըլլալով հին տախտակներով լուսամտներն փակված էին:

Մեկ ամսվան ընթացքի մեջ, ինչպես Չանկըրիին՝ նույնպես և ասկէ 13 բախտավորներ կրցած էին հաջողիլ դառնալու Պոլիս՝ շնորհիվ հզոր միջամտութիւններու և առատաբաշխ կաշառքի:

Սարը-Գըշլաի մեր աքսորական ընկերներն ևս ջանք ու ճիգ չէին խնայեր փրկվելու համար իրենց ինկած թակարդեն: Ամեն ոք կը սկսի հեռագրով և խնդրագրերով դիմել ներքին գործոց նախարարին և ազդեցիկ թուրք բարեկամներու և հանուն

օամ. Սահմանադրութեան արդարութիւն պահանջել... Այս հետագրերն ու խնդրագրերն խմբագրելու կարող օրենսգետ և լեզվագետ անձերի մասնավոր հանձնաժողով մը կը կազմեն և կ'ուզեն բանակցիլ կենտրոնի կառավարութեան հետ:

Ողբացալ Հարութիւն Շահրիկյան մեծ մասամբ ինք կը խմբագրէ այս հեռագրերն ու խնդրագրերն, և ապագա սերունդներու գնահատման արժանի դրուցազնական համարձակութեամբ մը, բախտակից ու բանտակից կուսակցական իր ընկերներու հետ համախորհուրդ կը հեռագրէ Քալեաթի, թե «Իրենց փնտրածներն կուսակցականներն էին, արդ ի՞նչ իրավունքով ոչ-կուսակցականներ բանտը կը պահվին անարդարորեն...»:

Բայց բոլոր աս դիմումներն կը մնան անշուշտ անպատասխան:

Հակառակ որ ասոնք ամենքն ալ հայազգի ականավոր և բեղմնավոր մտավորականներ էին, և հեղափոխական կյանքի մեջ երկարամյա փորձառութեամբ հանրածանոթ վետերաններ, սակայն դժբախտաբար ո՛չ ոք ասոնցմէ սպառնացող վերահաս վտանգին մեծութիւնը և վերլուծութիւնն ընկելու ի վիճակի էր:

Մրարին ծայրը դեռ նոր բացված՝ ահապոր այս ողբերգութեան անգիտակիցներեն մեկն ալ ողբացալ (Խաչատուր Մալումյան) Ակնունիին էր: Որ շկարենալով ո՛րեւէ մեկնութիւն տալ այս ընդհանուր ձեռքակալութիւններուն և տիրող սարսափին, պարզապես ապշած էր: Ակնունի անձնական հեռագիրներ կը հղեր ներքին գործոց նախարար Քալեաթիին և դատ ու դատաւտան և արդարութիւն կը պահանջեր...

Հաճախ Ակնունի իր շուրջը գտնվող ընկերներուն կ'ըսէ եղբր, որ հետո վերապրողներ պատմեցին, թե «Ինչո՞ւ արդյոք Քալեաթ պեյ շի հաճիր պատասխանել իմ անձնական հեռագրերու: Իթթիհատ-Իթիլաֆ թուրք երկու կուսակցութեանց, Բալկանյան պատերազմին՝ 1912—1913 Պոլսո մեջ ես էի, որ Քալեաթը տունս պահեցի և փրկեցի ամենաստույգ մահվանի, ինչո՞ւ կը մոռնա իմ իրեն ըրած բարիքս և գոնէ ինձի շի պատասխաններ»:

Այս համոզմամբ օրեօր կը սպասեր Ակնունի իր փրկութեանը և Պոլիս վերադարձին:

Արդարև իթթիհատի կոմիտեի արյունկզակ ղեկավարները շատ լավ խաղացած էին իրենց դերը, և այնքան լավ հաջողած էին հայ հեղափոխական պետերու կույր վստահութիւնը շահիլ, որ ասոնք պարզապես մեծ առեղծվածի մը առջև գտան

գիրքներ, շկաքննալով ո՛րնէ մեկնութունն տալ իրենց բանտարկութեան և աքսորին...

Իսկ այս աստիճան անվերապահ կույր վստահութունն ավա՛ղ մեկ միլիոն անմեղ ժողովրդի անվերագտանելի թանկագին կյանքերն արժեց...

Գաղափարի ազնիվ ընկերներ նկատած էին հասարակ ոճ-րագործներն ավելի արժեք շունեցող իթթիհատի թուրք պետերը: Մինչ ասոնք իրենց հանդգնութեամբ միայն երկրին ղեկը հաջողած էին ձեռք ձգել՝ ոչ թե հայրենիքի փրկութեանը համար, այլ իրենց անձնական փառասիրութեան և ընչաքաղցութեան հագուրդ տալու համար:

Այաշի աքսորականներ մեծ մասամբ նյութական կարոտութեամբ կ'անցնեին իրենց կյանքի վերջին օրերը:

Ասոնցմէ տարաբախտ Շահրիկյան տղու մը պէս լացած է այն օրը, երբ Պոլսէն 5 ոսկի կը ստանա փոստով: Հուզման շարժառիթը հարցնող իր ընկերներուն կ'ըսէ. «Աս դրամը ինձի ղրկողը Պոլիս բնակած տանս լվացարար հույն թշվառ կիսն է, աս ի՞նչ անձնվիրութուն, ո՛ւրկե գտեր է ա՛յ գումարը, երբ ինք կարոտ էր օգնութեան: Խեղճ կիսը վիշտս մեղմացնել ուզած է»:

Որևիցե մեկ ազգի պարծանք եղող մեր այս բոլոր մտավորականները՝ իրենց կյանքին վերջին օրերը ո՛չ միայն կրեցին հոգեկան անպատմելի հուզումներ ու տառապանքներ, այլև ապրեցան ֆիզիկական ծայր աստիճան թշվառութեան մեջ: Ասոնցմէ շատեր իրենց ճեղքակեղծները իրենք սկսան լվալ առ ի խնայողութուն: Այս անձնազոհ վետերանները շուտով լքվեցան իրենց բախտին, որ երկար տարիներ իրենց կյանքին գնով բարձր բռնած էին հեղափոխութեան կարմիր դրոշը հանուն փրկութեան բազմաշարժար հայրենիքի և արյունաքամ հայ ժողովրդի:

Ազգային պաշտոնական կենտրոնի եկեղեցական և աշխարհական մարդիկը հազիվ երևույթները փրկելու շափ կը հետաքրքրվեին հայ մտավորականներու այս անդրանիկ ձերբակալութեամբ և զգուշավոր ընթացք բռնած էին առ ի խոհեմութուն...

Չանկրրի՝ աքսորականներու հազիվ ղրկվեցավ պատրիարքարանն անբավարար հացագին մը մեկ քանի հարյուր ոսկիի շափ: Երբ 150 հոգիի կեսին ավելին նյութական օժանդակութեան կարոտ էին, որով մենք աքսորականներս ներքին փո-

ԳՐԱԳՐԱՅ Ժ. ԿՈՐԻ. ՉԱՆՔԵՍԸ

ՀԱՅ ԳՈՂԳՈՐԱՆ

ԴՐԱՊԳՆԵՐ

ՀԱՅ ՄԱՐՏԻՐՈՍՍԱԳՐՈՒԹԵՆԵՆ

ՔՆՈՒԼԻՆԵՆ ԳԵՂԻ ԶՕԲ

1914—1920

Ս. ԿԱՏՐԻ

ԿՈՐԻՆՍ

ԳՐԱԳՐԱՅ Ժ. ԿՈՐԻ. ՉԱՆՔԵՍԸ

1922




Վանի հայոց հերոսական ինքնապաշտպանությունը 1915 թ. ապրիլին

Հերոս Շապին-Փարահիսարը՝ ծննդավայր գործ. Անդրանիկի



ա) Գրիգոր Զոհրապ, բ) Վարդգես Սերենկույան, գ) Վոստյան, դ) Ե. Սրմաքելյան, ե) Իշխան, զ) Գեղամ Վրու



ա) Ակնունի, բ) Խաճակ, գ) Ռուբեն Զարդարյան, դ) Սարգիս Մինասյան, ե) Հարություն Մանեղյան, զ) դոկտ. Նազարեթ Տաղավարյան


ա) Համբարձում Բոյանյան՝ Մուրատ. բ) Հարություն Ծահրիկյան, գ) Աստուծ Յարճանյան՝ Սրամանթո, դ) Հայկ Թիլարյան՝ Հրաչ, ե) Մ. Կուրճյան՝ Հրանտ, զ) Բարսեղ Ծահրազ



ա) դոկտ. Կ. Փաշայան, բ) Տիգրան Չեղկուրյան, գ) Ժակ Սաչապալյան, զ) Գ. Բարսեղյան, է) Բարթող Զորյան, Վ) Ներսես Փափազյան



ա) Լ. Գազանճյան, բ) Ս. Սվին, գ) Գարսեն, զ) Ա. Աշոգրաչյան, է) Ա. Լարույունյան, Վ) Լ. Գալֆայան



Ս. Բարսեղյան՝ Շամիլ, բ) Հ. Մ. Համբարձումյան, գ) Վ. Հյուսույան.
 դ) Վահագն Տաթևյան, ե) Մարգարտ, զ) Շավարշ Բրիսյան



ա) Տ. Հուսիկ, Բան. Բաջունի, բ) Ռ. Չիլինկիրյան՝ Սևակ, գ) Դանիել
 Վարունան, դ) Տիրան Բեկեկյան, ե) Արիս Իսրայելյան, զ) Թյկատինցի



Հայ բնառնեկան օջախը Սերաստիո մեջ 1918-ին



Ալիս գետի (Գրզլըրմազ) կամուրջը Սերաստիո և Եվդոկիո ճամփուն վրա, գերեզման բազմաթիվ արտորական հայերու, ինչպես նաև ապանման վայրը Տիրան Քելեկանի



Եվդոկացի որբուկ մը արտրի ճամփուն վրա, հայրը և մայրը սպանված և ինքը մինակ կքալե քարավանին հետ, Ենթակա ամենքի բնամքին



Ամբողջապես հայաբնակ հերոս Հանրեր 1914-ին, այժմ բոլորովին այրված և քանդված



Կիլիկիո համակ մարմարյա հայրապետական զահը Սիսի Մարտավանուց
Նաթողիկէին մեջ, երկու հարյուր տարվան հնութուն



Հալեպի մեջ կախաղան հանված հինգ անմեղ հայեր 1916-ին



Ջարդարար ավազակ բուրդեր Մալաթիո շրջանակին մեջ՝ գերման զին-
վորականներին լուսանկարված 1915-ին |



Անապատի մեջ արստրական հայ ընտանիքի մը ողբերգական վերջին
օրերը 1915-ին գերման զինվորականներն ձեռքբերված





Տ. Գրիգորիս ծ. Վարդ. Պալաքյան

խառությամբ և հանգանակությամբ կը հոգայինք մեզմե ղեպի մահ առաջնորդվող ողբացյալ ընկերներու ճամփու ծախքն ու հացագինն:

Վերջին անգամ մեզմե բաժնվող երիտասարդ 26 մտավորականներու և ոչ իսկ հացագին մը կրցանք տալ, թող կառքի փոխադրության ծախքերը:

25^օ որ հավիտենական շրմեղացումի բրածո բանաձևը միշտ պատրաստ էր մեր պաշտոնական անձերու բերանը «եղբայր ի՞նչ կրնանք ընել, բանակ չունինք, նավատորմ չունինք, խեղճ ազգ մըն ենք, մեր ձեռքեն ի՞նչ կուգա...: Կարելին կ'ընենք միշտ, պետք եղած դիմումները միշտ կ'ըլլան, բայց մտիկ ընող չկա...»¹:

Մեր թշվառ ընկերներուն Այաշի գորանոցը արգելափակումեն ամիս մը վերջ, հնչակյան կուսակցության ականավոր և անձնվեր պետը ողբացյալ Համբարձում Պոյաճյան (Մուրատ) շղթայակապ ոստիկանական խիստ հսկողությամբ կը փոխադրվեր Կեսարիա, ուր ղինվորական ատյանի վճռով մահվան կը դատապարտվեր:

Ո՛րչափ անձնվեր և քաջարի հին հեղափոխական գործիչ՝ նույնքան բարի և ազնիվ ընկեր մըն էր Մուրատ: Կարելի չէր ճանչնալ զինքն և շտրիկ ու շհամակրիլ իր անձին, նույնիսկ եթե իր ամեն գաղափարներուն համամիտ ալ չուզեր ըլլալ մեկը:

Հակառակ օսմ. Սահմանադրութենեն վերջ կառավարության ղեմ դավադրական ոչ մեկ արարքի մեջ գտնվելուն և պատերազմի միջոցին ևս վերապահ և սպասողական ընթացք մը բռնելուն, Կեսարիո պատերազմական ատյանը ամբաստանեց զինքն իբր ժողովուրդը ապստամբեցնող: Բանաձև մը, որ հայությունը քնաջնջելու համար ստեղծված ընդհանուր կարգախոսն եղած էր այլևս:

Հայ ժողովրդի փրկության անձնազոհ այս առաքյալն ալ բարձրացավ մինչև բարձր կատարը հայ փշալից Գողգոթային, կախաղանի վրա քավելով գաղափարապաշտ իր բազմատանջ կյանքի փրկավետ հանցանքը:

Այաշի արքայական ընկերներն ևս մեզ նման, հաճախ կրո-

¹ Մեր նյութեն չչեղելու համար հոս զանց կ'ընենք տալ պատասխան աս վարկապարտի շրմեղացումին, վերապահելով զայն ի մոտո հրատարակելի մեր «Հիշատակներս» անուն գրքին, որ իրապես ժամանակակից հայ կյանքն է:

Նական շարականներ և հայրենասիրական երգեր կ'երգեին ղեկավարութեամբ ողբացյալ Մելքոն Կյուրճեանի (Հրանտ)։ Պահիկ մը ինքնախաբեութեամբ փոխադրվելու համար հին բարի քայն օրերուն, երբ դեռ ազատ էին և խանդավառած հայրենիքի վերկութեան ազատաշունչ գաղափարներով։

Սակայն Մուրատի հեռացմամբ ամենանտարբերներն իսկ տակավ սկսած էին հոռետես դառնալ, երբ իրենցմե 6 ընկերներ ևս հեռացուցին դեպի անծանոթ ճակատագիր և ասով ա՛լ ավելի մտահոգ սկսան դառնալ մնացողները։

Մահաբույր սև օր մը դուրս կը հրավիրեին Այաշի զորանոցն Ակնունին, Ռուբեն Զարդարյանը, Խաժակը, Մինասյանը, Գոկոտ. Տաղավարյանը և Հարություն Ճանկուլյանը։ Ասոնցմե շորս առաջինը դաշնակցական ականավոր մտավորական գործիչներ էին. հինգերորդը՝ Տաղավարյան, նախկին հնչակյան և վերջերը ուսակավար եռանդուն հանրային գործիչ մը. իսկ վեցերորդը՝ Ճանկուլյան, հնչակյան կուսակցութեան հին պետերէն և 1891-ի Գումգաբուի անդրանիկ հեղափոխական գեպքին հերոսը։

Ասոնք՝ ոստիկանական ամենախիստ հսկողութեան ներքև և երկաթուղիով Գոնիայի ճամփով կը փոխադրվին դեպի Ադանա-Հալեպ, իբր թե Տիգրանակերտի պատերազմական ատյանի առջև դատվելու համար։

Վեց քսորական ողբացյալ այս ընկերները, թեպետ Ադանա ժամանելուն կ'ուզեն հարաբերութեան մտնել տեղացի ազգային պաշտոնական անձերու հետ, որոնց տարագրութունը դեռ սկսած չէր, սակայն հնար չ'ըլլար։ Ընդհակառակը, տեղական կառավարութիւնը լսելով, որ Զոհրապ և Վարդգես ալ այս օրերուն Ադանա կը բերվին, իրարու շանդիպեցնելու համար կ'աճապարեն օր առաջ ճամփա հանել դեպի Հալեպ։

Սակայն որովհետև 1915 հուլիսին Ամանոս լեռան Այրանի փապուղիները դեռ բացված չէին, և երկաթուղին մինչև Օսմանիյե կը հասնէր, ուստի ոստիկանական կարգադրութեամբ՝ կառքի պատրաստութուն տեսնելու համար մեկ օր Օսմանիյեի բանտը կը մնան։ Իսկ Օսմանիյե այն ատեն Ադանային Հալեպ երկարող գծի վերջին կայարանն էր. ու ասկե անդին կառքով պետք էր անպատճառ ճամփորդել մինչև Իսլահիյե՝ անցնելով Հասան Պելլիեն։ Օսմանիյե և Իսլահիյե Ամանոս լեռ-

ներու արևելյան և արևմտյան երկաթուղիի կայարաններն էին 1915-ի ամռան։

Այս օրերուն Օսմանիի մեջ կը գտնվէր բնիկ սեբաստացի և դոկտ. Նազարեթ Տաղավարյանի ազգականներէն ծանոթ վաճառական մը, որ միանգամայն հանրածանոթ մեծ վաճառատան մը Ադանայի մասնաճյուղին տնօրենն էր, և որ վաղուց Ադանա հաստատված ըլլալով և Ադանայի կուսակալին հետ առևտրական մտտիկ հարաբերութիւններ ունենալուն, աս վերջինը խորհորդ կու տա ըսելով, որ «Աս օրերուն Ադանայի մեջ աչքի չերեալու համար Օսմանիյե գնա...»։

Այս օրերուն, երբ դոկտ. Տաղավարյան և իր հինգ ընկերները Օսմանիյե կը հասնին ու բանտ կ'առաջնորդվին, աս վաճառականը կը փութա ոստիկան գինվորներու հրամանատարին մուտ, և օգտվելով այս վերջնույն հետ ևս ունեցած իր բարեկամութենէն, կը խնդրէ, որ 6 բանտարկյալներն իրեն թույլատրէ տուն տանիլ և հյուրասիրել։ Կը ստանա խնդրած թույլտվութեանը, պայմանավոր քսորականներու հետ տուն տաներ նաև ասոնց հսկող ոստիկանը։

Մինչ ոստիկանն վեց բանտարկյալներն տուն հանձնել և ստորագրութիւն առնել վերջ կը մեկնի շուկա անձնական գործով, վաճառականը կը խոստանա զիրենք փախցնել տալ և ազատել, կաշառելով ոստիկան զորքերու հարցուրապետը։

Բայց Ակնունի և իր ընկերները կը մերժեն, առարկելով, թե չեն ուզեր, որ իրենց պատճառով ուրիշներ վտանգվին, և երկրորդ՝ հույս կը հայտնեն, թե Իրենթ ՊիՏի ԿրնԱն ՏիԳրԱնԱԿնՐՏի ՊԱՏԵՐԱԶՄԱԿԱՆ ԱՏՅԱՆԻՆ ԱՌՋԵՎ ԱՐԴԱՐԱՆԱԼՈՎ ԱՆԳԱՐՏ ԱՐՁԱԿՎԻԼ...։ Ողբացյալները իրենց մահվան ճամփուն ինը տասներորդը անցած էին և դեռ լավատես էին...

Աս միջոցին ոստիկանը պարտասած դառնալով տուն, մասնավոր սենյակի մը մեջ կ'երթա կը ննջի։ Վաճառականը ծայրահեղ հանդգնութեամբ ոստիկանին գրպանէն բանտարկյալներու պաշտոնագիրը զգուշութեամբ վերցնելով իրազեկ կ'ըլլան սա ահավոր իրողութեան, թե վեց բանտարկյալները ի սպանդ կը տարվին՝ Տիգրանակերտի պատերազմական ատյանը հանելու ՊԱՏՐՎԱԿՈՎ...։

1 Վաճառականը, որ ինձի պատմեց անձամբ այս բոլոր մանրամասնութիւնները, տույն պատմաագրին պատճենն ալ ունէր, բայց 1918-ի փախուստներու մեջ առ ի զգուշութիւն անհայտացուցի։

Բնականաբար շափազանց կը հուզվին ամենքն ալ։ Ոչ ոք այլևս կ'ուզէ պատրաստված բազմախորտիկ ընթացքը ուտել ամենքն ալ կը թազվին խոր սուզի մէջ, զի ա՛լ կը գտնվեն մահաճան հնձող մանգաղին ներքո։ Ավելորդ էր բնականաբար այլևս փրկութեան հույս ունենալ։ Պոյսո կառավարութեանը վեցը կ'ամբաստանէր իբր թուրք կայսրութեան ինչ ինչ հողերը անջատելով օտար թշնամիներու հանձնելու համար ապստամբութուն քարոզող հեղափոխականներ...

Առաջին սարսափեցուցիչ ազդեցութիւնը փոքր-ինչ մեղմանալիս վերջ, ողբացյալ Ակնունի հուսկ ուրեմն կ'արտահայտուի հետևյալ բառերով. «Զե՛՛՛՛՛ ՅԱՎՈՒՄ ՄԱՀՎԱՆԵՍ ՎՐԱ, Զի ՄԻ ՕՐ ԱՆՊԱՅՄԱՆ ՊԻՏԻ ԳԱՐ ՄԱՀՂ ՄԵՋ ԳՏՆԵՒ, ԱՅԼ ՄԻԱՅՆ ՅԱՎՈՒՄ ԵՄ, ՈՐ ԷՍ ՍՐԻԿԱՆԵՐԻՅ ԽԱՐՎԵՑԱՆՔ...»:

Այս միջոցին ոստիկան զինվորներու հրամանատարեն եկած ստապողական հրամանին վրա, կրկին կը փոխադրվին բանտ իրենց վերահսկող ոստիկանին հետ, որուն գրպանն նախապէս կրկին փութացած էին սահեցնել մահաբույր պաշտոնագիրը։

Հաջորդ օրը կառքով և ոստիկան հեծյալ 4 զինվորներով ճամփա կը հանվին դեպի Հալեպ։ Հոս 2 օր բանտը մնալի վերջ, կրկին հեծյալ ոստիկան զինվորներու խիստ հսկողութեամբ ճամփա կը հանվին Ուրֆայի վրայով իբր թե դեպի Տիգրանակերտ։

Ուրֆայի և Տիգրանակերտի ճամփուն վրա, Ուրֆայեն մեկ օրվան ճամփա հետո, հանկարծ շրջապատվելով Տիգրանակերտի ոճրագործ կուսակալին դոկտ. Ռեշիտի ղրկած «չեթեներեն» տեղն ու տեղն կը սպանվին անպատմելի շարշարանքներով։ Այսպիսի եղերական հանգամանքներով վերջ կը տրվեր վեց հայ տաղանդավոր մտավորական և հանրային գործիչներուն բեղմնավոր կյանքին։ Տարիներ երկար երգեցին, երգեցին և գործեցին հայրենիքի փրկութեանը համար, և բա՛բե ազատութեան ճիշտ սեմին վրա, հեռացան գնացին անդարձ դեպի հավիտենականութիւն։

Սակայն ավա՛ղ, ավելի բախտավոր չկրցան ըլլալ Այաշ մնացողներ ևս։

Էնկուրիի հայերու 1915 օգոստոսի կեսին կատարված ահա-վոր սպանդի ճիջոցին կուսակալի փոխանորդ Աթըֆի հրամանով Այաշի աքսորականներն մաս մը ևս կը փոխադրվեն Այաշէն էնկուրիի բանտը, և սև օր մը 1200 հոգինոց էնկուրցի հա-

յերու քարավանի մը հետ՝ քաղաքին 4—5 ժամ հետո ձորի մը մեջ շարշարալից մահվամբ կը սպաննեն ամենքն ալ։

Իսկ Այաշի մնացյալ աքսորական մեր եղերաբախտ ընկերները ևս կը նահատակվին Այաշէն մեկ քանի ժամ հետո «Գապլը Պելի» կոչված համբաւավոր լեռան մեջ՝ հետևյալ պարագաներու տակ։

Էնկուրիի կուսակալի փոխանորդ արյունոտւշտ Աթըֆի հրամանով Այաշի մնացյալ 27 աքսորականները կը հանձնվին կրե-տացի կոմիսեր Զեքիի։ Այս ոստիկան զինվորներու ընկերակցութեամբ կը բերն հայրենիքի քավութեան տարաբախտ այս նոխազները հիշյալ «Գապլը Պել» կոչված տեղը և հրաման կու տա հանգստանալու։

Բայց հանկարծ կոմիսերը կրակի հրաման կու տա, սակայն տասնապետ ալաշցի Տաշլի օղլու Բեֆիք կ'ըմբռստանա և կրակել չ'ուզեր անմեղներու վրա։ Այն ատեն կոմիսերը ձեռքի ատրճանակովը կրկու անգամ անձամբ կրակ կ'ընեն մեկ քանիին զլիւուն ուղղելով։ Ասոր վրա վաշտապետ Հոսսան և խուրշիտ շաւոշ կը սկսին գնդակ արձակել անպաշտպան մեր ընկերներուն վրա։ Բայց գնդակահարութեամբ չկրնարով հագեցնել իրենց արջան ծարավը, սվինները հրացանին անցնելով կը հարձակին թշվառներուն վրա և կը սկսին հոշոտել ասոնց մարմինները։

Սակայն տարաբախտ մեր տառ։ Դանքի ընկերներին ոմանք, որոնց մարմինները անդամահատված կամ բզկիկ-բզկիկ եղած ըլլալով հանդերձ՝ դեռ չէին մեռած, աղիողորմ ձայնով կ'աղաչեն ոճրագործ ոստիկան զինվորներուն ըսելով «Աստուծո սիրուն գնդակով սպանեցեք որ ազատինք...»։

Այս ահավոր սպանդին կը մասնակցին՝ շրջականներն արշալույսին հետ հոն հավաքված մոտակա թուրք գլուղացիները՝ իրենց հետ բերած կացիներով, սակերով (սաթըր), բրինձերով, քարերով և երկաթե ձողերով։

Նուրշիտ շավոշ ինք էնկուրիի մեջ պարծանք պատմած է այժմ վերապրող հայ բժշկի մը՝ այս բոլոր մանրամասնութիւնները, ավելացնելով, թե «երբ կոտորածը սկսանք, սպանվողներուն աոհողորմ ճիշերովը, վայնասուններովը ձորը և լեռը կը թնդար։ Ես դոկտ. Փաշայանին աչքերը նախ փորեցի, ապա վիզը կտրեցի և ահա վասիկ անոր ոսկի շղթան ու ժամացույցը...»։ Դիվային ժպիտով մը այս ամենը պատմելի վերջ կը հայտնեի Նուրշիտ, թե փառք կու տա Ալլահին, որ բախտ ունենալով ան-

ձամբ մասնակցելու «Ճիհատին», իրենց սուրբ մարգարեին «Ճէննէթին», այսինքն արքայութեան արժանացած է...

Իսկ հրաշքով վերապրող ականատեսներ կը պատմեն, թե էնկուրիի շրջակա բոլոր թուրք գյուղացիները իրենց սպանած զոհերուն «ոստենկոթները», «պոնժուռները», «փարտըստները», «ժաքեթները», կոշիկները հագած էին, անժխտելի ապացույցը կրելով արյան ահապոր խնջույքի իրենց մասնակցութեան:

Խուրշիտ շափուշ հայ բժշկին կը պատմե նաև ղ:վային ներքին զոհունակութեամբ մը, թե թուրք գյուղացիները անշունչ նահատակներու ծվեն-ծվեն եղած մարմիններն իսկ հրեշտային զբոսանքի համար ժամերով կը խոշտանգեին, անդամահատելով անոնց անկենդան նշխարները: Մինչև որ գիշերվան խավարը վրա հասնելով, դուրս կու գան իրենց թաքստոցեն այս անգամ ալ դիակեր բորենիներ և այլ վայրի գազաններ, իրենց կարգին՝ ամբողջացնելու համար մարդ-գազաններու պակաս թողածը արյան համատարած այս սարսափելի նախճիրեն:

14.

ՉԱՆԿԸՐԻԻ ԱՔՍՈՐԱԿԱՆՆԵՐՈՒ ՎԵՐՋԻՆ ՕՐԵՐԸ

Մինչդեռ համատարած արյան թաթառ մը ամբողջ Փոքր Ասիո շէն քաղաքներն ու գյուղերն ավերակներու կույտի մը կը վերածեր, և մահվան անողորմ մանգաղը՝ մեկ քանի ամսվան մեջ հարյուր հազարավոր անմեղ կյանքեր կը հնձեր, լեցնելով նահատակներու լեռնակուտակ մարմիններով Հայաստանի սարերն ու ձորերը, մենք Չանկըրիի աքսորականներս կ'ապրեինք մեր վերջին օրերուն մեջ և վերահաս մահվան մղձավանջը կը լլկեր մեր միտքն ու հոգին, օրեօր կամա թե ակամա սպասելով մահվան մեր կարգին...

Այս օրերուն Պոլսեն մեր ձեռքը հասած հայ լրագրերուն մեջ ապշելով կը կարդայինք Ազգ. Սահմանադրութեան 1915-ի մայիսյան տարեդարձի առթիվ Ազգ. հիվանդանոցի պարտեզին մեջ սարքված հանդեսներու, պարերու, խնջույքներու և բաժակահառերու մասին... Այս թերթերը ամիսներ վերջ միայն պատահաբար մեր ձեռքը կը հասնեին:

Պոլսո մեջ կը շարունակվեին՝ պատրիարքին նախագահութեամբ ըստ առաջնույն դպրոցական ամսավերջի հանդեսները: օլիմպիական խաղերն, ֆուտբոլի մրցումներն, լողալու և հեծելանվի արշավներն, ամառնային շոգենավային ուխտավորություններն դեպի Պոլսո նշանավոր զբոսատեղիները: Իեռ ոչ ոք Պոլսո մեջ լուր ուներ գավառներու մեջ մեռնող ժողովրդի մը հոգեվարքի ահապոր հռոյտներն...

Պատրիարքարանը մեկ քանի հարյուր ոսկի ղրկելով Պոլսեն աքսորված մտավորականներուն իբր հացագին, կը կարծեր իբ պարտքը կատարած ըլլալ...

Մինչ մենք Չանկըրիեն Պոլիս դարձող մեր բախտավոր ընկերներուն միջոցով տեղեկագրեր կը հասցնեինք Պատրիարքին, հայութեան բնաջնջումի ահազանգը հնչեցնելով: Այնուամենայնիվ ոչ ոք կ'ըմբռնէր կացութեան ընդհանուր ծանրութունը, և կը մնային հանդիսատեսի պաղարյուն դիրքին մեջ միշտ, հեղեղելով իբր ծամոց իրենց բերնին մեջ պատրաստ գտնված բանաձևն «Ի՞նչ կրնանք ընել...»:

Մեր 56 ընկերներն Վարդավառի օրը Չանկըրիեն էնկուրի փոխադրելի վերջ ամենքն ալ բանտ առաջնորդված էին: Ասոնցմե հինգ հոգին շնորհիվ ամերիկյան դեսպան Մորկրնթաուի² անխոնջ և ազնիվ արտակարգ ջանքերուն, կրցած էին դառնալ Պոլիս. իսկ մնացյալը հասցեիս ուղղալ հեռագրով նյութական օգնություն կը խնդրեին ինձմե: Անմիջապես ներքին փոխառութեամբ 60 ոսկի հանգանակելով էնկուրիի Իբրանոսյան վաճառատան միջոցով կ'ուղարկեինք մեր եղբրաբախտ ընկերներուն, գրեթե յուրաքանչյուրին մեկ ոսկի, որով պիտի հասնեին մինչև Տեր Զոր... Զի իրենց հեռագրին մեջ հիշված էր, թե 2 օր պայմանաժամ տրված է պատրաստվելով ճամփա ելլելու համար դեպի Զոր:

Դիտումնավոր կերպով այս արտոնությունը տված էին, որ որչափ հնար է առատ դրամով ճամփա ելլեն. ավարը ավելի հարուստ դարձնելու համար իրենց հաշվույն:

Սակայն, փոխանակ Տեր-Զոր փոխադրելու մեկ ամիս բան-

1 Առ այս համոզվելու համար. բավ է անգամ մը աչքի անցնել 1915 մալիս, հունիս, հուլիս և օգոստոս ամիսներու Պոլսո հայ թերթերը:

2 Այս ջանքերուն մեջ ամենամեծ բաժինն ունեցած է ի սորո նյու Յորքի մեջ վախճանալու ոգրացալ Շմափոնյան, Ամերիկյան Պոլսո գեապանատան իրավագետ խորհրդատան թաղամար:

աբ պահելի վերջ, օգոստոսի կեսին սկսած էնկուրիի հայոց սպանդին հետ ասոնք ալ միացնելով բանտն դեպի սպանդ առաջնորդվող քարավաններուն, շարշարալից մահվամբ կը նահատակվեին էնկուրիի հայոց առաջին քարավանի հետ:

Չանկըրիէն հեռացող 56 հոգինոց առաջին քարավանն ամիս մը վերջ էր, որ կը զուգահեյբ առաջին մեր քարավանին վերև հիշված նահատակութեանը, երկրորդ քարավան մը ևս կը բաժնեն մեզմե 26 հոգինոց:

Մինչդեռ առաջին հեռացող քարավանին ժամանակ դեռ լավատես էինք և կը կարծենք, թե կրնան թերևս ողջ Տեր Զոր հասնիլ, սակայն երկրորդ քարավանին Չանկըրիէն մեկնած օրը՝ պարզապես մեր ողբացյալ ընկերներուն կ'ուղեկցեինք իբր հուղարկավորներ...

Ստիպված էինք զսպել մեր արցունքը, որ կ'այրեր մեր սրտերը ու աչքերը: Գիտնալով հանդերձ, որ դեպի մահ կ'առաջնորդեինք մեր ընկերները, կը զգուշանայինք արտահայտելի մեր զգացումները, չշփոթելու համար հավետ ողբացյալ մեր ընկերները:

Ասոնց կ'ընկերանայինք մինչև կես ժամ քաղաքն հեռու մեր նախապես բանտարկված զորանոցը, առանց իրարու հետ բառ մը փոխանակելու, զի հուզված էինք ամենքս ալ և փոխանակ իրար խաբելու... մեռելային լուսթյամբ կ'ուղեկցեինք դեպի գերեզման...: Եվ ի՞նչ երիտասարդներ... ամենքն ալ 18—25 տարեկան քոլեջավարտ կամ Պոլսո համալսարանի զանազան ճյուղերն ավարտած կամ ավարտելու մոտ մտավորական հայրենասեր կտրիճներ, մեկն մյուսն ավելի ազնիւ, անձնվեր, ազգասեր, հուսալից և հայութեան ապաշա փառքով խանդավառված... Այս մեր տառապանքի ծաղկահասակ կտրիճներն ճամփու կը դնեինք միայն 700 դահեկանով, որ մեկ օրվան ծախքերէն իսկ չէր...: Զի դեռ չէինք կրցած վճարել նախապես կատարած 60 ոսկիի ներքին փոխառութեանը:

Ասոնք ալ ուղեկցութեամբ ոստիկաններու և ոստիկան զինվորներու կը հասնեն էնկուրի և բանտ կ'առաջնորդվեին, ու մեկ քանի օր վերջ ասոնք ալ կը տարվին ի սպանդ էնկուրիի երկրորդ կամ երրորդ քարավաններուն հետ:

Միայն մեկ անձ՝ Արամ Անտոնյան, կ'ազատվեր հրաշուք ասոնցմե, ճամփան կառքն իյնալով ոտքը կտորելուն պատճառով՝ ուղղակի հիվանդանոց փոխադրվելուն շնորհիւ:

Այս երկրորդ սպանդ առաջնորդվող խումբին հետ էնկուրի կ'երթային նաև 6 բախտավոր ընկերներ, որոնք հարուստ լաճառականներ ըլլալով՝ մեծամեծ կաշառքներով հաջողած էին իրենց փրկութեանը ձեռք բերել: Բայց ասոնք ևս հակառակ ներքին գործոց նախարարութեան Պոլիս դարձնելու բացահայտ հրամանին, Աթըֆ ուղղակի երկաթուղիով ճամփա հանել տված էր դեպի Հալեպ: Բարեբախտաբար արտակարգ նյութական և բարոյական զոհողութեամբ՝ ասոնք Պոլսին էրկին հրաման բեռել տալով հաջողած էին Տարսուսէն դառնուլ Պոլիս, ճաշակելով աքսորի ճամփու ամեն դառնութեանները:

Այս մեր 29 տարաբախտ ընկերներուն օգոստոսի սկիզբն հեռանալին վերջ, նույն օրը իսկ Պոլսո մնացորդ աքսորականներս, հրավիրվելով կառավարական շենքը, մյուսասարըֆը կ'ըսեր մեզ պաշտոնապես. «Ձեզ համար ներքին գործոց նախարարութեան ներման հրաման եկած է, և դուք ևս Պոլսն զատ ձեր ուզած տեղերը կրնաք երթալ. ուստի գնացեք և թազավորին համար աղոթեցեք...»:

Գլխիկոր և նկուն դուրս եկանք կառավարչին պաշտոնատունն, և շվարած էինք, զի չէինք գիտեր, թե կառավարական այս կարգադրութեամբ փրկված էինք թե կորսված, մանավանդ որ ամեն կողմ արյուն կը վազեր, մի՞թե հնար էր ճամփորդել: Միայն միտքարութեաննիս այս էր, որ մեր մեկնող ընկերներուն նման մահը ոչ թե օրվան հարցն էր, այլ օրակարգի խնդիր մնալով հանդերձ, դեռ ժամանակ կը տրվեր մեզ մեր փրկութեան վրա մտածելու...

Հակառակ անոր, որ մեր կամքին ձգված էր Չանկըրի մնալու կամ Պոլսն զատ մեր հարմար դատած գավառական քաղաք մը երթալու պարագան, սակայն հուզումով կը տեսնեինք, որ մեզ Պոլսն ընկերացող սելանիկցի ոստիկանապետն ու ոստիկաններն կը ստիպեին մեզ, որ մենք ամենքս ալ պատրաստվինք անպատճառ 2 օրվան մեջ մեկնելու Չանկըրիին:

Մյուս կողմն մեզ խուճապի մատնող մեկ պարագան ալ սա էր, որ մեր ընկերներն 5 հոգի, և ասոնց մեջ ըլլալով ողբացյալ Դանիել Վարուժան և դուրս. Զիլինկիրյան (Սեակ) կառավարական հրամանով բռնադատված էին անմիջապես մեկնելու էնկուրիի ճամփով Այաշ: Այս դժբախտ հանգամանքն ալ մեզ կը տագնապեցնէր, որովհետև ա՛լ հասկցած էինք, թե Այաշ զրկել ի՞նչ ըսել էր...

Հակառակ մեզ հասնող կոտորածներու արյունոտ շշուկներուն, ուզելով օգտվիլ կառավարական մեզ շնորհված թույլտվութիւններէն, ես ալ միասին ըլլալով 11 ընկերներ պատրաստված էինք մեկնել Չանկըրին դեպի Զմյուռնիա: Բայց մեզ միակ մտատանջութիւն առթող ապագան էնկուրիներէն մեր անցքն էր: Զի դժբախտաբար ուրիշ ճամփա չկար, և երկաթուղին հասնելու համար անհրաժեշտ էր էնկուրի իջնալ: Իսկ մենք «ծովը ինկնողը օձին կը փաթթվի» արևելյան առածին ըսածին համաձայն, կ'ուզեինք օգտվիլ ընդ հսկողութեամբ Այաշ տարվող մեր 5 ընկերներուն ուզեկցող ոստիկան և ոստիկան զինվորներու պաշտպանութիւններէն...

Սակայն մեր 5 ընկերներն թախանձագին կը խնդրեին, որ միջոց մը գտնվի զիրենք փրկելու համար էնկուրիի ճամփով Այաշ փոխադրելու պետական կարգադրութիւններէն:

Ուզելով առ այս փրկութեան վերջին փորձ մը ևս ընել, մանավանդ որ ժամանակ ալ չկար կորսնցնելու, ուստի ողբացյալ Տիրան Քելեկյանի հետ միասին անձամբ նույն օրը այցելեցի Չանկըրիի մյուսթասարըֆի փոխանորդին: Սա Գասթեմուռնիի կուսակալութեան կենտրոնի գաղափարն ոստիկան զինվորներու հրամանատարն էր, որ առժամապես եկած էր իբր փոխանորդ մինչև նոր կառավարչին ժամանումը: Իսկ նախորդ կառավարիչ Ասաֆ, ինչպէս կանխավ հիշեցի, չուզելով ապագային նեթարկվիլ ծանր պատասխանատվութեան, դարձած էր Պոլիս, շարունակելու համար իր փաստաբանական արհեստը: Զի չէր ուզեր Ադանայի եղեռնի ատեն իր գլխուն եկած աղետները կրկնել տալ, ու ինչպէս ինք կ'ըսէր «Օր մը Պոլիս նստող իսկական պատասխանատուները կը փախչին և մենք ոտքի տակ կ'երթանք...» աս մտածումով աճաւարտած էր դառնալ Պոլիս:

Չանկըրիի փոխկառավարիչը, որ ցեղով չերքեզ էր և ողջամիտ ու ազնիւ մարդ մը, սիրով ընդունեց երկուքս և տեղեկութիւններ ուզեց քարտեզացալ այժմու վիճակի մասին: Օգտվելով մեզ ցուց տրված բարյացակամութիւններէն խորհուրդ հարցուցի իրեն, թե արդո՞ւր հարմար կը գտնե՞ր ինք, որ օգտվելով մեզ շնորհված կառավարական բացառիկ թույլտվութիւններէն՝ մեկնե՞նք Արմաշ և հոն սպասե՞նք մինչև պատերազմին վախճանը, և թե կը հաճե՞ր իմ ապահով ճամփորդութեան համար պետական ապահովիչ դուրսութիւններ տալ և ոստիկան զինվորներ ինձի ընկերակցել մինչև էնկուրի:

Բառ առ բառ խնձ կը պատասխանեի հետեւյալը. «Ես Չեղ խորհուրդ չեմ տար Նուրախաս էֆենտի որ Արմաշ երթաք, զի տեսնեք Արմաշու վանքին մեջ քար քարի վրա մնա՞ց...»: Ապա խորհուրդ հարցուցի, թե «Արդո՞ւր հարմար կը դատե՞ր իմ Գասթեմուռնի մեկնելը», քանի որ այս անգամ դեպի արևմուտք էնկուրի երթալու տեղ, դեպի արևելք Գասթեմուռնի կ'ուզեի երթալ, ուր դեռ արցան փոթորիկը հասած չէր: Պատասխանեց.—

«Դուք հոն ժամանակավ առաջնորդութիւն ըրած էք. խոհեմութիւն չէ, որ հոն երթաք. զի թե Ձեր և թե հոն գտնվող հայոց խաղաղութիւնը կրնաք խանգարել... Չեղ խորհուրդ կու տամ՝ ուր որ եք հոն մնացե՞ք... կը ցաւիմ, որ ասկէ ավելի բացատրութիւն չեմ կրնար տալ... դուք խելացի մարդիկ եք, իմ քիչսա շատ հասկցե՞ք...»: Իսկ երբ կը խնդրեինք, որ գտնե՞նք մեր 5 ընկերներուն անմիջական մեկնումը հետաձգել տար, մինչև որ կարելի ըլլար Այաշ տեղափոխելու հրամանը փոխել տալ, պատասխանեց.

«Ես չեմ կրնար չգործադրել Պոլսէն եկած հրաման մը, սակայն վստահ եղեք և ԶԱՎԱԿՆԵՐՈՒՄ ՎՐԱ ԿԵՐԳՆՈՒՄ, որ ամեն կարգադրութիւն ըրած եմ, որպեսզի ապահով էնկուրի հասնին այս Ձեր 5 ընկերները»:

Պաշտոնական բերնե ելած այս ծանրակշիռ բառերուն իսկական արժեքը խորապես ըմբռնած՝ կը մեկնեինք փոխկառավարչին մոտեն, առավել քան երբեք մեզ ամենքս գտնելով անգնդախոր գահավեժին եզերքը..., և ամեն վայրկյան մահվան ճիրաններուն մեջ բզկտվելու անմիջապես հավանականութեան մը առջև...

Նույն գիշերն իսկ բնակած այգիս այցելութեան կու գար թուրք մը, որուն հաճախ բժիշկ, ձրի դեղ ու դարման զրկել տված էի, և իր այգիին մեջ ևս հին աղբյուր մը նորոգել տված էի անձնական ծախքով, ու ասով իր երախտագիտութիւնն ջահած էի, նեղ օրերու հեռատես ակնկալութեամբ... Այգիին մեկ անկյունը առանձնանալե վերջ, ինձի կրսեր խոստովանաբար. «Լսեցի, որ էնկուրիի ճամփով օր մը վերջ Զմյուռնիա երթալու պատրաստութիւն կը տեսնեք. եկա խորհուրդ տալու, որ չերթաք էնկուրի..., ես Չեզմե շատ բարիք տեսա... եկա աղաչելու, որ գլուխնիդ չվտանգեք...»: Ասոր պատճառները իմանալու համար ըրած պնդումներուս վրա կ'ըսէր. «էնկուրիի կուսակալութեան մեջ արյուն կը վազե, ո՛ւր պիտի կրնաք երթալ... ասկի

ավելին չեմ կրնար ըսել: Իմ գավակս ոստիկան զինվորներու տասնապետ է. եթե տղուս էնկուրի տեսածնեք ու ինծի պատմածնեք: Չեզի ըսեմ, կր խելագարիք պարզապես..., ես այսչա՛ր կ'ըսեմ, ի սեր Աստուծո... մի՛ երթաք...»:

Ակներև էր, թե Չանկըրիեն այս օրերուն հեռանալու որևէ փորձ հիմարություն էր մեր լսածներուն համաձայն... Ձի մահվան անողոք ուրվականը ափ առած էր նաև մեր դուռները, արյունի և արցունքի օրեր էին, սարսափը տիրած էր ամեն կողմ, տեղեն շարժելու ժամանակ չէր: Ուտի աճապարեցի հաջորդ օրը երեքշաբթի մեր ընկերներու հաճախած և ամայացած գետ: Իի սրճարանը երթալ և համոզել մեր ընկերները, որ չմեկնին Չանկըրիեն: Սակայն մեր 11 ուղեկից ընկերներուն մեջ եղան համառներ, որոնք ամեն գնով մեկնիլ կ'ուզեին...: Աստուծո կտապաններուն ալ լիառատ դրամական պարգև տալով համոզեցի, որ հաջորդ առտուն շփութան գալ որոշյալ տեղը, որով ինքնին անկարող կ'ըլլային մեր համառ ընկերներն մեկնելու...:

Ո՛հ, հավետ անմոռանալի 1915 օգոստոս 6-ի հինգշաբթի ան սև օրվան լուսնշաղին էր, որ Չանկըրիի մնացորդ աքսորական 18 ընկերներ կը հավաքվեինք գետափի սրճարանի կամուրջին մոտ սպասող երկու կառքերուն առջև: Աս ան կամուրջն էր, ուրկե Չանկըրիեն էնկուրի մեկնողներն անպատճառ պետք է անցնեին, զի «շոսեն» ասկե կ'երկարեր Գալաջըրքի վրայով դեպի էնկուրի:

Չափազանց հուզված էինք ամենքս ալ, արյուն կը վազեր մեր սրտերեն, և հակառակ մեր ջանքերուն, անկարող էինք զսպելու մեր արցունքներն: Մահվան սարսուռ մը կը պարուրեր մեզ, կը տանջեր մեր միտքն, կը լլկեր մեր արդեն տառապահյուծ հոգիները. քանի կը տեսնեինք ողբն ու կոծն մեր հավետ ողբացյալ ընկերներուն Վարուժանի, Սևակի, Օննիկ Մաղազաճյանի և Ջ ընկերներուն...:

Ո՛չ մեկ ատեն հափոգիպած էի այսքան կենդանի բնազդի... կ'ըսեին մեզի՝ «Մնաք բարով... մենք մեռնելու կ'երթանք, հայրսուրբներ աղոթեցեք մեզի համար...»: Եվ երբ տարաբախտ Վարուժան և Սևակ դառնալով կ'ըսեին մեզի, թե «Մեր որբերուն տեր եղեք և...», և երբ Վարուժան ի մասնավորի կ'ըսեր, թե «Նոր գավակ մը ունեցած եմ, թող անունը Վարուժան դնեն...» ա՛լ մեր ամեքին հուզումը չափ ու սահման չուներ և մեր միտքե-

րը չէին գործեր, որ մխիթարության երկու խոսք ըսեինք եղկելիներուն...:

Օ՛հ, չեմ հիշեր իմ կյանքին մեջ՝ հրածեշտի այսքան սրտուշարժ և աղետորով բաժանում մը... Մեր կսկիծը ու միշտը անով ավելի անմխիթար էր, որ ամենքնիս ալ գիտեինք, թե մեր սիրելի ընկերները դեպի վերահաս մահ հուղարկ կը ձգեինք... և ավաղ անզոր էինք զանոնք փրկելու մահվան անողոք ճիրաններեն...:

Մեր մյուս ընկերներու կառքերեն մեկը կու գար և երկուքը կը համենային խորհրդավոր կերպով..., որով և անպայման մեկնելու համառող մեր ընկերները ակամա կը մնային Չանկըրի՝ կառքերուն չգալուն պատճառով...:

Անգամ մըն ալ կ'ողջագուրվեինք մեր ողբացյալ հինգ ընկերներուն հետ, ու երկու կառքերը ընդ հսկողությունս սելանիկցի մեկ ոստիկանի և մեկ ոստիկան զինվորի՝ հուսկ ուրեմն կը հեռանային մեր տեսողութենեն: Լուսնշաղին դեռ փարատել չկրցած մթության մեջեն՝ մինչ մեր ակնարկներն դեռ չէին բաժնվիր իրարմե, զի մեր ամենքին հոգիներն կը վկայեին, թե վերջին անգամ էր, որ կը խաչաձևեին մեր ակնարկներն...:

Ընկճված և՛ մտքով, և՛ հոգիով, և՛ մարմնով, արցունքը մեր աչքերուն մեջ, և արյունը մեր սրտերուն մեջ սառած՝ կը դառնայինք մեր տուները, անձնատուր շարագուշակ երկունքի մը և ժամեժամ բնազդորեն սպասելով գուժկան լուրերու...:

Անկարող տոկալու այլևս շարունակական այս տնավեր սուգերուն, հազիվ այգի հասած, ուժասպառ և հիվանդ կ'իյնայի անկողին, աչքս հառած այգիի մեծ դռան...:

Հաջորդ օրը 1915 օգոստոս 13-ի կեսօրին այցելության կու գային ինձ, վերապրող Հովհան՝ վարդապետ և ողբացյալ Տիրան Քելեկյան. և մահճիս հանդիպակաց բազմոցի վրա նստելով ոչինչ կ'ուզեին խոսիլ: Սակայն իրենց դժգույն և թախծոտ կերպարանքն արդեն կը մատնեի իրենց ներքին մահաբույր փոթորիկը, և վերջապես անհամբեր շարժառիթը ժամ առաջ իմանալու բնական հետաքրքրությունս, հազիվ լուրթյունը խզած և հարց ուղղած, ահա ումբի մը նման կը պայթի իրենց բերենն ակամա թռած սա բառերը. «Աստված Չեզի օրեր տա...»:

Օ՛հ մեր սուգը անբավ էր և անբացատրելի, շէինք գիտեր՝ ո՞ր մեկ սուգին վրա ողբանք. նահատակվողներո՞ւն, որ արգեն մահվան տվին իրենց անխուսափելի բաժինը, թե՛ մեր վրա ողբանք, որ մահվան կարգին կը սպասեինք, առանց գտնելու փրկութեան ճամփա մը:

Ահա մանրամասնութիւնը ահավոր այս եղեռնին:

Չանկերրի իթթիհատի կլուրի անդամներն ալ վաղուց կ'ուզեին մասնակից ըլլալ ճիհատին և արժանանալ իսլամաց մարգարեին վարձատրութեան: Ուստի օգտվելով դոկտ. Զիլինկիրյանի և Վարուժանի ու երեք ընկերներուն էնկուրի փոխադրվելն, կանխավ վեց ժամ հեռու Քյունա կոչված տեղը Հալո անունով քուրդ ոճրագործ մը, մեկ քանի ընկերներով կը դրկեն որ սպասեն մեր ողբացյալ ընկերներուն անցքին:

Հինգշաբթի օգոստոս 12, երբ Չանկերրեն կը մեկնեն մեր ընկերները, տեղվույն իթթիհատի կոմիտեի պատասխանատու քարտուղար Յոնուս կը հեռաձայնե մեր ընկերներուն մեկնումը Չանկերրի-Գալայճըք ճամփուն վրա գտնվող ոստիկանական պահականոցները: Գարձյալ հաջորդ օրը ուրբաթ, կը հեռաձայնե Քյունայի ոստիկանական պահականոցը, հարցնելով, թե «արդեն եկողները սպանված են...»: Բայց ուրբաթ ըլլալուն՝ ոստիկան զինվորները պահականոցեն քիչ հեռու ծառի մը ներքև կերուխումի մեջ կ'ըլլան և պահականոցը կը գտնվի միայն հայ բանվոր մը, որ պահականոցի պատերը կրածեփելով զբաղած է եղել նույն պահուն. և հեռաձայնին հաղորդած այս ոճրապարտ բառերը կ'իմանա...

Երբ մեր 5 ընկերներն երկու կառքով կը հասնին Քյունայի գառիվերը, ուր կը սկսի Գալայճըքի սարավանդը, դեռ չբարձրացած գառիվերը, դարան սպասող 4 քուրդերը կու գան դիմավորել մեր 5 ընկերները:

Չորս քուրդերը երբ առաջանալով կու գան կեցնել առաջին կառքին ձիերը, ոստիկան զինվորը կը հրամայե, որ ոճրագործները ազատ ձգեն ձիերը՝ սպառնալով կրակել: Սակայն կառքերուն ընկերակցող սելանիկցի երիտասարդ ոստիկանը կը հրամայե ոստիկան զինվորին, որ ընդդիմութեան չընեն...

Զի կանխավ ո՞րչափ որ առ այս գաղտնորեն հրահանգված էր ոստիկանն, սակայն ոստիկան զինվորին շէին ուզած գործվելիք ոճրին իրազեկ ընել, վախնալով, որ անգիտակից անգաղտ-

նադահութեամբ մը կրնա տգետ ոստիկան զինվորը վիժեցնել արյան աս խրախճանքը...

Ոստիկանին և ոստիկան զինվորին կրավորական համակերպութեանը վրա, քուրդ Հալո կը հրամայե երկու կառքերուն մեջ գտնվողներուն, որ անձնատուր ըլլալով կառքերեն վար իջնան:

Հազիվ կառքերեն վար իջած, դոկտ. Զիլինկիրյան կը խնդրե թախանձագին այս 4 քուրդերեն, որ խնայեն իրենց կյանքին, և ինք կը խոստանա իր ընկերներուն հետ տալ իրենց ամբողջ հարստութեանը և գույքերը:

Բայց ոճրագործներն իբր պատասխան, մեր 5 ողբացյալ ընկերները, հակառակ ասոնց աղիողորմ պաղատանքներուն, կ'իջեցնեն մերձակա ձորը՝ առվակի եզերքին, և զոհերուն զգեստները անվնաս պահելու համար նախ կը մերկացնեն: Ապա դաշույնները քաշած կը հարձակին իրենց անգնն և անպաշտպան զոհերուն վրա, և անխնա կը սկսին ծակծկել և բզկտել դաշույններով տարաբախտ մեր ընկերներուն մարմինները, և դանակով անդամահատել ասոնց ոտքերն ու բազուկներն և այլ զգայարանքները... Ասոնցմե միայն վարուժան անձնապաշտպանութեան կը դիմե, և իբր պատիժ ոճրագործներն դանակով դուրս թափելէ վերջ փորոտիքը, կը փորեն նաև հայրենասեր բանաստեղծին աչքերը...

Ապա զողոնը բաժնելով իրենց մեջ և դոկտ. Զիլինկիրյանի ու Օննիկ Մաղազաճյանի զգեստներուն երիզներուն մեջ կարված ավելի քան 450 օսմ. հնչուն ոսկին ևս առնելէ վերջ, բաժին կը հանեն նաև ոստիկանին ու ոստիկան զինվորին: Կառքերու մեջ գտնված բեռները ևս իրենց մեջ բաժնելէ վերջ, երկու թուրք կառապաններուն կը հրամայեն, որ առանց ճամփանին շարունակելու անմիջապէս դառնան Չանկերրի:

Թուրք կառապանները կը դառնան գլխիկոր Չանկերրի, և մեկը, որ հազիվ քսանամյա թուրք երիտասարդ մըն էր և բաղնեպանի մը զավակ, պատմեց ինծի այս բոլորը մանրամասնութեամբ ու արցունքով, ավելցնելով՝ «Ասանկ արհեստը գետնին տակն անցնի, ինծի պետք չէ ասանկ շահր... ես կառքս և ձիերս այսօր-վաղը պիտի ծախեմ ու հեռանամ այս քաղաքեն...»:

Աս թուրք կառապան երիտասարդին վրա շափազանց խոր ազդած էին ոճրին գործված միջոցին տեղի ունեցած անլուրջ շարշարալից անգթութեանները... պատմած ատենը նա կու լար:

Միանգամայն պնդելով, որ եթե սելանիկցի ոստիկանը զինվորին արգելք եղած շրջաբեր, կարելի էր դյուրա՞յ դիմադրել և առջև առնել ասքան անգութ ոճրի մը, և փրկել թշվառ 5 զոհերը...

Ուրբաթ կեսօրին հազիվ երկու կառքերը պարապ վերադարձած՝ ոճրին տարածայնությունը արդեն սարսափեցուցած էր մնացորդ աքտորականներու հետ, նաև Չանկըրիի հիսուն տնվոր հայությունը:

Մեր ողբացյալ հինգ ընկերները ողջամբ էնկուրի հասցնելու համար իր զավակներուն վրա երդում ընող փոխկառավարիչ և Գասթեմունիի կուսակալության ոստիկան զինվորներու հրամանատարը, ձի նստելով կ'աճապարեր թյունա՝ մեկ քանի հարցաքննիչ դատավորներով և ոստիկաններով ոճրին վայրը:

Հոն կը գտնեն հինգ թշվառ զոհերը անճանաչելի վիճակի մեջ չուրի մեջ նետված... Ասոնց մարմինները թաղել տալիս և ոճրագործները ձեռք անցնելի վերջ, ոստիկանին ու ոստիկան զինվորին հետ էնկուրի բանտը կը նետվելին պատերազմական ատյանի առջև դատվելու համար: Գատարանին մեջ 4 քուրդերը բացահայտ կերպով հայտարարեցին, թե իրենք գործած են Չանկըրիի իթթիհատի կոմիտեի հրամանով և հանձնարարութեամբ... հետևապէս իրենց հետ անոնք ալ հարկ էր դատարան քաշել...

Աս ոճրագործներուն պետը քուրդ Հալո, որուն հիվանդ աղջիկը ստույգ մահվանի փրկած էր դուկտ. Չիլիկիրյան, այս դեպքին ամիս մը առաջ օր մը կ'ըսե ողբացյալ Սեակին. «Ես քեզ կը մեղքնամ, ձեր զխոն փորձանք պիտի գա, և ոչ ոք ձեզմե չպիտի կրնա ազատիլ. եկուր իսլամ եղիր, աղջիկս ալ քեզ տամ և երիտասարդ կյանքդ փրկե... Ապա թե ոչ՝ եթե այս առաջարկս մերժես, արդեն քեզ մեռցնել կ'ուզեն, ան ատեն ես անձամբ պիտի կտոր-կտոր ընեմ քեզ...»:

Ահա բացահայտ ապացույց մը ևս ոճրին կանխավ պատրաստված ըլլալուն:

Տարաբախտ Սեակ պատմած էր ի կենդանության խոստովանաբար սեկ քանի մտերիմ տեղերու, և առ ի զգուշություն այգիին ևս քաղաք փոխադրած էր իր բնակությունը այս սպառնալիքին վերջ:

Այսպէս անճիտվող ազգը կը կորսնցնէր ավա՞ղ տաղանդավոր երկու գրադեաններ ու բանաստեղծներ, և վաղվան հայ

վերածնունդին կարող ձրկու առաքյալներ, ինչպէս և անչորտաճաս զավակներու տեղ հինգ որդեակեր հայեր...

Բայց դժբախտաբար ժամանակ չունեինք երկար սպասու... զի օր նոր, նախճիր նոր, օր նոր, արյան հեղեղներ նոր... Մինչ մահվան ուրվականը տակավ կը մոտենար մեզի, և արդեն Հայաստանի և Փոքր Ասիո բոլոր քաղաքները ու գյուղերը շրջելի վերջ, հուսկ ուրեմն հասած էր և մեզի և կը սպասեր վեց ժամ հետու թյունայի առջև...

**ՉՈՂՐԱՊԻ ԵՎ ՎԱՐԳԵՍԻ
ԱՔՍՈՐՆ ԵՎ ՍՊԱՆՈՒԹՅՈՒՆԸ¹**

Այն սև օրերուն, երբ 1915 օգոստոսին Հայաստանի և Փոքր Ասիո բոլոր հայությունը՝ «տեղահան» կամ «աքտորի» անվան տակ՝ ի սպանդ կ'առաջնորդվելին, անխնա կոտորելով և՛ մանուկն, և՛ ծերը, և՛ կույսն, և՛ հարսներն ու մամիկները. երբ արդեն Այաշի ու Չանկըրիի քաքտելոց ևս հաշիվն մաքրված էր, և միայն հազիվ մոտ 18—20 մնացորդ անձեր կը սպասելին Չանկըրիի մեջ մեր սև բախտին: Պոլսո մեջ այս միջոցին ձերբակալված էին նաև օսմ. խորհրդարանի անդամ Չոհրապն և Վարդգեսն, և առանց բանտը երկար ձգելու, անմիջապէս ճամփա հանած էին երկաթուղիով դեպի Տիգրանակերտ, հոն տեղվոյն պատերազմական ատյանին՝ առջև իբր թե դատվելու համար: Իսկ մենք արդեն քանիցս դժբախտությունն ունեցանք հիշելու, թե ի՞նչ մասնավոր նշանակութուն ուներ Տիգրանակերտի պատերազմական ատյանին՝ աքտորական հայ զրկելը...

Այս օրերուն նաև կը զուգադիպեր Այաշեն Ակնունիի և հինգ

¹ Տարաբախտ Չոհրապի և Վարդգեսի սպանության վերջին մանրամասնությունները (էջ 148—149) քաղած ըլլալով, թե ականատեսներու թուրք թերթերու մեջ ըրած հրատարակություններին՝ վերադասութեամբ հոս կ'արձանագրենք:

ՈՒՂՐԱՊԻ ԿԵՐՊՈՎ մեզ ծանոթ չեղած մարտիրոսագրուումն այս պատմական հուշիչ գրվագը ուղեցիներ հիշել, այս երկու նշանավոր անձերու նահատակությունն չուզելով մոռացութեան տալ, ի հարգանս իրենց համերժական հիշատակին:

ընկերներուն նույն «նպատակով»... արտոր ղրկվիլն դեպի Տիգրանակերտ:

Օսմ. պառլամենտի մեջ հանուն ազգային շահուց միշտ պայքարող երկու քաջամարտիկ այս երեսփոխաններն, Գոնիայի մեջ առիթ կ'ունենան տեսակցելու մեկ քանի ազգայիններու հետ և կը մերժեն նյութական ո՛րևէ օգնություն:

Իսկ Գոնիայի մոտակա էրեկլիի երկաթուղիի կայարանին առջև, երկաթուղիի հայ դաշնակցական պաշտոնյա մը, հանդգնու-թյունը կ'ունենա տեսակցելու գաղտնապես Ջոհրայի և Վարդգեսի հետ և առաջարկելու փախցնել զիրենք: Սակայն ասոնք կը պատասխանեն, թե իրենք իբր օսմ. պառլամենտի անդամ իրենց կյանքի մասին երկյուղ չունին, և չեն տարակուսիր, որ անպարտ պիտի արձակվին Տիգրանակերտի պատերազմական առյանեն... Միշտ նույն լավատեսությունը:

Երբ Ջոհրայ և Վարդգես կը ժամանեն Ադանա, հոս մեկ քանի ազդեցիկ հայեր մասնավոր թույլտվությամբ կը տեսակցին այս երկու հայ երեսփոխաններուն հետ, առաջարկելով ո՛րևիցե օժանդակություն: Բայց ասոնք կը պատասխանեն, թե ուրիշ ո՛րևէ բանի պետք չունին, միայն կը խնդրեն, որ իրենց Ադանայեն ողջ անցնիլը լուր տան Պոլիս իրենց ընտանիքներուն:

Դարձյալ խիստ հսկողություն մը Պոլսեն ընկերացող ոստիկանապետի մը և ոստիկանի մը, վերջապես ողջամբ կը հասնին Հալեպ:

Այդ օրերուն Հալեպի կուսակալ էր հայոց միշտ բարեկամ ճանչցված նախ Կարնո կուսակալ, ապա ներքին գործոց նախարար Ճեմալ: Աս ստուգիվ կարելին կ'ընե, իբր երկուքին ալ անձնական բարեկամ, փրկելու թշվառները ամենաստույգ մահե մը: Նա փոխանակ բանտ առաջնորդել տալու, պանդոկ մը իջնանել կու տա, և թույլտվություն կ'ընե ցանկացողներուն տեսակցիլ մեծանուն արտարականներուն հետ:

Մյուս կողմեն ինք անձամբ կը դիմե Ջոհրայի և Վարդգեսի «անձնական բարեկամ» և ներքին գործոց նախարար Թալեաթին, խնդրելով, որ իրեն թույլտվություն ըլլա Հալեպի մեջ պահելու երկու արտարականները:

Հալեպի մեջ գտնվող ազդեցիկ թուրք մեկ քանի բարեկամներ ևս, նույնպես կը դիմեն Սուրիո թուրք բանակի ընդհանուր

հրամանատար և ծովային նախարար Ճեմալի և կը խնդրեն երկու արտարականներուն Հալեպի մեջ ազատ արձակումը:

Որովհետև ամեն ոք կը կռահեր երկու տարաբախտ արտարականներուն համար եղբրական վախճան մը, քանի որ Տիգրանակերտի կուսակալ դոկտ. Ռեշիտի կազմակերպած հրոսախմբերը, արդեն ողջ հայ շէին թողուր Ուրֆա-Տիգրանակերտի ճամփաներուն վրա, և անմեղներու արյունը հորդահոս կը վազեր ամեն կողմ: Ամեն ոք գիտեր, թե Ուրֆայեն Տիգրանակերտ ողջ հասնիլ անկարելի էր. ուստի բարեկամներ կը ջանային կարելին ընել առջևը առնելու համար անխուս-փելի աղետին:

Ողբացյալ Ջոհրայ և Վարդգես իրենք ալ անձնապես կը դիմեն իրենց թուրք հին բարեկամներուն, և թախանձագին կ'աղաչեն, որ զիրենք փրկեն... զի իրենք ալ տիրող տարածայնություններին կ'ազդվին և այլևս կը դառնան հոռետես, ու միջոցներ կը սկսին փնտրել, հուսալով փրկվիլ վերահաս մահեն:

Իբր պատասխան եղած բարյացակամ այս բոլոր դիմումներուն՝ Պոլսեն հրաման կու գա, որ Հալեպի կուսակալ Ճեմալ իսկույն պաշտոնը հանձնելով «Հաթիմին» դառնա Պոլիս: Նկատելով, որ կուսակալ Ճեմալ կը պաշտպաներ Ջոհրայն ու Վարդգեսն, իբր միակ միջոց Թալեաթ աս կտրուկ կարգադրությունը խորհած էր...

Ճեմալի Հալեպեն մեկնումի հաջորդ օրն իսկ, Ջոհրայ և Վարդգես երկձի կառքով մը և ընդ հսկողությամբ ճամփա կը հանվին դեպի Ուրֆա, և հազիվ քաղաք ժամանած ուղղակի կ'առաջնորդվին բանտ:

Ճիշտ այս միջոցին բանտարկված էին նաև տարաբախտ օժակիցս Ուրֆայի Առաջնորդ Արտավազը ժ. վարդապետ երկու նրեսացի հայ երեկիներու հետ, իբր սկզբնավորություն Ուրֆայի հայոց տեղահանություն:

Այս օրերուն Տիգրանակերտի արյունկազակ կուսակալ դոկտ. Ռեշիտեն վերջ ամենաազդեցիկ անձերն էին այս կողմնորուն մեջ՝ Պոլսո մեջ Ջեքին սպանող Ջեքեզ Ահմետ և պատերազմական նախարար էնվերի հորեղբայր խալիլ: Ասոնք հեծյալ հարյուրավոր խումբերով հրոսակներու (չեթա) գլուխն անցած և բոլոր ճամփաները բռնած, հյուսիսեն դեպի հարավի անպատները, ոչխարի հոտերու նման քշվող հայ քարավաններու մնացորդները կը կռտրեին անխնա, ահավոր սպանդանոցի մը

վերածելով Մալաթիա-Ուրֆա-Տիգրանակերտի շրջանները ու Շամփաները:

Զոհրապ և Վարդգես Եղեսիո մեջ կը հյուրասիրվին Ուրֆայի օսմ. երեսփոխան, հետևապես և Զոհրապի ու Վարդգեսի պաշտոնակից Մահմուտ Նետիմե: Բայց այս հյուրասիրութեան անունին ներքև թակարդ մը լարված էր: Որովհետև հագիվ երեկոյան ընթրիքը կամա-ակամա ըրած, շորս ոստիկաններ գալով կը պահանջեն թուրք տանուտերեն երկու ողբացյալ աքսորականները, ըսելով, թե «կառքը կը ապաս, իարբերդ պիտի երթան»:

Տարաբախտ Զոհրապ, զգալով, թե դեպի մահ կ'առաջնորդվին, և թե այլևս իրենց ժամերը համրված են, տանտիրոջ՝ Մահմուտ Նետիմի վիզը իյնալով, կ'աղաչե ըսելով. «Մեզ սպանելու կը տանին, կ'աղաչեմ միջամտեցեք...»: Բայց Վարդգես՝ հեղափոխականի վայել սառնասրտութեամբ անտարբեր կը մնա դեպի անխուսափելին, զի ինք իր հեղափոխական կյանքին մեջ ի պատանեկութենե, վաղուց ընտելացած էր մահվան հետ և ինչ որ կ'ապրեր ավելին էր...

Մահմուտ Նետիմ կը խոստանա միջամտել, սակայն ոչ ոք կրնա թափանցել այս եղերական ու եղեռնական իրադարձութեանց գաղտնիքին...

Շուկ ուրեմն հեծյալ ոստիկան զինվորներու հսկողութեամբ Զոհրապ և Վարդգես մեկ կառքի մեջ, և Եղեսիո առաջնորդ Արտավազդ ժ. Վարդապետ Գալենտերյան ու տեղվոյն երևելիներեն երկու հայեր, երկրորդ կառքի մը մեջ նստեցնելի վերջ, ճամբա կը հանվին դեպի Տիգրանակերտ...

Եղեսիայեն մեկ ժամ հեռու Գարաքեռփրիվ ըսված վայրը հագիվ հասած՝ ըստ նախօրոք եղած կարգադրութեան, կը պաշարվին մեր կալանավորները: Չերքեզ Մեհմետ և Խալիլ իրենց զինավառ հեծյալ շեթներով կը կանգնեցնեն փոքրիկ այս քարավանը և կը հրամայեն ոստիկան զինվորներուն, որ զոհերը ձգելով վերադառնան, քանի որ ասոնց պաշտոնը այլևս լրացած էր:

Ահավոր վայրկյանը կը մոտենա... Արյունարբու հրոսպետները կառքեն վար կ'առնեն եղերաբախտ քսորականները, և իրենց հետ բերած մեկ մետրանոց երկաթե գամբրով գետին կը բնեռեն եղկելիները: Կը փետտեն Արտավազդ վարդապետի մորուքն և կը կտրեն բոլորին ալ զլուխներն, զանազան տան-

ջանքներ տալն վերջ: Մի առ մի կը կտրեն նաև թշվառներուն բոլոր անդամներն, նախապես մերկացնել օ վերջ:

Եղեռնի այս լուրը Ուրֆայի կառավարիչը կը հեռագրե Պոլիս, ուր օրեօր Զոհրապի և Վարդգեսի սպանման ավետավոր լուրին կը սպասեին Քալեաթ և իթթիհատի կոմիտեի կենտրոնի անդամները: Զոհրապի և Վարդգեսի սպանման լուրը առնելով, ներքին գործոց նախարար և ողբացյալներուն իրր թե բարեկամ Քալեաթ լուր կը ղրկե առաջնույն տիկնոջ, թե Զոհրապ սրտի հիվանդութիւն ունենալով, Տիգրանակերտի ճամփուն վրա կաթվածահար եղած է կառքին մեջ...: Իսկ Վարդգեսի կէող բացառարար կը թուլլատրե մեկնիլ Բուլղարիա, մինչ ցայն վայր արգելք եղած էր, և Վարդգեսի տո այս ըրած բոլոր դիմումներուն միշտ պատասխանած էր՝ «Վարդգես քեզի Բուլղարիա երթալու հրաման չեմ տար. գիտեմ՝ օձիքդ ազատել կ'ուզես, բայց ճար շկա, մենք ինչ որ ըլլանք, դուն ալ մեզի հետ պիտի ըլլաս...»:

Խորհրդավոր այս խոսքերուն նշանակութիւնը ողբացյալները վերջը միայն հասկցան, երբ արդէն ուշ էր...

Ճիշտ նույն տեղվոյն մեջ, այս սարսափելի սպանութենեն 8 օր առաջ, կը նահատակվին ուրֆացի և տիգրանակերտցի գործավոր գումարտակներու (ամելե թափուրի) 4000 հայ զինվորներ, ամենախժոզուժ ու շարշարալից մահվամբ:

Այսպիսի եղերական ու ահավոր մահ մը կ'ունենան Զոհրապ և Վարդգես, որոնք հայ ժողովրդի շահերու պերճախոս փաստարաններն էին օսմ. Մահմանադրութեան 1908-ի վաղորդայնին ընտրված օսմ. երեսփոխանական ժողովին մեջ: Իսկ մասնավորաբար կարենցի Վարդգես, իր քսանամյա տարիքեն սկսյալ անվճատ և քաջարի վետերանն էր եղած հայ ժողովրդի փրկութեան դատին. և բազմիցս տարիներով բանտարկված, հալածված, խոշտանգված և օսմ. Մահմանադրութեան միայն բանտեն արձակված էր՝ օգտվելով քաղաքական բանտարկյալներուն ընդհանուր ներումեն:

Այս բազմաշարշար նահատակներեն հիշատակութեան արժանի է նաև մասնավորաբար Եղեսիո առաջնորդ ողբացյալ Արտավազդ վարդապետ: Ըլլալով ինձ օձակից, շատ մոտեն հարաբերութիւն ունեցած էի իր հետ, որ նկարագրով հույժ ազնիվ և անկեղծ հայրենասեր եկեղեցական մըն էր և համբա-

վավոր երս ժշտագետ, ինչպես նաև հմուտ հայ եկեղեցական և եվրոպական երաժշտության հավասարապես:

Աստիճաբալ ինկան պատվո դաշտին վրա, ու զոհարեցվեցան հայրենիքի փրկության ազատության սեմին վրա...

Բարբե, իրենց կյանքին մեջ փափագելով փափագած էին տեսնել արյունազանգ հայրենիքի ազատությունը, և շտեսած սակայն փակեցին իրենց աչքերը առ հավետ, իրենց անմեղ արյունով ոչ նվազ սատարելով հայ ժողովրդի փրկության:

Իսկ այս ահավոր եղեռնին գլխավոր դերակատար և էնվերի ազգական Խալիլ, իբր վարձատրություն, Պոլսո կենտրոնական կառավարությունը՝ փաշայության աստիճանով, անվանեց Բաղդադի թրքական բանակի վերին հրամանատար, ավելի ընդարձակ ասպարեզ տալու համար նորանոր եղեռնագործությունաց:

Այս նույն Խալիլն է, որ ապա կովկասյան ճակատ անցնելով, հենց միացավ նորակազմ Ատրպեյճանի թաթար հանրապետության զինվորական շարժումներուն, նպատակ ունենալով կովկասահայությունն ալ, արևմտահայերուս նման բնաջինջ ընել: Հակառակ պարագային՝ արհամարհելի և տկար պետություն մը դարձնել Հայաստանը, առաջին առթիվ ի մի հարված զարնելու ու անդամահատելու իբր պատրաստ որս:

Գարձյալ այս Խալիլն էր, որ 1919-ին հայկական Ղարաբաղն ու Զանգեզուրը ազգային մեծանուն քաջարի հերոս զորավար Անդրանիկի հեռանալեն վերջ ահավոր կոտորածի ենթարկեց և անխնա ջարդեց Շուշիի հայությունը, առանց խնայելու սեռի և հասակի, արյունոտ նոր էջեր ավելցնելով հայ ազատագրության և նահատակության արյունաշաղախ սև էջերուն վրա:

16.

ԶԱՆԿԸՐԻԻ ՀԱՅՈՒԹՅՈՒՆԸ ՍԱՐՍԱՓԻ ԹՐԵՐՈՒՆ ՄԵՋ

Արդի թուրք կայսրության հին Հայաստանի սահմաններուն մեջ երեք հազար տարիներ ի վեր ապրող ամբողջ հայությունը, բացի Պոլսեն և Զմյուռնիայեն, 1915-ին արդեն ³/₄ մասով բնաջինջ եղած էր՝ համատարած արյան ջրհեղեղով մը:

Վերջապես կենտրոնեն ստիպողական հրաման կու գար. Տեր Զորի անապատները քարոքելով բնաջինջ ընելու նաև Գասթեմուռիի կուսակալության մեջ գտնված ամբողջ հայությունը, որ հազիվ ընդամենն 1800 տուն կամ 10.000 անձ կը հաշվվեք այն ատեն, մեջը ըլլալով նաև հազար տուն ավելի հայ բաշաները:

Սակայն կուսակալ Ռեշատ Փաշա, ազնիվ, խոհական և հին թուրք դպրոցին պատկանող անձ մը, ներքնապես սաստիկ հակառակ ըլլալով իթթիհատի ոճրագործ աշխարհավեր կոմիտեին, հուլիսի սկիզբեն ի վեր Պոլսեն ղրկած այս հրամանը շէր գործադրած:

Ասկի զատ Գասթեմուռիի կենտրոն քաղաքին մեջ ապրող թուրք ժողովուրդի մեծամեծներն, իր մոտ հրավիրելով հարցուցած էր, թե իրենք դժգոհություն մը ունի՞ն իրենց զրացի հայերեն: Իսկ թուրք երեկիները նախ բերանացի և ապա Ռեշատ Փաշայի միջոցով հաղորդած էին Պոլիս գրավոր կերպով, թե «Իրենք դարեր ի վեր բարի դրացիության մը և առևտրական ընդարձակ հարաբերության մը կապված ըլլալով հայերու հետ, ոչ միայն դժգոհություն մը չունեին ասոնցմե, այլև նյութական մեծամեծ վնասներու պիտի ենթարկվեին, եթե Տեր մի՛ արասցե հայերը տեղահան ըլլային»:

Կուսակալ Ռեշատ Փաշան, մյուս կողմեն բացահայտ կերպով ամենուրեք կը հայտարարեր, թե հայերը օսմանյան պետության սյունն են, թե առանց հայերու երկիրը հույժ աղքատության կ'ենթարկվի, թե իթթիհատի կոմիտեն հույժ անհեռատես և հայրենիքին շահերուն գլխովին հակառակ քաղաքականության մը կը հետևի՝ հայերու բնաջինջման հետամտելով, և որ առաջիկային օսմ. պետությունը կրնա կործանարար մեծ պատասխանատվության ենթարկել:

Գասթեմուռիի կուսակալին այս ընթացքը բոլորովին հակառակ ըլլալով իթթիհատի կոմիտեն և թուրք կառավարության զաղտնի հայաջինջ քաղաքականության, ներքին գործոց նախարար Քալիաթ, Գասթեմուռիի օսմ. երեսփոխանին միջոցով բերանացի լուր կի ղրկեր Ռեշատ Փաշայի, որ եթե պաշտոնանկ ըլլալ չ'ուզեր, իսկույն հրաժարի կուսակալական իր պաշտոնեն:

Իսկ Ռեշատ Փաշա, իբր պետական պաշտոնեից մեջ սկզբունքի ծառայող եզակի ազնիվ անձնավորություն մը, հրաժարելով իր պաշտոնեն, հուլիսի վերջը մեկնեցավ Պոլիս, մտա-

դրելով մայրաքաղաք հասնելուն; այս սխալ քաղաքականու-
թյան դեմ յուրովսանն պայքարիլ, քանի դեռ ուշ չէ...

Ռեշատ փաշայի փոխանորդ կարգված Գատրն անմիջապես
հրաման կ'ընն Չանկըրիի նոր եկած կառավարչին, խիստ խու-
զարկության ենթարկել տեղվոյն հայոց տուները, ասոնցմե հա-
վաքելով բոլոր զենքերը:

Սեպտեմբերի սկիզբներուն օր մը, ոստիկաններն և ոստի-
կան զինվորներն պաշարված գտանք Չանկըրիի հայոց բոլոր
թաղերը, նույնպես ա՛հ ու սարսափի մատնելով տեղվոյն ամ-
բողջ հայութիւնը: Սակայն հակառակ եղած մանրակրկիտ
խուզարկության, ոչ մեկ զենք չգտնվեցավ հայոց տուններուն
մէջ: Ասոր վրա իրողութիւնը պարզող այս ապարդշուն խու-
զարկության պարագան հայոցս նպաստավոր տեղեկագրով մը
հաղորդվեցավ Գասթեմունի: Բայց Չանկըրիի իթթիհատի կո-
միտեն երբեք գո՛հ չեղավ այս ձեռնունայն խուզարկութենէն, զի
չկրցավ հակառակ իր ակնկալության, հայերը տեղահան կամ
աքսոր ընելու ՊԱՏՐՎԱԿ մը ձեռք բերել:

Իբր ապացույց այս ակնհայտնի դժգոհության, խուզարկու-
թյան հաջորդ օրը Չանկըրիի իթթիհատի պատասխանատու
քարտուղարը Յոնուս, որ ողբացյալ Սեակի և Վարուժանի սպա-
նումը կազմակերպած էր, խստիվ կշտամբելով Չանկըրիի ոս-
տիկանական տնօրենը, կ'ըսէ ի մեջ այլոց. «Եթ՞ ՉԱՅԵՐՈՒ ՏՈՒ-
ՆԵՐՈՒՆ ՄԵՋ ՁԵՆՔ ՉԳՏԱՆ, ԳՈՆԵ ԶԷԻՔ ԿՐՆԱՐ ՉԵՏԵՐՆԻԿ
ՄԵԿ ՔԱՆԻ ՁԵՆՔ ՏԱՆԵԼՈՎ, ՄԵԿ ԵՐԿՈՒ ՉԱՅԵՐՈՒ ՏԱՆ ՄԵՋ
ԳԱՂՏՆԱՊԵՍ ՉԳԵԼ, ԵՎ ԱՊԱ «ԱՀԱ ԳՏԱՆՔ» ԸՍԵԼՈՎ ԸՍՏ ԱՅՆՄ
ՈՍՏԻԿԱՆԱԿԱՆ ՊԱՇՏՈՆԱԿԱՆ ՏԵՂԵԿԱԳԻՐԸ ՊԱՏՐԱՍՏԵԼ...
ԱՍ ՈՐՔԱՆ ԱՆՃԱՐԱԿ ԵՔ ԵՂԵՐ, ԵՎ ԱՆԳԻՏԱԿԻՑ՝ ՕՐՎԱՆ ՊԵՏԱ-
ԿԱՆ ՔԱՂԱՔԱԿԱՆՈՒԹՅԱՆ...»:

Ի դեպ է հիշել հոս, թե հայարնակ բոլոր վայրերու մեջ, եթե
5 տեղ զենք գտան հայոց մոտ, 100 տեղ ալ իրենք դրին, և ապա
«ԳՏԱՆՔ» ըսելով կարծեցին իրենց ահավոր եղեռնին ՉՔՄԵՂԱ-
ՅՈՒՄԸ պատրաստած ըլլալ:

Նույնիսկ բազմաթիվ վերապրող ականատեսներ և հայ լու-
սանկարիչներ կը վկայեն թե շատ տեղեր, ինչպես Ադանայի մեջ,
ոստիկան զինվորներու զենքերը առնելով մեկ տեղ խառնի-
խուռն դիզելն վերջ, ասոնց ալ վրան պետական ձեռնառումբեր
զետեղելով, լուսանկարել տված են և գրքերու ու պատկերազարդ
թերթերու մեջ հրատարակելով, ուզեցին իրենց չքմեղացումին

իբր ապացույց ծառայեցնել արտաքին քննադատ թշնամիներու
դեմ:

Իթթիհատի տեղական կոմիտեի պնդումին վրա, ամիս մը
վերջ կրկին ամենայն խստութեամբ եկան խուզարկել Չանկըրիի
հայոց բոլոր տուները, և կրկին ձեռնունայն և գլխիկոր ետ դար-
ձան:

Այնուամենայնիվ Չանկըրիի հայերու տեղահանութեան հրա-
մանը շուշացավ Գասթեմունիէն Չանկըրիի կառավարութեան,
իբր արդյունք Չանկըրիի իթթիհատի կոմիտեին համառ մի-
ջամտութեանը:

Կրկին շար ըուզադիպութեամբ մը, 1915-ի Վարդավառին
նման՝ ս. Աստվածածնի տոնն ևս սուգի ու սարսափի մեջ ան-
ցուց Չանկըրիի ափ մը հայ թշվառ ժողովուրդը, հետևյալ աղե-
խարշ հանգամանքներու ներքև:

Մինչդեռ երկսեռ հայ ժողովուրդը մեծամասնութեամբ եկե-
ղեցին կը գտնվեր, հանկարծ Չանկըրիի գլխավորական հրամա-
նատարին կողմն հայոց միթարին միջոցով հետևյալ հրա-
մանը հաղորդվեցավ ինժի, որպեսզի զեկուցանեմ ներկա ժո-
ղովրդյան:

«Երեք օր պայմանաժամ կը տրվի Չանկըրիի հայ ժողովրդին,
դեպի Տեր Զոր մեկնումի պատրաստվելու համար: Յուրաքան-
չյուր ոք ազատ է իր կինն ու զավակները հետը առնելու կամ
քաղաքը ձգելու: Փախչողները և պահվողները մահվամբ պիտի
պատժվին»:

Հազիվ պետական այս մահազուժ հրամանը հաղորդված
ներկա եղող ժողովրդյան, աղոթքի տաճարը կը դառնար իս-
կույն վայնասունի, լացի ու կոծի վայր մը: Սուգը ընդհանուր
էր, որովհետև ամեն ոք գիտեր այլևս, թե Տեր Զոր աքսոր եր-
թալ ի՞նչ ըսել էր... Պատանիներն մինչև ութսունամյա ծե-
րունիները խուժելով սեղանին, առջև, կ'աղաչէին որ Եկեղեցվո
վերջին սուրբ խորհուրդով զիրենք նախապատրաստենք ահա-
վոր վախճանին..., որովհետև մահվան ժամը վերջապես հնչած
էր..., հարկ էր վերջին պարտականութիւններն կատարել...

Ս. Պատարագի հայր մերին ժամանակ արդեն սեղանին առ-
ջև պատրաստ կը սպասէին 58 ՄԱՀԱՊԱՐՏՆԵՐ, որոնք ամենքն
ալ անկարող զսպելու իրենց պոռթկացող հուզումը հեկեկանոք
կու լային... Բայց ա՛լ ավելի սրտաճմլիկ էր այս թշվառներուն
եկեղեցին ներկա եղող կիներուն, զավակներուն և ծերունի մայ-

քնքառ ողբն ու կոծն, իրենց հառաչանքնեղով: լալուններով և անեծքներով եկեղեցվո ցած կամարներն վար կը բերեին...

Անկարելի էր ներկա ըլլալ այս ահապոր տեսարանին և մինչև սակրներն շարստալ ու շարտասվել: Կու լայինք ամենքս ալ, և՛ հովիվ և՛ հոտ մեր հայու անբախտ ճակատագրին վրա, կու լայինք և գնացողներուն վրա, և մնացողներուն վրա:

Որովհետև իթթիհատական մահվան անգութ մահուազը խտիք էր դնել ո՛չ կուսակցականի, ո՛չ պահպանողականի, ո՛չ մանուկի, ո՛չ ծերի, ո՛չ արուի և ո՛չ էգի, հրամանը սաստիկ էր, բնաջինջ ընել հայ ցեղը, անխնա կոտորելով մինչև վերջին աննշան բեկորը մահապարտ հայութեան...

Սակայն ա՛լ ավելի անտանելի էր իմ վիճակը. ըլլալով հովիվ մահվան դատապարտված և հալածական անմեղ ժողովրդի մը, յուրաքանչյուրը կը վազեր մոտս, օգնութեան, փրկութեան, հուշի կամ մխիթարութեան խոսք մը սպասելով...

Բայց բա՛բ բնքս ալ ըլլալով մահվան դատապարտվածներն անդրանիկ մեկը, հակառակ բոլոր կամեցողութեանս, անզոր էի ո՛րևէ օգուակար ձեռնարկ ընելու...

Կապրեհինք համառարած նախճիրի, այնպիսի անլուր, և մտքով իսկ անըմբռնելի այնպիսի սարսափելի օրերու մեջ, երբ ողջ մնացողներս երանի կու տայինք ամեն անոնց, որոնք շարշարանքի, խոշտանգումի և աներևակայելի տառապանքով սպառնացող մահվան, վճարած էին արդեն արյունի իրենց անճողողարելի տուրքը: Մինչ կենդանի մնացողներս իրապես կենդանի նահատակներ էինք, ամեն օր քանի մը անգամ կը մեռնեինք ու կ'ողջանայինք, վաղվան վերահաս երկյուղը մեր սրտերուն մեջ, մահվան շարշարալից սարսափը մեր տանջվող հոգիներուն ու մտքերուն մեջ...

Բայց այնուամենայնիվ վերջին փորձ մը կ'ուզեինք ընել. ո՞վ գիտե թերևս հաջողեինք, հակառակ ամեն հոռետեսութեան..., քանի որ թուրքը դրամով միշտ սովոր էր վաճառելու իր ամենանվիրական սրբութիւններն ալ...

Ուտի՛ անմիջապէս քաղաքին հայ երեւելիներն երկուքը բնակարանս հրավիրելով սկսանք քննել բոլոր նպատակովոր և աննպատ հավանականութիւնները:

Խորհուրդ ընել վերջ, որոշվեցաւ անմիջապէս հաջորդ օրը մեռելուցի երկուշաբթին, գաղտնի սակարկութեան մտնել Չանկըրի իթթիհատի կոմիտեի Պոլսն ղրկված պատասխանատու

քարտուղար Յոնուսի հետ, որ իսկական շարժիչ ուժն էր տեղվոյն հայահալած քաղաքականութեան, և կազմակերպիչը Սեակի ու Վարուժանի սպանդին:

Հուսալից էինք անով, որ տեղվոյն հայ երեւելիներն մեկը, որուն հետ խորհրդակցելով այս քայլն կ'առնվիր, ի նկատի առնելով Չանկըրիի հայ փոքրաթիվ ժողովուրդին նյութական անձուկ վիճակը, խոստացած էր նույն օրն իսկ 500 հնչուն ոսկիի գումար մը տրամադրել այս նպատակին. և ավելի ալ զոհարարութիւն ընել, եթէ հույս ըլլա ժողովուրդը փրկել ստույգ մահվան:

Ամենքս ալ կը տրամարանեինք, թե Չանկըրիի հայութեան շարժուն ու անշարժ հարյուր հազար ոսկիի հարստութեանը փրկելու համար կ'արժեր մեկ քանի հազար ոսկի փրկանք տալ, իող թե ասով փրկվելիք հարյուրավոր կյանքերը գին չունեին ընկանաբար:

Հարկ էր տրված երեքօրյա պայմանաժամին մեջ սակարկութիւնը լրացնել, և վճարման համար ևս պայմանաժամ մը ստանալ: Իսկ ամեն գործառնութիւն այս մասին կը կատարվիր ծայր աստիճան գաղտնապահութեամբ, զի հակառակ պարագային միայն փութացուցած պիտի ըլլայինք մեզ սպաննացող անխուսափելի մահը:

Իթթիհատի կենտրոնական կոմիտեն աղետի այս օրերուն, նոր կարգադրութեամբ մը, Պոլսն մեծ ու փոքր բոլոր քաղաքները մեկ-մեկ քննիչ ղրկած էր՝ «պատասխանատու քարտուղար» անվան ներքև: Ասոնք իսկապես իթթիհատի կենտրոնական կոմիտեի աջքն ու ականջն էին, և գավառի տեղական կառավարական պաշտոնեւորութեան վրա խիստ հակակշիռ ի գործ կը դնեին: Ով որ իթթիհատի քաղաքականութեան հակառակ ուղղութիւն կը բռներ, իսկույն տեղեկագրվելով Պոլիս, պաշտոնանկութեան հրաման կու գար, ըլլար ան տեղակալ (գայմագամ), կառավարիչ (մյութասարըֆ), և նույնիսկ եթէ կուսակալ (վալի) ըլլար:

Զի իսկական կառավարութեան ղեկը ասոնց ձեռքն էր: Հաջորդ օրը կանխավ առնված ժամադրութեամբ մը, երկու անձեր կը ներկայանային գաղտնի կերպով գիշերը, պատասխանատու քարտուղարին տունը:

Իթթիհատի այս լիազոր ներկայացուցիչը, երկար բանակցութիւններ վերջ, հուսկ ուրևմն սակարկութեան մտնելով իբրև

վերջին խոսք 1500 հնչուն ոսկի կը պահանջեր 24 ժամվան մեջ վճարվելու պայմանով, հակառակ պարագային անմիջապես գործադրել մեզ Տեր Զոր ղրկելու տարազրույթյան հրամանը...

Իթթիհատի լիազորը երկու մասնավոր պայման կը դնեք առ այս. Ա—ծայր աստիճան գաղտնի պահել երկուստեք պատասխանատվության ենթարկող արյան այս սակարկությունը. Բ—Աս վճարելի 1500 ոսկվո գումարին համար ընկալադիր շահահանել, այլ իբր նվեր տալ հանուն Չանկըրիի մեջ իբր թե կառուցանելի իթթիհատի կուրբի մը շենքին ու հողին արժեք:

Ասոր փոխարեն, լիազորը համամտությամբ Չանկըրիի իթթիհատի կուրբին ամենաազդեցիկ տեղացի մեկ անդամին, խոստացած էր Չանկըրիի հայությունը տարագրելու ամեն հրաման անհետևանք թողուլ և զգուշական միջոցներ ձեռք առնել, պաշտպանելու համար տեղվոյն հազիվ 50 տնվոր փոքրաթիվ հայ ժողովուրդը:

Հաջորդ օրը, պայմանաժամը լրանալեն առաջ արդեն հազար ոսկին վճարած էր իթթիհատի լիազորին: Իսկ այս գումարին կեսը անձնապես վճարած էր, ըստ իր խոստման, հաճի Փեթրակի Շախյանը, ազնվասիրտ պատվական ծերունին:

Թեպետ ստուգիվ, Չանկըրիի հայությունը ասով չկրցավ վերջնականապես փրկվիլ աքսորե ու մահվանե, սակայն գոնե կրցանք յոթն ամիս ժամանակ շահիլ և անցընել մեր գլխուն վրայով արյան համատարած փոթորիկը:

Ապա թե ոչ, եթե ընդհանուր կոտորածի օրերուն զուգագիպեր մեր արսորը, ստուգապես մեզմե ոչ ոք պիտի կրնար ազատիլ մահվանե, որովհետև մեր անցած ճամփաներեն—Յոզկատ—Պողազլյան—Կեսարիա—ս'չ մեկ հայ աքսորականներու քարավան կրցած էր ողջ անցնիլ:

Հակառակ անոր, որ սաստկագուցն շրջանին՝ փրկանք վճարելով առժամապես արյան թաթառը անցուցած էինք, սակայն մեզմե ամեն անոնք, որոնք իրերը իրենց բնական երանգով վերլուծելու ընդունակ էին, գիտեին, թե մեր ըրածը պարզապես ժամանակ շահիլ էր, և թե միշտ վտանգի ներքև էինք: Միայն մեր հույսի իթթիհատի դեմ Պոլսո մեջ առաջ գալիք հավանական ապստամբություն մը և կամ անգլիական նավատորմին ճարտանելը բռնի անցնելով Պոլիսը գրավելն էր: Ուրիշ տեղերի ո'րևիցե հույս չունեինք:

Սեպտեմբերի վերջին օրերուն էր, երբ Չանկըրիի մնացորդ

աքսորականներն վեց Պազի ևս, անոնցմե երկուքը եկեղեցական, օգտվելով կառավարության՝ Պոլսեն զատ ուզած տեղերնիս ձամփորդելու և բնակելու հրամանեն, քաշությունը կ'ունենային Չանկըրիեն մեկնելու էնկուրիի ճամփով դեպի Զմյուռնիա:

Գարձյալ կ'ենթարկվեինք ակամա ահ ու դողի, որովհետև արդարև հանդուրություն էր այնքան արյունոտ փորձերի և կորուստների վերջ, կրկին էնկուրիի ճամփով որևէ տեղ երթալ:

Բայց բարեբախտաբար այս անգամ իրենցմե կը ստանալինք նամակ. որով կ'իմացնեին մեզի, թե Զմյուռնիա մեջ գիշեր բանտը վար դնելի վերջ, Ուշագ ղրկված էին հոն բնակելու թույլտվությամբ:

Ասոնք զինադադարի վաղորդայնին՝ վեցն ալ ողջամբ վերադարձան Պոլիս, և խանդով նվիրվեցան հանրային գործունեության, իբր անվհատ մտավորականներ:

էնկուրիի կուսակալի փոխանորդ դահճապետ Աթըֆ էնկուրիի կուսակալության մեջ գտնվող 85.000 հայությունը 9/10 մասով ջարդել տալի վերջ, այլևս ընելիք գործ մը մնացած չըլլալով սույն կուսակալության մեջ, ներքին գործոց նախարար Թալեաթի կողմե իբր վարձատրություն իր «բարվոք» պաշտոնավարության, կուսակալի իսկական աստիճանի բարձրացումով պաշտոնի կը կոչվեր Գասթեմունի, տեղը գրավելով հայերը չջարդելուն համար պաշտոնեն հրաժարեցուցված կուսակալ Ռեշիտ փաշային:

Հազիվ իմացված, թե Աթըֆ Գասթեմունիի կուսակալ նշանակված է, և մեկ քանի օրեն Չանկըրիեն անցնելով իր նոր պաշտոնատեղին՝ Գասթեմունի պիտի երթա, արդեն Չանկըրիի ամբողջ հայությունը ենթարկված էր իսկույն ահ ու սարսափի: Որովհետև բնազդաբար կը զուշակեինք, թե Աթըֆ Գասթեմունիի կուսակալության պաշտոնին կը կոչվեր, միայն հաշիվը մաքրելու համար նաև Գասթեմունիի կուսակալության մեջ դեռ ողջ մնացած և շտարագրված մնացորդ հայություն...

Այս օրերուն, հազիվ Աթըֆի Գասթեմունիի կուսակալ ըլլալու բոթաբեր լուրը լսած, ողբացյալ Տիրան Քելեկյան հուզյալ կու գար բնակարանս ըսելով՝ «Հայր սուրբ լմնացա՛ք... Աթըֆ Գասթեմունիի կուսակալ նշանակվեր է... մեկ քանի օրեն արդեն պիտի ձեռնարկե պաշտոնին, անցնելով քաղաքս: Ալ մեր օրերն համրված են... կ'աղաչեմ եկեղեցի երթանք և ինձի

սուրբ հազորդութուն տուր, ա՛լ մահվան պատրաստվելու է այժմեն, որովհետև աս հրեշի՛ն ձեռքեն ալ կարեւի չէ ազատիլ:

Կը շանայի մխիթարել և քաջաւերել զինքը և համոզել, թե ամեն հուշս դեռ կորսված չէ... կրնանք դեռ միջոցներ խորհիլ...

Իբր պատասխան կ'ըսեր ինծի. «Հայր սուրբ դուն շես ճանշնար թուրքը. ես 30 տարի է ասոնց մեջ եմ և թուրք պատմութեան ուսուցիչն եմ երկար տարիներ ի վեր օսմանյան համալսարանին մեջ: Աս ազգը ոճրագործ ցեղ մըն է. եթէ 36 սուլթան ունեցած են, 14-ը սպանած են... Ցեղ մը, որ իր թագավորներուն չի խնայեր, մի՞թէ մեզ պիտի խնայե... Ափսո՛ս, որ 30 տարի աս ոճրագործ ցեղին համար գրիչ շարժեցի և միտք հոգնեցուցի. երանի՛ թէ ձեռքերս կոտրեին և ես ասոնց համար աշխատած չըլլայի... քանի որ վերջս աս պիտի ըլլա եղեր...»

Գոնե դուք կը մխիթարվիք, խորհելով, թե ազգին համար քստրվեցաք ու կը մեռնիք... Իսկ ես կ'արժե՞ր որ այսքան ապերախ ցեղի մը համար 30 տարի շարունակ աշխատեի...»: Խորին համոզմամբ կը հայտնեի, թե ՈՐՈՇԱՍ ԵՄ ԱՄՆԵ ԳՆՈՎ ՉՄԵՌՆԻՆԷ, տեսնել կարենալու համար վերածնվող Հայաստանի ձեռքազատված արշալույսը... Ստուգիվ ողբացյալ Քելեկյան շէր սիււլեր, և կը գտնեինք կատարյալ իրականութուն, երբ իր սպանութենէն վերջ կը վերհիշեինք իր նշանակալից այս խոսքերը:

Առնելով թուրք պատմութեան միայն մեր օրերը, թուրք ժողովուրդը 1876-ին սպանած էր իր թագավորը՝ սուլթան Աբդուլ Ազիզը: Ասոր հաջորդը՝ սուլթան Մուրատ, հազիվ վեց ամիս թագավորելի վերջ իբր «ԵՆԷԼԱԳԱՐ» գահէն բռնի վար առնելով, հրեսուն երկար տարիներ Երլազդի դարաստանին մեջ մեկուսացյալ պալատներէն մեկուն մեջ բերդարգելած էին մինչև իր մահը՝ 1909-ը:

Սուլթան Մուրատին անմիջապես հաջորդած էր 1876-ին կարմիր սուլթանը՝ Աբդուլ Համիդ, որ արյունով գահ կը բարձրանար, երեսուն տարի արյան ծովերու մեջ կը թագավորեր, մինչև որ ինքն ալ գահազուրկ կ'ըլլար 1909-ին՝ Սելանիկէն եկող ազատութեան թուրք բանակէն: Ապա իբր կալանավոր Սելանիկի Ալաթիյի Գոյակին մեջ բանտարկվելի վերջ, 1912-ի Բալկանյան պատերազմին կը փոխադրեն Պելլերպելի մարմարակապ պալատը, ուր իբր գահազուրկ թագավոր կը մնար մինչև 1916: Օր մը հանկարծ «ոստրե ուտելին թունավորված է» ըսելով վերջապես հրաժեշտ կու տար իր արյունոտ կյանքին,

իր ետև ձգելով իր օրով բաժան-բաժան եղած մեծ կայսրութեան մը մնացորդ երկիրները իբր համատարած ավերակներու հսկա կույտ մը և սգացող ու լացող իսլամ ու քրիստոնյա և իրմե այնքան հալածված միլիոնավոր ժողովուրդներու հավիտենական անեծքը:

Սուլթան Աբդուլ Համիդի գահազրկութենէն անմիջապես վերջ, 1909-ին իթթիհատի կոմիտեն գահ կը բարձրացնեն երեսուն տարի բերդարգելութեան մեջ, ալբուլամութենէ շմած սուլթան Ռեշատը, կամակատար կույր գործիք իթթիհատի կոմիտեի ոճրագործ բոլոր ծրագիրներուն:

Ասոր օրով տեղի կ'ունենար (1915—1918) հայութեան Գամատարած խուժդուժ սպանողը, որ հայ ցեղին բնաջնջումն էր, Թուրքիո կայսրութեան սահմաններուն մեջ:

Սուլթան Ռեշատի օրով 1916-ի սկիզբը, տեղի կ'ունենար գահաժառանգ իշխան Յուսուֆ Իզզետիին սպանութունը՝ էնվերթալիաթ ոճրագործ կլիկին կողմէ. ճիշտ գահաժառանգին հոր՝ սուլթան Ազիզի սպանման եղբրական հանգամանքներուն ներքև:

էնվեր անձամբ սպանած էր գահաժառանգ Յուսուֆ Իզզետիին Պալմոմճի կայսերական ազարակին մեջ, Երլազդի պալատէն հազիվ 1/2 ժամ հեռու մեկուսացած վայր մը, ուր լարված էր թակարդը, խնամով պատրաստված իթթիհատական ծրագրի մը համաձայն: Ապա լրագրաց տրված պաշտոնական հայտարարութեամբ մը կը ծանուցվեր, թե «ածելիով գահաժառանգ իշխանը իր աջ բազկերակը կտրելով անձնասպան եղած է խելագարութեան նոպայի մը մեջ...»: Պատմական ճիշտ նույն բացատրութիւնը, որ գործածված էր գահաժառանգին հոր՝ սուլթան Ազիզի սպանման ատեն 1876-ին... Պատմութիւնը կը կրկնվեր:

էնվեր այս սպանութիւնը, ինչպես վերին հիշեցիք, անձամբ կատարած էր, որովհետև գահաժառանգ իշխան Յուսուֆ Իզզետին անձամբ այցելելով Գարդանել 1915-ի գարնան, երբ անգլ. և ֆրանս. միացյալ արմաղան իր ամենասաստկագույն հարձակումները կ'ընէր նույն նեղուցին ամրութիւններուն դեմ, ի տես հազարավոր մեռյալ թուրք զինվորներու դիակներուն բացականշած էր. «Գարդանելը թուրք բանակին գերեզմանն է...»: Ասոր վրա գահաժառանգ իշխանը պատերազմական նախարար

էնվերին ասորճանակով սպառնացած էր հակաճատութեան մը միջոցին: Այս դեպքն մեկ քանի ամիս վերջապահի ունեցած էր այս սոլանութունը:

Արքան քառասուն տարւան կտրճ. ժամանակամիջոցի մը մեջ իրորու հաջորդած հինգ սուլթաններն միասն մեկը, սուլթան Ռեշատ, իր բնական մահվամբ մեռած էր: Իսկ մնացյալները զոհերն եղած էին իրենց ցեղին ոճրապարտ հակամեներուն: Իսկ արդի սուլթանը շենք կարծեր, որ ավելի բախտավոր ըլլա իր վախճանի մասին, քան իր եղերաբախտ նախորդները...

Այ՛ո՛, ողբացյալ Քելեկյան բնագոյաբար իր մատալուտ մահը կը գուշակեր... և միշտ կը կրկներ, թե ա՛լ փրկվելու աշխատիլը անօգուտ է... քանի որ Աթրճ Գասթեմունի կու գա, ուրմն ամենքս ալ կորսված ենք... այլևս ուշ է փրկութեան ո՛րեւէ նոր ձեռնարկ ընելը...: Չարաշար կը զղջար, որ մեկ քանի շաբաթ առաջ Չանկըրիեն մեկնող մեր վեց խիզախ ընկերներուն չէր ուղեկցած. միշտ հուսալով, որ իր կինը պիտի կրնա զինք փրկել և Պոլիս դարձնել... Ի դեպ է հիշել հոս, որ ողբացյալ Քելեկյան հազիվ Չանկըրի ժամանած, շուտով կենտրոնին հրամանով Պոլիս դարձող առաջին 6 հոգինոց խումբին հետ, իրեն ալ հրաման եկած էր ներքին գործոց նախարարեն՝ Պոլսեն ի զատ ուզած տեղը մեկնելու և բնակելու: Սակայն չէր ուզած հեռանալ, միշտ հուսալով, որ իրեն հնար պիտի ըլլար դառնալ Պոլիս...: Նույնիսկ մեզի հետ կրկին իրեն ալ թուլտուլութուն եղած էր Պոլսեն զատ ուզած տեղը երթալու, բայց միշտ համառած էր մնալ Չանկըրի, մինչև որ ստանար իր կնոջ ջանքերուն շնորհիվ Պոլիս դարձի վերջնական հրամանը...

Ողբացյալ Տիրան Քելեկյանի այս մահաբույր հոռետեսութունը՝ արդարև մեկ քանի շաբաթ վերջ դժբախտաբար իրականացավ հետևյալ եղերական պարագաներու մեջ:

Երբ Աթրճ այս օրերուն Չանկըրիեն կ'անցներ Գասթեմունի իր պաշտոնին երթալու համար, ողբացյալ Քելեկյան, հակառակ տված խորհուրդներուս փութացած էր այցելել Աթրճի, որը ողբացյալը տեսնելուն բացականչած էր. «Քելեկյան էֆենտի, դեռ դուք հո՛ս կը մնաք...»:

Որով ըսել կ'ուզեր անշուշտ՝ «Ամենքը սպանվեցան և դու ի՛նչպես դեռ ողջ մնացեր ես կամ քեզ ողջ ձգեր են...»:

Աթրճ Գասթեմունի ժամանելով կուսակալական պաշտոնին հազիվ ձեռնարկած, հրամանը կը զրկեր Չանկըրիի կառավարչին,

ձերբակալելով Քելեկյանը զրկել Տիրանակերտի պատերազմական ատյանը դատվելու համար...

Իսկ մենք քանիցս արդեն արյունոտ փորձառութունը ունեցանք ճշտելու, թե ի՛նչ ըսել կ'ուզվեր այս բանաձևով...

1915 հոկտմ. 12-ին շաբաթ օրը, երբ աշնանային գեղեցիկ օդն օգտվելով, մնացորդ աքտրականներս հավաքված էինք գետափի սրճարանը սպանված ազգին և մեր հուսակալութիւնակին վրա ողբալու, հանկարծ երկու ոստիկաններ գալով կը հարցնեին մեզի՝ «Քելեկյան էֆենտին ո՞վ է, ոստիկանատունն զինք կ'ուզեն, պիտի տանինք...»: Ողբացյալ Քելեկյան բողբոլին տօգուներով «երթամ, հիմա կու գամ...» ըսելով մեզմէ կը մեկնէր երկու ոստիկաններուն հետ դեպի պահականոց:

Իսկ մենք տարակույս լուներինք, որ նա կ'երթար անդարձ, իր ալ մահվան ժամը վերջապես հնչած էր...

Ողբացյալ Քելեկյան հազիվ պահականոց հասած, ոստիկանապետը պաշտոնական բառերով կ'ըսեր. «Քելեկյան էֆենտի Ձեզի համար ձի մը պատրաստված է արդեն, Ձ ոստիկան զինվոր ալ կը սպասեն ուղեկցելու համար Ձեզ. հրամանեցք ձի նստելու և մեկնելու անմիջապես, որովհետև Պոլսեն հրաման եկած է Ձեզ զրկելու»:

Արտակարգ ջանքերով հազիվ կես ժամ ժամանակ կը արվեր, հեռագրատուն երթալով Պոլիս իր կնոջ հեռագրելու և գոնե անհրաժեշտ մեկ քանի ձերմակեղեն կտորներ հետն առնելու:

Ամեն անոնք, որ կ'երթային հուղարկ ողբացյալ Քելեկյանին, կառավարական շենքին մոտ, յուրաքանչյուրին հետ համբուրվել վերջ, կ'ըսեր արտասովորով՝ «Մեր սպանված ընկերներուն նման ես ալ կ'երթամ հավերժանալու, աղոթեցք ինձի համար և կ'աղաչեմ կնոջս և զավակացս իմացուցք մեկնումս...»:

Վերջին ակնարկ մը ևս, և ահա երեք ձիավորներ կ'անհայտանային ողջերթ մաղթողներու տեսողութեան հորիզոնեն, մեզ կրկին խորասուզելով մահաբույր մտածումներու մեջ:

Մինչդեռ տարաբախտ Քելեկյանին լուր կը զրկեի, թե ո՛րչափ դրամի որ պետք ունի հայթայթեմ, նա կը պատասխաներ «Ունեցածս առայժմ կը բավե. Չորում հասնելուս Պոլսն բերել կու տամ...»:

Բայց երբ վերջին վայրկյանը կը հասներ մեկնելու, նոս այլևս բնագոյաբար կ'ըմբռներ, որ դեպի գերեզման կ'երթա և

կ'ըսեր իր նշանակալից վերջին խոսքերը, մարգարեական ոգիով մը:

Ողբացյալ Քելեկյանի մեկնումեն մեկ քանի տասնյակ ռուպի վերջ, թուրք պաշտոնյաներ, որոնք Քելեկյանի աշակերտած էին Պոլսո համալսարանին մեջ, կ'ըսեին մեզի. «Քելեկյան էֆենտին ալ զը՛վեցավ Տիգրանակերտի պատերազմական ատյանը...»:

Ա՛լ տարակույս չկար, որ մեր տառապանքի հանրածանոթ ընկերն ալ դեպի վերահաս մահ հուղարկ ձգած էինք:

Երկու շաբաթ վերջ Չանկըրիի Ռեժիի թուրք տնօրենը, որ ողբացյալին աշակերտներեն մեկն էր, հանդիպելով մեր աքսորական ընկերներեն մեկուն, կ'ըսեր դի՛վային քմծիծաղով մը, որ արտացոլացումն էր իր ներքին գոհունակության. «Աստված ձեզի օրեր տա... խեղճ Քելեկյան էֆենտի Սեբաստիո մոտ Գրզըլ ըրմաքի կամուրջեն անցած ատեն հանկարծ խելագարելով կամուրջեն գետը կը նետվի, և հակառակ հետևորդ ոստիկան զինվորներուն ջանքերուն՝ կ'անհայտանա գետի հորձանքներուն մեջ...»:

Ողբացյալ Քելեկյանի աշակերտ և բարեկամ Սեբաստիո ոճրագործ կուսակալ Մուհամմետի հրամանով, սպանած էին թուրք սերունդին առաջդեմության 30 տարի գրիչ շարժող Քելեկյանը Այիս գետի կամուրջին մոտ, այսպիսի եղբրական վախճանի մը ենթարկելով ուսմկավար կուսակցության պետը, իր անունը մեկ քանի «ցանկերու» մեջ գտնվելուն համար...

Սպանման լուրը տարածայնվելի վերջ, Չանկըրիի կառավարչին որդին մտերմաբար տեսնված մեկ քանի հայերու ըսած էր անվերապահ կերպով. «Իթթիհատի կենտրոնական կոմիտեն սպանել տվավ Քելեկյանը, որովհետև եթե ողջ ձգվեր, պատերազմեն վերջ՝ բնականաբար ևս առավել ոխերիմ հակառակորդ մը դառնալով Իթթիհատի կոմիտեին, անշուշտ սարսափելի թունալից գրիչ մը պիտի գործածեր ասոնց դեմ... շարիքը ինքնին մեջտեղեն վերցավ մեկ անգամեն...»:

Այլևս ոչ ոք մեզմե ի վիճակի էր քնանալու կամ ճաշելու, ոչ ոքիս մոտ ախորժակ մնացեր էր, որովհետև մահվան շարունակական մղձավանջը մեզի կը սպառեր պարզապես, առանց բոցի կը մխայինք, առանց վառելու կը հատնեինք...

Այս օրերուն Կարենն դեպի Պոլիս անցնող թուրք իթթիհատական երիտասարդ հարյուրապետ մը, Չանկըրիի մեջ հանկարծ պատահաբար հանդիպելով մեր աքսորական ընկերներեն

մեկուն, որուն հետ Պոլսեն ծանոթ է եղել վաղուց, ի պատասխանի մեր ընկեր՝ շ, բուն հետաքրքրությունն շարժյալ ըրած հարցումներու՝ կ'ըսե ի մեջ այլոց. «Տեսա՞ք, հին պատմական ազգ մը երկու ամսվան մեջ բնաջինջ ըրինք...»:

Ամեն թուրք, ի՛նչ կուսակալության ալ պատկաներ և հին սերունդեն թե՛ նոր սերունդեն ըլլար, պարծանք ամեն տեղ կը հիշեին, թե հայ ժողովուրդը բնաջինջ ընելով հիմեն կարգադրած էին արդեն (էրմենի մեսեյիսին) հայկական հարցը:

Մեր սուգը և խուճապը կը կրկնապատկեր՝ Չանկըրիի մոտակա վայրերու կամ քաղաքներու ու գյուղերու հայերու կոտորածներուն մանրամասնությունները լսելով նույնիսկ ոճիրը գործողներեն, որոնք, ինչպես ըսինք, հոխորտանք կը պարծենային իրենց գործած անլուր ոճիրներուն վրա:

Ի մեջ այլոց Մունկուրուեն թուրք երիտասարդ մը Չանկըրիեն վաղնջական հայ բարեկամի մը կը պատմե, թե ինք թուրք խուժանին հետ հետևած էր սպանդ տարվող հայ կանանց և աղջիկներու քարավանի մը, և դպրոցավարտ հայ օրիորդի մը համակրելով ուզած էր զայն փրկել սոտույզ մահվանն, առաջարկելով, որ իսլամությունը ընդունելով իրեն հետ «նիքյահ» ըլլա, այսինքն ըստ իսլամական կրոնական օրենքի ամուսնանա: Իսկ հայ օրիորդը կը պատասխանե խրոխտ կերպով. «ես փոխանակ իսլամ ըլլալու, գուն: հայ եղիր և քեզ առնեմ...»: Այս հանդուգն պատասխանին վրա թուրքը կրկին փորձեր կ'ընե համոզելու գեղեցիկ հայ օրիորդը, բայց անկարելի ըլլալով տարհամոզել կը հեռանա մոտեն, և ապա թուրք մտադրածներ պառկեցնելով գետին, իրենց ծունկին ներքև թշվառ հայ անմեղ կույսին կուրծքը ճնշելի վերջ, ոչխարի նման գլուխը կը կտրեն, զանազան շարշարանքներ տալի և լլկելի վերջ: Ասով ալ շբավականանալով՝ անշունչ մարմինը իսկ կը խոշտանգեն և դանակով մաս առ մաս կ'անդամահատեն, և շնն կրնար դեռ հագեցնել իրենց վրեժը, որովհետև քաջությունը ունեցած էր այսպիսի հանդուգն պատասխան մը տալով անարգելու իսլամ կրոնն ու ցեղը...: Ահա անմահ դրվագ մը հայ կույսերու մարտիրոսագրությունն, որ կը գերազանցե նոյնիսկ հայ եկեղեցվո տոնախմբած հոփափմյան և զայանյան կույսերու նահատակությունն և արժանի է ապագա իրերահաջորդ բո-

1. «Երտէ պիւ Էսկի միլլէթ իրի այ զարֆնտա մաֆ իտիք»:

լոր հայ սերունդներու սրբությամբ օծուն հավերժական հիշատակութեանը և օրհնութեանը:

Գերագույն ընդվզումով մը՝ վերջին փորձ մը կ'ուզէի ընել երեք ընկերներու հետ — ուսուցիչ Ս., դոկտ. Մ. Ք. և Մկրտիչ անուն կտրիճ երիտասարդ մը, — երեքն ալ դաշնակցական, — գաղտնապես մեր աքսորավայր Չանկըրիին փախչելու սև ծովու եզերքը Ինեպոլու, Գասթեմունիի նավահանգիստը, լազերու առաջատանավով մը մահատիթ փորձ մ'ընելու կամ Բաթում և կամ Վառնա, կամ ո՛ւր որ ծովու և հովու հոսանքները մեզ նետեն:

Որովհետև Սև ծովն շատ ավելի համբավյալ ահավոր իր փոթորիկներովն գուժ ու կարեկցութիւն ուներ և նվազ մահատիթ էր, քան թուրք ժողովուրդը՝ սուլթանեն սկսյալ մինչև գյուղացի անմեղ ու բարի կարծիքով թուրքը: Որովհետև ասոնց ամենքին մատնեբեն հայու անմեղ արյուն կը վազեր, և դեռ արյան իրենց ծարավը հագեցած չէր, արյունոտ կատաղի վագրերու նման:

Մեր այս ծրագիրը գործադրել կարենալու համար հանդուգն դոկտ. Մ. Ք. գաղտնապես և գիշերով, Չանկըրիի փոստի թուրք տնօրենին վճարյալ համամտութեամբը, փոստին հետ ձիով կ'ուղարկեինք Գասթեմունի, որ 24 ժամ էր, անտի ևս Ինեպոլի մեկնելու համար, որ նույնպես 24 ժամ էր, և այս մասին մեր ծրագրին օժանդակելու նպատակով: Իբր նախկին առաջնորդ Գասթեմունիի վիճակին, վաղածանոթ և վստահելի բարեկամներու ևս հանձնարարականներ տված էի: Սակայն դոկտ. Մ. Ք. դժբախտաբար Գասթեմունի ժամանելին մեկ քանի օր վերջ կը ձերբակալվեր, ու շնորհիվ տեղվույն ոստիկան զինվորներու հրամանատարին բարյացակամ միջամտութեանը, կը փրկվեր Տեր Զոր աքսորվելէ:

Ապա դոկտ. Մ. օսմ. բանակի մեջ իբր բժիշկ հարյուրապետի աստիճանով պաշտոնի կոչվելով, Չանկըրիին անցնելով կ'երթար էնկուրի և Գոնիա. այսպեսով մեր փախուստի հանդուգն ծրագիրն ևս սկզբնական քայլերուն մեջ իսկ ձախորդութեան կը դատապարտվեր:

Ասոր վրա փախուստի ծրագրին համախոհ ընկերներեն Ս. աքսորական ուրիշ դեղագործ ընկերոջ մը հետ, կաշառելով տեղվույն ոստիկանապետը հաջողեցան ճամփորդութեան պաշտոնագիր մը ձեռք բերել: Որուն մեջ փոխանակ ներքին

գործոց նախարարութեան մեզ տված թույլտվութեան համաձայն գրելու «Պոլսեն ի գատ ուզած վայրերնին կրնան մեկնիլ» զանց եղած էր «Պոլսեն ի գատ» երկու բառերը, որով պաշտոնագրին իմաստը զխոլին փոխվելով հաջողեցան Պոլիս երթալ: Բայց ժամանակ հետո կրկին ձերբակալվելով Տեր Զոր աքսորվեցավ մեկը. սակայն Գոնիայի մեջ կրցավ թույլտվութեան ստանալ մնալու, և զինադադարի վաղորդայնին ևս ողջամբ Պոլիս դառնալու բախտն ունեցավ:

Հակառակ մեր ամենուն հոռետեսութեան, օրերն ու ամիսներն կ'անցնէին, սակայն Գասթեմունիի կուսակալ արյունոտ Սթըֆ շատ մեզմով զբաղած ըլլալ չէր թվեր: Որովհետև Սթըֆ՝ Գասթեմունիի կուսակալութեան հայերը առանց ո՛րևէ արգելքի տեղահան և աքսոր ընելու հող պատրաստելու համար նախօրոք, սկսած էր իր շուրջը գտնվող արգելիչ տարրերը պետական բարձր և ազդեցիկ պաշտոնյաներեն, հետզհետե զանազան պատրվակներով հեռացնել:

Սթըֆի հեռացուցած ազդեցիկ պաշտոնյաներեն առաջինը կ'ըլլար, ոստիկան զինվորներու Գասթեմունիի կենտրոնական Զերքեզ հրամանատարը, որ բացահայտորեն արգելք կ'ըլլար հայերու տեղահանութեան և աքսորին: Սթըֆ այս հրամանատարեն գաղտնի հրաման տված էր դեպի Զոր աքսորելու Գասթեմունիին 6 ժամ հեռու գտնվող Քաշքոփուրուի 150 տան մազագործ հայերը: Բայց ասոնք 4 ժամն ի վեր ճամփա ելած ըլլալով հանդերձ հայոց բարեկամ այս ազնիվ շերքեզ հրամանատարը, զայրացած, որ առանց իր գիտութեան այսպիսի կարեւոր կարգադրութիւն մը եղած է, և առարկելով, որ աքսորական հայերու փախուստն արգելելու համար ընկերակցող ոստիկան զինվորները առանց իր հրամանին չեն կրնար քայլ առնել, հրամայած էր իսկույն իրենց տունները վերադարձնել արդեն ճամփա հանված հայերը, մասնավոր հեծյալ ոստիկան զինվորներ իբր պատգամատար ղրկելով դեպի 850 երկսեռ անձերե բաղկացած աքսորական հայերու այս փոշեթաթով հսկա քաղաքով:

Ավելորդ է հիշել այն անպատում ուրախութիւնը, զոր ունեցան մահվան առաջնորդող այս քարավաններու հայերը հրաշքով հանկարծ իրենց տունները դառնալուն համար:

Նույնպես այս հրամանատարը հստիկան էր վերադարձնել իրենց տունները այն 40-ի մոտ հայերը, որոնք Սթըֆի հրամանով և

հանդերձ ընտանյոք 8 կառքերով և ոստիկան զինվորներու հսկողութեամբ արքայութեան էին էնկուրի, անտի առաջ տարվելու համար դեպի Զոր:

Երբեք չենք մոռնար Զանկերիի մնացորդ սակավաթիվ արքորականներս այն սև օրը, որ էնկուրիին իրենց տունները վերադարձվող արքորականներու կառքերը հանկարծ կանգ առին Զանկերիի եկեղեցիին առջև:

Երկու շաբաթվան մեջ արդեն 14 անձ զոհ տված էին բանտին մեջ բժավոր թիֆուսի, մեկ քանին ալ հիվանդ ինկան Զանկերիի մեջ ու մեռան: Ասոնցմէ վարակվելով վախճանեցավ նաև տեղվույն Տ. Սիմոն քահանան: Եվ երբ ողբացյալ քահանային դազաղը կը փոխադրենք անձայն, անշուշտ քաղաքեն դուրս այգիներու կողմ գտնվող հայոց գերեզմանատունը, թուրջ տղայք հուղարկավորներս քարի կը բռնենին: Իսկ մենք անձնաւաշտպանութեան միջոցներն և իրավունքն այնքան գրկված էինք, որ երանի կու տայինք հանգուցյալ քահանային, որ բնական մահվամբ մեռավ և ազատեցավ, արժանանալով գոնէ հողակույտի մը:

Մինչ մենք գիտեինք, որ և ոչ իսկ հողակույտ մը պիտի կրնայինք ունենալ երկրի վրա... մեր նահատակված տառապանքի ընկերներուն նման:

Իսկ մենք Զանկերիի դեռ ողջ մնացած ափ մը հայութեանս, և արտորի ու մահվան հերթի սպասողներս, սարսափով կը տեսնեինք 48 ժամվան ճամփա կառքով արքոր գնացող և վերադարձող հայերու կյանքերու կոտորակումը: Ինքնին կը տարվեինք խորհելու, թե երբ օր մը կարգը գար մեզի արքորի ցուպը առնելով մեկնելու դեպի Զոր, ի՞նչ պիտի ըլլար թշվառներու վիճակը: Քանի՞ մեզմէ արդյոք պիտի կրնար տոկալ ամիսներ տեղող տաժանակիր այս ճամփորդութեան և ողջ պիտի կրնար մնալ:

Եթե նույնիսկ արյունոտ ճամփաներու վրա մեզ ևս, մեր տարաբախտ ցեղակիցներուն նման, կացիներու ներքև շարշարալից մահով ջղակտոր չի հաննին իսկ:

Արդարև՝ վաղուց ընտելացած էինք անողորմ մահվան գաղափարին հետ, այո՛, մահվան վրա այնքան զիշեր ու ցերեկ մտածած էինք, որ այլևս մահը երկյուղ չէր ազդեր մեզի բնավ: Միւսկ մեր փափազը այս էր, որ մեր մահը շարշարալից չըլլար գոնէ: Ինչպես սովոր էին ընել հայութեան մեծ ու փոքր, պաշ-

տոնական և անպաշտոն վայրագ թուրք դահիճները, շարաշար խոշտանգելով հոգեվարքի հոնդյուններով արյան ճապաղիքներու մեջ թալթկող իրենց անմեղ զոհները, սոսկ հրեշային զվարճութեան մը համար...

Գասթեմունիի կուսակալ արյունկզակ Աթըֆ, իբր փոխարինութեան ոստիկան զինվորներու հրամանատարին հայապաշտպան այս քաղաքականութեան, Պոլսեն հրաման բերել կու տար, որով այս ազնիվ հրամանատարը, իբր Տիգրանակերտի, Խարբերդի և Մուսուլի ոստիկան զինվորներու ընդհանուր քննիչ կը ստիպվեր մեկնելու դեպի Տիգրանակերտ:

Պաշտոնի այս բարձրացումը ուրիշ բան ըսել չէր, եթե ոչ ոստիկան զինվորներու արդարակորով այս շերքեզ հրամանատարը, արքայութեան Տիգրանակերտի նման ծայրագավառ մը, գլխավոր արգելքը վերցնելու Գասթեմունիի կուսակալութեան հայերու արքորին և բնաջնջումին...

Այս հրամանատարին հեռացմամբ այլևս տարակույս չկար, որ համրված էին մեր օրերը..., և օրեօր կը սպասեինք մեր ևս մահվան զանգակին ահափոր դողանքին..., որ ավա՛ղ շուշացավ սակայն...

ԵՐԿՐՈՐԴ ՏԱՐԱԳՐՈՒԹՅՈՒՆ

Մահվան քաղաքական դեպի Չոր
1916 փետրվարեմ մինչև 1916 ապրիլ

17.

ՀԱՅՈՒԹՅԱՆ ԸՆԴՀԱՆՈՒՐ ԿԱՅՈՒԹՅՈՒՆԸ
1916-Ի ՍԿԻԶԸԸ

Անցավ վերջապես ահավոր տարին 1915-ի, իր ետև ձգելով համատարած սուգ ու «շիվան», արյուն ու արցունք: Հայաբնակ շեն ու շող բոլոր քաղաքներու ու գյուղերու մեջ, միայն մնացին մխացող ավերակներ, ու հայ անտիրական հազարավոր եկեղեցիներու ու վանքերու վրա միայն վառող բուր...
Հայ ազնվական և աշխատասեր ժողովուրդը, որ իբր արհեստավոր, արվեստավոր և վաճառական, հինգ դարեր շարունակ ՄԱՍՏՈՒՆԸ եղած էր թուրք ընդարձակածավալ պետության, մահվան դատապարտված և մահավճիռը ևս գործադրած էին, մինչդեռ ուսուցիչ, պարսիկ, հունգար, ռումին, բուլղար, հաբեշ և Հնդկաստանի և Եգիպտոսի մեջ ևս անգլիացի, գանազան պետություններ ամեն առանձնաշնորհումներ պարգևելով, իբր ստեղծագործ և շինարար ժողովուրդ, ազատ ասպարեզ տված էին հայուն: Բարձրացնելով հայը Եգիպտոսի և Հունգարիո մեջ մինչև նախարարապետություն, Ռումանիո մեջ մինչև ծերակույտ, ու Մեծին Ռուսիո մեջ մինչև միահեծան գիկատորություն հանձին կորիս Մելիքովի:

Մինչդեռ թուրք հեռառես և իմաստուն սուլթաններ հայուն շինել տված էին իրենց Բոսֆորի կայս. բոլոր պալատներն, գոյականներն ու հռչակավոր մզկիթները:
Մինչդեռ թուրք կասկածամիտ սուլթաններ իսկ վերջին դարուն, հայուն միայն վստահած էին պետական և անձնական իրենց ամբողջ գանձը և պետության փողերանոցը:
Վեց ամսվան մեջ թուրք ժողովուրդը, իր պաշտոնական և

անպաշտոն բոլոր պետերով ու դասակարգերով, սկսյալ սուլթանեն, նախարարներեն, թուրք խորհրդարանի անդամներեն, ծերակուտականներեն, մինչև գավառի կուսակալներն, կառավարիչներն և գյուղապետները, միացած թուրք արյունածարավ խաժամուժ ամբոխին, ի գլուխ հանեցին այն սարսափելի հրեշտային ծրագիրը, որ իրենց բոլոր նախորդները չէին համարձակած ոչ թե գործադրել, այլև ոչ իսկ մտածել:

Տարված համիլամական և համաթուրանական կրազատես գաղափարներով, կը կարծեին հայը բնաջնջելով՝ օսմ. կայսրությունը Միջերկրականեն մինչև Ուրալ կամ Անդրկովկաս հսկա պետություն մը դարձնել: Մինչդեռ իրենց նստած ճյուղն էր որ կը կտրեին, և հայը բնաջնջելով օսմ. կայսրության հիմը կը փոքեին... Ամեն անգամ որ հայ մը կը սպանեին, օսմ. պետության արդեն խախտված հսկա շենքեն սրբատաշ քար մըն էր, որ կիյնար, խախտելով նաև շենքն ի հիմանց...

Հազար հինգ հարյուր տարվան հայ պատմական ամենարյունոտ էջերն, արդեն լեցված են իսլամական կրոնի հուրով ու սրով տարածման ահավոր նախճիրներովը Պուղայի, Անի կործանող Չարմազանի, Ճինկիդխանի, և մանավանդ Կաղթիմուրի (Լենկթիմուրի): Իսկ վերջին անգամ միջին դարուն վերջերը հայ պատմիչները կը հիշատակեն հարյուր հազարավոր հայ ժողովուրդներու կորուստը Շահապասի օրով:

Բայց պարսից այս թագավորը ոչ թե ջարդելու և բնաջնջելու համար ըրավ, այլ վերահասու ըլլալով հայ ժողովուրդի ստեղծագործ և շինարար աշխատասեր հանճարին, ուզեց գաղթեցնել և փոխադրել իր երկիրը և հայերով զարգացնել իր հետամնաց ու աղքատ թագավորությունը: Նույնիսկ ս. էջմիածնի Մայր տաճարի քարերն ալ որոշեց հետը տանիլ և հոն իր մայրաքաղաքին մեջ շինել հայության նոր սրբավայր մը: Որպեսզի հայության սիրտն ու աչքն իր ետին չմնար...

Բայց երբ հանկարծ թուրք բանակն եկավ արձանացավ իր առջև, խուճապով նահանջին ատեն իսկ չուզեց հրաժարիլ իջ գանձեն, որ հայն էր, և 400.000 հայ երկեռ ժողովուրդ իր բանակին առջև ձգած, ոչխարի հոտերու նման քշեց դեպի Սալմաստ իր երկրին սահմանները:

Թուրք բանակեն հետապնդված երբ աճապարանքով Արաքս գետեն կ'անցնեին, առաջապահ ժողովուրդի հազարավոր դիակ-

ներով գետը ծածկվեցավ և բնական կամուրջ դարձավ վերջին եկող ժողովուրդին, որով կեսն փշացավ այսպես:

Ասիկա պետք տեսանք հակիրճ կերպով հիշատակելու, որպեսզի բաղադրության եզր մը ունենա ընթերցողը վերջին աս կազմակերպված ահավոր նահատակության, որ գլեց անցավ ԲՈՒՈՐ ԴԱՐԵՐՈՒ ՆԱԽՃԻՐՆԵՐՆ ԼԱՎԱՔԱՐԱՐ:

Եթե շատ դարերն ի վեր հայ ժողովուրդին գործած բոլոր ծառայությունները մեկ անգամեն մոռցվեցան, բայց կույր ըլլալու էր շտեմնելու համար հայուն այն անփոխարինելի բռնադատյալ ՄԱՌԱՅՈՒԹՅՈՒՆՆԵՐՆ, նույնիսկ համաշխարհային պատերազմի շրջա տարիներու ամբողջ ընթացքին: Իբր զինվոր, արհեստավոր (երկաթագործ, կոշիկակար, հյուան, դերձակ, թիթեղագործ), իբր բժիշկ, անասնաբույժ, դեղագործ, հայթայթիչ: Իբր երկաթուղիի, հեռագրի, հեռաձայնի պաշտոնյա և գործավոր իրենց ԿՅԱՆՔԸ ՓՐԿԵԼՈՒ ԸՈՒՅՍՈՎ, առանց ո՛րեք նյութական վարձատրության, շոր հացի մը փոխան տաբապարհակ ծառայեցին:

Բայց հայ ժողովուրդին հետ հայ զինվորն ալ, բժիշկն ալ, դեղագործն ալ կոտորեցին անխնա, հազիվ թե այլևս անոնց պետքն զգալի չթվեցավ իրենց:

Քաղաքներու մեջ ոչ մեկ արհեստավոր չմնաց, և կոշիկ մը կարկտել տալու համար թուրքերը քաղաքն քաղաք կը շրջեին, թուրք հնակարկատ մը գտնելու համար:

Հաճախ պատահեցավ, որ զինվորական հիվանդանոցներու վառարանները ձմռան սկիզբը զետեղելու միջոցին, Պալսեն հրաման գալուն վրա, հայ ժողովուրդին հետ այս կարգի արհեստավորներն ևս տարին և քաղաքեն դուրս ձորերու մեջ սպանեցին: Բազմաթիվ թուրք զինվորներ ցուրտեն մեռան հիվանդանոցներու մեջ ի Սոմա, վառարան զետեղող հայերը աքսորվեալն պատճառով: Բայց ի՞նչ փութթ, բավ էր, որ հայ մը ողջ չձգվեր. այս էր օրվան բարձրեն տրված թուրքերու ազգային կարգախոսը...

Որովհետև հայոց մեծ դահճապետը Քաղաթ բացահայտորեն ամենուրեք կը հայտարարեր, թե «ԼԱՅԸ ԸԻՄԵՆ ՊԵՏՔ Է ՄԱՔՐԵԼ... Ասա թե ոչ, եթե 1000 հայ մի արասցն ողջ մնա, հետո կարճ ժամանակի մեջ շուտով կը դառնան 100.000 և դարձյալ թուրք պիտուլթյան գլխուն փորձանք կ'ըլլան» կ'ըսեր:

Այսպես թուրք ժողովուրդը, անխտիր բոլոր դասակարգերու

մասնակցութեամբ, բացառութեան չըլլալով նաև թուրք կիներն, իրենց սիրտը լեցված հայու անմեղ արյան անհագ ծարավով, և ճիհատով աչքերը կուրացած, թրքական իրենց վայրագ մոլուցքովն ու կատաղութեամբն, հեխհե արյան խնջույրի վազած ժամանակ պատահաբար իր ձեռքը ինկած կացինով, ուրագով, սղոցով, բահով, բրիչով, մահակով, սակրով զարկով ջարդեց խողխողեց, այրեց, լվեց բռնի խլամացուց ծովերու, գետերու և հորերու մեջ նետեց ու խեղդեց, ողջ-ողջ թաղեց, աքսորի անվան ներքև ճամփաներու վրա և ձորերու մեջ շարաշարանոք սպանեց: Կողոպտեց հայոց եկեղեցիներու և վանքերու անբավ հարստութունը, իր տուները տարավ հայոց հազարավոր վաճառատուներու և խանութներու միլիոնավոր ոսկիներու արժեք ունեցող եվրոպական և տեղական, կամ ներածումի և արտածումի բոլոր ապրանքները և երկիրը վերածեց կատարյալ ավերակներու կույտի մը:

Մինչդեռ 1915-ին նոր տարին կ'ողջունեի թուրք ժողովուրդը՝ խինդ ու խնծիղի ու խրախճանութեանց մեջ, տոնելով իր հրեշտային ծրագրին հաջող գործադրութունը. մնացողը եղբարբայտ բեկորներն նավաբեկյալ հայութեան, ծրարված անպատմելի սուգի մը սև պատանքին մեջ, լեցված մոտալուտ տարագրութեան, այսինքն վերահաս մահվան հոգեխոտով մղձավանջով, չէր գիտեր լար ու ողբա՛ր շարաշարալից մահերով նահատակված իր սիրելիներուն ու ազգին վրա, թե իր վրա...

Որովհետև սպանդանոցին մեջ զենման կարգի սպասող ոշխար մըն էր, ինք ևս վաղ թե ուշ պիտի ի սպանդ առաջնորդվեր, զի փրկութեան ամեն ճամփա այլևս փակված էր իր առջ:

Թշնամին անողոք էր և կը սպաներ անխնա, ցեղը անճիտելու համար, իսկ կիսամեռներու և հոգեվաթրեներու հետ անլուր խոշտանգումներով կը զվարճանար, հագեցնելու համար իր այրող պասուբը հայու անմեղ արյան:

Թուրքիո կայսրութեան մեջ ապրող երկու միլիոն հարյուր հիսուն հազար հայութենն միայն մնացած էր Պոլսո, Զմյուռնիո և երկաթուղու ճամփուն վրա մինչև Կիլիկիա քանի մը հարյուր հազար: Քանի մը հարյուր հազար ալ դեռ մնացած էին մերկ, անոթի կմախքացած կիսամեռ բեկորներ Տեր Զորի անպատաներուն և Սուրիո զանազան քաղաքներուն ու գյուղերուն և շրջականներուն մեջ:

Քանի մը հարուր հազար ևս օգտվելով ռուս-թրքական սահմանագլխուն մոտիկութենեն, հաջողած էին անցնիլ ռուսական սահմանագլուխը և Իկտիրի ու Սարըզամիշի ճամփով ապաստանիլ Երևան, էջմիածին ու շրջակայքը:

Անշուշտ այս ընդհանուր քառասային վիճակին մեջ անհնար էր որոշ թվեր տալու փորձեր ընել, մանավանդ որ մեկ կողմեն թուրքերը «մաքրելու» վրա էին մնացածներն ալ...

Թուրք ժողովուրդը, և մանավանդ կառավարական բոլոր մեծ ու փոքր պաշտոնյաները, իրենց տուներու շտեմարանները լեցուցած էին բնաջնջված հայերու տուներուն ավարովը, ինչպես նաև հայ վաճառականներու խանութներու ամբողջ հարստութեամբը: Այս, կ'ուտեն, կը խմեն, կ'արբենային և անլուր խենշուկներով վայրենաբար կը զվարճանային իրենց հարեմներու մեջ հարձուխի բռնադատված 10—20 տարեկան հայ պարկեշտասուն կույսերու հետ: Կ'օրհնէին իթթիհաթի կոմիտեն ու իթթիհատական կառավարութիւնը, որ մեկ անգամեն զիրենք տեր դարձուցած էր անհատնում հարստութեան և գեղեցիկ հայ կույսերու..., այսպես արժանացնելով զիրենք հազարամեկ գիշերներու արևելյան հրաշալիքներուն...

Ո՛չ մեկ թուրքի կամ առհասարակ իսլամի բերնն կը լսվեր գործված այս անլուր եղեռնին դեմ ո՛րևէ քննադատութիւն հայտնի կամ գոնն գաղտնի:

Ընդհակառակը, 1915-ի համատարած այս սպանդեն վերջ աշնան, հայերու դիակներու վրայեն երեք օր անցնելով Պոլիս եկող Խարբերդի երեսփոխան հոճա Սայիտ, թուրք խորհրդարանին (մեպուսան) մեջ պաշտոնապես կը հայտարարեր, թե գավառի թուրք ժողովուրդին կողմեն անհուն շնորհակալութիւններ իր հետ կը բերեր և բառ առ բառ կ'ըսեր «ԵՐԿԻՐԸ ԴՐԱԿՏԻ ՄԸ ՎԵՐԱԾՎԵՑԱՎ. ԺՈՂՈՎՈՒՐԳԻՆ ԿՈՂՄԵՆ ԿՈՒԳԱՆՔ ԵՐԱԿՏԱՊԱՐՏ ԸԼԼԱԼՈՒ ԱԶԳԻՆ ԱՅՆ ԻՄԱՍՏՈՒՆ ՎԱՐԻՉՆԵՐՈՒՆ, ՈՐ ԱԶԳԻՆ ԲԱՂՁԱՆՔՆԵՐԸ ԼԱՎԱՊԵՍ ԸՄԲՈՆԵԼՈՎ ԶԱՐԳԱՅՄԱՆ... ՊԱՏԵՆՈՒԹՅՈՒՆՆԵՐ ՇՆՈՐՀԵՑԻՆ ԱՆՈՐ...»:

Ժողովուրդ ըսածը, արդեն հայ շկար, ուստի թուրք կամ իսլամ ժողովուրդն ակնարկել կ'ուզեր. իսկ զարգացում ըսելով կը հասկնար այն անսպառ հարստութիւնը, որուն տիրացած էր ծուլ և քնացող թուրք ժողովուրդը, մեկ քանի ամսվան մեջ:

Ո՛չ որ ապագա ժանր պատասխանատվութեան երկյուղը

ուներ: Այս պատճառով, թուրք բոլոր մտավորականները և խմբագիրները բացահայտորեն կը ջատագովէին հայ ցեղի բնաջնջման աննախընթաց եղեռնը: Առանց դատի ու դատաստանի կը դատապարտէին ազնիվ ու ազնվական այն անմեղ զոհը, որ ամբողջ ազգ մըն էր և ջարդված էր անխնա՝ մինչև օրորոցի անմեղ մանուկը: Որուն զլացված էր վերջին անգամ մը լսվելու անբռնաբարելի իրավունքը, որ չէր զլացվեր նույնիսկ մահապարտներուն վերջին պահուն:

Իզո՛ւր մնացորդ ցան ու ցրիվ բեկորներս բնաջնջված հայութեան աշքերնիս անքթիթ հառած դեպի հյուսիս, փրկութիւն կը հուսայինք կովկասյան ռուս բանակներեն և մեր կամավորներեն... Մինչ ռուս բանակներն՝ դժկամակ առաջխաղացութիւններով և խորհրդավոր նահանջներով... կու գային ու կ'երթային, կրակի առաջին շարքերուն մեջ սպանելով հաշ կամավորական գունդերը:

Իզուր կը սպասեինք... Դարդանելի նեղուցը բռնի պատռելով անգլիական ամենազոր արմաղային Պոլիս գալուն... և վերջ տալուն իթթիհատական արյունոտ վարչութեան...

Իսկ պատերազմին բախտը արևմտյան մարզին մեջ, գերման-ֆրանսական սահմաններուն վրա, դժբախտաբար ավելի կը ժպտեր գերմաններուն, քան համաձայնական պետութիւններուն:

Բայց այս վերջինները, հայտարարելով որ համաշխարհային այս պատերազմը ԱԶԱՏԱԳՐՈՒԹՅԱՆ ԿՈՒՎՆ է... փոքր ազգերու և ստրկութեան ներքև հեծող ժողովուրդներու, և ԱՐԴԱՐՈՒԹՅԱՆ ԴԱՏԻՆ հաղթանակն է և հսկա պատերազմն է ընդդեմ գերման բիրտ ուժին..., հետզհետե մեծ ու փոքր բոլոր ազգերու համակրութիւնն իրենց կողմ կը դարձնէին... Մյուս կողմեն, փոքր ազգերու ազատագրութեան և արդարութեան դատին վերջնական հաղթանակին համար պատերազմող համաձայնական այս պետութիւնները՝ Արևմտյան Հայաստանը կամ Թուրքիան 1916-ի սկիզբը կտոր-կտոր իրենց մեջ սկսած էին բաժնել իբր անժառանգ մնացած երկիր: Որովհետև չէ՞ որ 4000 տարվան ժառանգորդ ժողովուրդը մեռած ու թաղված էր... Այ ո՛վ արգելք պիտի ըլլար իրենց հանուն իրավունքի և արդարութեան...

Այս օրերուն կը զուգարկուէր սպանութիւնը Թուրքիո գա-

հաժառանգ Յուսուֆ Իզզետին իշխանին, ճիշտ ասոր հոր սուլթան Ազիզի պատահած եղբրական ու եղեռնական հանգամանքներուն մեջ:

Իթթիհատի կոմիտեն և կամ իթթիհատական կառավարության ղեկավարներն Քալեաթ-էնվեր և ասոնց քամարիլան, տեսնելով որ գահաժառանգը դեմ է Գերմանիո հետ զինակցության ընդդեմ համաձայնական պետություններուն, բայց մանավանդ ընդդեմ Անգլիո մղված այս պատերազմին: Ասկե զատ գահաժառանգը 1915-ի գարնան պատերազմի ամենաահալոր շրջանին, Դարդանել ըրած պաշտոնական այցելութենն դարձին, շէր քաշված հաճախ արոհայտելու իր հակառակությունը ընդդեմ Քալեաթ-էնվեր կլիկին, ուստի ծրագրեցին և սպանեցին զինքը: Ապա պաշտոնական մեկ քանի բառով հայտարարեցին, թե «հիմարության նուպայի մը մեջ ածելով կտրելով իր աջ ձեռքի բազկերակը անձնասպան եղած էր...», ինչպես կանխավ հիշեցինք:

Անշուշտ, ոչ ոք հավատաց ասոր, ո՛րքան ալ իթթիհատական թուրք Ց բմիշկներ ստորագրած էին այս շինձու անձնասպանության պաշտոնական տեղեկագիրը:

Բայց կ'ապրեինք կիկլոպյան ոճիրներու այնպիսի սարսափեցուցիչ արյունաշոտ շրջանի մը մեջ, որ ոչ թե անձի մը, եթե այն սուլթանն իսկ ըլլար, ո՛րեք նշանակություն չուներ սպանությունը, այլ նույնիսկ քանի մը հարյուր հազար անձ ավելի կամ նվազ սպանված ըլլար, դարձյալ կարևորություն չուներ...

Քանի որ, եթե շնորհիվ ամենագոր գերմաններուն թուրքերը հաղթող ըլլային, արդեն ազատ պիտի ըլլային ամեն պատասխանաւելություններ, և իրենք տուն պիտի տային ծանր պայմանները իրենց պարտյալ թշնամիներուն...

Իսկ եթե իրենք պարտվեին, բնականաբար մահվանն զատ տարբեր պատիժ մը չկար, որ տրվեր իրենց... Ուստի նշանակություն չուներ ոչ թե հարյուր հազար ավելի կամ պակաս, այլ միլիոն մը ավելի կամ նվազ...

Բեռլինեն դարձիս, ի պատասխանի հոգևոր ծնողիս Գուրյան Սրբազանի՛ հարցումին, թե ինչո՞ւ անխոհեմություն ընկելով Պոլիս դարձած էի, ըսած էի՝ «Թուրք պետության հուղարկավորության ներկա ըլլալու համար Պոլիս դարձած էի...»:

Բայց ավա՞ղ, շարադետ հակադրությամբ մը ականատես եղած էի և դեռ պիտի ըլլայի տարաբախտ ազգիս ահավոր հուղարկավորության Պոլսեն մինչև հարավի անապատները...

Թեպետ իմ ալ հուղարկավորության ամեն օր պատրաստված կը սպասեի, անխուսափելիին առջև կամա-ակամա տեղի տվողի մը կրավորական համակերպությանմբ: Քանի որ մինչև այս ատեն փախուստի ամեն հանգուզն փորձ ապարդյուն մնացած էր, հայ եղեռնը կազմակերպողներուն աշալուրջ հսկողությամբ և գերման մեթոդներուն շնորհիվ...

Հետևաբար 1916-ի նոր տարին անցուցինք առանց ո՛րեք շնորհավորության և հանդիսավորության:

Ինչպես ողջ մնացած ամեն հայ, նույնպես Չանկրիի մնացորդ արքորական 16 հայերս, քաշված մեր շոր տախտակներով շոքապատված և առանց կահկարասիի փոքր խցիկները, հիշեցինք անցյալ երջանիկ կաղանդները և պտղազարդ սեղանները ու սիրելիները և լացինք երախտներու պես... Կ'ափսոսայինք, որ հարզը չէինք զսօցած անցնող բարի և երջանիկ կաղանդներուն...

Երանի կու տայինք անոնց, որոնք պիտի կրնային ողջունել 1917-ի նոր տարին... Որովհետև թեպետ անտուն, անտեր, հալածական ու քսորական, բայց մեր սրտին խոր ծալքերուն մեջ, ՄԲՐՈՒԹՅԱԲ ԾՄՈՒՆ ԳԱՂՏՆԻ ԽՈՐԱՆ ՄԸ ԿԱՐ... ՈՒՐ՝ ԻՐՐ ԱՐԿԱՅԾՅԱԼ, ԿԱՆԹԵՂ, ԴԵՌ ԿԸ ՊԼՊԼԱՐ ԱՎԵՐ ՀԱՅՐԵՆԻԹԻ ԱՇԱՏԱԳՐՈՒԹՅԱՆ ԱՆՇԵՂԱՆԵԼԻ ՀՈՒՅՄՆ ՈՒ ԼՈՒՅՍԸ...»:

Փափազելով կը փափագեինք տեսնել մեռած ու դիակ կարծված հայության ասլեցուցիչ և հրաշափառ հարությունը... Մի՛թե փշալից և արյունոտ ճամփաներէ Գողգոթա բարձրանալով՝ խաշված և թաղված հայությունը հարություն կրնա՞ր շառնել...

Չէ՞ որ հինգ հարյուր գերության տաժանակիր երկար տարիներու մեջ, իրերահաջորդ անցնող հայ բոլոր սերունդներ բաղձացած էին տեսնել հայրենիքի ազատությունը և ավա՞ղ շտեսած փակած էին իրենց աչքերը հավիտյան... Սակայն երազելով հայրենիքի գերության շղթաներու վաղ թե ու խորտակումը, միշտ երգած էին «ԱԶԱՏՆ ԱՍՏՎԱԾ ԱՅՆ ՕՐԻՑ»-ը: Եկող ու անցնող հայ ժողովրդային աշուղներ ևս նույնպես միշտ երգած էին.

1 Այժմ Գատրիտք ա. Երուսաղեմի մայրավանուց:

«ԶԱՆՈՒՄ ԵՐԵՐ ԶՄՌԱՆ ՆՄԱՆ ԿՈՒ ԳԱՆ ՈՒ ԿԵՐԹԱՆ,
ՎՂԱՏԵԼՈՒ ԶԷ, ՎԵՐՁ ԿՈՒՆԵՆԱՆ, ԿՈՒ ԳԱՆ ՈՒ ԿԵՐԹԱՆ...
ՓՈՐՉԱՆՔ, ՂԱԼԱՏԱՆՔ ԵՎ ՆԵՂՈՒԹՅՈՒՆ ԱԶԳԵՐԻ ԳԼԵՆ,
ԻՆՁՊԵՍ ՃԱՆԱՊԱՐՁԻ ՔԱՐԱՎԱՆ ԿՈՒ ԳԱՆ ՈՒ ԿԵՐԹԱՆ...
ԵՐԿԻՐԸ ՈՒՍՅԱԼ ԶԱՎԿԻՆ Է ՓԱՅՓԱՅՈՒՄ ՄՈՐ ՊԵՍ,
ԱՆԿԻՐԹ ՑԵՂԵՐԸ ԹԱՓԱՌԱԿԱՆ ԿՈՒ ԳԱՆ ՈՒ ԿԵՐԹԱՆ...
ԱՇԽԱՐՀԸ ՆՅՈՒՐԱՆՈՑ Է, ՋԻՎԱՆ, ԱԶԳԵՐԸ ՆՅՈՒՐ ԵՆ...
ԱՅՍՊԵՍ Է ԿԱՆՈՆԸ ԲՆԱԿԱՆ, ԿՈՒ ԳԱՆ ՈՒ ԿԵՐԹԱՆ...»

Այո՛, խորապես համոզված էինք, թե խաչված հայության հրաշալի հարությունը անպայման պիտի գար համաշխարհային հաշվեհարդարության անմիջապես վաղորդայինը։ Բայց ա՛խ, իցիվ թե մենք հայ ահապարհապարհական տես և հազվագյուտ փրկանքներ տեսնել, ողջունել և համբուրել կարենայինք ՀԱՅ ՍՐԲԱԶԱՆ ԴՐՈՇԸ, ի՛նչ ձև և ի՛նչ գույն ալ փույթ չէր թե ունենար ան...

18.

ԵՐԿՐՈՐԳ ԶԵՐԲԱԿԱԼՈՒԹՅՈՒՆ ԵՎ ԲԱՆՏԱՐԿՈՒԹՅՈՒՆ ԱՆԱՊԱՏԻ ՈՒՍՏԱՎՈՐՆԵՐԸ

Վերջապես կրկնակի հապաղումների վերջ, հասավ մեր ևս բախտորոշ այն ահապարհ օրը, երբ հրամայվեցավ Չանկերիի մնացորդ հայության ճամփա ելլել արտրի ցուպը ձեռին դեպի Չոր։

Այս անգամ սակայն այլևս փախուստի ճամփա չկար մեզ համար, պետք էր համակերպելինք այն սև ճակատագրին, որ ավլած սրբած էր բովանդակ հայությունը ամբողջ Փոքր Ասիային։

Ամիսներ առաջ, մեր Իթթիհատի վճարած փրկանքովը միայն 6—7 ամիս ժամանակ շահած էինք։ Այս անգամ սակայն Գասթեմունիի կուսակալ Աթըֆ այնպիսի խիստ հրաման էր դրկած մեր տեղահանության մասին, որ ոչ թե չգործադրելու, այլ գոնե հետաձգելու իսկ հնարավորություն չէր մնացած այլևս։

Մեր կյանքին ամենաահավոր սև օրերին մեկը եղավ 1916 փետրվարի 12-ի օրը, երբ հանկարծ լուր բերին, թե տեղացի հայերը կը հավաքեն ու բանտ կ'առաջնորդեն, ոստիկանության

կողմին կնքելով յուրաքանչյուր հայու վաճառատունն կամ կըրպակը։

Այլևս կասկած չկար, որ տարագրության հերթը Չանկերիի հայության եկած էր։ Բայց Պոլսեն Չանկերի արտրականներն կային դեռ լավատեսներ, որոնք կը հուսային, թե Պոլսեն արտրականներն պիտի կրնայինք ազատիլ այս երկրորդ արտրեն, նկատելով, որ մենք ներքին գործոց նախարարութենեն մեր ուզած վայրը երթալու թույլտվություն ունենինք։

Սակայն ես միշտ հուսուեալ էի, որովհետև իմ պաշտոնավարություններու մեջ, իբր զավառի առաջնորդ, իբր Պոլսո կենտր. վարչության անդամ, և մանավանդ 1912—1913-ի բալկանյան պատերազմին իբր քաղաքական կոմիտեին՝ անգամ դառն փորձառությունն ունեցած էի ուսումնասիրելու, թե թուրքին ոչ թե բերանացի, այլ գրավոր խոստումներն ազելի հեղհեղուկ բան չէր կարելի գտնել։ Նույնիսկ եթե թուրքերու սուլթանն ալ հրովարտակ տար, կամ ո՛րևիցե նախարար կամ կուսակալ իր ամենասիրելի զավակներուն գլխուն վրա ալ երդնուր սուտ և խաբելու համար էր...

Զի թուրք պետական մարդոց դրամագլուխն խաբելն էր, և միշտ խաբելը, և օսմ. պետությունը մանավանդ դարե մը ի վեր, խաբերայությամբ միայն հաջողած էր իր գոյությունը քարշ տալ...

Ուստի՛ հազիվ այս ծանրակշիռ լուրը ստացած, խորապես համոզված, որ անպատճառ մեզ ալ շուտով պիտի ձերբակալեն, արդեն աճապարեցի պատրաստել վերջին կտակս, ու արտրի կյանքիս մեջ գրի առած «ՀԱՅ ԸՆՏԱՆԻՔ» երկասիրությունս թիթեղյա տուփով մը, որ կանխավ պատրաստել տված էի այս նպատակով, ամրափակելով հանձնեցի զիս հյուրասիրող ընտանիքին իբր ավանդ, որպեսզի ողջ մնացողներու կողմն գրկվի ի Մելբուռն մեծ եղբորս, որը կտակակատար կարգած էի։

Մինչդեռ առավոտուն ձերբակալած էին տեղացի հայերը, կես օրի վերջ սկսան նաև ձերբակալել Պոլսեն Չանկերի բերված արտրականներս։

Իսկ ամենավերջը եկան երկու ոստիկան ձերբակալել և զիս։ Ասոնցմե մեկը, որ ծերունի էր և ամիսներ առաջ եկած էր ձերբակալելու ողբացյալ Քելեկյանը, հազիվ դուրս ելած տեսնեմ,

1 Պատ. խորագրանի ապահովության հանձնաժողովը։

ըսավ ինձ մեկուսի «Ոստիկանական Քոմիսերը Ձեզ տեսնել կ'ուզե առանձին, ուստի հրամանեցեք կառավարական պալատը երթանք...»:

Արդարև անմեկնելի էր ինձի համար բարեկամական թաքուն շեշտով մ'ըսված այս խոսքերուն գաղտնի նշանակությունը:

Բայց մտածելու ժամանակ չկար. ուստի զլխիկոր հետևեցս ձերուկ ոստիկանին, որ ուղղակի առաջնորդեց ոստիկանական առաջին քոմիսերին պաշտոնատունը և ապա զգուշավորությամբ փակեց դուռն ու մեկնեցավ:

Ոստիկանական այս քոմիսերը, որ միանգամայն Չանկերիի տեղական ամբողջ կառավարության ոստիկանական տնօրենի հանգամանքն ունեի, հայտնեց, թե ինք կրնար զիս փրկել և աքսորե ազատել, եթե գործին պահանջած կարևորության համաձայն զինքն վարձատրեի...

Այս ան քոմիսերն էր, որ կաշառքով դյուրացուցած էր մեր երկու ընկերներուն Պոլիս փախուստը:

Բայց հնարավորություն չունեի զինքն գոհացնելու, նախ որ մոտոս հազիվ 3 արծաթ մեծիտ ունեի. (հին հաշվով 12 Ֆուսթե.) մինչդեռ ինք կը սպասեր զոնե հարյուր հնչուն ոսկի: Արդեև հարյուր ոսկի ստանալով ձերունի Գրիգոր Օհնիկյանն (Կարաֆա-սերայի դեմի ծանոթ ծխավաճառը) «հիվանդ է» րսելով ձգած էր իր տունը և որ փրկվեցավ երկրորդ աքսորեն, բայց մեռավ ապա Չանկերիի մեջ:

Երկրորդ, պետք չէր, որ Չանկերի մնայի, որովհետև Գասթեմուռնիի ճիվաղ կուսակալը Աթրֆ, իրեն մտերիմ ո՛րևէ անձն մը օր մը լսելով Չանկերի մնալս, անշուշտ զիս պիտի տարաբախտ Քելեկյանի բախտին արժանացներ: Մինչդեռ իր իշխանության սահմաններեն հեռանալով, ո՛վ գիտե թերևս փրկության ճամփա մը գտնեի, քանի որ վաղուց միակ փրկությունս կ'ախուստիս և հետքս կորսնցնելու մեջ գտնել ծրագրած էի:

Հետևապես պատասխանեցի քոմիսերին թրքական բանաձևով մը՝ «ԳԱՏԵՐ ՆԵ՛ ԻՍԵ Օ ՕԼՈՒՐ», այսինքն՝ ճակատագիրը ի՛նչ որ է ան կ'ըլլա: Թեպետ ներքնապես Աուրանի քարոզած կրավորական այս բանաձևին երբեք հավատացող մը չէի: Ընդհակառակը, խորապես համոզված էի, թե ԿԱՍՏԵՆԱԼԸ ԿԱՐՆՆԱԼ է, ու միշտ շուրջի անձերուս կը հեղհեղեի, թե ՈՐՈՇԱՍ ԵՄ ԸՄԵՌՆԻԼ:

Ապա առաջնորդվեցա բանտ, ուր գտա Չանկերիի բոլոր

ծանոթ հայերուն հետ նաև Պոլսեն աքսորված տառապանքի մնացորդ ընկերներս:

Հազիվ բանտ մտած, տեղեկացուցին, որ Չանկերիի հայերուն մեծերեն 8—10 անձեր կառավարչին դիմում ըրած են իսլամանալու, հուսալով այս եղանակով փրկվիլ աքսորե, որ անխուսափելի մահ ըսել էր անշուշտ: Այս պատճառով ալ այդ խումբը մասնավոր անկյուն մը հավաքված էր. իսկ անոնք, որ աքսորը և մահը նախապատիվ համարած էին քան կրոնափոխությունը, և 9/10-րդ մասն էր բանտարկյալ ժողովուրդին, շուրջս բոլորվեցան:

Թերևս գտնվի մեկը, որ ուզե չբմեղել կրոնափոխությամբ Տեր Զորի անջրդի անապատներուն մեջ ստույգ մահե մը ազատելու միակ հույսով եղած այս դիմումը:

Սակայն ես ավելի կը գնահատեի և չէի կրնար խանդակաթ հիացումս շահյանել այն ժողովուրդին, որ հավու ձագի նման թևերուս տակ կամ շուրջս հավաքված էր, գիտնալով հանդերձ, թե դեպի ստույգ և անխուսափելի մահ կ'երթանք: Գրանիտի նման կանգնած էին սպառնացող վերահաս ահավոր աղետին առջև, արհամարհելով մահն և շուգելով կրոնակից ըլլալ անարյունկզակ ժողովուրդին, որ հայ ցեղին դահիճն եղած էր գազանային վայրագությամբ: Շուրջս հավաքվածներեն ումանք գաղտագողի կ'ըսեին ինձի. «Հայր սուրբ, գիտենք դեպի մահ կ'երթանք և ա՛լ փրկության ո՛րևէ հույս չմնաց մեզի համար, սակայն հանուն ազգի՝ ավելի լավ է, որ մահվան այս ճամփան երթանք և եղերական մեր վախճանին վերջապես հասնինք... քան այս շներուն հետ մեկտեղ աղոթենք... որոնք մեր ազգը ջղակոտոր հաճեցին...»:

Բայց երեկոյան դեմ կառավարիչը լուր ղրկած էր ստոնց, թե կուսակալին իրենց իսլամացման խնդրանքը թեպետ հեռագրով հաղորդած է, բայց մերժման պատասխան եկած է, հետևապես «թող պատրաստվին մյուսներուն հետ վաղը ճամփա ելելու դեպի Զոր...»:

Բոլորովին ընկճված և ամոթահար իրենց այս ձախորդ դիմումեն, և անարգված «մյուսներեն», ասոնք ալ սկսան մեկնելու պատրաստություն տեսնել:

Ոստիկան զինվորներու այն ենթասպան, որ հաջորդ օրը աքսորականներուս քարավանը պիտի առաջնորդեր դեպի Փոքր Ասիո խորերը, գիշերը գալով մեր մոտ կը հայտարարեր, թե

արտոնչալ էինք մեր ծախքով ձիեր վարձելու ճամփուն համար: Չանկրրիցի տեղացի հայերը ամենքն ալ գրեթե նյութական միջոցներ ունենալով ձիեր կը վարձեին, իսկ Պոլսէն մեր արտոնական ընկերները արդեն վաղուց՝ սպառած ըլլալով գրեթե մեկ տարվան արքորի այս շրջանին նյութական սմեն միջոց, գժբախտաբար զուրկ էին ոչ թե ձի վարձելու դրամեն, այլ նույնիսկ հացի դրամ շունեին, սկսյալ ինձմե: Իսկ ազգականներնս եկած դրամը տեղական կառավարութիւնը իբր արտոնականի հարստութիւն արքունիս գրաված էր նույն օրերուն:

Բարեբախտաբար հուսահատ վիճակիս դարձյալ օգնութիւն կը հասնէր պատվական ժերունին, հաճի Փեթրակի Շախյանը, հետևյալ բառերով. «Հայր սուրբ, հոգ մի՛ ընեք, իմ ունեցածս քեզի ալ կը բավե. արդեն մեռնելու կ'երթանք, ա՛լ ասկե վերջ հարստութիւնը ի՞նչ պիտի ընենք, և որո՞ն համար պիտի պահենք...»: Այս ան ժերունին էր, որ մեծագույն փրկագիրը վճարած էր իթթիհատի Չանկրրիի պատասխանատու քարտուղարին և պատճառ եղած, որ մեր գոյութիւնն քարշ տանք մինչև այս օրը:

Ես ալ իմ կարգիս կը հուսադրեի տառապանքի Պոլսո իմ չքավոր ընկերներս, խոցտանալով նույնիսկ անձնական փոխառութիւնը հոգալ իրենց ստիպողական ծախքերը մահվան ճամփուն վրա...

Մյուս կողմեն կը թելադրեի այս պատվական ժերունին մտերմաբար, որ եթե հնչուն ոսկիի պահեստ ունի տան մեջ պահած, հետն առնե. թերևս կարենայինք դրամով գնել նեղ վԱՅՐԿՅԱՆՆԵՐՈՒ ՄԵՋ մեր կյանքը...

Տեղական կառավարութիւնը քոմիսերին բերնով կը հայտարարեր մեզի. թե «Ո՛վ որ ուզեր կրնար իր ընտանիքն ու զավակները հետն առնել, իսկ եթե քաղաք ձգեին՝ անոնք պիտի սլաշտպանվեին...»:

Ամենքս ալ հետ խորհրդակցութեան որոշեցինք, որ ընտանիքները մնան Չանկրրի՝ գոնե զանոնք փրկելու համար ամիսներ տևող ճամփորդութեան մը հյուծիչ տառապանքներեն, և հավանական հարձակումներու ատեն գոնե խնայված կ'ըլլար արտոնականներու տեսնել մեր սիրելիներուն տանջալից լլկումներն ու շարշարալից մահերն... մեր կրելիք տառապանքը մեզի շատ իսկ էր... ավելին ո՛րքան հնար էր՝ խուսափել ջանալու էինք: Թեպետ թուրքերուն խոստումներուն շատ հավատացող

չկար՝ իբր թե քաղաք ձգված հայ ընտանիքներն, կիներն ու աղջիկներն պիտի պաշտպանեին: Անշուշտ գայլին գառին ցուց տված խնամքն տարբեր բան մը չէր կրնար ըլլալ...

Այս պատճառով ալ, տեղացի ամեն հայ որ հաջորդ օրը արքորի ճամփան պիտի բռնէր, կաշառքով ձեռք բերված թույլտվութիւնը՝ իրենց կիներն ու զավակներն բանտ բերել տալով իրենց վերջին պատվերներն, հանձնարարութիւններն ու կտակներն ըրին, պատրաստելով անոնց մտքերն վաղվան վերջնական բաժանման:

Բանտին մեջ՝ աղտոտութեանց մակարույծ անախորժ կենդանիներե տանջված անքուն և հոգիով ու մտքով լլկված տառապալից գիշեր մը անցընելի վերջ, հաջորդ օրը առավոտուն արդեն կանխավ քառապատիկ գներով սակարկված ջորեպաններու 30—35-ի մոտ ձիերը բանտին առջև բերված էին: Արդեն առաջին օրին սկսած էին մեզ կողոպտել, հնգապատիկ վարձքեր պահանջելով, որուն իսկական վարձքը արժեքին 1/5 ջորեպաններուն պիտի երթար, իսկ ավելորդը մեր պահպանութեան հատկացած 10—12 հեծյալ ոստիկան զինվորներու ենթասպային գրպանը:

Սակայն մենք այնպիսի ջղագրգիռ և հուզված հոգեկան տաժանելի կացութեան մը մեջ կը գալարվեինք, որ ավելիին կամ պակասին վրա խորհող չկար, այլ մեր ամենքին սեւեռուն միակ մտածումը սա էր, թե այս երկրորդ անգամ ՊԻՏԻ ԿՐՆԱՅԻՆՔ ՈՂՋԱՄԲ ԲԱՐՁՐԱՆԱԼ ՀԱՅՈՒԹՅԱՆ ՓՇԱԼԻՅ ՈՒ ԱՐՅՈՒՆՈՏ ԳՈՂԳՈԹԱՆ...

19.

ՄԵԿՆՈՒՄ ՉԱՆԿՐՐԻԵՆ ԶՈՐՈՒՄ

ՅՈՒՐՏ ձմեռ էր, քաղաքին մերձակա բոլոր սարերն ծածկված էին ձյան փխրուն խավերով: Հյուսիսային սառնաշունչ քամի մը անգոր կը դարձնէր ձմեռային արևուն կիսաջերմ ճառագայթները: Երբ 1916 փետրվար 13-ի առավոտուն կանուխ, մեզի հրամայեցին զույգ-զույգ դուրս գալ Չանկրրիի բանտին երկաթյա մեծ դուռնեն և սպասել ոստիկանապետին վերջին կարգադրութիւններուն, ճամփա ելլելու համար դեպի Չոր:

Մարդկային գրիչը անզոր է նկարագրելու այն աղետարշ տեսարանը, որ դուրսը կը սպասեր մեզ:

Հազիվ բանտեն դուրս եկած, փարախ դարձող ոչխարները մայուններով դիմավորող գառնուկներու նման, իրենց հայրերուն վրա վազեցին քաղաքացի տարագրյալներուն շփահասու անշափահաս զավակներն ողբ ու կոծով: Ասոնց հետեցան աքսոր գնացողներու ծերունի մայրերն ու կիներն՝ լալահասու: Ո՛րք մտիկ ընել կ'ուզեր ոստիկաններու և ոստիկան զինվորներու սաստիչ արգելքները:

Ամեն մարդու համար այլևս գաղտնիք մը չէր, որ Տեր Զոր աքսորվիլ՝ դեպի անխուսափելի մահ երթալ ըսել էր: Եթե նույնիսկ արյունածարավ խուժանն մը չարդվեինք, և ամիսներ տևող հյուժիչ ճամփորդութենեն ողջամբ Զորի անապատներն մեզմե հասնող իսկ ըլլար, դարձյալ հոն տոթակեզ ու անջրդի ավագի գաշտերուն մեջ պիտի մեռնեինք կմախքացած ու սպառած...

Ուստի շանկրըցի հայ ընտանիքներն կ'աճապարեին հուսկ վերջին հրաժեշտը առնել իրենց տարագրվող հոգեհատորներեն: Մերունի մայրեր պարանոցին պլլված իրենց աքսոր գնացող երիտասարդ զավակներուն, արհամարհելով ամեն վտանգ՝ թուրքերեն լեզվով (որովհետև շանկրըցի հայերը թրքախոս են) լալագին կ'աղաղակեին ու կ'ըսեին. «Մենք ցավով ծնանք ու արշունքով զավակ մեծցուցինք. որ ձեզ շղակոտոր հանեն... վա՛խ յավրում վա՛խ... աս ի՞նչ սև օրերու հասանք... ա՛խ, երանի թե ձեզ ծնած ըլլայինք...»:

Այնպիսի կսկծեցուցիչ վայնասուններով և ողբ ու կոծով այն կարգի հառաչալից խոսքեր կը բացականչեին, որ երկնքի խուլ կամարներն իբր թե վար առնել կ'ուզեին...

Թշվա՛ռ հայ մայրեր, արդյոք բոլոր ազգերուն մեջ կան ձեզմե սի՛նի տառապած և զավկին կսկիծը սրտին մեջ արյունոտած մայրեր...

Իսկ երիտասարդ կիներ ու պարկեշտասուն հարսներ, մեկ կողմ թողած համեստության ամեն տոհմիկ օրենք ու կանոն, զիրկընդիսառնված իրենց դեպի մահ գնացող երիտասարդ ամուսիններուն, աղիողորմ ճիշերով ու հորդահոս արցունքով կ'աղաղակեին ու կ'ըսեին. «մեզ թշնամիներուն թողած ո՛ւր կ'երթաք դուք...»:

Հապա դժբախտ պատանիներ և բյուրիցս եղերաբախտ շափահաս ու անշափահաս հայ աղջիկներ ու անգիտակից փոքր

անմեղ երախաներ, ընդհանուր ողբ ու կոծեն՝ բնազդաբար դշալով, թե ահավոր աղետի մը առջև կը գտնվին, փառած իրենց հայրերուն ոտքերուն ու փեշերուն «հայրիկ մեզ ձգած ո՛ւր կ'երթաս... ես ալ հետդ կու գամ... ինձի ալ հետդ տար...» կողկողագին ըսած ատեննինն ապառաժները իսկ կը պայթեցնեին...

Սպիտակահեր ու կորաքամակ հայ մամիկներ ու մայրեր վազելով ապա մոտս, ձեռքերս արցունքոտ համբույրներով ողողելով կ'աղաչեին ու կ'ըսեին՝ «նախ Աստուծո և ապա քեզ կը հանձնենք մեր այրերն ու զավակներն. դուն տեր եղիր անոնց... ալ տեր ու պաշտպան շմանց անոնց. վերը Աստված, վարը դուն...»:

Ո՛հ, անտանելի էր տառապանքս, միակ ողջ մնացած հովիվն էի գավառի մեջ ցան ու ցրիվ եղած ու վտարանդի հոտի մը: Ահավոր վայրկյան, երբ գայլերեն հոշոտված անպարտ ազգի մը վերջին բեկորներուն պիտի ուղեկցեի իրենց փշալից վերելքին՝ դեպի ահավոր Գողգոթան հայության...

Բայց ո՛հ ես ալ աքսորական էի ու թափառական, ի՞նչ կրնայի ընել... Եթե ոչ, միայն ականատես կենդանի վկան ըլլալ ցեղիս շարժարալից նահատակության, և եթե Տերամբ ողջ մնալ հնար ըլլար, վկայախոսն ըլլալ աս մեծ եղեռնին՝ առաջի ապագա բոլոր հայ սերունդներուն...

Գոնե կարելի ըլլար մխիթարության խոսք մ'ըսել անպատմելի սուգով շողապատված և շուրջս խոնված հայ մայրերուն և հայ կիներուն. բայց բա՛րե զիս ս՛վ պիտի մխիթարեր իմ անխոս վշտիս ու կսկիծիս մեջ, երբ արգեն կանգնած էի անխուսափելի մահվան սեմին առջև:

Ի տես աս հավիտենական բաժանման առթած համատարած սուգին և աշխարումին, հոն վերը կառավարական շենքին պատուհաններուն առջև դիզված բազմազուլթա թուրք պաշտոնյաներն, դիվային ժպիտ թ շուրթն ներոնյան խրախճանությունք կ'ըմբռնեին հայուն աս քստմենեցուցիչ սուգն ու վիշտն, և կային, որ քրքրալիր ծփծաղով ու «քահ քահով» կը հեղնեին անողորմաբար մեր անպատում տառապանքը...

Իսկ վաբը մեզ ամենքս շրջապատած էր տեղացի թուրք երկսեռ խաժամուժ ամբոթ մը, ներքին հրեշայի գոհունակությամբ մը՝ սկանատես ըլլալու համար մահվան գնացողներու և հրաժեշտի եկող հայ ընտանիքներու աղետորով աս հուզիչ տեսարանին, կ'ըսեին բաթճրածայն իրարու՝ մեզ լսելի ընել

տալու ակններն ջանքով մը «Պետութեան և ազգին թշնամիներուն վարձանը հարկով աս պիտի բարձրացնուին» — Տէօփլէթ, միլլէթ սուլտանարըն սօնը հէլպէթ պու օրաճաղըրը... — Իսկ ոմանք ալ բացահայտորեն կը գովեն իթթիհատական կուսակցութիւնը՝ իմա կառավարութիւնը, որ քաջութեամբ ունեցավ վճռական մեկ հարվածով թուրք պետութիւնն ու ազգն ազատելու «ԱՅ ՓՈՐ-ՉԱՆՔԵՆ»:

Նշան շատ թուրքեր, որոնք շամշջան իրենց հին առարկելի շրամական պահանջներն, գալով ուզելու աքսոր գնացող տեղացի հայերեն: Բոլորովին անտարբեր ու անկարեկից ասոնց աղաչանքին ու պաղատանքին, թե հեռու անապատներ պիտի երթան և պետք պիտի ունենան շատ դրամի: Չպակսեցան և թշվառական թուրքեր ևս, որ կանխավ իրենց վիճելի եղած և ապա իրավախոսութեամբ կարգադրված կասկածելի կամ անիրավ պահանջները՝ բացառիկ այս առիթն օգտվելով եկան և պահանջեցին և մինչև որ շտապան, շթողուցին թշվառներուն օձիքը:

Աս թուրքերը անոնք էին, որ տարիներով գործի իբր ընկեր կամ տուր և առի մեջ միշտ երկար տարիներով իրենց հայ բարեկամները շահագործած, ու անոնց քրտինքի արդար վաստակով հարստութիւն դիզած էին: Այժմ մեկ օրվան մեջ երախտամոռաց թշնամիներ դարձած էին իրենց վաղեմի հայ բարեկամներուն:

Բայց երբ աքսոր մեկնող հայերը սկսան բյուր աղաչանքով իրենց օրինավոր մուրհակով պահանջները խնդրել, այն ատեն ոչ մեկ թուրք խղճահարութիւնն ունեցավ վճարելու իր պարտքը, առարկելով, թե կառավարութիւնը արգելած է, և իրենք պիտի վճարեն աքսոր մեկնող հայերուն ունեցած պարտքերը միայն կազմվելիք թողլալ զույգերու «պետական հանձնաժողովներուն...»: Հանուն վաղեմի բարեկամութեանց, ապարդշուն անցան տարագրութեան գնացողներու ամեն աղաչանքները, որ ըրին իրենց թուրք պարտապաններուն:

Մեր հսկողութեան հատկացած 10—12 հեծյալ ոստիկան զինվորներուն և թուրք ենթասպային ուղեկցութեամբ մեր քարավանը շարժեցավ առաջ. ոմանք, ~~միմյուր~~ ոմանք իշավոր և ոմանք ևս ոտավոր 45—50 հոգիանոց մեր ~~առաջին~~ քարավանը մեկնեցավ դեպի Տեր Զոր, իր ետև ~~միմյուր~~ ողբ ու կոծ, վայնաստուն, սուգ ու արցունք և համախոնակական անեծք:

Այ ավելի մեծ եղավ մեր երկյուղն ու տապնապն, երբ փոխանակ մեզ առաջնորդելու 24 ժամ միայն հեռու գտնվող էնկուրիի կայարանը, և երկաթուղիով 5—6 օրեն տանելու մեզ Գոնիայի ճամփով դեպի Հալիպ, հանկարծ քարավանին ուղեցույց եղող ոստիկան զինվորը բռնեց դեպի Իսկիլիպի վրայով Չորում տանող ամայի և լեռնային ճամփան:

Երբ քաղաքին վերջին բանջարանոցներն կ'անցնեինք, մեր ճամփուն վրա տեսանք պառավ թրքուհի մը, ցնցոտիներով, խոխով մազերով ու կորաքամակ: Աս արձանացած մեր մահվան ճամփուն վրա, ձեռքերն մերթ երկինք բարձրացնելով և մերթ ծունկերուն զարնելով կը պոռար՝ իրեն հրավիրելով ամենքիս ուշադրութիւնը և կ'ըսեր՝ «Գահը օլսունլար, իտէն պուլուր տունեսաը սըրը, մահսում ահալիի էլստիրմէլէ կէօթիրիհօրլար. կէլէն տուլման տէ եարըն պիզի պէօլլէ իտէճէք... է՛յ եափանլարատա գալմազ իշալլահ... էվլատարըմ Ալլահ սիզին իլէ պէրապէր օլսուն...»: — Անիծյալ ըլլան, ընողաց գտնողաց աշխարհ է. անմեղ ժողովուրդը սպանելու կը տանին. եկող թշնամին ալ վաղը մեզի այսպես պիտի ընեն... է՛հ ընողներուն ալ հարկավ չի մնար... զավակներս, Աստված ձեզի հետ ըլլա:

Ահա միակ սիրտացավ թուրք կինը, որ մարգարեական ոգով լիաշուրթն անեծք կը կարդար Իթթիհատի կառավարութեան զըլխուն... Արդարև խորին տպավորութիւն ըրավ մեր ամենքին վրա թուրք յոթանասուննոց կմախացած պառավին նշանակալից այս խոսքերը: Իսկ ոստիկան զինվորները հեշնեցին խեղճ պառավը ըսելով՝ ցնդած է:

Անապատի ուխտավորներու քարավանը ծանր ծանր կը առաջանար, և երկու ժամ վերջ արդեն բարձրացած էինք ձյունապատ լեռներ, ուր ձմեռային մրրկաշունչ ցուրտ քամին, մանավանդ իրիկնամուտին, սկսավ սառեցնել մեր մատներն ու ականջները:

Մեր քարավանին ընկերակցող 10—15 ոտավոր ընկերները չկրնալով դուրավ քալել ցորեկը արևու ճառագայթներին փխրուն դարձած ձյունի վրային՝ շատ դանդաղ կը առաջանայինք, հակառակ ոստիկան զինվորներու վրդովիչ աճապարանքին:

Կեսօրվան կարճ դադարե մը վերջ, ութ ժամվան ճամփորդութիւնե մը հետո՝ մթնշաղով հասանք վերջապես թուրք գյուղ մը, ու վերահսկիչ ենթասպային կարգադրութեամբ իջևանեցանք առ ի շզոն հարմարագլխ շենքի մը՝ գյուղին իսլամ

աղոթատեղին: Որուն բոլոր ապակիներն սակայն շարդուփշուր եղած էին, և գիշերվան կծող ցուրտն ա՛լ ավելի կը տանջեր մեր ճամփորդության դեռ անվարժ ընդարմացած անդամները:

Առավոտյան անմոռանալի մեր հուզումներն և օրվան հոգ-նեցուցիչ ճամփորդությունն մեր մեջ այլևս սիրտ ու հոգի չէին ձգած. ուստի հոգնաբեկ մեր մարմիններն երկարելով աղտոտ և ոչլուտ մեկ քանի փսիաթներուն վրա՝ կծկտեցանք կես քուն կես արթուն միջև և լույս, սպասելով վաղահաջորդ օրվան անակնկալներուն:

Մարմնով, հոգիով և մտքով տանջված, դժնդակ գիշեր մը անցընելի վերջ, առավոտուն շառագունող արշալույսին հետ կրկին ճամփա ինկանք ա՛հ ու դողով:

Մեր մեջ եղած գաղտնի խորհրդակցության մը համաձայն, 30 հնչուն ոսկի կաշաք տալով համոզեցինք մեր վերահսկիչ ենթասպան, որպեսզի Սունկուրլուի ճամփով մեզ շառաջնորդե դեպի Չորում: Որովհետև Սունկուրլուի թուրքերը՝ իրենց բնակակից երկսեռ հայերը այնպիսի խուժողուժ մահերով սպանած էին, որ մտածելն իսկ մեզի սոսկում կ'առթեր: Ուստի որշափ հնար էր մուլար արահետներով և քերելով Ալիս գետը (Գրզլըր-մաթ) սկսանք դանդաղ առաջանալ դեպի Ալիսի նորաշեն հսկա կամուրջը, որ հազիվ միայն մեկ քանի ժամ հեռու է Իսկիլիպեն:

Երբ ժամեր քալելի վերջ հասանք Ալիս գետի ափին, տեսանք, որ հակառակ ձմռան եղանակին արդեն գետը հորդած էր, ու խուլ մոնշյունով մը, հորձանքներով և հոսանքներով թավալ-զոր առաջ կ'երթար, իր հետ տանելով բազմամյա հսկա ծառերու մեծազանգված կոճղեր, արմատներ, ճյուղեր և հաճախ արմատախիլ եղած ամբողջ ծառեր:

Թեպետ չուրը տղմուտ էր և հույժ պղտոր, բայց այլևս պետք էր քնտելանայինք կենդանիներու վարած կյանքին, և հարկ էր, որ մոռնայինք մեր հին մարդավայել սովորություններն ու ապրելակերպերը ու խմեհինք:

Մեր աքսորի ճամփուն երկրորդ օր իսկ, մեր տված կաշաքին շնորհիվ արդեն բարեկամացած էինք մեր վերահսկող թուրք երիտասարդ ենթասպային հետ, որով հաջողեցանք կարգալ եթասպային տրված մեր պաշտոնագիրը: Որ ուղղալ էր թեպետ Հալիպի կուսակալին, սակայն բաց պահարանով տրված էր, որ մեր անցած ճամփաներու տեղական կառավարական

պաշտոնյաներն կարենան իրազեկ ըլլալ մեր պաշտոնագրին բովանդակությանը, և ըստ այնմ ընթացք բռնեն...

Մեր պաշտոնագիրը հետևյալ իմաստը ուներ. «ՆԵՐՔԻՆ ԳՈՐԾՈՑ ՆԱԽԱՐԱՐՈՒԹՅԱՆ... ԹՎԱԿԻՐ ԵՎ... ԹՎԱՀԱՄԱՐ ՊԱՇՏՈՆԱԳՐԻՆ ՀԱՄԱՁԱՅՆ, ՉԱՆԿԸՐԻԻ ԱՅՍ 48 ՀԱՅՅԵՐԸ, ԸՆԴ ՀՍԿՈՂՈՒԹԱՄԲ ԵՎ ՊԱՇՏՊԱՆՈՒԹՅԱՄԲ ԿԸ ՏԱՐԱԳՐՎԻՆ ՀԱԼԵՊԻ ԾԱՄՓՈՎ ԴԵՊԻ ԶՈՐ: ՈՂՋԱՄԲ ԿԵՍԱՐԻԱ ԺԱՄԱՆԵԼՆԻՆ ՊԵՏՔ Է ՀԵՌԱԳՐՈՎ ՀԱՂՈՐԴՎԻ ԹԵ՛ ԶԱՆԿԸՐԻԻ ԿԱՌԱՎԱՐՈՒԹՅԱՆ ԵՎ ԹԵ՛ ՆԵՐՔԻՆ ԳՈՐԾՈՑ ՆԱԽԱՐԱՐՈՒԹՅԱՆ»: «Տախրիյէ Նէզարեթը Ճէշիշէսիին... Թարիխի վէ... նօմէրօլու էմիր մուճիպ. Չանկըրի էրմէնի Ճուճաթը օլուպ 48 ֆէրտ, մուհաֆազա թահթընտա Հալէպ թարիքի իլէ Տէր-Զօրա սէվզը, վէ սէլամէթէն Ղայսէրիյէ ավտէթլէրիստէ, պա թէլէկրաֆ կէրէք մէրքէզ հէօթիւմէթիինէ, վէ կէրէք Տախիլիյէ Նէզարէթիինէ իշարը»:

Այս պաշտոնագիրը Չանկըրիի կառավարիչը կը գրեր Հալիպի կուսակալին՝ հրամանով Գասթեմունիի կուսակալ Աթըֆի:

Ենթասպան զիս կը քաջալերեր, հայտնելով, թե մեր թուղթը շատ լավ գրված է, և վախնալու կամ սպանվելու մտահոգություն պետք չէր որ ունենայինք:

Կ'ավելցնէր միանգամայն, որ ինք իր պաշտոնին բերմամբ շատ այս կարգի «հանձնարարականներ» կարդացած էր, բայց անոնց մեջ կը պակսեին «ընդ հսկողութեամբ և պաշտպանութեամբ» բառերը, ինչպես նաև «ողջամբ կեսարիա ժամանելուն հեռագրելու» հանձնարարությունը:

Առժամայես միախաբվելով աս շոր քաջալերությունը, զի ամեն պարագայի տակ ԹՈՒՐԹ ՊԱՇՏՈՆԱԹՈՒԴԹ ՄԸՆ ԷՐ վերջապես, փութացինք հաղորդել քարավանին մեր ընկերներուն, փոքր-ինչ թեթևացնելու համար ՄԱՀՎԱՆ ՄՂՋԱՎԱՆԶԸ, որ կը լլկեր ամեն վայրկյան մեր միտքն ու հոգին, և կարելի չէր ըլլար վտարել մեզմե, հակառակ ամեն հուսադրիչ հայտարարություններու:

Երկրորդ օրը արշալույսին հետ ճամփա ելանք: Բայց դժբախտաբար մեր գնացած ճամփան ավելի արահետ մըն էր, ուրկե միայն ձիով հնար էր ճամփորդել: Որովհետև ձյունը տեղ-տեղ գաղջ արևին ներքև, եթե ոչ հալած, գոնե փխրուն դարձած էր. այս պատճառով մեծ դժվարություն կը պատճառեր թե՛ ձիավոր և թե՛ ոտավոր գնացողներուն: Սակայն տրտնջելու ժամա-

նակ չկար, հարկ էր, որ առաջ քալելինք մինչև ի խոր գերեզման: Ուտքով գնացողներին ոմանց ներքանը արդեն ուռած էր, չկրնալով տոկալ օրական 6—8 ժամ քալելուն, մանավանդ դեռ անվարժ էին, ուստի հարկ եղավ, որ ձիավորներս փոխ տանք մեր ձիերը ասոնց և մասամբ թեթևեցնենք բռնադատյալ քալողներու տաժանքը:

Ութ ժամվան դժվարին ճամփորդութենն մը հետո արևամուտին հետ իջևանեցանք «գրգըլպաշներու» գյուղ մը: Ասոնք ըլլալով քրիստոնեական ինչ-ինչ հին սովորութիւններով իսլամ աղանդավորներ, միշտ հակառակ եղած են թուրքերուն, և փոխադարձաբար և հաճախ նեղ օրերու մեջ գաղտնապես պաշտպանած են հալածված հայերը:

Ուստի մեծ կարեկցութեամբ ընդունեցին մեզ, և շուգեցին արժեքը առնել իրենցմե մեր գնած մածունին և հավկիթին: Մինչդեռ հետ այնու բոլոր թուրք մեր իջևանած գյուղերուն մեջ շարաշար կողոպտեցին մեզ, առանց գթալու մեր հալածական ու վտարանդի վիճակին:

Մեզ ընկերակցող շանկըրիցիներեն մեկ քանին վաղեմի բարեկամներ ունենալով աս «գրգըլպաշներուն» մեջ, աս վերջինները՝ ոստիկան զինվորներեն գաղտնի կանչելով իրենց աքսորական հայ բարեկամներն, կարեկցելով մեր վրա լացած էին դառնապես, խորհուրդ տալով, որ փախչին...

Հաջորդ օրը լուսնշաղին հետ քարավանը ճամփա ելավ, որովհետև շատ ճամփա ունեին քալելու՝ հասնիլ կարենալու համար Ալիս գետի կամուրջը:

Երբ մեկ քանի ժամ վերջ մտանք Ալիս գետի հովիտը, արգեն կլիման գաղջացավ, և մեր ետև այլևս թողուցինք ընդմիշտ ձյունապատ լեռները: Իսկ մեր հանդիպակաց հեռավոր հորիզոնին վրա տեսանք Կեսարիո համբավվոր Արգեոսը կամ ըստ թրքական ասութեան «էրճիասը», իր 4000 մետր բարձր ամպածրար ձյունապսակ կատարովը:

Սունկուրլուի ճամփեն դիտումնավոր կերպով խոտորնուս համար մոլորեցանք կողմնակի արահետներու մեջ, և 11 ժամվան տաժանելի ուղևորութենն մը հետո հասանք վերջապես ձմեռային թանձր գիշերային խավարով մը Ալիս գետի Գոյունպապա կոչված քարաշեն հոյակապ կամուրջը, որուն հսկա կոփածո կամարներուն ներքևն մեծազորոգ շառաշով դուրս կը

պոռթկար գետը՝ հորձանք տալով կավագույն ալիքներով դեպի Սև ծով:

Աս կամուրջին Իսկիլիպի կողմը արևելյան սրճարան—իջևան մը կար միայն մեկ սրահով, ուր առաջնորդվեցանք գիշերելու: Սակայն որսի և արյունի հոտ առած մարդ-գազաններ, զինված աղեղնաձև պարսկական հին թուրքերով, դաշույններով և այլ զենքերով, ուսընդանութ լեցուն փամփուշտակալներով, մեզմե առաջ եկած և տեղ գրաված էին արդեն սրճարանին մեջ: Ասոնք ավազակներու հատուկ խուզարկու ակնարկներով սկսան մի առ մի քննել մեզ ոտից ցզուխ:

Ավելորդ է ըսել, թե ամենքս ալ սարսափեցանք ի տես այս զինավառ ավազակներուն, որոնց արևակեզ դեմքերն և վայրագ ակնարկներն շատ բան կը պատմեին մեզի, անոնց արյունածարավ անցյալ շահատակութեանց մասին, և մանավանդ վերջին մեծ եղեռնի օրերուն...

Բայց բռնադատյալ էինք զառներս նստելու գայլերուն մոտ, միշտ ահաբեկ և ամեն վայրկյան սպասելով անոնց սուսերամերկ հարձակման: Թեպետ մեզի հսկող ոստիկան զինվորներն և մանավանդ ենթասպան կը քաշալերին մեզ, որ չվախնանք...

Ավելորդ է մասնավորաբար հոս շեշտել, թե ոչ ոք մեզմե գիշերը քնանալ կրցավ: Մեկ կողմեն ավազակներուն սարսափեցուցիչ տեսքը, մյուս կողմեն Ալիսի ծովածավալ հորդումը մանավանդ մեզմե տկար հոգիներ ունեցողներուն վրա այնքան խոր ազդած էր, որ 8—10 հոգի Չանկըրիի ժողովրդին մեծերեն որբշած էին անձնասպան ըլլալ, Ալիս գետի առ այս ընծայած բացառիկ պատեհութեանը շուգեցող ձեռք հանել: Իրավամբ կը խորհին, թե անհնար էր մեր քարավանին ամիսներ այսպես ճամփորդելով ողջ հասնիլ Տեր-էլ-Ջոր. որով մահը անխուսափելի էր մեզի համար այլևս: Ուստի ինչո՞ւ չօգտվիլ Ալիսեն, երբ հայրենի այս գետը իր խոր հորձանքներուն և ալիքներուն մեջ կը խոստանար բաղդատաբար ավելի նվազ շարչարալից մահ մը...

Կեսգիշերը անցած էր արդեն, երբ իրենցմե մեկը, որ քաջութեան շէր զգացած վերջին պահուն գործադրելու աս վատհոգի ծրագիրը, փութաց իմացնել ինձի, որ աճապարեմ քանի դեռ ուշ չէ՝ առջը առնեմ աս աղետին: Բնականաբար անմիջապես փութացի դուրս վազել սրճարանեն, երբ մեր ընկերներն արդեն գտա վերջին պատրաստութեանց մեջ՝ իջևանի գետափին կողմը գտնվող պարսպին մոտ: Ասոնցմե ոմանք՝ արդեն իրենց վեր-

չի՛ն կամօքը թղթի կտորներու վրա գրած պատրաստած էին, որ-
պէսզի ողջ մնացող ընկերներ եթէ ըլլան ու մնան, հանձնեն
իրենց ընտանիքներուն...

Մինչդեռ ես համոզվեի խոսքերով և հուսադրիչ օրինակնե-
րով կը ջանայի համոզել զիրենք, ետ կեցնելու համար իրենց
մահաբեր մտադրութենէն, ընդհակառակը, իրենք ևս կը ջանային
զիս տարհամոզել, խնդրելով, որ արգելք չըլլամ իրենց, և ներ-
կայացած այս բացառիկ առիթը փախցնել շտամ... և բոլոր
քարավանը միասին նետվինք գետը ու ազատինք միանգամ ընդ-
միշտ շարշարալից նահատակութենէ մը:

Կրօնքի սաստիչ օրինակներուն և հորդորներուն տեսնելով, որ
այնքան կարեորութիւն ընծայող չկա, կը ջանայի ապացուցանել
խոհեմութեամբ մահը մեզմէ հեռացնելու ՎՃԱՐՅԱԼ կարելիու-
թիւն մը, և կը հորդորեի ամեն հույս դեռ չկորսնցնել ու ավելի
լավատես ըլլալ:

Մեր ամենահամոզվեի փաստերէն մէկը աս եղավ, որ յուրա-
քանչյուր հայու ամենասրբազան ազգասիրութիւնը կամ հայ-
րենասիրութիւնը պիտի ըլլար կարելիին հետ անկարելին ընել,
ողջ մնալու և տեսնելու համար հայ ազգի հրաշալի վերածնունդն
ու հարութիւնը և ողջունել կարենալու համար նորածագ հայ
ազատութիւնը...

Հակառակ իրենց ամեն պնդումներուն մերթ սաստելով, և
մերթ աղաչելով բերի կրկին ամենքն իշխան-սրճարանը, և հսկե-
ցի մինչև առավոտ, որպէսզի մի գուցե մտքի խոլ նոպայի մը մեջ,
հանկարծ կրկին փորձեն գործադրել իրենց եղբրական նպա-
տակը:

Հաջորդ առավոտ արշալույսին հետ մեր՝ ձիավորներու, իշա-
վորներու և ոտավորներու դժբախտ քարավանը սկսավ բարձ-
րանալ կրկին առաւելը սարեր, մեր ետև թողլով առհասկա
Ալիսի տղմուտ ալիքներն ու մեզի միշտ սարսուռ ազդող այդ
իշխանը և Գոյուն-պապա հորջորջված մահաբույր հսկա և բարձ-
րադետ կամուրջը՝ իր խորհրդավոր մենութեանը մեջ:

Դարձյալ մեր ճամփան սկսավ տաժանելի դառնալ, որով-
հետև միշտ դեպի վեր կը բարձրանայինք ձյունապատ լեռներ,
ուր ցրտաշունչ քամին կը մտրակեր մեք դուրսը անպաշտպան
մնացած մարմնուն մասերը: Շուրջ յոթն ժամվա՛ր՝ դժվարա-
կիր ուղևորութենէ մը վերջ հասանք բարձր բլուրներէ շրջապատ-

յալ քարաշեն առանձնացած իշխան մը, որ սակայն իշխան ըլլալի
ավելի ավազակներու խսկական որջ մըն էր:

Միակ սրահէ մը (ղո՛վուշ) բաղկացած սրճարան—իշխանին
(խան) մեջ՝ իբր թե պատահաբար մեզի հետ պիտի գիշերեիին
քսանն ավելի զինավառ թուրք ավազակներ, որոնք եկած էին
մեր դիակները փոռելի վերջ տիրանալու մեր «անբավ» հարըս-
տութեան:

Դարձյալ անհնար եղավ ամբողջ գիշերը քնանալ. որովհետև
կը տեսնեիք, որ շարունակ գաղտնի խորհրդակցութեան և
փրսրտուքի մեջ էին, թե ի՛նչույեա կրնային մեզ 48 զոհերս ի մի
հարված խողխողել: Սակայն շնորհիվ մեր վերահսկիչ ենթաս-
տային կանխավ վարձատրված աշալըութեան և արթուն պահա-
կութեան, չկրցան իրենց ոճրապարտ ծրագիրներն գործադրու-
թեան դնել:

Հազիվ արշալույսը ծագած, աս անգամ մեր խնդրանք աճա-
պարեցինք ճամփա ելլել՝ կարենալ հասնելու համար կղզիացած
բարեբախտաբար հանդարտ թուրք գյուղ մը, ուր ըստ վկայու-
թեան, մեր պաշտպան ենթաստային, ապահով գիշեր մը կը հու-
սայինք անցընել և ուտելիք ևս գտնել:

Ստուգիվ համաձայն իր խոստման՝ ենթաստային մեզ արևա-
մուտին հետ հասցուց թուրք փոքրիկ գյուղ մը, ուր կրցանք
չորս անքուն գիշերներէ հետո վերջապես փոքր-ինչ քնանալ և
ւնունդ առնել: Մինչդեռ օրերը կ'անցնեին, սակայն մեր մտքե-
րը ու հոգիները վերահաս մահվան մղձավանջով տանջված, պա-
տեհութիւն շունչներ երբեք խորհելու կերակուրի մասին, այլ
թե ի՛նչ զգուշական միջոցներ ձեռք առնենք, որ զոհ չերթանք
երկոտանի հոշոտող գայլերուն:

Մեր ճամփորդութեան հինգերորդ օրը ողբացյալ Երվանդ Զա-
վուշյան, որ իբր վերակազմյալ հնչակյան գործիչ, Տին պետ
և բազմամյա ուսուցիչ, հակառակ թուրք մեծամեծ բարեկամ-
ներ ու աշակերտներ ունենալուն կ'անդամակցեր, անշուշտ ակա-
մա, մեր մահվան քարավանին, հիվանդանալով այլևս անկա-
րող եղավ քալելու. ուստի վարձելով գյուղացիներէ էջ մը, զինք
հետ առի միշտ նյութաւելս օգնելով ամբողջ ճամփու ընթաց-
քին ուրիշներէ կնքած անձնական փոխառութեան գումարներով:

Այսպէս հինգերորդ օրը կեսօրին քիչ վերջ, բաղդատաբար
ավելի նվազ տաժանելի ճամփորդութենէ մը հետո, հասանք
Զորում կառավարչանիստ քաղաքը, շինված դաշտի մը մեջ և

ըրջապատված բավական ընդարձակ պարտեզներով և բանջարանոցներով:

Հինգ օր շարունակ անմարդարնակ լեռնային ճամփաներու մեջ մեր դեգերումով իսկապես վայրենացած էինք: Երբ բախտն ունեցանք կրկին մտնելու քաղաքակրթութեան հետքեր հիշեցնող քաղաք մը, մեծապես ուրախացանք, բայց դժբախտաբար քանի մը ըրպէ միայն տեղի մեր միտք: սրությունը:

20.

ՉՈՐՈՒՄԵՆ — ՅՈՋԿԱՏ

Մեզ դիմավորող բազմաթիւ ոստիկաններու կողմէ առաջնորդվեցանք քաղաքին արևմտյան ծայրը կես ավերակ իջևան մի, որուն գետնահարկի մեկ փոքր սենյակի մեջ, ուր հազիվ 18—20 անձ կրնար նստիլ, մեր ամբողջ քարավանին 48 հոգին խոտի դեզերու պես լեցուցին ներս: Մեզ շարշարելու աս շափովը ևս չգոհանալով, ոստիկան զինվորներու խստասիրտ հարյուրապետ մը գալով, նիզով դուռը մեր վրա փակեց ու դուռն առջև ոստիկան զինվոր մը սվինամերկ հրացանով պահակ կեցնելով, հրամայեց զինվորին մեզ լսելի՛ ձայնով ըսելով՝ «Չըլլա որ ձգես, որպեսզի սա շներուն ո՛րնէ մեկը հաց կամ ջուր բերե, թող մեկ մը անոթի ու ծարավ մնան, որ հասկնան, թե ապրստամբիլ ինչ ըսել է...»:

Ասով ալ հույսերնիս կտրեցինք հաց ու ջուր գտնելէ, որուն ստիպողաբար պետք ունեինք: Զի լեռնային մեր հնգօրյա ճամփորդութեան մեջ սպառած էին Չանկըրիեն առած մեր պաշարներն, ինչ թուրք գյուղերու մեջ ալ շատ քիչ բան կրցած էինք ձեռք բերել: Որովհետև գյուղացիները մեծ մասամբ ուղիւնաճակատ տարված ըլլալով, գյուղերը աշխատող բազուկներ չէին մնացած, և գյուղացի ընտանիքներն ալ իրենք անոթի էին ու շունեին, որ մեզի տային:

Համարյա իրարու վրա նստած, ոչ պակսիլ հնար էր և ոչ սնունդ ստանալ, մինչ ճամփու խոնջանքը և մեր անոթութիւնը մեզ կը ստիպէր խորհիլ, թե մահը հազար անգամ նախամեծար էր աս կերպ ապրելէ, քան մեր կյանքը այսպէս քարշ տալը: Իսկ անոնք, որոնց անձնասպանութեան արգելք եղած էի, այժմ

աս տառապանքն սրտնեղած, կ'ըսէին ինձի, թե ինչո՞ւ արգելք եղած էի իրենց վճռական ու փրկարար ձեռնարկին... և մի՞թե գետին մեջ ջրասույզ ըլլալը ասանկ շարշարալից աքտորեն նախամեծար չէ՞ր. և ինչո՞ւ այս տառապանքի կյանքը տանինք, քանի որ վերջը դարձյալ անպայման մահ է, և սոսկալի խուժողով մահ...:

Նույնիսկ արգիլվեցավ մեզ բնական կարիքներու համար ևս դուրս գալ: Բայց ապա սակարկութեան մտնելով, ՀՍԿՈՂՈՒԹՅԱՆ ՆԵՐՔԵՎ Հուլիս ստիպողական պետքերու համար յուրաքանչյուր անձի համար հինգ արծաթ դահեկան սակ որոշվեցավ...:

Տաժանելի և անբուն գիշեր մը անցնելէ վերջ գարշահոտ այդ մթնոլորտին մեջ, հաջորդ առտուն ջանացինք ամեն գնով ուրքել խստասիրտ հարյուրապետը և կաշառքով ըստ կարելվույն ղյուրութիւններ ձեռք բերել: Սակայն դժբախտաբար մենք քանի իր բարյացակամութիւնը ձեռք բերել կարենալու համար հնարամիտ միջոցներ խորհեցանք, նա ընդհակառակը ա՛լ ավելի խստացավ, և պաշտոնապես հայտարարեց մեզ ամենքիս, թե Չանկըրիեն մեր ձիերը մինչև Չորում վարձված ըլլալով, ձիերը ևս ճամփված են. հետևապէս պատրաստվինք ամենքս ալ հետիոտն երթալու Յոզկատ: Մեր սուգը ընդհանուր և անպատմելի եղավ ի լուր աս նոր խստութեան: Որովհետև քիչ շատ գորգ, կապերտ, թեթև անկողիններ և այլ աս կարգի անհրաժեշտ գույքեր ունեին Չանկըրիի տեղացիք. մինչ մենք Պոլսեն աքտորական 16 տարագիրներ ոչինչ շունեինք, բացի մեզմէ շարշարանք առնվելիք հոգիեն... Արդեն տկարացողներ ունեինք և կային, որ հիվանդ ճամփա ելած էին. ասոնք ի՞նչպիս պիտի տանեինք մեր հետ...:

Քաղաքին մեջ կառք չգտնվիլը հարյուրապետը մեզ կը հայտնէր, իբր շարժառիթ մեր ոտքով ճամփան շարունակելուն: Մյուս կողմեն մեր խցարգելյալ գետնահարկ նկուղին կոտրած ապակիներով և երկաթյա ձողերով երկու պատուհաններուն առջև թուրք կառապաններ գալով, կ'ուզէին սակարկութեան մտնել մեզ հետ, պայմանով, որ հարյուրապետը գոհ թողունք... Ակններ և էր, թե հարյուրապետին գաղտնի թելադրանքովը կառապանները կուգային մեր մոտ:

Ճար չկար, պետք էր վերջին փորձ մըն ալ ընել, ուստի մեր դուռն առջև պահակ սպասող ոստիկան զինվորը լիառատ վար-
13—Հայ Գողգոթան — 193 —

ձատրելի վերջ, ասոր թուլլովությամբ անձամբ գնացի գտնել հարյուրապետը, որ դաժան դեմքով մը մտիկ ընելի վերջ թախանձագին աղաչանքներս, խոստացավ թուլլատրել, եթե սակարկություննիս գոհ թողուր զինքը...

Ինականաբար իր ընչաքաղց շար կամքը գոհացնելի վերջ միայն թուլլատրեց, որ կառքեր վարձենք, պայմանով, որ իրեն մեր վճարած կաշառքեն դուրս՝ յուրաքանչյուր կառքի մինչև Յոգկատ վարձքին համարժեք իրեն ալ կաշառք տանք: Որով ավելի քան 50 հնչուն ոսկի ստացած պիտի ըլլար մեզմե առանց աղմուկի: Եվ որովհետև այս ընելի գատ ուրիշ փրկության ելք չունեինք, ուստի աս պայմանն ալ ընդունեցինք:

Ապա աճապարանք, առանց անյուր սակագինները ի նկատ առնելու, վարձեցինք 10—12 կառք, որովհետև հրամայված էր մինչև կես ժամ պատրաստ ըլլալ, ուստի ինչ որ թուրք կառապաններն պահանջեցին՝ հոժարեցանք տալ կամա սկամա: Մեկ մը օձիքնիս ձեռք տված էինք, շատ բարակը փնտրելու ատենը շէր. բավ էր, որ մեր կյանքին չդիպչեին:

Նախքան մեր ճամփա ելլելը, բախտը ունեցանք ընդունելու այցելությունը՝ ռուսահպատակ և Պոլսեն աքսորված մեկ քանի հայ ազնիվ երիտասարդներու, որոնք քաջալերեցին մեզ հայտնելով՝ թե իրենք մտերիմ հարաբերություն ունենալով տեղվույն ստիկան զորքերու հրամանատարին հետ, որուն բացառիկ թուլլովությամբ իրենք հաջողած են ներս մեր բանտ—իջևանը մտնել, բարեկամաբար ըսած է եղել իրենց՝ թե «ԱՍՈՆՑ ՊԱՇՏՈՆԱԹՈՒՂ-ԹԸ ԼԱՎ ՈՃՈՎ ԳՐՎԱԾ Է, ԹՈՂ ԶՎԱԽՆԱՆ ԹԵ ԿԸ ՍՊԱՆՎԻՆ, ՄԻԱՅՆ ԹԵ, ԹՈՂ ԱՐԹՈՒՆ ԿԵՆԱՆ ՄԻՇՏ... ԵՎ ԹՈՂ ԳՈՃ ԶԳԵՆ ԻՐԵՆՑ. ՈՒՂԵԿԻՑ շՍԿՈՂ ԶԱՎՈՒՇՆԵՐԸ (ԵՆԹԱՍՊԱ) ԵՎ ՅՐՎԱԾ ԶԵՐԹԱՆ ԸԱՄՓԱՆ...: ԵԹԵ ՅՈՂԿԱՏԵՆ ՊՈՂԱՂԻԱՆ ԵՎ ԱՊԱ ԿԵՍԱՐԻԱ ԵՐԿԱՐՈՂ ԱՄԵՆԱՎՏԱՆԳԱՎՈՐ ԸԱՄՓԱՆ ՈՂՋ ԿԱՐԵՆԱՆ ԱՆՑՆԻՆ, Ա՛Ն ԹՈՂ ԶՎԱԽՆԱՆ...»:

Արդեն մենք ալ Յոգկատեն Պողազլիան երկարող ճամփեն իր վախճայինք: Որովհետև Չորումցիներու քարավանին՝ նախքան Յոգկատի հայոց տեղահանությունը՝ աս ճամփան ողջ կարենալ անցնելն վերջ, ոչ մեկ քարավան կրցած էր ողջ անցնիլ աս արյունոտ ճամփեն, որով սարսուռ կը զգայինք՝ քանի կը մոտենայինք այդ մահահոտ ճամփաներուն: Իսկ մեր երկյուղը թուրք զինվորականներ ա՛լ ավելի կը խարազանեին այս

ձեարգի հայտարարություններով, որով ստուգիվ մեր պաղարյունությունը կոտանցնելու վրա էինք տակալվ...

Վերջապես ոմանց կառքերով, ոմանք հետիոտն ճամփա ինկանք կեսօրին առենները, և առանց հիշատակության արժանի միջադեպի մը, երեկոյին արևամուտին հետ հասանք Մեծիտեղով կոշված թուրք գյուղը: Ուր Չորումեն շատ ավելի հանգրստավետ պայմաններով գիշեր մը անցուցինք, հագնեցնելով միանգամայն մեր անոթությունը և ծարավը, փոխան լիառատ վարձատրությանց:

Երկրորդ օրը արևածագին հետ մեր քարավանը ճամփա ելավ դեպի անմարդարնակ սարեր ու ձորեր. միայն միսիթարություննիս այս էր, որ կառքի ճամփաներով կ'երթայինք այս անգամ, որովհետև մեզի հետ կառքեր ունեինք: Մեր ոտավոր ընկերներն, որոնք հետզհետե սկսան շատնալ, վասն չորության նյութական միջոցներու՝ դուրսով այժմ կրնային քալել: Առաջվան պես ամեն վայրկյան արահետներու վրա ցան ու ցրիվ ինկած քարերն այլևս չէին գայթեր ու գետին իյնար:

Երրորդ օրը դարձյալ բախտն ունեցանք, ամայի և անմարդաբնակ ճամփաների հետո, հանդիպելու փոքրիկ կորիզի մը արևելյան քաղաքակրթության, որ էր Այաճա գյուղաքաղաքը, ուր կը նստեր տեղակալ մը (գայմագամ):

Այաճայի գայմագամը՝ գոնե երևութապես ինքզինք կուրնկից ցույց տվավ մեր դժբախտ վիճակին, ու անձամբ մեզ լռեանած սրճարանը գալով մեկ քանի հետևորդներով, մեր վիճակին մասին տեղեկություն հարցուց, և թուլլատրեց, որ անհրաժեշտ մեր պետրոն մեր հաշվույն գնինք: Այս շնորհ մըն էր, որ դժբախտաբար հաճախ կը զանային մեզի՝ միայն մեզ տանջելու հրեշային հաճույքը ըմբոշխնելու համար: Թուլլատրեց մեր դիմումին վրա նաև, որ հեռագրենք մեր պարագաներուն և զրուսուղները:

Պոլիս հեռագրելու մեզի շնորհված բացառիկ թուլլովությունն օգտվելով, ներքին գործոց նախարարության հեռագրով բողոքեցինք, որ հակառակ իր կողմն մեզի տրված «մեր ուղած վայրերը երթալու արտոնության», մեզ Տեր-Զօր կ'աքսորեն... Անշուշտ զարմանալի է խոստովանիլը այս պատահությամբ, քի մեր մեջ դեռ կային մարդիկ, որոնք Տեր Զորի ճամփան արդեն բռնած ըլլալով հանդերձ՝ դեռ կը պնդեին թե «ՆԵՐՔԻՆ ԳՈՐԾՈՑ ՆԱԽԱՐԱՐ ԹԱԼԵԱԹ ՊԵՅ ԼՈՒՐ ԶՈՒՆԻ ԱՅՍ ԱՄԵՆՔԵՆ...»:

Ահա ապացույց մը ևս, թե Թաւրաթ և ընկերներն ո՛րքան ճարտարութեամբ խաղացած էին իրենց նենգամխտ և եղեռնակիան դերը, որ մեկ միլիոն զոհ տալի վերջ՝ նույնիսկ անոնք, որ Տեր Զորի ճամփան ինկած դեպի անապատ կ'երթային կամխառնալու և անոթի ու ծարավ մեռնելու, կը պնդեին, թե «ԹԱԼԵԱԹ ՀԱՅՈՑ ԲԱՐԵԿԱՄ Է, ԵՎ ԱՆՈՐ ԿԱՄՔԻՆ ՀԱԿԱՌԱԿ ՏԵՂԻ ԿՈՒՆԵՆԱՆ ՀԱՅՈՑ ՀԱՆԴԵՊ ԱՅՍ ՀԱՄԱՏԱՐԱՍ ԶԱՐԳԵՐԸ...»:

Ալաճայեն մեկնեցանք բավական կազդուրված և մխիթարված, և սկսանք մոտենալ հետզհետե Յոզկատի, ինչ որ մեզ ծանր մտահոգութիւններու կ'ենթարկէր, և ստուգիվ հակառակ մեր բոլոր հուսադրիչ ջանքերուն ու ճիգերուն, հնար չէր ըլլար հեռացնել մեզմե մահվան անողոք ուրվականը, որ սարսափելի կամխք մըն էր և մահվան մանգաղը ձեռքը բռնած կը սպառնար բնաջնջել մեզ...: Ինչպես նշանավոր գերման նկարիչ Պյոկլին նկարած է և արտատպութիւնները ամենուրեք ի վաճառ հանված են «ԹՈՒՆ ԹԱՆՅ»՝ մահվան պարը անունով:

Զորորդ օրը, կամ մեր Ալաճայեն մեկնած օրվան երեկոյին ուշ տտեն, այսինքն մթնշաղով հասանք ամայի լեռներու վրա քարաշեն իջևան մը¹, որ ինչպես կանխավ անգամ մը հիշեցիք, աս ալ իրապես ավազակներու որջի մը տպավորութիւն թողուց մեր վրա: Որովհետև հռն՝ մեր քարավանին անցնելուն ավետավոր լուրը առնելով՝ կրկին հավաքված էին 8—10 ավազակներ ճամփորդի անունին տակ, և խուզարկու ակնարկներով կը քննէին մեր գույքերն ու անձերն, իրենց մեջ արդեն բաշխումը կատարելով իրենց ձեռք անցնելիք ավարին...:

Ամբողջ գիշերը խորհրդակցեցան իրարու հետ մեր դեմը գլուխ գլխի նստած, սակայն շնորհիվ ոստիկան զինվորներու աշարջութեան չհամարձակեցան խորհուրդի անցնիլ գործի...:

Հինգերորդ օրը անապատի ուղտավորներու քարավանը ճամփա ելավ դեպի Յոզկատ:

Այս օրը ամենքս ալ ահ ու դողով անցուցիք. մեր մեջն եղան ոմանք, որ նամակ գրելով իրենց Չանկըրի ընտանեկան պարագաներուն իբր իրենց կտակը, մեզ ուղեկից և հսկող ոստիկան զինվորներուն առատ պարգև տալով խնդրեցին, որ այդ նամակներն հասցնեն կամ ղրկեն ապահով եղանակով Չանկըրի, իրենց կիներուն...:

Բայց ո՛րքան ալ շարադետ ըլլար մեզի սպասող բախտը այս միջոցին՝ ճար չկար. պետք էր առաջ երթայինք դնպի սև ճակատագիր: Այո՛, ո՛րքան ալ անխուսափելի թվեր մահը մեզի համար, այնուամենայնիվ չէինք կրնար այլևս հետ դառնալ. այլ միշտ պետք էր առաջ երթալ...:

Իսկ մեր հսկողութեան հատկացած ոստիկան զինվորներն, տեսնելով մեր ակներև մտահոգութիւնը և երկյուղը Յոզկատ մոտենալնուս պատճառով, առ ի մխիթարութիւն կ'ըսեին մեզի՝ «գործմայրնըզ, գատեր նե՛խե օ օլուր...»: Այսինքն՝ «մի՛ վախնաք... ճակատագիրնիդ ի՛նչ որ է՝ ան կ'ըլլա...»:

Ու կը մտածեինք ակամա, թե մեր ճակատագիրը ասանկ արյունկղակ կատաղի վագրերու հանձնված էր...:

Մեր քարավանը սակայն, հարկ եղած զգուշական միջոցներ ձեռք առնելով և արթուն հսկելով մեր շուրջը դարձ... ամեն խորհրդավոր շարժումներու վրա, և մանավանդ առատ կաշառք աչ ու ձախ բաժնելով, հաջողեցանք առանց անձի կորուստ ունենալու շարունակել մեր ճամփան մինչև Յոզկատի 2 ժամ մնացած:

Երբ մենք զմեզ գտանք այս անգամ ստուգիվ դեմ դիմաց վերահաս մահվան անողոք վտանգին:

21.

ՅՈՋԿԱՏԵՆ—ՊՈՂԱՋԼԻԱՆ ԳԱՆԳԵՐԸ

Յոզկատին երկու ժամ հետո Պողազլիանի ճամփուն վրա թուրք գյուղ մը կա ու առջևն ալ կամուրջ մը կը գտնվի, ուր քաղաքն գալով մեզ կը սպասեր առավոտն ի վեր՝ Յոզկատի ոստիկան զինվորներու հարյուրապետ Շյուքրի, վաթսունհինգամյա ծերունի մը, իր 11 հեծյալ ոստիկան զինվորներով:

Մեր կառապաններն իբր թե իմանալով, որ մեզ պիտի սպանեն այս կամուրջին ներքև, կառքերու մեջ գտնվողները վար իջեցնելով և անոնց բռններն ալ դուրս թափելով, ձիերը մտրակելով քառասմբակ ետ դարձան, կանխավ արդեն կրկնապատիկ գանձած ըլլալով իրենց վարձերը:

Մենք ամենքս ալ ապշած էինք՝ չկրնալով մեենութիւն մո

1 Գծրախտարար այս իջևանին անունը ոչ ոք կ'ըզով հիշուի:

տալ այս անօրինակ խուճապին, և լեցված էինք մահվան երկուղոյով:

Ճամփուն վրա կառքերեն թափված մեր գուլքերը իրարու հետ բաժնելով, տեղատարափ անձրևին տակ՝ մեծ տաժանքով և տղամաթաթախ վերջապես հասանք վերն ակնարկված այն թուրք գյուղը, ուր կը սպասեր մեզի հարյուրապետը իր ոստիկան զինվորներով:

Հոս տեղի ունեցավ Չորումեն՝ մեզ ուղեկցող ոստիկան զինվորներու կողմն մեր քարավանին հանձնումը, Յոզկատի ոստիկան զինվորներու հարյուրապետ Շյուքրիի, համաձայն մեր պաշտնազրին հետ ներփակ գտնված մեր անվանց մասնավոր սև ցանկին:

Հետքնության՝ ստուգելի վերջ, որ ոչ ոք կը պակսի ցանկին, առանց մեզի. փոքր ինչ գոնն հանգիստ տալու, իսկույն ճամփա հանեցին, և փոխանակ ինչպես կը հուսայինք, քաղաք առաջնորդելու, մեզ տարին մեկ քանի ժամ հեռու գտնվող թուրք գյուղ մը, Յոզկատ—Պողազլիան ճամփուն վրա: Ուր և գիշերեցինք, առանց սակայն քնանալ կարողանալու, որովհետև ամենքս ալ սարսափով լեցված էինք, տեսնելով թուրք գյուղացիներու դաժան նայվածքն և թշնամական բացահայտ վերաբերմունքը: Ասոնք նույնիսկ լեռնատ վարձատրության նոխարեն, չէին ուզեր մեզ հայթայթել սննդեղենի ամենատարրական պետքերը, ինչպես կաթ, մածոն, հավկիթ և հաց, փուլթ չէր, թե գարիե կամ կորեկե ըլլար:

Այսպես հուլի մտահոգ և անքուն գիշեր մը անցընելի վերջ, արշալույսին 8—10 ձիավորներ եկան Յոզկատեն մեր իջևանած գյուղը և անօրինակ համարձակությամբ, սկսան մեր գլշերած խուցերը այցելելով մի առ մի քննել մեր կաշիե կամ գորգե թրքկան պայուսակները (հեյպե), իբր թե մաքսային պաշտոնյաներ ըլլային:

Հետո մեզ ընկերացող ոստիկան զինվորներն ստուգեցինք, որ մեզ սպանելու համար եկած խուժանապետներ են եղեր, և այս խուզարկությամբ իրենց մեզ ալան-թալանի բաժանումն կարձեն եղեր ընել: Բայց հարյուրապետ Շյուքրիի սպառնալիքին և արգելիքին վրա, իբր թե ստիպվեր են ձեռնունայն դառնալ իրենց տեղերը:

Արդարև մտած էինք արդեն շրջան մը, սկսած էինք անդնիլ այնպիսի արյունոտ ճամփաներե, ուրկե մեղմե առաջ ոչ

ձեկ քարավան կրցած էր ողջ դուրս գալ Յոզկատ—Պողազլիան այս ճամփին: Հետզհետե մեր ճամփուն վրա հանդիպած գյուղացի թուրքերն քստմնեցուցիչ տեղեկություններ կը լսեինք Յոզկատի և շրջակայից հայերու անողորմ կոտորածի մասին, որ տեղի ունեցած էր առանց սեռի և հասակի խտրության:

Արդեն մահվան երկուղը պաշարած էր մեզ ամենքս ալ. տակալ կը մոտենայինք մեր եղերական անխուսափելի վախճանին: Մեր շուրջը տեղի ունեցող խորհրդավոր իրադարձություններն, փոխանակ մեր մտահոգությունները փարատելու, ընդհակառակը ժամե ժամ մեր մահաբույր կասկածներուն իրավունք տալու բնույթը ունեին:

Սակայն մտածելու ժամանակ չկար, հարկ էր քալել, թափառական ու հալածական հայեր էինք, ու անողոք ճակատագիրը մեզ կը քշեր կը տաներ դեպի գերեզման...: Բայց բա՛բե, և ոչ իսկ գերեզման մը ունենալու պատիվը պիտի ըլլար մեզի...

Որովհետև ներքին գործերու նախարար և հայոց մեծ դահճապետ Թալեաթ օսմ. կործանող կայսրության ամեն կողմը, մինչև աննշան գյուղերը հեռագրական հրաման տված էր, հայերը անխնա կոտորել քաղաքների դուրս սարերու ու ձորերու մեջ: Մնացյալ ծեր կիներն ու երախաներն ևս բնաջնջել՝ գիտումնավոր կերպով երկարել տրված ճամփաներու ու Տեր Ջորի անապատներուն մեջ, թողուլ առանց հացի, առանց ջուրի և առանց գերեզմանի...

Եվ ստուգիվ մեկ միլիոնն ավելի հայ քաղքենի և շինական ժողովուրդ՝ անագորույն կերպով ջարդված էր ու անաղմուկ խեղդված իր արյանը մեջ:

Տասնյակ հազարավոր արու հայեր, շվաններով կամ պարաններով լրարու կապված, անգթորեն խողխողված էին Փոքր Ասիո բոլոր ճամփաներուն վրա, և կամ կացիներով ծառի ճյուղերու հոտումին նման ջարդված: Բոլորովին անկարեկիր և խուլ մնալով այս թշվառներուն լացին ու կոծին և գիրենք առանց տանջանքի գնդակահար ընելու պաղատանքներուն:

Որովհետև հրամանը բարձրեն եկած էր՝ և ճիհատը իսկապես հայոց դեմ հրատարակված էր, այն՝ պետք էր ջարդել անխնա, մինչև օսմ. կայսրության սահմաններուն մեջ ոչ մեկ հայ շմար:

Այս մահահրավեր համատարած կոտորածի սարսափելի հրամանը, իր ամենախուժուժ թափովն, գործադրված էր

մասնավորաբար Յոզկատի կառավարչական ամբողջ շրջանին մեջ, շնորհիվ էնկուրիի փոխկուսակալ Աթըֆի: Որ 1915 հուլիսին՝ Յոզկատի շրջանին հայերը կոտորելու հրամանն գործադրելու դժկամակող կառավարիչը իսկույն պաշտոնանկ ընելով, անոր տեղ հայերու սպանող կազմակերպելու համար առժամայես Յոզկատի փոխկառավարչության պաշտոնին կը կոչեր Պողազլիանի գայմագամ Քեմալը: Սա հազիվ պաշտոնի անցած, հրեշային թափով մը անխնա կոտորել կու տար Յոզկատի ամբողջ շրջանի 42.000-ի հասնող հայութունը՝ մինչև ծծկեր մանուկները... որոնց սրտաճմլիկ մանրամասնությունները հետզհետե պիտի հիշվի տեղին:

Յոզկատ-Պողազլիան ճամփուն վրա՝ երկրորդ օրն իսկ, մեր ճամփուն աչ ու ձախ կողմերուն ինկող արտերուն մեջ սկսանք տեսնել առաջին անգամ ըլլալով, մարդկային կազմալուծված կմախքներ և մանավանդ գանգեր, որոնցմե շատեր երկար մազեր կը կրեին, և տարակույս չէին ձգեր, թե կանացի գանգեր էին...

Մեր աքսորական ընկերներեն երիտասարդ պոլսահայ մտավորականներ հաճախ գետին խոնարհելով այս գանգերը ձեռքերնին կ'առնեին ու արտասովոր կը համբուրեին... Որովհետև ասոնք սրբազան նշխարներն էին շարչարալից մահով նահատակված մեր եղերաբախտ մայրերուն ու քույրերուն...

Յոզկատի ոստիկան զինվորներու հարյուրապետ Շյուքրի, որ պաշտոն ստացած էր անձամբ առաջնորդելու մեզի ամենավտանգավոր ու արյունոտ այս ճամփաներեն, և որուն հետ մեկ քանի ժամե ի վեր կողք կողքի ձիավարելով բավական «բարեկամացած էի», անշուշտ ո՛րքան որ գայլն ու գառն կրնան բարեկամանալ, ըսավ ինձի հորդորական շեշտով մը՝ «Մուրախաս էֆենտի (գավառի հայ առաջնորդներուն թուրքերեն պաշտոնական տիտղոսն), ըսե ժողովուրդին, որ զգացումով տարվելով՝ հանդիպած գանգերը ձեռք առնելով չհամբուրեն, որովհետև չեն գիտեր, թե քիչ մը հեռուն իրենց ի՞նչ բախտ կը սպասե...»

Այս ակներև սպառնալիքին վրա, բնական է, թե ահուպարեցի մեր ընկերները զգուշացնել նմանօրինակ արարքներե, մենք մեզ անխոհեմաբար չվտանգելու համար: Երբ առանց ասոր ալ արգեն շրջապատված էինք ամեն կարգի վերահաս և մահաբույր վտանգներե, և պետք չէր, որ գայրույթը գրգռելով մեզի հսկող սերածարավ ոստիկան զինվորներուն, ենթարկեինք մեզի

պնդուսափելի աղետի մը, որ անշուշտ մեր կյանքը պիտի արծեր:

Թեպետ մեր օրերը համրված էին, բայց պետք էր ո՛րքան հնար է՝ ապավինելով Աստուծո՛ հեռատեսութեամբ ջանայինք հեռացնել մահը մեր առջևեն... Որովհետև կ'անցնեինք ճամփաներե, ուր մեր ամենափոքր անխորհուրդ կամ անզգուշ մեկ քայլն կրնար մեր անմիջական մահվան պատճառ դառնալ:

Մեզ ուղեկցող թուրք հարյուրապետը՝ Շյուքրի, այնքան դաժան հրեշ մըն էր, որ շնորհ չէր ընեք մեր քարավանեն ո՛րեւէ մեկին հետ նույնիսկ խոսելու: Միայն բարեբախտություն մըն էր, որ կրցած էի մեկ քանի ժամվան մեջ իր «համակրությունն» շահիլ, և շարունակաբար միասին կը ձիավարեինք, խոսակցելով զանազան մեզ հետաքրքրող նյութերու վրա:

Իրմե իմացա թե Յոզկատի փոխկառավարիչ արյունոտուն Քեմալը՝ 1916-ի սկիզբը, այսինքն մեր անցած միջոցին, կրկին կոչված էր Պողազլիանի գայմագամության իր նախորդ պաշտոնին:

22.

ԶԱՐԿԱՐԱՐ ՀԱՐՅՈՒՐԱՊԵՏԻ ՄԸ ԽՈՍՏՈՎԱՆՈՒԹՅՈՒՆՆԵՐԸ

Ուզելով օգտվիլ հանդեպ անձիս Շյուքրիի ցույց տված հազվագյուտ բարյացակամութենեն, և միանգամայն ուզելով լուսաբանվիլ մինչև այն ատեն մեզ ամենքիս մութ մնացած հարցերու մասին, ծայր աստիճան փափկանկատությամբ հարցուցի հարյուրապետ Շյուքրի.— Պեյ, սա բազմաթիվ մարդկային ոսկորներն ո՛րկե լեցված են մեր այս ճամփուն վրա, ո՛վ կոտորեց զանոնք, և ի՞նչպես ցան ու ցրիվ եկած են այս արտերուն մեջ: Հարյուրապետն պատասխանեց. «Երջակա թուրք

1 Այս այն Քեմալն է, որ զինադադարի վաղորդայինն դատարանն մահվան դատապարտվելով, Պոլսո մեջ կախաղան բարձրացուցին: Այս պատճառով թուրքերը հայրենիքի անմեղ զոհ մը նկատելով զայն սրբացուցին. այսպեսով իրենց համամտությունը հայտնած եղան Քեմալի գործած ահավոր ոճիրնուն, որ ավելի քան 42.000 անմեղ հայերու կյանք արժած էր:

գյուղացիներու կողմն շարդված հայերու ոսկորներն են ասոնք, որ 1915-ի օգոստոս և սեպտեմբեր ամիսներուն մեջ Պոլսեն եկած բարձր հրամանին վրա կոտորվեցան (ձեռքով ցուցնելով) սա դեմի խոր ձորին մեջ: Եվ թեպետ ներքին գործոց նախարարին հրամանով այս կոտորածներուն հետքը կորսնցնելու համար, մեծ փոսեր փորվելով ի մի հավաքվեցան և թաղվեցան անցյալ տարի հոկտեմբերին. սակայն ձմռան հեղեղները այդ փոսերը բանալով ոսկորներն ու յասամբ ալ կազմալուծված դիակները դուրս բերած են... տեսածդ ասոնք են...»: Հարց—Ասոնք հեռավոր տեղերի այս ճամփաներեն անցնող արտոական հայերու ոսկորներն են, թե ոչ այս շրջաններու շարդված հայ ժողովուրդի ոսկորներն են:

Պատասխան— «Աս ճամփան կը տեսնե՞ս, բացի տարագրութեան սկիզբը 1915-ի հուլիսին՝ շորումցիներու առաջին քարավանեն, դեռ այս ճամփեն ողջ անցնող չեղավ...»:

Հարց— Շյուքրի Պեյ, այս մեր անցած ճամփաներուն վրա ի՞նչ կը կարծեք, ո՞րքան հայ կոտորվեցան, բնականաբար դուք իբր Յոզկատի ոստիկան զինվորներու հարյուրապետ գիտեք անշուշտ, թե ո՞րչափ հայ շարդվեցան Ձեր սանճագին մեջ (կառավարչական շրջանակ):

Պատասխան— «Արդեն այս այժմ գաղտնիք մը չէ, մոտ 86.000 հայեր շարդվեցան, մենք ալ զարմացանք, որովհետև կառավարութիւնը ինքն ալ չէր գիտեր, որ էնկուրիի կուսակալութեան մեջ այսքան հոծ հայեր կը բնակին: Թեպետ այս թվին մեջ քանի մը հազար ալ շրջակա կուսակալութիւններեն գալով մեր ճամփաներեն անցնող հայեր կան, որոնք մասնավորաբար մեր ճամփաներեն անցվեցան, որպեսզի ասոնք ալ մաքրենք. իր բառով «փաթլայլըմ»: Միշտ այս բացատրութիւնը կը գործածեն թուրքերը և մանավանդ պետական պաշտոնյաներն, քաղաքային ըլլան թե զինվորական, հայերու կոտորածը ակնարկելու ատեն»:

Հարց—Հայերու այս ընդհանուր կոտորածները որո՞ւ հրամանով գործադրվեցան:

Պատասխան— «Ին՝ Պոլսո իթթիհատի կենտրոնական կոմիտեեն, և թե՛ ներքին գործոց նախարարութեանն հրամաններ եկան հայերը արտոելու, կամ ավելի ճիշտ բացատրութեամբ քաղաքներն դուրս հանելով կոտորելու: Այս հրամանը ամենախիստ կերպով գործադրեց Պողազլիանի գալմազամ Քեմալ,

որ կոտորածի հրամանն չգործադրող Յոզկատի մութասարըֆին պաշտոնանկ ըլլալն վերջ, այն ատենի էնկուրիի փոխկուսակալ Աթրֆի հրամանով հոխ կառավարիչ նշանակվեցավ Յոզկատի: Որովհետև ինքն ալ վանեցի էր, և ինք լսած էր, թե իր ընտանեկան բոլոր պարագաները հայերը կոտորած էին անխնա վանա պատամբութեան ժամանակ. այս պատճառով ինքն ալ փոխ վրեժի դիմեց, անխնա կոտորելով այրերուն հետ նաև կիներն ու երախաներն...»:

Հարց—Ուրեմն Յոզկատի այս շրջանակներուն մեջ կիներն ալ կոտորվեցան: Հարցնելու պատճառն սա է՝ որ մեր լսածին նայելով, թեպետ ամեն կողմ այրերը անխնա կոտորվեցան, բայց իզական սեռը խնայվեցավ կ'ըսվեր, միայն գեղեցիկ կույսերը և հարսները ուղողները իրենց հարեմները տարին, մինչև ծեր ու տարեց կիները Տեր Զոր քշվեցան: Ձեր սանճագին մեջ ալ մի՞թե այսպես չեղավ:

Պատասխան— «Մեր կողմերը այսպես չեղավ, որովհետև ինչպես ըսի, Պողազլիանի գալմազամը վանի հայոց 1915 ապրիլի ապստամբութեան միջոցին, իր ընտանեկան պարագաներուն սպանութեանն զայրացած և անձնական վրիժառութեանն զրդյալ, նույնիսկ առանց ուշադիր ըլլալու գոնե երեւոյթներու փրկութեան, անխնա կոտորել տվավ կիներն ու աղջիկներն՝ մինչև ծծկեր մանուկները, ըսելով թե—ՄԱՐԴԱՐԵԻՆ ԳՂԽՈՒՆ ՎՐԱ ԵՐԴՈՒՄ ԸՐԱՍ ԵՄ, ՅՈՋԿԱՏԻ ՍԱՆՃԱԳԻՆ ՄԵՋ ՈՋ ՄԵԿ ՀԱՅ ԶՊԻՏԻ ԿԵՆԴԱՆԻ ԹՈՂՈՒՄ»:

Հարց—Շյուքրի պեյ, մեզի ալ խոսակցութիւն պետք է. կաղաչեմ ինձի պատմե թե Յոզկատի կիները ու աղջիկներն ի՞նչպես շարդվեցան: Բայց այս միջոցին ոստիկան զինվորներու տասնապետը՝ ճամփուն վրա երկյուղալի նշաններ տեսած ըլլալով եկավ հրահանգ ստանալու, որով մեր ալ խոսակցութիւնը ինքնին հոս ընդհատեցավ:

Արդարև նույն այս մահվան ճամփուն վրա և այսքան դժնդակ վեճակի մեջ՝ մանրամասնութեամբ պատմված այս ահապոր դեպքերու ազդեցութիւնը շրջողներու զարմանալի թերևս նույնիսկ անկարելի համարված հանդգնութեամբ մը, հետամուտ էի իրազեկ ըլլալու ցեղիս ահապոր մարտիրոսութեան մանրամասնութեանց: Խորհելով անշուշտ, որ եթե հնար ըլլար օր մը ո՞րևից կերպով ողջ մնալ, պիտի կարելի ըլլար լույս սփռել այնպիսի եղբրական ու եղեռնական սարսափելի դեպքերու

վրա, որոնց անպայման ոչ մեկ հայ ականատես եղած պիտի կրնար ըլլալ: Մասնավորաբար քանի վերջն տաք էր, իրական ու ստուգապատում քննութիւն մը ՏԵՂՎՈՒՅՆ ՎՐԱ՝ առաջիկային մեծ արժեք կրնար ունենալ. մանավանդ որ այս բոլորը պատմողը նույն ինքն այն ոճրագործն էր, որ, ըստ իր հայտարարութեան, ղեկավարած էր Յոզկատի սանձագին մեջ տեղի ունեցած 42.000 հայերու համատարած սպանելը:

Բացառաբար ձիով ըլլալս ինծի մասնավոր պատեհութիւն տված էր, որ միշտ այս հայրուրապետին հետ քով քովի ճամփորդէմ: Ամեն անոնք, որոնք երկար օրեր ձիով ճամփորդած են, փորձառաբար գիտեն, որ ձիավորը ձիավոր ընկեր կը փնտրե երկարատեւ ճամփու ճանձրույթը փարատել կարենալու համար: Իսկ հայրուրապետ Շյուքրի անջատ զնացած ատենս՝ հաճախ ինք կը հրավիրեր իր մոտ, որպեսզի միասին ձիավարելով խոսակցենք և ժամանակն անցընենք անձանձրույթ:

Իսկ իր անվերապահութեան ևս պատճառը՝ ինչպես ինք ևս հաճախ կը հայտարարեր, այս էր, որ նա խորապես համոզված էր, թէ մենք ամենքս ալ պիտի չկարենայինք ողջ մնալ՝ Տեր Զորի անապատներուն մեջ անոթի ու ծարավ մեռնելով: Եթէ նույնիսկ անակնկալ սպանդի մը զոհ չերթալու բացառիկ բախտն ունենար մեր քարավանը:

Բաց աստի հետս բավական հարգանքով կը վարվեր, ոչ թէ ներքին անկեղծ զգացմամբ, կամ իբր առաջնորդ մեր ունեցած նախկին զիրքերուն ի հարգանս, այլ որովհետեւ կը ջանար ըստ կարելիութեան մեզ կողոպտել՝ առանց բռնի միջոցներու: Քանի որ Յոզկատի նոր կառավարիչն խիստ հրաման ստացած էր, Պոլսեն նոր ժամանած հրահանգներուն համաձայն՝ դադարեցնել ալլես խմբական սպանդները, ինչպես ինք ևս բացահայտորեն կը հայտնէր:

Մինչ ևս ավելի իր համակրանքն շահելու համար, հավատացուցած էի, թէ ես միշտ թրքասեր առաջնորդ մը եղած եմ և Պոլսեն արսորված եմ համանուն հեղափոխական անձի մը տեղ, և իբր թէ սուլթան Համիդին իսկ պատվանշաններ ունիմ...

Ասկէ զատ միշտ կը քննադատեի հայ հեղափոխական կոմիտեաներուն ծայրահեղ արարքներն, և առժամապես յուրացնելով իր և թուրք պետական բոլոր պաշտոնեից մտայնութիւնը և ամբաստանութիւնը, հաճախ կ'ըսեի իրեն նման, թէ հայ ժողովրդի զխուսն եկած բոլոր փորձանքներուն միակ դրդապատ-

ճառն հայ հեղափոխականներն եղած են, որ թուրք և հայ դա՛րավոր երկու բարի դրացիները իրարմէ զատելով իրար արջան թշնամի բրին...

Վերջապես անձեական համոզումներուս հակառակ՝ միշտ կը հեղեղեի այն բոլորը, որ կրնար ուղեկից հարյուրապետ Շյուքրիի հաճելի թվելով շահիլ իր համակրանքն, չբեղաջնելով իրար արժող թուրք արյունկղակ կառավարութիւնն ու թուրք ժողովուրդը: Եվ կը կարծեմ թէ հաջողած էի. որովհետեւ վայրկյաններ եկան, երբ «խոստովանաբար» հայերեն բառը գործածելով ինծի մտերմորեն ըսավ. «Մուրախաս էֆենտի, եթէ չկրնամ քու ընկերներդ ազատել հարձակող խումանին շատվոր ըլլալեն, քեզ կ'ազատեմ, միայն թէ խալամ պիտի ըլլաս, հիմակվենե քեզի բտեմ...»:

Ավելորդ է ըսել թէ ի՞նչ տուջարկ որ ընէր, յաւաստիանս միշտ դրախն էր. և այս առթիվ գուրանի հմտութիւնս ես ի հայտ բերել կը ջանայի, իր զարմացկոտ ուշադրութեան մեջ: Ա՛խ անգամ մը բավ էր, որ կարենայինք ազատիլ ոչս արյունոտ ճամփաներէն:

Թեպետ անմիջապէս պետք է ավելցնեմ, թէ ամեն ջանք կ'ընեի ողջ մնալու, պայմանով որ պատվովս կարենայի դուրս գալ այս ահավոր եղեռնին, և ոչ թէ իբր «ուրացող», ապա ընդհանուրին կողմն նախատակոծ ըլլալ: Բայց այսպես արմատական չէի խորհեր հայ ժողովրդի մնացորդ բեկորներու փրկութեան մասին. բավ էր, որ ո՛րեւէ «միջոցով» իրենք զիրենք փրկել կարենային:

Երբ դարձյալ մոտ կես ժամ վերջ սկսանք կրկին խորու հետ ձիավարել, շարունակել ուղելով մեր ընդհատված խոսակցութիւնը՝ հարցուցի անտարբերորեն.—Շյուքրի պէյ, ինչո՞ւ անցուղարձի այսքան բանուկ ճամփաներու մեջ ջարդեր բրիք, ու այժմ կոտորածներուն հետքերը մեջտեղ մնացած են. մի՞թէ խոհեմութիւն չէր գաղտնի ձորերու մեջ ընել...

Պատասխան.— «Արդեն այս ճամփաներուն վրա շեղան կոտորածները, ինչպես առաջ ըսի, ձմեռնային հեղեղը փոսերն դուրս բերավ այս կմախներն, ոսկորներն ու գանգերը... և այս ճամփաներուն վրա բերավ ցանեց... Սա դիմացի ձորին մեջ ջաղացքը կը տեսնե՞ս (ձեռքովը ցուցընելով.), ան իր սև օրերը (գարա կուէչերի) անցուց անցյալ ամռան. երբ մոտեն անցնինք, քեզ անոր համառոտ պատմութիւնը ընեմ, ու լսե՛ս»:

Երբ քարավանը կես ժամի դադարե մը վերջ կրկին ճամփա ինկավ և հասանք ցույց տված ջրաղացքին մոտերը, պատեհուլթյունը շրիպեցնելու համար խթանեցի ձիս ու կրկին փութացի հարյուրապետին մոտ, և մեր խոսակցութեան կտրած թևը կրկին ձեռք առնելով սկսա մանրամասնութիւններ հարցնել՝ մղելու համար Շյուքրին, որ իր խոստացած պատմութիւնը սկսի: Շյուքրի՝ «իշտե պուրատատըր» ըսելով սկսավ պատմել, թե «ճիշտ հոս տեղի ունեցավ Յոզկատի կիներուն խուզարկութիւնը»:

Բայց որովհետև շարահարաբար և մանավանդ մանրամասնութեամբ չէր հիշեր և կամ չէր կրնար պատմել, թերևս իր ծերութեան բերմամբ, կը ստիպվեի հաճախ հարցեր տալ զիս հետաքրքրող եվ ԱՌԱՋԻԿԱՅԻՆ ԱՐԺԵՔ ՈՒՆԵՅՈՂ մանրամասնութիւններու իրազեկ ըլլալ կարենալու համար, երբեմն հույժ փաղաքշանոք կողմնակի հարցեր կու տայի:

Ուստի այս նպատակով հարցուցի— Շյուքրի պեյ, խնդրեմ, մի քաշվի՞ք, ամեն մանրամասնութեամբ պատմեցե՞ք, որ խոսքի նյութերնիս շպակսի և ճամփան ձանձրալի ըլլա մեզի:

«Քաշվելու բան չկա... արդեն ամենքին գիտցած բաներն են, և ութ ամիս անցավ անկե ի վեր... ու ձայնը մինչև Եվրոպա հասեր է... Գերման դեսպանատունը՝ իսկ այս մասին գիտողութիւն ըրավ, և այս գիտողութեան վրա է, որ ինչպես քիչ առաջ ըսի, Պոլսեն խիստ հրաման եկավ, այլևս դադարեցնելու հայերու ջարդերը...»

Երբ որ Յոզկատի քաղաքին բոլոր այրերը՝ ավելի քան 8—9000 հոգի, իրենց առաջնորդով (ներսես եպիսկ. Դանիելյան) և քահանաներով ու ազաներով այս վայրերուն մտակա ձորերուն մեջ ջարդեցինք, այս անգամ կարգը եկավ կիներուն... էրիկ մարդոց կտորվելն երկու ամիս վերջ, քաղաքին մեջ կառավարիչ Քեմալ ըստ տեղական սովորութեան մունտիկ կանչել տվավ, թե՝ Ձեր այրերը ողջամբ Հալեպ ժամանած ըլլալով և տեղվոյն կուսակալին խնդրագիր տված ըլլալով, որ իրենց ընտանիքներն ևս Հալեպ բերվին...»

1 Պոլսո գերման դեսպան Թրքանը Վանկընհայմի հանկարծական մահին վերջ, իրեն հաշորդ եկող Կոմս Վալֆ-Մեթերնիխն էր, որ ազգու բողոք բողոք թուրք կառավարութեան ղեկավարներուն մաս հայկական համատարած կոտորածներուն դեմ և այս իսկ պատճառով Բեռլինն ետ կանչվեցավ:

մութասարըքը երեք օր պայմանաժամ կու տա, որպեսզի ամեն ոք երկար ճամփորդութեան մը համար պետք ունեցած անհրաժեշտ պատրաստութիւնը տեսնելով մեկնելու նշանին սպասե: Ո՛վ որ ինչ ուզե կրնա հետն առնել և վարձքը ո՛վ որ կրնա վճարել, ձիու կամ եզան կառք ու սայլ կրնա ունենալ, այս մասին կառավարութիւնը ամեն միջոց ձեռք առած է արդեն: Բաց աստի, ըլլա թե մտքերնեդ երկյուղ անցնեք, մութասարըք պեյը զգուշական ամեն միջոց ձեռք առած է, ձեզի ապահով ու ողջամբ ձեր այրերուն մոտը Հալեպ հասցնելու համար... կառավարութեան այս հրամանին դեմ անսաստողները և պահվողներն ամենախիստ պատժի պիտի ենթարկվին. ի գիտութիւն հայ ընտանիքներու ահա կը հաղորդվի:

Թուրք մունետիկներու և քաղաքին թուրք միսթարներուն միջոցով եղած այս կառավարական պաշտոնական հայտարարութեան վրա, հայ հիմար կիները ուրախանալով, որ իրենց այրերուն մոտ պիտի երթան..., կը սկսին խանդագին ճամփու պատրաստութիւն տեսնել, մանավանդ որ երեք օր միայն պայմանաժամ տրված ըլլալով շատ ժամանակ ալ չկար:

Ասոր վրա կիները հավատալով կառավարութեան այս խարկանքին (իր բառով տոլապին), ամենքը սկսան ճամփու տեսնողագին պատրաստութեան: Նույնիսկ շատեր իբր թե Երուսաղեմ ուխտի կ'երթան, անուշեղեններ, գաթաներ, խմորեղեններ (փախլավա) շինելով թիթեղյա տուփերու մեջ շարեցին իրենց Հալեպ գտնվող էրիկներուն նվեր տանելու համար... Ասոնք շէին հիշեր թրքական այս առածը՝ թե ԹՈՒՐԲԸ ՆԱՊԱՍՏԱԿԸ ԿԱՌՔՈՎ Կ'ՈՐՍԱ: Ապա երեք օր լրանալի վերջ, ճամփա հանեցինք ամենքը մեկնել, ոմանք կառքերով, ոմանք սայլերով և աղքատներն ևս հետիոտն»:

— Արդոյք կը հիշե՞ք, կառքերու և սայլերու թիվը ո՞րքան էր.— «Կարծեմ 280-ը ձիու կառք էր, 550-ը եզան սայլ էր, ընդամենն 830 կառք ու սայլ կար մեր հետ»:

Բայց մի՞թե քաղաքին մեջ այսքան կառք ու սայլ կարելի էր գտնել:

«Յոզկատի կառավարութիւնը շրջակա գյուղական բոլոր կենտրոնները (նահիյե) ոստիկան զինվորներ զրկելով քաղաք բերել տվավ տրամադրելի բոլոր կառքերն ու սայլերն, այս նպատակին հատկացվելու համար»:

Այս կիներու ու երախաներու թիվը ո՞րքան էր արդո՞ւր:— «Ընդամենն 6400 և քիչ մըն ալ ավելի էին բոլոր կիներն, ազգիկներն և երախաներն մեջը հաշվելով: Ասոնց մեջ կային մինչև 12 տարեկան տղայք ևս, որոնք այր մարդոց քարավաններուն հետ չէին դրկված՝ փոքր նկատվելուն համար»:

— Որքա՞նն հետիտն էին այս կիներն:

«Անցյալ դեպքե ո՞րքան կը հիշեմ, 4000-են ավելին կառքերու ու սայլերու մեջ կրցան տեղավորվիլ, իսկ վարձք տալու անկարող մնացյալ կիներն իրենց զավակներով քարավանին հետեցան ոտքով»:

— Այս քարավանը որո՞ւն հանձնվեցավ առաջնորդելու համար Հալեպ:

«Քարավանները առաջնորդելու պաշտոնը միշտ ինձի հանձնված ըլլալով, կիներու այս քարավանին ղեկավարութունը ևս ինձի հանձնվեցավ իբր այս վայրերուն ծանոթ ոստիկան զինվորներու հրամանատար մը: Արդեն ամեն տեղ ալ այս պարտականութունը իմ պաշտոնակիցներուս հանձնվեցավ: Երբ 6400-ե ավելի կիներու, աղջիկներու և երախաներու այս մեծ քարավանը հետս առած և շրջականեր բերված 80-ե ավելի ոստիկան զինվորներով հասանք քաղաքն 4—5 ժամ հեռու գտնվող այս դիմացի ձորին մեջ գտնվող Յ շրաղացքները, որ «ուշ տեյմենլեր» անվամբ ծանոթ է, հրաման տվի ոստիկան զինվորներու ենթասպաներուն (չավուշ), որպեսզի իջևանին այս տեղը: Միաժամանակ հրամայեցի 830-ե ավելի կառապաններուն և սայլապաններուն, որպեսզի հոս ձգելով ընտանիքները՝ իրենք դառնան իրենց գյուղերը:

Ապա օրեր առաջ պատրաստված կառավարական ծրագրին համաձայն, քաղաքն 25—30 թուրք դայակուհիներ բերել տալով՝ սկսանք մանրակրկիտ խիստ քննության: Յուրաքանչյուր կին, աղջիկ ու տղա մի առ մի խուզարկվեցան մինչև իրենց ներքնազգեստները, և հավաքեցինք ասոնց բոլոր ոսկեղեն, արծաթեղեն, ադամանդեղեն զարդերն ու արժեքավոր իրեղենները, ինչպես նաև իրենց զգեստներուն երիզներուն մեջ ճարտարորեն կարած իրենց բոլոր հնչուն մետաղ ոսկիները: Ասոնք ամենքն ալ խաբվելով թե ստուգիվ Հալեպ իրենց այրերուն քով

1 Հարկ է հոս յշտել, թե վայրերու անուններն ու ժամերու թվին նման մանրամասնութուններ անկարելի է հոս հիշել ճշտութամբ:

կերթան, հետերնին առած էին իրենց բոլոր արժեքավոր զուրարատար ունեցածը, ինչպես նաև իրենց թանկագին զորդերն ու կապերտները: Արդեն կառավարութունն ևս այս նպատակով «Հալեպ ձոր էրիկներուն պիտի երթաք» սուտը շինեց, որ ունեցածնին հետերնին առնեն...

Այնպես որ կարճ ժամանակ վերջ, զատ զատ դեղեր (եղղրն) կազմվեցան հարյուրավոր և հազարավոր կանաքի ոսկի շրջթաներով. ոսկի ժամացույցներով, ադամանդյա և այլ ազնիվ ու թանկագին քարերով ընդելուզված քառամանյակներով, ապարանջաններով, օղերով, մատանիներով: Հազարավոր հնչուն ոսկիներ գտանք կանանց զգեստներու մեջ կարված: Այս պատճառով ևս խուզարկութունը սկսավ այնքան երկարիլ ու դժվարանալ, որ հարկ եղավ նոր խուզարկու կիներ բերել տալ քաղաքն և կրկնակի խուզարկութուններով միշտ նոր զարդեղեններ և հնչուն ոսկիներ գտանք՝ պահված կամ կարված ամենաթաքուն տեղերու և զգեստի ու ճերմակեղեններու ծալքերուն մեջ...»:

— Շյուբրի պեյ, քանի՞ ոսկիի արժեք ունեցող հարստութուն մը կրցաք հավաքել Յոզկատցի այս հայ կիներուն վրայն...

«Օ՞... շատ դժվար է այս մասին որոշ կարծիք մը հայտնելը, որովհետև մասնավոր տոմար չբռնեցինք, բռնողին կամ խողի՞ն ձեռքը մնաց... ես ըսեմ 30.000 հնչուն ոսկի, դուն ըսե 60.000 հնչուն ոսկի...»:

— Շատ լավ, ըսիք որ այս հարստութունը խողին ձեռքը մնաց, բայց մասնավորաբար որո՞ւն ձեռքը շատ մնաց...

«Հասարակ ժանտարմային բռնե մինչև պետական ամենաբարձր պաշտոնյան...»:

— Շյուբրի պեյ, քանի որ այսքան անկեղծորեն և մաքրամորեն կը խոսակցինք, խնդրեմ ներեցեք, որ հարց մըն ալ տամ. դուք ո՞րքան հարստութուն հայերու այս շարդերուն առթիվ կրցաք ձեռք բերել. մանավանդ որ ձեր պաշտոնին բերմամբ անշուշտ առյուծի բաժինը ձեզ պահեցիք, քանի որ իբր ժանտար-

1 Հոս հարկ է հիշել, թե զամառի հայ ժողովուրդն առ ի շոյն խնայողական դրամաստուններու, իր ամբողջ խնայած գումարները այս կարգի զարդեղենի կուտա, օրենքի կարգ անցած արեւիյան հին սովորության մը համաձայն:

ժայի հարյուրապետ այս քարավանները անձամբ առաջնորդելու պաշտոնը ունենալով, մեծագույն առիթները անշուշտ անցան ձեր ձեռքը, ինչպես դուք ինքնին ըսիք քիչ առաջ: «Եթե ամենքը ինձի մնար, ի՞նչ աղեկ, բայց կաշիե պայուսակները (հեյպե) լցնելով և բերանները ևս կնքելով քաղաք դրկեցի մութասարըֆին, բայց այս առթիվ շատ գողություններ եղան. կրոնամ բնի կառավարության ձեռքը հազիվ ասոնց կեսը հասա՞վ: Հազարավոր գորգեր ու կապերտներ հավաքեցինք և իրարու վրա գիզեցինք այս ջրաղացքներուն մոտերը, բայց իմ զբաղված վիճակես օգտվելով նույնիսկ ոստիկան զինվորներն գողցան...»

Ճիշտն ըսելով, հազիվ 10.000 ոսկի հնչուն գրամ կամ զարգեղեն հայոց ավարներեն ձեռքս անցավ: Բայց պետք է գիտնաս, որ ես միայն ժանտարմայի գոմանտան շեմ, այլ նաև Յոզկատի աղաներեն եմ (էշրաֆ): Երեսուն տարի է Յոզկատի մեջ կը պաշտոնավարեմ, և թեպետ ինձի քանիցս հազարապետի ուստիճանով ավելի բարձր պաշտոններ առաջարկվեցան, բայց Յոզկատի մեջ միանգամայն կալվածատեր ըլլալուս և ազգական շատ ունենալուս, միշտ մերժեցի հեռանալ իմ ծննդավայր Յոզկատեն, և նախապատիվ համարեցի ավելի նվազ աստիճանով և ավելի պակաս թոշակով հոս պաշտոնավարել: Արդեն տարիքս եկած լեցած է, 65-ը անցեր եմ. ասկե վերջ ո՞ւր պիտի երթամ: Ունիմ Յոզկատի մեջ տուններ, կրպակներ և 2 հատ ջրաղացք, բայց իսլամ եմ, փառք Աստուծո, (էրհամ տուլլահ իսլամըմ.) սուտ շեմ խոսիր, հայերուն այս վերջին տեղահանության և ջարդերուն առթիվ մեծ հարստություն դիզեցի: Բայց ես ծեր եմ. ի՞նչ պիտի ընեմ հարստությունը, միակ տղաս պիտի վայելե, որ այժմ Գերմանիա կը գտնվի և զինվորական ուսման կը հետևի. ան պիտի վայելե, հելալ ըլլա...»: — Պեյ, մեր խոսակցությունեն անզգալաբար շեղեցանք. կ'աղաչեմ կը պատմե՞ք, թե այս 6400-ե ավելի կիներուն, աղջիկներուն ու մանուկներուն վախճանը ի՞նչ եղավ: «Հա՛ իրավ ըսիր. ի՞նչ կը պատմեինք, խոսքը ո՞ւր տարինք: Այսպես շորս օր, շորս գիշեր. մանրազնին խուզարկությունը շարունակելով՝ ամենքը իրենց բոլոր ունեցածեն մերկացնել և միայն իրենց վրա հագած զգեստը ձգել վերջ, ամենքը մեկեն հետիոտն ետ դարձուցինք Յոզկատ քաղաքին ետևը գտնվող ընդարձակ սարավանդը, ըսելով որ, կառավարութենեն ներված ըլլալով նոր հրա-

ման եկած է զիրենք կրկին քաղաք դարձնելու համար, որով ուրախությամբ և առանց դժկամության հետևեցան մեր հրամանին...

Երբ երեկ մեր անցած ատեն հեռվեն ցույց տված սարավանդս հասանք, արդեն մեզ կը սպասեին օր առաջ 10—12.000 շրջականերեն հավաքված իսլամ ժողովուրդը:

— Բայց շրջակա գյուղերեն և քաղաքեն հավաքված իսլամ տգետ ժողովուրդը ո՞ւրկե իմացած էր կառավարության գաղտնի նպատակն ու ծրագիրը, որ օր առաջ եկած էր ու կը սպասեր...

«Երբ 4 օր և 4 գիշեր խուզարկությունը զբաղած էինք, Յոզկատի տեղական կառավարությունը ոստիկան զինվորներ դրկելով շրջակա բոլոր թուրք գյուղերը, հանուն սրբազան ձիհատի հրավիրված էր իսլամ ժողովուրդը՝ մասնակցելու կրոնական այս սուրբ պարտականության, որոշելով օրը և տեղը...

Ուստի երբ որ որոշյալ տեղը հասանք, մեզմե առաջ և որոշյալ օրը կանխելով բոլոր շրջակայքեն փութացած էին գալ հավաքվիլ այս տեղը:

Որովհետև կառավարության հրամանը այս էր, որ անխնա ջարդվեին ամենքն ալ և ազատող չըլլա: Ուստի փախչելու ամեն փորձ արգելելու, և ծանոթներուն կարեկցելով հոգի ազատելու հետամուտ եղողներուն ևս գաղտնի փորձերը վիժեցնելու համար, հետս բերած 80 ոստիկաններով պաշարել տվի այս սարավանդը (թեփեն), և ամեն հավանական փախուստի կամ թաքստոցի տեղեր պահակներ կեցուցի:

Ապա ոստիկան զինվորներու միջոցով հայտարարել տվի ներկա իսլամ ժողովուրդյան, թե իրենց կնություն առնելու պայմանով (այսինքն ոչ փրկելու մտքով ըսել կ'ուզե) ո՞վ որ գեղեցիկ կույս աղջիկներեն կամ հարսներե զատել կ'ուզե, կրնա անմիջապես ընտրել, սպանդի միջոցին ընտրություն ընելը արգելյալ է:

Ասոր վրա, հազիվ 220—250 աղջիկներ ու հարսներ զատվեցան ներկա ժողովուրդեն և ոստիկան զինվորներու կողմեն:

Երբ այս քստմենցուցիչ ու սարսափելի պատմությունը հասավ կոտորածի իսկական նկարագրության, պահ մը լռեց, փակեց աչքերը, «ապտես» առնելու մասնավոր ձևով՝ երկու ձեռքերը երեսին տարավ, լվացվելու պես ձեռքերը սահեցուց մինչև սպի-

տակ մորուքը և գուրանեն մեկ քանի աղոթքներ մրթմնշելով՝ ապա դարձավ ու ըսավ ինծի. «Աստված այսպիսի մահ ոչ ոքի ցույց չտա» կամ իր բառերով—Ալլահ պեօյլե եօլիւմ քիմսէյէ կէօսթէրմէսին:

— Գնդակով սպանել տվիք, թե՞ սվինահար ըրիք:— «Պատե-
րազմի շրջան է հիմա, գնդակը սուղ է. այլ իսլամ ժողովուրդը
այս սպանդին վազած ատեն իր գյուղերեն ձեռքը ի՞նչ որ ին-
կած էր, կացին, սակր, մանգաղ, մահակ, բրիչ, բահ, (կամ
իր բառերով, պալթա, սաթր, պաշա, սոփա, զազմա, քյուրեք)
ասոնցմով հանդիպածին զարկով գետին փռեց. վերջապես ինչ
որ ուզեց ըրավ...»:

Արդարև անհնար է գրչով իրական պատկերացումը փորձել
այս 6400 անտեր ու անպաշտպան կիներու, սյարկեշտասուն
կույսերու և հարսներու, անշահահաս մանուկներու և ծծկեր
երախաներու անգիտակից վազքերն, իրարու փարիլը, երկնքի
խուլ կամարներն վար առնող աղեկատու ճիշերն ու վայնասուն-
ները, փրկվելու հույսով աղիողորմ աղաչանքներն ու արտաս-
վալից պաղատանքները մի առ մի թվել...

Մեզի ուղեկից յոզկատցի և պողազլիանցի ոստիկան զին-
վորներն անվերապահ կերպով և պարծանոք պատմեր են մեր
աքսորի բնկերներեն ոմանց, թե ի՞նչպես հրապարակավ լլկում-
ներ, գլխատումներ ըրած են, մարմնի զանազան մասերը կա-
ցիկնով և կամ այլ հետերնին բերած գործիքներով կտրած, հո-
շոտած են: Թե ի՞նչպես ծծկեր երախաներ և մանուկներ երկու
ոտքերեն քաշելով պատռած, քարերու զարկած են, կույս աղ-
ջիկները լլկած և մանուկները հոշոտած իրենց մայրերու աչքե-
րուն առջև...

Ա՛հ իզուր է ջանալ փորձել գոնե ուրվագիծը տալու ար-
յան այս համատարած նախճիրին: Ո՛չ Չարմաղան, ո՛չ Այ-
փասլան, ո՛չ Ջինկիդ-խան և ոչ ալ Լենկթիմուր այլևս անա-
գորույն կերպով ուղեցին վարվիլ իրենց ոտնակոխ ըրած եր-
կիրներու ժողովուրդներու և մանավանդ կիներու, աղջիկներու
և անմեղ մանուկներու հետ: Ինչ որ Թաթարներու, Սելճուգ-
ներու, Մամլուկներու և առհասարակ իսլամ կրոնի տարածիչ-
ներու աշխարհակալ պետերը հազարե ալիլի տարներ առաջ
չէին ըրած, «Իթթիհատ և թիրազզը» թուրք կուսակցության վայ-
րագ պետերը, և ասոնց գավառներու մեջ այն ատեն գտնվող

քաղաքային ու զինվորական մեծ ու փոքր պաշտոնյաները ու
ավարի կանչված թուրք ժողովուրդը, գործեցին անխղճահար
իրենց արյունածարավ մուկգնությանը և խժողովյանը մեջ՝ ջա-
նալով իրար իսկ դերագանցել...

Ապա շամչցան իրենց այս եղեռնական սխրագործություն-
ները, հազվագյուտորեն իրենց պատահած հայերուն պատմե-
լու և պարծենալու..., իրենց զոհերու թվույր և իրենց ըրած
չարչարանքներու անլուր տեսակներովը...

Կողք կողքի ձիավարելով, մեր ժամեր տևող այս եղերա-
պատում ու եղեռնապատում խոսակցությունը հասած էր վեր-
ջապես կետի մը, երբ այս աննախընթաց նահատակություն ի լուր՝
այլևս անկարող եղա ինք զինքս զսպել, և անբացատրելիորեն
ճնշող այս տպավորութենեն, և արյունոտ վայրերուն իսկ առ-
թել չկրցած երկյուղեն ծառացած, դարձա, ու մանկական ան-
մեղ հեքիաթի մը նման այս ամենը պատմող հարչուրապետ
Շյուքրիի ըսի. Բայց Պեյ, դուք ծերունի հին իսլամ մըն եք, ի՞նչ-
պես առանց խղճահարելու կոտորել տվիք այսքան հազարա-
վոր անմեղ կիներ, աղջիկներ ու մանուկներ, որոնք ոչ «կոմիտե-
ճի» էին և ոչ ալ ապստամբ. մի՞թե պարտական չպիտի մնաք
այս անմեղ արյունին համար Աստուծո, Մարգարեին և Ձեր
խղճին առջև...

«ԱՄԵՆԵՎԻՆ, ԸՆԴՀԱԿԱՌԱԿԸ ԵՍ ՆՎԻՐԱԿԱՆ ԵՎ ՍՐԲԱԶԱՆ
ՊԱՐՏԱԿԱՆՈՒԹՅՈՒՆՍ ԿԱՏԱՐԵՑԻ ԱՍՏՈՒԾՈՒ, ՄԱՐԳԱՐԵՒՍ ԵՎ
ԽԱԼԻՖԱՅԻՍ ԱՌԱՆԵՎ... ՈՐՈՎՂԵՑԵՎ ԶԻՀԱՏ ՀՐԱՏԱՐԱԿՎԱԾ
ԷՐ... ՇԵՅՆԻԻԼԻՍԼԱՄԸ ՀԱՅԵՐԸ ԻՐ ՄԵՐ ՊԵՏՈՒԹՅԱՆ ԴԱՎԱ-
ՃԱՆՈՂ ԲՆԱԶԻՆՋ ԸՆԵԼՈՒ «ՅԷԹՎԱ» ՀԱՆԱԾ ԷՐ, ԻՍԿ ԽԱԼԻ-
ՖԱՆԻՍ ԵՎ ՎԱՎԵՐԱՑՆԵԼՈՎ ԱՅՍ «ՅԷԹՎԱՆ», ԱՍՈՐ ԳՈՐԾԱ-
ԳՐՈՒԹՅՈՒՆԸ ՀՐԱՄԱՅԱԾ ԷՐ... ԻՍԿ ԵՍ ԱԼ ԻՐ ԶԻՆՎՈՐԱԿԱՆ
ՊԱՇՏՈՆՅԱ ԹԱԳԱՎՈՐԻՍ ՀՐԱՄԱՆԸ ԳՈՐԾԱԳՐԵՑԻ... ՄԻԹԵ
ՊԱՏԵՐԱԶՄԻ ՄԵՋ ՄԱՐԳ ՍՊԱՆԵԼԸ ՈՃԻՐ ԿԸ ՀԱՄԱՐՎԻ...»:

Այս անպատկառ և անլուր հայտարարության վրա այլևս
լռեցի. որովհետև ի՞նչ կրնայի պատասխանել 42,000 անմեղ
ժողովուրդ անխնա կոտորող զահճապետի մը, երբ անգնն, ան-
պաշտպան կիներ և ծծկեր մանուկներ անգթորեն կոտորելը
պատերազմի մեջ մարդ սպանելու կը նմանցներ... Մանավանդ
որ մեր ճամփորդությունն ևս մտած էր փուլի մը մեջ, երբ ամեն

վայրկյան անակնկալս մահը դիմագրավելու սարսափեցուցիչ հարկին ներքև կը գտնվեինք:

Մեր դաժան հարյուրապետը շղարագնելու համար, ինչպես միշտ, այս անգամ ևս խոսքս շարունակելով և կատակախառն հեզնանքով հարցուցի. Պեյ, գիտե՞ս որ մենք՝ եկեղեցականներս, ժողովուրդը հանդերձյալ աշխարհի պատիժներով կը վախցնենք... դուք ի՞նչպես պիտի քավեք անդիի աշխարհին մեզ Ձեր այս մեղքերը...

«Մ, ՇԱՏ ԴՅՈՒՐԻՆ, ԵՍ ԱՐԴԵՆ ՔԱՎԵՑԻ ԵՎ ԱՆԴԻԻ ԱՇԽԱՐՀԻՆ ՀԱՇԻՎ ՉԶԳԵՑԻ... ՈՐՈՎԼԵՏԵՎ ԱՄԵՆ ԱՆԳԱՄ ԸՐԱԾԻՍ ՆՄԱՆ, ԱՅՍ ՊԱՏՄԱԾ ԿՈՏՈՐԱԾԵՍ ՎԵՐՋ ԱՆ, «ՓՈՍԹՍ» ԳԵՏԻՆ ՓԻԵՆՈՎ ՆԱՄԱՋՍ ԸՐԻ ԵՎ ՓԱՌՔ ՏՎԻ ԱԼԱՀԻՆ ՈՒ ՄԱՐԳԱՐԵՆ, ՈՐ ԱՐԺԱՆԻ ԸՐԱ ՋԻՄ ԻՄ ԾԵՐՈՒԹՅԱՆ ԱՅՍ ՕՐԵՐՈՒՆ ՍՈՒՐԲ ՃԻՀԱՏԻՆ ԱՆՁԱՄԲ ՄԱՍՆԱԿՅՈՒԹՅԱՆ...: ՔԱՆԻՔ ՔԱՆԻՔ ԱՆԳԱՄՆԵՐ ՄԵԿ ՔԱՆԻ ՏԱՐԻՆԵՐ ԱՌԱՋ՝ ՏԱՐԻՔԻՍ ՊԱՏՃԱՌՈՎ ՋԻՍ ՀԱՆԳՍՏՅԱՆ ԿՈՒՁԵՆԻ ԿՈՉԵԼ, ԱՂԵԿ ՈՐ ՉԵՄ ԸՆԴՈՒՆԵՐ ԻՆՍԻՔԱՆԻՅՍ ԵՂԱԾ «ԹԱՔԱՎԻՏԻ» ԱՌԱՋԱՐԿՆԵՐԸ...»:

Ուզեցի օգտվիլ արտակարգ պաղարյամբ, պարծանոք ու հոխորտանոք շատ խոսելու մասին ցույց տված իր տրամագրութենեն, և փոքր-ինչ այլևս խոսակցության մեր նյութը փոխելու համար, մանավանդ որ սարսափելի այս տոամին վերջին վարագույրն ալ ինկած էր արդեն, հարցուցի— Գերմանիա երբեք տեղեկություն չունեցա՞վ և դիտողություն չըրա՞վ միլոնե ավելի կոտորված քրիստոնյա ժողովուրդի մը այս սպանդին համար:— Ասով կը փորձեի գերմաններու հայոց սպանդին մասնակցության շահն ու պատասխանատվության բաժինը ճշտել նույնիսկ պետական ու գինվորական բարձր պաշտոնյայն մը, որ թեպետ գավառի մեջ կը գտնվեր, բայց իբր կառավարության ծրագիրներու գործադրիչ մը և ամենանշանավոր ջարդարարներն մեկը, բնականաբար իրազեկ պետք է ըլլար պետական գաղտնի բոլոր արտաքին և ներքին իրադարձությանց:

«Եվրոպան խաբելու համար, թեպետ անցյալ տարի էնկուրիի ջարդերուն լուրը Պոլիս հասնելուն, ձևակերպության մը համար դիտողություն ըրավ և քննիչ ալ դրկեց էնկուրի, բայց մենք շատ լավ գիտեինք, որ այս դիտողության իսկական շարժառիթն էր, կարծել շտալ թե իր ալ մատը կա այս կոտորածներուն մեջ: Այս դիտողության վրա, թեպետ հայոց ջար-

դերը կարճ ժամանակի մը համար դադրեցան, բայց հետո կրկին շարունակվեցան: Միայն սա տարբերությունը, որ ավելի զգուշավոր եղանակով տեղի ունեցան և սպանվածներուն դիակները այլևս մեջտեղ չձգվեցան... Պոլսեն եկած մասնավոր հրահանգներու վրա՝ ամեն ջանք եղավ և կարելի ամեն միջոց ձեռք առնվեցավ, որպեսզի եվրոպացիները կամ ավելի ճիշտ ամերիկյան միսիոնարները անտեղյակ մնան Անատոլիի խորերը կատարվող ջարդերուն...»:— Պեյ, ընդհանուր կարծիքը այս է, թե Գերմանիո ալ մատը կա, այս ջարդերուն մեջ. ո՞րքան ճիշտ է այս կարծիքը:

«Ատոր տարակո՞չս կա. Իթիհատի կոմիտեին կամ Թալեաթին ու էնվերին բերանին էր ինկած դարերն ի վեր՝ աշխարհակալ ամենահզոր սուլթաններու ընել չկրցածը՝ այսպես քանի մը ամսվան մեջ ընել լմնցընել: Գերմանիա մեզի հասկցուց, թե ցորչափ օսմ. կայսրության սահմաններուն մեջ հպատակ ուրիշ ցեղերը մեզի բաղդատմամբ 20% համեմատության շհասնենք, ազատելիք չունինք մեր գլխուն եկած շարունակական փորձանքներն: Բայց չկարծես թե Իթիհատը միայն հայերը կոտորելով պիտի բավականանա, քիչ օրեն մյուս ցեղերուն, մանավանդ Արաբներուն՝ հաշիվն ալ պիտի մաքրենք: Արդեն Սեբաստիոն հայերը տեղվույն շերքեզներուն ձեռքով ջարդել տալն վերջ, կառավարությունը այս ջարդարար շերքեզները պաշարելով՝ ամենքն ալ կոտորել տվավ, ըսելով թե առանց իր գիտության անմեղ հայեր ջարդած են: Մինչդեռ շերքեզները կառավարության հանձնարարությամբ ջարդած էին հայերը: Թուրք կառավարության հնարամտության (տոլապին) մի՞թե իրազեկ դեռ չես եղած, այնքան ատեն գավառի մեջ առաջնորդություն ըրած ըլլալով:

Ի՞նչպես գերմաններն կրնան չըմեղանալ, ըսելով թե լուր չունեին հայոց կոտորածներն: Անատոլիի մեջ կոտորված և տեղահան եղած հարյուր հազարավոր հայերու տուներուն խոհանոցի պղնձեղենները ամիսներով Յոզկատեն էնկուրի երկաթուղի դրվելու համար, հարյուրավոր կառքերով և սայլերով ես էի փոխադրողը: Այս անհատու՞մ պղնձեղենները իսկույն

¹ Ստուգիվ մեկ քանի ամիս վերջ 1916-ին ամռան Սուրիո բանակին վերին հրամանատար Ճեմալ, սկսավ արաբներուն դեմ ալ հուլածանքն ու Դամասկոսի մեջ սկսավ Արաբ մեծամեծներ կախել:

Գերմանիա փոխադրվեցան զենք շինվեցաւ համար: ԱՍԿԾ ԶԱՏ, լքվաւ ՈՒ ԿՈՂՈՊՏՎԱԾ ՀԱՐՅՈՒՐԱՎՈՐ ԵԿԵՂԵՅԻՆԵՐՈՒ ՈՒ ՎԱՆՔԵՐՈՒ ԲՈՂՈՐ ՄԵԾ ՈՒ ՓՈՔՐ ԶԱՆԳԱԿՆԵՐԸ ԳԵՐՄԱՆԻԱ ՂՐԿԵՅԻՆՔ՝ ԿՈՒՌՊԻ ԳՈՐԾԱՐԱՆԻՆ ՄԵՋ ԹՆԴԱՆՈՒ ԶՈՒԼԵԼՈՒ ՀԱՄԱՐ: ԳԵՐՄԱՆԵՐԸ ԱՍԿԾ՝ ԱԼ ԶՀԱՍԿԱՅԱՆ, ԹԵ ԻՆՉ ԿԱՆՑՆԻ ԿԸ ԳԱՌՆԱ ԱՆԱՏՈՂՈՒԻ ՔՐԻՍՏՈՆՅԱՆԵՐՈՒՆ ԳԼԽՈՒՆ...»:

Արդեն 2—3 ժամ միայն կարճ ընդհատումներով տևող այս պատմական և հույժ կարևոր և անմոռանալի խոսակցությունը վերջացնելով, ինք հետացավ ու անցավ առաջ՝ զինք հրավիրելու եկող ոստիկան զինվորներու շավուշին ուղեկցությունը:

Երբ առանձին մնացի, մեր քարավանին հետիտն ընկերներեն պոլսեցի մեկ քանի հայ մտավորականներ, և ի մասնավորի փաստաբան Պողոս Դանիելյան, որ խիստ մոտեն մեկ քանի ընկերներով կը հետևեին լարված ուշադրությամբ մեր երկուքին, ըսավ. «Եթե պաշտոնապես Պոլսեն և ամենահեղինակավոր անձերու կողմե քննիչ եկած ըլլայիք, շէիք կրնար այսքան ճարտարորեն խոստովանցնել այս ոճրագործ հրեշքը: Երանի՛ թե օր մը աշխարհ լսեր այս 40.000 հայ շարժող հարյուրակտին պատմական մեծ արժեք ունեցող խոստովանությունները»:

Ինչպես կանխավ շեշտեցի, ոճրագործ խոսակիցս, հաճախ կը կրկներ, թե փրկություն չկա ձեզի ալ, ամենքն ալ պիտի մեռնիք, միայն թե ես կառավարութենեն հրահանդ ունիմ կարելին ընելով ձեր և ձեր ետևեն եկող Գասթեմուռնիի հայերու քարավանները ողջ անցընելու այս տեղերեն, ուրկե ոչ մեկ քարավան ողջ անցած է դեռ:— Նույնպես հաճախ կ'ըսեր ինձի— հիմար շըլլաս, կարծելու, թե Տեր Զորի և շրջակա անապատներուն մեջ աարագրված հայերը ողջ պիտի ձգվին. անոնք ալ վերջ ի վերջո պիտի բնաջնջվին, կամ իր բառով, որ ընդհանուր կարգախոսի բանաձևն էր, կը գործածեր հաճախ «վաքլամաք» կամ «հարճարըք» այսինքն «մնացածներն ալ պիտի մաքրենք կամ ծախսենք հետզհետե...»:

Եթե այս ծեր ոճրագործն մեկ կետի մեջ սխալեցավ, այս էր որ միշտ կը կրկներ, թե Պոլսո և Զմյուռնիո հայերն ալ տարագրվելով պիտի «մաքրվին»: Ու երբ կ'ըսեի, թե դեռ ալս երկու վայրերու հայերը տեղերնին կը մնան, զիսու մերժողական շարժումով մը կ'ըսեր, ինք կը զարմանա, թե ի՞նչպես մինչև

հիմա Պոլսո և Զմյուռնիո հայերը շտարագրվեցան, քանի որ ասոնց համար ալ Իթթիհատի կոմիտեն տեղահան ընելու որոշում տված էր:

Բայց ինչ որ շուգեց ըսել հարյուրապետ Շյուքրի՝ իր պատմած սպանդի վերջին րոպեներու մանրամասնությունաց մասին, քիչ վերջ հմացանք մեզ ընկերացող յոզկատցի ոստիկան այն զինվորներեն, որոնք ականատես եղած էին այս զահնդեցուցիչ մեծ սպանդին: Թեպետև ես անձամբ չլսեցի, որովհետև միշտ զբաղած էի հարյուրապետով և շէի ուզեր բաժնվիլ իրմե, ավելի շահելու համար իր բարյացակամությունը, և ալ ավելի կորզելու համար իրմն նորություններ՝ զիս հետաքրքրող և ցայն վայր ինձի համար անծանոթ մնացած իրադարձությանց մասին:

Այս ոստիկան զինվորները պատմեր են, թե ի՞նչպես 10.000-ե ավելի շրջանակներեն հավաքված թուրք խուժան մը «Ալլահ, Ալլահ» զազանային վայրագ պողտուքներով կը հարձակի յոզկատցի 6400-ե ավելի անտեր ու անպաշտպան կիներուն, աղջիկներուն և երախաներուն վրա: Այս միջոցին առաջ եկած վայնասունը, գոռում-գոշումը, աղեկտուր ճիչերն, և կացիններով, ուրագներով, սակրեհով և այլ այս կարգի զենքերով թուրք խուժանը այնքան կատաղորեն կ'իյնա իր անմեղ զոհներուն վրա, որ խժալուր այս աղմուկը մինչև մեկուկես ժամ հեռու շրջակա գյուղերը կը լսվին... Կառավարական պատվերին վրա ոչ ոք իր քաղաքացի կամ ծանոթ ընտանիքները փրկելու համարձակություն կ'ունենա: Որովհետև մահվամբ պիտի պատժվեր այն, ո՛վ որ համարձակեր մեկը փրկել. որով կք սկսիլ անխնա կոտորել, անտարբեր մնալով ամեն պաղատանքին:

Անհնար է ոչ թե գրել, այլ նույնիսկ երևակայել այս մեծ եղեռնը կամ տոամը՝ իր իրական մանրամասնությամբ. որովհետև այսքան հզոր երևակայություն մը ունենալու համար անպատճառ ոճրագործներու հատուկ ներքին կարողություններ անհրաժեշտ են...

Երբ սպանդը կը լրանա, ապա կը սկսին բոլորովին մերկացնել հազարավոր սպանված և հոշոտված այս զոհները՝ զպետները հետերնին տանելու նպատակով: Այս դիակապուտին կը մասնակցին հետզհետե ոճրին վայրը շրջակա գյուղերեն փու-

Քացող թուրք կիներ. և շատեր իրենց ծծկեր կամ մեկ քանի տա-
բու երախանները գրկերը կու գան... մեկը շունենալուն համար
իրենց տուները, որ տեր ըլլա իրենց մանուկին:

Բայց այս ոչ նվազ անշուշտ պիտի նպատտեր թուրք ցեղին
վագրային վայրագ բնազդները ի մանուկ տիտց սրելու ու վար-
ժեցնելու արյան կարմիր գույնին ու հոտին...

Հավիտենական սրբությամբ օծուն և հավերժացյալ այս հս-
գարավոր մեծ ու փոքր մարտիրոսուհիներու զգեստներու կո-
ղոպուտը կը տեւ 4—5 օր: Ապա կարգը կու գա ամեն կողմն
արյան հոտ առնելով խուժող շուններուն, գայլերուն և շնագայ-
լերուն. ասոնք ալ կը լրացնեն թուրքերուն սկսած գործը...

Ապա բացօթյա մնացած այս մարմինները կը սկսին ուռիւ,
նեխիլ և կազմալուծվիլ: Երբ հանկարծ Պոլսէն ներքին գործոց
նախարար Քալեաթ, էնկուրիի մեջ մթերված հացահատիկը և
ընդեղենները Պոլիս փոխադրելու պատրվակին ներքև, ան-
ձամբ կու գա էնկուրի և ապա ինքնաշարժով գաղտնապէս Յոզ-
կատ այցելելով կ'ուզե քննել, թե ի՞ր ՀՐԱՄԱՆՆԵՐԸ ԼԱՎ ԳՈՐ-
ԾԱԴՐՎԱՄ ԵՆ:

Այս պատեհությամբ ոճրին հետքերը կորսնցնելու նպա-
տակով մեծ փոսեր բանալ տալով ի մի հավաքել կու տա ցան
ու ցրիվ գրեթե արդեն կմախացած փշրանքներն տարաբախտ
մարտիրոսուհիներուն, կարծելով նաև թաղել այս մեծ տուամին
սրտաճմիրիկ սև ու արյունոտ պատմութիւնը:

Իսկ գերման կայսրը Վիլհելմ, երբ Քալեաթ կ'այցելեր Բեռ-
լին, մարդկային պատմութեան մեջ շտեմնված մեծ ոճրագործը
կը պատվեր Սեվ ԱՐԾԻՎԻ պատվանշանով: Պատիվ մը, որ շատ
հազվագեղարեան կ'ընծայվի ոչ գերմաններու: Այս պատվանշա-
նին շնորհիվ Քալեաթ կը բարձրանա գերման ազնվականներու
աստիճանին, իբր թուրք կայսրութեան Կամպեթան Քավուրը կամ
Քիսմարկը...

Եթե այս թուրք հարչուրապետը՝ իր ցեղը չբնեղացնելու մտք
էր, որ գերմանները կ'ամբաստաներ, մյուս կողմն Գերմանիո
քաղաքական ու զինվորական պատասխանատու անձերն ալ բո-
լորովին չէին կրնար լվալ Պիղատոսի նման իրենց ձեռքերը հայ
անմեղ արյունն:

Ի դեպ է հոս հիշատակել, թե Յոզկատէն մինչև Կեսարիա

մեր անցած բոլոր ճամփաներուն վրա, մեր հանդիպած յուրա-
քանչյուր իսլամի վրա— արդեն քրիստոնյա ժողովուրդ մնա-
ցած չէր այլևս այս կողմերը— ըլլա այր, կին թե մանուկ, գրե-
թե 80 տոկոս հագած էին եվրոպական զգեստներ, կրելով վրա-
նին իրենց գործած ոճիրներուն անժխտելի հետքերը:

Արդարև ծիծաղելի էր տեսնել տրեխավոր և շալվարով գյու-
ղացիներու վրա «ոտեռնեկոթներ», «պոնժուռներ», «ժաքեթներ»
ամենաընտիր կերպասե զանազան արանց և կանանց եվրոպա-
կան զգեստներ, որոնց մեկ մասը մեկին վրա, ուրիշ մասը
երկրորդի մը կամ երրորդի մը վրա էր: Բոկոտն թուրք գյու-
ղացի տղայք հագված էին «մառնիլով» զգեստներ: Իսկ այրե-
րու վրա հաճախ կը տեսնեինք ոսկի շղթաներ ու ժամացույց-
ներ: Թեպետ կիներու վրա ալ աղամանդյա շատ զարդեր կը
գտնվեին, սակայն շատ դյուրութեամբ շունեինք կիներ տեսնելու.
շնայած որ թուրք գեղջկուհիներ «նամեհրամի» սովորութիւնը
ի վիճակի շեն խստութեամբ գործադրելու Պոլսո «հանրմներուն»
նման, որովհետև դաշտային աշխատութիւնները շեն թույլատրեր
այսպիսի կրոնային կաշկանդիչ սովորութիւններ հարգելու:

Հարչուրապետ Շյուքրի՝ Իթթիհատի կոմիտեին եղեռնական
հրամաններն հաճույքով միշտ գործադրած ըլլալով հանդերձ,
իբր ԱԶԳԱՅԻՆ ՔԱՂԱՔԱԿԱՆՈՒԹՅՈՒՆ, շափազանց հայհոյա-
լից լեզու կը գործածեր Իթթիհատի կոմիտեին դեմ առհասարակ,
բայց ի մասնավոր իթթիհատական պետերու և մանավանդ
Քալեաթի և էնվերի դեմ: Հաճախ կ'ըսեր «Ասոնք գնշուե սերած
կամ հրեութենե դարձած (տէռնմէ) բախտախնդիրներ են, խել-
քերնուն փշածը կ'ընեն, վերջը խորհիլ չկա որ... տեսնենք այս
մեր ըրածին տակեն ի՞նչպէս պիտի ելլենք...», ակնարկելով հայ
եղևունին:

Բայց այս վերջին խոսքերը ոչ թե խղճահարութենե, այլ հա-
վանական պատիժի մը երկյուղեն առաջ եկած մտավախութիւն
էր: Որովհետև անմտութիւն էր արհեստով ոճրագործի մը և
տասնյակ հազար անմեղներ ջարդող հրեջի մը մոտ այլևս
խղճմտանք փնտրել:

ՄԱՀԱՊԱՐՏՆԵՐՈՒ ՈՒՐԻՇ ԲԱՐԱՎԱՆԻ ՄԸ ՀԱՆԳԻՊՈՒՄԸ

Մեր վերև հիշած դժնդակ խոսակցություններն ծայր աստիճան ջղագրգիռ եղած էի, մանավանդ որ մեկ կողմն անկարելին ի գործ պիտի դնեի ներքին փոթորակահույզ վրեժխնդրական զգացումներս լեցնելու. մյուս կողմն իր «բարեկամությունը» ա՛լ ավելի վայելել կարենալու համար ջանալու էի ըլլալ հույժ փաղաքուշ, հաճոյակատար և ստիպված էի միշտ իրավունք տալ իրեն և թուրք պետության եղեռնական բոլոր արարքներուն:

Ասով հանդերձ մտքի շարշարալից վերհիշումով մը ջանք ու ճիգ կը թափեի մի առ մի մտքիս մեջ դասակարգելու և արմատացնելու՝ մարտիրոսացած ցեղիս քիչ առաջ լսած սարսափեցուցիչ դրվագները, խորապես համոզված, թե Տերամը եթե օր մը ողջ մնալ հաջողեի, պիտի կրնայի անշուշտ ԱՐԺԵՑՆԵԼ ԱՅՍ ԻՄ ԲՈՒՆՐ ԼՍԱԾՆԵՐՆ ՈՒ ՏԵՍԱԾՆԵՐԸ...

Յոզկատ-Պողազլիա ճամփուն մեր երկրորդ օրը կեսօրին մոտ էր, երբ հանկարծ նեղ ձորի մը մեջ, ջրաղացքի մը մոտը ականատես եղանք մեզ ամենքս ալ մահվան մղձավանջով լեցնող դեպքի մը: Բայց այս անգամ ոչ թե անցյալ արյունոտ պատմության մը կսկծեցուցիչ վերհիշումն էր, այլ դառն իրականությունն էր, որ կ'արձանանար մեր աչքերուն առջև, որ այլևս պատրանք չէր, այլ սարսափեցուցիչ իրողություն:

Ըստ սովորության ցան ու ջրի՛վ ճամփուն երկայնքին՝ գրեթե իրարմե 1/4 ժամ հեռավորության վրա առաջ քալող մեր քարավանը հանկարծ կանգ առած էր, և հետզհետե աքսորականները սեղմ շարքերով իրարու կը մոտենային: Իսկ ես հարյուրապետին հետ՝ երկուքս ալ ըստ սովորության ձիով ամենավերջը կու գայինք, երբ տեսանք հաստ պարանով իր րու պնդորեն կապված 54 հոգիե բաղկացած ուրիշ քարավան մը, ամենքն ալ կ'ամ վաթսուննն վեր ծերունիներ և կ'ամ 13—16 տարեկան պատանիներ, բոլորովին մաշած ու թափթփած զգեստներով և ոմանք ևս նույնիսկ ցնցոտիներով:

Ասոնք միակ արու մնացորդներն էին Յոզկատի 3000 տուն հայության, որ անցյալ 1915 աշունեն ի վեր թաքնված էին ո՛րևէ

կերպով քաղաքին մեջ հրաշքով մնացած մեկ քանի տասնյակ զինվորի բնաանիքներու մոտ: Բայց ամիսներ վերջ կարծելով, թե ասեն վտանդ անցած է և կառավարության հայերու ընդհանուր ներման դիտումնավոր կեղծ լուրերեն քաջալերյալ՝ հետզհետե դուրս գալով, կը սկսին մեկ մեկ օրապահիկի հետամուտ ըլլալ՝ ըստ իրենց կարողության:

Սակայն օրին մեկը հանկարծ մեջտեղ երևացած այս մնացորդ բոլոր հայերը, ըստ նախօրոք պատրաստված ցուցակի ձեռքալալելով, մեկ քանի օր ևս բանտը պահելի վերջ, աքսորի անունին ներքև այս խեղճերը իրարու կապած կը բերին այս ամաչյ՝ ձորին մեջ մի առ մի սպանելու հաստատ նպատակով:

Իսկ ասոնց իբր թի ապահովության հատկացած հետևակ 8 ոսախկան զինվորները, նույն առտուն իսկ կը սպասեն այս թշվառներեն 4-ը, ընտրելով ամենակտրիճ և ուայալ երիտասարդներեն, ծրագրած ըլլալով մնացածները հանձնել ամեն կողմն հավարի եկած գյուղացի խուժանին, որպեսզի իր հասկցած ձևով ու ըստ իր «վարժությունն» «մաքրե» կամ «ծախսե», ինչպես սովոր էին ըսել թուրքերը:

Օ՛հ անհնար է մոռնալ այն սրտաճմիկ տեսարանը, երբ հագիվ մեր քարավանը նկատած, և մանավանդ հայ կ'իջեցական մը հանկարծ տեսնելով հեծյալ և բարեկամական խոսակցության մեջ իրենց վաղածանոթ հարյուրապետ Շյուքրի հետ, ասկե քաջալերված, ուրուրե հալածական իրենց մոր թևերուն տակ լեզապատառ վազող վառյակներու նման, առանց ուշադիր ըլլալու նույնիսկ իրենց հսկող ոստիկան զինվորներու սպառնացող արգելքին, աճապարեցին կտրել մեր ճամփան: Արտասուքով կ'աղաչեին ինձմե որ փրկեմ զիրենք իրենց սպառնացող վերահաս անխուսափելի սպանդեն: Թե՛ հարյուրապետն և թե՛ մասնավորաբար ինձմե՝ թուրքերն լեզվով իրենց հուսահատ վիճակը պատմելով կյանք կը հայցեին: Իսկ մահապարտներու այս քարավանին մեջ գտնվող հայախոս դպրոցական պատանիները մայրենի լեզվով գաղտագողի կը հասկացնեին ինձի, թե իրենցմե արդեն շորսը սպանված են և շրջականներեն հետզհետե հավաքվող թուրք գյուղացի խուժանին ստվարանալուն գիրենք կը սպասցնեն մեկ անգամեն իրենց հաշիվն ալ մտորելու համար: Ապա լալահառաչ կը պաղատեին, որ ազատե՛ն զիրենք ու ձգենք հոն, ու կ'ըսեին—Աստուծո սիրունյն մեզ ալ հետերնիդ տարեք, եթե անցնիք երթաք և մեզ հոս ձգեք, ան-

միջապես մեզ ալ պիտի սպանեն մեր մյուս ընկերներուն պես։
Որովհետև ամենքը ամրապես իրարու կապված էին իրենց արմուկի վերին մասերեն, երբ մեկ քանին շարժեին՝ ամբողջ քարավանը կամ ահամա միասին շարժիլ ստիպված էր։ Գալփառի բնաջնջված կամ տարագրված մեկուկես միլիոն հայության այս հյուծած ու աղազուն խլյակները, ծառացած մեր ճամփուն վրա անդադար շնորհք կը խնդրեին, և այն ալ կյանքի շնորհք իրենց մեկ հոգևորականեն, որ ինքն ալ մահապարտ արտական մըն էր. միայն իրենցին պես դեռ չէր հնչած անող ալ մահվան վերջին ժամը։

Արդարև վարկյաններ կան, որում ամենատկար հոգիները իսկ հանդուգն դուրսագոններ կը դառնան, և ամենազգուշ և դանդաղ լեզուներեն իսկ հրաշագործ ճարտասաններ կը թվին ըլլալ։ Ո՛հ անհնար էր մեզի անտարբեր մնալ այսքան արցունքոտ աղաչանքի, պաղատանքի հանդեպ, եթե նույնիսկ մեր կյանքն արժեր։

Հարյուրապետ Շյուքրի, որ անձայն և անտարբեր կը դիտեր այս բոլոր իրադարձութիւնը և կը լսեր ըսվածները, տեսնելով որ անկարեկիր կը մնար, թախանձագին աղաչեցի, որ շնորհ ընե և փրկե զիրենք՝ միացնելով մեր քարավանին։ Բայց Շյուքրի՝ արհեստով ոճրագործներու սովորական անտարբերութեամբ պատասխանեց, թե կառավարութեան հրամանին դեմ ես ինչպե՞ս կրնամ գործել... — Պատասխանեցի, թե այս պահուս մեր կյանքին միակ տերն է և մեր թե՛ հրամանատարն է, թե՛ մարաշխտը և թե՛ Սուլթանն է, քանի որ իր խղճմտանքին մնացած է իր ուզած ձևով վարվելու մեզի հետ և իր հասկացուցած ձևով չքմեղանալու, եթե երբեք հարցնող ըլլար սակայն...

Այս փաղաքշական խոսքերեն մեղմացած, մյուս կողմն ծերունիներ ամենքն ալ իրարու կապված թեպետ, բայց մեր ձիերուն մոտեցած՝ հարյուրապետին ոտքերը կը համբուրեին ու աղիողորմ կ'աղաչեին, որ գոնե իրենց շնորհ ընե։

Ապա հաճեցավ դառնալ ինծի և ըսավ—**ՉՐԻ ՉՐԼԼԱՐ ԱՍԱՆԿ ԹԱՆ ՄԸ**։— Եվ ես խոստացա զոհացնել զինքն ամեն կերպով։

Վերջապես հրամայեց յոզկատցիներու այս քարավանին պահակ կանգնող ոստիկան զինվորներուն, որ վերադառնան իրենք քաղաք, քանի որ իրենց պաշտոնը լրացած էր, և մյուս կողմն հրամայեց մեր քարավանին ոստիկան զինվորներուն, որ յոզկատցիներուն քարավանն ևս միացնեն մեր քարավանին։

Հազիվ այս հրամանն տրված, տեսնելու արժանի էր, թե ի՞նչպես ամենքը մեկ խուժեցին հարյուրապետին և իմ վրա, արցունքով կը համբուրեին անոր ոտքերն, իսկ իմ ալ ձեռքերը։ Արդարև փղձկեցանք ամենքս ալ և միացուցինք մեր մահարույր ճակատագիրները իրարու, թեպետ փրկութեան մեր հուսադրութեանց մեջ՝ մեր մահն էր, որ կը փորձեինք հեռացնել մեզմե, առժամապես միայն անշուշտ...

Հազիվ ճամփա ինկած, սկսան աղաչել, որ նաև քակել տամ իրենց կապված թևերը՝ հասկացնելով որ այնքան պիրկ կապած են, որ իրենց աչ թևի արյունը վաղուց դադրած է շրթան ընելե և դիտմամբ թմրացուցած են այսպես, որպեսզի սպանդի միջոցին ինքնապաշտպանութեան ո՛րևէ շարժում ընելու անկարող ըլլան իրենց բազուկները։

Սպանդի տարվողներու վրա գործադրված ընդհանուր դժբախտութեան մըն էր՝ թուրք ցեղին ոճրագործ ուղեղն բխած...

Այս մասին ևս փորձեցի բարեխոսել. սակայն կարգ մը առարկութիւններն վերջ ըսելով, թե ժամն մը վտակի մը եզրին ցորեկվան դադար պիտի տրվի, խոստացավ այդ միջոցին ազատ արձակել, միշտ կրկնելով, թե բարեխոսութեանս կ'ընդունի միայն հնչուն ակնկալութեամբ։

Արդարև քիչ վերջ, երբ հասանք մատնանջված տեղը, արձակել տվավ ամենքն ալ իրենց կապանքներն։ Հակառակ անոր, որ Յոզկատեն մեկնեցին ի վեր 24 ժամ անցած էր և իրենք ոչինչ կերած ու խմած էին, այնուամենայնիվ իրենց անակնկալ փրկութենեն խելահեղ՝ ասոնցմե ոչ ոք իրեն երկարված պատանները առնել ու ճաշակել կ'ուզեր, այնքան հուզված էին և շվարած։

Այսպես մեր երկու քարավանները միացած՝ շուրջ հարյուր հոգիանոց հոծ խումբ մը դարձած, շարունակեցինք մեր ճամփան և արևամուտին հետ իջևանեցանք թուրք գյուղ մը։

Շնորհիվ հարյուրապետ Շյուքրի կողմն ինծի տրված բացառիկ թույլտվութեան, ոստիկան զինվորներու տասնապետին հետ հարմար սենյակներ վարձքով գտնելով, տասնական հոգի զետեղվեցան յուրաքանչյուր սենյակի մեջ, ամեն սենյակի մեջ ձգելով պահպանութեան համար մեկ մեկ ոստիկան զինվոր։ Փափուտափ մասին արդեն անձնապես երաշխավորութիւն տված էի, հավաստելով, որ եթե մեկը մեզմե փախչող ըլլա, պատարաստ եմ կ'յանքովս տուժելու։

Այս առթիվ հոգացինք մեր մեջ նաև մեր նոր ընկերներուն գոնն ցամաք հացի մը կարոտութիւնը:

Հաջորդ օրը՝ Յոգկատեն հեռանալու երբորդ օրը, առավոտուն հազիվ կրկին նեղ ձորն մը պիտի անցնեինք, երբ մեզի պաշարված գտանք ամեն կողմն խաժամութ ամբոխն մը: Չորին երկու կողմի, բայց մանավանդ մեր ձախ կողմի լեռները ծածկված էին հարյուրավոր մարդոցմով, որոնք շրջակա գյուղերեն հավարի եկած էին որսի շան նման՝ արյունի և ավարի հոտ առած ըլլալով: Թեպետ անշուշտ շատ դժվար է որոշ թիվ մը տալ, բայց հավանաբար 7—800 հոգի կար, որոնց մեջ կը տեսնեինք կիներ ու աղջիկներ: Մեզի տրված ապահովիչ հավաստիքներուն վրա՝ մտքն շարժելով այսպիսի հարձակում մը, հեռվեն լեռան վրա շարժող իրերը՝ արածվող ուղիներ կարծած էինք. և երբ հանկարծ գտանք մեզի պաշարված, ավելորդ է ըսել, թե պահ մը ամենքս ալ կորսնցուցինք մեր պաղարյունութիւնը:

Մեր քարավանեն շատեր կու լային, ոմանք շվարած գետինը ծունկի էին, քանի մը ծերեր իրենց ծունկին զարնելով «լմնցանք» կ'ըսեին:

Մեր ցրված քարավանը ակնթարթի մը մեջ կրկին խտացած իրարու եկած էր բնազդական շարժումով մը: Իսկ ես հարյուրապետին հետ ըստ սովորութեան խոսակցելով միասին կը ձիավարեինք իբր վերջապահ, երբ մեկ քանի երիտասարդներ եկան գուժել, որ պաշարված ենք և անմիջապես վտանգի ներքև կը գտնվինք:

Այս միջոցին մեզ դիմավորելու եկան նաև 8—10 հեծյալներ, որոնց երբ հարցուց հարյուրապետը, թե ո՞րկե կու գան, պատասխանեցին հարյուրապետին անունը տալով մեծ հարգանք, թե «ոչխարի տուրք» հավաքելի կը դառնան... Բայց հարյուրապետ Շյուքրի ինձի գաղտնաբար հայտնեց, թե ասոնք լավ կը ճանչնան, հավաքված խուժանին պետեղն են և իբր պատահական ճամփորդ-եկան՝ քարավանին մեջէն անցնելով քննելու, թե ավարը ո՞րքան է և քանի՞ հոգի էինք:

Ժամանակ չկար կորսնցնելիք. ժամ առաջ հարկ էր հնարավորը ընել, քանի դեռ ուշ չէր. ուստի դառնաբով հարյուրապետ Շյուքրիի, թախանձագին աղաչեցի, որ փրկե մեզ վերահաս վտանգեն: Ինչ որ ըրպէին սարսուցեցուցիչ տպավորութեան ներքև համոզելու և ողորելու համար զինքն կրնայի ըսել

ու խոստանալ, փութացի անվարան ընել և ըսել. բա՛ւ էր որ մեզ փրկեր:

Ամենքս ալ այն աստիճան շվարած էինք, որ եթե հարձակում ըլլար մեր վրա, կրնային մեզ ուղիարներու նման խող-խողել՝ առանց հանդիպելու մեր կողմեն ո՞րեւէ ամենափոքր իսկ ընդդիմութեան: Թվեր թե արյունը սառած էր այլևս մեր երակներուն մեջ, ու մահը, որ մեր առջև արձանացած էր, ա՛յնքան երկյուղ չէր ազդեր. զի տարիք մը ի վեր արդեն միշտ մահվան շարունակական մղձավաւջի մեջ ապրելով, վաղուց ընտելացած էինք մեռնելու գաղափարին հետ: Զի ինչ որ կ'ապրեինք՝ շահ կը համարեինք: Այս իրապես ահավոր աղետին անմիջապես ազդեցութեան ներքև արդեն մեր մտքերը խորհրդածելու, տրամաբանելու և կամ ո՞րեւէ գործունեութիւն ունենալու ոչ ի վիճակի էին և ոչ ալ ժամանակ կար:

Ամենքին հույսը վրաս բեռնված էր, թե հարյուրապետին հետ մշակած բարեկամութեամբս թերևս կրնայի ելից ճամփա մը գտնել:

Վերջապես հարյուրապետ Շյուքրի, սակարկողներու հատուկ հնարամտութեամբ, կարգ մը դժվարութիւններ թվելի վերջ՝ առանց այլևայլի հարյուր հնչուն ոսկի պահանջեց նույն երեկոյին իսկ վճարվելու պայմանով, առանց ո՞րեւէ առարկութեան՝ իբր փրկանք: Խոստանալով խուժանը իսկույն ցրվել, սակայն անձնապես զիս հարյուր ոսկիին պարտական կ'ուզեր ճանչնալ և չէր ուզեր ուրիշներու հետ գործ ունենալ:

Ակներև է թե անմիջապես իր պայմանը սիրով ընդունեցի՝ ստանձնելով առ այս անձնական ամեն պատասխանատուութիւն:

Հազիվ փրկանքի այս սակարկութիւնը լրացած, հրաման ըրավ ոստիկան զինվորներու տասնապետին, որ մեկ քանի ընկերներ առնելով փութա խուժանը ցրվի իրեն անունով:

Ի դեպ է հոս հիշել, որ իբր Յոգկատի շրջանին 30 տաշվան ոստիկ. զինվորներու հրամանատար, ամբողջ «սանձագին» մեջ զինք կը ճանչնային իբր կամբը քալեցնող ծեր աղվես մը, և ինչպես մեզ ընկերացող ոստիկ. զինվորները կը հավաստեին, սարսափ ազդած էր բոլորին: Ամենը կը ճանչնային զինք անձնապես. ո՞ր թուրք գյուղերը որ իջևանեցանք, մեծ հարգանք և երկյուղախառն ակնածանք ցույց կու տային իրեն հանդեպ:

Միաժամանակ երկրորդ անձի մը միջոցով 10 հնչուն ոսկի

ալ պարզև խոստացանք տասնապետին, որպեսզի անկեղծորեն, և ոչ ինչ ձևականորեն գործադրե իր հրամանատարին Շյուբրիի հրամանը:

Այս խոստումին վրա դարձավ տասնապետը հրամանատարին հարցնելու, թե եթե խուժանը ընդդիմություն ընե իրենց և ցրվիլ շուգե, ի՞նչ ընեն: Հրամանատարն ըսավ՝ կրակեցեք... Այս բացորոշ հրամանին վրա, հեծյալ 4—5 ոստիկ. զինվորներ, գլուխ ունենալով տասնապետը, քառամբակ հարձակեցան սարի կողերուն վայրկյանն վայրկյան սպանդի ահազանգին սպասող խուժանին վրա:

Բայց ընչաքաղց և ոճրածարավ ամբոխը, որ տարիե մը ի վեր սպանդի, ալանի ու թալանի վարժված էր, չէր ուզեր նահանջել և կը համառոր մնալ: Իսկ խուժանին հեծյալ 8—10 պետերը, որոնց մեր ճամփուն վրա հանդիպած էինք, նույնիսկ կը հանդգնեին մեր վրա քայել:

Իսկ մենք մեզմե մեկ քանի հարյուր մետր հեռու կատարվող այս մահվան կատակերգությունը անբացատրելի սարսափով մը կը դիտեինք ակնապիշ, երկյուղ կրելով միշտ, որ կրնար այս խաղը վերջանալ հանկարծ մեր սպանդին ուղբերգությունմբը:

Հանկարծ սթափեցանք մեր մահաբույր շփոթումին մեզ «մավզեր» ի գնդակներու սուլումով, և տեսանք, թե ի՞նչպես առջևի շարքերեն և էն կատաղի հետիոտն ռահվիրաներեն մեկը՝ ոտքեն վիրավորված գետին ինկավ:

Եվ ահա հարյուրավոր սովոր շարքերե բաղկացած և գազանական կրքերով բոցավառած խաժամուժ ամբոխը տեսանք մեր զարմացկոտ աչքերով, թե լեղապատառ ի՞նչպես հեխև կը վազեր սարն ի վեր՝ ետև ձգելով ավարը փոխադրելու համար հետ բերած ձիերն ու էշերը, հրազենի պայթումին վրա ալլևս համոզվելով, որ եղածը պարզ ձևակերպության համար ըստ անցյալ սովորությանց կատակ մը կամ խաղ մը չէր...

Արդարև տեսնելու արժանի բան էր, թե 4—5 ոստիկ. զինվորներու հարձակումին վրա կարելի է եղեր հարյուրավոր ամբոխ ցրվել, բավ է, որ կառավարությունը ԱնկեղծՄՈՐԵՆ ԿԱՄՄԵՆԱ ՅՐՎԵԼ: Ասկե ավելի պերճախոս և անհերքելի գործնական ապացույց՝ ալ ի՞նչ հարկ կար փնտրելու կառավարության անհերքելի պատասխանատվության մասին:

Չորը պատենշող երկու կողմի սարերուն փեշն ի վեր փախչող խուժանին ետև տեսանք, որ սարի հակառակ կողմին վրա

ևս գեռ հարյուրավոր ամբոխ դարանակալ կը սպասե եղեր, հարձակման հաջողության մը պարագային, միանալու համար նախահարձակ իրենց ընկերներուն:

Վտանգը անհետացավ և փախչող խուժանին թողած 8—10 ձիերն ու էշերը, հետերնիս առած սկսանք մեր ճամփան ջարդանակել, միշտ նոր հարձակումներու երկյուղն մեր սրտին խորը: Իր հաղթության վրա՝ հոխորտանալով սկսավ հարյուրապետ Շյուբրի խոսիլ իր հզոր ազդեցության վրա, որ անեք ամբողջ գավառին բոլոր ժողովուրդներուն վրա:

Իր անձնասիրությունը փաղաքշող կարգ մը շաղակրատութենե վերջ, ուզելով լուսաբանվիլ, հարցուցի, թե վիրավորված մարդուն համար արդյոք իրեն ո՞րևէ պատասխանատվություն կու գա՞ր առաջիկային, պատասխանեց. «դե՛հ ինձի ի՞նչ պատասխանատվություն պիտի գա, մի՞թե համրված ոչխա՞ր է. ոստիկանական տեղեկագիր՝ մը պատրաստել պիտի տամ, ըսելով, որ «սեվգիաթին» (այսինքն տարագրության քարավանին) վրա հարձակեցան, և երբ ցրվիլ ուզեցի՝ ընդդիմացան և այս պատճառով ալ վիրավորվեցան... լմնցավ գնաց: Հիմա սե՛ֆերպէյիկ է (այսինքն պատերազմի շրջան է), ո՞վ որուն, գեռ ինչե՞ր ըրինք ու հարցնող փնտրող չեղավ. ասանկ աննշան գեաքի՞ մը համար պատասխանատվություն պիտի գա վրաս..., բնավ մեկը մյուսին ըսելիքը չէ մնացած... մուրախաս էֆենտի, հասկցա՞ր... դուն այս երեկո հարյուր ոսկին Ձեր ունեւոր աղաներուն մեջ հավաքելով ձեռքս գնելուն ճարը նայե. ի՞նչուդ պետք...»:

Մենք այս բոլորը շատոնց հասկցած էինք, տասնևհինգ երկար տարիներու թե՛ գավառի և թե՛ Պոլսո մեջ մեր պաշտոններուն բերմամբ՝ նախարարներու, կուսակալներու և պետական մեծ ու փոքր պաշտոնյաներու հետ ունեցած ամենօրյա հարաբերությանմբ: Միայն կ'ուզեինք պատեհութենե օգտվելով տեղյակ ըլլալ ոճրագործ այս հարյուրապետին այս մասին ունեցած պատասխանատվության գիտակցությանը, մտայնությանը ու համոզումին:

Հարյուր ոսկիով ստույգ մահվանն մեր ձեռք բերած այս հաջողությունը կամ փրկությունը տեսնելով, ինքնին կը տարվինք հիշել հոռովմեական պատմության այն օրերը, երբ Աֆրիկեի

Նումիդիո Մասինիսա թագավորի ազգականներին Յուզուրդ գորավարը, շարունակական իր պատերազմներով վերջապես Հռովմի տիրեց: Եվ երբ տեսավ հռովմեացի ղորավարներուն շեշտված ընշաքաղցոթյունը և հռովմայեցւոց ներքին ապականութունը, հաշտութուն կնքելի վերջ՝ երբ կը հեռանար Հռովմեն, բացականչեց.— Շահասեր քաղաք, քեզ ալ գնելու համար լոկ գնորդ մը պետք է:

Մենք ալ իրավամբ կրնայինք բացականչել՝ կաշառակոյթ Թուրքիա, քեզ ալ գնորդ մը պետք է գնելու համար...

Զինադադարի այս վաղորդայնին, արդյոք Թուրքիա մի՞թե անուրդի հանված չէ և ավելի զին առաջարկողին մի՞թե ժառանգ չպիտի մնա...

Աճապարեցինք շարունակել մեր ճամփան և մինչդեռ միջին հաշվով օրական 6—7 ժամ միայն ճամփա կրնայինք քալել՝ մեր քարավանին հետիոտն գնացողներուն պատճառով, որոնք մեր ուղեկիցներուն գրեթե 4/5 մասը կը կազմեին, այս օրը 8—9 ժամ ճամփա կտրեցինք և մթնշաղին հետ յիշանեցանք տղմաթաթախ և հոգնաբեկ՝ թուրք գյուղ մը:

Բայց մեզմե ոչ ոք այսորժակ ունեւր այլևս ուտելու, և տարբեր խցիկներու մեջ ու ոստիկան զինվորներու նույն գիշեր աշաւուրջ պահակութեան ներքե, կծկտած անբուն անցուցինք սրտադողի մեջ, աղտոտ փսիաթներու և ոչիւններու մեջ, որոնց հետ այլևս ընտելացած էինք, մենք ալ մեր վրա միշտ կրելով առանց շափազանցութեան հարյուրավորներ:

Այո, անկարելի էր մեզ ընանալ, որովհետև այլևս գաղտնիք մը չէր, թե ո՛չ թե մեր գերեզմաններուն մոտեցած էինք, այլ մեջը մտած ու չէինք գիտեր, թե վաղվան արշաւույսին հետ ինչ մահահրավեր անակնկալներ կը սպասեին մեզի: Ամենքս ալ նույն խորհրդածութիւններով կը ջանայինք ժամ առաջ լուսնցնել. որովհետև խավարեն կը վախնայինք. հիշելով որ բոլոր ոճիրներն գիշերը աղջամուղջին մեր կը դարբնվին: Թեպետ արհեստով ոճրագործներու համար օրվան ամեն ժամը կը հարմարեր ոճիրի հղացումին և գործադրութեանը...

Բարեբախտաբար դեպքերու ահարկու ազդեցութեան ներքե ծնունդ առած մեր զղայնոտ կասկածամտութիւնը արդարացնող առանց ո՛րեւէ վրդովիչ միջադեպի՝ լուսնցուցինք: Նախքան քարավանին ճամփա ելլելը փութացի կատարել խոստումս, որ երեկոյին ոչ ոք մեզմե կրցած էր այս մասին խորհիլ. որս չհետև

ինչպես ժողովրդային բացատրութեամբ կ'ըսվի, հոգի չէր մնացած մեր վրա ո՛րեւիցե բանի վրա խորհելու:

Շատ դյուրին եղավ հանգանակել հարյուր ոսկին, որուն մասնակցեցան նույնիսկ հազիվ քանի մը շաքաթվան պարզ հացագին մը ունեցողները, որովհետև կը տեսնեին, թե երկար սակարկելու ժամանակ չէ... Մանավանդ որ դեռ կը գտնվեինք ու պիտի անցնեինք այնպիսի ամայի լեռներու ու ձորերու մեջին, երբ մեր կյանքը կախված էր միայն կաշառակու մեր եղեռնագործ հարյուրապետ Շյուբրիին բարյացակամութենէն:

Մեր քարավանին մեջ գտնվող մեկ քանի շանկըրիցի վաճառականներու կողմե, երբ հնչուն կերպով համրվեցավ Շյուբրիի ափին մեջ հարյուր ոսկին, արդեն այս հնչուն ոսկիեն իր ազահութիւնը հրավառված, և հուսալով որ կծիկին ծայրը արդեն քակվեցավ վերջապես, ա՛լ ավելի բարյացակամ դարձավ հանդեպ ամենքիս և սկսավ բացատրիկ պատիվներ ալ ընել, հրավիրելով, որ իրեն սեղանակից ըլլամ:

Չորրորդ օրն ևս անցավ բարեբախտաբար առանց մտահոգիչ ո՛րեւէ միջադեպի, և մենք այս օրը ա՛լ ավելի պատեհութիւն ու համարձակութիւն ունեցանք մտածելու քիչ մը մեր սնունդին վրա, և պարենավորվելու և հոգալու նաև մեզի ընկերացող յոզկատցի հիսունե ավելի շքավոր աքսորի ընկերներու Սակայն այս գործը անոր համար կը դժվարանար, որ հարյուր հոգի ավելի մեր քարավանին մեջ հազիվ 30՝ շանկըրցիներ պահեստի դրամ ունեին, իսկ մնացայինք բառին բովանդակ նշանակութեամբ հացակարոտ վիճակի մեջ էին: Մասնավորաբար 54 յոզկատցիները բոլորովին մերկ ու անոթի էին, և հարկ էր ամեն օր կշտացնել այս թշուառները, ինչպես նաև Պոլսո մեր հին աքսորի ընկերներեն 16-են 10-ը նույնպես օգնութեան կարոտ էին: Կարելի չըլլալով ամեն ատեն հացագին մուրալ, ստիպված անձնական փոխառութեամբ կրցա մեծ մասամբ հայթայթել մեր օժանդակութեան կարոտ ընկերներուն ոմանց սնունդը:

Ուրիշ մեկ դժվարութիւնն ալ այս էր, որ Յոզկատեն մինչև Կեսարիա թուրք գյուղացիները այնքան վրեժխնդրութեամբ լեցված էին, որ ոստիկան զինվորներու միջամտութեամբ միայն կը հոժարեին կանխիկ և հնչուն դրամով մեզի հաց, սոխ, հավկիթ և մածուն վաճառել: Ասոնք էին մեր միակ սնունդները, թեպետև հետո ոչ թե հավկիթ ու մածուն, այլև ոչ իսկ հաց գտանք

զնելու, փուլթ չէ թե հաց ըսածնիս հաճարի, կորեկի քնարեո
կ առնուող մ'ըլլար: Բայց վերջապես անոթիներու համար սնունդ
ւրն էր դարձյալ:

Սակայն մեզմե նշ որ հետամուտ էր ուտելու կամ խմելու,
մահվան ամենօրյա մղձավանջը այնքան տագնապեցուցած էր
մեզ, որ միայն անակնկալ կոտորածի մը զոհ չերթալու միջոց-
ներուն վրա խորհելու հետամուտ էինք:

Թեպետ շատ հույս չունեինք, քանի որ հայեր էինք. վաճ
եկած էր մեր ամբողջ ցեղին զլխուն: Բախտին անակնկալ մեկ
հարվածովը, ամբողջ հայության հետ ժառանգազուրկ դարձած
էինք, հալածական և վայրավատին: Վերջ ի վերջո չէ՞ որ մեր
ամենքին ալ վախճանը նույն պիտի ըլլար ուր կամ կանուխ,
անոթի և ծարավ մեռնիլ Տեր էլ Զորի տոթակեզ ու անջրդի անա-
պա տներուն մեջ:

Զորորդ օրն էր, երբ արշալույսին հետ ճամփա ինկանք դարձ-
յալ մտահոգ ու ընկճված ու միայն Աստուծո ապավինած: Որով-
հետև ամեն հույս արդեն կտրած էինք մեր ազգականներեն,
էթե ասոնք դեռ ողջ մնացած էին...: Իսկ անզլիացիներն, Ֆրան-
սացիներն ու ռուսերն ո՛հ դեռ մեզմե շատ ու շատ հեռու էին...

Ըստ սովորության, երբ Շյուքրիի հետ միասին խոսակցե-
լով կը ձիավարեինք, մեկ քանի բլուրներու ետև կրկին նեղ
ձորի մը մեջեն անցած միջոցնիս մարդկային թաքնված դուխ-
ներ տեսանք: Ասոնք սակայն հարձակման համարձակութենե
զուրկ ըլլալով խուզարկու ռահվիրաներու դերին մեջ կը մնա-
լին՝ շատ քիչվոր ըլլալուն:

Այս պատեհութենեն օգտվիլ ուղեցի, վերահասու ըլլալու հա-
մար, թե այս ամբոխը ինքնաբերաբար կու գա մեր ճամփան
սպասելու, թե հարյուրապետ Շյուքրիի ինք գաղտնի մարդեր
դրկելով բերել կու տա մեր վրա՝ մեզի կողպտելու համար:

Աստի հարցուցի—Շյուքրի պեյ, ասոնք ո՞վ մեր վրա կը
դրկե, որովհետև ուրկե՞ գիտեն ասոնք, թե հայ տարագիրներու
քաղաքան կ'անցնի, որ կ'աճապարեն հեռավոր գյուղերն գալ այս
ցուրտին և մեր ճամփուն վրա սպասել, մեզ անշուշտ սպանելու,
կողպտելու համար...:— Պատասխանեց «Հանցանքը շիտակն
ըսելով ասոնցը չէ. մենք վարժեցուցիք զիրենք ասոր...»:

Ի դեպ է հոս հիշել, որ հարյուրապետ Շյուքրի թեպետ նշա-
նավոր ոճրագործ մը և զահիճ մըն էր, սակայն իր կրոնամու
ծեր թուրք մը, զարմանք առթելու աստիճան ճշմարտախոս ու

անկեղծ էր իր համոզումներուն մեջ և անվերապահ իր կարծիք-
ներուն հայտարարությանը մեջ:

Այս շարժառիթով, հաճախ մեր մտքին մեջ ծագում առած
կառկածներու և հարցերու մասին որոշ լուսաբանություններ ստա-
նալու համար կը հարցաքննի զինքն զգուշավոր կերպերով:

Անգամ մըն ալ այս նպատակով հարցուցի.— Շյուքրի պեյ,
ինչո՞ւ սուլթան Համիդի օրով եղածի նման, այս անգամ ալ
«Ժեռն թուրքերը» իրենց բնակած քաղաքներուն մեջ կոտորել
չովին հայ ժողովուրդը, և թե յոզկատցի հայ կիները մի՞թե չէիք
կրնար դուրսա՞ փչացնել առանց քաղաքեն դուրս հանելու...

«Իթթիհատա՞ աններու այս ըրածը առաջինն ալիլի խո-
հեմ ճամփա էր, որովհետև եթե հայերը ջարդել ուզեինք սուլ-
թան Համիդի օրով եղածին պես, այն ատեն մենք ալ շատ զո-
հեր պիտի ունենայինք: Ինչպես հայերը Ադանայի մեջ 1909-ին
ըրին, փողոցներու մեջ շինված պատնեշներու ետև և քարաշեն
տուններու մեջ ամրանալով դուրսով շարտի ուզեին անձնատուր
ըլլալ, այլ զենքով պիտի դիմադրեին: Տես, Շապին Գարահի-
սարի և Ուրֆայի մեջ հայերը ամիսներով զբաղեցուցին կա-
ռավարությունը: Մի՞թե այս ձևը ալիլի գործնական չէր, ձեզ
աքսոր պիտի տանինք, ըսելով՝ նախ զինաթափ րինք և ապա
ճամփա հանելով առանց ո՛րևէ փոքր մը իսկ ընդդիմության մաք-
րեցինք...: Իսկ յոզկատցի կիներուն գալով, եթե քաղաքին մեջ
ասոնց գործը մաքրել ուզեինք, իրենց մոտը գտնված ոսկեղեն,
արծաթեղեն և գոհարեղեն իրենց բոլոր զարդերը կոշուղիներու
մեջ պիտի նետեին կամ փչացնեին, որպեսզի մեր ձեռքը չիցնար:
Մի՞թե ասանկ ընելը ալիլի խոհեմություն չէր, խաբելով զի-
րենք, թե իրենց էրկներուն մոտ պիտի դրկենք, իրենց բո-
լոր ունեցած ոսկեղեն, արծաթեղեն և գոհարեղեն զարդերը ու
իրենց տուններուն գորգերը և կապերտները հետևինն առին,
որով մեզ ալ շատ դուրին եղավ մեկ քանի օրվան մեջ հավա-
քել ամենքը և զիրենք մերկացնել... Թեպետ մոռցա ցարդ հի-
շել, որ ադամանդյա շատ զարդեղեններ մեր խուզարկումներու
միջոցին կլլած էին: Սակայն թուրք գյուղացիները մանա-
վանդ կիները օրերով նեխած հազարավոր այս դիակներուն
մեջ շրջելով փորտիքները պատռեցին և բավական զարդեղեն-
ներ գտան, որոնք հետո քաղաք բերելով ծախեցին...: Կառա-
վարական բոլոր պաշտոնյաներս ալ զարմացանք, տեսնելով յոզ-
կատցի հայերու տուններն գտնված անբավ հարստությունը:

Հակառակ պետությունը մեր ցեղին ձեռքը ըլլալուն, թուրք ժողովուրդը՝ բացի մեկ քանի մեծամեծներն (Էշրաֆն) աղքատ է և տուճերու մեջ մեկ կապերտ շունի: Մենք ապշեցանք, թե ասքան կառավարական սեղմումներու մեջ ինչպես հայերը այս—քան հարստություն դիզած էին չին ուսման, որմե այնքան կը գանգատեին: Որովհետև դեռ մեկ քանի տարվան գործ է Սահմանադրությունը, ասոնք առաջուց հավաքած հարստություններ էին»:

Պետք չէ մոռնալ հիշելու, որ մեր անցած բոլոր ճամփաներուն, ձորերուն ու դաշտերուն վրա ցան ու ցրիվ կը տեսնեինք զգեստի, ճերմակեղենի պատուած կտորներ, կոշիկի մաշած մասեր, եկեղեցական սուրբ գրքերու պատառ պատառ եղած էջեր: Հայտնի էր, որ հայ տարագրյալներու մեծ քարավաններ անցած էին այս ճամփաներեն և անխնա ջարդված զանազան ձորերու և կիրճերու մեջ: Մեզի ընկերակցող պահակ զինվորները պատմեցին մեզի, թե ի՞նչպես Յոզկատի մերձակա Չաթ կոչված անտառուտ լեռներուն մեջ ամբացած ափ մը հայ քաջեր, շուրջ տարի մը ի վեր կը կռվեին թուրք զինվորական և ոստիկանական ուժերու դմ, շահագանց զբաղեցնելով տեղական կառավարությունը:

Չաթի մոտակա հայ գյուղացիները, երբ կը տեսնեն, որ Յոզկատի և շրջակայից հայությունը տեղահան ըլլալի վերջ՝ կարգը իրենց եկած է, կը փութան կանխել թուրք կառավարությունը, բոլորովին անակնկալի բերելով զանի:

Երբ Յոզկատեն եկող բազմաթիվ ոստիկան զինվորներ կը մտնեն լուսնշաղին հետ գյուղ՝ տեղահան ընելու համար զուտ հայաբնակ այս գյուղի ժողովուրդը ևս, զարմանքով կը տեսնեն, որ բացի գյուղին մեջ մնացած մեկ քանի շուներ և աքաղանքներ, ոչ ոք մնացած է հոն: Իսկ ասոնք ձգված էին, որպեսզի շարունակեն հաշի և ձայնել և անզգալի ընել իրենց անշըուկ հեռացումը գյուղեն:

Վերջապես գաղտնիքը երևան կ'ելլե, և կառավարությունը հազարի մոտ անկանոն զորք ու հարյուրի մոտ ոստիկան զինվորներ կը դրկե լեռնային թնդանոթներով, որպեսզի անձնատուր ըլլալու ստիպեն այս հանդուգն ափ մը հայ քաջերը: Սակայն ասոնք Սամվել շավուշի առաջնորդությամբ ամբանալով Չաթ լեռան խիտ անտառներուն մեջ, կը սկսին հերոսական պայքարի մը: Չաթի լեռներուն մեջ խոր և մեծ քարայր մ'ընելով

իրենց բնակարան, սնունդի անհրաժեշտ իրենց պաշարը երբ կը սպառի, կը սկսին ասպատակել մերձակա թուրք գյուղերը և բռնադատել, որ իրենց պարեն տան:

Յոզկատի կառավարությունը իր հաճախակի զոհաբեր հարձակումներեն հուսահատ, և տեսնելով, որ անկարելի պիտի ըլլա ասոնք պարտության և անձնատվության բռնադատել, կը սկսի պատժել շրջակա թուրք գյուղացիները, ամբաստանելով, որ զուր պարեն տալով Սամվելի և ընկերներուն, կառավարության թշնամիները կը քաջալերեք:

Զէ՛ որ միշտ այս եղած է թուրք կառավարության գործելակերպը, երբ անկարող կ'ըլլա հանցավորը պատժել, իր վրեժը անմեղեն կը լուծե:

Այս պատմությունը մեզի ընող ոստիկան զինվորները պաշտությամբ մեզի կը հիշեին, թե իրենց ներկա ընկերներեն մեկ քանին ալ, որ մասնակցած են Չաթի այս կռիվներուն, նույնիսկ թնդանոթ տեսած են Չաթի հայ քաջերուն մոտ, որոնք լեցնելով վառողախառն քարերով, անկարելի կը դարձնեին հարձակող ուժերու առաջացումը:

Արտաքննապես զարմանքով և ներքնապես ուրախությամբ մտիկ կ'ընեինք այս հրաշալի պատմություններու վիպական մանրամասնությունները, և մեր մեջ հույս կը ծներ նմանօրինակ ազատության մը կարելիության:

Բայց շուտով կը բարոյալքվեինք, հիշելով որ անգամ մը օձիքնիս ձեռք տված էինք. և ազատումը գրեթե անկարելի էր դարձած, մանավանդ արյան այս սարսափելի ճամփաներուն վրա:

1915 օգոստոսեն մինչև 1916 մարտի վերջը դիմադրած էին և ոստիկան զինվորները կը հաստատեին, թե անկարելի է ասոնց հաղթել:

Արդարև Չաթի այս ափ մը հայ քաջերը հաղթական կռիվը շարունակեցին մինչև համաշխարհային պատերազմի 1918-ի հոկտեմբերի փրկարար զինազաղարը, մինչև որ իրենց զենքերով զնացին հանձնվեցան Հալեպ անգլիական զորաց վերին հրամանատար՝ զորով. Ալեմպիին, արժանանալով ընդհանուր զնահատության և գովասանքի: Իսկ անգլիացի հրամանատարը այսպիսի քաջեր շուղեց առնել զենքերը, որոնք պատիվ բերած էին իրենց հերոսական դիմադրությամբ հայ ցեղին:

Սրբկոյան արևամուտին հետ իջևանեցանք Քելլեր անունով թուրք գյուղ մը, որ հազիվ 5—6 ժամ հեռու կը գտնվէր Պողազլիանեն, և որ մեր տառապանքի տարիններուն ամենասարսափելի սև հիշատակներն մեկը եղավ հետևյալ միջադեպին պատճառով:

Հազիվ ըստ սովորութեան մեզի ուղեկից տասնապետին հետ մեր հարյուր հոգինոց քարավանին անդամները 8—10 գյուղացիներու վճարյալ խուցերուն մեջ տեղավորած, և մինչև ամեն ոք անկուն մը գտնելով կծկտած էր, երբ տասնապետը եկավ հրավիրել զիս, ըսելով որ—Շյուքրի էֆենտին քեզ կ'ուզէ տեսնել, առանձին խոսելիք ունի:

Բնականաբար մոտալուտ վտանգի մը երկյուղեն մտահոգ՝ լուզեցի նախ երթալ, դավադրութենն մը վախնալով: Սակայն երկրորդ հրավերին վրա՝ ճարահատ գնացի գտնել հարյուրապետը, որ գյուղին մեկ ծայրը՝ խրճիթներեն բավական հեռու կեցած ինծի կը սպասեր: Մեկնելու միջոցիս շոտոց խցակից մեկ քանի կտրիճ երիտասարդներու հանձնարարել, որ անշմար կերպով հետևին ինծի գոն խուզարկու աչքերով:

Երբ հասա հարյուրապետին մոտ, սա խորհրդավոր շեշտով մ'ըսավ ինծի. «Մուրախաս էֆենտի, գործը գեշ է. լսելով որ «սեվքիաթ» (այսինքն հայ տարագիրներու նոր քարավան) պիտի անցնի ասկե, շրջակա գյուղերն հարյուրավոր ժողովուրդ հավաքված է այս գյուղին շրջակայքը մեր վրա հարձակելու նսլատակով, ուստի մեծ վտանգի մեջ ենք. գիտցած ըլլաս...»: Պատասխանեցի. Շյուքրի պեյ, դուք երդում ըրիք Ձեր զավկին վրա, որ մեզ ողջ պիտի հասցնէք մինչև Պողազլիան. հետևապես Աստուծո սիրուն, այս խուժանը փախցնելու համար Ձեր ամբողջ ազգեցութիւնը գործածեցեք. ես վստահ եմ, որ անոնք Ձեզմե կը վախնան, երբ լսեն Ձեզմե սպառնալիք՝ կը ցրվին. փրկեցեք մեզ...: Թեպետ մյուս կողմեն կը խորհնի՝ թե կրնար մեզ դարձյալ կողոպտելու նոր սադրանք մ'ըլլալ, այսպես անգո. խուժանի մը սարսափը ցցելով մեր առջև:

Բայց նա վարանքս տեսնելով «քիչ մը սանկ պտըտինք» ըսելով տարավ զիս 150 քայլ հեռու գյուղին վերևը աղբյուրին մոտակա փոքր ձորակ մը, և ի՞նչ տեսնեմ, Աստված իմ, սպանված այրերու և կիներու ուռած և հոշոտված մարմիններ, շատերուն գլուխները անշատված մարմիններն և ոմանց ևս փորոտիքը դուրս թափած: Այս բոլոր մարմիններն ալ բոլորո-

վին մերկացված էին և տեսա ձեռքեր և ոտքեր կամ սրունքներ հեռու նետված մեկ մեկ կողմ: Դժվար է գրչով արտահայտել այն սարսափեցուցիչ տպավորութիւնը, որ զգացի ի տես նահատակված այս ցեղակիցներուս. և ես չեմ հիշեր երբեք որ ա՛յսքան մոտիկ գտնեի զիս գերեզմանիս...: Տեսնելով մահվան ա՛յսքան մոտիկութիւնը, հանկարծ տկարացա և ինկա գետին, առանց ուշաթափ ըլլալու սակայն, որովհետև արգեն հոգնած սրունքներս միայն գթոսեցան և չէին ուզեր կրել իրենց վրա ծանրութիւնը: Ակնթարթի մը մեջ՝ շարժանկարի մը նման, եկան անցան երևակայութեանս հորիզոնեն կյանքիս բոլոր հիշատակարժան դեպքերը, և շվարած էի խորհելով թե կրնար և մեզի վիճակիլ նույն սև բախտը վայրկյանն վայրկյան:

Հարյուրապետը փութաց վերցնել զիս գետնեն և ըսավ քաջալերական շեշտով մը. «Մի՛ վախնար Մուրախաս էֆենտի, մեր քարավանին համար վտանգ չկա, այս տեսած դիպակներդ սպանել տված է Պողազլիանի գայմագամը Քեմալ, երեկ գիշեր այս գյուղը գալով և իբր գործավոր զինվոր հոս գտնվող բոլոր այրերը և կիները ընդամենն 28 հոգի սպանել տված է խուժանին և ձգած մեկնած է: Ան այս սպանդն ըրած է անշուշտ, լսելով, որ նոր քարավան կու գա, և գյուղացիները մղելու համար նոր սպանդի: Բայց Յոզկատի փոխկառավարութենեն պաշտոնանկ ըլլալով կրկին Պողազլիան գալեն վերջ, ա՛լ առջի ազգեցութիւնը չէ մնացած, և ակռաները կտորած են. մի՛ վախնար, մեզի բան մըն ալ չի կրնար ընել, ապահով եղիր: Ես անմիջապես հավաքված խուժանը հիմա կը հեռացնեմ դեռ բոլորովին մութը չկոխած. միայն դուն ըսե նայինք, ի՞նչ պիտի տաս ինծի...»:

Անմիջական միակ սլառասխանս այս եղավ.— Շյուքրի պեյ, ինչ որ կ'ուզես տանք, միայն այս վտանգն ալ մեզ փրկե: Պատասխանեց «Ձեր քով գտնված գորգերը ինծի տվեք այս գիշեր իսկ, և ես իսկույն ոստիկան զինվորներս զենքի ներքև կ'առնեմ և խուժանը կը փախցնեմ»:

Արդարև սակարկութեան ժամանակ չէր. խնդրեցի, որ ինք իսկույն գործի ձեռնարկէ և ես ալ երթամ մեր վաճառական մեկ քանի ունեւորները գտնեմ և ճարը նայիմ գոհացնելու զինքը:

Ուստի աճապարեցի իրենց խցիկներն դուրս բերել տալ տասնապետին ընկերակցութեամբ 4—5 ունեւոր անձեր, և մեր վի-

ճակին տագնապալի հանգամանքը հայտնելով, հարյուրապետին պահանջին գոհացում տալու անհրաժեշտությունը շեշտեցի: Ամենքս ալ ա՛յնօրան մահվան երկյուղով մը պաշարված էինք, որ հակառակ մեզի քանիններու կասկածոտ վերաբերումին, փութացինք մեկ ք... գորգի հետ 50 հնչուն ոսկի իսկույն զրկել հարյուրապետին:

Հարյուրապետը, համաձայն իր խոստման, ոստիկան բոլոր զինվորները հետն առած անձամբ երթալով խավարին մեջ ոճիր դարբնող և դարանակալ սպասող խուժանին մոտ, և առնց պետերը իր մոտ կանչելով հրամայած էր անմիջապես ցրվիլ և դառնալ գյուղերը, հակառակ պարագային սպառնալով կրակել:

Խուժանը տեսնելով, թե կառավարությունը դեմ է իրենց գործելիք սպանդին, թողած հեռացած էր զլխիկոր, շերնալով մեկնություն մը տալ այս հանելուկին...

Հակառակ տասնապետին միջոցով ինծի զրկված ապահովիչ լուրին, այնուամենայնիվ մեզմե ոչ ոք կրցավ քնանալ, թեպետ մեր տառապանքի ընկերներուն երկյուղ շառձելու համար՝ գաղտնի պահել ուզած էինք ամենքեն: Սակայն մեր դուրս ներս մտնելեն և խորհրդավոր շարժումներեն, և մանավանդ մեր թալկացած դեմքերեն մեր ընկերները կոհած էին, որ նոր վտանգի մը մեջ կը գտնվինք, ու անհամբեր կը սպասեինք լուսածագին: Որովհետև վտանգի մեջ գտնվողները ավելի ապահով կը զգան զիրենք լույսին մեջ. մինչ գիշերվան աղջամուղջը իր խորհրդավոր սև քողովը ինքնին երկյուղ կ'ազդե, մանավանդ զրգոված ջիղերու և շփոթած երեակայություններու:

Առավոտ արշալույսին աճապարեցինք ժամ առաջ հեռանալ մահաբույր այս գյուղեն ևս և արագ քայլերով սկսանք իջնել գառիթափ մը դեպի Պողազլիան:

Քելլերն գյուղեն հազիվ մեկ ժամ հեռացած, հանդիպեցանք օսմ. պառլամենտին կեսարիո անդամ Ալի Քեմալին, որ Յոզկատեն էնկուրիի ճամփով Պոլիս կ'երթար կառքով: Մեր երկարածիզ քարավանին մեջեն անցնելի վերջ, երբ մոտս հասավ, հանկարծ կառքը կեցնելով հարցուց ինծի, թե ո՞ր կե կու գանք և ո՞ւր կ'երթանք: Պատասխանեցի՝ թե Չանկերիեն կու գանք, բայց շենք գիտեր, թե ո՞ւր կ'երթանք... միայն Աստված գիտե... — Ալի Քեմալ ըսավ — Աստված հետերնիդ ըլլա: — Այս լակոնական պատասխանով բնականաբար ըսել կ'ուզեր, թե ձեր գործը միայն Աստուծո մնացած է...

Քելլերն մինչև Պողազլիան 5—6 ժամվան ճամփա մ'ըլլալով, երբ Պողազլիանի միայն 2 ժամ մնացած էր, հանդիպեցանք ճամփան թուրք գյուղացիներու, որոնք փութացին ավետել մեզի, թե «աֆուշահանն», այսինքն՝ կայս. ընդհ. ներում եղած է հայերուս, և թե աքսորված բոլոր հայերը իրենց ծննդավայրերը պիտի դառնան... Հաղորդեցին միանգամայն, թե իրենց աչքով կարդացած են ընդհ. ներման այս թուղթերը՝ փակցված գյուղերու պատերուն վրա...

Բայց ամենքս ալ իրարու կը հարցնեինք, թե քանի որ ընդհ. ներում եղած է հայերուս, ուրեմն ինչո՞ւ մեզ կը տանին դեպի Զոր, փոխանակ իսկույն վերադարձնելու մեր տեղերը:

Այս առեղծվածը կարենալ լուծելու համար, կրկին գտա մեր հարյուրապետը և հարցուցի իրեն, թե այս թուրք գյուղացիները ընդհ. ներման ավետիս կու տան մեզի, մինչ մենք Տեր Զոր կ'երթանք, ինչո՞ւ այս հակասությունը, և ի՞նչ հանելուկ է այս...

Պատասխանեց. «Մուրախաս էֆենտի, դեռ շե՞ս գիտեր թե թուրքին ամեն գործը «տոլապով» է, այսինքն խարդավանանքով է: Պողազլիանի գայմազամն դիտմամբ ասանկ կեղծ հայտարարություն մը հանած է, որպեսզի եթե պահված հայեր դեռ կան հոս-հոն, հավատալով, թե հայերուն ընդհ. կայս. ներում եղած է՝ դուրս գան իրենց թաքստոցներեն և պահվողներեն ևս գյուրություն մը այսպես ձեռք ձգելով զանոնք ալ մաքրե... Չե՞ս գիտեր, թուրքը նապաստակը կառքով կ'որսա...»:

Արդարև ո՞րքան անկեղծ էր հարյուրապետ Շյուքրի իր այս հայտարարությանը մեջ: Ինչպես տեսանք, հայերու բնաջնջումի բոլոր հրամանները գործադրվեցան կեղծիքով, խաբեբայություն մը և նենգամտություն մը, ասոնք էին արդեն իսկական հիմերը թուրք պետության, և գաղտնիքը իր գոյության հարատևություն:

Թրքական այս ընտոծին խաբեբայության շնորհիվ էր, որ ամբողջ հայությունը իր բոլոր դասակարգերով, սկսյալ իր կրոնական և կուսակցական պետերեն, միշտ լավատես էին և ոչ ոք կը հավատար, թե հայության հիմնական բնաջնջման այսքան համատարած աղետ մը կամ սպանդ մը կրնար տեղի ունենալ Տեր Զոր երթալու աքսորի անվան տակ:

Վերջապես Յոզկատի մոտակա կամուրջին մեր մեկնումին

վեցերորդ օրը արևամուտեն շատ առաջ հասանք Պողազլիան և՛ս ու գողով:

Այն՝ սարսափով լեցված մտանք արյունի և նախճիրի կենտրոն այս քաղաքը, որովհետև հավաստի կերպով լսած էինք, թե Յողկատի հայոց ընդհանուր ջարդերը կազմակերպող և առժամապես փոխկառավարչության պաշտոնը կատարող արյունարբուն՝ Քեմալ, սպանդի իր պաշտոնը լրացնելը վերջ՝ կրկին վերադարձված էր Պողազլիանի իր գայմագամության նախորդ պաշտոնին:

24.

ՊՈՂԱԶՂԻԱՆԵՆ—ԿԵՍԱՐԻԱ ԱԿՍԻ ԿԱՄՈՒՐՁԸ ԵՎ ԻԹԹԻՀԱՏԻ ՉԵՔԱՆԵՐԸ

Յողկատեն Պողազլիան երեք օրվան կառքի ճամփան մենք վեց օրվան մեջ հազիվ կրցանք անցնել. որովհետև հազիվ օրական 6—7 ժամ կրնայինք ճամփա երթալ, մեր քարավանին 4/5 երորդին հետիոտն ըլլալուն պատճառով: Ամենքս ալ մեր առօրյա մահասարսուռ մտահոգութեանց մեջ, մեծապես մեզ մխիթարված կը զգայինք, երբ կը հիշենիք անխուսափելի այն աղետալի հետևանքները, եթե կառավարչության թուլտվութենեն օգտվելով փորձվելիք հետերնիս առնել Չանկըրիի հայ ընտանիքներն ալ: Ի՞նչ պիտի ըլլար մեր վիճակը, եթե կին, աղջիկ, մանուկ հետերնիս առած եռապատիկ կամ քառապատիկ ավելի մեծ քարավանով մը անցնելիք այս արյունոտ ճամփաներեն:

Ինչպես շանկըրիցիները, նույնպես և Գասթեմունիի հայոց տարագրութեան 400 հոգինոց քարավանը, որ 2—3 օրվան հետամնացութեամբ մեր ետեհն կու գար, հետը շէր առած կին, աղջիկ, մանուկ: Չգած էին գասթեմունցիներն ալ իրենց ընտանիքները քաղաք, սակայն Չանկըրիի և Գասթեմունիի տեղական կառավարչութիւնները տարագրված հայոց ընտանիքները հեռացնելով քաղաքեն, փոխադրած էին շրջակա թուրք գյուղերը: Բայց ուրախառիթ է հիշել, որ Գասթեմունիի կուսակալութեան թուրքերը, մեծաթիվ բնակակից հայեր իրենց դրացի շունենալուն համար և բաց աստի եղողներն ալ թրքախոս

ըլլալուն՝ նվազ հայատյաց էին: Որով և գյուղերը ցրված հայ ընտանիքները ո՛չ բռնի իսլամացութեան հարկադրած էին ուրիշ բոլոր տեղերու նման, և ոչ ալ շատ գեշ վարված հետերնին:

Երբ մեր քարավանը Պողազլիան մտավ, մեզ մասնավոր նկատումով անցուցին կառավարական շենքին առջևեն, որուն առտըզամին վրա մեզ դիտելու կանգնած էին պետական բարձր պաշտոնյաները: Սակայն Յողկատի ահավոր ջարդերը կազմակերպող և վարող փոխկառավարիչ արյունարբուն Քեմալ հիվանդութեան պատրվակով՝ բացակա էր կառավարական շենքեն ու տունը մնացած էր, ինչպես տեղեկացանք տեղվույն աստիկան զինվորներեն:

Մեր քարավանը առաջնորդեցին քաղաքին մեկ ծայրը իբր զորանոց ծառայող և պատուհանի ապակիներե բոլորովին զուրկ քարակառույց շենք մը: Հազիվ ժամանած, Յողկատեն մինչև Պողազլիան մեր քարավանը առաջնորդող հարյուրապետ Շյուքրի հրաժեշտ առավ մեզմե, ըստ մեր խնդրանց վստահելի ոստիկան զինվորներու ենթասպայի մը (շավուշ) հանձնել տալով մեր քարավանին առաջնորդութիւնը դեպի Կեսարիա:

Տարագրութեան հայ քարավանի մը Պողազլիան ժամանումը հազիվ քաղաքին մեջ տարածայնված, մեր արգելափակված շենքին շուրջ եկան դեզերիլ հայ 6—12 տարեկան որբուհիներովտիտ, նկուն և պատառտուն ցնցոտիներով: Չարդուկոտոր եղած հին ազնվական ցեղի մը այս թշուառ բեկորներն մեր բանտարկված խուցին ջարդուփշուր եղած պատուհաններուն առջև գալով կմախքացած ձեռքերնին կարկառելով հեկեկանոք կ'աղաչեին ու կ'ըսեին՝ — Տեր պապա, անթիլ ենք... կը մըսինք... (մարտի մեջ էր.) մեզի հացի մը փարա տուր... ոտքդ պագենենք, մեզ ալ հետդ տար...

Նահատակված հայութեան եղերամահ մայրերու տաքուկ գրկեն խլված այս անմեղ որբուկներուն օգնել չկարենալուս դժբախտ պարագան, ա՛խ հազար անգամ անտանելի էր, քան ամենքին այնքան սարսափ ազդող մահը: Աքսորական հովիվ մըն էի հոշոտված հոտի մը, անկարող էի պատառ մը հաց տալու այս հեզ որբուկներուն, որովհետև ես ալ չունեի. ի՞նչ կրնայի ընել, ոչինչ...: Միայն ջանալ ամրապես դրոշմելու այս բոլոր եղբրական ու եղեռնական դեպքերը հիշողութեանս սև ծայրերուն մեջ, ողջ մնալուս պարագային կտակելու համար այս ամենքը ապագա հայ սերունդներուն...

Աստուծոյ յոգկատցիներու նման թրքախոս չէին, կամ այն էր, որ Պողազլիանի հայ ժողովուրդը իր շրջակա բազմաթիվ հայ գյուղերով հայախոս էր, ինչպես կը հավաստեն մեզի ընկերացող այս շրջանակին ոստիկան զինվորները, և կամ աստուծոյ հայախոս ներքին գավառներեն՝ այս ճամփաներեն անցնելով նահատակված հայերու մնացորդ բեկորներն էին:

Չանկըրիեն մեկնելէն վերջ առաջին անգամ էր, որ Պողազլիանի մեջ շարժված հայութեան բեկորներուն կը հանդիպեինք: Այս թշվառներուն մեր վրա թողած կարեկցութեան տպավորութենէն գատ կը լեցվեինք մահաբույր սարսափի զգացմամբ, մտաբերելով հայութեան այն խուժուած մարտիրոսութուններն, որոնց անժխտելի ապացույցներն կը թվեին ըլլալ իրենց գերեզմանին արդեն մոտեցած այս հինգ խլայկները:

Արյունարբու Քեմալին այսքան մոտիկ գտնվելնուս պատճառով նույնքան մտահոգ գիշեր մը անցընելի վերջ, արևածագին հետ մեկնեցանք Պողազլիանի դեպի Կեսարիա՝ մեծ ահ ու դողով և մահվան սարսափով լեցված:

Որովհետև ամենքը, նույնիսկ մեզի ընկերացող ոստիկան բոլոր զինվորներն, ինչպես և հարյուրապետ Շուքրի ըսած էին մեզի՝ Եթէ ՊՈՂԱԶԼԻԱՆ—ԿԵՍԱՐԻԱ ՃԱՄՓԱՆ ԱՆ ԿԱՐՈՂԱՆԱՔ ՈՂՋԱՄԱ ԱՆՅՆԻՆ, ԱՆ ԱՆԿԵ ԱՆԴԻՆ ՄԻ՞ ՎԱՆԱՔ...

Հազիվ ճամփա ինկած՝ սկսա ըստ իմ սովորութեան մասնավոր բարեկամութուն մշակել մեզի ի նորո ընկերացող ոստիկան զինվորներուն և մանավանդ աստուծոյ պատին հետ, որ Օսման անունով պոլսեցի ուսյալ երիտասարդ մըն էր, որ իբր զինվոր պատերազմի ճակատ շերթալու համար՝ ստանձնած էր ոստիկան զինվորի ենթասպայի այս պաշտոնը, և դեռ նոր եկած էր Պողազլիանի այս ամենաարյունոտ շրջանը, թողլով Պոլստ կենտ. հեռագրատան մեջ իր ունեցած պաշտոնը:

Առաջին օրը անցավ բարեբախտաբար առանց մեզի մտահոգութիւն առթող և հիշատակութեան արժանի միջադեպի ու գիշերեցիք: Չանդըր կոչված թուրք փոքրիկ գյուղ մը:

Երկրորդ օրը անցանք ընդարձակ սարահարթի մը: Ո՛հ՝ ո՛րչափ գեղեցիկ էր վերադարձնող բնութիւնը գարնան այս սկիզբին: Չանկըրիեն մեկնելով փետրվարի 12-ին ցուրտ ձմռան մեջ՝ անցանք ձունի թանձր ճամփաների, զի արդեն մարտի երկրորդ շաբաթն էր, որ կը բոլորեինք: Մեր քարավանին մեջ գտնվող ժողովուրդին մեծ մասին ոտքը այլևս կոշիկ

չէր մնացած, ամառած ըլլալուն նետած էին, և հիմա թուրք գյուղացիներն տեղական կաշի տանելով ամենքն ալ տրեխ շինած ու հագած էին:

Գարնանային ակնապարար կանաչութիւն մը՝ կետիկոված դեղին, կարմիր և ճերմակ ծաղիկներով՝ մեր տանջվող հոգիներուն միակ սփոփանքն էր:

Բայց միանգամայն կ'արյունոտեր մեր սրտերն, երբ կը հիշեինք գարնան այս վերազարթնող բնութեան կենսապարգև գեղեցկութեանց մեջ՝ անակնկալ կերպով սպանվելու հույժ հավանականութիւնը: Ձմռանը մեջ մեռնիլը այնքան կսկծալի չպիտի ըլլար անշուշտ, ո՛րքան գարնան մեջ բռնադատված մահ մը, այն ալ շարշարալից մահ մը: Որովհետև ո՛րքան բնական պիտի ըլլար մարդկային մահ մը՝ բնութեան մեռած օրերուն, նո՛ւյնքան դժնդակ հակասութիւն մը պիտի ըլլար մարդկային մահ մը՝ բնութեան հրաշագարդ հարութեանը մեջ...

Գարուն էր, մեր շուրջը կանաչ մարգագետինները զարդարված էին գարնան երախայրիք եղող ձյունածաղիկներով: Աստուծոյ սպիտակ վեղարներուն քովիկը կը տեսնվեին կապույտ մանիշակներ, որոնք հայ նահատակված կույսերու աչքերուն նման կը պսպղային կանաչ և սպիտակազգեստ այս դաշտերուն ու մարմանդներուն վրա:

Բայց դալարագեղ և կանաչ այս բնութեան գեղեցկութիւնները երբեք չէին հանգուցաներ մեր աչքերը, որովհետև ակամա անտարբեր դարձած էինք բնութեան այս հիասքանչ տեսարաններուն:

Այո՛, հոտավետ էին ծառ ու ծաղիկներ, բայց մենք չէինք զգար այդ բուրումները...

Այո՛, ակնապարար էին մեզ շրջապատող դաշտերն ու մարգագետիններն, բայց մեր անմեղ ազգակիցներուն հոշոտված մարմիններն մեր երևակայութիւնները այնքան սարսափով լեցուցած էին, որ կը տեսնեինք ու չէինք տեսներ, կը զգայինք ու չէինք զգար...

Այո՛, վերազարթնող բնութիւնը շատ գեղեցիկ էր, հրաշագե՛ղ ու հոգեպարար. բայց չէ՞ որ մեր սրտերն սուգի պատանք հագած էին... մեր հոգիներն ևս մահվան վաղվան տազնապառ խոռոված...

Ի՞նչ փուլթ մեզի գարունը, կամ իր կանաչազարդ գեղեցկութիւնները, նախախնամութեան զանազան ու զարմանազան բյուր

հրաշալիքները. մեր դարդոտ սրտերուն ասոնք ի՞նչ գարման էին, մեր հազար ու մեկ վերքերուն ու խոցերուն ասոնք ի՞նչ պալասան էին...

Զէ՞ որ մենք մահվան դատապարտված ազգի մը ժառանգազուրկ խլայկներն էինք, մերկ, անոթի, հալածական ու թափառական... Կ'երթայինք դեպի մահ... կը քալեինք դեպի սև ճակատագիր...

Թուրք վրիժառու և արյունոտ ուրվականը անխնա կը հալածեր մեզ, հովի պես կ'անցնեինք սար ու ձոր... ոչ մեկ տեղ մեկ գիշերեք ավելի վար կը դնեին մեզ:

Անտեսանելի և անծանոթ բռնաբեր ուրվական մը կ'ըսեր մեզի անդադրում՝ «Մահապարտ հայ, քալե՛ քալե՛... քեզի ևտև նայի չկա... միշտ առաջ քալե՛... միակ փրկությունդ անապատն է... միակ մխիթարությունդ մահն է...: Միայն աղոթե, որ այդ մահդ շարշարալից չըլլա, փույթ չէ թե առանց գերեզմանի մնաս...»:

Այսպես միշտ անտարբեր մեր շուրջը սփռված գարնան գեղազվարճ հմայքին ու փթթումին, անցուցինք առաջին և երկրորդ օրը, առանց հիշատակության արժանի ո՛րևէ մտահոգիչ նոր միջադեպի:

Սակայն երրորդ օրը՝ մինչդեռ կը կարծեինք անցած ըլլալ երկուշաբթի վայրերը, հանկարծ մենք մեզ գտանք ալիսիսի իրական և կարմակերելված վտանգի մը առջև, որ կը սպառնար նույննա՛յ մեր ամենքին կյանքը արժեր:

հողազլիանի և Կեսարիո ճամփուն վրա գտնվող Ալիս գետի (Գրզլըմաք) «չոք կեող» կոչված քարաշեն կամուրջին կը մոտենայինք և միայն կես ժամ մնացած էր հասնելու: Երբ հանկարծ ամենքս ալ սարսափեցանք՝ լսելով «մավզերի» հաջորդական պայթյուններ, որոնց արձագանքներն կը թնդացնեին մերձակա ձորերն ու անձավներն, հետզհետե տկարացող ճարձատյուններով:

Անհրաժեշտ համառվեցավ քննության համար անմիջապես մեզի ընկերացող ոստիկան զինվորներեն մեկը փութացնել հրագնի պայթումներուն կողմը: Սպառնացող վտանգի մը պահուն որոշեցինք ետ դառնալ, և ճամփեն հեռու թուրք գյուղ մը պապաստանիլ, մինչև որ վտանգը անցնի:

Սակայն զրկված ոստիկան զինվորը տեսնելով, որ չի դառ-

նար, երկրորդ մը ղրկեցինք նույն ուղղությամբ, բայց այն ալ գնաց ու չդարձավ:

Իսկ մեր քարավանին միշտ առաջապահ եղող Մկրտիչ անունով կտրիճ և հայրենասեր երիտասարդը, ըստ մեր գաղտնի եղած կարգախոսին, հրահանգեցինք, որ շառաչանա և կեցած տեղը մնա:

Մյուս կողմեն տեսնելով, որ ոստիկան զինվորներու պետք քարավանը կը ստիպե որ առաջանա, պարզև տալով մոտ 1/2 ժամ հապաղեցնել տվինք մեր ճամփան: Բայց մեր ղրկել տված երկու ոստիկաններու դարձին իզուր սպասելի վերջ, ճարահատ հույժ դանդաղ գնացքով և ա՛հ ու դողով շարունակեցինք մեր ճամփան: Հազիվ դեպի գետը երկարող աղեղնաձև զառիթափը սկսանք իջնալ, տեսանք, որ մենք մեր ոտքով արդեն թակարդը ինկած էինք: Ստուգիվ այս անգամ ամեն ժամանակ ավելի կը գտնվեինք իրական և վերահաս մահվան մը առջև:

Պողազլիանի արյունկազակ գալմագամը Քեմալ, որ քաղաքեն մեր անցած միջոցին հիվանդ ձևացած էր, մեր ճամփա ելլելեն վերջ հեռաձայնով իմացուցած էր Կեսարիո իթթիհատի «կուրին» հայ տարագրյալներու քարավանի մը գալուստը դեպի Կեսարիա:

Այս լուրին վրա՝ իթթիհատի «կուրը» անմիջապես շարժման մեջ դրած էր իր հեծյալ հարյուրեք ավելի «չեթաները» կամ ավազակները, ասոնք եկած դիրք բռնած էին Ալիս գետի այս կամուրջին առջև, որմե ստիպված էր անպատճառ անցնիլ դեպի Կեսարիա ուղևորող ամեն քարավան:

Արդարև ոճիրներու հույժ հարմար վայր մըն էր Ալիս գետի այս կամուրջը: Որովհետև իրապես կիրճ մըն էր, և գետը կ'անցներ արագ վազքով մը վիթխարի և գահավեժ ապառաժներու միջով, որոնք կը պարսպեին իր եզերքները, մանավանդ Կեսարիո կողմեն:

Իսկ մեր եկած կողմը բացավայրի մը վրա բազմաթիվ քարայրներ կային, և քարաշեն մեկ քանի կիսափուլ շենքեր, ինչպես նաև շորեպաններու կենդանիներուն հատուկ պարսպապատ իջևան մը կամ տեղական բառով «խան» մը:

Մեզ դիմավորող հեծյալ իթթիհատական շեթաները իրենց ձիերը այս քարայրներուն մեջ, և մեկ քանի պետեր ևս դուրսը ձիերը կապած էին՝ Չերքեզի արծաթապատ երասանակներով և

թամբերով: Իսկ մեջտեղ շրջող շեթաները հագված էին շեր-
քեզի գզեխտ և գլուխնին դրած էին կարմիր կատարով սև «փա-
փախ» նորածին ուլի մորթի շինված:

Հազարավոր հայեր 1915-ի ամռան՝ կիրճին մեջ և ճիշտ այս
կամուրջին առջև սպանված են ամենախուժողուժ կերպերով և
գետը նետված մարմինները: Բայց այս ժամանակեն վերջ,
ուրեմն շուրջ 8—9 ամիսն ի վեր այլևս ոչ մեկ քարավան անցած
էր այս նախճիրի վայրերեն: Որովհետև արդեն ներքին գավառ-
ներու մեջ գտնվող հայեր չէին մնացած, «մաքրված» ըլլալով
ամենքին ալ հաշիվը:

Արդ՝ անմեղ արյան ծարավը այս վագրերու ջուիրը՝ փութա-
ցած էր այս նեղ կիրճին մեջ մեղ դիմավորելու, արյան նոր խըն-
ջույքի մը գազանային ախորժակով:

Այս «չեթաներուն» պետերը ինչպես ամեն տեղ, ամենքն ալ
իթթիհատական երիտասարդ թուրք սպաններ էին կանոնավոր
բանակեն ընտրված և էն կատաղիներեն:

Կեսարիո ամենատխրահուշակ և իրենց նախճիրներով մեծ
համբավ հանած այս շեթայական կազմակերպության ղեկավարը
կամ հրամանատարն էր Կեսարիո Իթթիհատի կլուբին պետը, որ
միանգամայն տեղվույն քաղաքապետության, նախագահն էր:

Թեպետ քաղաքապետության նախագահներն ըստ օրինի
պետք էր որ տեղացի կալվածատերերեն ըլլային, սակայն հա-
մաշխարհային այս պատերազմի միջոցին, Իթթիհատի կենտրո-
նական Պոլսո կոմիտեն իր վրայեն նյութական ծանր բեռ մը
նետելու մտք՝ կարգադրած էր, որ Պոլսեն գավառ ղրկված Իթթի-
հատի գավառական կլուբներու պետերը միանգամայն ստանձնե-
լով նույն քաղաքին քաղաքապետության նախագահությունը,
այս վերջնույն սնդուկեն ստանան իրենց ամսաթոշակները:

Երբ մեր հարյուր հոգինոց քարավանը հասավ կամուրջին
առջև, քաղաքապետը, որ կառքի մը մեջ նստած Կեսարիո Իթթի-
հատի կլուբի շորս անդամներուն հետ մեր ճամփուն վրա կը
սպասեր, զիս իր կառքին մոտ կանչելով հարցուց, թե ո՞ւր կե
կու գանք և ինչո՞ւ այսքան ուշ տեղահան եղած ենք: Ինչպես
կանխավ քանիցս հիշեցի, 8 ամիս վերջ միայն մենք տեղահան
եղանք Չանկըրիեն, երբ տեղահան ընելիք և սպանդ տանելիք
աչ մեկ հայ մնացած էր Փոքր Ասիո մեջ, բացի երկաթուղու գծի
վրա գտնվող հայերեն: Ասոնք ալ Տեր Զոր գնացող քարավան-
ներու մնացորդ բեկորներն էին, որոնք կաշառքով կամ ո՞րևէ

եղանակով կրցած էին մնալ էսկիշեհիր, Քեոթահլա, Գոնիա,
էրեկլի, Պոզանթի, Գիլեմետիք, Ադանա և Ամանոսի փապուղի-
ներու շինությանց մեջ՝ իբր գործավոր կամ պաշտոնյա:

Պահանջված բացատրությունները տալի վերջ, կառքով մեկ-
նեցան Պողազլիանի ուղղությամբ, և երբ հասան մերձակա բլու-
րին կատարը, որ կիշխեր կամուրջին վրա, կառքը կեցնելով
իրենք կառքեն վար իջան և սկսան շրջիլ ծխելով, կարծես բանի
մը կը սպասեին...

Մենք ամենքս ալ նախապես պարզ ճամփորդներ կարծե-
ցինք, բայց հետո մեր ուղեկից և պահապան ոստիկան զին-
վորներեն ու ենթասպայեն տեղեկացանք, թե որպիսի՞ դիվային
ծրագրով եկած են եղեր ասոնք, և թե ո՞վքեր են եղեր ու ի՞նչ
արյունոտ դերեր կատարեր են 1915-ի ամռան տարագրության
ահավոր շրջանին:

Ասդին՝ կամուրջին առջև կանգնած այս կազմակերպված
ավազակներուն պետը, որ կանոնավոր բանակեն հազարա-
պետ մըն էր «սիվիլ» բաճկոնով և զինվորական կարմիր երի-
զավոր տաքատով, մեր կանխավ ղրկած ոստիկան զինվորնե-
րին առաջինը բռնած կը ծեծեր՝ ոստիկան զինվորին ձեռքի
«մարթինի» հրացանովը: Որովհետև սա բոլորովին անտեղյակ
իր դեմ գտնվող անձերուն, ո՞վքեր ըլլալուն՝ հանդգնած էր հարց-
նել, թե «մավզեր» արձակողները որո՞նք էին և ուզած էր
ասոնց անունը արձանագրել: Իսկ շեթայապետը վեճի առիթ
մը ինքնին գտած ըլլալով, արդեն սկսած էր շարաշար ծեծել,
և մենք լսեցինք ծանր այն հայհոյանքները, որ այս պետը կըներ
տեղական կառավարության հասցեէն՝ ասանկ «փայտի կտոր-
ներ» ոստիկան զինվոր ընելուն համար...

Հանդիպակաց քարայրներուն մեջեն, որ մեզմե հազիվ հար-
յուր քայլ հեռու էին, առաջացան 4—5 հսկայակազմ շեթաներ՝
ամենքն ալ շերքեզի տարազով, և ականարկով նշանացի կը խո-
սեին իրարու հետ:

Վերջապես վայրկյանը արդարև հույժ եղերական էր, որ
կրնար հանկարծ եղեռնականի փոխվիլ: Անտեր ու անպաշտպան
ափ մը հայեր էինք, անզեն, անոթի, երկար շաքաթներն ի վեր
հոգնած և սպառած դժնդակ և արսորականներու միայն հա-
տուկ եղող տառապագին ճամփորդութենն մը:

Չեթաներու այսքան մեծ բազմության, որոնց թիվը անշուշտ
ճշտել հնար չէր մեզի, պետք չկար երբեք. զի արյունկզակ և

ոճիրներու մեջ մարդված այս ավազակներն տասը հատը իսկ բավ էր մեզ ամենքս ալ կոտորելու:

Արդեն մեր դեմը և մեր շուրջը տեղի ունեցող խորհրդավոր այս շարժումներն և ոճրապարտ կազմակերպութենն այնքան տաքնապած և շվարած էինք ամենքս ալ, որ ապրելու հույս չէր մնացած այլևս մեր մեջ: Որովհետև իրապես թակարդը ինկած էինք. մյուս կողմն ոչ մեկ փրկության միջոց և հետևապես հույս կրնայինք տածել... Քանի որ բոլոր փախուստի ճամփաներուն վրա հեծյալ շեթաներ արձանացած էին իբր պահակ: Մեր արյունը կարծես սառած էր մեր երակներուն մեջ, մեր միտքը չէր գործեր, գիտակցության կամ դատողության նշան չէր մնացած մեր մեջ. ոչխարներու հոտ մըն էինք իրապես: Բավ էր, որ մեր վրա հարձակում ըլլար, մենք անզիտակցաբար, ամբոխի հոգեբանությամբ, որ տրամաբանել չի գիտեր, և երբեք ոչխարի հավաքական բնազդն չի տարբերիր, մենք մեզմե պիտի երկարեինք մեր գլուխները, բարձրացող և իջնող դանակներուն տակ...

Այս միջոցին թիկնեղ «չեթա» մը եկավ և հրամայեց ամենքիս, որ քանի մը քայլ հեռու գտնվող որմափակված և շծածկված ախոռը երթանք, որ ոչխարներու լքված գոմ մը կը թվեր ըլլալ: Մեզմե շատերը, հակառակ անոր, որ սպանդի մը ամեն հավանականություն կը տեսնեին, սկսան դեպի այս գոմը երթալ, մեկ քանիներ ներս մտան, ուր մեզ արգելափակել կ'ուզեին՝ սպանդի մը պարագային հավանական ամեն փախուստ արգիլելու և նվազ հոգնությամբ և մեկ հարվածով ամենքս ալ «մաքրելու» համար:

Արդարև վայրկյանը ճակատագրական էր, ու ստույգ մահը մեր առջ: Ժառանգած էր, պետք էր եթե հնար էր վերջին ճիգ մ'ընել փրկության, ապա թե ոչ ամենքս ալ կորսված էինք:

Մենք մեր մեջ արդեն համաձայնության մը եկած էինք, որպեսզի անխուսափելի աղետի մը պարագային՝ վազենք կամուրջի վրա, որ 10 քայլ միայն հեռու էր մեզմե, և նետվինք գետը... Իսկ հայրենի գետը Ալիս՝ գարնան ձյունհալին պատճառով ա՛յնքան բարձր հորդած էր, որ ստուգիվ լայնատարած ծով մը դարձած էր: Տարակույս չունեինք, որ տասնյակ հազարավոր հայերու խոր գերեզմանը եղող մեր հայրենի այս գետը՝ Ալիս, չպիտի զլանար և մեզ ընդունելու իր հորձանուտ պղտոր

ալիքներուն մեջ... և պատսպարելու մեզ, փրկելով մարդահրեշ թուրք ոճրագործներու շարշարալից և խուժողած մահեն...

Իսկ ես մտադրած ըլլալով ձիովս մեկտեղ կամուրջին գետը նետվիլ, դեռ աշտանակած ասպանդակներուս վրա, սրտատրոփ կը հետևեի հեիհե այս բոլոր իրադարձությանց, առնելու համար վճռական և վերջնական քայլը... Այս միջոցին Պուլսոն մեր մտավորական աքսորի հին ընկերներն մեկը փաստաբան Դանիելյան եկավ սթափեցնել զիս շվարած վիճակես, հարկադրելով, որ վճռական քայլ մը առնեմ, և ըսավ.— Հայր սուրբ, շե՛ս տեսներ մեզ ախոռը կը տանին սպանելու... Ժողովուրդը մի՛ թողուր ոչ ներս մտնե... դուրս կանչե...— Թեպետ աչքերուս առջև կատարված էր այս ամենը, բայց ա՛յնքան շվարած էի և կրնամ ըսել առաջին անգամ ըլլալով պաղարյունութունս ա՛յնքան կորսնցուցած էի, որ չէի տեսած ժողովուրդին գոմը մտնել սկսիլը. որովհետև աչքերս անքթիթ հառած էի չեթայապետին...

Իսկույն մոտս կանգնած մեկ քանի կտրիճ երիտասարդներ փութացուցի ներս մտնողներուն մոտ՝ զիրենք ստիպողաբար քովս հրավիրելով և մյուս կողմն հանձնարարելով ամենքին, որ դեպի գետափը անզգալաբար առաջանան... Մեր աքսորի ընկերներն շանկրիցի վաճառականներն ողբացյալ Աստվածատուր, հույժ ժողովրդական և ազնիվ դեմք մը, ինքնաբերաբար մոտենալով շեթայապետին, կ'աղաչեր կը պաղատեր, որ ոստիկան զինվորը այլևս չծեծի և ներք, միանգամայն ինքն ըլլալով տարեց մարդ՝ ողորանոք կը համբուրեր շեթայապետին ձեռքերը:

Մեզի ընկերացող ոստիկան զինվորներուն ենթասպան ինք ալ գնաց միջամտելու և աղաչելու շեթայապետն, որ բավ համարի այսքանը...

Քաջալիքված այս երկուքին միջամտութենն, իսկույն իջա ձիես և աճապարեցի շեթայապետին մոտ, ես ալ իմ կարգի աղաչելով շնորհ ընե մեզի և չծեծե այլևս զինվորը, և պաղատագին խնդրելով, որ թույլատրե մեզի շարունակելու մեր ճամփան:

Չեթայապետը՝ զինվորը արձակելով սկսավ ինձմե տեղեկություններ հարցնել մեր քարավանին մասին: Աճապարեցի պահանջված լուսաբանություններն տալ, ամենայն հաճոյակատարությամբ պատասխանելով իր բոլոր հարցերուն ճշտու-

թյամբ: Ի մեջ այլոց հասկցնելով, որ Չանկըրիի 40 տնվոր հայ ժողովուրդը քաղաքական և ազգային գիտակցութենն զուրկ և թրքախոս խեղճ ու անմեղ ժողովուրդ մըն է, և այս իսկ պատճառով շուգեցին քարտրել, և թյուրիմացությամբ մը միայն ճամփա հանեցին... ասանական հակառակության մը պատճառով: Մասնավորապես հիշեցի, թե իմ ըսածներս հաստատող և հույժ նպաստավոր ոճով խմբագրված պաշտոնագիր մը ունինք, և խնդրեցի, որ հաճի անգամ մը աչքե անցնիլ զայն: Որովհետև խորապես համոզված էի, որ մեր պաշտոնագիրին ոճը հույժ նպաստավոր ազդեցություն պիտի ըներ անոր վրա, ինչպես մեր տարագրության բոլոր օրերուն մեջ, զայն կարդացող թուրք քաղաքային և գինվորական պաշտոնյաներուն վրա ըրած էր:

Ամենքս ալ լայն շունչ մը առինք, երբ ակներև մեղմությամբ մը ենթասպային դառնալով պահանջեց մեր պաշտոնագիրը: Երբ առավ ու ամբողջապես կարդաց երկու անգամ, և երբ երկրորդ անգամ հասավ այն տողերուն, ուր գրված էր— կեսարիա ողջամբ ժամանելուն հեռագրով իմացներ ներքին գործոց նախարարին և Չանկըրիի կառավարության,— սկսավ կարդալ բարձրաձայն: Ապա իր շուրջը գտնվող նույնպես քաղաքային հագուստով ծպտված թուրք սպաններուն դառնալով նշանացի խոսեցավ և ապա լակոնական ոճով ըսավ ինծի՝ կիտե պիլիբրսինիզ—կրնաք երթալ: Որսը ձեռքեն փախցնող որսորդի մը ակներև զայրույթը կ'արտացոլար արյունարբու այս արևակեզ հրոսապետին խորշումած և պրկված դեմքին վրա...

Այլևս փրկված էինք... մեր կյանքը մեզի շնորհված էր: Իսկ այս ամենը տեսած էր միայն հազիվ 15—20 րոպե:

Կարգ մը ակնածալից և ավելի ճիշտ է ըսել ստրկացուցիչ թրքախոս «թեմմանահներե» և շնորհակալություններ և մասնավորաբար կենսապարգև մաղթանքներ վերջ, որ հակառակ անշուշտ ներքին զգացումներու արտահայտել բռնադատվեցա... կյանքի և մահու մեջ տարուբերող տառապանքի թշվառ ընկերներու նշանացի հասկցուցի իսկույն, որ աճապարեն ճամփա ելլել:

Պարտասած և 6—7 ժամ քայլի հոգնած, ու մանավանդ մեզի տարիներ թվազ այս վերջին մահարույր մեկ քանի վայրկյաններեն զահնդած մեր խեղճ քարավանը, իր խառնապք շատանելու համար բռնազրոսիկ ջանքեր ընելով հանդերձ, փութաց

հեռանալ այս պատմական սոսկալի վայրերեն: Ոչ ոք մեզմե կը համարձակեր ետև նայելու, կարծես վախնալով, որ Ղուվտի կնոջ նման աղի արձան կը դառնա:

Յոթանասուն կամ ութսունամյա հալումաշ եղած ծերունիներ տեսնելու արժանի էր՝ ինչպես երիտասարդական փութկոտ քայլերով կ'աճապարեին հեռանալ այս արյունոտ գետեն, կամուրջեն և խորհրդավոր քարայրներեն...

Երբ սկսանք բարձրանալ կամուրջին անմիջապես հանդիպակաց գահավանդը, մեր դեմ ելան մեկ քանի հեծյալ շեթաներ՝ կրկին մեզ ենթարկելով ահ ու դողի: Բայց բարեբախտաբար մեկ քանի խոսքե գաղտնապես փոխանակելի վերջ մեր ենթասպային հետ, անցան գնացին դեպի կամուրջ: Միանալու անշուշտ իրենց խումբին, և կամ իրենց կանխավ հանձնված մեկ պարտականության մասին բացատրություն տալու արյունակալ շեթայապետին:

Մեկ քանի ժամվան հեթոտ ճամփորդութենն մը հետո, վերջապես հասանք սարավանդի մը վրա ի նորո կառուցված քարաշեն և ամրակուռ իջևան մը, ուր որոշված էր գիշերել:

Թեպետ հնարավորություն կար ընթրիքի պատրաստություն տեսնելու, սակայն ամենքս ալ քանի մը ժամ առաջ Ալիսի կամուրջին մոտը տեղի ունեցող մահասարսուռ դեպքեն շփազանց վրդովված և ջղագրգիռ եղած էինք: Այս պատճառով ոչ ոք մեզմե ախորժակ ուներ բան մը ուտելու, ընդհակառակը, յուրաքանչյուրը կ'աճապարեի լվացվելու՝ պառկելու համար ընդարձակ սրճարանին տախտակամածին վրա՝ անկյուն ճի կծկտելով:

Բայց ակներև էր, թե անհնար էր այս պայմաններու ներքև քնանալ կամ նույնիսկ մրափել: Այլ աչքերնիս փակած կը ջանայինք վերլուծել նույն օրվան սարսափելի դեպքը իր հետին մանրամասնությամբը: Իսկ մեզմե շատեր նույն այս գիշերը ահաբեկող ճիշերով զառանցեցին. և ոմանք խավարին մեջ կարծելով, թե հարձակման մը ենթարկված ենք, իրենց քուենն ընդոստ արթնանալով դուրս ցատկեցին և պահ մը այս պատճառով մեր մեջ ընդհանուր խուճապ տիրեց: Ոմանք ևս կուլային... հիշելով իրենց կիները, զավակները և սիրելիները. վերջին անգամ ըլլալով կ'ուզեին անդրադարձում մը ունենալ կյանքի անցյալ քաղցր հիշատակներու: Զի հարկ է

խոստովանիլ, թե այսքան մոտիկ մեր գերեզմանին չգտնվեցանք երբեք՝ մեր տառապանքի 4—5 տարիներու ամբողջ ընթացքին:

Հազիվ արշալույսը ողջունած, առանց սպասելու նույնիսկ արևածագին, աճապարեցինք ճամփա իյնալ և ժամ առաջ հեռանալ արյունոտ հիշատակներ արթընցնող և դժբախտութիւն գուժող այս վայրերեն:

Երբ ըստ սովորութեան, մեր քարավանին պանդոկին գիշերվան վարձքը վճարելու համար թուրք ծերունի պանդոկապետին հարցուցի, թե ո՞րքան է մեր պարտքը, սա ի մեծ զարմացումն ամենքիս պատասխանեց.— Մի՞թե Աստված կ'ընդունի, և ամոթ չէ՞ ինձի, որ պանդոկի վարձք առնեմ ձեզի պես թշվառ մարդոցմէ, որոնք տուն, տեղ, ընտանիք, հարստութիւն թողած, ուխտարի հոտի նման աքսոր կը տարվին...— Եվ երբ ըսի, թե ամեն պանդոկապետ մեզմէ տասնապատիկ վարձք առավ յուրաքանչյուրեւս նույնիսկ մինչև 5 արծաթ դուրուշ, պատասխանեց.— Առնողները անաստված մարդիկ են եղեր, այս աշխարհը ընողաց գտնողաց աշխարհ է («իտեն պուլուր տունյասը տրը, եահու»), ձեր գլխուն այս փորձանքները բերողներուն Աստված պատիժը պիտի տա, բայց ափսո՛ս, որ քանի մը սրիկաներուն երեսնն, ակնարկելով ժեռն թուրքերուն, երկիրն է, որ կը կործանի...

Շնորհակալութիւն հայտնելով մեկնեցանք աճապարանոք, անպատճառ նույն օրը հասնելու համար Կեսարիա:

էքրեք թուրք գյուղի մոտեն սկսանք իջնալ ծանր-ծանր՝ շարք մը ապալեր բլուրներու վրայով գալարապտույտ զառիթափ մը, որ մեզ առաջնորդեց դեպի Կեսարիո ընդարձակ դաշտը:

Հազիվ մեր ոտքերուն առջև տարածվող լայնածավալ ավազի գաշտը իջած՝ սարսափելի թաթառ մը ավազի ամպեր ու սյուներ կը բարձրացնէր մեր շուրջը, որ և մեզ թաղեց ավազի ներքև: Անկարելի էր նույնիսկ մեկ մետր հեռուն տեսնելը. մենք իրարու պլլված գետին պառկեցանք՝ երեսնին ավազին, գոնե մեր դեմքերը պաշտպանել կարենալու համար փոթորկահույզ ավազի կակծեցուցիչ շփումեն:

Իսկ մեր պահակ ոստիկան զինվորները՝ ժամ առաջ ասկե հեռանալու մեր աղաչանքներուն կը պատասխանեին միշտ անտարբերութեամբ՝ թե Կեսարիա «թելեֆոն» ըրած են և հրահանգի կը սպասեն: Բայց երբ ավազի թաթառը հետզհետե սաստ-

կացավ, իրենք թողին մեզ և՛ ապաստանեցան մերձակա ավերակ խրճիթ մը, որ մեզմէ մեկ քանի հարյուր մետր հեռու կ'երևեր:

Ձիապանս, զոր ձիուն հետ մեկ-երկու մետր հեռուն ձգած էի, երբ 2—3 ժամ վերջ ավազի այս զարհուրելի թաթառը դադարեցավ, տեսա, որ ձին առած փախած էր՝ կապոցս ալ հետը տանելով. ձիու վարձքը Յոզլիատէն:— Կեսարիա արդէն կանխիկ առած էր Յոզլիատի առջև հնգապատիկ արժեքով:

Արևի մայրը մտնելէն վերջ, Կեսարիայեն ոստիկան զինվորներ գալով, մեր անվանց պաշտոնական ցանկին ընթերցումեն վերջ, օրինական հանձնումը ըրին, մինչև Պողազլիանի հեծյալ ոստիկան զինվորները մեր կողմէ լիառատ վարձատրվել վերջ դարձան: Իսկ մենք մեր նոր գերեվարներուն հետ ճամփա ելանք դեպի Կեսարիա:

Մինչ ամենքս ալ կը մխիթարվեինք, որ վերջապես քաղաքի երես պիտի տեսնենք, և ահա առանց Կեսարիա մտցնելու, քաղաքին եզերքեն մեզ առաջնորդեցին Քալաս, որ մեկ ժամ հեռու բլուրի մը վրա շինված է: Երբ Կեսարիո քաղաքին եզերքեն կ'անցնեինք, հետաքրքիր թուրք բազմութիւն մը փութաց զիտելու մեզ, զարմանալով, որ դեռ «Անատոլի» մեջ հայ մնացած է եղեր... մինչ իրենք կը կարծեն եղեր, թե ա՛լ հայ չէ մնացած երբեք թուրք պետութեան սահմաններուն մեջ: Թուրքերեն ոմանք գաղտագողի մոտենալով մեզմէ մեկ քանիին, կը հարցնեին, թե արդո՞ք իսլամացած ըլլալնու՞ համար այսքան ուշ տեղահան եղած էինք...

Երեկոյին խաւարին մեջ առ խարխափ սկսանք բարձրանալ Քալասի բարձրութիւնը: Երբ մեր քարավանը կ'անցնէր Քալասի փողոցներով, հաստաորմ բարաշեն երկհարկանի տուներու պատուհաններէն տեսանք կիներ, որոնք թաշկինակները ձեռքերին լալու ձևեր ունեին: Ապա լսեցինք, որ իսլամացած հայ ընտանիքներ են եղեր, որ ի տես ազգակից տարագրյալ նոր քարավաններու՝ փղձկած էին: Անշուշտ խորհելով, թե մենք ալ կը տարվեինք դեպի հայութեան անշիրիմ գերեզմանը Տեր Զոր՝ մեր արյան տուրքը վճարելու համար իբր փրկագին, Հայաստանի ազատագրութեան հնգադարյան հղութեան արյունազանգ երկունքին...

ԿԵՍԱՐԻԱ — ԹՈՄԱՐՁԱ
ԻՍԼԱՄԱՅԱԾ ԿԵՍԱՐԱՅԻ ՀԱՅ ԿԻՆԵՐՈՒ
ԱՆՁՆՎԻՐՈՒԹՅՈՒՆԸ

Երբ թալաս ժամանեցինք, մեզ առաջնորդեցին եկեղեցիին կից ազգային քարաշեն «խառը», որ տեղացի հայերու տարագրութենեն վերջ թուրքերը պատահական իրենց պետքերուն գործածելով զարկած կոտրած էին և՛ ապակիները և՛ պատուհանի շրջանակները, և՛ դուռները, ախոռի վերածելով զայն:

Կենդանիներու նման մեզ հրեցին ներս և հսկա դուռներու առջև սվինավոր պահակ Ձ զինվոր կեցնելով՝ արգիլեցին ամեն հաղորդակցություն:

Այս միահարկ ամրակուռ իջևանը ուներ 10—12 սենյակներ, ոմանք քարե հատակով և մեկ քանին ևս տախտակամածով: Աղտոտ և պատուտած փսիաթի կտորներ ոմանց հատակը դեռ կը ծածկեր մասամբ:

Մեր ցավը սակայն պանդոկի, իջևանի անհարմարությունները չէր: Որովհետև վաղուց ընտելացած էինք աղտոտ ախոռներու շատ անգամներ նույնիսկ բացօթյա գիշերել ստիպված էինք՝ ցուրտին, բուքին, եղյամին ներքև: Բայց Տերը պահած էր մեզ, և մինչ առաջները ննջասենյակի մեկ պատուհանին աննշմար մեկ բացվածքին պատճառով հիվանդությանց ենթարկված էինք, տառապանքի այս տարիներուն մեջ՝ այս կարգի միջադեպեր իրենց ծայրահեղ կերպերովն այժմ ա՛յնքան սովորական դարձած էին, որ այլևս չէին ազդեր մեզի և անուշադիր էինք նմանօրինակ դժվարությանց կամ դեպքերու մասին, երբ մահվան մղձավանջը մեզ կը տազնապեցներ ամեն օր, ամեն ժամ:

Մեր մեծագույն մտատանջությունը և բռնադատյալ զսպումով մը՝ ա՛լ ավելի ծայրահեղ թափ ստացած մեր զայրույթը անոր համար էր, որ արգիլված էր մեզի նույնիսկ շոր հաց գնել մեր զրամով:

Թալասի մեջ իսլամանալով մնացած բավական թվով հայ կիներ «Յաշմաքով» և 8—10 տարեկան մանուկներ՝ հետերնին առած հաց, պանիր, ապուխտ, շոր պտուղներ և կուժերով ջուր,

եկած էին մեր արգելափակված շենքին դռան առջև ձրի բաշխելու հասար մեզի:

Բայց դաժան ոստիկան զինվորներն միշտ նույն հանգերգը կը կրկնեին ամենուն «եասագ տըր», արգիլյալ է...

Անոթի և ծարավի էինք 8—10 ժամ քալած ըլլալով նույն օրը և մանավանդ ավազի թաթառը մեզ ներսով դուրսով շորքուցած էր, ու երբ կը լսեինք հայհոյանքներով խառն «եասագ տըրը», մեր հոգիները նո՛ւյնքան կը տանջվեին, ո՛րքան օր մը առաջ Ալիսի կամուրջին առջև շեթաներու մահվան սպառնալիքին ներքև տանջված էին: Մեզմե շատեր իրենց զայրույթը շկրնալով ո՛րեւէ կերպով արտահայտել՝ տղու պես կու լային հեկեկանոք:

Օրեր, շաբաթներ շարունակ քալած էինք անդադրում, հողմավար աշնանային զաղթող թռչուններու երամներու նման՝ Կեսարիա մտնելու հույսերով, իսկ այժմ կը գտնվեինք արդեն թալաս, ու մեզի կ'արգիլվեր մեր ամենատարրական պետքերը հոգալը: Իսկ մեզմե մեկ քանին, որ հանդգնած էին ոստիկան պահակ զինվորներուն զբաղած մեկ ակնթարթին մեկ քանի հաց գնելու, իրենցմե հացերը խլվելի վերջ շարաշար գանակոծված էին իրենց անհնազանդության համար...

Անմահ Հոմերոսի շաստվածներեն պատժված Դանդալոսին կը նմանեինք, որը դժոխքին մեջ ջրի ավաղանի մեջ մինչև վիզը խորասուզված էր: Երբ իր ծարավը հագեցնելու համար ջուր խմել ուզեր, ավազանի ջրերը կը ցածնային, և երբ իր գլխուն վերևի ծառեն կախված խնձորները ճաշակել կ'ուզեր, խնձորները ճյուղերով միասին վեր կը բարձրանային:

Հացը կը տեսնեինք և չէինք կրնար գնել, առնել, ուտել, ջուրը հրմըշտուկներե դուլլերեն դուրս կը թափվեր, և երանի կոռ տայինք փողոցի հողերուն, որ զայն կը ծծեին...

Ուտտի այլևս հուսահատ՝ մեր բողբոջ և անսվաղութենե գալարող ստամոքսները հանդարտեցնելու կարելիութենեն, ամենքս ալ քաշվեցանք խումբ-խումբ քովընտի փոքրիկ խուցերը կծկտելու կամ օրվան հոգեկան և մարմնական խոնջանքը հանգչեցնելու՝ ընդհատ և կարճատև մրափներով: Մենք մեզ կը ջանայինք մխիթարել վաղվան պատահականություններեն օգուժելու հավանականություններեն:

Ազգային այս պանդոկը, որ նախքան հայոց տարագրությունը հայ վաճառականներու կենտրոն մըն էր եղած, կից էր հայոց

ս. Աստվածածին մայր եկեղեցիին: Այն սենյակը, ուր 8—10 ընկերներով իրարմով տաքնալ կարենալու համար իրարու մոտ հավաքված կը մրափեինք, ուներ երկու պատուհաններ, որոնք կը նայեին եկեղեցվո բակին վրա:

Գիշերային թանձր խավարին մեջ մեղմ ձայն մը մերթ ընդ մերթ կը կրկնէր—Հայր սուրբ, հայր սուրբ:— Մեզմե մեկը բնական հետաքրքրութենէ շարժած կը բարձրանա պատուհանը տեսնելու համար, թե ձայնը ո՞ր կե կու գա և ի՞նչ կ'ուզե: Կը նշմարե ճիշտ մեր պատուհանին ներքև կանգնած հայ թողարկված կիներ և 12—13 տարեկան տղա մը հետերնին, որ խավարին մեջ զիս կը հրավիրեն պատուհանը: Տրված լուրին վրա փութացի բարձրանալ պատուհանը, որովհետև բնականին բարձր էր մարդկային հասակե: Այս հայ կիները ըլլալով թրքախոս, հետերնին բերած էին հայ պատանի մը, որպէսզի հայերեն խոսի հետս, շհասկցվելու համար պատուհական շրջող գիշերապահներե և մեր պահակ զինվորներե: Պատանին հազիվ լսելի ձայնով և մայրենի լեզվով հարցուց.— Հայր սուրբ, թեպետ ձեր գալը լսելուս պէս «եաշմաք» գալիս նիս առած եկանք ձեր «խանին» դռան առջև՝ հաց ու ջուր և այլ ուտելիքներ ծախելու պատրվակին տակ ձեզի տալու համար, բայց ոստիկան զինվորները մեզ մտրակներով ծեծելով վճռեցին: Մենք ալ ճարահատ այս միջոցին զիմեցինք: Մի՛ վախնաք, եկեղեցին ավերակ է, շուրջի տուները թափուր են բնակիչե: պատուհանն շվան մը իջեցուցեք, որպէսզի ձեզի կողովով հաց ու զանազան պարեն տանք, որ ժողովուրդին բաժնեք:— Կեսարացի մեր մայրերուն և քույրերուն այս ազնիվ ձեռնարկը ա՛յնքան անակնկալ էր և ա՛յնքան նախախնամական, որ փոխանակ իրենց ուզած շվանը ճարելու և վար իջեցնելու, մեր տանջված հոգիներեն դուրս պոռթկացող հուզումն սկսանք լալ: Փղձկած էինք ամենքս ալ, որովհետև մեր ճամփա ելլելն ի վեր առաջին անգամ էր, որ կարեկցութեան կ'արժանանայինք անոնցմե իսկ, որոնք բռնութեան ներքև իսլամացած, շարշարաքներու և հոգեկան ու մարմնական անլուր տառապանքներով իրենց գոյութունը քարշ տվող հայ մայրեր ու քույրեր, մեզի օգնութեան կը հասնեին վտանգելով իրենց անձերն իսկ:

Որովհետև եթէ իրենց այս անձնանվեր արարքը նկատվեր պահակ զինվորներե, վախճանը աղետավոր էր մասնավոր

բարբար իրենց համար: Արդեն մենք կորսված արարածներ էինք և դեռի Ձոր կը տարվա՛նք՝ մեր ոտքով մեր գերեզմանց մտնելու համար: Սակայն իսլամացած ըլլալու իրենց կեղծիքը և խաբկանքը երևան պիտի գար, քանի որ եկած էին մեզի օգնելու:

Ամենքս ալ վերջապէս ոտքի կանգնեցանք գիշերվան մթութենէն օգտվելով՝ մեզի կարկառված սփոփարար և կազդուրիչ օգնողականութենէն ժամ առաջ նպաստավորվելու համար: Բայց շունենալով պահանջված երկար շվանը, երիտասարդներ իրենց մեջքի գոտիները իրարու կապելով իջեցուցին վար՝ դեպի շարժող ստվերները:

Եվ ահա ծանրացած կողով մը՝ տրված ազդանշանին վրա, վեր քաշեցին երիտասարդները: Բայց պատուհանները երկաթե վանդակներով պաշտպանված ըլլալով՝ կարելի չեղավ կողովը ներս առնել: Որով կողովը դուրսէն պարպկեցավ և մեր սովալուկ աչքերուն առջև տախտակամածին վրա հետզհետե դիզվեցան հաց, պանիր, ապուխտ, շամիչ, թուզ, շոր սեր: Այս եղանակով կողովը կ'իջներ պարապ ու կ'ելլեր լեցուն՝ մեզի բերելով ամեն բարիք: Առանց աղմուկի կը ջանայինք բաժնել մեր մերձակա խուցերուն մեջ գտնվող ընկերներուն, միշտ ուշադիր ըլլալով, որ շնամարվինք մեր պահակ զինվորներեն, որոնք բարեբախտաբար կը ննջեին:

Հակառակ խավար ըլլալուն, կը նշմարեինք ընդ աղոտ մոմի լույսերու մեջ, թե ի՛նչպէս եկեղեցվո կից կամ մոտակա հայ տուներու մեջ եռուզեռ կար, և աղջիկներ ու հարսներ տունետուն կը շրջեին՝ ի մի հավաքելով մեզի բերելու համար նվիրված սննդեղենները:

Թեպետ ջուր ալ խնդրեցինք, բայց սահորը վեր քաշելով անկարելի եղավ երկաթե վանդակներեն ներս առնել: Մինչ մյուս կողմն ո՞րևից անոթ շունեինք մեր մոտը գոնե դուրսէն սահորը պարպելու համար մեր բաժակներուն մեջ և տանելու համար պապակեն այրվող մեր շորցած շրթունքներուն: Եվ երբ հուսակտուր փորձերի վերջ սահորը պարանով կրկին վար իջուցվեցավ, երևակայել պետք էր մեր հոգեկան տառապանքը: Մանավանդ որ մեր կերած Կեսարիո սխտորով համեմված ապուխտը և աղի ջրի մեջէն լեռ նոր հանված պանիրը ալ ավելի կատաղեցուցած էր մեր ծարավը:

Երբ բավական թեթևացած էր մեր անոթութունը այս

անակնկալ օգնությունը, ապա սկսան մեզմե տեղեկություն ուզել Պոլսո հայերու մասին մասնավորաբար, կարծելով, թե Պոլսո հայերն ալ տեղահան եղած են: Որովհետև մեր պահակ ոստիկան ղեկավորներու պարզև տալով իմացած են եղեր, թե Պոլսեն աքսորվածներ ենք, վարդապետով, քահանաներով և ժողովուրդով: Թեպետ ստույգ էր, որ մեր քարավանին մեջ 15-հոգիի շահ Պոլսեն աքսորվածներս կը գտնվեինք, բայց մնացյալը Չանկըրիեն և Յոզկատեն աքսորված հայեր էին:

Չափազանց ուրախացան, իմանալով, որ Պոլսո հայությունը տարագրված չէ, որովհետև կը թվեր, որ ասոնք ազգականներ ունեին Պոլիս, որոնք առաջիկային անշուշտ իրենց փրկության և օժանդակության միակ հույսերն էին:

Չափազանց կարճատև խոսակցություն մըն ալ ես ունեցա՝ ուզելով ստուգապատում տեղեկություններ քաղել իրենց մասին, ու այս միջոցին հոն հասնող երիտասարդ հայուհի մը մայրենի լեզվով պատասխանեց. «Ախ Հայր սուրբ լմնցանք. ցավ չմնաց որ չքաշենք, փորձանք չմնաց որ գլխնուս չգար: Մեզ խաբեցին ըսելով, որ եթե իսլամանաք՝ ամեն փորձանքե կ'ազատիք, մենք ալ գոնե մնացածը փրկելու հույսով իսլամացանք: Բայց ավելի գեշ եղավ վիճակնիս. մեր երիտասարդ հարսներն ու աղջիկներն բռնի «նիքեհ» ընելով իրենց հարեմները տարին: «Ձուլում» չմնաց, որ չընեին, շարշարանք չմնաց, որ մեզի շտափին: Երանի թե աքսոր գնացած ըլլայինք և մենք ալ մեռած ըլլայինք. և ազատած, գոնե խղճմտանքնիս տեսցուցած չէինք ըլլար... Ախ, ձեր քարոզած Աստվածը ո՛ր է, չի՞ տեսներ մեր այս քաշած անհուն տառապանքը...»:

Իսկ պատանին, որ մեր պատուհանին ներքև կիներուն մոտը դեռ կը մնար, հարցուց.— Հայր սուրբ ոուսը մեզի բավական մոտեցա՞վ... մեր քաղաքին թուրքերը մեզի կ'ըսեն, թե ա՛լ հայ չմնաց թուրքիտ մեջ. ճի՛շտ է... Ձեզ ո՛ր կը տանին...

Խեղճ տղա, ես ի՞նչ գիտնամ, թե մեզ ո՛ր կը տանին... և ինչո՞ւ հայուն Աստվածը անկարեկիր է մեր ծով ցավերուն ու անմեղ արյունին. ես ի՞նչ գիտնամ կամ ի՞նչ բացատրություն տամ իմ այս անհուն տառապանքին մեջ:

Այո՛, աղեկ օրեր պիտի գան... անշուշտ այս անգամ վերջապես հայուն գարունը պիտի գա... բայց ողջ մնացողը միայն պիտի տեսնե... ախ երանի, բյո՛ւր-երեսի աչք-աչքերուն...

որ պիտի կրնա ողջունել հայ անկախության ոսկեճաճանչ արջալույսը...

Այսպիսի խոռվահույզ և միանգամայն մխիթարական գիշեր մը բոլորելի վերջ, առավոտուն ակնատես եղանք ա՛լ ավելի մխիթարական երևույթի մը, որ մեզ ամենքս ալ կարի հուզեց: Այս անգամ կեսարացի աղջիկներեն էին, որ կը ջանային իրենց անձնվեր մայրերն գերազանցել:

Երկար տարիներ ի վեր Թայաս ևս եղած էր գավառի այն լուսավորության կենտրոններեն մեկը, ուր եկած հաստատված էին քաղաքակրթության արևելքի ռահվիրա անձնվեր ու ազնիվ ամերիկուհիներ: Թալասի ամերիկյան աղջկանց կուլթին մեջ հավաքված էին ոչ միայն իսլամությունը մերժելով մեծամասնությամբ աքսոր գնացող հայերու աղջիկներն, այլև իսլամանալով քաղաքը մնացող սակավաթիվ հայ ընտանիքներու աղջիկները ևս: Ասոնք իրենց նահատակված ծնողներեն հավիտենապես բաժնված, անտուն, անտեր և անբույն թեկուրիկ թշուհներ էին, որոնք գիշատիչ բազմներն և ուրուրներն հալածական՝ ապաստանած էին լեղապատառ ամերիկյան աստեղաչարդ անշահախնդիր և արդարակորով դրոշին ներքև:

Երբ այս կուլթին հայ փափկասուն աղջիկներն կը լսեն, թե հայ տարագրյալներու նոր մեծ քարավան մը հասած է քաղաք՝ վարդապետով, քահանայով և ժողովրդով հեռավոր տեղի, և դեռ ամիսներ պիտի քալեն երթալու համար դեպի Չոր, ամբողջ գիշերը կ'անցնեն լացով և աղոթքով: Ի տես այս ընդհանուր համը սոգին, նույնչափ և կը հուզվի իրենց ազնիվ ամերիկացի տնօրենուհին, և համախորհուրդ կ'որոշեն հաջորդ օրվան իրենց կերակուրներու ամբողջ բաժինը տրամադրել մեզի:

Մարդասեր տնօրենուհին Misis Wingete՝ գիշերով հազիվ մեր ժամանումը լսած, կ'աճապարե կեսարիա (մեկ ժամ հեռու) և արտոնություն կը խնդրե թուրք կառավարչին մեզի օգնելու: Կառավարիչը զգուշանալով այս մասին միեակ պատասխանատվություն ստանձնելի, կը դրկե ոստիկան զորաց հրամանատարին: Այսպես գիշերվան խավարին մեջ երթալ գալի հետո, վերջապես կը հաջողի թուլլուլություն ստանալ գրավոր կերպով՝ հաջորդ օրը մեր մոտ գալու և մեզ կերակրելու:

Առավոտուն շատ կանուխ գիշեր ընն ամեն պատրաստություն լրացուցած, հարյուր հոգիի լիառատ բավելու շահ կաթ, պանիր, փիլավ, ապուր, խմորեղեն, խնձոր մեզի կը բերեր սե-
17—Հայ Գողգոթան

դանի հատուկ ամեն սպասով և առատ հացով շնորհալով իրեն հետ առնել նաև կոլեժի հայ աղջիկներին հարմարագույնները մեր սպասարկությանը համար:

Անհնար է բացատրել մեր ամենքին ականքն հուզումը, երբ մեր իջևան—բանտին մեծ դուռը բացվելով կողովներով ներս մտան, մարդասիրության այս երկրառաք հրեշտակները: Մեր տանջված հոգիներու համար սնունդն ավելի անհրաժեշտ էր կարեկցության, մխիթարության խոսք մը, որ հով տար մեր վիշտ ու թախիժով հրդեհված սրտերուն:

Ազնիվ և անձնվեր ամերիկուհին մասնավորաբար զիս կանչել տալով իր մոտ, մեր ճամփուն մասին տեղեկություններ կ'ուզեք...

Տրված հրահանգին վրա ապա անմիջապես խումբ-խումբ նստեցան մեր աքսորականները և բերված սնունդները սկսան անհագաբար ճաշակել: Վաղուց մոռցած էինք կաթ, պանիր, խմորեղեն, խնձոր, որովհետև մեր միակ սնունդը շոր հացն էր, քոխն ու սխտորն, և երբեմն ձավարի փիլավն ու «Քարխանայի» ապուրը: Հայ աղջիկներն կը սպասավորեին իրենց տարաբախտ ազգին այս հալումաշ խլայակներուն:

Քարավանին մեջ գտնվող մտավորական հայ երիտասարդներ ա՛յնքան հուզված էին, որ շատեր հակառակ անոթի ըլլալուն՝ ոչինչ կ'ուտեին, ըսելով, թե՛ մենք փոխանակ մեր այս ծնողազուրկ քույրերուն օգնելու, ինչո՞ւ կարոտ մնացինք իրենց կարեկցության և օժանդակության...— Վիրավորված առնացի արժանապատվության պոռթկումն էր, որ դեռ չէր ցամքած մեր սպառած մարմիններու պատյանին մեջեն...

Բաց աստի՛ իրենց մեջ կոլեժի վարժուհիներն ու աղջիկներն հանգանակություն ընելով թաշկինակի մը ծայրը կապված 420 արծաթ դահեկան ինժի կը հանձնեին, խնդրելով, որ մեր թշվառ ժողովուրդին կարոտագույններուն բաժնենք և զիրենք ալ օրհնենք:

Ոչ միայն օրհնեցինք և հավիտյան պիտի օրհնենք, այլ ահա հայ տառապանքի այս հավիտենական հիշատակարանին մեջ կ'արձանագրենք, որպեսզի օրհնեն նաև և՛ զձեզ, անձնվեր և զթասիրտ հայ աղջիկներ, և՛ ձեր մայրերն և՛ ձեր վարժուհիներն՝ ապագա բոլոր հայ սերունդներն դարուց ի դարս ամս համայր:

Մարդասեր ամերիկուհիին հայտնելով, որ 25 ոսկիի անհրաժեշտ պետք ունի՞ք մեր կարոտյալ ընկերներուն օգնելու համար,

խնդրեցի փոխառություն: Կոլեժի այս ազնիվ տեօրենուհին հանձնարարելով, որ ընկալագիր մը պատրաստեմ 25 ոսկիի կնքելիք փոխառությանս համար, ինք անձամբ փութաց կոլեժ դրամը բերելու:

Մինչ բյուրեղացյալ մարդասիրությամբ տոգորված այս ամերիկուհին կը վազեր դրամը բերելու, հանկարծ ներս մտնելով ոստիկան զինվորներու թալասի հրամանատար հարյուրապետը՝ շարաշար կը գանակոծեր մեր պահակ զինվորները կատաղաբար պոռալով, որ ինչո՞ւ թողուցած են, որ ամերիկուհիները մեզի հետ հարաբերության մտնեն և մեր ճամփու վրա տեսածներուն մասին տեղեկություններ քաղեն...

Այս պատճառով էր, որ մեզ քաղաքները չէին մտցնել, որպեսզի ո՛րեք մեկի հետ հարաբերության մտնելով, ահավոր եղեռնին մասին ճշմարիտ տեղեկություններ չկրնանք հազորդել ոչ ոքի:

Իբր պատիժ մեզի՝ անմիջապես հրամայեց, որ պատրաստվինք մեկ քանի ժամեն ճամփա ելլելու, բացարձակապես արգելելով թույլատրել մեզի գոնե բեռնաբարձ կենդանիներու վարձումը՝ մեր ճամփու փոքր ի շատե ունեցած գույքերու փոխադրության համար:

Այս մասին ամեն դիմում տեսնելով, որ ապարդյուն մնաց, ճարահատ իրարու մեջ բաժնեցինք մեր փոքր կապուցներն և իրիկնադեմին ճամփա ինկանք դեպի Քոմարգա: Հուզված էինք ամենքս ալ, մեր կրած տառապանքներուն և դառնությանց բաժակը վաղուց լեցված էր: Առավոտուն մեր կերած հացն ու վայելած խնամքն ու գուրգուրանքն հառաչանքի և արցունքի փոխված էր իսկույն: Այո՛, լքված էինք և՛ Աստուծան, և՛ մարդոցմն, մեր միակ փրկությունը գերեզմանն էր, բայց ո՛ւր էր թե գերեզման մը գոնե ունենայինք: Ափ մը հող ալ մեր վրա լեցնող պիտի շունենայինք, և կեր պիտի ըլլայինք երկնքի գիշատիչ թռչուններուն և երկրի վայրի գազաններուն:

Երբ աքսորականներուս հետիոտն զնացող հարյուր հոգինաց հոժ քարավանը կ'անցներ թալասի ցեխոտ նեղ փողոցներով ամերիկյան կոլեժի առջևեն, հայ աղջիկները, հայ վարժուհիներն և ազնիվ տնօրենուհին, ամենքն ալ պատուհանները և կամ տանիքը կանգնած և թաղիֆնակները երեսուն բռնած կուլային: Շրջակա տուներու պատուհաններու մեջ իջամացած

հայ կիներ պատուհաններու ետև թաքնված նույնպես կու լան յին...

Ստուգիվ աքսորականներու քարավանը մեռելական թափոր մըն էր, որուն թե՛ մեռյալը և թե՛ հուղարկավորները մենք ինքնին էինք, որ կը քալեինք դեպի անորոշ գերեզման...

Ճակատագրի անբացատրելի զուգահեռությունները մը, նույն պահուն սկսան ծանր-ծանր ղողանջել հույն եկեղեցվո զանգակները: Եկեղեցվո զանգակի զանգյունները, հարյուր հոգինոց թափոր մը, ի գլուխ այս թափորին վարդապետ և քահանա, պատուհաններու առջև լացող կիներ և աղջիկներ... արդարև պատրանքը կատարյալ էր, միայն կերոններ և սև խաչ մը կը պակասեր...

Ավա՛ղ, թեպետ խաչ շունեինք, բայց ամենքս ալ խաչեցյալներ էինք, որ կը բարձրանայինք ՀԱՅ ՓՇԱԼԻՑ ԳՈՂԳՈԹԱՆ...

Ե՛կե տարիե ի վեր քրիստոնյա ո՛րե՛ է եկեղեցվո զանգակի ձայնը լսած չըլլալով, առաջին անգամ, երբ զանգակի մը ղողանջները լսեցինք, և ասոնց արձագանքող զանգյունները մոտակա ձորերեն՝ դա՛նկ դա՛նկ... դա՛նկ..., սարսուցիկ մինչև մեր հոգվույն խոր ալքեր... Այո՛, հայ ազգը մեռած էր կ'ըսեին..., և մենք վերջին մահվան թափորն էինք, ու կ'երթայինք դեպի Զոր անհայտանալու և չքանալու ավազի անջրդի և տոթակեզ դաշտերուն մեջ:

Մեր ետև թողուցինք Կեսարիո 3000 տուն հոծ հայութենեն միայն 260 տուն իսլամացած հայ ընտանիքներ: Իսկ մնացյալը ամբողջովին աքսորի անվան ներքև տեղահան եղած և ջարդված էին, մինչ գեղեցիկ և ծաղկահասակ հարսներն ու աղջիկներն հարեմները տարված և հարձության բռնադատված էին: Ս. Կարապետի հոշակավոր վանքը թալանված և թուրք որբանոցի վերածված էր, իսկ շրջակա վանքապատական հողերը թուրք նորեկ գաղթականներու բաժնված:

Թալասի առաջնորդանիստ հոյակապ եկեղեցին վայոզ բուռներու թաքստոց եղած էր, իսկ եկեղեցվո աջակողմը և մեր իջևանած ազգային պանդոկին ներքև գտնվող հանգուցյալ առաջնորդներու դամբարաններու մարմարյա տախտակները ջարդուփշուր եղած էին, նոր ապացույցներ տալով թուրք մոլեզունի վանդալության: Տեղահան եղած և ճամփաներու վրա խողխողված հայերու թափուր տունները ներքին գավառների եկած թուրք գաղթականներով լեցված էին: Ասոնք անցնող

ձմռան միջոցին ջարդուփշուր ըրած էին իրենց բնակած հայ տուններու դյուրաշարժ ամեն մասերը և իբր վառարանի փայտ գործածած:

Մինչդեռ կուլեծի հայ պարկեշտասուն օրիորդները մեր վրա կու լային, մենք ալ իրենց սպասող սև բախտին վրա կու լայինք: Որովհետև դեռ պատերազմին երկրորդ տարին էր, և մինչև համաշխարհային հաշտություն դեռ շատ սև օրեր պիտի գային ու անցնեին, իրենց հետ բերելով արյունոտ նոր անակնկալներ:

Արդարև երբ Ամերիկա պատերազմ հայտարարեց Գերմանիո դեմ, և ասոր վրա ևս Թուրքիա կանխեց խղի իր հարաբերությունները Ամերիկայի հետ, ճամփվեցան Թալասի կուլեծի ամերիկոհները, և կուլեծի հայ աղջիկներն թուրք երևելիներու հարեմներն տարվեցան, զո՛հ դարձնելով վայրագաբար իրենց աներևակայելի խենեշությանց:

Մեր քարավանը Թալասի ճիշտ ետևը գտնվող և Թալաս-Թումարզա ճամփուն վրա ինկող Գոհանամ կամ Սուրբ Բարսեղ հայրապետ լեռան կուշտեն բարձրանալով մտանք ընդարձակ սարահարթ մը և սկսանք հապճեպ քալել մեր գերեզմար ոստիկան զինվորներու գավազանի հարվածներուն ներքև:

Արդեն արևը վաղուց մայրը մտած էր, երբ հասանք Թալասեն 2 ժամ հեռու «Գրզլպաշներու» գյուղ մը գիշերելու: Բայց հազիվ կը տեղավորվեինք, և ահա ոստիկան զինվորներն հրամայեցին մեզի շարունակել մեր ճամփան: Ամենքս ալ լեղվեցանք երկյուղով, որովհետև անբացատրելի կը գտնեինք մթնշաղին հետ մեր ճամփան շարունակելու այս բռնադատությունը: Համակերպելիզ գատ ուրիշ միջոց չունեինք, ուստի կրկին ճամփա ինկանք և սկսանք իջնել ապառաժուտ խոր ձոր մը:

Մեր քարավանին միշտ ուսվիրա եղող հայ մեկ քանի կտրիճ երիտասարդներ՝ հանկարծ սոսկումով վազելով քովս կ'ըսեին, — Հայր սուրբ այս ապառաժներուն ետև շարժող սովերներ ու գլուխներ կ'երևին: Աստուծո սիրուն, ետ դառնանք, վտանգի մեջ ենք:

Անմիջապես գտնելով մեր «չավուշը» կը զգացնեի մեզի սպառնացող անմիջապես վտանգը, խոստանալով լիառատ պարզե, բավ է, որ մեզ փրկե:

«Չավուշ»-ը ինքն ալ անակնկալի եկած, անմիջապես հրաման կ'ըներ, որ ետ դառնանք և ձորեն դուրս գանք ժամ առաջ:

Հետո իմացանք, որ թուրք գյուղացիներ ընդդիմացած էին և չէին թույլատրած, որ իրենց գյուղը իջևանինք, և իրենց մեզի աված ուղեցույց գյուղացին հատուկ հանձնարարությամբ մեզ առաջնորդած էր այս ձորը: Մինչ մյուս կողմն կարճ ճամփով մը գյուղացիներ մեզմե առաջ մեր անցնելիք ձորը կ'աճապարենն դիրք բռնել, հարձակելու համար մեր վրա և մեզ սպանելով տիրանալու համար մեր ավարին:

Բայց որովհետև մեր ոստիկան զինվորներն և մանավանդ մեր «չավուշն» անմասն էին և անգիտակ այս դավադրության, կարելին ըրին մեզ փրկելու համար այս ստույգ և մահաբույր վտանգեն: 2—3 ժամ գիշերվան խավարին մեջ առ խարխափ քալելի վերջ, հասանք կիսախարխուլ իջևան մը ամալի վայրի մը մեջ: Այս իջևանը մեկ սենյակով մեծ ախոռ մըն էր, որուն մեջ 25—30 ձի, ջորի և ավանակ կը գտնվեին նույն պահուն: Բայց այս ախոռը չէր կրնար այսքան կենդանիներու հետ նաև հարցուր հոգիի քարավան մը իր մեջ առնել, ուստի սլարգե խոստացանք՝ եթե կենդանիները դուրս հանեն, որպեսզի մեզի համար տեղ բացվի: Իսկ թուրք դաժան ջորեպաններն մեզի պատասխանեցին. «Թե իրենց կենդանիները մեզմե ավելի արժեքավոր էին կամ իրենց բառով «գիյմեթլի», ու մեզ ուզեցին վտարել:

Բայց առատ և կանխիկ վարձատրությամբ՝ իջևանի տիրոջ մեն իրավունք ստացանք կենդանիներուն հետ ու քովը մնալու: Սակայն կենդանիները թրջած ըլլալով գետինները, ստիպվեցանք 5—10 դահեկան տալով հարդ գնել և գետինը ցանել շեղբացնելու համար թացը և խոնավությունը:

Արդարև ողբալի էր վիճակնիս. պարզապես կը նախանձեհինք մեր քովի կենդանիներուն վրա, որոնք ենթակա էին ամեն խնամքի, իսկ մենք կը հալածվեինք բորոտ կենդանիներու նման:

Նույն իրիկուն անկյուն մը ես ալ գտա և հարդ ցանելով պառկեցա, հարդով ծածկված քար մը ունենալով ինձի բարձ: Բայց մենք մեզ կը մխիթարեինք, հիշելով մեր մեկ քանի ժամ առաջ անցուցած մահվան ստույգ վտանգը, և մյուս կողմեն ուրախ էինք, որ այսպիսի ախոռի մը արժանացանք, որ մեր պալատն էր... Որովհետև դուրսը խիստ ցուրտ էր՝ և էրճիպ ձյունապատ հսկա լեռը մեզ կը սարսռացներ իր հավիտենական սառույցի գանգավածներու մոտիկությունը: Մինչ մենք ախոռին մեջ բա-

վական տաքություն ունինք՝ դուրսի ցուրտը մեղմացնող, մեր շունչն ալ խառնված ըլլալով մեզի դրացի բազմաթիվ կենդանիներու տաք շունչին:

Ամբողջ ճամփու մեր ընթացքին, բայց մասնավորապես Յոզկատ—Պողազլիան—Կեսարիա ճամփուն վրա դիտած էինք, որ մեր պահպանության հատկացած ոստիկան զինվորներեն մեծ մասը գիշերները առանց քնելու՝ և ամբողջ գիշերը հեծելով կ'անցնեին: Այստեղ ինձի ճիշտ կից հերթապահ ոստիկան զինվորին այս վիճակը տեսնելով, հարցուցի՝ թե ինչո՞ւ չի քնանար, պատասխանեց—փափազ, ա՛յնչափ մարդ սպանեցի այս վերջին տարվան մեջ, որ իմ զոհերս չեն թողուր, որ հանդիստ քնանամ, և ոչ իսկ աչքերս կրնամ փակել, որովհետև անմիջապես աչքերուս առջև կու գան իմ հոշոտած զոհերս, մանավանդ իմ լլկած և հետո սպանած 20-ե ավելի կույս աղջիկներու հոգիները զիս կը հալածեն...— Արդոք զղջո՞ւմ էր, բայց ինչո՞ւ ուրեմն միշտ նոր նախճիրները կը փնտրեին և անհազ ծարավի էին նոր անմեղ արյունի:

Հաջորդ օրը արշալույսին հետ հեռացանք ավազակներու իրական այս որջեն, երկրորդ օրը բարեբախտաբար անցավ առանց մտահոգիչ միջադեպի: Սակայն մահվան մղձավանջը այլևս մեր մեջ միս ու ոսկոր եղած էր և կը առաջանայինք միշտ ահ ու դողով: Ամենքս ալ հետիոտն էինք. և որովհետև կապոցներով ծանրաբեռնված էին մեզմե շատեր, այս պատճառով դանդաղ կը քալեինք, ենթարկվելով հաճախ մեր պահակ ոստիկան զինվորներուն գանակոծությանը: Երրորդ օրը արևածագին արդեն Թոմարեայի դաշտը մտած էինք, և հեռուն կը տեսնեինք Թոմարգան, երբ հանդիպեցանք երա՛մ երա՛մ գաղթող թուշուններու, որոնք հարավեն գալով հյուսիս կ'երթային՝ դեպի Հայաստան...

Արդեն 1916 մարտի վերջն էինք, մեր շուրջը գարուն էր, բնությունը սկսած էր վերազարթնուլ, ծառ ու ծաղիկ կանաչ ու երփնեբանք՝ հարություն առած ակնապարար իրենց գեղեցկությամբն փառաբանությունը կ'ընեին Արարչին:

Միծեռնակներ հուլի ի հուլի կ'երթային Հայաստան... իրենց հայրենի երգիկներուն ներքև իրենց հին բույներն նորոգելու և նոր էյանը սկսելու:

Ո՛հ ո՛րչափ արտառուլ երգած էր անմահն. Դոդոխյան...

— Անդ հետո աշխարհ
Հայր մը ունիմ սգավոր
Որ մինակ լուր որդուսն
Սպասում է օրեօր...

Այն երանելի քաղցր օրեր, երբ հայրենիքը սպասող հայր մը կար միայն սգավոր... Այսօր ամբողջ հայրենիքը արյունլված, մնացորդ հայութունը ամենքը սգավոր, կ'ողբայինք միլիոնն անցնող ոչխարի պես մորթոտված, մեր բյուր զոհերն, և գիտեինք, թե ալ ավելի սև օրեր մեզի կը սպասեն: Այո՛ սև՛ օրեր, երբ երանի պիտի տայինք անցնող բոլոր սև օրերուն... որովհետև քանի գաղթին կը մոտենայինք, ա՛յնքան փշալից կը դառնար հայ Գողգոթան և ավելի աճավոր...:

Գարնան անուշ թռչնիկներ, ո՛հ, ո՛ւր կ'երթաք այսպես արագ. հայրենիքը ավերակ է, բուեր կը վայե՛ն երդիկները, դիակներով ծածկված են արյան դաշտերը և լեցուցած խոր ձորերը ու խորշերը...

Դարձե՛ք, դարձե՛ք ձեր հին վայրերը, ուրկե եկաք հոն դարձե՛ք, և պատմեցեք, պատմեցեք ինչ որ տեսաք ու լսեցիք հայության ծով ցավերեն և մահաբույր դեպքերեն, աղի լեղի արցունքներեն...

Փախե՛ք, փախե՛ք զվարթ ծիծեռնակներ, փախե՛ք գարնանի ավետավոր թռչնիկներ, ձեր բույնն ու տեղը հոն չէ, ուր կա սուգ ու շիվան, արյուն ու արտասուք: Թո՛ղ գան, թո՛ղ գան ձեր տեղը դիակախույզ թռչուններ ու գիշատիչ ուրուրներ, բազիներ և անգղներ...

Բայց ասոնք ալ եթե գան, շպիտի գտնեն այս տարի պատառոտված դիակներ, որոնցմով խմբովին անցյալ տարի կազմեցին ճոխ խնջույքները առյուծի...

Դուք սև անգղներ գիշատիչ, գնացե՛ք, գնացե՛ք դեպի հոն վարը Միջագետք, ուր ձեզի կը սպասեն Քուրթ-էլ-Ամարա և կամ հոն վերը Դարդանե՛լ՝ արդարության խնջույքներ...: Մեկը մյուսեն զորավոր անոնք ալ ինկան վիրավոր, արդարությունը խաշող թուրքերն ալ սպանվեցան բյուրավոր և լեցվեցավ մասամբ հավիտենական արդարությունը աճավոր...

Կես ժամ մնացած, մեզ դիմավորեցին 8—10 ձիավորներ՝ ահ ու զոզի մատնելով մեզ ամենքս: Սակայն թումարզայի «գայմագամն» էր, որ հեծյալ իր ոստիկաններով եկած էր ար-

սորականներու հալումաշ եղած քարավանը քաղաք առաջնորդելու:

Անցանք քաղաքի միջով, ամեն խանութ փակված էր, ամեն տուն լեցված թուրք գաղթականներով. հետքը չէր մնացած հայության, որ երբեմն միակ աշխատասեր մշակը եղած էր հացալից այս ընդարձակ արգասաբեր դաշտերուն:

26.

ԹՈՄԱՐՁԱ — ԿԱԶՊԵԼ ԳԱՐՆԱՆ ՄԵՋ ԱՇՈՒՆ

Թումարզա փոքր գայմագամություն մըն է՝ բազմաթիվ գյուղերով, և կը գտնվի արգավանդ լեռնադաշտի մը վրա, Կեսարիային հազիվ 2 օրվան ճամփա հեռու, իսկ ծովեն շուրջ 1200 մետր բարձր:

Թումարզայի գայմագամության գյուղերու 3/5 մասը, իսկ քաղաքին բնակչության 4/5-ը հայեր էին մինչև 1915-ի տեղահանությունը: Բայց այժմ հայոց տուները և հողերը հանձնված էին թուրք գաղթականներու: Քաղաքին բոլոր խանութներն գոց էին և կնքված, հազիվ մեկ քանի մասվաճառի ու նպարավաճառի խանութներ, ինչպես նաև մեկ քանի թրքական աղաոտ ու փոքր սրճարաններ բաց էին միայն:

Այն տուները, որ գաղթականների գրավված չէին, փրցված և իբր վառելիքայտ գործածված էին անցնող ճմռան միջոցին: Քաղաքին ս. Թորոս եկեղեցիին տանիքը փրցված էր, իսկ կես ժամ միայն հեռու գտնվող ս. Աստվածածնի վանքը կործանած էր մեծ մասամբ և ավերակ դարձած: Քաղաքին մեջ գտնվող բազմաթիվ ինքնահոս աղբյուրներն միայն 2-ը դեռ կը հոսեին, մյուսները ցամքած ու չորցած էին:

Մեկ քանի տեղացի թուրքերու հետ մեր տեսակցած միջոցին՝ սրտի ցավով պատմեցին մեզի, թե իրենց զավառի բոլոր արհեստավորները հայեր ըլլալուն և այժմ ալ ասոնք տարագրված ըլլալով իմա բնաջնջված, ոչ կոշիկի կարկտան մը զարնող և ոչ ալ արորի մը կոտրած խոփը շինող ունեին: Որով 2—3 օրվան ճամփա կը ստիպվին հեռու Կեսարիա երթալ՝ կոշիկի մեկ փոքր կարկտան մը զարնել տալու համար դարձյալ հայերու, որոնք իսլամանալնուն շնորհիվ կրցած էին մնալ:

Բայց հարկ է հոս շեշտել ի մասնավորի, թե Կեսարիոս և շրջակա գավառներու հարյուրին միայն տասը տոկոսը իսլամանալով փրկվիլ ուզեց, մնացյալը սիրահոծար առավ տարագործության ցուպը ձեռքը և ճամփա ելավ դեպի Զոր: Գիտնալով հանդերձ, որ Կրկություն շկա իրեն համար և կ'երթա դեպի անպատ քնաջնջվելու:

Թուրքը զրկվելով մի անգամ ընդմիջտ հայերու դարևոր օժանդակութենեն և ընդունակություններեն, առաջին անգամ ըլլալով կ'անդրդառնար այս պատմական բացարձակ ճշմարտության, թե առանց հայուն շինարար և ստեղծագործ աշխատանքին՝ ինք ոչինչ կրնար ընել. թե օսմ. կայսրության սյունը դարերե ի վեր հայն եղած էր՝ իբր երկրագործ, արհեստավոր, վաճառական, սեղանավոր, բժիշկ, դեղագործ, ելևտագետ և գեղարվեստագետ, ճարտարապետ ու ճարտարագետ և քաղաքագետ:

Այժմ, երբ հայ ժողովուրդն ոչ ևս էր, միայն սկսած էին մտածել և խոստովանիլ, թե Հայերը գնացին երկրին օրհնությունն ալ, այսինքն «պերեքեթ»-ը, հետերնին տարին...

Թոմարզա, որ շնորհիվ աշխատասեր հայ գյուղացիության գարերե ի վեր ցորենի շտեմարանն եղած էր շրջականերուն, այժմ ոչ թե ցորենի հաց չէինք գտներ, այլ նույնիսկ հազիվ ձեռք կրցանք բերել «տեղիճեն» պատրաստված սև խմոր հաց մը, որ քնարեր էր և հույժ անմարսելի, և որուն 100 գրամը հազիվ կրցանք հինգ արծաթ դահեկանի գնել:

Այժմ խոպան ու ապալեր մնացած էին Թոմարզայի հասկաթուղ դաշտերն և հայ շրջակա անդաստանները: Ոչ մաճ կար և ոչ մաճկալ, ոչ արոր մնացած էր և ոչ լծկան եզներ:

Թոմարզայի մեջ անցուցինք բավական խոռվյալ գիշեր մը, այս անգամ ներքին պատճառներով: Որովհետև մեր հարյուր ընկերներն միայն 25—30-ը ունեին իրենց ապրուստի միջոցները, իսկ մնացածը, մանավանդ 50 յոզկատցիները բոլորովին զուրկ էին ամենամահարժեշտ երկու բանե, այսինքն հացե ու ոտքերու տրեխներե: Այլևս մեր շանկրիցի մեկ քանի հարուստները չէին ուզեր օգնել, առարկելով, թե իրենք ալ աղքատացան, և թե վաղվան աղքատությունը գիրենք ալ կ'հասբեկե: Զուները ընկերները կը սպառնային, բայց առջևը առնվեցավ մեր ներքին անհամաձայնության, քիչ մը հացի դրամ հանգանակվելով մեր կարոս ընկերներուն համար: Մյուս կողմե կրկին անձնական

փոխառությամբ Հաճի Փեթրակի Շախյանն կրցա դրամ ստանալ իմ և ընկերներուս հույժ ստիպողական պետքերուն համար:

Թոմարզայի մեջ մեզմե ամեն անոնք, որոնց տրեխը մաշած էր, կամ նորոգեցին և կամ նորը գնեցին. այսպես բավական կազդուրված հաջորդ օրը ճամփա ինկանք դեպի Կապպի:

Հազիվ քաղաքեն հեռացած և դաշտը մտած, մեր աչքերուն առջև սյարզվեցավ արտակարգ և կամ անհավատալի տեսարան մը: Ամբողջ ընդարձակ դաշտը ծածկված էր դեղնորակ արտորահճով, իսկապես գարնան մեջ աշուն էր: Որովհետև ամբողջ դաշտը դեղին հույն ունեք՝ շնորհիվ շննձված ցորենի հարյուրավոր արտերուն, որոնց հունձքը ընել արգիլված էր մեկնող հայերուն, աշնան զուգադիպելուն համար հայոց տեղահանությունը: Աշնան պատրանքը կատարյալ էր, երբ կը տեսնեինք մեր շուրջը, որ ցորենի դեղնորակ արտերուն մեջ հաճախ որաներ կապված և դեզեր կազմված էին: Թեպետ մեկ ձմեռ անցած էր, բայց միայն ցորենին հասկերը գետին թափած էին, իսկ ցողունները երկար և զորավոր դեռ կանգուն էին և քամիեն կը տատանեին:

Այո՛, գարնան մեջ աշուն մըն էր:

Հետաքրքրվեցա հարցնել մեզի ընկերացող ոստիկան զինվորներուն, թե ինչու՞ այս արտերը չէին հնձված, պատասխանեց. Թոմարզայի գայմագամն ա՛յնքան հայատյաց անձ մըն էր, որ երբ 1915 օգոստոսի վերջը տեղահանության հրամանն եկավ Պոլսեն, չթողուց, որ հայ գյուղացիները հունձքը կատարեն: Որովհետև գոնե ամիս մը պիտի հետաձգվեր հայերու տեղահանությունը, իսկ գայմագամնիս ըսավ, թե ոչ իրենց ցորենը պետք է և ոչ ալ իրենց երեսը ամիս մը ավելի տեսնենք, թո՛ղ կորսվին երթան...

Բնական բերմամբ փորձվեցա դիտել տալ, թե ինչու՞ գոնե հայերու տեղահան ըլլալեն վերջ գայմագամն չթողուց, որ դրացի թուրք գյուղացիները հնձեն, քանի որ ցորենը և գարին վաղուց հասունցած էին և բերքն ալ ա՛յնքան առատ էր: Մանավանդ որ պատերազմի միջոցին ամեն պետություն հետամուտ էր ըստ կարելիության շատ բերք ամբարելու, հույժ հավանական սովի մը առաջն առնելու համար:

Պատասխանեց.— էֆենտի, ասոր համար չէ՞, որ հայերը աքսորելի վերջ՝ մեր երկրեն ա՛լ «պերեքեթը», իմա օրհնությունց ու առատությունը վերցավ:

Իրավամբ հաջորդ տարիներու մեջ Կեսարիայեն Պելեմետիկ եկողներն իմացանք, որ Թումարզայի հուռթի դաշտերը, առանց հերկի ու վարուցանի մնալով հացը ա՛յնքան անգտանելի դարձած էր և եղածն ալ ա՛յնքան անմատչելի գներու հասած էր, որ թուրք ժողովուրդը անոթութենն պարզապես սկսած էր մեռնիւ։

Թումարզայի այս հասկաթուռ դաշտերուն մեջն անցանք հուզմամբ և արցունքով, որովհետև 8—9 ամսե ի վեր հայ ժողովուրդը թեպետ մեկնած էր անդարձ հազարավոր տարիներու իր պապենական օջախներեն, բայց իր ստեղծագործ և շինարար աշխատանքին ոսկի արդյունքը դեռ կը մնար, իբր անխոս բողոք իր կրած գուլումին։ Մեր շուրջը ծովածավալ տարածութեան մը վրա, մինչև հեռավոր հորիզոնները մեր խուզարկու ակնարկներուն՝ ամեն տեղ դեղնորակ և հասկազարդ արտերու լայնատարած ծով մըն էր, կետկիտված հաճախ որաներով, դեզերով ու կալիւսով։ Իսկ հոս ու հոն խոտաճարակ ընտանի կենդանիներ եկած էին ճարակիլ...

Անկարելի էր ըմբռնել, թե պետական մարդիկ՝ խելագարութեան որպիսի՛ մոլուցքի մը և կամ կատաղութեան որպիսի՛ մոլեգնութեան մը մեջ համարձակած էին ջախջախել ա՛յսքան շինարար բազուկներ և ա՛յսքան օրհնված արդյունքներ։

Անշուշտ օսմ. պետական մարդիկ պետական անձնասպանութիւն մը գործած էին... և ուշ չէր այն օրը, երբ պիտի կրեին տրամաբանական աղետաբեր և անխուսափելի հետևանքները իրենց անթիվ ու անբավ ոճիրներուն, երբ հասներ վերջապես արդարութեան և հաշվեհարդարութեան ահավոր մեծ օրը...

Թումարզայեն մեր մեկնումին երկրորդ օրը գիշերեցինք 130 տուն բնակչութիւն ունեցող մեծ գյուղ մը, որուն 90 տունը հայեր ըլլալով տարագրված էին, և գյուղը համարյա ավերակ էր։

Այս գյուղին մեջ շատ լավ ընդունելութիւն գտանք, և ջանացին մեզի հայթայթել սնունդի նախնական նյութերը բաղդատաբար շատ համեստ գներով։

Տեղովուս թուրք մուխթարը և իմամին հետ մեկ քանի ծերունի թուրք գյուղացիներ, լսելով որ եկող քարավանին մեջ առաջնորդ եկեղեցական մը ևս կա, փութացին գալ այցելութեան։ Մեր երկար ճամփորդութեան ամբողջ ընթացքին, առաջին անգամ էր, որ այսպիսի բացառիկ պատվի մը կ'արժանանայինք ի մեծ զայմացումն ամենքիս։

Որովհետև մեր խոսակիցները պարզամիտ և բարեմիտ գյու-

ղացիներ էին, և բոլորովին անգիտակից պաշտոնական ձևակերպութիւններու՝ անլերապահորեն սկսան արտահայտվիւ։ Բնականաբար գեղեցիկ պատեհութիւն մը կ'էկին ներկայացած էր թափանցելու համար թուրք այս գյուղացիներու ներքին հոգեբանութեան ու մտայնութեան։ Մանավանդ որ «իմամը», այսինքն իսլամ կրօնականը Պոլիս տեսած և բնական ուշիմութեամբ օժտված ճշմարտախոս մարդ մըն էր, քիչ շատ հայերեն ալ կը հասկնար և հաճախ հայերեն բռտեր կը գործածեր իր խոսակցութեանց մեջ, սորված ըլլալով իրենց համագյուղացի և իրենց եռապատիկը եղող հայ գյուղացիներեն։

Բարի եկաքի արեւելյան սովորական ձևակերպութիւններն վերջ, եկող թուրքերը հարցուցին ինձի. Մուրախաս էֆենտի, ո՞ր պիտի դառնան մեր դրացի հայերը աքսորե, ինչո՞ւ այսքան ուշացան մեր դրացիները։ Սուլթան Համիդը իսկ, երբ հայերը պատժեք, քանի մը ամիս վերջ «աֆուշահանե» կը շնորհեր։ Այս ճեռն թուրքերը ինչո՞ւ հայերուն դեմ սկսված ալս հայածանքը դեռ չվերջացուցին, երկիրը ավերակ դարձավ, ո՞ր օրվան կը սպասեն։

Պատասխանեցի, թե մի՞թե գոհ չե՞ն, որ իրենց դարավոր դրացի հայերը արտորելով ասպարեզը միայն իրենց մնացած էր՝ առանց մրցակից ունենալու։ Աքսորված հայերուն տուներուն, կարտեզներուն, այգիներուն, հողերուն, ուխարի հոտերուն, վերջապես շարժուն և անշարժ ամբողջ հարստութեան իրենք տեր եղած էին։ Ալ ի՞նչ դեռ կ'ուզեին և մի՞թե շնորհակալ չէին իթթիհատական ներկա կառավարութեան, որ զիրենք մեկ անգամեն տեր դարձուցած էր այսքան անբավ հարստութեան, ինչ որ իրենց երազին մեջ իսկ չէին կրնար երևակայել։ Իմամը ի դիմաց իր ընկերներուն պատասխանեց.— Մուրախաս էֆենտի, ի՞նչ կ'ըսես, կը կարծե՞ս թե մենք հայերու տեղահանութենն գոհ ենք, սուտ խոսողին լեզուն չորնա... Մեր գյուղին մեջ 130 տուն էինք և 90 տունը հայեր էին, սակայն 40 տուն թուրքերս մեր դրացի հայերուն շնորհիվ կ'ապրեինք, երկրագործութիւնը և արհեստները անոնց ձեռքն էին։ Մենք անոնց հողերուն վրա կ'աշխատեինք իբր «օրթախ», և լավ կ'ապրեինք ու շեն էինք։ Գետնին տակն անցնին թալեաթն ու էնվերն, որ ամբողջ հայերը աքսորելու ծրագիրը պատրաստելով և խոստութեամբ գործադրելով երկիրը ավերակ դարձուցին և մեզ ալ աղքատացուցին։ Մինչև հիմա մեր կերած բամբակի պես կա-

կուղ և ճերմակ հոխա մը հացը 20—30 փարայի կ'ուտեինք՝ հիմա սկսանք 20—30 դուռուշի ուտել, դեռ վաղն ալ ո՞վ գիտե քանի՞ պիտի ուտենք: Էֆենտի, ըսե մեզի, ուրեմն հույս չկա՞ հրեք, որ մեր դրացի հայերը դարձյալ կը դառնան իրենց տեղերը:

Խոսակցութիւնը հույժ հետաքրքրական, իսկ իրենց շեշտը անկեղծ ու աննենգ, ուստի մենք ալ անվերապահորեն սկսանք արտահայտվիլ, մանավանդ որ ոստիկան զինվորներեն ոչ մեկը մեր մոտ մնացած էր, ամենքն ալ գնացած էին իրենց ձիերը դարմանելու:

Պատասխանեցի.— Հոճա էֆենտի, իզուր կը սպասեք ձեր դրացի հայերուն դարձին. անոնք տարի մըն է, որ արդեն ոչնչացված են ճամփաներուն վրա: Եթե հազվագյուտորեն Տեր Զոր հասնողներ եղած են, ասոնք ալ անապատին մեջ անոթի ու ծարավ մեռած են: Միջանկյալ ըսեմ, որ Թոմար-զայի շրջանի հայութիւնը շատ կանուխ տարագրված ըլլալով՝ մեծ մասամբ կրցած էր հասնիլ ողջամբ Տեր Զոր. բայց հոս մեկ մասը անոթի մեռած և մեծ մասը ևս Ռեսուլայնի և Տեր Զորի 1916-ի հուլիսի ընդհանուր ջարդին անխնա կոտորված էին: Է՛, հոճա էֆենտի, ըսե նայինք, Պոլսեն ի՞նչ լուր կա, մենք ամիսն ավելի է ճամփան ենք. ոչ մեկ բանն լուր չունինք, ի՞նչ կա չկա... Պոլսո մեջ ներքին խաղաղութիւն կա՞...

Պատասխան.— Ա՛խ Մուրախաս էֆենտի, մոտալուտ խաղաղության հույս երբեք չկա: Մեր վզին կապը գերմանացիին տվինք, ո՛ր որ քաշե տանի, ուզենք շուգենք պիտի երթանք: Էնվերը փախեր է ըսին, բայց հազար անգամ լսեցինք և հազար անգամ սուտ ելավ: Ա՛խ ե՞րբ պիտի լսենք, Ալլա՛հ, որ Թալիսթն ու Էնվերն շանսատակ ըրեր են... Այս խեղճ ազգին գլխուն (այսինքն թուրք ազգին), փորձանք չմնաց որ չբերեն... անիծյալ ըլլան... երանի՞ թե «Ճեռն թուրքերը» գոյութիւն չունենային... գարշելիները ոչ հավատք ունին և ոչ կրոն, մասոն են ամենքն ալ...

Առաջ «Իսթիպատին» (հին ոսթիմ) մեկ սուլթան Համիդ կար, հիմա հարլուր հատ սուլթան Համիդ ունինք մեր գըլխուն..., մենք շատոնց սուլթան Համիդը փնտրել սկսանք... Զկարծեք, թե, Մուրախաս էֆենտի, մենք թուրքերս ալ «էհեայ» (երջանիկ) եղանք կամ պիտի ըլլանք... լացողին «մալը մյուլ-

քը» (կայքը, գույքը) գնողին կամ առնողին երջանկութիւն չի բերեր...

ՀԱՅԵՐԸ ՄԵՐ ԵՐԿՐԻՆ ԱՂՆ ԷՒՆ, ԱՆՈՆՔ ԳՆԱՅԻՆ... ՄԵՐ ԱՂ ՀԱՄԸ ՈՒ ՀՈՏԸ ՉՄՆԱՅ... ԱՍՏՎԱՍ ՀԱՍՆԻ ԱՄԵՆՔԻՍ...

Իսկ մյուսները կրկնեցին և երեքնեցին՝ «ամի՛ն, ամի՛ն»...

Քանիցս հիշեցին, որ իրենք եկեղեցական ըլլալու՝ ինծի «խոստովանանք» կ'ըլլան, այս բառն ալ հայերեն արտասանելով, և թե՛ եթե կառավարական պաշտոնյաները իմանան որ ինծի այսպես խոսած են, զիրենք ալ կ'աքսորեն և «թարումար» կ'ընեն, այսինքն կը կործանեն...: Մեր սուգի և տառապանքի երկար ամիսներուն մեջ՝ վշտով օժուռն այրող մեր սրտերուն մխիթարութիւն եղան, բարի և անկեղծ այս գյուղացիներուն անվերապահ այս հայտարարութիւնները և մեծապես մխիթարվեցանք: Որովհետև տառապանքի մեր 4—5 տարիներու ընթացքին՝ հազիվ այս օրինակ մեկ կամ երկու դեպքեր կը հիշենք ստրջացումի...

Հաջորդ օրը արշալույսին հետ աճապարեցինք մեկնիլ, որովհետև 8—10 ժամ տաժանելի ճամփա ունեինք անցնելիք: Հուսկ ուրեմն արևամուտին հետ ժամանեցինք Տավրոսի—իմա Թորոս—լեռնաշղթային ամենաբարձր կիրճերեն մեկը՝ ԿԱԶՊԵԼ, և իջանեցանք Ավլարի փոքրիկ գյուղ մը, որ կը կոչվեր Քոսուլեր:

27.

ԿԱԶՊԵԼ¹ — ՀԱՃԸՆ

ՁՅՈՒՆԱՊԱՏ ՍԱՐԵՐՈՒ ՄԵՋ ՀՈՒՋԻՉ ԳԻՇԵՐ ՄԸ

Քոսուլեր կոչված այս գյուղը հազիվ 25 տուն բնակչութիւն ունեն, և կը գտնվի Կազպել կոչված կիրճին բերանը:

Այս կիրճը միակ բնական անցքն է, որ Թոմարզայի լեռնազաշտը հաղորդակցութեան կը դնե Կիլիկիո դաշտին հետ՝ Հաճըն-Սիս երկարող պարանոց անման ձորով:

Տավրոս լեռնաշղթան Մերսինի և Սելեկիո ծովու եզերքին ծայր առնելով հետզհետե կը բարձրանա մինչև Հայաստանի լեռնաշղթան դեպի Կովկաս:

¹ Կազ-Պել կը նշանակե Սագի մեջը:

Տավրոս լեռները հյուսիսեն միայն երկու բնական դուռներ ունենին, առաջինը Պողանթի-Պելեմետիկի «Կյուլեք պողազը» կիրճն է, ուրկե կ'անցնի երկար փապուղիներով դեպի Հալեպ երկարող երկաթուղին: Իսկ երկրորդը Կազպելի կիրճն է, ուրկե անցանք մենք: Ասոնք են Կիլիկիո բնական դուռները, ուր երբեմն Ռուբենյանց թագավորներու շրջանին, ա՛յնքան բերդեր կառուցված էին հաջորդաբար իբր պատվար Գոնիայի սուլթաններուն հարձակումներուն դեմ:

Մայրի ծառի կույս անտառներով շրջապատված Տավրոսյան լեռնաշղթան, իր ձյունաշատ գագաթներով հավիտենական մշտաճոս ավազանն է Կիլիկիո պատմական հորդահոս գետերու՝ Սարոսին (Սիհուն) և Պոմոսին (Ճիհուն), Կիզնոսին (Թարսուս ըրմաղը) և Կալիկադնոսին (Զիլիֆկե ըրմաղը), որոնք ազբյուրն են Կիլիկիո հուռթի դաշտերուն հռչակավոր արգավանդության:

Թոմարգայն եկող մը պետք է 200 մետր անտառապատ գառնթոփով մը իջնա այս Քեոսելեր գյուղը, ուր հաստատված էր ոստիկանական պահականոց մը և հեռաձայնով կապված Թոմարդայի և Հաճընի հետ:

Պարգապեա բնության հրաշալիք մըն է տեսնել ծովեն 2000—3000 մետր բարձր այս լեռներու մեջ փորված բնական կիրճը, որը միակ անցքն է դեպի Կիլիկիո դաշտը:

Երբ մենք հասանք մարտի վերջը այս կիրճը, ամբողջապես ծածկված էր ձյունի թանձր խավերով, և մեկ քանի շաբաթներն ի վեր ըսին, որ բոլորովին խափանված էր ամեն հաղորդակցություն, նույնիսկ կիրճին մեջ գտնվող և միայն մեկ Համ հեռու եղող գյուղերուն միջև երթևեկ չկար:

Պահակսնոցին ենթասպան պոլսեցի քաղաքավարի երիտասարդ մըն էր, որը շատ հայ բարեկամներ ունենալուն, իբր թե կը մեղքնա եղեր հայոց գլխուն եկած այս մեծ փորձանքին...

Բայց հարկ է հանուն ճշմարտության խոստովանիլ, որ մեզ ընդունեց կարեկցությամբ և հարգանքով, ինչ-որ բացառիկ և ուշագրավ պատիվ մըն էր մեզի համար: Որովհետև ոչ մեկտեղ այնքան հարգանքով ընդունված էինք ցայն վայր:

Ինձ առաջնորդեց իր անձնական սենյակը և անձամբ թրքական ձևով սուրճ եփելով՝ ինքն իր ձեռքով բերավ մատուցանել, հակառակ իր հրամանին ներքև գտնվող ոստիկան զինվորներուն ծառայելու պատրաստակամության:

Նույնպեա թուլլատրեց, որ մեր տասապանքի հորդորը, քանակերները փոխանակ արգելափակելու՝ ազատ ձգեն, որ տեղավորվեին Ավշարներու խրճիթներուն մեջ:

Ավշար այս գյուղացիներն ևս, որոնք հայերն բռնի խլամացվածներ ըլլալ կ'ենթադրվին՝ և շատ բարեկամ են առհասարակ քրիստոնյաներու և մասնավորաբար հայերու, և երբեք «նամեհհարմ» չեն գիտեր ու իրենց իգական սեռը երբեք չփախավ մեզմե, նույնպեա մեծ հարգանքով մեզ ընդունեցին իրենց գեղջկական տուներուն մեջ:

Այս խրճիթները շորս ցած պատերով և հողե տանիքով մեկ սենյակե բաղկացած բնակարաններ էին՝ շատ փոքրիկ լուսամուտներով: Ներքին մասը երկու մասի բաժնված էր միայն գետնին գամված ձողերով, որուն ներսը իրենց կենդանիները կը բնակեին, իսկ դռան մոտիկ կողմը իրենք. սակայն իրար կը տեսնեինք: Կենդանիներու այս բնակակցությունը մանավանդ խստաշունչ ձմռան այս ընթացքին այն առավելությունը ունեն, որ այս խրճիթներու ներքին մասին տաքութենեն՝ դուրսի սարսափելի ցուրտը այնքան զգալի չէր ըլլար լուսնշաղին և մթնշաղին, երբ ցուրտը կը հասնի իր ամենախստագույն աստիճանին:

Թեպետ այս գյուղացիները իրենց կից անտառներեն պետք եղածեն ավելի փայտ տրամադրելի ունենալով միշտ կրակ ունեին, սակայն կենդանիները գյուղացին իրմե ավելի արժեքավոր համարելուն՝ ավելի հոգածու է ասոնց, քան իրեն մասին:

Ավշարներու այս փոքրիկ գյուղին մեջ հանդիպեցանք մեզմե 8—10 օր առաջ գալով և ձյունին պատճառով ճամփան շարունակել չկարենալուն այստեղ մնացող հայ ուրիշ քարավանի մը, որ հազիվ 15—20 հոգիե բաղկացած էր: Ասոնք ալ կու գային Կեսարիայն. բացի ատաբազարցի երկու եղբայրներն, որոնք Պոլսեն Գոնիայի և Կեսարիո ճամփով բերված էին հոս, ամենքն ալ իսլամացածներ էին, մեջը ըլլալով նաև 2 քահանաներ կանաչ փաթթոցով:

Հազիվ սուրճը խմած էինք և ենթասպային հետ բարեկամաբար կը խոսակցեինք, երբ ներս մտավ սպիտակ փաթթոցով և թուրքի կատարչալ «թիպուլ» մեկը, և խնդրեց, որ ընթրիքը իրենց հետ ընեն: Բայց անտեղյակ իրադատությունաց, պահ

մը վարանեցա ընդունելու ասոր հրավերը, խորհելով, որ կրնա ծուղակ մը լարված ըլլալ...

Ենթասպային նույն պահուն ոստիկան զինվորները հրահանգած մեկ միջոցին դրազված ըլլալին օգտվելով, մոտեցավ ինծի և փսփսալով ըսավ.— Հայր սուրբում գորգմա հայրմ, հայ, կել թամը պերապեր իտելիմ, տելեճեյիմ վար...— Ապշեցա տեսնելով հանկարծ, որ ինծի այնքան սարսափ ազդող և թուրք կարծած անձս հայ է: Բայց ուզելով երևույթները փրկել, բարձրաձայն հայտնեց ներկաներուն ուղղյալ շեշտով մը, թե ես «հյուր ըլլալով» պահականոցի սպային, կամ շեմ կրնար ուրիշ հրավեր ալ ընդունիլ միանգամայն, և կամ եթե սպան ալ հետս գա՝ այն ատեն միայն կը հոժարիմ երթալ...

Թուրք երիտասարդ սպան հասկնալով իսկույն, թե արտոնութուն առնելու ձև մըն էր այս ըրածս, փութաց պատասխանել, թե ես կրնամ երթալ խնդրարկուին հետը և անպատահութուն մը չկա, որ ընդունիմ իր հրավերը, և թե ինք ալ ընթրեքն վերջ մեզի կու գա այցելության:

Այս հայտարարության վրա հետեցա զիս հրավիրող փաթթոցավոր և իսլամացած հայուն զեպի իր իշխանած խրճիթը, որ գլուղացիներուն մեծերին մեկուն լավ շինված տունն էր, ավելի լավ կառուցված, քան մյուս խրճիթները:

Հազիվ տեղավորված ներսը փոված անկողիններին մեկուն վրա, ներս մտավ մեզ հյուրասիրող հայուն կինը իր շորս զավակներով և ոտքերուս իյնալով դրսեցի (ոչ կեսարացի) հարս ըլլալուն մայրենի լեզվով լալով ըսավ.— Հայր սուրբ, կարգիդ մատաղ ըլլամ, Աստուծո պաշտոնյա ես, մեզ բռնի իսլամացուցին... մեզի թողութուն տուր Աստուծո սիրուն, որ պեսզի գոնե հանգիստ սրտով մեռնինք...

Այլևս մեր ալ հուզումը հասած էր, աղե՛, իր գերագույն աստիճանին, որովհետև հայր, մայր և շափահաս աղջիկ մը և երեք տղեկներ վերարկուիս երկար փեշերուն փարած անդադրում կը համբուրեին և կու լային և թողութուն կը խնդրեին...

Աստված իմ, ի՞նչ դառն վիճակ և ի՞նչ եղերական տեսարան, ըլլալ հովիվ ժողովուրդի մը, և կենդանի աչքով տեսնել իր հոտը եղած ցան ու ցրիվ, գիշատված սովալլուկ գայլերի,

նահատակներու անթաղ մարմինները կեր եղած գերեզմանափոր բորենիներու:

Իսկ ողջ մնացածներն բռնի իսլամացված՝ և այժմ Ցավրոսի հայկական այս պատմական յեռներու վրա զուգադիպությամբ մը միայն իրարու հանդիպելով հոտ ու հովիվ իրարու եկած՝ գաղտնի արցունքներ կը թափեինք արդեն մեռածներուն և մեր՝ վաղվան մեռնողներուս վրա...

Խեղճ կինը կ'ըսեր— փա՛ռք Աստուծո, որ անգամ մըն ալ Տերը արժանի ըրավ կենդանի աչքով տեսնելու ազգիս եկեղեցական մեկ առաջնորդը:— Արդարև ա՛յնքան անգտանելի դարձած էր հայ եկեղեցականը, և ամբողջ Փոքր Ասիո ներքին այս գավառներուն մեջ միակ ողջ եկեղեցականներն էինք ես և ողբացյալ ծերունազարդ Տ. Հուսիկ քահանա Քաջունին:

Վերջապես հարցուփորձ ընելով տեղեկացանք, որ իրենք իսլամացած ըլլալով հանդերձ՝ Կեսարիային կրկին աքսորված են ձմռան այս խստաշունչ եղանակին հետևյալ տղայական շարժառիթով:

Ասոնց ութամյա կայտառ և վառվառն տղեկը՝ հասակակից իսլամ դրացի տղոց հետ վեճի և կովի բռնվելով և ծեծ ուտելին զայրացած, իսլամ տղոց սպառնալով կ'ըսե օր մը,— Մոսկոֆ կելսե, պիզտե սիզի տեոյեճեյիզ վե ևոլտյուրեճեյիզ...— Այսինքն, երբ ոուսը գա, մենք ալ ձեզ պիտի ծեծենք ու սպանենք...

Մանկական միամտությամբ և զայրույթի նոպայի ներքև ըսված այս աննշան խոսքերուն ընդարձակ իմաստ տալով, և հույժ ծանր հետևութուններ ու եզրակացութուններ հանելով՝ Կեսարիո կառավարչին ականջը կը ձգեն թուրք տղոց ծնողները:

Իսկ տեղական կառավարական մեծ ու փոքր պաշտոնյաները գործը կը հրահրեն ըսելով և մեկնելով, թե իսլամացած հայերը եթե իրենց տուններուն մեջ գաղտնապես այսպիսի նյութերու վրա խոսած չըլլային և այս իմաստով արտահայտված չըլլային, այս փոքր տղաքը ուրկե՞ պիտի կրնային ինքնաբերաբար այսպիսի «ուրջ» սպառնալիքներ ընել իրենց դրացի թուրք տղոցը:

Ուստի առանց ո՛րևէ քննության, ըսելով թե հայր ի՛նչքան ալ իսլամացած ըլլա, դարձյալ «տեղվեթ, միլլեթ տուշմանը» է, այսինքն թուրք ազգին և պետության թշնամին է: անմիջա-

պես արքայի որդուն կու տան, և ամբողջ այս ընտանիքը, իր մոտավոր և հեռավոր բոլոր ազգականներով մեջն ըլլալով երկու իսլամացած ծերունի քահանաներ, ճամփա կը հանեն ցուրտ ձմռան այս եղանակին մեջ 16 հոգի դեպի Տեր Զոր:

Սակայն Կազպել հասնելուն, կիրճը ձյունի թանձր խափի տակ թաղված ըլլալով շաբաթներ ի վեր, կաշառք տալով ոստիկան զորքերու ենթասպային՝ արտոնություն կը ստանան մինչև ճամփան բացվիլը մնալ Ավշարներու այս գլուղը, մանավանդ որ իրենք շատ բեռներ ունենալով և ընտանիքով ու ձիերով ըլլալուն անկարող էին անցնիլ այս ձյունապատ կիրճեն: Սակայն ձյունը պատրվակելով և մանավանդ թուրք ենթասպային կաշառք տալով կրնային շաբաթներով երկարել իրենց այս հապաղումը և հանգիստ ընել...

Այս միջոցին ընթրիքը բերվեցավ, բայց ոչ ոք մեզմեջ այլևս ախորժակ ուներ բան ուտելու, հուզված էինք և իրարու կը պատմեինք մեր յուրաքանչյուրին գլխուն եկածները... և սարսափեցուցիչ հավանականությունները գալիքներուն...

Այնուամենայնիվ փորձեցինք բան մը ուտել, երբ թշվառ հայ կինը կրոնափոխ ըլլալեն շափազանց խղճահարված՝ աղաչեց, որ սեղանը ոչ թե իսլամի, այլ քրիստոնյայի սեղան նկատելով օրհնեմ...: Եվ ահա ծայր առավ դարձյալ հեկեկանքը, կու լային ամենքս ալ, և՛ այր և՛ կին, և՛ աղջիկ և՛ անմեղ փոքր տղայք, հեկեկանքով վերջացավ Հայր մերը: Արդեն վաղուց մոռցած էինք խնդալը, որովհետև սուգի և արցունքի տարիներ էին... Այժմ ալ հազիվ նստած՝ մայր ու աղջիկ կ'աղաչին թախանձագին, որ զիրենք խոստովանցեն և հաղորդեն...

Ո՛հ, տարին մը ի վեր լեռնե լեռ թափառական ու արքարական եկեղեցականիս մոտ ի՞նչպէս կրնար սուրբ հաղորդություն կամ եկեղեցական ո՛րեւէ մատչան մնացած ըլլալ կամ մեր մոտը գտնվիլ: Սակայն ա՛յնքան սրտեռանդն և աղիողորմ կը սյաղատեին ու կը կրկնեին իրենց խնդրանքն, որ հարկ էր անսլատճառ ո՛րևիցե արտակարգ և բացառիկ եղանակով գոհացում տալ իրենց: Զէ՞ որ յ. Ավետարանը 7×70 ներել կը հանձնարարեր: Բռնության ներքև եղած իսլամաբուրման վերջ՝ այս աստիճան արտասովից զղջում մը ի՞նչպէս կրնայի մերժել, և ի՞նչ իրավունք ունեի մերժելու... Ինչո՞ւ զրկեի զիրենք կրոնքի վերջին մխիթարութենեն մահ-

վան այս ահավոր ճամփուն վրա, երբ ես ինքս ալ իմ տառապանքի 100 ընկերներով կանգնած էի կյանքի և մահու շեմին վրա, աչքերս հառած ավելի դեպի հավիտենականություն...

Ուստի փութացի կատարել իրենց բարեպաշտական խնդրանքը և խոստովանեցնել վերջ, իբր ս. հաղորդություն, հետ սրտաբուխ և արտասովախառն օրհնության, գինի չգտնվելուն հացը քացախի մեջ թաթխեցի և տվի որ ճաշակեն: Զէ՛ որ խաչեցյալ Հիսուսի ալ վերջին անգամ լեղի խառնյալ քացախ տվին... նույն պահուն ապրած մեր կյանքը արդեն ավելի լեղի էր ու դառն, քան Հիսուսի մատուցված լեղին. իսկ քացախը վերջապես գինին դարձած էր և հիշատակությունն էր ոչ միայն Հիսուսի կողմն թափված կաթիլ-կաթիլ անմեղ արյունին, այլ ամբողջ հայության միլիոնավոր սուրբ նահատակներուն թափած անմեղ արյան ծովերուն...

Բայց մեր հոգիներուն գաղտնի խոր ծալքերուն մեջ այնպիսի փուլզում մը տեղի ունեցած էր, որ ոչ մեկիս քով սիրտ մնացած էր այլևս ուտելու: Մենք չէինք, որ կերակուրները կ'ուտեինք, այլ կերակուրներն էին, որ մեզ կ'ուտեին...

Արդարև հոգեկլկումի ժամեր ունեցանք, երբ միայն մահվան մեջ ուզեցինք այլևս փնտրել մեր փրկությունը, միայն թե կացիններու ներքև ըլլար այն... շարշարալից և հոգեվարքի տաժանելի երկունքներով...

Բայց հանկարծ ներքին դարանակալ ձայն մը կը թելադրեր մեզի մտերմորեն՝ ընել ամեն ինչ, հանդուրժել ամեն մահաբեր վտանգի, կենդանի աչքերով տեսնել կարենալու համար գործադրությունը հավիտենական արդարության և դղրդալից վերջնական կործանումը օսմ. երբեմնի մեծ կայսրության, իբր փոխված թափված հորդահոս անմեղ արյան: Միանգամայն ողջունելով տեսնել վերջապես ոսկեշող արշալույսը ազատ հայության անկախության: Որը ցանկալով ցանկացան մեր տառապահյուծ նախնիքները տեսնել, ու հինգ երկար տաժանելի դարեր իղուր սպասել վերջ շտեսած մեռան ու աչքերին ետև թողած գնացին հավիտենականություն...

Արցունքի և հուզումի այս սեղանեն վերջ, այցելության եկան մեզի բնիկ ատաբազարցի և պոլսեբնակ երկու ազգասեր և երիտասարդ եղբայրներ: Ասոնք իբր Հնչակյան Պոլսեն կ'աքսորեն Տեր Զոր, բայց երկաթուղիով Գոնիա հասնելեն վերջ, փոխանակ երկաթուղիով շարունակել տալու դեպի Ադա-

Նա-Հալեպ, Ուլուզըշլայի ճամփով Կեսարիա կը բերեն և ասկե Էս իսլամացած կեսարացիներու հետ Կազպելի ուղեգծով դեպի Հալեպ կը տարագրեն, երբ հոս տեղ իրարու հանդիպեցանք:

Ասոնց պաշտոնագրին մեջ գրված էր, թե «այս երկու եղբայրներն հնչակյան կուսակցութեան հին գործիչներն ըլլալով կը ջանային օսմ. կայսրութեան մասերը բաժնել տալ օտար պետութեանց միջև. հետևապէս թուրք պետութեան թշնամիներ են...»: Այսպէս գրելով ուզած էին ենթարկել վրեժխնդիր աստիկան զինվորներու արյունաժարով զայրույթին...: Բայց ինչպէս մենք և շատեր, ասոնք ալ մեծաքանակ դրամ ծախսելով և պարզենք տալով՝ կրցած էին ազատիլ իրենց պահակ աստիկան զինվորներուն լարած դավադրութիւններն ու մահաբույր ծուղակներն:

Հակառակ իրենց կրած տառապանքներուն, դեռ կը պահէին իրենց բարոյական ամբողջ կորովը և մեզի պէս կը սպասեին հայ լուսաշող արշալույսին...

Շատեր կարոտը կը քաշէին ժամերգութեանց և սուրբ պատարագի արարողութեանց: Բայց այլևս ի՞նչ պետք կար պատարագի, քանի որ ամբողջ ազգ մը մինչև օրորոցի անմեղ մանուկը՝ պատարագված էր հայրենիքի քաղութեան սուրբ սեղանին վրա... անտերունչ ու անմոռնչ...

Իսկ մնացորդ ցան ու ցրիվ թշվառ բեկորներս նավաբեկյալ հայութեան՝ եկած էինք մեկտեղ պատահաբար, Տավրոսի հսկա այս լեռներու ձյունածածկ այս կիրճին մեջ, ու գաղտնաբար իրար կը մխիթարեինք և վաղվան փրկութեան երազներով իրար կ'օրորեինք...

Առաջին անգամ հոս էր, որ այս երկու կտրիճ եղբայրներն առաջարկեցին ինձի փախչիլ՝ համոզել ուզելով զիս, թե փախչողը միայն կրնա փրկվիլ:

Բայց մերժեցի լքել տառապանքի իմ հին բոլոր ընկերներս, մանավանդ որ մտքիս մեջ արդեն ծրագիրներ մշակել սկսած էի, ամբողջ քարավանով փախչելու...

Կեսգիշեր էր, երբ ոստիկանական պահականոցի սպան այցելութեան եկավ համաձայն իր խոստման, բայց երբ տեսավ 8—10 աքտորականներ, որ իրարու եկած սրտում տխուր նստած իրար կը մխիթարեինք, կասկածեցավ, թե գուցե փախուստի ծրագիրներ կ'որոճանք. ուստի տանտերը և զիս միայն

ձգելով, մյուսները դուրս կանչեց և հանձնարարեց, որ երթան իրենց տեղերը ու պառկին...

Չանկրբիեն մեկնելի վերջ՝ առաջին գիշերն էր, որ բախտունեցա անկողնի մեջ պառկելու, սակայն ոչ մեկս կրցանք քնանալ: Եվ մի՞թե այսքան հոգեկան հուզումներն և մարմնական տառապանքներն վերջ քնել հնար էր մեզի: Արշալույսը հագիվ ողջունած, եղած հրավերին վրա այցելեցի կեսարացիներու այս քարավանին մնացորդ անդամներուն, որոնց մեջ, ինչպէս կանխավ հիշեցի, կային 2 իսլամացած քահանաներ կանաչ փաթեթոցներով: Բարեբախտաբար մեր տարագրութեան ամբողջ շրջանին մեջ միայն ուրացող այս երկու եկեղեցականներուն հանդիպեցանք:

Բնականաբար իրար մխիթարեցինք առանց ծանրանալու իրենց բռնի իսլամացման վրա. և նույնպէս ցույց տալով իրք թե կ'անգիտանայինք երկու քահանաներուն իսլամացման հանգամանքը: Մանավանդ որ այս վերջիններն ալ կը ջանային քահանայակաւն իրենց նախորդ հանգամանքը թաքցնել:

Մեկնելու ազդանշանը տրված էր, և հարկ էր բաժնվելինք մեր կեսարացի ընկերներն, որոնք ձյունը պատրվակելով և մեծաքանակ կաշառք տալով պիտի մնային դեռ 10—15 օր մինչև ձյունհալը, որ ատեն կը հուսային, թե ճամփան կրնար բացվիլ վերջապէս: Իսկ այս բացառիկ թույլտվութեան պատճառաբանութիւնը սա էր, որ շատ բեռներ և կին ու փոքրիկ մանուկներ ունենալուն, ձիերով ստիպված էին անցնիլ ձյունապատ այս սարերն ու կիրճը:

Սակայն մեզ ճամփա հանեցին ըսելով, որ մենք այրեր ենք ու հետիոտն կրնանք անցնիլ ձյունի թանձր խավերուն վրա երիզվող նեղ արահետն, որը հազիվ երկու թզաչափ լայնութիւն ունեն:

Երբ ճամփա պիտի ելլեինք ու քարավանի բոլոր անդամներն շարվեցանք զուգ-զուգ, ըստ սովորութեան տեղի ունեցավ ոստիկանական համրանքը, ստուգելու համար, թե ամբողջ ենք, պակաս անձ կա՞, կամ փախչող եղա՞ծ է: Ենթասպան մեր անուններու պաշտոնական ցանկը ձեռքը՝ սկսավ բարձրաձայն կարգալ յուրաքանչյուրիս անունը, և մենք կը պատասխանեինք մեր անունը կարգացվելու ատեն— հոս է («պուրատա տըր») — ըսելով: Ո՛րչափ մեծ եղավ մեր ամենքին զարմանքը և երկյուղը, երբ հանկարծ տեսանք, որ մեզմե բացակա

էր յողկատցի 12 ամյա պատանի մը: Եվ ահա շշուփ մը ելավ յողկատցիներեն, թե փախած է... Ամենքս ալ ապշեցանք ըրած հանդգնութեանը վրա. ձյուն ձմեռ, այս ամառի լեռներուն վրա ո՛ր կրնար փախչիլ. եթե ազատեր իսկ երկոտանի վագրերն, պիտի զոհ երթար շորքոտանի սովալլուկ գայլերու...

Շուրջ մեկ ժամ փնտրութիւններն և այս պատճառով հապաղումն մը վերջ՝ ճամփա ելանք մեծ մտատանջութեամբ: Որովհետև ցարդ դեռ կորուստ ունեցած չէինք և առաջին զոհը կու տայինք:

Ենթասպան հեգնոտ ծիծաղով մը ըսավ.— Անհոգ եղբք, ես կը գտնեմ և կ'ուղարկեմ ձեր ետեան և անպատճառ կը հասցնեմ ձեզի:— Վերջապես մենք ճամփա ելանք, բայց մեզի ընկերացող մեր պահակ ոստիկան զինվորներն ըսին մեզի գաղտնապես, թե մեզի իրավունք տրված է առանց այլևայլ գնդակահարել փախչողները և մենք պատասխանատու չենք ասոր համար. հետևապես ալ փախչողին մի՛ սպասեք, անոր հաշիվը կը մաքրեն մեր ընկերները:

Արդարև մեր մեկնումն վերջ, Կազպելեն ճամփա ելող և մեզի հասնող անցորդ ոստիկան զինվորներն իմացանք, որ փախչող պատանին գտած են Թոմարգա գնացող ճամփուն վրա և տեղն ու տեղը սպանած փայտի հարվածներու ներքև:

Մեկ կողմն թեպետ ա՛յնքան վիշտ զգացինք տառապանքի խեղճ ընկեր մը, որ մեր քարավանին Բենիամինն էր, կորսնցնելու համար, մյուս կողմն մեզմե ամեն անոնք, որ փախուստի վրա երբեմն փորձված էին խորհիլ գաղտնապես, այլևս փախուստով ազատութեան ամեն հուշս կորսնցուցին, տեսնելով եղբրական վախճանը այսպիսի հանդուգն փորձի մը:

Ստուգիվ եթե ոչ անկարելի, գեթ հուշ գովար է մեզի իրական գուլնով պատկերացնել այն տաժանելի ճամփորդութունը, որ ըրինք Ավշարներու Քեոսելեր գյուղեն մինչև մեր երկրորդ գիշերած իջևանը Սարայճք: Որ այս անմատուց և վայրենի լեռներով շրջապատված կիրճին մեջ քուրդ փոքրիկ գյուղ մըն էր 25—30 խրճիթներով, որոնք ձյունի տակ թաղված և կքած՝ իբր թե փլչելու վրա ըլլային:

Այս երկու գյուղերու ճամփան, որ ամառ ատեն ոտքով հագիվ 1—1½ ժամ էր, մենք 5—6 ժամն հազիվ կրցանք անցնել ձյունին պատճառով, որ ծածկած էր ամբողջ կիրճը՝ 2—3

մետր թանձր խավով մը, այսպես շաբաթներով խափանելով ամեն հաղորդակցութիւն:

Մինչպէս ցարդ մաքառած էինք մարդկային ոճրապարտ ամեն հետապնդումի դեմ, այժմ եկած էր բնութիւնը իր սաստկաշունչ խստութեամբ մեր դեմ հանելու տաժանելի գովարութիւններ, լրացնելով մարդ—գազաններու ըրած շարիքներու խուժողութ պակասը: Իսկ մենք արդեն մեր կես ճամփան վաղուց անցած ըլլալով, արդեն սպառած էինք և հալ ու մաշ եղած, և անգոր էինք այլևս սովալլու մեզ նոր ի նորո ուժասպառ ընող այս ամեն խոշորոտներուն:

Գթոտ քայլերով և հուշ դանդաղ գնացքով մեր հարյուր հոգինոց քարավանը 18 տարեկան պատանիներն մինչև 80 տարեկան հյուծած ծերունիներ, ոմանք նույնիսկ բոկոտն, սկսանք ելիչել կիրճին ձյունապատ արահետը: Մեզմե շատեր կը կրեին իրենց և ընկերներուն անհրաժեշտ բեռները, օրինակ հացի տոպրակ մը մեկ քանի կտոր մնացորդ ճերմակեղեն, աղտոտ և հին վերմակի ծվեն մը, ծվեն-ծվեն զգեստներ կամ մաշած կոշիկներ, ջուրի թիթեղյա ըմպանակ մը, մաշած եվրոպական ծածկույթ մը (պաթանիա) և այլն: Մեկը մյուսն անհրաժեշտ ու պիտանի, որոնցմե ոչ մեկն հնար էր բաժնվիլ, քանի որ անցյալ փառքի ու հարստութեան վերջին մնացորդ բեկորն էին ասոնք...

Ուղտերու միաշարք և երկարածիգ քարավանի մը նման՝ իրարու ետև կը տողանցեինք՝ ծայր աստիճան զգուշավորութեամբ: Որովհետև մեկին գայթուժը և ձյունի մեջ խրումը պատճառ կ'ըլլար իրմե վերջ եկողներուն ընկրկումին և շփոթումին:

Կիրճը երկար շաբաթներ ձյունի ներքև թաղված ըլլալով, գյուղացիներ ճարահատ արահետ մը կրցած էին բանալ 2 թզաչափ լայնքով, որուն վրա ձյունը կարծրացած էր և վրայով հնար էր քալել: Իսկ երբ շփոթած կամ մոլորած քայլ մը պատճառ ըլլար դուրս գալու այս արահետն, արդեն ենթական ինքզինք կը գտնէր ձյունի մեջ թաղված մինչև իր պարանոցը:

Օդը թեպետ սկիզբը պայծառ էր, բայց հետզհետ թուխպ ամպերով սկսավ մթագնիլ Տավրոսի լեռներու այս վայրենի կատարները: Ժամ առաջ կտրել անցնիլ պետք էր այս հայ Գողգոթայի ձյունալից վերելքը. բայց քանի՛ կ'աճապարեինք, ա՛յնքան կ'երկարեր ճամփանիս, կամ ավելի ճիշտ բացատրութեամբ,

մէջ վատույժ և գթոտ քայլերուն համար շատ երկար ըլլալ էր թիվէր 1—1½ ժամական ամառնաշին ճամփան, որ այժմ 5—6 ժամ կը տևեր:

Մեր թշվառ քարավանին ծերունիներուն մեջ կար նաև անհի քան յոթանասունամյա ալեգարդ և պատվական բահանա Տ. Հուսիկ Քաջունի: Սա հոգելույս Տ. Եղնիկ եպիսկոպոս Ապահունիի Արաբկիրի առաջնորդութեան օրով 1880—1890՝ առաջնորդական փոխանորդ եղած էր: Աչքը կուշտ և հայրենուսեր Աստուծո այս անձնվեր պաշտոնյան՝ հայ քաղաքական անդրանիկ շարժումներուն առաջին զոհերէն մեկը եղած էր և հեղափոխական Ապահունի Եղնիկ Սրբազանին հետ Պոլիս բնրված էր իբր արտորական: Երկար տարիներ բանտը մնալի վերջ, ազատելով Պոլիս բռնադատված էր ապրելու կառավարական որոշումով: Գավառացի հայրենասեր ու ամոթխած այս Աստուծո սղնիք պաշտոնյան Պոլսո թաղային անշուք եկեղեցիներէն մեկէն մյուսը կը նետվեր փոխանորդարանին կողմէ, իսկ ինքը անտրտունջ կը տաներ իր խաչը, անվոք ըլլալով մրցելու իր պոլսեցի սքեմակիցներուն հալածող մրցակցութեան դեմ: Բարի քահանան ինք իր մեջ ամփոփված, արցունքը աչքէն սիրտը թափելով՝ միայն ինք զինք նվիրած էր իր երեք մանչ զավակներուն կրթութեան, որոնց թե՛ հայրութեան, թե՛ մայրութեան ըրած էր՝ շատ կանուխ այրիացած ըլլալով: Եթե ոչ անոթի՝ գոնէ շփազանց զրկանքով ինք ապրելով, իր զավակները Պերպերյան վարժարան զրկած և շրջանավարտ ընել տված էր:

Թ՛Տ, Ի՞նչ հեղեղութեան ու նախատինք արդարութեան, երբ իրենց հոր արժանավոր նմանութեան բերող այս երեք զավակներն՝ իբր մարդկած կտրիճ սպաններ՝ օսմ. գործոն բանակին մեջ ծառայելով Դարդանելի մեջ զնահատման ևս արժանացած էին: Ահա այս քաջերուն ալևոր հայրը ձերբակալելով Պոլսէն մեր առաջին քարավանին հետ ճամփա հանած էին և մեզի հետ բաժնեկից էր մեր ճամփու բոլոր տառապանքներուն:

Թեպէտ կարելին ըրած էի նյութապես և բարոյապես մխիթարելու համար Աստուծո այս արժանավոր ծերունի պաշտոնյան, բայց ավելի քան յոթանասուն երկար և տաժանակիր տարիներու բռնան տակ կըրած՝ անկարող էր անշուշտ տանելու հայ խաչի փշալից և արյունոտ այս ճամփան մինչև վերջը: Հարած ու մաշած և աչքերը ձյունի սպիտակութեան

շմորած՝ հանկարծ թաղվեցավ ձյունին մեջ, շիրնալով իր հասարակչութեանը պահել այսքան նեղ արահետի մը վրա շամեր երկար:

Բավական երկար ջանքեր պետք եղան և շատ ժամանակ կորավ, մինչև որ կարելի եղավ զինք ազատել ձյունի թանձր խավերուն մեջէն, ուր թաղված էր խորը: Բայց ինք ձյունէն զուրս գալի վերջ կ'աղաչեր, որ զինք թողունք ճամփուն մեջ ու անցնինք երթանք... ու կ'ըսեր հուզված շեշտով մը, որ արդէն հավիտենականութեան կը բուրբ... — Հայր սուրբ ալ դիմանալիք տեղս չմնաց... ա՛լ հերիք է... երբ որ է պիտի մեռնիմ... ասկե լավ ու հանգիստ մահ չեմ կրնար գտնել, զիս հոս թողուցեք ու գնացեք...: Միայն մի մոռնար իմ կողմես համբուրելու երեք զավակներու՝ Եղնիկիս, Եղիշէիս և Դարեգիշիս աչքերը... պատմե մեր ճամփու այս տառապանքը... և մի մոռնար գրել մեր քաջած այս անպատում թշվառութեանները...

Համարյա բոնի քաջեցինք տարինք մեզի հետ և մեծ դժվարութեամբ բերինք մեր իջևանած գյուղը՝ Սարայճքը:

Թշվառ ալեգարդ քահանան իրավունք ուներ ըսելու, թե իրկութեան չկար մեզի համար, որովհետև ամիս մը վերջ՝ հյուժած ու բուրբովին սպառած հասնելով Դամասկոսի գյուղերէն մեկը, ուրկե պիտի շարունակեր ճամփան դեպի հայրութեան մեծ գերեզմանը Տեր էլ Զոր, բազմավաստակ ուսուցիչ Երվանդ Չավուշյանի հետ կը հյուրասիրվի պանտրմացի աղանձով ազգակիցներու վրանին մեջ, երբ հաջորդ օրը ամենքն ալ միասին պիտի մեկնին եղեր դեպի Նիսիպին: Բայց բազմաթիվ հիվանդներու պատճառով ամբողջ քարավանով կը ստիպվին մնալ հոս, և երկրորդ օրը Աստուծո, այս բարի ու տառաբախտ պաշտոնյան առավոտուն կը գտնեն իր խշտակին վրա վախճանած: Շիջած էր ինքն իրեն՝ յուզն սպառած առկածյալ կանթեղի մը հանգույն..., անեծքը սառած իր օրհներգութեան վարժ շրթներուն վրա...: Հաջորդ օրը նույնպես կը մեռնի այս տեղը նույն վրանին ներքիվ տարաբախտ ուսուցիչն ու հեղափոխական գործիչը ողբացյալ Չավուշյան, ան ալ հանգեով կանթեղի մը նման:

Արդէն երկար ամիսներու այս ճամփու անուշիկ դաժանքը սպառած էր վաղուց երկունքն ալ, և միայն շոր պատյան մը մնացած էր իրենցմե..., ան ալ կը հանձնեին հողին. իրենց

տառապանքի ընկերներն, ճանկերով փորելով ավազն ու թաղելով այնչափ միայն, որ հազիվ հնարեր ծածկել ավազի նուրբ խավով մը...

Տառապանքի ու աքսորի աշնիվ ու անմոռաց ընկերներ. թող օրհնյալ ըլլա ձեր ևս հիշատակը, որ գնացիք ավելցնել թիվը միլիոնավոր այն հայ նահատակներուն, որոնք զոհաբերվեցան Գայրենիքի սուրբ սեղանին վրա: Թող օրհնեն նաև ձեր հիշատակը ապագա հայ սերունդներ դարեր երկար¹:

Վերջապես մեր կյանքին ամենասև հիշատակներեն մեկ էջը կազմող տաժանելի աս ուղևորութենեն վերջ, հասանք քուրդ գյուղ մը՝ Սարայճըք: Բարեբախտաբար անտառապատ այս կիրճին մեջ փայտը առատ ըլլալով, ճարճատող խարույկներու առջև հավաքված սկսանք շորցնել մեր թրջած հագուստները և սառած ոտքերը, և պատմել իրարու մեր արկածները: Որովհետև հարկ է հոս հիշել, թե մեր քարավանին երկարածիզ շարքը այնքան իրարմե հեռու մնացած էր, որ իրարմե լուր չունեինք երբեք: Մեր երկարածիզ քարավանին որևէ մեկ կետին մեջ, պատահած արկածեն անլուր էին քարավանին հեռավոր ծայրեր գանվողները:

Յուրտը ալ առկել կը խարազաներ մեր անթուլթյունը, բայց մեզմե շատեր դրամ չունեին հաց գնելու: Իսկ ունեցողները ևս բավականաչափ հաց չէին գտներ, որովհետև փոքրիկ լեռնային գյուղ մը ըլլալով՝ անկարող էր անակնկալորեն եկած այսքան և բազմաթիվ ինքնակոչ հյուրեր կերակրելու:

Մանավանդ մեր 50 յոզկատցիներն շատ դժվարավճար ճարակ ըրինք գոնե շոր հացով մը կերակրելու: Ա՛խ, որչափ կը սքանչանայի այս թշվառներուն համբերատարութեանը, որոնք անտրտունջ կը տանեին իրենց սև խաչը ըսելով հաճախ.— նե յափալըմ միլլեթ ուղուրունա շեքեճեխ... պունատե... պին շյուբյուր: Այսինքն՝ ինչ ընենք, ազգի սիրուն պետք է քաշենք... ասոր ալ հազար փառք տանք...

Հաջորդ օրը սոյասեցիներ, որ արևը ձմեռնային իր ջերմութեամբ քիչ մը մեղմացնե խտացած օդի ցուրտ մթնոլորտը, որ իր հզոր ճշումով արգիւք կ'ըլլար մեր արյունին ներքին շրջաբերութեան:

¹ Ողբացյալ այս մեր երկու ընկերներուն մահվան վերջին վայրկյաններուն սրտաճմլիկ պատմութիւնը լսեցինք նույնիսկ այն պանտրամացի ազգայինն, որուն վրանին մեջ հալիտենապես փակած էին իրենց աչքերը:

Վերջապես ճամփա ինկանք դանդաղ քայլերով դեպի կիրճին հարավային վայրէջքը, երբ հետզհետե աներևութացան ձյունի թանձր շերտերը, մեղմ կլիմայի մը առթած հաճելի և տանելի տպավորութեամբ մը:

Թեպետ այլևս ձյունեն դուրս եկած էինք, բայց այժմ ալ մտած էինք ցեխի կավոտ և լարծուն արահետներու մեջ, որոնք փակչելով մեր ոտքերուն, ոչ նվազ տաժանելի կը դարձնեին մեր ճամփան: Վերջապես ձյուն ըլլա թե ցեխ, քար ըլլա թե ավազ, ամենքն ալ միացած էին անտանելի դարձնելու համար մեր տարագրութեան և տառապանքի ճամփան:

Աքսորական հայեր էինք, կը քալեինք ու կը քալեինք, կարծելով մեր ճամփան սպառել: Սակայն ընդհակառակը ճամփան էր, որ մեզ կը սպառեր: Որովհետև հալածական ու թափառական հայեր էինք, աճապարոտ քայլերով ժամ առաջ կ'ուզեինք հեռանալ արյունոտ այն վայրերեն, ուր մեր ետև կը թողվինք հարյուր հազարավոր նահատակներու սուրբ նշխարներու ցան ու ցրիվ բեկորներն ու գանգերը...

Այո՛, կ'աճապարեինք ժամ առաջ հասնիլ ցանկալին Կիլիկիա, որովհետև մեզմե յուրաքանչյուրը, ամիսներ տևող մեր ճամփու ընթացքին հավատացած էր, թե եթե ողջ հասնեինք Կիլիկիա, այլևս փրկված էինք... Բայց բա՛բե, ի՞նչ միամտութիւն... և ի՞նչ պակուցիչ հուսախաբութիւն...

Անցուցինք երրորդ գիշերը ևս դարձյալ քուրդ փոքրիկ գյուղ մը, ուր բազդատաբար մեզ հետ լավ վարվեցան: Դիտելի էր, որ քանի՛ հեռացանք Յոզկատ—Պողազլիան—Կեսարիա—Թոմարգա արյունոտ շրջաններն ու արհավրալից ճամփաներեն, և քանի՛ տակավ մոտեցանք Կիլիկիո շրջանին, ա՛յնքան թուրք ու քուրդ գյուղացիներ սկսան նվազ դաժան վարվիլ մեզի հետ և նվազ կողոպտել մեզ:

Չորրորդ օրը արևածագին հետ կանուխ մեկնեցանք, որովհետև որոշված էր նույն օրը հասնիլ Հաճըն:

Սկսավ վայրէջք մը, մեր ետև թողուցինք տակավ Կազպելի կիրճը, իր բազմաթիվ ձյունապատ լեռներովն ու երկնաբերձ կատարներովն, անտառուտ ձորերովը և սև-սև հիշատակներովը, և ահա սկսանք դանդաղ իջնել գահավեժ վառիթափ մը:

Հուսկ ուրեմն հասանք Հաճընի գետին ակը, որ կը կոչվի Չաթախ:

Հոս բնութեան տեսարանը արդարև հրաշալի էր, մեր քովերն

ի վեր կը բարձրանային գահավեժ սարեր, ծածկված ցան ու ցրիվ և ցանցառ մայրի ծառերով: Հաճախ սարերու գահավանդներուն վրա կը տեսնվեին թաքնված բնական քարայրներու նեղ անցքերը, իբր ժողովուրդ լեռներու խոռոչացած աչքեր, որոնք կը դիտեին մեզ և անխոս վկան կ'ըլլային մեր ահաբեկող տառապանքին:

Իսկ մեր առջև լերկ ապառաժներու ներքինն զուրս կու գար խորհրդավոր կերպով Հաճրնի գետը հորվահոս բխումով: Ինքնաբուխ ջուրի այս ակը հույժ հստակ էր, ականակիտ ու սառնորակ, իսկ համը ախորժաբեր, որ քանի խմեինք՝ ա՛յնքան կը սրվեր մեր հինցած ու մոռցված ախորժակը... Բայց ափսո՛ս, որ մեզմե շատ քիչերը հացի շոր շերտեր ունեին ծամելու, որով փոքրիկ պատան:էրով ամենքս ալ բաժնեկից եղանք այս շոր ու ցամաք հացկերույթին:

Ասոր ալ փառք կու տայինք, որ գոնե վճիտ և անուշ մշտահոս ջուրի ակ մը ունեինք առջևնիս, որ գոնե մեր այրած շրթներուն զովութուն կու տար: Մինչ անապատներու մեջ հետո մեր ընկերները ո՛րչափ կարոտը քաշեցին հացի՝ ա՛լ ավելի պասուքը կը զգային այրող ծարավի: Փուլք չէր, թե աղտոտ, նեխած և հորի դառնահամ քանի մը կաթիլ ջուր գտնեին հագեցնելու համար պապակը շորցած իրենց շրթներուն, միայն թե սակայն գտնեին...

Այս ջրաբաշխ ապառաժներուն առջևը նստանք մեկ ժամե ավելի, և բավական կազդուրված ճամփա ինկանք:

Ապառաժներե բխող Հաճրնի Չաթախ կոչված այս գետի ակին մոտը՝ 50 քայլ վարոք կար ջրաղացք մը, որ հաճրնցիներու տարագրութենեն վերջ մոտակա թուրք գյուղացիներ՝ հետևելով իրենց տոհմիկ քանդիչ ընդունակության փլցուցած էին ու քարուքանդ ըրած՝ փոխանակ օգտագործելու և այլուր աղալու...

Սկսանք տակով իջնել Հաճրնի այս գետի ընթացքով միշտ դեպի ձորն ի վար:

Քանի՛ վար կ'իջնայինք՝ ա՛յնքան ձորն կը խորանար և պարտազանման սարերն կը ծառանային մեր վրա: Իսկ գետը դահավեժ ոստումներով ի թավալ կու գար օձապտուլտ և արագ վազքով, շառաշով ու շոինդով դեպի Հաճրն: Մեր ճամփան կ'անցներ միշտ գետի եզերքով, և հաճախ քարե կամուրջնե-

րով մերթ աջ և մերթ ձախ ափով մեր ճամփան կը շարունակեինք միշտ այս ձորի երկայնքն ի վար:

Հաճրնի Չ ժամ մնացած՝ սկսան երևիլ տակավ հաճրնցիներու դալարազարդ այգիները: Հայոց տարագրութեան հաջորդող 1916-ի առաջին գարունն էր. դեռ նոր սկսած էին ծլիլ ու ծաղկիլ այգիներն ու որթատունկերը: Տեղ-տեղ առդեն հարսի նման սպիտակ զարդարված էին գարնան ավետավոր նշենիներն, կարմրածաղիկ նունիներն ու խնձորենիները: Բայց ավա՛ղ տերերը շկային, անապատ տարված էին և հազվագյուտ էին արդեն ողջ մնացողները:

Այո՛, անտեր էին և՛ պարտեզները, և՛ այգիները, իսկ այգիներու ձորամեջի հյուղակները փլցված էին անգթորեն՝ գերանները վառելու համար:

Երբ քիչ մը անդին մայրի ծառեր իրենց մարմնեղ հաղթ կեցվածքով ասպարեզ կը կարդային իրենց հավիտենական թշնամին եղող կացիներն ու տապարին:

Մարտի կեսն անցած էր, և արդեն գարուն էր, մեր շուրջը ու մեր վերև ակնապարար կանաչություն մը և վերագարբնած ձոխ բուսականություն մը, կը մեղմացնեին բնության վայրագությունը մեզ շրջապատող հսկա և բարձրուղեղ լեռներուն:

Արդարև հրաշալի էր տեսարանը, ծաղկարույր դարաստաններու և խնկարույր այգեստաններու գարնան անուշ բուրումները մեզի կյանք ու արև կու տային: Ժրաջան մեղունեք հույլ ի հույլ բզզալով կ'երթային ու կու գային ու մեղր կը պատրաստեին անտիրական փեթակներու համար...

Դիտելով և խորհրդածելով կը սքանչանայինք հաճրնցիին ստեղծագործ այս աշխատանքին վրա: Որ լերկ ապառաժները դրախտի վերածած էր, և քարքարուտ լեռները այգի ըրած, ուր հազիվ այժմեր պիտի կրնային բարձրանալ: Ինք այդ ահավոր և վար կախված գահավեժներուն, դարավանդներուն և դարատափերուն վրա այգի տնկած էր ու ծառ ու ծաղիկ բուսցուցած: Աշխատասեր ժողովուրդ մը, որ ապալիք ժալոերը ծաղկաստանի ու այգեստանի վերածած էր և քարերը հացի փոխած:

Բնության այս հոգեթով հարությունը տակավ կ'ոգևորեր մեզ ամենքս. և մեր առօրյա տազնապաններն ու տառապանքներն ձերբազատված՝ տակավ կը զվարթանայինք: Մահվան մեր մեջ այլևս հինցած հնհնություններն հեռանալով, նոր հույսե-

րով կը լեցվեինք՝ ի տես գարնանային գեղազվաբճ բնության այս գունագեղ դալարազարթումին:

Մանավանդ ուրախ էինք, խորհելով, որ երկար շաբաթներ դեգերելի վերջ ամալի և վայրի ճամփաներու և լեռներու մեջ այժմ բախտն պիտի ունենայինք հանգիստ գիշեր մը անցընելու Հաճընի մեջ:

Քայց մյուս կողմեն, ո՛րչափ կը մոտենայինք Հաճընի, ա՛յնքան վշտի սև որդը կը կրծեր դարձյալ գաղտնապես մեր տառապահչուժ հոգիները, և կը շեղոքացներ վերազարթնած բնության մեր վրա առթած քաղցր տպավորութիւնը: Որովհետև անցնելով հանդերձ հետզհետե լայնցող ձորն ի վար հարյուրավոր այգիներու մեջեն, դեռ ոչ մեկ կենդանի շունչի, ըլլա մարդ թե անասուն, չէինք հանդիպած, ամեն ինչ լուռ էր և ամալի...

Ա՛խ ո՛րքան դառն էր վերհիշել այն երջանի՛կ օրերը, երբ հանճընցի երիտասարդներ, հարսներ, աղջիկներ ու տղայք՝ սփռված այս հարյուրավոր այգիներուն մեջ կը փորեին ու կը ցանեին, կը տնկեին ու կը քաղեին՝ հայրենի երգը բերանին և աստվածային օրհնութիւնը վրանին...: Օ՛հ, երանի՛, բոլոր երանի՛ այն օրերուն, երբ աշխատասեր հայ ժողովուրդին շինարար և ջլապինդ բազկուկներն՝ մոգական հպումով մը դրախտի վերածած էին քարքարուտ և ապալեր այս ամեհի լեռներն ու գահավեժ զառիթափերն, մինչև անելանելի բարձունքներն երկնաբերձ լեռնային կատարներու...

Արդոք պիտի գայի՞ն դարձյալ այդ երանելի օրերն... ո՞վ գիտեր...: Ա՛խ թող գային... թող գային... և այս անիծյալ սև օրերն երթային... ու ա՛լ չգային...

Արդեն տեղ-տեղ կը նշմարեինք, որ իրենց տերերեն թափուր մնացած այս բոլոր այգիներուն մեջ սկսած էին չորնալ խնձորենիներ, տանձենիներ, սալորենիներ ու որթատունկեր... Մեկ կանգուն բարձրացած այգիներու վայրենի խոտը, իր մեջ խեղդած էր պտղատու ազնիվ ծառերն ու երբեմնի ողկուզալից որթատունկերը: Մտո ու ծաղիկ կարծես մեզի կը հարցնեին մեր սրտերուն միայն լսելի անխոս ձայնով մը, թե ո՞ր են մեր տերերը... մեր սիրելիներն... ե՛րբ պիտի գան անոնք... ե՛րբ մեզ պիտի ազատեն մեզ խեղդող այս վայրենի խոտերեն... թող շուտ գան՝ քանի դեռ կենդանութիւնն նշան ունինք... Հետո շատ ուշ է...

Իսկ այգեստաններու մրգապահներու հյուղակները և օդափոխութեանց համար շինված այգետուններու դուռները, պատահանները և հարկաբաժիններու մեծ ու փոքր բոլոր գերանները քաշած առած տարած էին այրելու համար..., իբր փայտ վառելու համար:

Ստուգիվ թուրք ցեղը իբր փլցնող, կործանող քանդող, ավեր ու ավերակ, ալան ու թալան ընող, կեղեքող ու սպանող կրնար առաջին մրցանակ ստանալ մարդկային բոլոր ցեղերուն մեջ: Ցեղ մը, որ երբեք շինել չէ գիտցած, ցեղ մը, որ դարեր շարունակ փլցուցած է ու կործանած իր դրացիներուն շինածներն առ նախանձու, կարծես ապացուցանելու համար, թե ինք ալ բան մը կրնա ընել, և եթե չի կրնար շինել, գոնե քանդելու անիծյալ հատկութիւնը ունի...

Ի դեպ չէ՞ հիշո՛ւ հոս Փոքր Ասիո մեջ առածի կարգ անցած սա խոտքն, թե եթե շինել կ'ուզես՝ քրիստոնյա բանվոր բեր, իսկ եթե տուն մը վար առնել կամ քանդել կ'ուզես՝ թուրք բանվոր բեր:

Արդարև մասնավորաբար թուրք մայրաքաղաքին մեջ՝ չէ տեսնված, որ թուրք բանվոր մը ուզե աշխատիլ շինութեանց մեջ..., բայց երբ հին տուն մը փլցնել հարկ է, թուրք բանվորները անպատճառ կ'երթան, ըստ իրենց տոհմիկ արհեստին, իրենց ցեղային ընդունակութիւններն փայլեցնելու համար...

Այս տպավորութիւնը կրեցինք ոչ թե Հաճընի այս այգիներուն առջև, այլ մեր ամբողջ ճամփու ընթացքին: Մանավանդ երբ հետո Ադանա գնացինք ու մնացինք թաքնված այգիներու մեջ և տեսանք ամեն կողմ անիծյալ հետքերն թուրքի ընտոծին այս քանդիչ հատկութիւններուն...

Նույնիսկ ճամփաներու վրա գտնված կամուրջներու գերանները վերցուցած տարած էին, խորհելով անշուշտ, թե ա՛լ «գլավուրները» գնացին անդարձ, և այս տեղերու ճամփաներն ալ ոչ ոք պիտի անցներ...

Երբ մոտեցանք քաղաքին, տեսանք հայ կորաքամակ մեկ քանի պառավներ, որոնք մոտակա այգիներուն մեջ ցրված ուտելու համար խոտեր կը հավաքեին:

Այս թշվառ հայ մամիկներն և սևեր հագված 8—10 կիներ վտիտ և ազազուն ձգված էին քաղաքը, իբր զինվորի ընտանիքներ, մինչ աղջիկներն վաղուց առևանգված և իրենց հարեմ-

ները տարված էին: Իսկ այս պատավանդներն թողված էին, իբր բու ավերակի...

Աստուծո ցնցոտիներու մեջ, բոկոտն և գլխարաց ելած էին սեզագրիներ ժողովելու, որպեսզի խաշելով ուտեն... Որովհետև խստաշունչ ձմեռն ընթացքին ամեն ինչ ծախած էին և այժմ միայն խոտը մնացած էր իրենց ապրուստի վերջին ապավենը:

Իբր այս թշվառ հայ պատավանդը և կիները մեր գալը տեսան հեռվեն, խաշակնքելով վազեցին դեպի մեր քարավանը ու մեկ քանին քովս գալով երկյուղածությամբ կը համբուրեին ձեռքերս ու կ'ըսեին հաճընցիի դժվարահասկանալի գավառաբարբառով.— Ույ, փառք քեզ Աստված, տահա հայ կա եղեր աշխարհին վրա...— Օգտվելով մեր քարավանին ցրված վիճակեն և մեր հսկող պահակ ուստիկաններուն երկու ծայրերը իբր առաջապահ ու վերջապես մեզմե հեռու գտնվելեն, հարցերու տեղատարափով մը կ'ուզեին տեղեկութուններ քաղել մեզմե, ըսելով, որ իրենք արտաքին աշխարհեն բոլորովին կտրված են...: Մինչդեռ մենք վայրենացած էինք լեռն լեռ, սարն սար, գավառն գավառ մեր շաբաթներ ու ամիսներ տևող ճամփորդությամբը:

Իրենց ծով ցավերն մեզի կը պատմեին լալով և մեր քարավանին կ'ուզեկցեին դեպի քաղաք, խոստանալով երբ գիշերեինք Հաճըն, մեզի իրենց աղքատիկ սեղանեն բաժին հանել, և մեկ քանի դեռ մնացած հայ ունևորներեն մեզի հաց ճարել...

Անոնք կու լային մեր վրա, մենք ալ իրենց վրա...

Հետզհետե քաղաքը գտնվող հայ կիներ տեսնելով մեր քարավանին մոտենալը, կը հավաքվեին մեր ճամփուն վրա չորին մեջ, և հարցեր կու տային ու նարինջներ կը բաժնեին մեզի, մինչև որ ուստիկան զինվորներն նշմարվելով գանակոծվեցան և նարինջ տվող կիներն, և նարինջ առնող այրերը:

Վերջապես հասանք Հաճընի կառավարական շենքին առջև 8—9 ժամվա ճամփորդութենն վերջ, ու կը սպասեինք, որ մեզի հանգիստ և գիշերելու տեղ մը ցույց տան:

ՀԱՃՐՆԵՆ — ՄԻՍ

ԱՅՐԱՆ ՈՒ ԿՄԱԽԱՅԱՆ ՔԱՂԱՔ ՄՐ

Արդեն Հաճընի առջև հասած էինք արևամուտեն քիչ վերջ, իբր մեր առջև պարզվեցավ կրկին իրապես սրտաճմլիկ տեսարան մը:

Հաճըն, որ 1915-ի հայոց տարագրութենն առաջ 28.000 բնակչով զուտ հայաբնակ քաղաք մըն էր՝ շուրջ 5000 տուներով, այժմ ավերակներու կույտ մըն էր: Հայոց տարագրութենն քիչ վերջ 1915-ի աշնան թուրքերը այրած էին քաղաքը, մի անգամ ընդմիջտ վերջ տալու համար երբեմնի Ռուբենյանց հռչակավոր Վահկա բերդի մոտակա հայ արծիվներու այս լեռնային բույնին:

Այրված քաղաքեն միայն մնացած էր քաղաքին բարձրության վրա հայոց դպրոցին քարաշեն և հոյակապ եռահարկ շենքը: Իսկ քաղաքին ստորոտը մնացած էին միայն հազիվ 200 տուներ աղքատիկ հայերու: Ասկե զատ քաղաքին ստորոտը Միս երկարող ճամփուն վրա դեռ կանգուն էր կառավարական շենքը, և ասոր մոտակա 50 տունի մոտ կառավարական թուրք պաշտոնյաներու բնակարանները փայտյա վանդակներով «խաֆես»:

Հաճըն կը գտնվի ձորի մը մեջ, որուն մեջտեղեն կ'անցնի Հաճընի գետը և երկու կողմը կը բարձրանան բավական հսկա լեռներ, որոնց ձախակողմը (դեպի Միս) լեռներու գահավանդին կառուցված է քաղաքը: Իսկ գետին հետ զուգընթաց կ'երթա մեծ պողոտան դեպի Միս: Գետին աջակողմի սարավանդակին վրա կառուցված է քարաշեն և պարսպապատ ս. Հակոբ Մժրնա հայրապետի պատմական վանքը՝ բավական զեղեցիկ շինվածքով:

Միայն այս վանքն էր, որ քաղաքին հեռու, հանդիպակաց սարավանդին գտնվելուն՝ ազատ մնացած էր հրդեհի լափիլիղղ բոցերու ավերիչ հպումեն:

Քաղաքը, որ ամֆիթատրոնի մը ձևով սարի լանջքերն ի վար երկարելուն՝ դիտողի մը աչքին մեկ ակնարկով կարելի էր պատկերացնել, պարզապես ահավոր կճախքի մը տպավորությունը կը թողուր մեր վրա: Որովհետև հազարավոր տունք

այրած ըլլալով ասոնց մերկ պատերն դեռ կանգուն էին, ու մեզի շատ բաներ կը պատմէին միայն տարբի մը առաջ անցած եղերական դեպքերին:

Իսկ մեկ քանի այրված եկեղեցիներու հաստ որմերը և ասոնց քարուկիր ու կամարակապ խորանները ու կամարները դեռ ցցված կը մնային, իբր հավիտենական բողոք ընդդեմ թուրք անողորմ վայրագութեանց և զազանային նախճիրներու:

1915-ի ամռան հնչակյան պիտակի տակ և Արամ անունը կրող դավաճան մը՝ թուրք ոստիկանական պաշտոնեից և ոստիկան զինվորներու հրամանատարին մատնած էր պահված զենքերու թաքստոցները, և ամլութեան դատաւարտած էր մեկ կողմեն ո՛րևէ ընդդիմութիւն, իսկ մյուս կողմեն թուրք կառավարութեան ամբաստանութեան նյութ ընճայած էր թշվառական հայ դավաճանը: Թեպետ խուզարկութեամբ գտնված առանց այս զենքերուն ևս հայութեան մահվան վճիռն արդեն կարգացված՝ և տապանագիրը ևս վաղուց գրված էր:

Կիլիկիո շրջանին մեջ առաջին անգամ Զեյթուն՝ նախքան հայոց ընդհանուր աքսորը տեղահանված էր, քիչ վերջ ևս Հաճընի ժողովուրդը, կանխելով այսպես ընդդիմութեան և ներքին կնճոռտութեանց ամեն հավանականութիւն:

Հաճընի 28.000 զուտ հայ բնակչութենէն և շրջակա 22 հայ գյուղերու հայութենէն հազիվ մնացած էին 350-ի շափ անշափահաս մանուկներ և զառամած ու կորաքամակ պառավներ: Մնացյալ ժողովուրդը քշված էր անապատ՝ արշան իր տուրքը վճարելու համար հայ ազատագրութեան դարևոր դատին:

Եթե ամբողջ Կովկասի մեջ Ալեքսանդրապոլը միակ զուտ հայաբնակ մեծ քաղաքն էր 30.000 հայ բնակչութեամբ, ուր բացի սահմանապահ ուս զինվորներու հսկա բազմաթիվ զորանոցներէն ամեն ինչ հայկական էր, նույնպես թուրքիո մեջ ևս Հաճընը միակ քաղաքն էր, ուր բնակչութիւնը միայն հայերէ կազմված էր և ըստ նորագույն թուրք վիճակագրույցներու՝ կը հասնէր հայոց թիվը մինչև 28.000-ի:

Թուրքը ուզած էր այրել ու հիմնահատակ կործանել այս զուտ հայաբնակ քաղաքը, որպեսզի անգամ մըն ալ հայերը շիրման այսպիսի անմատչելի լեռներու և կիրճերու մեջ արժիվներու անառիկ բույներ շինել ու բռնակալ կառավարութեան գեմ գլուխ ցցել:

Այո՛, Հաճըն քաղաքը իրական կմախք մըն էր, որ թե՛ մեր

աշքերուն և թե՛ մեր սրտերուն կը խոսեր անձա՛հն, հուզելով մեզ և նոր վերքեր բանալով մեր արդեն խոցոտ սրտաչափ վրա:

Տեղահանութեան առաջին օրերուն 1915 ապրիլի քաջաքին հանդիպակաց սարավանդին կառուցված ս. Հակոբ Մծբնա հայրապետի վանքին մեջ, եկած դիրք բռնած էր Ադանայի նահանգին ոստիկան զինվորներու արյունոտ զրամանատար Ավնի իր 2000 կանոնավոր բանակի զինվորներով, հարյուրավոր ոստիկան զինվորներով և Հաճընը բռնադատած անձնատվութեան:

Գիշերով վանքին շուրջը զետեղելով բազմաթիվ լեռնային թնդանոթներ, քաղաքը իբր թիրախ գործածած և սպառնացած էր ոմբակոծել, եթե ամենափոքր ընդդիմութիւն մը համարձակեր ընել հաճընցիին:

Իսկ դավաճան Արամ, վիժած հնչակյան մը, մի առ մի ցուց տված էր հաճընցիներու զենքի պահեստի բոլոր նկուղները, և Ավնի հաճընցիներու բոլոր զենքերը ձեռք անցուցած էր մեծ մասամբ այս մատնիչին ցուցմունքներովը:

Որով անհնար դարձած էր այլևս լուրջ ո՛րևէ ընդդիմութիւն: Ադանայի ոստիկան զորքերու այս արյունկալ հրամանատարը Ավնի՛ ապա հաջորդ տարի ամռանը տեղահան ընելով ջարդել տվավ Ամանոս լեռներու մեջ երկաթուղիի գծին վրա աշխատող ավելի քան 10.000 հայերը Պաղքե—Մարաշ լեռնային ճամփուն վրա:

Ահա այս կմախացած դժբախտ քաղաքին առջև էր, որ հասանք 1916-ի մարտի կեսին, և կառավարական շենքին առջև սպասեցինք ժամե մը ավելի, որպեսզի մեզի գիշերելու տեղ մը շնորհվի: Փուլթ չէ թե մեր գիշերային իջևանը ավելջակներու ներքև թաղված նկուղ մը ըլլար կամ կենդանիներու ախոռ մը:

Շուրջ 9 ժամ քալելի հոգնած և ամբողջ օրը հացի շոր պատառե մը իսկ ամենքս զրկված, անհամբեր կը սպասեինք, որ վերջապես կարեկցելով մեր թշվառ վիճակին, գոնե մեկ գիշեր տաքուկ ապաստան մը տային մեզի:

Իզուր կը սպասեինք գթութիւն՝ հայութեան արյունածառով թուրք մեր դահիճներին: Իզուր ոստիկան զինվորներ և կառավարական թուրք պաշտոնյաներ կու գային ու կ'երթային, և մենք կը կարծեինք, թե մեզի տեղ մը ճարելու համար կ'աշխատեին:

Հակառակ քաղաքը ավերակ ըլլալուն, շրջակա թուրք բաղ-

մաթիվ գյուղերու պարճառով, դեռ Հաճընի մեջ գայմագամ կը նստեր և կառավարական հին կազմը կը շարունակվեր:

Կաղպելի ձյունապատ կիրճեն հյուսիսի սառնաշունչ քամի մը կ'ընդարմացներ մեր մարմնույն դուրս ցցված բոլոր մերկ մասերը: Հայ պառավներ անհուն կարեկցությամբ կը սպասեին, որ մեզ իջևան մը առաջնորդեն, որպեսզի իրենց աղքատիկ սեղանեն մեկ քանի պատառ բաժին հանեն մահվան ճամփուն վրա հալումաշ եղած իրենց տարաբախտ ցեղակիցներուն:

Արդեն մթնշաղն սկսած էր, երբ գայմագամը՝ երիտասարդ իթթիհատական թուրք մը Քեմալ, շրջապատված տեղվույն ուստիկան ղինվորներու հրամանատար հարյուրապետեն և 2 ուստիկաններե ու մեկ քանի քաղաքային պաշտոնյաներե, հանդիսական թափորով կառավարական շէնքեն դուրս դալով հայտարարեց մեզի ամենքիս, թե քաղաքին մեջ հարյուր հոգի պարունակող հարմար վայր մը շտնվելուն՝ պետք էր մեր ճամփան շարունակելնք...

Այն կարելի է երևակայել մեր հուզումը, շվարած էինք, ինչ կրնայինք ընել, ավելորդ էր կարեկցություն սպասել մարդկազաններե, բայց ոչ մեկիս վրա այլևս ուժ մնացած էր քալելու: Որովհետև ամենքս ալ Կեսարիային ասդին այլևս հետիոտն էինք. սպառած էին մեր ուժերը և հալումաշ եղած էինք: Իսկ նույն օրը անհարթ լեռնային ճամփաներով ինն ժամ ջալած էինք՝ միայն Զաթախի առջև մեկ ժամ հանգստի դադարով: Բայց անդոր էինք ընդդիմություն ընելու, որովհետև մարդկային թափթփուկներ էինք, որ մեզ ծածկող մեծ և խոր փոստ մը գատ ո՛րևէ ուրիշ բանի արժանի չէինք համարվեր...

Բայց հակառակ եղած պաշտոնական ազդարարության, չէինք ուզեր շարժիլ տեղերենս, և ոմանք համարձակեցան աղաչել, որ շնորհ «մերհամեթ» ընեն ի սեր իրենց սիրասուն զավակներուն գլխուն...

Եվ ահա հարյուրապետին և գայմագամին կարճ և գաղտնի մեկ խոսակցութենեն վերջ, ուստիկան ղինվորներն մտրակնեքով և մեզի համար հատկապես պատրաստված ձեռքի հաստ գավազաններով հարձակեցան մեր վրա և սկսան անխնա մեզ հարվածել: Մեկ քանիներու գլխուն իջած հարվածներեն թըշտոններուն գլխու ցամքած երակներեն սկսավ արյուն հոսել կայլակ-կայլակ... 10—13 ուստիկան ղինվորներ մեզ կը հա-

լածեին դեպի կամուրջը՝ ուրկե կ'անցներ Միսի ճամփան, կառավարական մեծ ու փոքր պաշտոնյաներու լիր «քահթահ»-նե-րուն մեջ: Մինչ հեռուն կանգնող հայ մամիկներ իրենց ձեռքերն ծունկերուն դարնելով կու լային ու կ'ավաղեին, որ այս ինչ սև օրերու հասանք...

Անգուժ հարվածներու տեղափոխման մը ներքև և հայհոյություններու մեջ մեր քարավանը կամա ակամա սկսավ շարժիլ, և արագ քայլերով աճապարեցինք հեռանալ այս անհյուրասեր վայրերին: Պոթկացող վրեժը մեր հոգիներուն մեջ ջանալով սանձահարել և անեծքը մեր շրթներուն վրա ջառաղով սառեցնել:

Կը քալեինք ու կու լայինք, նավաբեկյալ ազգի մը թշվառ բեկորներն էինք, որ արյան փոթորիկներե տարվելով կ'երթայինք դեպի ավազի անապատները: Ուր ավելի եղերական և եղեռնական վախճան մը կը սպասեր մեզ ամենքին՝ հազիվ 8—10 բախտավորներու հրաշալի բացառությամբ մը:

Մեր հոգիները ահավոր վշտով ու կսկիծով այնքան մաշած էին, որ աղոթել կուզեինք ու չէինք կրնար, երբեմն երգել կը փորձեինք, ու մեր հոգվույն լարերը չէին թրթուար ալլա... Պտոր ալե մի՞թե վճիտ ջուր կրնա հոսիլ, սգավոր սրտե մի՞թե երգ կրնա թռչիլ...

Վաղուց կտրված էինք ուրախության կազդուրիչ կաթեն, և կարոտ մնացած մխիթարության և սփոփանքի:

Մարդկային կյանքի երկու հակոտնյա ծայրերը միայն կը հիշեինք այլևս, օրորոցն ու գերեզմանը..., բայց միայն վերջինին վրա սեևոված էր մեր ամբողջ մտադրությունը...

Մակայն մեր մեջ դեռ ունեինք գերագույն երգը մարդկային հոգվույն ԱՐՅՈՒՆԹԸ..., որով հաճախ կը կազդուրեինք մեր մաշած հոգիները...

Գիշերվան խավարը տակավ կը ծանրանար լեռներու դալարազարդ կատարներեն մինչև զմրուխտ հատակը խոր ձորին, սև պատանքով մը ծածկելով հրեշտությունները մարդկային անգուժ շարչարանքներուն: Միայն գիշերվան խոր լուռության մեջ կը լավեր շփոթ արձագանքը մեր գթոտ քայլերուն, և գահավեժ շառաչը արագասահ և հորձանուտ գետին, որուն գետափովը դեպի վար կ'երթար նաև մեր ճամփան:

Խավարին մեջ առ խարխափ կ'երթայինք ինչաչով, ելլելով, գժգժեղով, անիծելով, երբ շուրջ մեկուկես ժամվան տա-

ոսպագին ճամփորդութենեն մը վերջ՝ գետին հանդիպակաց ձախակողմը երևացին պլպլացող տմուշն լույսեր: Մոռալուտ հանգստի մը հուսադրութենեն ոգևորված, մեր հեքոտ քայլերն ուղղեցինք մեզի ընկերացող ոստիկան զինվորներու հաճությամբ դեպի լույսերը՝ սարերու զառիթափին:

Անցանք գետի վրայի խարխուլ փայտյա կամուրջը և ուղղվեցանք դեպի լույսերը: Բայց ո՞րքան մեծ եղավ մեր հուսախաբությունը, երբ հասնելով այս գյուղը, որուն անունն էր Կյուլեշեն, մեզ մերժեցին ընդունիլ, և հոճան արգելելով մեզի նույնիսկ գյուղի սահմանեն ներս մտնել՝ ըսավ—գյուղին մեջ էրիկ մարդ չէ մնացած, ամենքն ալ պատերազմի տարված են: Միայն էրիկ մարդ ըլլալով ես և միթարը կը գտնվինք գյուղը. ուստի հարյուր էրիկ մարդոցմե կազմված այսքան մեծ քարավան մը չենք կրնար ընդունիլ մեր գյուղը, ուր միայն կին, աղջիկ ու երախա մնացած են և ստիպեցին որ հեռանանք:

Իզուր կը ջանայինք պարզե խոստանալով տարհամոզել, որ հոգնած ենք 11—12 ժամ ճամփա քալած ըլլալով նույն օրը, ալ անկարող ենք այս խոր գիշերվան մեջ կրկին մեր ճամփան շարունակելու: Մյուս կողմե պատրաստակամություն կը հայտնեինք գյուղին մեջ առանց մտնելու՝ գյուղին հեռավոր ծայրը գտնված մեկ գոմի մը կամ փարախի մը մեջ նույնիսկ ծառի մը ներքև բացօթյա գրշերելու, բավ է, որ մեզի քիչ մը հաց ճարեն:

Սակայն կ'առարկեին դաժան կերպով, թե հարյուր հոգինոց քարավանին մը բավելու շափ հաց ալ չունենին, և հազիվ գյուղեն անցնող մեկ քանի հոգիի կրնային կտոր մը հաց ճարել:

Ավելորդ էր այլևս ժամավաճառ ըլլալ, որովհետև համոզվելու երևույթ չունեին, մինչ ասդին շատեր՝ մանավանդ ծերերը բոլորովին սպառած փոված էին գետինները և անկարող շարժելու, միայն կը հառաչեին, կարծես հոգեվարքի հոնդյուններ ըլլային:

Գիշերվան հետզհետե թանձրացող աղջամուղջին մեջ՝ հսկա լեռներու ու ձորերու մեջ ինկած կ'երթայինք առ խարխափ, ի խնդիր մեզի ապաստան ընծայող իչևանի մը, փուլթ չէր, թե ավերակի մը կույտ ըլլար այն:

Շարունակելով մեր ճամփան առ հարկի, կրկին մեկ ժամ

քալելի վերջ, դարձյալ հեռվեն նշմարվեցան ընդ աղոտ լույսի մարած ցողքեր: Ծարահատ երկրորդ փորձ մը ևս ուզելով ընել, կրկին անցանք գետի ազազուն կամուրջի մը վրայով ահուղողով հանդիպակաց կողմը և հասանք Յարտիպի անունով բավական մեծ թուրք գյուղ մը:

Կորսնցունելու ժամանակ չկար, աճապարեցի գտնել տալ գյուղին «միթարն» ու հոճան և սակարկության մտնելով՝ անմիջապես վճարեցինք հնչուն 3 օսմ. ոսկի և մեզի ցույց տվին գյուղին վարի ծայրը մեկ քանի ախոռներ...: Միանգամայն պայման դրին, որ աննդեղենները (հաց, սոխ, մածուն ու «թարխանա») իրենց միջոցավ գնենք: Կ'ուզեին այս եղանակով ևս մեզ կողոպտել՝ իրենց ուզած արժեքովը ծախելով ամեն ինչ: Երկար մտածելու ժամանակ չկար, և ինչ առաջարկ ու պայման որ ընեին՝ արդեն առանց առարկության ընդունելու հարկին ներքև կը գտնվեինք. ուստի ինչ որ ըսին կրավորական համակերպությամբ ընդունեցինք:

Նույն օրը կարճ ընդհատումներով մոտ 12 ժամ քալած ըլլալով ա՛յնքան սպառած էինք, որ կենդանիներե թափուր այս ցույց տրված փոքր ախոռներուն մեջ փութացինք մեկ-մեկ անկյուն կծկտիլ շոր աղբյուրներուն վրա, իբր թե մեր տուններուն և մեր փափուկ անկողիններուն մեջ ըլլայինք... Հոս կրցանք բավական հաց ու ալլևայլ գեղջկական սնունդի նյութեր ևս ճարել, և փոքր-ինչ լոնցնել մեր բողբոջ և սուանջվող ստամոքսները:

Կանխավ համաձայնած ըլլալով մեզի ընկերացող պահակ-ստիկան զինվորներուն հետ՝ զիրենք գոհացնող վարձատրությամբ մը, հաջորդ առավոտը բավական ուշ մեր քարավանը շարժման մեջ դրվեցավ դեպի առաջ:

Հաճընցի մեզի ընկերացող դաժան ոստիկաններու հետ բավական ընտելացած և կաշառքով հաջողած ըլլալով մեղմացնել իրենց շարակամությունը, սկսած էին ավելի բարյացակամությամբ վերաբերվիլ մեզի հանդեպ:

Երկրորդ օրը արևածագին հետ մեր քարավանը շարժեցավ առաջ:

Սղանակը գարնանային էր և օդը սքանչելի, դեռ կը գտնվեինք Տավրոսի լեռնաշղթային մեջ: Հաճընեն Սիս ճամփան կ'երկարի երկարածիգ և ուրապատույտ ձորի մը մեջեն, որու երկու կողմի սարերն ծածկված են սև մայրի անտառ-

Ներով: Իսկ ձորի խորեն արագավազ գնացքով, շառաչով ու շոխնգով կը հոսի Հաճրնի գետը («Սառան սու»): Որ հետզհետե մերձակա լեռներն ու ձորերն բխող կողմնակի վտակներով առատացած, բավական զորավոր գետ մը կը դառնա, ապա ստանալով «Կեռք սու» անունը: Ապա խառնվելով Ճիհան գետին, Ադանայի քովեն անցնելով Գարաթաշի առջև մեծ դելտայով մը կը թափի Միջերկրական ծով:

Չանկերիեն մեկնելիս ի վեր առաջին անգամ ըլլալով՝ դեռ նոր ուշադիր կ'ըլլայինք Չաթախեն սկսյալ մեզ շրջապատող բնության հրաշալի դալարազարդումին: Որովհետև Կիլիկիո սահմանը ոտք դնելի վերջ էր միայն, որ տակավ կրցանք հեռացնել մեզմե մահվան սպառնցուցիչ մղձավանջը, որուն արյունոտ ճիրաններուն մեջ ահ ու սարսափով գալարվեցանք ավելի քան 5—6 շաբաթներ:

Ամեն կողմ մարմանդ ու կանաչութուն, կետկիտված գարնայնի գույնզգույն ծաղիկներով, մեր շուրջը ստվերախիտ մայրի հին ծառեր հարյուրներով ու հազարներով: Իսկ մայրի ծառերու գարնան մեջ արտաթորած խեժի խնկարույր անուշահոտութունը, որ ա՛յնքան կը կենսանորոգե թոքախտավորները, կենդանութուն կու տար մեզի՝ հոգիով ախտավորներու և սրտով սգավորներու...

Մինչդեռ մեկ քանի օրեր առաջ կը տարուբերինք կյանքի ու մահու երկյուզներու մեջ և անտարբեր էինք դեպի բնութուն և դեպի ամեն բան, այժմ արդեն ի տես գարնանային գեղազվարճ գեղեցկութուններու, կը ջանայինք տակավ հեռացնել մեզմե ուրվականն մահասարսուռ դաշտերու, արյունոտ ձորերու, կմախքներու ու գանգերու, և կը խորհնինք՝ թերևս կանխահաս հուսադրությամբ մը, արդեն փրկված ըլլալ և թևակոխած ըլլալ Կիլիկիո հայության նոր անդաստանը ծաղկալից: Զէ՞ որ առանց մահվան հարություն չկա...

Հաճրնեն մեր մեկնումին երկրորդ օրվան երեկոյին իջևանեցանք պատմական մեծ անցյալ ունեցող Վահկա բերդին ստորտոր՝ փոքր գյուղ մը, ուր կրցանք կերակրվիլ և ապաստան ստանալ: Կը թվեր, թե այս գյուղին բնակիչներն դեռ հայու արյան հոտն ու համն առած թուրքեր չէին... և ազնիվ վերաբերում ցույց տվին հանդեպ մեր դժբախտ քարավանին:

Նորոգող օրը արևածագին հետ մեկնեցանք այս հյուրասեր գյուղեն: Ըամփան կ'երկարեր միշտ անտառապատ սարերու

մեջեն գալարող ձորով և գետի ափով: Հարություն առած բնությունը ա՛յնքան հրաշալի էր, որ կը թվեր, թե շուտով մոռցած էինք դեպի Ձոր կամ մահ երթալնիս: Մանավանդ ճամփան հետզհետե վայրէջքը ըլլալով մեր ուժասպառ սրունքներուն համար նվազ հոգնութուն կը պատճառեին, և մեկ քանի օրն ի վեր բավական սնունդ կրցած ըլլալով ձեռք ձգել՝ բավական կազդուրված էինք և գիշերն ևս բավական հանգիստ քնած էինք բարեբախտաբար:

Հազիվ քիչ մը կազդուրված, մեր քարավանին ամենաեռանդուն և հայրենասեր երիտասարդներեն մեկ քանին դեպի հյուսիս, դեպի Հայաստան գաղթող գարնան ռահվիրա արագիւններն կոտնկ կարծելով՝ սկսան առաջին անգամ ըլլալով թրթռուն ձայնով մը, որ ներքին հուզումնին կը մատնէր՝ երգել:

— Կանչե՛ կոտնկ, կանչե՛, քանի՛ գա՛րուն է,
Ղարիպներու սիրտը գո՛ւնդ գո՛ւնդ արուն է,
Կո՛ւնկ ջա՛ն, կո՛ւնկ ջա՛ն, գա՛րուն է,
Կո՛ւնկ ջա՛ն, կո՛ւնկ ջա՛ն, գա՛րուն է,
Ա՛խ սիրտս արուն է...

Խեղճ տղայքը իրենց մահվան կես ճամփուն վրա հայ գարունը երագելով... կը քալեին ու կ'երգեին, լացնելով մեզմե անոնք, որոնց արցունքը դեռ չէր ցամքած աչքերեն:

Ո՛հ հայրենաբաղձ բանաստեղծին այս աղեխարշ տողերը ո՛րքան կը հարմարեին մեր այդ վիճակին: Բայց ավելի դառն էր ավա՛ղ մեր կացութունը, որովհետև միայն Ղարիպներու սիրտը արյուն չէր, այլ ամբողջ հայրենիքը արյունվա էր և հանուր հայությունը կը լողար արյան ծովերու մեջ...

Մեզմե ամեն անոնք, որոնց մեջ դեռ կյանքի ու կենդանության նշույլը մնացած էր՝ կու լային, կը քալեին ու կը ձայնակցեին մեր կրտսերագույն ընկերներուն սրտեն բխած այս հուզիչ խոսքերուն՝ «Կո՛ւնկ ջա՛ն, կո՛ւնկ ջա՛ն, գա՛րուն է, ա՛խ սիրտս ա՛րուն է...»:

Հոն բարձրը, սև մայրի անտառներու խորը և սարի կուշտին տեսանք թուրք ածխագործներու մեկ քանի սև այծի մազե շինված վրաններ, որոնք ածուխ կը պատրաստեին: Ա՛խ ո՛րքան մեզմե յուրաքանչյուրը փափագեցավ, որ ըլլար այդ թշվառ ածխագործ ընտանիքին մեկ անդամը: Սիրահոժար

պատրաստակամութիւն ունենալով ածխագործ ըլլալու, բայց ազատ աւարելու այդ վայրի լեռներուն ու ձորերուն մեջ, մինչև որ հնչեր համաշխարհային հաշվեհարդարութեան երանավետ ժամը ու գոնն ղեռ ողջ մնացողներս կարենայինք փրկվիլ:

Ո՛հ, ո՛րչափ երջանիկ պիտի ըլլայինք, եթե համեմտական պատերազմի համատարած արյան ահապոր փոթորիկներուն այս սարսափելի օրերուն, իթթիհատի հրեշտային հետապնդումներին զաղտնի և մարդկային աչքերն հեռու, բնութեան այս խաղաղ առանձնութեան մեջ, զերծ ոստիկան զինվորներու դաժան ուղեկցութենէն ու անհանդուրժելի հսկողութենէն քաշվեինք ու անշուք ապրեինք, ա՛խ բավ էր, որ ազատ ապրեինք:

Բայց մենք ոչ միայն կը նախանձեինք այս ածխագործներու վիճակին, այլ երբեմն մացառներու ներքեւն ցատկելով խուճապով և խուլական վազքով սուրացող նապաստակներուն... և երկնքի թռչուններուն իսկ կը նախանձեինք, որոնք իրենց ուզած տեղը երթալու ազատութիւն ունենին: Իսկ մենք ՄԻԱՅՆ դեպի հրակեզ անապատները անշրդի կ'երթայինք, ափ մը ավազ դառնալու համար մեկ քանի ամիսներ վերջ...

Մեզի ընկերացող կասկածամիտ և հարցասեր ոստիկան զինվորներուն հավատացնելով, որ շարականներ են տղոց երգածը, դարձյալ կ'ըսեին մեզի կշտամբանոք—ի՛նչ անհոգ ազգ եք, կը կոտորենք, կ'աքսորենք, և դարձյալ երգ կ'երգեք:— Իրենց բառով—նե՛արքը միլլէթսիսիզ, էօլտիւրիւօրուզ, սիւրիւյօրուզ, տահա հալէն շարքը սէօյլէյօրսունուզ...

Այո՛, իրավուք ունենին, բայց եթե հինգ երկար դարեր տևող հալածանքներն ու շարդերն վերջ դեռ պահած էր հայ ազգը իր գոյութիւնը, պատճառը այս կենսունակութիւնն էր, որ քանի՛ կոտորեին իրենց ատած ու շարշարած հիդրան, ա՛յնքան նոր գլուխներ կը ծներ...

Ոստիկան զինվորներու ենթասպան զարմանալով, որ ա՛յսքան հալումաջ եղած մարդոց սրտն ու շրթներն կրնա հրգ բխել, կ'ըսեր ինծի կատակելով—Սիզին միլլէթ էօյլեարսըզ միլլեթ տիր քի, էյեր եարըն եիզ էրմէնի գալսա, եինէ պաշըմզա պէլա օլուրսունուզ...

Արդարև որքան պատեհ խոսք էր՝ բխած 500 տարվան թուրք անըլալ և դառն փորձառութիւններէն...

Խորասուզվող արևու ոսկի սկավառակին անհայտացումն առաջ, հասանք իսլամ բնակչութեամբ փոքր գյուղ մը:

Հացակարոտ մեր ընկերներուն մեկ-մեկ շորաբեկ պատառ մը հաց ճարելի վերջ, գյուղին ամայացած մեկ երկու իրարու կից խրճիթներու մեջ տեղավորվեցանք ու ջանացինք լուսցնել գիշերը, կատարչալ պատերազմ մը մղելով ամեն կողմն մեր վրա խուժող ոչիլի բանակներու դեմ:

Գիշերվան հանկարծական ցուրտ քամին ընդարմացուցած էր մեր մարմնույն մաշած անդամներն, երբ առավոտյան սաստկացած ցուրտին հետ ճամփա ելավ մեր քարավանը: Մեկ քանի ժամ ճամփա քալելի վերջ սկսավ տեղատարափ անձրև մը, իբր թե պայթած ըլլային երկնքի ջրի մեջ սահանքները: Մինչդեռ վերեն հորդահոս կու գար, կամ ավիլի ճիշտ է ըսել՝ մեր գլխուն կը թափեր անձրևը, վարը ցեխոտ ու լարծուն գետնի հողը արգելք կ'ըլլար փոխելու մեր արգեն ուժասպառ քայլերը: Մեր քարավանն ամեն անոնք, որ շատանող ճամփու երկարութենէն հոգնած ու ծուրած էին, կ'անձրկեին առաջ երթալու, աղաչելով ինձմե՛ որ հաճեցնեմ ո՛րեւէ եղանակով մեզի հսկող ոստիկան զինվորները, և մոտակա հյուղակ մը ապաստանինք անմիջապես:

Իզուր կը ջանայի համոզել մեզի ընկերացող ոստիկ. զինվորներու «շավուշը», որ տեղ մը ապաստանինք, ապա թե ոչ հիվանդ պիտի ըլլայինք ամենքս ալ՝ կ'ըսեի, որովհետև հեղեղանման անձրևը անցած էր արդեն մեր մինչև ներքին հանդերձները: Իսկ ոստիկ. զինվորներն մեկը իբր պատասխան ծերունիի մը բողոքախառն աղաչանքներուն՝ կ'ըսեր. Ավելի լավ, եթե հիվանդանաք ու մեռնիք. արդեն պետութիւնն ալ ձեր ժամ առաջ մեջտեղին վերնալը կ'ուզե, դուք ալ կ'ազատիք, պետութիւնն ալ կ'ազատի...

Անձրևին, ցեխին, հովին ու փոթորկին տակ ճարահատ քալելով կես ժամն ավելի՝ հասանք վերջապես կրկին փոքրիկ գյուղ մը, ուր մեզի հարմար սենյակներ գտանք 15—20-ական հոգիով պատասպարվելու համար մեջը:

Սակայն հակառակ մեր ամեն խոստումներուն, ոստիկան զինվորները «շավուշին» հետ անողորմաբար կը պնդեին, որ ճամփանիս շարունակենք, հասնիլ կարենալու համար իրենց մտադրած գյուղը, ուր կ'ուզեին որ անպատճառ գիշերենք:

Ինչպես ոստիկ. զինվորներն մեկը անվերապահորեն հայտնած էր մեզմե մեկու մը, նույն օրը մեզմե ոմանք երգած

ըլլալնուն համար պարզապես մեզ պատժել կ'ուզեին, փույթ չէր, թե իրենք ալ մեզի հետ պատժվեին...

Զուր ջանք ու անօգուտ պաղատանք, երկինք փայլակնացաւ որոտումներով անձրևի նոր հեղեղներ կը թափեր մեր արդեն ընկճված, հարվածված գլուխներուն, իբր թե հարլուր հազարավոր դուլլերով ջուր կը թափեին մեր վրա. մինչ մեր զինվորները միշտ կը բռնադատեին մեզ որ ճամփա ելլենք: Իսկ մեր քարավանին տաք գլուխ երիտասարդները կ'ուզեին ճամփա ելլել և մեր ճամփուն վրա ամայի ու հարմարագույն ձորի մը մեջ հարձակելով ոստիկան զինվորներու վրա՝ առնել զենքերը, սպանել զիրենք և փախուստ տալ դեպի հանդիպակաց լեռները, որոնք ամեն կողմն մեզ կը շրջապատեին: Որովհետև դառնութեան բաժակը թվեր թե լեցված էր:

Ըլլալով հանդերձ ամեննն պատասխանատուն, այս պատճառով նաև ամենահամբերատարը, կշռելով աղետաբեր հետեւվանքները այսպիսի վճռական և հանդուգն քայլի մը, կարելին կ'ընէի առջևը առնելու համար ծայրահեղութիւններու, որոնք հույժ հավանաբար փրկութեան համար մինչև ցայժմ տարած ջանքերն ոչնչացնելով՝ մեր կորուստն պիտի փութացնէին անպայման:

Բայց դեռ կ'ուզեինք ապրիլ... և կը հուսայինք դեռ փրկվիլ, անակնկալ պատահութիւններն օգտվելով...

Վերջապես իրար համոզելով և քաջալերելով ճամփա ելանք, բայց բարեբախտաբար անձրևը բավական իր սաստկութիւնը կորսնցուցած էր, բայց մենք դարձյալ մաղմաղ անձրևին ու ցեխին մեջ մեկ ժամվան ճամփան երեք ժամն հագիվ առնելով հասանք թուրք գյուղ մը, ուր որոշված էր գիշերել:

Այս գյուղը հասնելի վերջ միայն տեղեկացանք, թե մեր երգողներուն պատճառով միայն չէ կղեր որ այս պատժին ենթարկված էինք, այլ «չավուշը» սիրուհի մը ունի եղեր՝ պատերազմի դաշտը գտնվող զինվորի մը նորահաս կինը, որուն պատճառով մեզի բռնադատած էր այս դառնացուցիչ ողևորութիւնը:

Բարեբախտաբար տասնապատիկ զներով առատ փայտ գտնելով բոցավառ խարույկներ վառեցինք, և խումբ-խումբ բոթորվելով կրակին շուրջ՝ ամեն բանն առաջ մեր արտաքին և ներքին՝ զգեստները սկսանք շարքերը...

Արդարև դառն է և ամոթ խոստովանել, բայց հանուն ճշմար-

տութեան պատկերացնելու համար հավատարմորեն տառապանքի մեր այս արլունի իրական պատմութիւնը իր բոլոր փուլերուն մեջ, պետք է հիշել հոս, թե մեր ներքին և արտաքին հանդերձներն կրակին վրա թափված հազարավոր ոջիւններու ճարճատիւնը, պայթող վառողի տպավորութիւն կը թողուր մեր վրա...

Վաղուց ընտանեացած էինք մեր արդեն հալ ու մաշ եղած մարմինը կրծող և սպառած արլունը ծծող այս փոքրիկ մակաբույծներուն առթած շարշարանքներուն: Որովհետև մեռ բոլոր ուշադրութիւնը լարած ըլլալով մեր կյանքին շարունակ սպառնացող մահաբույր վտանգներուն դեմ, շատ չէինք զբաղեր այս կարգի «աննշան» սնահանգստութիւններով: Մահվան մեր ճամփուն վրա ո՞վ սիրտ ու միտք ուներ զբաղելու ոջիւղ կամ անոթութեան ու ծարավի հարցերով, բավ էր մեզ շսպանելին՝ ասկէ զատ ամեն բանի համակերպած էինք: Բայց հարկ է խոստովանիլ նաև, որ եթե շամակերպեինք իսկ՝ ի՞նչ կու գար ձեռքերնուս, հարդի շուղեր էինք արլան ահավոր հեղեղը ինկած, պիտի երթայինք կամա-ակամա ո՛ւր որ մեզ հեղեղը տաներ... եթե նույնիսկ մի՛նչև գերիզման:

Հաջորդ առտուն մեկնեցանք այս փոքրիկ գյուղին բաւական ուշ, որովհետև «չավուշը» գինարբուրով և խենեղութեամբ անցուցած ըլլալով ամբողջ գիշերը, հանձնարարած էր իր ստորագաս տասնապետին, որ քարավանը ուշ ճամփա հանեն...

Բարեբախտաբար օդը երեկի անձրևներն հագեցած՝ պայծառ երկինք մը կար և Կիլիկիո հարավի հզոր արևը կը ջեռուցաներ մեր տաբութեան կարոտ մարմինները:

Հաճրնեն մեր մէկնումի շորրորդ օրն էր, ու որոշված էր անպատճառ հասնիլ վերջապես Սիս, որ 7 ժամվան ճամփա մ'ըսել էր:

Երբ դուրս պիտի գայինք Հաճրնի բնութեան ամեն հրաշալիքներով զարդարված գեղեցիկ ձորին, հանդիպեցանք մեկ բանի ուղտապաններու, որոնք 4 ուղտերով Կիլիկիայեն նարինջ կը փոխադրեին ներքին գավառները՝ դեպի Կեսարիա:

Առաջին անգամ էր, որ մեր տարագրութեան ամբողջ ճամփուն վրա կը հանդիպեինք ճամփորդներու կամ շարժուն էակներու, մարդ ըլլա թե կենդանի:

Փօքր Ասիո ամբողջ ճամփաներն ամայի էին, ոչ ոք կ'անց-

ներ, և ո՛վ պիտի անցներ. զի այր մարդիկ պատերազմի ճա-
կատ դրկված էին բռնի, իսկ մնացած կիներն ու անչափա-
հասները իրենց գյուղերը քաշված՝ եղածով կը գոհանային. հա-
կառակ գարնան եղանակ ըլլալուն, ոչ մեկ դաշտային աշխա-
տանքի հանդիպած էինք մեր ամբողջ ճամփուն վրա:

Որովհետև իթթիհատական արյունոտ վարչութիւնը՝ բռնի
ճակատ տարած այր մարդոց հետ՝ նաև իբր «թէքէլիֆը հար-
պիչէ», այսինքն իբր պատերազմական տուրք՝ բռնագրաված էր
իր ձեռքը անցած ամեն կենդանի, ուղտ, ձի, եղ, կով և նույն-
իսկ էջերը հավաքած էր ռազմաճակատի մեջ սպանված ձիերու
տեղ, փոխադրութիւններ կատարելու համար:

Միայն հազվագեպորեն մեկ քանի թուրք գյուղերու հան-
դիպեցանք Թոմարզայի դաշտին մեջ, որ գյուղին կից մեկ
քանի արտերու մեջ վարուցան կ'ընեին՝ էջ ու եզ միասին լծված
արորով:

Ամբողջ դաշտեր ամայի ու թափուր էին շնչավոր ամեն
էակե, արտերը մնացած առանց վարուցանի, իսկ վայրի խո-
տերը եկած էին տեղը բռնել ազնիվ հացալից բույսերուն:

Միայն եռ ու զեռ ու կենդանութիւն կար մեծ քաղաքներու
շուրջը մինչև մեկ քանի ժամ հեռու գյուղական շրջանակներու
հետ: Մինչ Փոքր Ասիո խորը, ներքին գավառներուն մեջ՝
ի մասնավորի մեր անցած վայրերուն մեջ կյանքը կանգնած
էր և ամեն ոք պատերազմի շուտափուլթ վախճանին կը սպա-
սեր անձկանոք:

Վերջապես դուրս եկանք Հաճընեն Սիս երկարող և Տավ-
րոսի հյուսիսի ամենագեղեցիկ կիրճերեն մեկը եղող Հաճընի
ձորեն, և հասանք սարավանդակ մը, ուրկե մեր աչքերուն առջև
կը պարզվին Կիլիկիո հուրթի դաշտերը (Չուքուր Օվան) իր
ամբողջ լայնքովը ու երկայնքովը, Մերսինեն սկսած մինչև
Ամանոսի լեռներու ստորոտը, մինչև Օսմանիչ:

Այս սարավանդակը ծածկված էր Սիսի հայ մեծատուն-
ներու այգեստաններով: Որովհետև դաշտեն մոտ 2—300
մետր բարձր ըլլալով օդաւուն էր և լեռնային հողմերու են-
թակա: Տեսանք գեղեցիկ այգիներ՝ որմերով շրջապատված
և օդափոխութեան հարմար գեղեցկաշեն և ներկված տուներով
ըարդարված: Վարը մեր ստքերուն ներքև դաշտին մեջ սե-
պաձև և միայնակ լեռան մը ստորոտը կը տեսնեինք Ռուբեն-
յանց հռչակավոր մայրաքաղաքը Աբս: Մեր անցած բոլոր

քաղաքներուն մեջ ամենագեղեցիկը գտանք Սիս, իբր թե նոր
կառուցված: քաղաք մը ըլլար. բոլոր տուները կրով ծեփված
ըլլալով ճերմակ քաղաք մըն էր. եթե փողոցներովը աղտոտ
էր, գոնե արտաքին ընդհանուր տպավորութեամբ մաքուր էր:

Քաղաքը «ամֆիթեատրոնի» մը ձևը առած էր, որովհետև
տուները հետզհետե բարձրացած էին լեռան կողմի վեր: Իսկ
Սիսը հյուսիս-արևմուտքեն պարսպող լեռան զահավանդին՝
քաղաքն շուրջ 60—70 մետր բարձր կը տեսնեինք Կիլիկիո
կաթողիկոսութեան բազմադարյան մայրավանքը՝ պարսպապատ
և հետզհետե բարձրացող աստիճանավորումով: Հայրապետա-
կան պատմական եկեղեցին կանգուն էր և լուռ, բայց իր լու-
թեամբ իսկ շատ բան կը պատմեր մեզի՝ մեր խոցոտված սրտե-
րուն միայն հասկնալի լեզվով մը:

Իսկ ամենքն վեր լեռան կատարը դեռ կանգուն էին Ռու-
բենյանց հայ թագավորներու կառուցած ավերակ բերդին պա-
րիսպներն ու սանդրագուլուխ աշտարակներն, որոնք իրենց մեր-
կութեամբն իսկ դարերու ահավոր պատմութիւնը ունեին:

Երկուքն մինչև շորս մետր հաստութեամբ հսկա այս պա-
րիսպներն և բազմաթիվ աշտարակներն 5—8 մետր բարձրութեամբ
կը շրջապատեին ամբողջ լեռան կատարը: Իսկ լիոր 250—300 մե-
տր բարձրութեամբ մը Տավրոսի լեռնաշղթայն բոլորովն անջատ-
ված և մեկուսացած բաց դաշտին մեջ մինակը ցցված ապառաժուտ
և լերկ բարձրութիւն մըն էր, որ բնութենն օժտված իր դիք-
քովը կ'իշխեր քաղաքին վրա:

Մենք նստած դեպի դաշտը իջնող բարձրավանդակին վրա
կը դիտեինք մեր շուրջ բոլորը խուզարկու աչքերով, վայելե-
լու համար բնութեան հրաշալի գեղեցկութիւնը Կիլիկիո այս
ընդհանուր համայնապատկերին: Հեռուն, շատ հեռուն, ուր ոչ
մեկ չէր կ'երևեր, հոն՝ ուր երկինքն ու երկիրը իրարու խառնված
էին, ա՛խ հոն էր ազատարար ծովը... բայց միայն թե հաս-
նիլ կարենայինք...

Ամենքս ալ ցույց կու տայինք իբրարու այն ուղղութիւնը,
ուր ծովն էր և մեր հոգին կը գալարվեր նույն վայրկյանին
միայն ծագում առած փախուստի և փրկութեան մտածումնե-
րով:

Ամիսն ավելի էր, որ ճամփա կը քաշեինք և ճակատագրի
հավատացողներու կրավորական համակերպութեամբ մը, ոչ
մեկ անգամ խորհած էինք մեր փախուստին վրա: Այնպէս

մեկ անգամ մեզմե մեկը հանդգնությունը ունեցած էր փախուստ տալով ազատելու, և շարաշար սպանված: Այս եղերական փորձեն վերջ, ոչ ոք մեզմե համարձակած էր այլևս ազատության կամ փախուստի վրա խորհիլ: Այո՛, մեզ կը տանեին դեպ Տեր էլ Զոր, և կ'ուզեինք հասնիլ հոն՝ հայրության ավազե նոր հայրենիքը: Մեզմե շատեր կը հուսալին հոն նոր կյանք մը սկսիլ մինչև որ համաշխարհային արյան փոթորիկը վերջ գտներ: Թշվառները կը կարծեին, թե հոն զիրենք ողջ ձգող պիտի ըլլա... դեռ թուրքեն գուժ ու արդարություն կը սպասեին...

Բայց երբ մեր աչքերուն առջև պարզված տեսանք Կիլիկիո հրաշալի համայնապատկերը և հացահատիկով ու բամբակով հռչակավոր ծովի մակերեսի նման հարթ հավասար ընդարձակածավալ արգասաբեր դաշտերը, մեր մաշած հոգիները և մեր մարած հույսերը նոր հարություն առին: Մանավանդ որ մեր դիմացը Կիլիկիո ծոցն էր (Ալեքսանտրեթի ծովը) կամ Միջերկրական ծովը, իսկ քիչ մը արևմուտք Միջերկրական ծովի արևելյան թագուհին՝ Կիպրոսը: Ա՛խ ո՛րչափ բաղձալի էր թե առնել ու հոն թռչիլ և մեր հեռավոր դարիպ եղբայրներուն տանիլ գուժկանը հայ անհավատալի ողբերգության ու եղեռնապատումին, և տանիլ բոթը հայրենիքի համատարած մխացող ավերակներուն...

Շուրջ մեկ ժամ հանգիստե վերջ, սկսանք դանդաղաքայլ իջնել քարքարուտ ոլոր-մոլոր ճամփաներով զառիթափը և վերջապես ոտք դրինք Կիլիկիո պատմական հողին վրա: Մեզմե շատեր, որոնք թևակտ հալ ու մաշ եղած էին, սակայն դեռ հայրենասիրության իրենց անշեշ կանթեղին մեջ դեռ կը պլպլար առկայծյալ պատրույզն հայրենիքի ազատության, շոքեցան ու արտասուքով համբուրեցին Կիլիկիո հայրենի հողը, ուր անցյալ հայրության փառքի հիշատակներն մեզ արդեն էր շրջապատեին ամեն կողմե: Թեպետ սպառած, մեզմե շատեր արդեն կմախացած, և ամենքս ալ ցնցոտիներու մեջ էինք, թևակտ կորսնցուցած էինք ամեն բան, բայց մեր հոգվույն ներքին խոր ծալքերուն մեջ դեռ կը պլպլար վերջին հույսը ազատագրված Հայաստանի մը մոտալուտ անկախության: Փոքի շէր, թե հայ ժողովրդի կեսին արյան զոհաբերությամբ ըլլար. ա՛խ բավ էր որ ըլլար: Մեր վաղվան սիրունները ազատեին մի անգամ ընդմիջտ բռնակալություններու ար-

յունոտ և ցեղը անճիտող սարսափներեն, և ազատելով օտար երկինքներն ու երկիրներն, այլևս հայը ա՛խ իր սեփական տան մեջ, ծներ, ապրեր ու մեռներ...

Մեր ձախակողմը թողուցինք Սիսի հայերու պատկանող այգիներու ընդարձակ և խառնաշփոթ շարքերն, որոնք երկններանգ ծաղկազարդումով մեզի գարունը կը հիշեցնեին: Ապա գարձանք դեպի արևմուտք և շուրջ մեկ ժամվան գնացքե մը հետո վերջապես ժամանեցինք Սիս: Տեղացի ոստիկաններն մեզ առաջնորդեցին քաղաքին մեկ ծայրը երկհարկանի և բավական մաքուր իջևան մը «խան», որ տարագրված հայու մը սեփականություն էր եղա՛ծ, իսկ այժմ տեղական կառավարությունը իր պետքերուն կը գործածեր:

20.

ՄԻՍ — ԿԱՐՍՊԱՋԱՐ ՄԵԿ ՕՐ ԱՎԵԼԻ ՀԱՆԳԻՍՏ

Մահվան անմիջական երկյուղե բուրբոյլին ապահով խաղաղ գիշեր մը անցուցինք, և առավոտուն մեր ամենքին միակ փափագն էր՝ կարելին ի գործ դնել մեկ քանի օր ավելի մնալու համար Սիս: Որովհետև ավելի քան 35 օրն ի վեր անդադրում ճամփա կը քալեինք, ոչ մեկ տեղ մեզի թուլատրելով մնալ մեկ գիշերն ավելի: Չանկրրիեն մեկնել վերջ միայն երկու քաղաք տեսած էինք, առաջինը Զորում, ուր ինչպե՞ս պատմեցինք մեզ արգելափակելով ա՛յնքան զրկանքներու ենթարկեցին, որ մենք փնտրեցինք գյուղական մեր խտունները, որ հաճախ մեր իջևաններն ու պալատներն էին եղած, իսկ հաջորդ օրը ճամփա հանած էին մեզ հապճեպով: Երկրորդն էր Հաճընը, ուր և ոչ իսկ մեկ գիշեր մեզի ուզեցին իջևան տալ և մեզ փայտերով լեռները վանեցին:

Այս երրորդ անգամն էր, որ քաղաք մը տեսնելու բախտն կ'ունենայինք, և հարկ էր նույնիսկ անկարելին ընել մեկ քանի օր ավելի կարենալ մնալու համար: Որովհետև աղտոտութենե և ոջիլներն և շարունակական քերվրտուքե մեր մարմինները քոստաիլ սկսած էին, և մեզմե շատերուն մարմինները ծածկված էին եղունգի վերքերով... Մենք մեր ֆիզիկական

վիճակին այն ատեն միայն անդրադարձանք և ուշադիր եղանք, երբ Կիլիկիո շրջանը մտնելով շեռուցիչ արև գտանք և մահվան անմիջական և շարունակական մղձավանջին ևս թեթևացած՝ կեսօրվան հանգիստներու ժամանակ և արևուն հարավային հղոր ճառագայթներուն տակ մերկանալով սկսանք մաքրվիլ մեր աներես աղտոտ և արյունածարավ մակաբույծներեն: Արդ ամենքս ալ և հացեն ալ առաջ բաղնիքի կարոտը կը քաշինք. ախ ո՛ւր էր թե մեկ մը մաքրվեինք և ազատեինք այս քերվը-աուքներեն և ասոնցմե առաջ եկած արյունոտ վերքերեն...

Մյուս կողմե ամիսեն ավելի ճամփորդութեան մեջ ըլլալով, ամենքուս ալ դեմքերը անճանաչելի ըլլալու աստիճան մազերու մեջ ծածկված էին: Մեզմե ոչ ոք աքսորի այս սա՛ւնահիր ճամփու ընթացքին առիթ և դուրսութուն ունեցած էր զլիսու մազերը կտրել տալու կամ ածիրվելու: Ամենքս ալ մորուսավորներ էինք, և մեր դեմքերը թաղված էին մազի երկայն և հոծ թավուտներու մեջ: Մեր արտահայտութուններն իսկ այլակերպ, կիսավայրենի և վայրագ դարձած էին... դժվար էր մեզ զանազանել գոեհիկ գյուղացիներեն: Միայն մեր եվրոպական հագուստներու մնացորդ և ծվեն-ծվեն հղած թափփուկներն էր, որ ենթադրել կու տար, թե երբեմն մարդակերպ բաներ մը... կրնայինք եղած ըլլալ...

Բայց աստի՛ ամենքս ալ պետք ունեինք կոշիկի պաշտոնը կատարող ո՛րե՛նէ բանի, ըլլար տեղական մուճակներ կամ տրեխներ: Որովհետև բոլորիս կոշիկները մաշած և անճանաչելի վիճակի մը հասած էին: Կային մեր մեջ շատեր, որ «չուլի» կտորներով կապկըպած էին իրենց արունլվա ոտքերը, իսկ ոմանք ևս արդեն զրկված այդ քուրչի կտորներեն բոլորովին բոկոտն կը քալեին: Մեր աքսորի քարավանին թշվառագույն ընկերներն էին երկրորդաբար մեզի ընկերակցող յովկառցիները, որոնք մեր ավելի քան հարյուր հոգինոց քարավանին կեսը կը կազմեին:

Պետք է հանուն ճշմարտութեան հոս խոստովանիլ, թե առաջին անգամ էր, որ հոս Սիսի մեջ անվերապա: կարեկցութուն կը տեսնեինք թուրք պաշտոնյաներեն: Ասոնք նույնիսկ կը հրավիրեին շրջուն հացափառները և նպարեղեն ծախողները, որպեսզի առանց երկյուղի մեզի մոտենան և մեզ կերակրեն: Միանգամայն ոստիկանական պաշտոնյաներ կը սպառնային վաճառողներուն, որ եթե անխղճութեամբ ավելի գին պա-

հանջեն, պիտի իրենց ձեռքի ունեցածը բռնագրավելով ձրի աքսորականներուս բաժնեն: Իջևանը ևս մաքուր և բավական նորաշին սենյակներով ու ապակիպատ պատուհաններով պատրասարված շինք մըն էր, այնպես որ բավական հանգիստ գիշեր մը անցուցած էինք բացառաբար: Թուրք պաշտոնյաներու և ոստիկաններու այս բարյացակամութիւնը ավելի հուսալից կը դարձներ Միս մեկ քանի օր ավելի մնալու մեր ընդհանուր բաղձանքը հաջողապես իրականացնելու:

Այս բարյացակամութենն օգտվելով թույլտվութուն ստացանք նախքան մեր մեկնումը՝ դեղարան ղրկել Ձ հոգի և մեր հիվանդներուն համար դեղ բերել տալ: Արդեն մեր մեջ Պոլսո Գումգաբլեն և Կետիկ-փաշայեն ծանոթ և կարող երեք դեղագործներ ունեինք, որոնք միանգամայն մեր բժիշկներեն էին եղած մեր ճամփու ամբողջ ընթացքին:

Ամենքը կը ստիպեին և կը թախանձեին, որ երթամ և գրտնեմ «Մյութասարիֆ»-ը և արտոնութուն ստանամ մեկ քանի օրվան հանգստի համար:

Վաղուց կորսնցուցած էի անձնավստահութիւնս, Անցած էին այն երանելի օրերն, երբ դեսպաններու կ'երթայի հանուն ազգ. Պատրիարքարանի և զավառի մեջ կուսակալներու և հավասար հավասար կը խոսեի: Նույնիսկ քանիցս սուլթան Ռեշատի ներկայացած էի օրվան Պատրիարքներուն հետ, ինչպես նաև հոգելույս Իզմիրլյան վեհափ. հայրապետի հետ 1909-ին հուլիսին՝ ուղեկցելով իր շքախմբի անդամ իր պատմական ճամփորդութեան, Պետերբուրգի մեջ ներկայացած էի Մեծին Ռուսոն ամենազոր Յարին Նիքոլա Բ.-ի, և մասնակցած պալատական հացկերութիւն:

Այո՛, անցած էին անդառնալիորեն երազի նման մեր հիշողութենեն սահող փառքի ու պատվի այդ օրերն և այժմ եկած էին ցավի սարսափելի և տաժանքի սև օրեր, երբ բռնադատյալ կը քամեինք ու պիտի քամենիք դեռ դառնութեան բաժակը մինչև հատակը... ըսելով Հիսուսի հետ.— եթե հնար է անցնի թող այս բաժակը մեզմեն, բայց թող քու կամքդ օրհնյալ ըլլա...

Մտածելու ժամանակ շխար, որովհետև լուր բերած էին, որ Ձ ժամեն պետք է պատրաստվինք մեկնելու... ուրեմն մեզի հանդեպ կրկին բարյացակամութիւն ցույց կու տային Ձ ժամ պատրաստութեան ատեն տալով մեզի: Մեր տարաբախտ ըն-

կերներու կողմն եղած թախանձագին ստիպումներուն վրա ճարահատ՝ հավաքեցի իմ ցրված բարոյական դեռ մնացորդ ուժերս, և մեր իջևանի դռան առջև պահակ սպասող ոստիկան զինվորին գոհացնող պարզ և մը «պախշիշ», ինչպես նաև մաշած գզեսաներու ևս փոքր ի շատեհ հնարավոր վերջին հարգարանք մը տալի վերջ մեկնեցա մեր իջևանն՝ գտնելու համար կառավարիչը (Մյուլթասարիֆը):

Ճամփան մեկ քանի ծեր թուրքեր, ամենայնի հոժարությամբ հարցներու պատասխանելով ըսին, որ Մյուլթասարիֆեն ուղղակի տունը երթամ, քանի որ օրվան դեռ այս առաջին ժամերուն կառավարիչը տունեն մեկնած չէր կրնար ըլլալ:

Ոլորպատույտ և աղտոտ փողոցներով բարձրացա բավական վեր, և փողոցի թուրք տղայք առանց ո՛րևէ անարգանք կամ լուտանք ընելու, ցույց տվին ինձի Մյուլթասարիֆին տունը, որ արտակարգ ոչինչ ուներ, արդարացնելու համար քաղաքին ու Գոզանի շրջանի կառավարչին բնակարանն ըլլալուն:

Տունեն ոստիկան զինվոր մը պատասխանեց ինձի, թե կառավարիչը ըստ իր սովորութեան, գեղեցիկ և արևոտ օր մը ըլլալուն՝ դաշտը պտույտի ելած է. սա ուղղությամբ գնա և կը գտնես ըսավ:

Աճապարեցի ցույց տված ուղղությամբ երթալ և արդարև քաղաքեն դուրս հանդիպեցա հիսունամյա աղբեկ մորուքով թուրք Մյուլթասարիֆին, որուն ետեան եկող ոստիկան զինվորեն կռահեցի, որ կառավարիչն էր:

Մյուլթասարիֆը հանկարծ իր առջև տեսնելով կրոնական տարազով եկեղեցական մը՝ կեցավ և հարցուց, թե ի՞նչ կ'ուզեմ: Պատմեցի ողորջ շեշտով մը և կարի հուզված, թե ամիսուկես է ճամփա կը քալենք, հարյուր հոգինոց քարավանով մը Միս հասած ենք, հալումաշ եղած ենք, հիվանդներ ունինք դարմանի կարոտ, անհրաժեշտ գնումներ ունինք ընելիք, որովհետև մեր հանդիպած տեղերը մեկ գիշերեն ավելի մեզ վաթ դնող չէ եղած, ոչ սնունդ ունինք, ոչ ճերմակեղեն փոխած ենք կամ ունինք բան մը փոխելիք, թշվառ և հալածական մարդիկ ենք և Տեր Զոր կը տարվինք... ու թախանձագին ազաչեցի հանուն իր զավակներուն, որ մեզի գթալով թույլտրեց գոնե երեք օր մնալու քաղաքը և քիչ մը կազդուրվելու, մաքրվելու և հազվելու համար...

Կարեկցությամբ մտիկ ըրավ ըսածներս և պատասխա-

նեց. Փափազ էֆենտի, շատ խիստ հրամաններ կա. որ արտորական հայերու քարավանները մեկ գիշերե ավելի վար չդնենք. սակայն քանի որ զավակներու անունովը կ'ազաչեսքու դժբախտ ժողովուրդիդ համար, որ «մէրհամէթ» ընեմ, շատ լավ, բացառաբար մեկ օր ձեզի ավելի մնալու հրաման կու տամ, գնացեք և նայեցեք, որ ձեր պետքերը շուտով հոգաք. կը ցավիմ, որ ասկե ավելի բան մը չեմ կրնար ընել: Ես հիմա արդեն կառավարութեան կ'երթամ, ոստիկանական քոմիսերը և ոստիկան զինվորներու հրամանատարը կը կանչեմ և կը հանձնարարեմ, որ ձեզ այսօր ճամփա չհանեն, այլ վաղը կեսօրեն վերջ միայն, որով 30—35 ժամ ժամանակ ունիք. հայտե գնա անհոգ եղիք, ես կը կարգադրեմ մնացածը...

Անկարելի է ինձի պատմել այն ուրախութիւնը, որով սգավոր սիրտս հանկարծ ոգևորվեցավ. առաջին անգամ էր, որ այսքան ազնիվ խոսքերով մեր ճամփորդութեան ընթացքին կ'արժանանայինք գթութեան, և մարդ մը ըլլալս հիշեցի...

Երախտագիտական թրքական ձեակերպութիւններն վերջ՝ փութացի այս ավետիսը տալու տառապանքի ընկերներուս, որոնք անձկանոք ինձի կը սպասեին ա՛հ ու դողով...

Անկարելի է հոս իսկութեամբ պատկերացնել ուրախութիւնն տառապած հոգիներու, որոնք իրարու կը վազեին ավետիսը տալու, իբր թե մեր վերջնական փրկութեան ավետիսն ըլլար...

Ա՛հ ավելի մեծ եղավ իրենց ցնծութիւնն, երբ հայտնեցի նաև, որ անձնական պատասխանատուութեան ստանձնելով թույլտուութիւն ձեռք բերած էի մեր ամենքին համար, աչառ որեն քաղաքին մեջ շրջելու և գնումներ ընելու կամ բաղնիք երթալու, պայմանով, որ փախուստ տվող չըլլա և զիս պատժի ենթարկել շտան...

Կասկածելի մեկ քանի երիտասարդներ, որոնք միշտ փախուստի ծրագիրներ մշակողներ եղած էին ճամփու ամբողջ ընթացքին, վստահելի և ազդեցիկ անձերու պահպանութեան հանձնելով՝ ամենքն ալ ցրվեցան քաղաքին մեջ գնումներ ընելու, դեղեր առնելու, և սափրիչ բերել տալով սկսան մազերու խորձերն ազատիլ և ածիվիլ: Այնքան թավ մագերով իրաբ տեսած էինք, որ հին վիճակին դարձը մեզմե շատերը անճանաչելի ըրած էր. որովհետև մաքրված և մարդու նմանիլ սկսած

էինք... ազատելով բռնաբույս մորուքներն, Ոմանք և դյուրութուններ գտած էին ճերմակեղեն լվալու և սկսած էին գործի:

Իսկ ես քաղաքին միակ հայ դեղարանը գնացած էի՝ մեր դեղագործ պոլսեցի աքսորակից բարեկամին հետ հիվանդներու համար դեղեր գնելու, երբ աճապարանոք լուր եկավ, որ փութամ դառնալ մեր իջևանը՝ դարման տանելու համար անակնկալորեն առաջ եկած դժվարութեան մը:

Երբ դարձա իջևանը, զարմանքով տեսա, որ մեզմե շատեր իրենց փոքր թե մեծ կապոցները կամ ծրարները շալկած դռան առջև շարված էին մեկնումի համար... Մինչ ոստիկանական քոմիսերը 8—10 ոստիկաններով և ոստիկ. զինվորներով վերի հարկը ելած մեկնումի դժկամակողները մտրակով վար կը քշեր: Առաջին դժգոհութիւնը զայրույթի փոխված էր, որովհետև մեկ օրվան ավելի հանգստի հանդիսական ու պաշտոնական խոստումներն վերջ՝ ա՛յսքան շուտ և դառն հուսախարութիւն արդարև անհանդուրժելի էր...

Մեր ամենքին ուրախութիւնը հազիվ կես ժամ տևած էր և մեր ցնծութիւնը շուտով սուգի փոխված:

Այս ա՛յն կաթիլն էր կարծես, որ բաժակը հորդել կու տա: Այլևս երկար մտածելու ժամանակ չկար, պետք էր ամեն գնով ընդդիմանալ և շթույլատրել, որ մեր տառապանքի տարիներուն և ամիսներուն մեջ մեկ հանգստի օրը շատ տեսնվեր և կապտվեր մեզմե:

Այս ընդհանուր իրարանցումին մեջ, երբ ոստիկաններն ու ոստիկ. զինվորներն ոմանք խուցերն բռնի դուրս կը քաշին շէլլել ուզողները, ուրիշ ոստիկաններ սանդուղներն վար կը գլտորեն խեղճերը. մեզմե ոմանք կը զանակոծվին, ոմանք ևս կ'ապտակվին. արդարև խոհեմութեան դասեր տալը ափեղորդ էր: Մանավանդ որ մահվամբ պատժելու հավանականութիւնն հիմա այլևս անդեպ էր, ուստի վայրկյանին առթող հոգիի անբացատրելի ընդվզումով մը փութացի ոստիկանապետին մոտ, և առանց քաղաքավարական ո՛րևէ ձևակերպութեան՝ պոռագի երեսին, որ հրաման ստացած եմ կառավարիչն ես անձամբ՝ մեկ օրվան ավելի հանգիստի համար. ուստի կը մերժենք մեկնիլ և լավ է հոս մեռնիլ, քան աչքն հեռու անկյուններու մեջ...: Մյուս կողմն ակնարկով կը հանձնարարեի, որ մեծ դուռնն դուրս շէլլեն և խուցերը մտնելով կեցած տեղերնն գամվին մնան... Միանգամայն

հրավիրեցի քոմիսերը, որ եթե ըսածիս չի հավատար՝ հետս գա Մյուսասարիֆին մոտ ստուգելու ըսածներս:

Ոստիկանական քոմիսերը տեսնելով, որ գործը ծայրահեղութեան պիտի երթա՝ և ինք իրավունք չունի մեզ բռնի քաղաքն ճամփա հանելու, ուզեց անուշ տեղը կապել և մոտս գալով փափկութեամբ հորդորեց, որ միայն իր պաշտոնատունը երթամ և գործը բարեկամաբար կարգադրեմ անձնապես իրեն հետ...

Իսկ այս ամեն խոստութիւնները անոր համար ըրած էր, որովհետև ես անձնապես և ուղղակի Մյուսասարիֆին դիմելով և մեր մնալու մասին թույլտվութիւն ձեռք բերելով՝ զինք անգիտակցաբար անտեսած էի, և մանավանդ մեկ քանի ոսկի կաշառք չէի տված իրեն: Բայց գործը ինք այս վիճակին հասցուցած և հրամանը ևս ուղղակի կառավարչն ես ձեռք բերած ըլլալով՝ անգամ մը ևս չէի ուզեր ավելորդ կաշառք խոստանալ կամ տալ քոմիսերին: Արդեն չունեինք, որ տալինք... կողոպտված, քամված էինք... Իսկ մեր տառապանքի ընկերներուն 3/4-ը անոթի էին և կարոտ դեղի ու դարմանի: Ինչո՞ւ իզուր տեղը դրամ խլցնեինք, և ուրկե՞ առնեինք ու տալինք...: Երբ 50—60 թշվառներ պատառ մը շորաբեկ հացի համար օրեր կը սպասեին և 24 ժամն ի վեր բերաննին բան չընողներ շատեր կային:

Նոստանալով հետո զինք տեսնել, քոմիսերը մեկնեցավ հետ առած բերած ոստիկաններն ու ոստիկան զինվորները, մեզի ձգելով, որ շարունակենք քաղաք երթալ և մեր գնումները ընել և մեր ստիպողական պատրաստութիւններով զբաղինք:

Այս փոթորիկն ալ հազիվ անցուցած՝ մեր թշվառ ընկերները եկան սլաշարել զիս և խնդրել, որ իրենց համար պատառ մը հաց ձարմ:

Ա՛խ շահագանց դժնդակ էր մանավանդ իմ կացութիւնս, ըլլալով հովիվ հողատուած հոտի մը, աքսորական քարավանի մը մեջ աքսորական եկեղեցական մը, ես ալ զրկված նյութական ու բարոյական ամեն միջոցներն, սակայն ամենքին աչքը ինձի էր... Զէ՞ որ հայ ժողովուրդը դարեր շարունակ իր գլուխը տեսած էր հայ եկեղեցականը իբր առաջնորդ կամ հովիվ... Այս դերիս մեջ էի, հայ ժողովուրդի խլյակներու այս շարժուիչուր եղած քարավանին ալ առաջնորդն էի դեպի Զոր... Այս սպառած յոզկատցի 70—80 տարեկան

ծերունիներու աղերսարկու և մարած ակնարկներն տանջված հողիս ա՛յ ավելի կը տանջեն: Որովհետև տառապած հոգիներու վշտին ու ցավին խորութիւնը չափելու համար պետք է անձնապէս տառապած ըլլալ, և անոթիին վիճակը հասկընալու համար՝ անպայման անոթի մնացած ըլլալ: Իսկ ես իմ ամենաքաղցած ընկերներու շափ կրած էի գալարուժ սովատանջ աղիքներուս. սակայն իմ դիրքս արգելք եղած էր՝ որ անոթութիւնս կուսնել տամ մեկու մը: Շատ անգամ ո՛րևէ աքսորի մեկ ընկերս երկարված պատառ մը շոր հաց վրան քանի մը փոշեգօծ շամիչներով քավ եղած էր իբր սնունդ ամբողջ մեկ օրվան...

Չէի գիտեր, թե գլուխս ո՛ր զարնեմ, որովհետև խեղճերը ինծմէ զատ հույսի հենարան չունեին... Ես էի ելած ամբողջ տառապանքի ճամփու ընթացքին իրենց միակ հույսը և միխթարութիւնը և մեկէն մյուսէն մերթ համոզելով և մերթ սպառնալիքով քիչ շատ առնելով դրամ կամ հաց, կես կուշտ կես անոթի մինչև հոս բերած էի մեր թշվառ ընկերները՝ առանց մեկը ճամփան ձգելու երկոտանի կամ շորքոտանի գայլերուն ձեռքը կամ կլափը:

Ասոնց աղիողորմ տեսքն իսկ քար սրտերը բա՛լ էր քաղցրացնելու: Ի պատիվ աքսորական իմ թշվառ ընկերներուս, հարկ է հոս հիշատակել, թե օր մը ասոնցմէ մեկը ԱնՌԹի ԵՄ շէր ըսած ինծի: Այլ միայն ակնարկով կը հասկըցնեին, և այս լեզուն... ես շատ լավ սորված էի... որ միայն անոթիներու լեզու էր և կուշտերուն անշուշտ անհասկանալի...

Լսելով, որ Սիսի օսմ. պառլամենտի անդամ մեծահարուստ Նալբանդյաններու փոքր եղբայրը Սիս կը գտնվի նույն միջոցին, ուղեցի փորձ մ'ընել փոքր փոխառութիւն մ'ընելու, հոգալ կարենալու համար դժբախտ ընկերներուս գոնն հացի կարոտութիւնը:

Լուր դրկեցի Նալբանդյանին, որ զինք տեսնել կ'ուզեմ. պատառախան ստացա, թե ինք անձամբ պիտի գա զիս տեսնելու մեր իջևանը:

Բայց օրը անցնելու վրա էր և երեցող չկար, մյուս կողմէն լսեցի, որ տունը հիվանդ ձեանալով անկողին մտած է և ժամանակ շահիլ կ'ուզէ: Խորհելով, որ շուտով մեզ ճամփա կը հանեն և ինք ալ կ'ազատի մեզի պես վտանգավոր փորձանք-

ներս: Որովհետև կ'անգիտանար, որ մենք հրաման ձեռք բերած ենք, մեկ օր ավելի հանգիստ մնալու Սիս:

Տեսնելով, որ օրը կը տարածամի և մեկ կողմէն եկող գնացող չկա, մյուս կողմէն մեր անոթի ընկերները իզուր կը տանջենք սպասցնելով, երկրորդական մտածումներ մեզ կողմ ձգելով՝ գնացի Նալբանդյաններուն բնակարանը և առաջնորդվեցա այն վերնահարկի փոքրիկ սենյակը, ուր անկողինն մեջ նստած էր Նալբանդյան երեք եղբայրներու կրտսերը՝ երկու ծեր ազգականներու հետ, և իբր թե տաք վիճաբանութեան մը մեջ ըլլար:

Այսպէս խորհրդապահ տան մը աչքե հեռու մեկ փոքր սենեկին մեջ, Նալբանդյանի անկողինն մոտ նստած՝ սկսանք մեզ հետաքրքրող օրվան զանազան նյութերու վրա խոսիլ:

Սուրճէն վերջ, այլևս ժամանակը հասած համարելով հայտնելու այցելութեանս իսկական նպատակը, զխավոր մանրամասնութեամբ պատմեցի 102 հոգինոց տարագրութեան մեր քարավանին հյուծիչ ճամփորդութիւնը մինչև Սիս: Հիշելով, որ շուրջ 35 օր տևող և ամբողջ Փոքր Ասիան հյուսիսէն հարավ արշաւ ճամփաների կատարած բռնադատչալ մեր ուղևորութեան պատճառով, մեզմէ 60—70 հոգին հացակարոտ և հույժ ողբալի վիճակի մեջ են: Թե անկարելին ըրի թուրք գյուղերու մեջ մուրալով, մեր ունեւորներէն ողորմութիւն առնելով, անձնապէս փոխառութիւն ընելով՝ այս թշվառները ողջ մինչև հոս բերել: Սակայն դեռ շատ ճամփա ունինք քալելիք մինչև Տեր Զոր, ուստի խնդրեցի, որ 25 ոսկիի փոխատվութիւն ընե՛՛ փոխան Պատրիարքարանէ գանձելի ընկալագրի մը:

Ապահովցնելով, որ երբ ընկալագիրս հասցնե Պոլիս, Պատրիարքարանը սիրով պիտի վճարե այսբան շնչին գումար մը, հանուն տարագիր հայերու հացազնի:

Բայց սառնասրտութեամբ Նալբանդյան պատասխանեց, թե չենրկա՝ հաղորդակցութեանց բազմաթիվ դժվարութիւններուն մեջ հնարավոր չէր այսպէս գաղտնապէս տրված ընկալագիր մը Պոլիս դրկելով գանձել Պատրիարքարանէն...

Բացահայտ էր, որ ոչ մեկ կարեկից զգացում գոյութիւն ուներ այս մարդուն սրտին մեջ, հանդեպ այն դժբախտ և նավաբեկչալ ժողովուրդի տարագիր շնչավոր խլլակներուն, որոնց անունով և շնորհիվ իր եղբայրը գնացած էր բազմիչ օսմ. պառլամենտին մեջ: Այս բացառիկ և ազդեցիկ դիրքին

շնորհիվ ևս ոչ միայն փրկած էր իր ամբողջ հարստութիւնը և կալվածքները, այլև տարագրվող հայերու մեկնումեն նյութապես ևս մեծապես օգտված էր՝ հրապարակը միայն իրենց մնացած ըլլալուն համար:

Բաց աստի իբր օսմ. խորհրդարանի անդամ հաջողած էր իր ազգականներն փրկել, և ասոնց շարժուն ու անշարժ հարստութիւնը ևս ազատել պետական բռնագրավումէ:

Ամեն ջանք կ'ընեի համոզելու համար, որ ոչ իբր ողորմութիւն, այլ իբր փոխատվութիւն 25 ոսկիի շափ աննշան գումար մը տալու շրջկամակի, որ պիտի ծառայէր մեր դժբախտ քարավանին կեսնն ավելին փրկելու սովամահութենէ: Իզուր կը նկարագրեի քսորի ճամփուն վրա մահվան ուխտավորներուս կրած հազարումեկ տառապանքները և զրկանքները, որոնցմով այժմ ամենքն ալ հյուծած ու սպառած էին և շատեր ալ արդեն կմախացած... Նա բոլորովին անտարբեր էր սիրտմաշ նկարագրութիւններուս, և քարասրտութեամբ կը պատասխանէր թե, բոլոր հայերու վիճակն ալ վատ է:

Բայց անշուշտ ոչ իրենցը, երբ թուրք բարձր պաշտոնյաներու հետ գինարբուքով և թղթախաղով ժամանակ կ'անցընեին, լեցնելով իրենց ցորենի շտեմարանները՝ տարապարհակ աշխատութեամբ հայ գործավորական գումարտակներու (Ամելե թապուրի), որոնց նույնիսկ կը զլանային կուշտ ու կուռ հաց մը տալ: Իսկ եղած բողոքներուն կը պատասխանեին, թե փառք տվեք Աստուծո, որ հոս դարձյալ շոր հաց մը կը գտնեք. եթե այս աշխատութիւնն ալ չընեք, երթալիք տեղերնիդ Տեր Զոր է...

Եթե ավելի բուռն կերպով այս եղբայրադավ զրկանքներու՝ ու բռնութիւններուն դեմ բողոքող հանդուգն հայ զինվորներ ըլլային, անմիջապես իրենց գործակից ու շահակից թուրք զինվորական պաշտոնյաներու միջոցով հեռացնել կու տան եղեր այլուր...

Տեսնելով, որ անտարբեր է դեպի մեր դժբախտ վիճակը և ցցուն առարկութիւններով կ'ուզե մերժել ըրած համեստ առաջարկս, վերջին ջանք մը ևս փորձեցի ընել հանուն տառապանքի իմ բյուրիցս թշվառ ընկերներու, որոնց աղերսարկու նայվածքներն դեռ սեւեւված կը մնային տանջված հոգովոյս խորը:

Կրկին մերժման մը պարագային կրելիք անձնական ար-

ժանապատվութեանս վիրավորանքը առանց ի նկատ առնելու՝ թախանձագին խնդրեցի, որ գոնե միայն տասը ոսկի հաճի տալ անձնապես ինձի իբր փոխատվութիւն: Ավելցնելով, որ իմ տասը ոսկիի ընկալագիրս երբ որ Պոլիս դրկե, անմիջապես կը վճարվի, եթե նույնիսկ անհայտացած ըլլամ արդե՞ն ավագի անապատներուն մեջ...

Դիտելով, որ դժկամակ արտահայտութիւն մը ցույց կու տա հանդեպ այս նոր առաջարկ—խնդրանքիս ևս, զինք ապահովեցնելու և միանգամայն վերջին հույսս ալ ի դերև հանելի փրկելու համար հայտնեցի, որ եղբայրս ի Մելբուռն և ազգականներս ի Պոլիս նյութապես ի վիճակի են՝ հիշատակիս ի հարգանս տասնապատիկ և ավելի վճարելու սիրահոծար և առանց առարկութեան՝ հանդերձ անցնող տարիներու տոկոսներովը...

Զիս քարացնող սառնասրտութեամբ մը պատասխանեց ինձի անտարբերութեամբ.— բայց ես չեմ կրնար այսպիսի փոխատվութիւն մ'ընել ձեզի, որովհետև ձեզ Տեր Զոր կը տանին և ոչ ոք գիտե, թե ձեր վախճանն ի՞նչ պիտի ըլլա...

Ա՛լ թախանձելն ավելորդ էր, մեր զեմինը բարոյական սնանկ մըն էր և անարժան խնդրանքի պատվույն...: Որովհետև եթե մարդկային սիրտ մը ունենար, ոչ թե պիտի մերժեր տասը ոսկիի շափ հույժ համեստ գումարի մը փոխատվութիւնը, այլ ինք անձնապես կրնար իբր Նվե՛ր տալ շատ ավելին:

Անկարելի էր զինք համոզելու նոր փորձ մ'ընել, որովհետև չէր ուզեր համոզվիլ...

Երբ նալբանդյաններու բնակարանն դուրս եկա, արդեն կեսօրը անցած էր, և գարնանային կիգիչ արև մը զենիթը անցած դեպի արևմուտք կը խոնարհէր: Բայց ես ա՛յնքան ընկճված, ա՛յնքան բարոյապես լլկված էի և տառապած հոգիս ա՛յնքան խռոված էր, որ աննշմարելի անկյուն մը ա՛խ կը փնտրեի, որ գտնեի և մինակ լայի...

Միայն արցունքը կրնար հանդարտեցնել արեւկոծյալ սրտիս հուսավրեպ խռովքը... Երբ կը խորհեի, թե ի՞մա որ դառնամ, ի՞նչ պատասխան պիտի տամ ժամե մը ավելի ակնկառուց Գամփաս սպասող և պատաս մը հացի գարտոր քաշող թշվառ ժողովորդիս, ա՛խ պարզապես արևը խավար կ'երևար աչքերուս...

Քանի՛ քանի՛ անգամներ ճամփուս վրա դտնվող քարերու

ընդհարելով գետին ինկա, որովհետև ես զիս կորսնցուցած էի, ու չէի գիտեր թե ո՞ր կ'երթամ... Բոլոր քաշած հին տառապանքներս մոռցած էի նույն պահուն. զի մեր ցեղային թշնամիեն կրած էի այդ ամենը, բայց իմ ազգակիցես այս կրած հուսախարությունս զիս կ'ընդվզեցներ: Մանավանդ, երբ տեսա իր տան մեջ վայելած հանգիստը մաքուր անկողիններու մեջ նստած, և հիշեցի համադամ իր սեղանները... ու մեր ներկա կացության հետ բաղդատեցի, պետք եղավ, որ իբր պաշտոնյա Աստուծո՞ կարելին ընեմ և զսպեմ շրթներես վրիպել ուզող անեծքները... զի չէ՞ որ օրհնության պաշտոնյա էի...

Խնդրել 10 ոսկի միայն 60—70 թշվառ ազգակիցներու իբր հացագին մահվան մեր ճամփուն վրա և մերժվիլ...

Այո՞, կը մերժեր, մտածելով, որ մենք անապատները կը տարվեինք էտորվելու համար, և կը խորհեր, թե այս անգուժ արարքը օր մը արևը ի լույս չպիտի բերեր...

Հազիվ վե՛րադարձած մեր քարավանատեղին՝ ամենքը, մանավանդ յոզկատցիները մոտս խուժեցին իմանալու համար, թե հաջողությամբ կը դառնայի... և թե պիտի կրնայի՞ պատառ մը հաց գտնել իրենց համար, որոնք համարյա 24 ժամն ի վեր ոչինչ կերած էին:

Երբ իմացան, թե ձեռնունայն դարձած էի, ա՛լ պետք է երևակայել իրենց հուսախաբությամբ կրած դառնությունը ու կսկիծը: Շատեր անեծք կը կարդային... Իսկ պոլսեցի մեկ քանի մտավորական երիտասարդներ կը սպառնային և կ'ըսեին. ա՛խ, եթե ողջ մնանք, անոնց ցույց պիտի տանք, թե իրենց այս անգթությունը հանդեպ մեզի, ո՞րքան սուզի պիտի նստի նալբանդյաններուն... իրենց հարստությունը թշվառներու ձրի քրտինքի արժեքն է... և պատառ մը հաց մեզի շատ տեսան... կը տեսնեն, բայց ա՛խ, միայն թե ողջ մնայի՞նք...

Բարեբախտաբար այս միջոցին հացավաճառ հայ մը իմանալով այս խեղճերուն ընդհանուր դժգոհության և զայրույթի շարժառիթը, փութաց 60 հաց ինծի տրամադրել, որպեսզի ամենակարոտներուն բաժնեի: Ասով քիչ մը բավականություն ստացան, և յուրաքանչյուրը ստանալով 250 գրամ հաց, գոհացան և օրհնեցին նվիրատուն:

Երբ քիչ վերջ եկավ նաև Նալբանդյանի փուռին պաշտոնյան հաց վաճառելու համար, անձամբ դիմեցի նույնին, և պատմելով, որ հաց վաճառող արհեստավոր հայ մը կարեկցե-

լով 60 հաց նվիրած էր աքսորականներուն, խնդրեցի, որ իրենք ալ 60 հաց նվիրեն: Որպեսզի ճամփու համար քիչ մը պաշար ունենան հետերնին, քանի որ իրենց բաժնած հացս նույն վայրկենին խեղճերը պատառ-պատառ կլլած էին՝ սովալլուկ կենդանիներու նման...

Պաշտոնյան պատասխանելով, որ առանց իր օլորջը չի լընար բան մ'ընել, մեկնեցավ արգելարան իջևանեն և քիչ վերջ գտնալով 40 հաց միայն հանձնեց ինծի, որ բաժնեմ կարոտներուն: 20 հաց պակաս տալը շահ համարած էին... Յոզկատցի ծերերեն ոմանք իրենց զգացած արդար զայրույթեն լացին...

Թեպետ մեկ քանի երիտասարդներ խնդրեցին, որ շառնեմ այս 40 հացը՝ չհանդուրժելով այլևս ա՛յսքան անարգանքի, սակայն աղերսարկու նայվածքն սովահար թշվառ ծերուկներու զիս կը բռնադատեր, որ շատ խստապահանջ չըլլամ և արժանապատվության վրա չմտածեմ ու առ այս ամեն բծախնդրություն մեկ կողմ թողում:

Ստուգիվ ալ այնպիսի թշվառ վիճակի մը մեջ կը գտնվեինք, որ արժանապատվության վրա մտածելու ժամանակ չկար...

Դարձյալ մենք մեր մեջ ճար-ճարակ ընելով մեր թշվառագույն ընկերները գոնե փոքր շափով կշտացնելի և կազդուրելի վերջ՝ գիշերը խաղաղ անցուցինք և հաջորդ օրը պատրաստվեցանք մեկնումի:

Տեղացի հայերն լսեցինք, որ Սիսի 800 տուն հայերեն 50—60 տուն հայեր, մեծ մասամբ Նալբանդյաններու շրջապատի մարդիկ կամ ազգականներ, կրցած էին ազատիլ տարագրութենեն և մեր Սիսեն անցած միջոցին քաղաքն էին մնացած: Ասոնց հետ իբր անդամալույծ կրցած էր մնալ Սիս նաև ծերունազարդ քահանա մը, որ իր տան մեջ փակված արգիլված էր նույնիսկ մեռելները թաղելի:

Սիսի մայրավանքը թուրք գաղթականներու տղոց վարժարանի վերածված էր, իսկ հայոց թափուր տունները ևս ներքին գավառներեն Կիլիկիա խուժող իսլամ գաղթականներու բնակության հատկացած էին:

Մայրավանքի բոլոր սրբազան անոթները, զգեստեղենները և մատյանները ամենավերջը մեկնող եպիսկոպոսները հետերնին առած և ս. Երուսաղեմ փոխադրած էին: Իսկ այն գույքերը, որոնք հնար չէր եղած տեղափոխել, կամարակապ

նկուղներու մեջ թաղած էին՝ իբր վերջին ավանդը մեռնող հայու թիւը:

Իսկ կաթողիկոսական գահը, որ մարմարիոնն և քանդակազարդ 200 տարվան հնութիւն մըն էր, փշուր-փշուր ջախջախած էին թուրք դպրոցական տղայք՝ հանձնարարութեամբ իրենց մոլեռանդ ուսուցիչներուն:

Այս գահին համար թեև Լեոնի գահը կ'ըսվի, բայց ոչ մի պատմական հիմ շունի և ըստ վկայութեան նույնիսկ Կիլիկիո սրբազան կաթողիկոսին հազիվ մեկ քանի հարյուր տարվան հնութիւն մըն էր, ինչպես քիչ վերև հիշեցի:

Օգտվելով մեր վայելած բացառիկ բարյացակամութենէն, մասնավոր թույլտվութեամբ կրցանք նամակներ ու հեռագիրներ հղել մեր ընտանեկան բոլոր պարագաներուն, մեր ո՛ւր գտնվելը իմացնելով անոնց:

Մեր պանդոկապետը հաճընցի հայ մըն էր, որ հնարքով մը հաջողած էր մնալ Սիս և ազատիլ տարագրութենէն: Սա պատմեց մեզի, թե Բաղդադի երկաթուղու գերման ընկերութիւնը հազարավոր աքսորեց փախստական հայեր, շատեր հանդերձ ընտանեւոր, ինչպես նաև զինվորութենէն փախստական իսլամներ, կ'աշխատցեն Ամանոսի և Տավրոսի երկաթուղու փապուղիներու շինութեան գծին վրա: Թե անոնք, որ անգամ մը փախչելով արպատանին սույն երկթ. գիծը, ա՛յլ կրնան ազատված համարել իրենք զիրենք, որովհետև թուրք քաղաքային և զինվորական վարչութիւններն շեն կրնար՝ զաւոնք ձերբակալել: Հակառակ ըլլալով այսպիսի ընթացք մը՝ կառավարութեան և գերմ. երկթ. ընկերութեան միջև նախօրոք կնքված գրավոր համաձայնութեան:

Մեզի կը թելագրեին, որ երբ երկթ. գիծը հասնինք, ամենքս միասին փախչինք և ապաստանինք երկթ. գիծը և արդեն փրկված կրնայինք ըլլալ:

Մենք ալ արդեն համոզված էինք, որ մեր փրկութիւնը միայն փախուստով կրնայինք ձեռք բերել: Իսկ մեզի համար փախուստը շատ դժուրին էր, քանի որ ամենքս ալ այդ մարդոցմե կազմված քարավան մըն էինք, և կիներ կամ երախայք չկային մեր մեջ:

Ասոր վրա՝ նույն հայ պանդոկապետին շնորհիվ գաղտնի բանակցութեան մտանք զինվորութենէն փախստական ճարպիկ թուրքի մը հետ, որ արդեն ինք ալ կ'աշխատէր նույն գծին

վրա և մեկ քանի օրվան արձակուրդով եկած էր Այրանն Սիս:

Այս թուրքը հանձն առավ փոխան լիառատ վարձատրութեան՝ երթալ մեզմե առաջ Ամանոսի երկթ. ընկերութեան կենտրոնը Այրան, և տեսակցելով նույն գերման ընկերութեան թարգման Փ.-ի հետ մեր փախուստին հող պատրաստել ու պատասխանը բերել Քիլիկի, որմե մենք պիտի անցնեինք իսլահիյե հասնելի առաջ:

Թուրքը թեպետ գրավոր թուղթ մը ուզեց հետը տանելու համար, որ պիտի ծառայեր իր պաշտոնին վավերականութեան: Սակայն զգուշացա այսպիսի թուղթ մը տալիս, խորհելով, որ կրնար դավադրութիւն մը լարված ըլլալ մեզի դեմ և այսպիսի փաստ մը ձեռք բերել կ'ուզեր կառավարութիւնը մեզ փախցնելու համար: Բայց կրնար և դավադրութիւն մը չըլլալ. սակայն հանկարծ թղթատար այս թուրքը կասկածի վրա ձերբակալվելով կրնար կրկին նույն աղետաբեր հետեւանքը առաջ գալ մեզի համար: Մեր անխորհուրդ մեկ քայլով կրնայինք փութացնել մեր եղերական վախճանը, միանգամայն մեր դահիճներուն ևս շքմեղանքի փաստ մը ընծայելով մեր անհեռատեան ընթացքովը:

Թուրքը մեզմե առաջ մեկնեցավ Սիսն՝ խոստանալով մեր ճամփան սպասել որոշյալ տեղը:

Նույն պանդոկապետ հաճընցի հայը ցույց տվավ մեզի Հաճընը թուրքերուն մատնող դավաճան Արամը: Նիհարակազմ և փոքրահասակ խոռոչացած աչքերով 25 տարեկան երիտասարդ մը, որ իբր հնչակյան իրազեկ ըլլալով հայերու զենքերու թաքստոցներուն՝ մատնած էր թուրք ոստիկանական պաշտոնյաներու և անկարելի դարձուցած փրկութեան կամ դիմադրութեան ո՛րևէ փորձ:

Մտալուտ փրկութեան հուշով առջված ճամփա ելավ քստորականներու քարավանը Սիսն դեպի Կարսպազար:

Մեկ օր ավելի մեր բացառաբար վայելած՝ հանգստով բավական կազդուրված էինք առնալ ալ, և քիչ շատ սկսած էինք դարձյալ «մարդու» նմանիլ:

Շուտով մեր ետև թողուցինք Ռուբենյանց հայ թագավորներու պատմական մայրաքաղաքը իր հին փառքի անցյալ հիշատակներովը և մտանք Կիլիկիո դաշտը:

Նղանակը գարուն էր, մեր ոտքերուն ներքև սփռված էին 21— Հայ Գողթն

կանաչազարդ մարմանդներ և տեղ տեղ ևս ցորենի հասկերը
իրենց զլուխը սկսած էին արդեն վեր բարձրացնել: Կիրիկիտ
տաք արևը կը ջեռուցաներ տեղաջող անձրևներն վերջ զգալի
եղող ցուրտ խոնավութունը:

Ոգեսպառ արքայականներու քարավանը ավելի արագ քայ-
լերով կ'անցներ դաշտի ճամփան, որ ծովու մը մակերեսի
նման հարթ հավասար ըլլալուն դյուրավ կը քալեինք: Շուտով
մոռցած էինք մեր մինչև այժմ կրած տառապանքները, անո-
թութիւնը, ծարավը և ծեծը: Մեր մահվան ուխտավորներու
երիտասարդ անդամները սկսած էին ոգևորվիլ կրկին, և մո-
տալուտ փախուստի ծրագիրը զիրենք ա'յնքան խանդավա-
ռած էր, որ արդեն փրկված ըլլալ կը կարծեին...

Չէ՞ որ անձնական թե ցեղային նկարագիրը չի փոխվիր
դյուրավ կամ երբեք, նույնիսկ մահաբույր վերջին օրերու մեջ:
Մահվան հետ վաղուց ընտելացած էինք, ա'յլևս անկե չէինք
սոսկար: Մահը առաջ անծանոթ և ահարկու թշնամի մըն էր
մեզի համար, իսկ այժմ ընտանի բարեկամ մըն էր և սարսափ
չէր ազդեր մեզի այլևս...

Հիսուս մանուկը արեւելքեն տեսնելու և երկրպագելու եկող
մոգերը առաջնորդող աստղին նման, մենք անապատի ուխ-
տավորներս ալ մեզ առաջնորդող պոչավոր աստղ մը ունե-
ինք: Այս աստղը հոգեվարք հայութեան վերահաս արշա-
լույսի ռահվիրա աստղն էր, որ հինգ հարյուր երկար տարի-
ներու ապարդշուն սպասումներեն հետո, վերջապես սկսած
էր երևիլ հեռավոր հորիզոնին վրա, հազիվ նշմարելի պլպլու-
մով մը...: Հայ հորիզոնը սկսած էր շառագունիլ և արյու-
նագուն կարմիրով մը հրդեհել հայոց պաշտելի և սրբազան
լեռ Արարատ:

Այո՛, ամենքս ալ խորապես համոզված էինք, թե հայու-
թիւնը բնաջնջելու համար կազմակերպված համատարած ար-
շան այս բաղնիքը Վե՛րջինն է՛ր... թե հորդահոս թափված ան-
մեղ արշունը իզուր շպիտի երթար... Բայց ավա՛ղ, ողջ մնա-
ցող հազվագյուտ բախտավորները միայն պիտի կրնային տես-
նել հայութեան այս հրաշափառ արեւածագը...

Այս մեր ոգևորութեանը մեջ, մեկ քանի առաջապահ երի-
տասարդներ իբր թե զրոսական պտույտի մը ելած ըլլային,
սկսան ամենքին լսելի ձայնով մը երգել զգայուն ջեշտերով
իրենց կարապի երգը.

— Երբ որ բացվին դռներն հուս
Եվ մեր երկրն փախ տա ձմեռ,
Չբնազ երկիրս մեր Կիրիկիա,
Երբ որ փայլե քաղցրիկ օրեր,
Երբ որ ծիծառն ի լույսն գառնա,
Երբ որ ծառերն հագնին տերև,
Ցանկամ տեսնել զիմ Կիրիկիա,
Աշխարհ, որ ինձ ետոր արև...

Իսկ ուրիշ կողմե, ներշնչված այս հայրենաբազմ սրտա-
խորով շեշտերեն, մեկ քանի ծաղկահասակ երիտասարդներ ևս
ավելի մարտազոռ շեշտերով կ'երգեին.

— Ամենայն տեղ մահը մի է...
Մարդ մի անգամ պիտի մեռնի...
Բայց երանի որ յուր ազգի...
Ազատութեան կը զոհվի...

Ախ, ո՛րչափ պատեհ էին և հարմար բանաստեղծին այս
մարտահրավեր խոսքերը մեր ալ վիճակին: Մեկ միլիոնն ավե-
լի ցեղակիցները՝ ողջակիզված էին հայութեան ազատութեան
սեղանին վրա: Եվ եթե հայ նահատակներու զանգերն լեռ մը
բարձրանար, ապահովաբար շուք պիտի տար ան՝ սուրբ Արա-
րատի հավիտենական ձյունի երկնաբերձ կատարին...

Արդարև հայ ժողովուրդին ցույց տված կենսունակութիւնը
մարդկային պատմութեան ամենահրաշալի դրվագներն մեկն էր:

Ցեղը անձիտելու համար պարբերաբար հինգ հարյուր
տարի կատարված համատարած կոտորածները, 1890-ին Կար-
նո կոտորածը, 1895—96-ին ընդհանուր հայկական ջարդերը,
1902-ին Սասունի ջարդը, 1909-ին Ադանայի կոտորածը, և իբր
թագ ու պսակ այս ամենքին 1915-ին հայութեան վերջնական
ու արմատական բնաջնջումին համար կազմակերպված, մարդ-
կային պատմութեան մեջ նմանը շտեմնված ջարդերը, որոնք
գերազանցեցին արշունի ամեն բաղնիքները անցյալ բոլոր դա-
րերու:

Բայց հայը ամեն անգամուն ալ ներողամիտ եղավ հանգեպ
իր ջարդարարներուն և համբուրվեցավ իր դահիճներուն հետ:

Հայ ժողովուրդը ազնիվ, վեհոգի ու անհիշալար էր, շու-
տով կը մոռնար արշան ամեն նոր նախճիր, բավ էր, որ իր ան-
գութ գահճներն միխթարական մեկ քանի խոսք բանին: Իս-
կույն կը սպիտանային իր խոր խոցերն ու վերքերն և շուտով կը

լուրջ պայքար մը մղելի վերջ, մտանք մեծ ախոռ մը, որուն կից մեկ-երկու գոմեր ալ կային: Մեր քարավանը տեղավորվեցավ այս ախոռին ու գոմերուն մեջ՝ և առանց բան մը ուտելու հետամուտ ըլլալու, շափաղանց պարտասած ինկանք շորեցած աղբյուրի կույտերուն վրա և քնացանք:

Հաջորդ օրը հազիվ կորեկի ցեխանման օճ հաց մը ձեռք ձգելով՝ ճամփա ելանք և կես օրվան կարճ դադարե մը վերջ երեկոյին հասանք շատ կանուխ Կարս-Պազար:

30.

ԿԱՐՍ-ՊԱԶԱՐ — ՕՅՄԱՆԻՅԵ ԵՐԿԱՌՈՒՂՈՒ ԱՌԱՋԻՆ ԿԱՅԱՐԱՆԸ

Կարս-Պազար ճիհուն թափվող գետակի մը ափին գայմադամանիստ գյուղաքաղաքն մըն է, շուրջ հազար տուն բնակիչներով, որուն բացի երկու հարյուր տունեն՝ մնացյալը իսլամ մեծամասնութիւն մըն է եղած: Տեղվույն հայերը ևս սեղահան եղած էին, և ոչ մեկ հայ թողված էր քաղաքը: Տեղվույն թուրքերը Կովկասի համանուն քաղաքեն թուրք գաղթականներ ըլլալուն՝ շատ մուլեռանդ իսլամներ էին, և հայերուն կատաղի թշնամի:

Այս գյուղաքաղաքին առջև Սիս երկարող ճամփուն վրա կառուցված է քարաշէն հոյակապ կամուրջ մը, ուրկե անցանք քաղաք հասնելու համար:

Բայց դժբախտաբար հակառակ մեր ակնկալութեան՝ ոչ միայն ըստ սովորութեան մեզ շնորհունեցին քաղաք, այլև հրամայեցին, որ անմիջապէս հեռանանք քաղաքեն: Իզուր աղաչեցինք, որ շատ հոգնած ենք, և մանավանդ հաց չունինք, գոնե մեր դրամով մեզի հաց վաճառեն, թե հոժարակամ բացօթյա կ'իջևանինք կամուրջին մոտիկը, բավ է, որ մեզ թույլատրեն մեր ուտելիքները քաղաքեն հոգալու: Սակայն այս պաղատանքը կառավարութեան դեմ ըմբոստութիւն համարելով, 8—10 ոստիկան զինվորներ մտրակներ ու բիրեր ձեռքերնին խուժեցին մեր վրա, և մարգագետիններուն վրա նրատող ժողովուրդէն հանդիպածին զխուս սկսան անխնա հարվածել: Երբ ծառի հաստ ճյուղերե կտրած փայտերը կտտրենին, ոտքե-

րով և սունակոշիկներու կրունկներով կը սկսեին հարվածել թշվառները: Գայլի անակնկալ հարձակման ենթարկված ոչխարներու նման սկսան ամենքը խույս տալ դեպի երթալիք մեր ճամփուն ուղղութեամբ: Բայց այս մարչ գազաններուն հայատայաց մոլուցքը դեռ հանդարտած չէր և կը վազեին հետամնացներուն ետևեն և անխնա կը ծեծեին: Իսկ ասոնք ամենասպառածները և ծերերը ըլլալով անգութ հարվածներուն տակ գետին կ'իյնային զգայազուրկ, և միայն մերթընդ մերթ հառաչանք մը կը լսվեր իբր իրենց կենդանութեան նշան: Շատերու գլուխն արյունլիվա էր, բայց ոչ ոք ետին կը նայեր այլևս, ամենքն ալ կը վազեին ժամ առաջ հեռանալու համար այս դժոխային քաղաքեն: Իսկ գայմազամը կամ տեղակալ-կառավարիչը ձեռքով քիչ հեռուն կանգնած նշան կ'ընէր, որ անխնա զարնեն ու հարվածեն առանց գթալու:

Անկարող այլևս համբերելու՝ փութացի յոթնասունամյա հյուժած ծերուկի մը մոտ վերցնելու և խնդրելու, որ այլևս բավ համարին... Այս անգամ ոստիկան զինվորը իմ ուսին կը զարնէր ուժգին հարված մը, իսկ գայմազամը կը պոռար հեռվեն—վ՛ուր քյաֆիր փափազա...— զարկ անհավատ քահանային...

Մինչև 10—15 րոպե տեղ մեզ այսպէս հալածելի հետո, վերջապէս դարձան ետ շարագործ այս ոստիկան զինվորները: Իսկ մեր քարավանին երիտասարդները շատերու գլխեն վազող արյունեն գերագրգռված կ'ըսեին.— Աս մինչև ե՞րբ պիտի համբերենք... այս գարշելիներուն բոլոր ըրածները միթե իրենց քով պիտի մնան: Ա՛խ, մեկը ողջ պիտի չմնա՞ և պատմե ողջ մնացողներուն և ապագա սերունդներուն մեր այս բոլոր քաշած տառապանքները: Ա՛խ, հայր սուրբ, գոնե դուն ողջ մնայիր և գիրք մը գրեիր ու պատմեիր մեր այս քաշած բոլոր տառապանքները...

Ահա կը կատարեմ ձեր վերջին նվիրական բաղձանքը, ասորի և տառապանքի եղբարաբախտ ընկերներ, երբ դուք կը հանգչեք հավիտենական քունով՝ առանց գերեզմանի և առանց սե փայտյա խաչի մը:

Օրը տարածամած ըլլալով 1/2 ժամ հեռուն իջևանեցանք պատահաբար հանդիպած թուրք գյուղ մը, և սկսանք կապել մեր արյունոտ վերքերը: Բայց, ո՛հ, ո՛վ պիտի կապեր վերքե-

ըր մեր սզավոր սրտերուն, որ հրաբխային խառնարան մըն էին բոցավառ վրեժի, ցավի ու վշտի:

Քուրք գյուղացիներն տեսնելով մեր արյունլի վիճակը և իմանալով եղածը, սկսան հայհոյել և անեծքով հիշել Քալեաթի և էնվերի անունները ու կըրսին—իրենց ազգին շմեղքըցող անկրոն ու անօրեն մարդիկ մի՞թե ձեզի կը մեղքընան..., ու կավելցնենին— քաղաքներն ու գյուղերն բնակիչներեն դատարկվեցան և մնացած քանի մը էրիկ մարդիկն ալ ռազմաճակատ կը տանին, ասոնք ալ լմնցնեցու համար... այո՞ ձեզ լմնցուցին, բայց մենք ալ լմնցանք. թող Ալմանը գա երկրին տեր ըլլա...

Հաջորդ օրը տաքուկ արևով մը ճամփա ելանք և սկսանք կոխոտել Անավարզայի հուռթի դաշտը, որ մեծ համբավ ունի իր արգասաբերութեամբ: Անավարզայի դաշտը սկսելով Սիսի առջևէն կ'երկարի մինչև Ճիհան և մեծ մասամբ ճախճախուտ ու եղեգնուտ է: Սակայն եթե վտակներու հոսանքները թումբերով կանոնավորվին, ընդարձակածավալ դաշտ մը կը դառնա. զի կույս հողեր են, որոնց վրա ցորենն ու բամբակն ամենաառատ բերք կու տան հարյուրին 40—60 համեմատութեամբ: Կլիման ճահճային է և մալարիա հիվանդութիւնը շատ տարածված է. սակայն եթե շորցվին ճահճներն և շամբուտներն, կլիման հաճելի է շնորհիվ Տավրոսի մերձակա ձյունապատ լեռներուն և հյուսիսի քամիին:

Ամբողջ դաշտը հարթ հավասար ծովի մակերեսի մը հանգունակ մեր առջև կ'երկարաձգվեր, բայց ոչ մեկ շարժուն էակ կը տեսնեինք՝ ոչ մարդ և ոչ կենդանի: Գարուն էր, բայց ոչ մեկ դաշտային աշխատանք կը կատարվեր, ոչ իսկ ոչխարի կամ այծի հոտեր կամ նախիրներ կանաչ մարգագետիններու մեջ կը ճարակեին:

Իթթիհատական կառավարութիւնը բռնագրաված էր ամեն ինչ, և միայն 1—2 տարու կամ ամսու մտրուկներ, հորթեր, գառներ և ուլեր թողած էր, որոնք գյուղերու շուրջ միայն կը ճարակեին ցան ու ցրիվ:

Հասանք Անավարզայի պատմական բերդին ավերակներուն առջև, ցավատանջ մեր հոգիներուն համար հուզիչ էր մեր առջև պարզվող համայնապատկերը: Ընդարձակածավալ դաշտին մեջ մեկուսացած լեռ մըն է, որուն վրա կառուցված է Անավարզայի հռչակավոր բերդը, որ պատմական մեծ դեր մը կա-

տարած է Ռուբենյանց հայ թագավորներու օրով: Բնականն օժտված բարձրադիր և ամրակուռ պարիսպներով բերդ մըն է, պաշտպանված սանդրագլուխ հսկա աշտարակներով:

Պատմական անցյալ փառքերով հարուստ հին ազգի մը զավակը ըլլալ և տարվիլ անապատները ոչնչացվելու համար և անցնիլ մեր նախահայրերու ձեռակերտ եղող հիշատակներու առջևն ու չնուզվիլ, անհնար էր:

Մեր աչքերն առած դեպի բերդը կը նայեինք ակնապիշ, օգնութիւն աղերսողի մը ակնկալութեամբ, իբր թե ոգեկոչեինք մեր հին թագավորներն ու իշխաններն, որ օգնութեան փութային մեզի:

Բերդին ներքև գյուղ մը կար, այգիներով և պարտեզներով շրջապատված էր, բայց կենդանութեան նշան չէր երևեր մեջը ու անհնար էր մեզի ճշտել, թե նույն պահուն գյուղը բնակչութիւն ունե՞ր թե ոչ, թափուր էր:

Արևամուտին բավական առաջ հասանք Ճիհան գետի եզերքը, ուր էր նաև բավական մեծ գյուղ մը՝ շրջապատված ծառազարդ պարտեզներով: Այս գյուղին մեջ ըստ սովորութեան գտանք մեկ քանի գետափնյա մեծ ախոռներ, և ասոնց մեջ տեղավորվեցանք ամենքս ալ: Առիթն օգտվելով գետափ փութայինք մաքրվելու և լվալու համար մեր կաշիացած ճերմակեղենները: Բարեբախտաբար այս ախոռները՝ երկար ժամանակե ի վեր կենդանիներու այցելութիւնը ընդունած չըլլալով շոր էին, և գոհ էինք պատսպարված բնակարաններ գտնելուն: Այս ախոռները մեզի համար պալատներ էին. բավ էր, որ մեզ արտոնեին բնակելու մեջը:

Իթթիհատական թուրք կառավարութիւնը քաղաքներ և գյուղեր հավաքած էր ամեն տեսակ օգտակար և ընտանի կենդանիները ևս, և ձգած էր մարդոց պես միայն կաղ, կույր, քոտոտ և հիվանդ կենդանիները, ձի, էջ, կով, եզ, ոչխար, այծ, և այլն:

Մեր առջև պարզվող տեսարանը շատ ակնահաճո էր, որովհետև Ճիհան գետը Ալպիստանի լեռներէն բխելով, արագավազ հոսանքով մը կ'իջնար Կիլիկիո դաշտը մեր իջևանած գյուղէն քիչ հեռվէն, և կ'ըլլար իրական աղբյուրը Կիլիկիո դաշտի հռչակավոր արգասաբերութեան:

Գետը հորդած էր գարնան ձյունհալին պատճառով, ոռոգած էր գետափնյա բոլոր արտերն ու մաղագետինները: Պղտոք

և տղմուտ հոսանքով և հորձանքով ի թավալ կու գար արգա-
վանդ դաշտերու միջով դեպի Միջերկրական ծով: Իր հետ
լեռնային վայրերե բերած էր ծառի հաստարմատ կոճղներ և
ճյուղեր, և կը սրբեր ու կը տաներ իր հետ ամեն ինչ, որ կը
փորձեր արգելք ըլլալ իր հզոր հոսանքին ու ընթացքին:

Ա՛խ, եթէ այս Ճիհունը՝ լեզու ունենար, ի՞նչ սարսուղզե-
ցիկ ու աղեխարշ դեպքեր պիտի պատմեր մեզի Ադանայի
1909-ի կիլիկյան հայ եղեռնին: Երբ հազարավոր հոշոտված
հայ նահատակներու մարմինները Ճիհուն և քույր գետը Միհուն
տարին անգաղտնապահորեն դեպի ծով: Իսկ Փայասի առջև
գեգերող եվրոպական մեծ ազգերու ռազմական նավերու սպա-
ներն լուսանկարեցին պաղ արյամբ, իբր թե բնական տեսա-
բան մըն էր, որ կը լուսանկարեին...

Քաղաքակիրթ և քրիստոնյա եվրոպական ազգերն, Կիլի-
կիո հայոց դեմ կատարված այս նոր նախճիրն լսեցին և լու-
սանկարեցին, և կարճեցին կատարած ըլլալ արդեն իրենց պար-
տականութունը:

Բավական հանգիստ գիշեր մը անցուցինք, և փոքրիկ հան-
գանակությամբ մը հաջողեցանք անգամ մը ևս մեկ-մեկ պա-
տառով փոքր-ինչ ստամոքսներն խաբել տալ մեր կարոտ և
ամենքեն ավելի թշվառ ընկերներուն:

Արևածագին հետ արդեն ամենքս ալ գետափն էինք և հերթի
կը սպասեինք անցնիլ կարենալու համար լայնատարած և
ծովացյալ Ճիհունը: Այն նավակը, որով հանդիպակաց եզերքը
պիտի անցնեինք, իսկապես լաստափայտ մըն էր՝ շինված ծա-
ռի տաշված գերաններ և ազուցված ճարտարորեն իրարու
հետ, որ 6 մետր երկայնք և 4 մետր լայնք ուներ: Չորս կող-
մեն պաշտպանված էր գերաններով, որով ջուրերը չէին կրնար
ներս խոժել: Իսկապես նախապատմական տապան մըն էր,
որ արևելքի մեջ գործածելի է դեռևս բոլոր գետերու վրա:

Եվ որպեսզի այս լաստափայտը գետի զորավոր հոսանքեն
չըջվեր, երկու հանդիպակաց եզերքները իրարու կապող
մետաղյա հաստ մալուխի մը շնորհիվ կ'երթևեկեր, որուն ճա-
խարակավոր հաստ պարանով մը կապված էր լաստանավը:

Ամեն անգամուն որովհետև հազիվ 15—20 հոգի կրնար բո-
վանդակել, դժվարավ ամենքս մեկ ժամեն կրցանք գետի

հանդիպակաց Լըլբըր անցնիլ: Մանավանդ մեծ դժվարու-
թյուն կրեցին ոստիկան զինվորներն անցընելու համար իրենց
ձիերը: Հազիվ վերջին խումբն ալ գետը անցած՝ հապճեպ
քայլերով սկսանք կտրել դաշտի հարթ, բայց քարքարուտ ճամ-
փան, արևամուտեն առաջ հասնիլ կարենալու համար Օսմա-
նիյե: Զափազանց հոգնած և ծորավահյուծ ըլլալով, հան-
կարձ հանդիպեցանք ջրհորի մը, որուն վերև մեծ գերան թը
կախված էր՝ երկաթյա շղթայե մը կապված փայտյա դուլով
մը: Թեպետ ուշ շմնալու համար ոստիկան զինվորներն չէին
ուզեր մեզ թույլատրել, որ ջուր խմենք, սակայն կաշտոքով
կրցանք արտոնություն ձեռք բերել ջուր խմելու: Ժամ մը
պետք եղավ, մինչև որ ամենքս ալ կարգավ կրցանք մեզ այ-
րող ծարավը հագեցնել, որ կիզիչ արևեն ա՛լ ավելի մտրակ-
ված էր:

Վերջապես արևամուտեն բավական վերջ հասանք Օսմանիյե:
Սակայն կառավարական պատասխանատու պաշտոնյաները
ամենքն ալ իրենց տուները մեկնած ըլլալով, ոչ ոք ուզեց
մեզմով զբաղիլ: Ոստիկան զորքերու ենթասպա մը ի պա-
տասխանի մեր հարցման՝ հայտնեց, որ կառավարական շենքին
բակին մեջ պիտի գիշերեինք բացօթյա և քարերու վրա: Ոչ
ոք մեզմե համարձակեցավ գանգատիլ կամ դժգոհիլ. ընդ-
հակառակը, գոհ կ'ուզեինք մեզ ցույց տալ, խորհելով, որ մեր
հանդիպած ուրիշ քաղաքներու նման եթէ մեզ ներս շընդու-
նեին, ի՞նչ պիտի ընեինք այն ատեն:

Թեպետ քաղաքի մը մեջ կը գտնվեինք, բայց ոչ մեկ կեր-
պով կրցանք օգտվիլ բացառաբար վայելած մեր այս պատ-
վեն: Ոչ թույլատրեցին որ հաց գնենք և ոչ ալ ո՛րևէ գնումի
արտոնություն տվին, ըսելով, որ վաղը կը կշտանաք...: Իսկ
մենք 10 ժամե ի վեր ոչինչ կերած էինք, թող թե անկե առաջ
ալ նախքան մեր վերջին իջևանած գյուղեն մեկնիլը՝ շորաբեկ
հացի սև շերտեր կրծած էինք՝ առանց ուտելու ուրիշ բան ունե-
նալու:

Օսմանիյե քաղաքը գտնվելով Կիլիկիո դաշտին ծայրա-
գույն արևելյան կողմը, ուրկե կը սկսի Ամանոսի լեռնաշղթան,
առաջին երկաթուղու կայարանն էր, որ կը հանդիպեինք Պու-
սեն քաղաքից ի վեր:

Իբր արտորական՝ Փոքր Ասիո խորերը ճիշտ տարիե մը ի
վեր կը գեգերեինք սար ու ձոր, հեռու քաղաքակրթությունը

Գիշեցնող ո՛րևէ հուսադրիչ նշույլն: Պարզապես վայրենացած էինք, և երբ առաջին անգամ ըլլալով Բաղդադի երկաթուղու գերման գիծերն հասանք, փրկութեան նոր հույսեր ծնան մեր մեջ, և իրար կը շնորհավորեինք մինչև հոս ողջ հասնիլ կարենալնուս համար:

Բայց դժբախտաբար իզուր փրկութեան հույսեր սնուցինք. զի չկրցանք օգտվիլ դժբախտաբար մեզի ընծայված պատեհ-հույսուններեն և դուրուստներեն: Որովհետև բացի մեկ քանի ինծի նման հազվագյուտ բախտավորներեն, տառապանքի և անապատի մեր ուխտակիցներն գնացին ավիցնելու Ռեսուլայնի, Նիսիպիևի և Տեր էլ Զորի ավազներն, անհետ կորսվելով առհասարակ:

31.

ՕՍՄԱՆԻՅԵ — ՀԱՍԱՆՊԵՅԼԻ ԿԱՆԼԸ-ԿԵԶԻՏ

Ինչպես հիշեցինք Օսմանիյե Ամանոսի լեռնաշղթային արևմտյան դուռն է, ուրկե կը սկսին ամանոսյան փապուղիները: Իսկ Ամանոսի արևելյան կողմի կենտրոն քաղաքն է Իսլահիյե, Օսմանիյեի երեք ժամվան երկաթուղու ճամփա 4 եռու: Օսմանիյե Ադանայեն միայն 4 ժամ հեռու է երկաթուղու գնացքով, իսկ կես ժամ Մամուրե կայարանեն, ուրկե կը սկսի իսկապես Ամանոսի փապուղիներու լեռնային վե՛րելքը:

Քաղաքը կառավարչանիստ է (Մյութասարըֆուսյուն) և 5 ժամ 4 եռու կը գտնվի կիրիկյան ծոցեն, այսինքն՝ Ալեքսանդրի-թի ծովին:

Օսմանիյեի մեջ ևս կը բնակէին մեկ քանի հարյուր տուն հայեր, որոնք ամբողջապես տարագրված էին, ուստի ոչ մեկ հայ մնացած էր քաղաքը. մեր անցած միջոցին հայերու բոլոր տունները, խանութները, պարտեզները հանձնված էին թուրք հին ու նոր գաղթականներու: Հին թուրք գաղթականները եկած էին Բալկանյան պատերազմեն վերջ այս կողմերը, պետական գաղտնի նպատակ ունենալով, հայութունը չեղորացնել և բռնի իսլամական մեծամասնութիւն կազմել

տալ: Իսկ նոր իսլամ գաղթականներն այն փախստականներն էին, որոնք ուսական սահմանագլուխի հայկական նահանգներեն հեռացած էին լեղապատառ, շեթարկվելու համար հայ կամավորներու փոխ-վրեժխնդրութեան: Ասոնք ալ իրենց փախուստին մեջ թողած էին ամեն դժվարատար կայք ու գույք, հետամուտ ըլլալով միայն իրենց կյանքը փրկելու:

Յշվառ խլայկներ էին, ենթակա համաճարակներու և անթութեան: Որովհետև թուրք կառավարութիւնը իր ամբողջ ուշադրութիւնը տված ըլլալով պատերազմական գործողութիւններու, անկարող եղած էր զբաղելու թուրք, քորդ և այլ իսլամ փախստականներով, որոնք լքված էին իրենց ծնրիչ բախտին: Օրեօր կը կոտորակվէին ասոնք ալ հայերու նման, միայն սա տարբերութեամբ, որ հայերը իթթիհատական թուրք կառավարութեան բռնութեանց ներքև բնաջինջ կ'ըլլային համատարած ջարդերով, իսկ իսլամ գաղթական ժողովուրդը ինքն իրեն կ'ոչնչանար:

Անքուն և հույժ շարաշուք գիշեր մը անցուցինք կառավարական շենքին բակին մեջ՝ սալահատակներուն վրա, և հաջորդ առավոտուն միայն արտոնութիւն ստացանք հաց գնելու:

Մեր մոտը շուկերու վրա նստած գտանք նաև կեսարացի վաթսունամյա և յոթանասունամյա 4 հայ պառավներ: Ասոնք ձմռան ցուրտին ու բուքին աքսորի դատապարտված էին, որովհետև մերժած էին իսլամանալ մահը նախապատիվ համարելով: Իսկ դրացի թրքուհիները շահնդուրժելով, որ իրենց քրիստոնեական հավատքին վրա այսքան հաստատ մնացող և իսլամութիւնը մերժող հայ պառավներ աքսորե գերծ մնան, բռնազրոսիկ կերպով կռիվ մը ստեղծած էին, և ապա կառավարութեան ամբաստանած այս Յշվառ հայ պառավները, թե մարգարեին և իսլամական կրոնին հայհոյեցին: Իսլամներու կողմէ միշտ պատրաստ պահված ամբաստանութիւն մը, որ առ ի շոյե յորևէ հանցանքի, թուրքերը կամ թրքուհիները պատրաստ են զրպարտելու և պատուհասելու իրենց քրիստոնյա, բայց մանավանդ հայ հակառակորդները: Չէ՞ որ թուրքիո մեջ առածի կարգ անցած է «տինիմէ սէոյտին», հավատքիս հայհոյեցիր առածը:

Այս հայ մամիկները հետիոտն ճամփա հանած էին Կեսարիայէն՝ և ճիշտ մեր ճամփով 40 օրեն բերած Օսմանիյե: Կազպելի կիրճեն անցած ժամանակ թանձր ձյունի պատճառով

ստիպված են մնալ Չ շաբաթ զանազան գյուղերու մեջ, անկարող ըլլալով ոչ թե քաղել, այլ եուլյնիսկ շարժիլ:

Թուրք կառավարութիւնը պատիվ համարած էր շարշարել այս հայ պառավները, խնդալու համար թշվառ այս մամիկներուն տառապանքին վրա:

Այն ոստիկան զինվորները, որոնց հերթով հանձնված էին այս պառավները, որպեսզի տասին Տօր Զոր, զժալով ասոնց թշվառութիւնը վրա՝ իշխանած իրենց գյուղերուն մեջ թուրք գյուղացիներեն բռնի հաց հավաքելով տված էին, որ ուտեն այս հայ մամիկները: Որովհետև ասոնք ոչ դրամ ունեին և ոչ հաց, ոչ կոշիկ ունեին և ոչ ալ ո՛րևէ գույք: Այս 4 պառավներեն երկուքին ոտքը մերկ էր և փայտե սանդալներ (նալին) հագած էին: Այս խեղճ հայ պառավները շիրնալով վերջապես տոկայ ճամփու տաժանքին, հիվանդացած էին, և Գսկող ոստիկան զինվորներն թուրք գյուղացիների բռնի էշեր ձեռք բերած էին ու արսորի ճամփան տեղ-տեղ էշով փոխադրած էին:

Իսկ թե եթե այս 4 պառավները կեսարիա մնացած ըլլային, օսմ. պետութիւնը փորձանքի պիտի հանդիպեր և ասոնք ապստամբութիւն պիտի հանեին... Ահա թե թուրք ռճրագործ կառավարութիւնը հայատյաց իր քաղաքականութիւնը և անգթութիւնը մինչև ո՛ւր հասցուց:

Այս հայ յոթանասունամյա շոքս պառավները՝ կառավարական մեծ ու փոքր պաշտոնյաներուն ներկայութեան՝ այնպիսի սրտաբուխ անեծքներ կը կարդային թուրք պետութեան գլխուն, որ էն սկեպտիկներն իսկ իրենց շարագործութեանց արժանի հատուցումը գտնելու երկյուղը պիտի կրեին:

Երբ թուրք կարևոր պաշտոնյաներ կառավարական շենքը ելեուտ կ'ընեին՝ անցնելով այս մամիկներուն առջևն, ասոնք քարճարձայն և առանց ակնառութեան, կեսարացի ըլլալուն թրքերեն լեզվով կ'ազաղակեին արտասովորաւ հեկեկանքով և կ'ըռեին. ինչպես որ մայրը ազգէկն, հայրը զավկն, աչքը կիներն և մեզ տունե-տեղե ըրին, Աստված ալ զիրենք բաժանբաժան ընե... Ինչպես իրենք մեր տունը տեղը քանդեցին, իրենց ալ տունը տեղը քանդվի... «վերան» ըլլան, բուերը վայեն...

Քանի՛ «է՛յ ալլահ, ալլահ» կ'ազաղակեին ազիտգործ հասարակներով, թուրք պաշտոնյաները անձայն կը թողվին և

շտապ քայլերով կը հեռանային՝ առանց երեսներն իսկ նայելու, և ասոնք շէին համարձակեր զանոնք սաստելու:

Հայ մամիկները մանավանդ զայրացած էին տեսնելով մեր դժբախտ վիճակը, և տեղեկանալով, որ հետու տեղե կու գանք, անիծելով կ'անիծեին, ըսելով, թե— քանի մը էրիկ մարդու դեռ ողջ մնալը շատ տեսեր են գարշիլինները, ձեզ ալ ոչնչացնել կ'ուզեն...

Տեղվույն պահականոցի հրամանատարը, որ հակառակ կաշառք խոստանալնուս՝ արգելք եղած էր քաղաքին մեջ գտնվող «խանի» մը մեջ իշխանելու, մեր մոտ գալով հրամայեց մեզի, որ պատրաստ ըլլանք մեկնելու: Որովհետև զիշերը ուղ հասնելնուս՝ հնար չէր եղած պաշտոնական փոխանցման ձևակերպութիւններն լրացնելու, ուստի նախքան մեր մեկնումը կատարվեցավ: Զույգ-զույգ կարգ կենալով մեր անունները կարդացված ատեն պաշտոնական ցանկին վրայն, կը ձայնեինք, հաստատելու համար, թե ներկա էինք: Երբ թուրք սպան տեսավ, թե ամբողջ ենք և ոչ ոք կը պակսի մեզմե, բացի Կազսիլի մեջ փախչողն ու սպանվածն, դարձավ մեզ բերող ոստիկան զինվորներու «շավուշին» և հանձնման ընկալագիրը տված ատեն ըսավ. Ասոնք ամիսուկես է ճամփա կու գան և ի՛նչպես կ'ըլլա, որ ասոնցմե պակսող (այսինքն սպանվող) չէ եղած...

Ապա մեզ Հասանպիլի առաջնորդելու հատկացած ոստիկան զինվորներու ենթասպային դառնալով հրամայական շեշտով մը ըսավ.— եթե ասոնցմե մեկը համարձակի փախչիլ, իսկույն գնդակահարեցեք, մեղքը իմ վիզս... Նույնիսկ շնույլատրեցին, որ ճամփու համար հետերնիս քիչ մը հաց առնենք մեր դրամով շրջուն այն հացավաճառներն, որ մեկնումի միջոցին կը դեգերեին մեր շուրջը:

Բայց Օսմանիյենն մեկ ժամ հեռանալի հետո, երբ հասանք գետակին եզերքը, հոն կաշառք տալով շուտով համաձայնեցանք մեր պահակ զինվորներուն հետ, և մեկ ժամ ջրի ափին մնալով վրացվեցանք ու մաքրվեցանք, և ապա ճամփա ելանք դեպի Կանլը-կեշիտ:

Մեկ քանի ժամն հասանք այս սարսափելի հորջորումով մահարույր վայրը, որուն իրավամբ Կանլը-կեշիտ կամ թարգմանաբար Արյան-անցք անունը սւլած են: Կանլը-կեշիտ Օսմանիյե— Հասանպիլի ճամփուն վրա՝ Ամանոսի լեռան

այն խոր ձորն է, ուրկե կը սկսի լեռնային վերելքը դեպի Հասանպեյի:

Կանլը-կեշիտ գտնվելով երկաթուղու գերման գծերու ստորոտը, որոնք մեկ ժամ հեռվեն կը սկսին բարձրանալ դեպի փապուղիները, շինությանց կենտրոնավայր մը եղած էր, ոչ միայն գերման գծերուն, այլև Իսլահիյե երկարող մեծ պողոտային, որը կը ծառայեր ամեն կարգի փոխադրությանց: Որովհետև դեռ Ամանոսի փապուղիները բացված չըլլալով՝ Հալեպ անցնելիք միակ ճամփան այս Կանլը-կեշիտի պողոտան էր: Գործավորական-զինվորական վաշտեր, մեծ մասամբ կազմված հայերե, օրն ի բուն շոր հացի մը փոխան կ'աշխատեին այս ճամփաները շինելու և նորոգելու. զի հարյուրավոր զինվորական օթոմոպիլներ այս ճամփով կ'երթևեկեին դեպի Իսլահիյե: Իսկ Իսլահիյեեն արդեն երկաթուղին կը փոխադրեր 4 ժամեն Հալեպ: Հայտար-փաշայեն մինչև Հալեպ երկարող Բաղդադի երկաթուղին միայն երկու տեղ կ'ընդհատվեր, առաջինը Տավրոս և երկրորդը Ամանոս լեռներու մեջ: Իսկ այն ժամանակ այս լեռները ժամ առաջ ծակելով փապուղիներով երկաթուղին իրարու միացնելու հետամուտ էին գերմաններն, դյուրավ փոխադրել կարենալու համար զինվորական իրերը՝ ռազմամթերք, զենք, թնդանոթ և այլն դեպի Պաղեստինի և Միջագետքի ռազմական ճակատները:

Կանլը-կեշիտ իր բնական դիրքին շնորհիվ եղած էր փոխադրությանց իրական մեծ կենտրոն մը, նաև Տեր Զոր քշվող հարյուր հազարավոր հայ տարագիրներու արյունոտ անցք մը: Մարդոց, կառքերու, ինքնաշարժերու և այլ ամեն կարգի փոխադրությանց հսկելու համար հոս փոքր բլուրի մը վրա կառուցված էր ոստիկան զորքերու պահականոց մը: Իսկ երկթ. դերման ընկերությունը շինած էր մեծ փուռ մը՝ հաց հայթայթել կարենալու համար հարյուրավոր բանվորներու, որոնք գծին կամ զինվորական ճամփաներուն շինությանց մեջ կ'աշխատեին:

Կանլը-կեշիտ հայ տարագրության սև օրերուն ունեցավ իր ամենասուսկալի պատմությունը և այնպիսի մահասփյուռ հիշատակներ, որը հնար չէ հոս զանց ընել գոնե իր զլխավոր մանրամասնությունը:

Կանլը-կեշիտեն անցան էտիրների, Ռոտոսթոյի, Պիլեճի-

կի և Պրուսայի ու շրջակայից, ինչպես նաև Գոնիալի և ~~Կարթագոնի~~ թուղու գծի երկայնքին բնակող և 1915-ին ամռան Տեր Զոր տարագրվող հարյուր-հազարավոր հայերու շարան-շարան քարավաններն դեպի հարավ:

Ասկե անցան նաև Կիլիկիո քաղաքներեն տարագրվող 200.000-ի հասնող ամբողջ հայությունը:

Նույն օրերուն հոն գտնվող ականատեսներ մեզի պատմեցին հայ աքսորական ժողովուրդին թշվառության այնպիսի եղերական և եղեռնական զրվագները, որոնց ի լուր պիտի փշաքաղվեին ամենաբար սրտերն իսկ:

Մ'հ որևէ մարդկային գրչի հնար չէ կենդանի գույնով պատկերացնել ու պատմել կարենալ այն անլուր տառապանքն ու թշվառությունը տարագրյալ երկու սեռե հայ ժողովուրդին, որոնք անցան գնացին Կանլը-կեշիտեն դեպի հարավի անապատները: Եթե բոլոր ծովերն թանաք և բոլոր դաշտերն թուղթ ըլլային, դարձյալ անհնար էր իրականության համապատասխան մանրամասնություններով պատմել անհուն շարշարանքը հարյուր-հազարավոր հայերու, այր, կին, ծեր, տղա, հարս, աղջիկ մինչև անչափահաս մանուկներն ու անմեղ ծծկեր երեխաները, որոնք թափառական ու հալածական՝ շրջապատված ոճրազործ ոստիկան զինվորներու վայրագ ջոխրներե հազարավոր կառքերով, սայլերով, գրաստներով, բայց ամենամեծ մաս մը ևս հետիտուն և նույնիսկ շատեր բուկոտն, աշնան շորցած հողմավար տերևներու նման անցան Ամանոսի այս միակ արյունոտ անցքեն ու գնացին Զորի անջրդի անապատները՝ մեռնելու համար առանց հացի, առանց ջուրի, առանց պատանքի և առանց գերեզմանի...

Այս արյունոտ կիրճեն, համաձայն երկաթուղու պաշտոնական բարձր անձերու գնահատման, անցած էին մեզմե առաջ ավելի քան 2000 շԱՐՅՈՒՐ ՀԻՍՈՒՆ շԱԶԱՐ հայեր, առանց սեռի և հասակի խտրության, երկաթուղիով կամ հետիտուն դեպի Մուրիա, Միջագետք, Ռեսուլայն, Նիսիպիս կամ Տեր Զոր:

Այս հաշվեն դուքս է սակայն հայկական ներքին գավառներ՝ Կարինեն, Բաղեշեն, Վանա ծովի եզերքներեն, Նրզնկայեն, Սեբաստիայեն, Խաբեբդեն, Տիգրանակերտեն, Մալաթիայեն և այլ նահանգներ և ներքին գավառներե դեպի հարավ տաքագրված ժողովուրդը:

Առանց արունները հազիվ ճամփա հանված՝ կիներեն դա-

տեղով անխնա կոտորվեցան և գետերը նետվեցան կամ ձորերու մեջ նետվեցան իբր կեր վայրի գազաններուն և երկնքի գիշակեր թռչուններուն: Քարմագեղ և գեղանի հարսներն ու կույսերն առեանգվեցան լացող մայրերու գրկին և թուրք հարձակները տարվեցան, ենթարկելով մինչև տասնամյա անչափահաս աղքկանակներն արևելյան վայրագ ամեն անասանքի խենեղությանց: Իսկ տարեց կիներն ու պառավներն, որոնք կրցան ողջ մնալ և տոկալ քարտրի ճամփու ահավոր տաժանփին, տարվեցան Տեր Զոր. ուր անխնա կոտորվեցան 1916-ի ամռան համատարած գեթիական ջարդին: Տեր Զորի մյութասարի՞ք Զեքիին ձեռամբ:

Հոս Կանյը-կեշիտի մեջ պատահաբար հանդիպեցանք պուսեցի երկու հայ ազնիվ և անձնվեր երիտասարդ ենթասպաներու, որոնք Պոստ երկրաշափական վարժարանեն շրջանավարտ, իբր «բոնտիքթոռ» սպա կը հսկեին գործավարական հայ վաշտի մը աշխատություններուն, շինելով Կանյը-կեշիտ—Հասանպեյլի—Իսլահիյե լեռնային պողոտան: Այս միտկ ճամփան էր ամեն կարգի փոխադրությանց՝ դեռևս բացված ըլլալուն համար Ամանոսի լեռներու (Այրանի) փապուղիները:

Այս երկու հայ սպաները 1915-ի գարունեն ի վեր պաշտոնի կոչված ըլլալով Կանյը-կեշիտի այս շրջանին մեջ, ականատես կենդանի վկաներն էին եղած իրենց տարագիր ցեղին տառապանքին, որ երբեք արձանագրած ըլլար պատմությունը՝ մարդկային ցեղի տարագրությանց ամենաարյունոտ էջերուն մեջ իսկ:

Արցունքով ինծի պատմեցին, թե ինչպես 1915-ի աշնան, մանավանդ սեպտեմբեր-հոկտեմբեր ամիսներուն մեջ, երբ հայ ժողովրդի տարագրությունը հասած էր իր բարձրագույն թափին, շուրջ 80.000 երկսեռ հայ ժողովուրդ անկողնի սավանն և քուրջն վրաններու ներքև բանակ դրած է եղեր Կանյը-կեշիտի ձորին մոտակա դաշտը, մինչև տարածվելով Մամուրն երկթ. կայարանի առջև տարածվող ընդարձակ և ճախճարձ տարածքը: Տենդը և զանազան համաճարակներե արդեն օրական 600—700 հոգի կը մեռնի եղեր, երբ հանկարծ աշնանային երկարատև և գիշերային տեղատարափ անձրև մը կու գա լրացնել մարդ-գազաններու պակաս թողածը: Թշվառ ժողովուրդը մեկ քանի օր կը մնա լճացյալ շրերու մեջ: Մյուս կողմն սաստիկ ցուրտ մը կու

գա սառեցնել մինչև ոսկորները թրջած ու ցրտահար ժողովուրդը: Ասոր վրա, առանց տունի, առանց զգեստի, առանց հացի մնացած զժբախտ ժողովուրդը, աշնան տերևաթափի նման կը սկսին հազարներով սառիլ կամ մեռնիլ թանջքե, փորհարութենե, արյունահոսութենե, և այլ մարդկային խճողումի հետևանք եղող բազմատեսակ համաճարակներե: Մեռնողներուն անթաղ մարմիններով լեռնակույտեր կը գոյանան ու դաշտը կը ծածկվի: Կը գտնվին շատ մը վրաններ, որոնց ներքև ապրող ամբողջ ընտանիքը սովահար և ցրտահար կը դիականան և թաղող չի գտնվիր: Իսկ իրենց տարաբախտ ազգակիցներու մարմինները թաղելու խղճահար հայեր ևս բահ ու բրիչ շին գտներ մեռյալները թաղելու համար:

Նվ ահա հանկարծ առավոտ մը՝ այս համատարած և աղետալ թշվառությունը իր գերագույն կատարելության հասցնելու համար, տարագրության քարավաններու վերատեսուչը (Սեֆիթ մյուստյուրը) հետը առած բազմաթիվ ոստիկաններ և հարյուրավոր ոստիկան զինվորներ մտրակներով և բիրերով կը շրջապատեն արդեն հոգեվարք խեղճ ժողովուրդը, և կը հրամայեն, որ անմիջապես ճամփա ելլե դեպի Իսլահիյե:

Մարդկորեն անհնար է երևակայել այն ողբն ու կոծն, աղաչանքն ու պաղատանքն և այն խուճապն, որ կը տիրե հազարավոր վրաններուն մեջն ու շուրջն: Վրանները կը քակվին, իրենց հարստության վերջին բեկորն եղող դյուրատար գուլքերն կամ կապոցներն ի մի կը հավաքվին, բայց ոչ սայլ կա, ոչ գրաստ, ոչ կառք: Վայնասունը կը սկսի, շատեր շին ուզեր թողուլ անխնամ ու անտեր իրենց գետնատարած հիվանդ կամ հոգեվարք սիրելիներն, ինչպես ասոնք ալ լեզապատառ կ'աղաչեն, որ շքվին բաց դաշտին մեջ, ուր անպայման ողջ-ողջ կեր պիտի ըլլային գիշերաշրջիկ սովալուկ գայլերու և դիակեր բորենիներու... Բայց երկար խորհելու ժամանակ չկար, վրա կը հասնին ոստիկան զինվորներն ու «սեֆիթի» մեծ ու փոքր արյունարբու պաշտոնյաները: Ասոնք ոչ գութ, ոչ մարդկային ո՛րևէ զգացում ունեին. ժառերե կտրված հաստ ճյուղերով և մտրակներով կը սկսին աչ ու ձախ գանակոծել թշվառ և շվարած ժողովուրդը, փուլթ չէ, թե ո՛ւր տեղի կը հանդիպի. աչքեր կը պայթին, գանգեր կը ջախջախվին, դեմքեր արյունելվա կ'ըլլան, նար-նոր վերքեր կը բացվին, որոնք

հոգը, ո՞վ է խղճացողը, մի՞թե կատաղի վագրերն գթություն կը սպասավի:

Բազմաշարշար տարագիր ժողովուրդը, տեսնելով, որ մեկ-նեկ ուրիշ ճար չկա, հազարավոր վրաններ կը սկսին ակնթարթի մը մեջ վար առնուլ, ծալլել և շարկած ճամփա ելլել, տեղ-վույն վրա թողնով քալելու անկարող իրենց հիվանդ կամ հոգեվարք սիրելիները:

Թշվառ հայ մայրեր անկարող հետերնին տանելու անսվա-դութենեն, սաստիկ ցուրտէն և ճամփաներու տառապանքն հիվանդացած, կիսամեռ կամ հոգեվարք իրենց անշափահաս գավակներն (2—6 տարեկան), կը ստիպվին իրենց ձեռքով տա-նիլ և նստել արդեն մեռածներու վրա... Ականատեսներ պատ-մեցին արքունքով, թե հայ անմեղ հազարավոր մանուկներու դիակներով Կանլը-կեշիտի առջև 2 բլուրներ կը կազմվին, որոնց մեջ կը տեսնվին նաև բազմաթիվ մանուկներ, որոնք սակայն դեռ մեռած չեն և որոնց թաթիկները դեպի իրենց մայ-րերը կ'երկարին... Այս հյուծած և լքված հրեշտակներու դեռ շմեռած աչքերուն մեջ աղաչանքի և բողոքի նայվածքը կար իրենց մայրերուն և Աստուծուն դեմ... Իսկ ոմանց կիսամեռ շրթները դեռ վերջին անգամ մըն ալ կ'արտասանեին սրբազան բառը մա՛ա՛-րի՛ի՛ կ...

Օ՛հ, իրենց որդեսիրությամբն գերության 5—6 դարեր ցեղին գոյությունը պահող հայ մայրեր ա՛լ չէին ուզեր ետև նա-յիլ, ուր թողած էին իրենց կեսամեռ մանուկներուն հետ և իրենց սիրտը:

Հնար չկար հետերնին առնելու, որովհետև քանի մը ժամ վերջ դարձյալ պիտի անշնչանային իրենց սրտի հատորները և չէ՞ որ ճամփուն վրա պիտի ձգեին երթային... Լավ էր, որ ամենքը նույն թշվառ և հալածական ազգին զավակները մեկ-տեղ ըլլային և մեկտեղ պառկեին դեզերով ու բլուրներ կազ-մեին. թերևս Աստված ու մարդիկ տեսնեին ու ա՛լ վերջա-պես գթային բավ համարելով անպատմելի տառապանքն աք-սորական անբախտ հայ մայրերու... Մինչ այս լքված կի-սամեռ մանուկներու տեղ իրենց գիրկը առած կը տանեին, մնացորդ զավակներն ամենատկարը և սպառածը, մինչև որ լքումի կարգը ասոր ալ գար:

Արդյոք մարդկային միտքը պիտի կրնա՞ երևակայել ան-մեղ և հրեշտակային հազարավոր մանուկների կազմված

բարձր բլուրներ, և մայրեր՝ որ իրենց գիրկը առած իրենց սա-ռած, հոգեվարք կամ կիսամեռ մանուկները՝ անձամբ կ'երթա-յին նստելու այս մանկական դիակներու վրա նորեր... և հե-ռանալու գլխիկոր ու կորաքամակ, աչքերնին ետին, սրտերնին արյունոտ և ցամքած, լիզվին անեծքով դողդոջուն... «Աս-տուծմե գտնեն» կ'ըսեին ու կը քալեին դեպի առաջ:

Հազարավոր հայ մանուկներու հրեշտակային հոգիները կը լքարձրանան երկինք, հայուն հինավուրց Աստուծուն պատ-մելու իրենց և իրենց սիրելի մայրերու անհուն թշվառությունը ու տառապանքը:

Կը հեռանան հայ աքսորականներու հալածական բոլոր այս քարավանները և կ'անհետանան Ամանոսի լեռներուն մեջ դեպի Հասանպեյլի և Քելլեր: Կը տիրե համատարած խոր լուռություն, կը հասնի գիշերը վրա, ապա կը լսվին ոռնոցներն և կաղկանձյուններն սովալլուկ գայլերու և շնագայլերու ու աղվեսների: Այս գազանային ոռնոցներուն մեջն երբեմն նաև կը լսվին մարած ճիշերն հողտվող մանուկներու... ա՛հ ասոնք դեռ շմեռածներն էին, և գազանները նախ տաք ար-յունն է, որ կը փնտրեն, և արյան իրենց խնջույքն հեզ կիսա-մեռներեն սկսած էին. որովհետև չէ՞ որ գառնուկի հոտ ու հա՛մ կու գար ասոնցմե...: Այո՛, մարդկային գառնուկներ զոհա-բերված հայ ազգի փրկության ողջակեզի սեղանին վրա...

Այս անգամ երկոտանի գազաններն վերջ կարգը եկած էր շորքոտանի գազաններուն... առաջիններուն պակասը լեց-նելու համար:

Հավիտենական արդարության ժամը հնչեց օր մը, թեպետ ուշ, բայց վերջապես հուսկ ուրեմն... դարավերջիկ թուրք մարդ—հրեշները չէին ուզած հավատալ, թե իրավունքը և ար-դարությունը կը խաչվեր, սակայն չէր մեռներ... և կը պատու-հասեր անխնա ամեն անոնք, որոնք զինք խաչը հանած էին:

Նույն հայ երիտասարդ սպանները պատմեցին ուրիշ նո՛ւյն-քան ահավոր դրվագներ Կանլը-կեշիտի 1915-ի աշնան սև օրերին:

Ամեն կողմն Հալեպի վրայով Տեր Զոր երԳալու համար հազարավոր աքսորական հայերու քարավանները կը հասնեին հետզհետե Կանլը-կեշիտ: Բայց տարագրության քաղաքային և զինվորական բարձր պաշտոնյաներն կ'արգիլեն ճամփու շա-րունակությունը, որպեսզի տասնյակ հազարավոր հայերու

խճողումով առաջ գալիք քառասային բնական վիճակեն կարողանան օգտվիլ իրենք:

Երբ այսպես արտորականներու վրանները հետզհետե կը ստվարանան հարյուրներով և հազարներով, թուրք քաղաքային և ղինվորական մեծ ու փոքր պաշտոնյաներն, ոստիկան զինվորներն և ամեն կողմե հավարի եկած ավազակներ կը սկսին գիշերները հարձակիլ և կողոպտել անբախտ ժողովուրդը:

Իսկ թուրք մեծ պաշտոնյաները ցորեկները վրաններու խիճ շարքերու մեջեն խուզարկու աչքերով անցած ատեն, իրենց աչքին հանդիպած հայ գեղեցիկ աղջիկներու վրանները նշան գնելով՝ գիշերը կը հարձակին և կ'առևանգեն այդ անմեղ կույսերը՝ տանելու իրենց հետ:

Եվ ահա հանկարծ կը բարձրանա նույն վրանին մեջեն վայնասունը, ամենքը օգնություն կը պոռան, աղջիկը լեղապատառ մագերեն քաշկոտվելով դուրս կը քաշվի վրանեն, մայրը փարած իր զավկին շի թողուր. հրացանի կոթի հարված մը և մայրը զգայազուրկ գետին կ'իյնա...: Մոտակա վրաններեն օգնություն աղաղակող ճիշերեն դուրս կը խուժե՞ծ հայ երիտասարդներ... կը վազեն առևանգող ոճրագործներու վրա, պաշտպանելու համար իրենց ցեղին պատիվը: Գիտեն թե վտանգը իրենց ալ կը սպառնա, բայց այլայլմե եղած և անմեղ քույր մը փրկելու համար շատ բարակը շեն ուզեր խորհիլ: Կը խոյանան խոլաբար ազատելու իրենց անմեղ քաշկոտվող քույրը, և ահա գնդակի հարված մը՝ և գետին ինկած է առաջին խոյացող հայ երիտասարդը գլխին վիրավոր...:

Իսկ թուրք պաշտոնյաները գիշերվան մթութենեն օգտվելով՝ կույսը խլած կը տանին ձորի մը մեջ իրենց գազանական կիրքը հագեցնելու համար խենեղաբար, և հաճախ ևս հավաքաբար, մինչև որ անշնչանա մարմինը և կտոր-կտոր ընելով նետեն ապառաժներու ներքև:

Այս պատճառով գեղեցիկ աղջիկներ ունեցող մայրեր իրենց վրանը միշտ կը զարնեն եղեր վրաններու անտառին մեջտեղերը, որպեսզի ըստ կարելիության հավանական հարձակումե մը զերծ մնան:

Կանլը-կեշիտ-Վասանպեյլի երկարող ճամփուն աչ կողմը գտնվող զինվորական փայտյա տաղավարներեն (պառաք) մեկին մեջ, քով-քովի նստած հայ ազնիվ և հայրենասեր այս երկու երիտասարդներուն հետ կու լայինք ու իրարու կը պատ-

ժեհնք մեր տեսածներն ու լսածներն և դրվագներն հայ ահավոր մարտիրոսագրություն: Քանի իրարմե կը տեղականայինք սարսափելի այս եղերական և եղեռնական ողբերգությանց մանրամասնություններուն, ա՛յնքան կը մրկեին մեր հոգիները, վրեժի բոցավառ հրդեհ մը կ'այրեր մեզ, կը սպառեր մեզ... բայց իզուր...:

Այս անձնագոհ հայ երկու սպաները կ'աղաչին, որ զոնե նս փախչիմ և հոգիս ազատեմ. կը խոստանային ամեն դյուրութուն տալ ինձի և անձամբ առաջնորդել զիս ապահով տեղ մը: Կը համոզեին զիս, թե քանի որ ես գերմաներեն գիտեմ, արդեն փրկությունս գործը կրնամ ապահովված համարել: Թե գերման երկրաչափներն միայն 1/2 ժամ հեռու են իրենցմե. թե գերմաներեն գիտցող հայեր կը փնտրեն իբր թարգման գործածելու համար: Թե մեկ մը, որ ես զիս գերմաններու մտտ նետեմ, այլևս ոչ ոք չի կրնար առնել:

Բայց իզուր կ'ուզեին համոզել զիս. որովհետե միակ փափագս էր իմ տառապանքի ընկերներս ալ հետս ազատել կամ միասին փախչիլ: Մանավանդ Սիսեն մեր Այրան ղրկած թուրքը պիտի զար դիմավորել հաջորդ օրն իսկ Քելլերի առջև: Ուստի չէի ուզեր միայն անձս խորհելով ոտնակոխ ընել այն բոլոր բարոյական կապերն, որոնք թեպետ սև օրերու հիշատակներ էին, սակայն ճիշտ ասոր համար ա՛լ ավելի նվիրական էին, քան բարի օրերու բոլոր հիշատակները:

Միշտ կը ջանային զիս համոզել, որ իմ հետս եղող հարյուրե ավելի տառապանքի ընկերներս հալած, սպառած, լմնցած էին արդեն մեծ մասամբ, թե ասոնցմե ազգին ալ խեր չկար, թե վաղվան հայությունը պետք ուներ հայ մտավորակ...ներու և շինարար բազուկներու:

Վերջապես տեսնելով, որ անդրդվելի կը մնամ իմ համոզումներուս մեջ, որոնք այլևս հավատո հանգանակ եղած էին մեջս, համաձայնեցանք, որ Ամանոսի երկթ. գծի գերմ. երկրաչափներու պետ Մորֆին գերմաներեն նամակ մը գրեմ, և իրենցմե մեկը հանձն առավ ձեռով անձամբ գիշերով իսկ տանիլ և անպատճառ պատասխան բերել Հասանպեյլի:

Երբ այս գերմաներեն նամակն գրելու զբաղած էի, հանկարծ ներս մտավ Կանլը-կեշիտի ոստիկան զինվորներու թուրք սպան և բարև տվավ: Ա՛լ պետք է երևակայել այն սարսափը, երբ լսեցի թուրք սպային ողջույնի ձայնը՝ ճիշտ ա՛յն պա-

հուն, մինչ գրիչը ձեռքս փախուստի գերմաներեն նամակք կց գրեի ու լրացնելու վրա էի:

Անմիջապես թուղթը անհայտացուցի ծունկերուս մեջ, և ահուդողով դարձա հասկնալու այս անակնկալ այցելութեան պատճառը: Զարմացած էինք, թե մենք երեքս, որ ա՛յնքան զգուշական միջոցներով եկած այս խուցը մտած էինք, ի՞նչպես մեր հետքը գտած էր այս սպան: Բայց բարեբախտաբար մեր հուզումը և երկյուզը երկար շտեկեց, ոչ թե մեր հեռացումին զայրացած եկած էր մեզ ձերբակալելու, այլ աղաչանքի եկած էր:

Կանլը-կեշիտի մեջ երկաթուղու գծի բանվորներու հուլյն պետը, Կանլը-կեշիտեն անցնող աքսորական հայ ընտանիքի մը գեղեցիկ մեկ աղջիկը տեսնելով և սիրահարելով, նյութական և բարոյական ամեն զոհողություն ընելով՝ ազատած էր թե՛ աղջիկն և թե՛ ամբողջ ընտանիքը հայր, մայր և 2 փոքր եղբայրներն և իր մոտ վար դրած էր, շնորհիվ Կանլը-կեշիտի ոստիկան զինվորներու սուլյն սպային միջամտութեանը: Այժմ նույն հուլյնը լսելով, որ նոր ժամանած մեծ քարավանին մեջ մեկ «տեսփոթ» և մեկ քահանա կա, դիմած էր թուրք սպային, խնդրելով, որ իր ազդեցութեամբ զիս համոզե, որպեսզի պսակեմ զինքը իր սիրած հայ աղջկանը հետ:

Թուրք սպան երբ քաղաքավարութեամբ խնդրեց, որ այս պսակը կատարեմ անձամբ, մեծ ուրախութեամբ ընդունեցի եղած առաջարկը, որով երկյուզս և կասկածներս ալ անմիջապես ինքնին փարատեցան:

Նույն գիշերը իսկ թուրք ոստիկան զինվորներու և հայ երկու սպաներուն հետ գնացինք հուլյն գործավորապետին տունը, և ստուգեցի հայ ծնողացմե և հայ աղջիկեն թե սիրահո՞ւստ կ'ուզեն այդ պսակի կատարումը, որովհետև զիրենք աքսորեմ փրկած էր և երախտապարտ էին իրենց հուլյն փեսային: Անմիջապես ողբացյալ Տ. Հուսիկ քահանա Քաջունին ևս հրավիրելով պսակը կատարեցինք առանց Մաշտոցի, զի շունեիք, միայն գլխավոր աղոթքները վերիվերո հիշելով և ըսելով: Ապա հյուրասիրվեցանք և անկյուն մը քաշվելով սկսա լրացնել գերմաներեն նամակս: Հայ երկու սպաներեն երիտասարդը ձի նստելով անմիջապես ճամփա ելավ, տանելով նամակս Այրան, որ միայն 4 ժամ հեռու էր մեր գտնված վայրեն:

Աքսորական խեղճ ժողովուրդը տեղ չգտնվելուն պատճառ-

ողով դուրսը բացօթյա գիշերել ստիպված էր քարերու վրա և իրարու մոտ խարույկներ վառած, որովհետև սաստիկ ցուրտ էր ձորի մը մեջ գտնվելնուս պատճառով:

Առավոտը արևածագին Կանլը-կեշիտեն դեռ չմեկնած, կամուրջին վրա հանդիպեցանք գերման ինքնաշարժ բեռնակառքերու, որոնք Հալեպեն եկած էին: Այս առաջին գերման սպաներ էին, որոնց հանդիպեցանք: Արդ զոհացում տալու համար մեր դժբախտ ժողովուրդի միահամուռ խնդրանքին, մոտեցա զինվորական առաջին «ինքնաշարժին» գերման սպային, որ հազարապետ մըն էր և ըսի գերմաներեն, թե հեռու տեղեկու գանք, ամիսուկես է ճամփա կը քալենք, շատ տառապանքներ կրեցինք, ա՛լ տոկալու կարողություն չմնաց մեր վրա, և ուտելու չոր հաց իսկ շունինք ճամփա քալել կարենալու համար. ուստի խնդրեցի, որ միջամտե և մեզի հաճի գործ հայթայթել գերմ. երկաթուղային գծերու վրա:

Զինվորականը անկարեկիտ կոշտ շեշտով մը ըսավ ինձի, որ ինք ոչինչ չի կրնար ընել. և ցույց տալով իր ետև գտնվող ինքնաշարժը, հանձնարարեց, որ այդ երկրորդ ինքնաշարժին մեջ գտնվող անձեն օգնություն և զթուփյուն հայցեմ:

Երբ հուսահատ երկրորդ ինքնաշարժին առջև գնացի և վարագույրը վեր առի, ներսը նստած գտա թուրք փաշա մը... ու սարսափած ետ քաշվեցա... Ես գերման սպային դիմելով օգնություն խնդրած էի և գերման հազարապետը զիս մեր դահիճներուն կը զրկեր, որպեսզի մեզի կարեկցին...

Տառապանքի ընկերներս, որ ետևս կանգնած էին և իրենց կենդանի նահատակութեամբն, այսինքն հալումաշ զգեստներով և դեմքերով զթուփյուն կը հայցեին, երբ տեսան գերման սպային սառնասրտությունն զայրացած անեծք թափելով գլխուն հեռացան իսկույն՝ խորապես համոզված, թե գերմանն ևս նվազ դաժան և անզուրկ չէր քան թուրքը, և թե երկու դիւնակիցներն արդարև իրար կ'արժեին... և իրար կը լրացնեին...

Նույնիսկ ուրիշ գերման ենթասպայ մը խնդրեցինք, որ մեզի թուլյտվություն ընեն գերման փուռեն հաց գնելու մեր դրամովը, բայց մեզ արգիլվեցավ հաց ալ գնել: Նույնիսկ գերման ենթասպան մտրակով եկավ փուռին առջևն վանելու մեր այն ընկերները, որոնք դրամը ձեռքերին հաց գնելու համար հավաքված էին փուռին առջև, պոռալով, թե միայն գերման վարչության ներքև գտնվող անձերու կը տրվի այդ փու-

ունն հաց, որոնց այլուրը սակայն մեր դաշտերու ցորենն պատրաստված էր անշուշտ...

Ամեն անոնք, որոնք ականատես եղած էին Կանլը-կելի-տեն անցնող կես միլիոնն քիչ պակաս հայութեան թշուառ այդ կացութեան, նախքան մեր մեկնումը գլխու հուսահատ շարժումով մը կ'ըսեին ինձի.— հայր սուրբ ա՛լ հայութեան խեղճ տես. այս անգամ մտքն չանցած այնպիսի գործ մը կատարեցին հայ ազգի դարևոր թուրք թշնամիները, որ ստուգիվ լմբն-քանք... ա՛լ դեղի համար հայ փնտրես շես կրնար գտնել: Անապատները գնացողները ևս անոթի պիտի կորսվին. ա՛խ ինչո՞ւ ազգին մեծերը չկուսեցին, և միջոցներ ձեռք չառին... ափսո՞ս, ալ հիմա շատ ուշ է, ո՞վ մնաց, որ ի՞նչ պիտի կրնանք ցնել ասկե վերջ... Զինթունն ալ փչացավ, միայն Վանը, Շա-զին-Քարահիսարն ու Ուրֆան կրցան իրենց հերոսական դի-ժողովրդավաճ փրկել հայութեան պատիվը...

Արյունոտ անցք կոչված այս ահավոր գոթապայայրեն մեկ-նեցանք վերջապես, մեկ կողմին ականատեսներն մեր լրած գորսափելի պատմութուններն հուսաբեկ, մյուս կողմն աս-կայն՝ մոտալուտ փախուստով ձեռք բերվելիք փրկութեամբ հու-սալից և ոգևորված:

Մահվան ուխտավորներու սև քարավանը կը բարձրանար դանդաղորեն դեպի լեռնային ոլորապտույտ ճամփաներով Հասանպեյլի: Արդեն մտած էինք Ամանոս կամ տեղական անվամբ «Կյավուր տաղի» կոչված լեռներուն մեջ: Որովհետև Ադանային դեպի Հալեպ տանող միակ ճամփան այս էր. այս պատճառով մեծ խնամք տարված և ընդարձակ նոբա-շեն պողոտա մը շինված էր, ձեռամբ հայ գործավորական զուամարտակի զինվորներու: Ասոնք օրը 10 ժամվան շարա-շար աշխատանքի փոխարեն կը ստանային միայն շոր և սև հաց մը՝ առանց նույնիսկ ապուրի «Ալման շորպասը»: Իսկ հիվանդացած պարագային մահը կը սպասեր իրենց, որով-հետև ոչ մեկ խնամք կ'ըլլար այս թշվառներուն համար. ոչ բժիշկ ունեին և ոչ դեղ. արդեն միշտ իրենց կը հիշվի եղբր վե-րահակող թուրք սպաներու կողմն, թե փառք տվեք Աստուծո, որ այս կողմերը իբր «ամեն թապուրի» զինվոր գտնվելնուզ հա-մար ողջ մնացած եք և ձրի կ'ապրիք, ալ ի՞նչ կ'ուզեք...

Վերահաս փախուստի մը հուսալի փրկութունը ոգևորած էր ամենքս ալ, բայց մտնավանդ մեր գեառահաս երիտասարդ-

ները: Ասոնք թեպետ մեծ մասամբ հյուժած էին երկար և հե-տիտես տաժանելի ճամփորդութեան մը շարժարանքներն, բայց կը հուսային դեռ ապրիլ և տեսնել այն երջանիկ գալիք օրերը, որը տեսնել ուզեցին անցնող բոլոր հայ սերունդները հինգ դարեր երկար, և ավաղ շտեսած մեռան ու գնացին: Անա-պատներու այս ուխտավոր երիտասարդները, հեզնելով կյան-քի ցարդ կրած բոլոր դառնութուններն՝ կը քալեին ու կ'երգեին.

— Կրունկ, ուստի՞ կու գաս, ծառա եմ ձայնիդ,
Կրունկ, մեր աշխարհն խապրիկ մը շունի՞ս.
Մի վազեր, երամիդ շուտով կը հասնիս.
Կրունկ, մեր աշխարհն խապրիկ մը շունի՞ս:
Թողեր ու եկեր եմ մյուսքերս ու ազգս...
Փանի ա՛խ կ'անեմ, կու քաղվի հոգիս:
Կրունկ, սա՛հ մը կեցիր ձեռիկդ է հոգիս,
Կրունկ, մեր աշխարհն խապրիկ մը շունի՞ս:
Սրտերնիս կամեցա՛վ ելանք գնացանք,
Այս սուտ աստնվորիս դարգերն իմացանք
Աղուհացկեր մարդկանց կարոտ մնացանք,
Կրունկ, մեր աշխարհն խապրիկ մը շունի՞ս:
Աստված, քեզմն կ'ուզեմ մուրվեթ ու քերեմ.
Չարիպին սիրտն է խոց ճիկերն է վերեմ,
Եմած ջուրն է լեղի, հացը հարեմ,
Կրունկ, մեր աշխարհն խապրիկ մը շունի՞ս:
Այրիւս շեմ հոգար, դարիպ կը մեռնիմ...
Կրունկ, մեր աշխարհն խապրիկ մը շունի՞ս...

Արդյոք հայրենաբաղձ հայ զգայուն բանաստեղծը այս տողերը գրած ատեն մտքովն իսկ անցուցած էր, թե սև ու արյունոտ այնպիսի գոթապային օրեր պիտի գային, երբ ամ-բողջ հայութունը դարիպ պիտի մեռներ Տեր Զորի արևակեղ անապատներուն մեջ, առանց հացի, առանց ջուրի և առանց գերեզմանի...

Եվ մենք սև քարավանին մնայուն բոլոր անդամներս, վրեժի ու վշտի կրակով լեցուն մեր սրտերուն խորեն և լացող զգա-յուն շեշտերով կը կրկնեինք. Այրիւս շեմ հոգար, դարիպ կը մեռնիմ... Կրունկ, մեր աշխարհն խապրիկ մը շունի՞ս:

Կը քալենիք ու կ'երգեինք, կու լայինք և կը բարձրանայինք դեպի Հասանպեյլի անտառապատ սարերն. մինչև որ հուսկ ուրեմն տակավ երևցան Հասանպեյլի վերև բարձրացող բլու-րին վրա կառուցված և ապա Ադանայի նախկին կուսակալ ձեմալ փաշային (ապա ծովային նախարար և վերին հրամա-

նատար Եգիպտոսի դեմ գործող թուրք բանակին) քանդված, հայոց եկեղեցիներն ավերակներն և ցցված պատերն իբր կենդանի վկա խորշ աղաղակող անարդարութեան:

Հետզհետե սկսանք տեսնել Հասանպեյլիի երկհարկանի տուններն ու շուկան և հասանք վերջապես քաղաք:

32.

ՀԱՍԱՆՊԵՅԼԻ — ԻՍԼԱՀԻՅԵ ՀԱՅԻՆ ԱՆՈՒՇԱՀՈՏՈՒԹՅՈՒՆԸ

Հասանպեյլի՝ Ամանոսի լեռնաշղթային բարձրութեանց մեջ թաղված, ամբողջովին հայաբնակ լեռնային քաղաք մըն է:

Այս գյուղաքաղաքը ըլլալով գայմազամանիստ, իր շրջակայքի բազմաթիվ հայ և թուրք գյուղերով միշտ եղած է կարևոր կենտրոն մը: Մանավանդ այս շրջանակի հայերը միշտ եղած են քաջարի լեռնականներ, և ըմբոստ տարր մը ընդդեմ թուրք բռնակալ կառավարության: Հասանպեյլի շրջապատված ըլլալով անտառապատ սարերով և ունենալով առողջարար կլիմա ու սառնորակ աղբյուրներ, եղած է զոր: - վոր կենտրոն մը հայութեան համար: Որ կրցած է և գիտցած է բարձր պահել պատիվը հայ ցեղին, և դուրսով ոտից կոխան ըլլալ իր վրա խուժող թուրք ոճրածարավ հորդաներուն:

Մինչդեռ համաշխարհային պատերազմին առաջ՝ ավելի քան 800 տուն հայ բնակչություն ունեցած էր, մեր անցած ժամանակ 1916-ին՝ միայն 40 տուն հայ մնացած էր: Ասոնք ամենքն ալ արհեստավոր ըլլալուն շնորհիվ միայն բացառիկ բախտը ունեցած էին քաղաքը մնալու: Ըլլալով երկաթագործ, աստահանակ, կահազործ, կառագործ, հյուսն, համետագործ, պայտագործ, ամենքն ալ կ'աշխատեին զինվորական վարչության աշխատանոցներուն մեջ լանակի պետքերուն համար: Ասոնց ամբողջ թիվը մեր քաղաք տեղեկությանց համաձայն՝ հազիվ 165 հոգիի կը հասնէր այն ատեն, եթե ոչ ավելի:

Երբ մեր քաղաքանը հասավ Հասանպեյլի, մտանք լայն մեծ պողոտայի (շուսե) երկու կողմը գտնվող զանազան ապրանքների ծախող խանութներու շարքի մը մեջ, որը Հասանպեյլիի միակ շուկան էր:

Կանլը-կեշիտեն ճամփա ելլելի ի վեր 6—7 ժամ է կը քալեինք և շափազանց անոթի էինք: Որովհետև մեր մեկնումի ատեն արդեն շթույլատրվեցանք հաց գնելու, իսկ ճամփան ոչ մեկ գյուղի կամ կայանի հանդիպեցանք, ուր կարողանայինք հաց ճարել մեր ամենքին համար:

Մեր անցած ճամփուն վրա հասանք հացի փուռի՝ մը առջև, և ամենքս ալ խուժեցինք մտոր մեր դրամով հաց գնելու համար: Սակայն իսկույն մեր վրա հարձակեցան մեր պահակ ոստիկան զինվորներն և պոռալով արգելալ է «հասագտոր» մտրակներով մեզ վանեցին փուռին առջևն:

Կաթիլներ կան, որոնք բաժակը կը հորդեն. ստուգիվ ա՛լ անկարելի եղավ հանդուրժել այսքան խստություն, անգթություն և տառապանքի: Անոթի էինք, սովը կը տանջեր, կը գալարեր մեր դատարկ ստամոքսներն ու աղիքներն. հացը կը տեսնեինք և չէինք թույլատրվեր, որ մեր դրամով գոնե գնենք:

Մտրակներով մեզ սկսան բռնի վարել առաջ, հացին հոտը կ'առնեինք, ա՛խ ա՛յնքան անուշ էր ո՛րքան անուշահոտ չպիտի թվեին մեզի նույն պահուն աշխարհի բոլոր հոտավետ յուղերն ու անուշահոտություններն, բայց արգիված էր մեզի մոտենալ փուռին պատառ մը հաց գնելու: Բռնադատյալ առաջ կը քալեինք, բայց մեր աչքերն ետև կը մնային, ուրկե կու գար հացին անուշահոտությունը... Մեր մաշած հոգիները թեպետ տարիե մը ի վեր շատ տառապանք ու տաժանք կրած էին, բայց այն սիրտմաշուքը, որ կրեցինք պատառ մը հացի համար, շափը անցուցած էր: Այո՛, շատ երկար օրեր անոթի անցուցած էինք միայն շոր և սև անծամելի և անմարսելի հացի շերտ մը ջանալով կլլել: Սակայն մենք մեզ լոնցուցած էինք ու մխիթարած ըսելով կամ խորհելով, որ հաց չկա մեջտեղ, որ գնենք. ճար չկար, համբերելի զատ ոչինչ կրնայինք ընել և հուսալով կը սպասեինք... Իսկ այժմ հացին անուշ հոտը վայրաբար կը գրգռեր մեր ախորժակը՝ արթնցնելով մեր մեջ դեռ ներքին մոխիրներու մեջ թաղված՝ ապրելու հոգնած ու մաշած սերը. կը տեսնեինք մանավանդ հացը, բայց արգիված էինք մոտենալ:

Մեզմե շատեր՝ կամխացած ծերունիներ և պատանիներ ա՛լ չկրնակով տոկալ այսքան տառապանքի, կու լային դառնորեն

1 Թուրք զինվորական փուռ մըն էր:

ու կ'ըսե՞ն՝ մեռնիլը հազար անգամ լավ է, քան ասանկ ապ-
րիլը. ա՛խ, ե՛րբ պիտի մեռնեինք և ազատեինք այս բոլոր շան
աանջաւքներէն...

Սեր թուրք մը մոտեցավ մտրակով մեզմե ծերուկ մը ծե-
ծող ոստիկան շարասիրտ և անգութ զինվորի մը և ըսավ նույն
պահանքը. — Աստուծոյ շնորհով, ասոնք արդէն լմնցած են,
պատառ մը հա՛ց ալ չեք ձգեք, որ իրենց դրամով գնեն և ուտեն.
Թողուցեք պատառ մը հաց ուտեն... այս մեր ըրածները մեզի
չպիտի մնան, բայց ողջ մնացողը պիտի տեսնե ու քաշե...

Հարլուր հազարեն մեկ թուրք մը ևս անավասիկ, որ կը
գիտար մեր վրա...

Օրբ բռնադատված՝ ամբողջ շուկան անցանք առանց բան
մը գնել արտոնվելու և քաղաքին վերի ծայրը հասանք, հան-
գիպեցանք «ամելի թապուրի» գործավոր հայ զինվորներու
Աստեթ Պոլսեն էին մեծ մասամբ և կ'աշխատեին ճամփանե-
րու վրա, և անձրեւ փրփրած տեղերը նորոգելու զբաղած էին:

Ասանցմե մեկ քանին ճանչցան զիս, և մեկը Պալաթի թա-
գնե, որը դպրաց գասնն ըլլալուն՝ իբր Պալաթի քարոզիչ
Վաճախ տեսնելու առիթ ունեցած էի, ինկավ վրաս լալով
և համբուրելով ձեռքերս՝ կ'ըսեք փղձկված. հայր սուրբ, այս
թ՛նչ օրերու ինկանք. քեզ ալ պիտի տեսնեի՛ օր մը այսպէս
ցնցոտիներու մեջ՝ առանց կոշիկի և առանց մարդկային կեր-
պարանքի... վա՛խ, վա՛խ, վա՛խ, ա՛լ լմնցանք, նայե, որ փախ-
չիս... չըլլա, որ Տեր Զոր երթաս, այն ատեն երբեք փրկութիւն
մի՛ հուսար... այնտեղ եզոզներն ալ պիտի շարդվին կ'ըսվի...
ի սեր Աստուծո, փախեք ազատեցեք... միակ փրկութիւնը
փախչիլն է... երկաթուղու գծերը քիչ հեռու են, անգամ մը, որ
զուք ձեզ հան նետեք, ա՛լ փրկված եք մի՛ վախնաք...

Թեպետ Կեսարիային ի վեր ևս ալ ստիպված ըլլալով
Գեաիոան քալելու, այլևս մարդկային արտաքին շնորհք
վրաս մնացած չէր, և կոշիկս կազմալուծված ըլլալով, մատ-
ներս դուրսն էին... և եկեղեցականի էնթերիս ու վերաբրկուս
պատառոտված էր. սակայն ինքն ալ իր ընկերներուն նման
նվազ անմխիթար վիճակի մեջ չէր:

Հակառակ զինվոր անունը ունենալուն և զինվորական ծա-
ռայութեան մեջ ըլլալուն՝ ոչ մեկը զինվորի համազգեստ
ունեի: Այլ իրենց քաղաքային զգեստներով կ'աշխատեին,
որոնք արդեն հնամաշ պատառ-պատառ եղած էին... և բզկըտ-

ված կտորներն վար կախված էին, զի թել ու ասեղ չունեին,
որ կարեին թշվառները: Օրական 10—12 ժամ կ'աշխատեին
ցուրտին, ձյունին, անձրեւին և քամիին մեջ, և միայն 250 դրամ
հաց մը կը տրվեր յուրաքանչյուրին իբր առօրյա միակ սնունդ:
Եթէ հիվանդ ինչային, արդեն մեռած օրերինն էր. որովհետև
ոչ բժիշկ ունեին և ոչ դեղ, ոչ պատասպարված բնակարաններ
ունեին, և ոչ կանոնավոր սնունդ:

Հայ գործավորական զինվորներու բնակարանները մար-
գազեթիներու վրա զարնված մեկ քանի հոգինոց զինվո-
րական սրածայր վրաններ էին, որոնցմե շատեր պատուտած
էին և անձրեւն ու ցուրտն ներս կը թափանցեին: Սակայն
գժգժ շէին իրենց վիճակեն, որովհետև գոնե զիրենք ողջ
ձգելու բացառիկ շնորհն ըրած էին...: Մինչ իրենց ընկեր-
ներն, այսինքն ներքին գավառներու մեջ Կեսարիա, Պողազլիան,
Յոզկատ, էնկուրի գտնվող հայ զինվորներն սպանված էին
շարաշար մահերով, նույնիսկ թուրք ընկերներու կողմեն...

Վայրկյանեկայրկյան բանակցութեանց ելքին կը սպասեինք
քաղաքին մեջ հարմար տեղ մը իջեանելու համար, հակարժ
օստիկան մեր պահակ զինվորներու տասնապետն եկավ մեզի
հրամայելու իր ստացած պատվերին համաձայն, որպէսզի քա-
րավանը շարունակե իր ճամփան:

Ա՛լ անկարելի եղավ հանդուրժել այսքան շարշարանքի.
և ամենքս ալ ըմբոստացանք և ինչպէս Հաճընի առջև փոր-
ձեցինք ընել, հոս ալ շուրջեցինք առաջ քալել և ընդդիմացանք
հեռանալ քաղաքեն: Անոթի, ծարավ, զիշերը վրա կը հաս-
ներ և մեզի կը զլացվեր գոնե կենդանիներու ախոռ մը, ուր
զլուխնիս կարող ըլլայինք հանգչեցնել գեթ կենդանիներու
աղբյուրներու վրա...: Հյուսիսային ցուրտ քամի մը կը փչեր,
ի՛նչպէս պիտի կրնայինք գիշերը բացօթյա անցնել լեռներու
և ձորերու մեջ:

Մեզի կ'առարկվեր, որ քաղաքին մեջ խուրայի համաճարակ
ըլլալուն՝ շէին ուզեր թուրք զինվորական և այլ քաղաքա-
յին պաշտոնյաները, որ վարակվեինք...

Մինչդեռ մեզմե շատեր ընդհակառակը կը փնտրեին այս-
պիսի մահաբույր բացառիկ պատեհութիւն մը, որ ազատեին
այս անհանդուրժելի տառապանքներէն, և փոխանակ ամեն օր
մեռնելու և ողջանալու՝ մեկ անգամ ընդմիշտ կը փափագեին
մեռնել և ազատիլ...

ժողովուրդի դ բաժնե. տեսանք եղածը, Աստուծմե գտնեն...

Մտտիկը աշխատող հայ արհեստավորներն ա՛յնքան հուզված էին կրած ապտակահարութենես, որ մեկ քանին ուզած էին հարձակիլ հրամանատարին վրա և իրենց տարեց ընկերները արգելած էին, զգուշացնելով այսպիսի վտանգավոր փորձի մը արդունոտ հետևանքներեն...

Ձիս մխիթարելու համար փութացած էին ապառիկ հաց գնել՝ իրենց մեջ ապա հանգանակությամբ վճարելու հանձնառությամբ, և ինձի կը հանձնեին, որ թշվառ և սովալլուկ տարագիր ժողովուրդիս տամ:

Երբ դարձա մեր քարավանին մոտ, ավետավոր կամ մխիթարական լուր մը ստանալու հույսով մոտս փութացողները փոխանակ հարցնելու, թե ի՞նչ լուր բերած եմ, տեսնելով կարի գերազրգոված և հուզված վիճակս, հարցուցին.— ի՞նչ ես եղեր, հայր սուրբ... ի՞նչ ըրին քեզի... ի՞նչու աչ երեսդ այդքան կարմիր է... ըսե ի՞նչ պատահեցավ... Բայց պոռթկացող հուզումս ա՛լ զսպելու անընդունակ, խոշոր արցունքի մեկ քանի կայլակներ ինքնակամ կը սահեին վար... իբր կրակի հատիկներ այրելով զիս:

Արդեն առանց ո՛րևէ բացատրություն տալու հասկցած էին ինքնաբերաբար, որ ապտակահարված էի... ու առ ի մխիթարություն կ'ըսեին ինձի.— Աստուծմե գտնեն... սա ալ գրե գրբիդ մեկ անկյունը...

Միակ մխիթարությունը սակայն մեր ամենուն այս եղավ, որ 100 գրամանոց մեկ-մեկ փոքր հաց ուտելու բախտ ունեցանք, իբր փոխարինություն ստացած ապտակիս: Այս ալ նվազ մխիթարություն չէր սակայն, երբ հիշենք, որ 14 ժամվան մեջ առաջին հացի պատառներն էին, որ բերան կը դնեինք, թեպետ քիչ, բայց վերջապես երբեք չուտելեն ավելի լավ էր...

Այլևս ճարահատ և հուսահատ անեծքով հեռացանք Հասանպեյլիեն, և շուրջ 40—50 ըրպե քալելի վերջ հասանք մեր գնացած ճամփուն աջակողմը ձոր մը, ուր մեր պահակ ոստիկան զինվորներն որոշած էին, որ գիշերենք:

Այս ձորին մեջ ամեն կողմե ջուրեր կը վազեին. ոչ թե պառկելիք տեղեր չկային, այլ կոխած տեղերնիս ցեխ էր: Բայց գիշեր էր, և խավարը պատած էր ամեն կողմ, գիշերվան այս պահուն ոչ մեկ տեղ կրնայինք երթալ: Ուստի կամա ակամա բարձրացանք ձորին կից բլուրը, ուր բաղդատաբար

ավելի շոր կը թվեր ըլլալ և ցախեր հավաքելով կրակներ վառեցինք: Խումբ-խումբ բոլորվելով խարույկներուն շուրջը, սկսանք տաքնալ և մասամբ մեղմացնել հանդիպակաց կողմեն փշող գարնանային գիշերներու հատուկ հյուսիսային ցուրտ քամին, որ իր սաստկագույն աստիճանին հասած էր հոս, լեռներու բավական բարձր շրջանակի մը մեջ գտնվելնուս պատճառով:

Ոչ մեկս անկողին կամ վերմակ ունեինք, որովհետև հնար չէր հետիոտն զնացողներուս համար ծանր բեռներ կրել մեզի հետ:

Մեղմե մեկ քանին թեթև «պաթանիաներ» ունեին. իսկ ոմանք ևս հաստ վերարկուներ, որոնք կը ծառայեին սեփականատերերուն թե՛ իբր անկողին և թե՛ իբր վերմակ: Ամեն անոնք, որոնք մեր ճամփա ելած ատեն անկողին կամ վերմակ հետերնին առած էին իրենց տուներեն, մասնավորաբար շանկըրիցիներն, երբ կեսարիայեն սկսյալ ամենքս ալ բռնադատվեցանք հետիոտն քալելու, շատեր անկարող կրելու այսքան ծանր բեռներ ստիպված վաճառեցին ոչինչ գներով:

Իսկ ոմանք ևս հացի դրամի կարոտ մնալով ծախեցին և՛ ժամացույց, և՛ շղթա, և՛ անկողին, և՛ վերմակ, և՛ վերարկու, և՛ պաթանիա, վերջապես ինչ որ կրնար արժեք մը ունենալ: Փուլթ չէ թե այդ արժեքով մեկ կամ երկու անգամ միայն պատառ մը հաց կարենային ձեռք ձգել:

Բայց ես ոչինչ չունեի վաճառելիք. եկեղեցականի վերարկուս իմ միակ հարստությունս էր, որ կը ծառայեր ինձի վերմակի և անկողնի տեղ միանգամայն...

Արդեն գիշեր էր, երբ անակնկալս այցելության եկավ հոստեղ Հասանպեյլիի զինվորական բժիշկը՝ Նիկոմիդիո Կեյվե գյուղեն դոկտոր Ս. Տ. Ս., մեզ փախցնելու թաքուն նպատակով: Բժիշկը եկած էր ձիով, իսկ զինքն առաջնորդած էր Կանլըկեշիտի այն երիտասարդ հայ սպան, որ նամակ տարած էր Այրան գերման ճարտարագետներու պետին Մորֆի, և դոկտ. Սամվել զինքը հետը առած եկած էր՝ վերջնապես հաջողցնելու համար փախուստս:

Ցեղին պատիվ բերող այս երկու անձնագոհ հայերու այս հանդուգն ձեռնարկն պարզապես զիս փղձկեցուցած էր: Որովհետև իրենց անձն կը վտանգեին զիս փրկելու համար միայն.

և կ'ապրեինք այնպիսի ահաւոր ժամանակի մը մեջ, երբ ամենափոքր հանցանք մը և կամ նույնիսկ կասկած մը բաժլ էր մահվամբ պատժելու, եթէ ենթական հայ էր:

Գոհացնելու համար ազնիվ և անձնվեր այցելուներու հետաքրքրութիւնը համառոտ կերպով պատմեցի առանձին մեկ կողմ քաշված՝ մեր ճամփու տառապանքները, մեր տեսածները, մեր լսածները, մինչ երկուքն ալ անկարող տոկալու սկսան արտասովել և խոսքս հանկարծ կտրելով բժիշկը՝ ըսավ.— հայր սուրբ, վերջը ավելի երկար կը պատմես մեզի քու ճամփու ողբերգութիւնդ. հիմա եկած ենք քեզ փախցնելու: Ես ձին այդ նպատակով հետս բերած եմ, չպիտի թողունք որ ճամփադ շարունակես, որովհետեւ ասկէ անդին երթալը ստույգ մահ դիմել է: Թուրք զինվորական պաշտոնյաները ամենքն ալ բարեկամներս են, կրնամ քեզ պաշտպանել:

Ստիպվեցա ընդհատել հոս բժշկի խոսքը և պատմեցի մեկ քանի ժամ առաջ հրամանատարին ստացած ապտակս, և սպային ըրած սպառնալիքները հիշեցի:

Բժիշկը պատասխանեց.— Մի՛ վախնար, անոնք ամենքն ալ սիրաշահիլը ինծմե. դուն միայն եկուր հետս և դուն ձի նստե ու մենք ոտքով քեզի կը հետևինք: Մի վախնար նաև քովդ եղող պահակ ոստիկան զինվորներին. անոնց պետը կը ճանչնամ ես, կը կաշառեմ զինքը, որ անգիտանա քու փախուստդ:

Առարկեցի, թէ հետս եկող տառապանքի ընկերներս շեմ կրնար լքել, որովհետեւ վաղը հույս ունիմ, որ Սիսեն Այրան մեր դրկած թուրքը՝ ըստ մեր ժամադրութեան պիտի գա գտնել զիս Քելլերի մոտերը անտառներուն մեջ: Թէ զանոնք ալ փախցնելու մեծ հույս ունիմ, թէ այսքան շարշարանքներ և տառապանքներ վերջ շեմ ուզեր ընել գործ մը, որ եթէ ողջ մնամ իմ խղճիս վրա, մինչև մահս բեռ ըլլա:

Իսկ երիտասարդ սպան ևս իր կարգին կ'ուզեր տարհամոզել զիս, թէ հետս եղող ժողովուրդը այլևս լմնցած է, թէ տառապանքի իմ ընկեր կոշածներս՝ հյուծած, սպառած և այլևս անկարող են նույնիսկ փախչելու, եթէ առիթն իսկ գտնեն: Թէ ասոնց արտաքին տեսքն իսկ կապացուցանեմ, որ այլևս իրենց մեջ ՄԱՐԴԸ մեռած է և խեր չկա ասոնցմե...:

Բայց անկարող կ'ըլլային զիս համոզել. որովհետեւ քանի՛ կը խորհեի թէ վաղը թերևս նպաստավոր լուր մը կու գար և ես կանխավ փախած ըլլալով խեղճ ժողովուրդը անզուսպ չի

կրնար օգտվիլ նպաստավոր բացառիկ այդ պատահութենէն, և գերմաներեն գիտցող մը ևս շտնվելուն՝ կամա-ակամա պիտի շարունակես իրենց ճամփան մինչև Տեր Զոր կամ մինչև մահ, ուստի անդրդվելի կը մնայի մերժումիս մեջ:

Իսկ երիտասարդ սպան ինծի կը հասկացներ, թէ գերմաները շատ պատասխանատուութիւն չեն ուզեր ստանձնել հայր փախցնելու գործին մեջ, հետևապէս շատ հույս չդնեմ զալիք լուրերուն վրա...:

Բարեբախտաբար դոկտ. Սամվել ծանոթ ըլլալով մեր ստիկան գորքերու տասնապետին և զայն անգամ մը փրկած ըլլալով ծանր հիվանդութենէ մը՝ թույլատրած էր, որ մենք երկարորեն տեսնվինք իրարու հետ՝ առանց արտաքին ո՛րևէ անհարկի միջամտութեան: Գոկտ. Սամվել իրավունք ունէր հույսեր դնելու մեր տասնապետին վրա, թէ ան աչք կը գոցի ի հարկին փախուստիս, եթէ նույնիսկ կանխավ դրամական վարձատրութեամբ մը բերանը գոցելու փորձ իսկ չըլլա...:

ՍԱԿԱՅՆ ՄՅՈՒՍ ԿՈՂՄԵ ՀԱՎԱՏՈ ՀԱՆԳԱՆԱԿ ԵՂԱՄ ԷՐ ՄԻՋՍ, ԱՅԼԵՎՍ ԿՅԱՆՔԻՍ ԲՈՂՈՐ ՕՐԵՐՈՒՆ ՄԵՋ ԵՐԲԵՔ ԶՎՍՍԱ-ՀԻԼ ԹՈՒՐԲԻՆ. ԸԼԼԱ ԱՆ ՍԵՐ ԹԵ ԵՐԻՏԱՍԱՐԳ, ՏԳԵՏ ԹԵ ՈՒՍ-ՅԱԼ, ԿՐՈՆԱՍԵՐ ԹԵ ԱՆԿՐՈՆ, ԶԻՆՎՈՐԱԿԱՆ ԹԵ ՔԱՂԱՔԱՅԻՆ. ԳՅՈՒՂԱՅԻ ԹԵ ՔԱՂԱՔԱՅԻ, ԱՅՐ ԹԵ ԿԻՆ, ԻՆՉ ԿՈՒՉԵ ԹՈՂ ԸԼԼԱ, ԲԱՎ Է ՈՐ ԹՈՒՐԲ Է...:

Ա՛լ եթէ ես ալ այսքան մահաբույր փորձութիւններ և փորձառութիւններ վերջ դեռ հավատացող մը պիտի ըլլայի թուրքին առաքինութեանց, ուրեմն անուղղա ապուշ մը պետք էր որ եղած ըլլայի...:

Որովհետեւ Հասանապեյլի թուրք զինվորական և քաղաքային պաշտոնյաներուն վստահելով պիտի փախչի: Իսկ այսպիսի հիմար քայլ մը չէի ուզեր առնել:

Եթէ Տերամբ ողջ կրցա մնալ, շնորհիվ այս նշանաբանիս միայն կրցա փրկվիլ: Իսկ անոնք, որ թուրքերուն գաղտնիք տվին և վստահութիւն ըրին, հանկարծ օրին մեկը օձիքնին ձեռք տվին. և իրենց մահվամբ քավեցին իրենց բարեմտութիւնը կամ միամտութիւնը ճիշտ այն օրն իսկ, երբ արդեն վտանգը անցուցած և արդեն փրկված ըլլալ կը կարծեին:

Տեսնելով, որ անկարող կ'ըլլան այլևս զիս համոզելու, հրաժեշտ առին ինծմե և համբուրվեցանք ու մեկնեցան, ըսելով.—

հետո պիտի զոչաս, ոտքդ եկած այսպիսի հազվագյուտ պատեհություն մը կորսնցուցած ըլլալուդ համար...

Նախքան մեկնելն դոկտոր Սամվել դրամական փոքրիկ նվեր մը ես տվա՛մ, որը հանուն յոզկատցի մեր ամենազրկված ընկերներուն քնդունեցի շնորհակալութեամբ:

Անձնագոհ հյուրերս սրտաբեկ անհայտացան գիշերվան թանձր խավարին մեջ: Իսկ ես քանի՛ կը լսեի հայ անձնվեր բժիշկին ձիու ոտքերուն հետզհետե մեղմացող և հեռացող տրոփունները, ա՛յնքան սիրտս կրակով կը լեցվեր: Զի կը խորհրդածեի, թե արդո՞ք սխա՛լ ըրի չհետեւելով հեռացողներուն, արդո՞ք փախուստի միակ պատեհություն՞ն էր, որ ձեռք հանեցի: Արդո՞ք չափազանցություն չէ՞ր այնքան սերտորեն կապված մնալ տառապանքի ընկերներու, երբ արդեն մեր մահվան ճամփուն ^{4/5}-ը անցած էինք և վաղվան համար ալ ոչ մեկ հույս կար անակնկալ փրկության մը:

Նույն գիշերը մեր եղբրական սե հիշատակներուն ամենադժբախտ օրերեն մեկը եղավ, և եթե ցախերով մեր վառած խարույկներն շըլլային, ապահովաբար ամենքս ալ պիտի հիվանդանայինք՝ այդ բաց գետնին հյուսիսային սառնաշունչ ցուրտին մեջ բացօթյա գիշերելուս համար:

Առավոտը վաղ աճապարեցինք հեռանալ այս անհյուրընկալ լեռներեն, հազար անգամ անիծելով այն թշվառական թուրքերը, որոնք մեզի անգթաբար քամել կու տային դառնութեան մահու բաժակը ցմրուր...

Տակավ բարձրացանք Ամանոսի լեռնաշղթային անտառապատ կատարները, ըմբռնելով Կիլիկիո տաք արև ու հզոր ճառագայթները, որով կրկին վերակենդանություն ստացան մեր ընդարմացած անդամները:

Վերջապէս մտանք մայրի ծառի սև անտառներ, ուր Գարնան բնութեան ճոխ վերազարթնումը մեզի կրկին հիշեցնել կու տար մեր թշվառ կացութեան անհատակ խորությունը: Աստված իմ, ի՞նչ հակապատկեր, մինչդեռ մեր շուրջը բնությունը հարություն առած էր՝ կյանք ու կենդանություն տալով ամենուն: Մինչդեռ մեր ոտքերուն ներքև զմրուխտ մարմանդներ, մեր գլուխներուն վերև դալլալող թռչուններ բնությունը կամ արարիչը կը փառաբանեին, գարնան սիրերգներով նոր բույներ շինելով: Երբ ծառ ու ծաղիկ, թուփ ու մացառ, սոխակ ու սարյակ անուշահոտություններով և երգե-

րով վերազարթնող բնութեան ավետիսը կու տային, մենք կը տարվեինք դեպի անհայտ ու անհատակ գերեզման:

Ա՛հ, ԳԱՐՆԱՆ ՄԵՋ ՄԵՏՆԵՒԻ ԵՐԿՈՒ ԱՆԳԱՄ ՄԵՌՆԵՒԻ ԸՍՅԷ Է:

Երբ անցնելով անտառներու մեջն սկսանք իջնել Քելլերի լեռան զառիթափն, ուրկե կ'երևի արդեն Իսահայիչի դաշտը, հանկարծ լուր բերին ինձի, թե մեր Սիսեն Այրան զրկած թուրք զինվորական փախստականը եկած է արդեն՝ և մեր քարավանին մեջ մտած և կ'ուզե հետս գաղտնաբար տեսակցիլ, հաղորդելու համար իր բերած տեղեկությունները:

Հարկ եղավ դանդաղեցնել մեր քարավանին գնացքը և զգուշութեամբ տեսակցիլ մեր բանբերին հետ, որուն արդեն կը սպասեինք Սիսեն մեկնելին ի վեր անձկանոք: Թեպետ մեզի բերված լուրերը մեր ակնկալութեանց չէին համապատասխաներ, սակայն հուսահատական ալ չէր: Որովհետե գերման երկթ. ընկերության Այրանի մարդիկը լուր զրկած էին, թե յրենք մեր փախուստին ծանր պատասխանատվությունը չէին ստանձներ, սակայն եթե անձնական պատասխանատվութեամբ փախչելէք և ապաստանեիք երկաթուղու գծերը, կը խոստանային մեզի ամենուս ալ գործ տալ և հարկին նաև պաշտպանել: Սակայն իրենք մեզ ոստիկան զինվորներու ձեռքն բռնի առնելու համար ոչ մեկ միջոց կ'ուզեին ձեռք առնել:

Ստանալով լրացուցիչ տեղեկություններ ևս, թե հազարավոր բանվորներու 80 տոկոսը եթե թուրք են՝ զինվորական, իսկ եթե հայ են՝ աքսորե փախստական մարդիկ են, մեր լրաբեր թուրքը զրկեցինք Քելլերի հայ բանվորներու հայազգի պետերուն (չավուշ) և հայտնելով, որ հարյուր հոգինոց աքսորականներու քարավան մը կը սպասե 1/2 ժամ իրենցմե հետև ձորին մեջ, փախչելու համար գյուրություն և պաշտպանություն խնդրեցինք:

Մինչ այս, մինչ այն մենք կաշառելով մեր ոստիկան զինվորները, մեր քարավանը հանգիստի պատրվակին տակ, շթուցիցիք, որ առաջ երթա, այլ ամենքս ալ նստանք մարգերու վրա, անհամբեր սպասելով մեզի զրկվելիք լուրերուն, որոնցմե կախված էր իրապես այս անգամ մեր փրկությունը: Մեկ ժամվան հապաղումե հետո վերջապես կրկին եկավ մեր յրաբեր թուրքը և հայտնեց, որ ամեն ինչ մինչև մեկ ժամ պատ-

րաստ պիտի ըլլա, բաւ էր, մեզի տրված հրահանգները գործադրենք կետ առ կետ:

Ճարահատ նոր կաշառքի սակարկութեամբ հաճեցուցինք մեր պահակ ոստիկան զինվորները, որ մեզ մեկ ժամ ևս թողուն մեր կեցած տեղը:

Այս ժամանակամիջոցը օգտագործել ուզեցինք իրարու հետ խորհրդակցելու հավաքական փախուստի մը համար: Ուստի քարավանին գլխավոր և ազդեցիկ դիմքերը մեր շուրջը հավաքեցինք՝ քննելու համար փախուստի մը կարելիութուններն ու անկարելիութուններն, նպաստավոր և աննպաստ բոլոր հանգամանքներով:

Սակայն դժբախտաբար բացի Պոլսո աքսորականներեն, մեծամասնութիւնը՝ մասնավորաբար շանկերիցիները չէին ուզեր փախչիլ, հույժ վտանգավոր և մահաոխիժ համարելով այսպիսի հանդուգն ձեռնարկ մը: Նույնիսկ անոնք, որոնք մեր տաժանելի ճամփու ընթացքին միշտ կրկնած էին, թե մեր միակ փրկութիւնը փախուստն է. գործադրութեան վճռական ժամուն կը տկարանային գործադրելու փախուստի ո՛րևէ ծրագիր, եթե նույնիսկ կաշառքով մեր պահակ ոստիկան զինվորներուն համաձայնութիւնն կանխավ ստանայինք:

Փախչելու ծրագրի մը դեմ արտահայտվողները մասնավորաբար այս առարկութիւնը կ'ընեին, թե երբ փախչին և հաջողեին իսկ ազատիլ ո՛րևէ հավանական հետապնդումե, թուրք կառավարութիւնը իբր փոխ վրեժ անմիջապէս պիտի գրուվեր Չանկերի մեջ ունեցած իրենց շարժուն ու անշարժ ամբողջ հարստութիւնը, իրենց կիներն ու աղջիկներն ևս պիտի աքսորեր ու ենթարկեր ամեն կարգի բարոյական ու նյութական իշխանութեան և հալածանքի:

Իսկ իրենց անձին համար երկյուղնին այս էր, որ փախուստի մը միջոցին, համաձայն տրված կարգախոսին, մեր պահակ ոստիկան զինվորներն կրնային հրացանազարկ ընել առանց այլևայլի: Շատ քիչերը միայն հնարավոր կը գտնեին կանխավ կաշառելով մեր հսկող ոստիկան զինվորները, զերթ մնալ հրացանազարկ ըլլալի: Ժամերը կը սահեին, մեր պահակ ոստիկ. զինվորներու տրված կաշառքները կը կրկնապատկեինք նոր ժամանակամիջոց ստանալու համար, բայց դժբախտաբար անկարող կ'ըլլայինք վերջնական եզրակացութեան մը հանգելու: Առանց բացառութեան մեր քարավա-

նին երիտասարդները ամենքն ալ կ'ուզեին փախչիլ՝ խորապէս համոզված, թե պատեհագոյն այս առիթը եթե օգտագործել չկարողանային, հետո շարաշար պիտի զոյջային:

Որովհետեւ երկթ. շինութեան գերմ. ընկերութիւնը մեծագոյն դուրսութիւնները կ'ընծայեր ամեն կարգի և ազգի փախստականներու, օգտվելով թուրք կառավարութեան հետ իր ունեցած գրավոր պայմանագրութեան: Որով այս վերջինը կը խոստանար ազատ ձգել ընկերութիւնը՝ պաշտոնյաներ և բանվորներ գտնելու եղանակին և ձեռն մեջ, եթե նույնիսկ ասոնք զինվորական փախստականներ ըլլային: Այս պայմանով միայն հանձն առած էր գերմ. ընկերութիւնը փութացնել երկթ. շինութիւնները և ապահովել զինվորական փոխադրութիւններն զինվորի և ռազմամթերքի:

Վերջապէս անկարելի եղավ մեր միջև համաձայնութիւն մը գոյացնել: Զի անոնք, որոնք հարստութիւն թողած էին իրենց ետև, չէին ուզեր իրենց փախուստով վտանգել իրենց թողած կայքն ու գույքն կամ հարստութիւնը: Իսկ անոնք, որ ետևին հարստութիւն մը չունեին, որ ձգեին, վտանգելիք բան մը չունենալով ամեն գնով փախչիլ կ'ուզեին:

Թշվառները դեռ չէին համոզված, թե այն օրեն, որ աքսորի ճամփան բռնեցին դեպի Զոր, այլևս ոչ հարստութիւն ունեին, ոչ ընտանիք և ո՛չ զավակներ: Թեպետ այս դառն ճշմարտութեան համոզվեցան միայն այն ատեն, երբ սակայն շատ ուշ էր և արդեն իրենց գերեզմանին փոսին առջև կը գտնվեին Տեր Զորի ավազի անապատին մեջ:

Բայց ամենքն զաղտնի՝ հայ բանվորապետներու հետ համաձայնելով, մեր փախուստը դուրացնող նոր կարգադրութիւն մը եղավ հետևյալ պարագաներու մեջ:

Այսպէս որոշյալ ժամուն քարավանը կրկին ճամփա ելավ դեպի զառիթափն ի վար Քելլեր: Երբ հասանք Քելլերի ճիշտ մեջտեղեն անցնող ճամփուն այն տեղը, որ ապառաժներու մեջն ոլորվելով օձապտույտ կ'իջնա դեպի Իսլահիյեի դաշտը, հանկարծ հայ բազմաթիվ բանվորներ մեզ շրջապատեցին և հասկցուցին, որ երբ պայթումը տեղի ունենա, ամենքս մեկ-մեկ կողմ փախչինք:

Եվ ահա ձեռքը կարմիր դրոշակով և վտանգի ազդանշանը տվող հայ պահակ բանվոր մը հնչեցուց գալարափողը, և հանկարծ ուժգնակի հաջորդական ահեղ գոռումներով տեսանք

մայրերու բեկորներ, որոնք օդին մեջ կը սլանային: Միաժամանակ ամեն կողմն իժայուր աղաղակներով պոռչալուքներ կ'ըլլային— փախե՛ք, փախե՛ք...

Այս ընդհանուր խուճապին և խառնաշփոթությանց մեջ՝ առանց ետև նայելու կը փախչեր ամեն մարդ, բանվոր, արտորական, ոստիկան, զինվոր, կենդանի...

Գոռում-գոչունը կը դադրեր, օդին մեջ սավառնող ապառաժի կտորները արհեստով վար ինկած էին ակնթարթի մը մեջ և տիրած էր կրկին խաղաղությունը, բայց մեջտեղը ոչ ոք կար: Իսկ ոստիկան զինվորներն վերագտնելով իրենց պաղարյունությունը՝ կրկին երևցան ճամփուն վրա և սպառնալիքով հրամայեցին, որ փախչող քսոտականները շուտով հավաքվին իրենց շուրջը, շարունակելու համար մեր ճամփան: միանգամայն էր սպառնային գնդակահարել անսաստողները...

Եվ ահա հսկառակ մեր շուրջը հաժող հայ բանվորներու— մի վախճաք, ետ մի դառնաք— ըսելով ըրած սրտապնդումներուն, տակավ իրենց թաքստոցներեն դուրս գալ սկսան մեր բարավանին բոլոր մարդիկը: Թեպետ քաջասիրտները դեռ կը համենային գալ միանալ քարավանին, սակայն ոստիկան զինվորները կ'երդունային քարավանը առաջ շարժել, եթե չամբողջանար մեր պաշտոնական ցանկի թիվը:

Վերջապես տեսնելով, որ խնդիրը կ'երկարի և լուրջ հանգամանք կ'առնե, մնացորդ 10—15 հոգիներս ևս եկանք միացանք քարավանին և ճամփա ելանք դեպի Իսլահիյե՝ շկրնալով մերժել աղաչանքը մեր այն ընկերներուն, որոնք եկած էին վերադառնալ շուրջողները համոզելու, թե իրենց չգալու պարագային ամբողջ քարավանին ժողովուրդը պիտի ենթարկեին ահավոր կորուստի:

Ոստիկան զինվորները անլուր սպառնալիքներով հավատացուցած էին այս թշվառները, թե մնացած ամենքն ալ պիտի գնդակահարեին...

Արդարև իզուր էր ամեն ջանք ու ճիգ այս թշվառները ազատելու, զի մեր տառապանքի ընկերները այդքան հյուժած և սպառած էին, որ կորսնցուցած էին այլևս մարդկային ամեն բարոյական ուժ ու կորով: Անբան ոչխարներու հոտի մը հոգեբանությունը ունեին, դեպի մահ կ'երթային անտրտունք՝ համոզված, թե հայ ազգին վերջնական փրկության համար անհրաժեշտ է իրենց կյանքի զոհաբերությունը,

փուլթ չէ, թե այս զոհաբերությունը ամենաանազորույն ու շարժարալից մահվամբ ըլլա: Գոնե մեր ապագա սերունդները թող ապրին ազատ և շտեմեն մեր անցուցած արյունոտ այս սև օրերը. կ'ըսեին ու կը քալեին դեպի գերեզման:

Ոմանք ևս երկար դարեր դրացի ապրելով իսլամներու՝ հավատացող էին ճակատագրի և կ'ըսեին հաճախ, թե իզուր է մեր ճակատագրի որոշումին դեմ պայքարելը կամ ընդվզելը:

Իսլամ նորահավատները պատերազմի մղելու համար Մուհամմեդի քարոզած ճակատագրի այս վարդապետությունն էր, որ ինքնասպանության միտող կրավորական համակերպության մը կը մղեր մեր դժբախտ մեկ քանի ընկերները, սպանելով ասոնց մեջ ամեն ձեռներեցություն և կամ ամեն վճռողական քայլ:

Մեր մեջ կային նաև մեկ քանի բարեմիտներ կամ ավելի ճիշտ որակումով միամիտներ, որոնք դեռ կը հավատային, թե թուրք կառավարությունը զիրենք Տեր Զոր տանել է վերջ՝ հող ու գործ պիտի տար ապրելու համար: Ուստի կը խորհեին, թե ինչո՞ւ փախուստով վտանգեին իրենց թուրք պետությունեն ստանալիք շնորհներն...

Տարաբախտ հայ ժողովուրդը մինակ մնալով իր դարևոր թշնամիին հետ, ուրիշ փրկության միջոց չէր գտներ, եթե ոչ շնորհք խնդրել իր անգութ դահճապետներեն... Քանի որ հույսի և փրկության բոլոր դռներն փակված էին իր առջև, իսկ իր բարեկամ մեծ ազգերուն զրահավորներեն մինչև Արաբատ չէին կրնար բարձրանալ...

Երեկոյին արևամուտին հետ վերջապես հասանք Իսլահիյե՝ ամենքս ալ բարոյալքված և հուսահատ, զի նույնիսկ փախչելու գժկամակողներն իսկ կը հավատային, թե փախուստի մեծագույն պատեհությունն էր որ կորսնցուցած էին:

Դժբախտաբար այստեղ ևս կրկին լծողուցին, որ քաղաք մտնենք, այլ մեզ առաջնորդեցին քաղաքին մոտակա բացօթյա մարգագետին մը, որ 20 բոպե հեռու էր քաղաքեն: Ստիպվեցանք զարնան շարունակական անձրևներեն թրջած թաց գետնին վրա գիշերել: Երբ գիշերվան ցուրտը և ցողը մեկ կողմեն, և գողեր մյուս կողմեն անհանդուրժելի կը դարձնեին առանց ասոնց ալ արդեն դառն ու թշվառ մեր կյանքը:

ԻՍԼԱՀԻՑԵ. ԳԵՐԵԶՄԱՆԱԲԼՈՒՐՆԵՐՈՒ ԳԱՇՏ ՄԸ

Իսլահիյե մեծամասնությամբ իսլամաբնակ կառավարական-վարչական երրորդ աստիճանի գյուղաքաղաք մըն է, (գայմագամանիստ)՝ Ամանոսի լեռնաշղթային արևելյան կողմը ընդարձակ և հարթ դաշտագետնի մը վրա:

Ինչպես կանխավ հիշեցինք Բաղդադի երկաթուղու գիծը 1916-ի գարնան Պոլսեն սկսյալ ուղղակի կը հասնեն Տավրոսյան լեռնաշղթայի մինչև Պոզանթի կիրճը: Այստեղ ընդհատվելով գիծը, Տավրոսի փապուղիներուն դեռ լրացած չլլալուն պատճառով՝ կրկին կը սկսեն երկթ. երթևեկը Ինճիրլի—Ադանա—Օսմանիյե, և կը հասնեն Մամուրե կայարանը: Մամուրե ըլլալով Կիլիկիո դաշտին երկաթուղու վերջին կայարանը, հոս կրկին կ'ընդհատվեր գիծը, Ամանոսի լեռնաշղթային փապուղիներու լրացած չլլալուն պատճառով, ապա կրկին կը սկսեն երկթ. երթևեկը Իսլահիյեին և կը վերջանար Հալեպ:

Բաղդադի երկաթուղու այս գերման գիծին զատ՝ կար նաև Ֆրանսական Մերսին—Տարսոն երկթ. գիծը, որ միանալով Ինճիրլի կայարանը Բաղդադի երկթ. գերման գծին՝ կը հասնեն ուղղակի Ադանա:

Որով երկաթուղու գծի մոտերը ապրող բոլոր հայերը երբ տեղահան եղան, երկաթուղիով կը հասնեին ամենաբախտավորները մինչև Պոզանթի: Ասկե Կյուլեկի կիրճին ճամփով հետիոտն կու գային կրկնապատիկ տոմսակի գին վճարողներն մինչև Ինճիրլիք: Ապա Ադանայի վրայով երկաթուղու ճամփան շարունակելով կու գային Օսմանիյե, ասկե կրկին հոտիոտն կ'անցնեին Հասանպեյլի ճամփով ամբողջ Ամանոսի լեռնաշղթան մինչև հասնելով Իսլահիյե:

Այս վերջին քաղաքը՝ տեղահան եղած հայերու մասնավոր բանակատեղի էր. զի ասկե Հալեպ կը ղրկվեին հետիոտն, իսկ կաշառք տալով բացառիկ իրավունք ձեռք բերողներն՝ երկաթուղիով: Իսկ Հալեպ՝ անապատները տարագրվող մեկ միլիոնն ավելի հայության ընդհանուր բանակատեղին էր, ուրկե քարավաններով կը ղրկվեին ըստ բախտի կամ ավելի

կաշառքի վճարմամբ դեպի Հոմս, Համա, Գամասկոս, կամ դեպի Նիսիպին, Ռեսուլայն և կամ անապատներու կենտրոնը Տեր էլ Զոր՝ հանուր գերեզմանը բնաջնջվող հայության:

Այս տեղեկագրական ընդհանուր ծանոթություններն վերջ, գալով Իսլահիյեի բնակչության, դժբախտաբար կարելի չեղավ ճշտել ստույգ թիվը խառնացեղ բնակչության: Սակայն մեր ստացած ընդհանուր տեղեկություններն կարելի է հետևցնել, թե մեր Իսլահիյե ժամանած ատեն քաղաքը ուներ 1500 տուն բնակչություն, որմե միայն 250 տունը հայեր եղած էին: Ասոնք ամբողջապես 1916-ի գարնան տեղահան ըլլալով, հազիվ 4 կամ 5 հայ ընտանիքներ մնացած էին քաղաքին մեջ, իբր երկաթուղու պաշտոնյաներ կամ իբր երկաթուղու վայրաշարժերու փայտի հայթայթիչներ: Որովհետև պատերազմի ամբողջ շրջանին կարելի չլլալով քարածուխ ճարել, վայրաշարժները (լոբոմոթիվ) փայտ կը վառեին: Իսկ այս վառելափայտը կը հայթայթեին Ամանոսի կամ Տավրոսի լեռներու հսկա մայրի անտառներն մասնավորաբար հայ կապալառուներ: Ասոնցմե զատ կային նաև այս հայ կապալառուներու մոտ 50—60 հայեր՝ իբր քարտուղար, գործավոր կամ փոխադրիչ:

Այսպես Բաղդադի երկաթուղու գծին վրա՝ Պոլսեն մինչև Հալեպ՝ երեք կետեր Պոզանթի, Կանլը-կեչիտ և Իսլահիյե եղած էին հարյուր-հազարավոր հայ տարագրյալներու ճամփու անցքի հավաքավայրեր:

Ամեն կողմե հարյուր կամ հազարով հասնող քարավաններ հետզհետե ստվարանալով կ'ըլլային տասնյակ հազարներ:

Բնականաբար անկազմակերպ երկրի մը մեջ, և անկազմակերպ կառավարության մը ներքե, և մասնավանդ բնաջնջելու հայտնի նպատակով տիրող խուժողուժ և անգութ հալածանքներու ևս պատճառով՝ տասնյակ հազարներու հասնող հայ տարագրյալներու թիվը շուտով կը կրկնապատկվեր ու կ'եռապատկվեր մասնավոր դիտումով: Որպեսզի այս ընդհանուր խճողումով անհնար ըլլար պարենավորումը և ինքնին չքմեղանար թուրք կառավարությունը իր բնաջնջումի դիվային ծրագրին մեջ:

Այս համատարած ժողովրդային մեծազանգված խճողումներուն բնական հետևանքը կ'ըլլար անշուշտ, հացի ու ջուրի պակասը և ճամաճարակներու ու տեսակ-տեսակ հիվանդու-

Քյանց տարածմամբ կոտորակում թշվառ հայ ժողովրդյան և անճիտում:

Հազարներով Իսլահիյե հասնող ժողովուրդին հազիվ հարյուրներ ճամփա կը հանվեին ամեն օր, իբր թե փոխադրությանց և ոստիկան զինվորներու շօտյության շքմեղանքի դիտումնավոր առարկությամբ: Ասոր բնական հետեանքը այն կ'ըլլար, որ սովահար և թանչքե տառապող թշվառ ժողովրդյան մեջ առօրյա մահերու թիվը հետզհետե կ'աճեր անհավատալի համեմատությամբ: Օրեր եղած են, որ տասնյակ հազարավոր վրաններու մեջ ոչ թե տասով, այլ հարյուրավոր մեռյալներ եղած են, և առողջ մարդիկ շին գտնված, որ մեռելները հավաքելով թաղեն: Իսկ եթե բռնի կերպով և հեռվին ու մոտեն մարդ ճարված է, փնտրված քանակությամբ բահ ու բրիչ չէ գտնված՝ այսքան հոծ թվով մեռյալները թաղելու համար:

Մանավանդ առաջին զոհերն եղած են ամեն հասակե ու սեռե անմեղ հայ մանուկներն, մեկ գիշերվան մեջ փշոզ հյուսիսի սառնաշունչ քամին աշնան խորշակահար տերևներու նման հազարավոր թշվառ մանուկներ խլած է հայ մայրերու գրկին: Իսկ եղերաբախտ մայրերը շին լացած, որովհետե լալու ժամանակ ալ շին ունեցած, և ընդհակառակը մխիթարված են, խորհելով, որ այս համատարած և շարունակական թշվառությանց մեջ ավելի բախտավորը ան է, որ ժամ առաջ մեռնելով կ'ազատի և միանգամայն կ'ազատե իրենները ավելորդ բեռն մը... Քանի որ վաղ թե ուշ ըլլալիքը տարածամահն է, և ոչ թե հուսալի փրկությունը...

Ահա այս պատճառով, երբ մեր թշվառ քարավանը հասավ Իսլահիյե, մեր առջև պարզվեցավ մեկը այն ահավոր տեսարաններն, որուն վերհիշումը ամենասե էջերն մեկը կը կազմե հայության աշխարհասասան բնաջնջումին:

Թվեր թե մեր առջև տարածվող երկիրը պատերազմի դաշտ մը ըլլար: Որովհետե Իսլահիյեի առջև երկարող դաշտագետինը ծածկված էր անհամար մեծ ու փոքր հողակույտներով: Ասոնք գերեզմաններն էին հիսունով կամ հարյուրով թաղված հաշերու, և հակառակ արդեն ձմեռ մը անցած ըլլալուն՝ դեռ այս հողակույտերն կը պահեին իրենց կորնթարդ բարձրութունը, և ավաղ կային, որ բլուրներ էին...

Երբ կը խորհեինք, թե այս բլուրները հայերով լեցված մարդ-

կային բլուրներ էին... մեր հուսահատությունը և բարոյալքումը այլևս կը հասներ անձնասպանության միտող աւտիճաններու...

Տասնյակ հազարավոր հայերու այս դիակները հողին ներքե թաղված էին՝ ոչ թե իբր վերջին նվիրական պարտականություն, որը քաղաքակիրթ թե վայրենի հանուր մարդկության վերջին իրավունքը եղած է նախապատմական դարերի վեր: Այլ ասոնք թաղված էին կառավարության զրկած իսլամ բանվորներու ձեռամբ՝ պարզապես «մթնոլորտը մաքրելու» համար նեխած կամ կազմալուծված բլուրավոր մարմիններու ապականութենէն...

Որովհետե բռնագաղթի դատապարտված հյուծած ու սպանած հայ տարաբախտ ժողովուրդը իրապես անկարող էր իր մեռյալները թաղելու Ինչպես ըսինք, ոչ բրիչ ունեք, ոչ ալ ուժ այս գործիքները գործածելու կամ իր սիրելիներուն անշունչ մարմինները վերցնելու և հողի խոր վիհերուն մեջ նետելու...

Այս պատճառով խումբ-խումբ ամեն օր մեկնող քարավանները կը ձգեին իրենց դիակնացած սիրելիները ու կը մեկնեին, առանց երկար-բարակ սուգի սովորական և աղմկալից արտահայտություններու: Քանի որ վաղը նույն սե ճակատագիրը կը սպասեր և իրենց ամենուն ալ, մինչ օրվան զուլումը արդեն բավ էր շուտով մոռցնել տալու հավիտենական անդարձ բաժանումը իրենց սիրելիներին:

Հույժ ջղագրգիռ ու սիրամաշուք գիշեր մը՝ բացօթյա թաց մարգագետիններու վրա անցնելի վերջ, հաջորդ առավոտուն տեղի ունեցավ մեր քարավանին պաշտոնական փոխանցումը մեզ բերող ոստիկան զինվորներու կողմե Իսլահիյեի ոստիկան զինվորներու հրամանատարության, մի առ մի կարգացվելով ըստ սովորության յուրաքանչյուրիս անունը:

Եվ ով հրաշք. բացի Կազ-պելի ձյունապատ կիրճին մեջ մեզմե փախչելով սպանված մեր հեզ ընկերն, հակառակ մոտ 47—48 օրվան տաժանակիր մեր աքսորական ճամփորդության, և հակառակ մեր հանդիպած մահասարսուռ վտանգներուն, ամենքս ալ եթե ոչ առողջ՝ գոնե ողջ հաջողած էինք հասնիլ վերջապես մինչև Իսլահիյե:

Այս հույժ բացառիկ և աննախընթաց պարագան՝ Օսմանիյեի մեջ պատահածին նման, կրկին մասնավոր ուշադրությունը գրաված ըլլալով հանձնումի գործողության վերահսկող թուրք

սպային, անվերապահ կերպով իր զարմանքն հայտնեց մեզի վերջին անգամ ընկերացող ոստիկան զինվորներու ենթասպային ըսելով.— Այս ի՞նչ բախտավոր մարդիկ են եղեր ասոնք, ինչպես պատահեցավ, որ ասոնցմե պակտող շեղավ... դուք լավ չեք ըմբռնեի «պաշ-չավուշ» ձեզի տրված հրամանները...

Այսինքն ըսել կ'ուզեի, թե ինչպե՞ս կ'ըլլա, որ հարյուր հոգիանոց հայերու քարավան մը 45—50 օր ճամփա քալելի վերջ, և մանավանդ Յոզկատ—Պողազլիան—Կեսարիա ամենաարյունոտ ճամփան անցնելի վերջ՝ ողջ կը հասնի մինչև Իսլահիյե...

Մեր ժամանումին երկրորդ առավոտը կարելի եղավ միմիայն ինծի համար բացառիկ թուլլտվություն ստանալ քաղաք երթալու, քարավանին անհրաժեշտ գնումներն ընելու համար։ Բայց ասկե ավելի նպատակ ունեի իրազեկ ըլլալ մեր շուրջը դարձած քաղաքական իրադարձությունց և փրկություն ճամփա մը գտնել...

Իսլահիյեի շուկային մեջ սքեմով շրջած ատենս, հանկարծ թուրք հազարապետ մը եկավ ձեռքս բռնեց և հիշեց, թե ինք իբր իթթիհատի կոմիտեի անդամ հաճախ այցելած ըլլալով ազգ. Պատրիարքարան, զիս կը ճանչնա անձնապես, և նույնիսկ մականունս և Գերմանիա ուսում առած ըլլալս գիտնալով սկսավ գերմաներեն խոսիլ հետս։ Անկարելի կ'ըլլար ինծի հիշել զինքը, բայց դեմքը ծանոթ կ'երևեր և կը թվեր, թե հաճախ հայ վարիչ շրջանակներու հետ շփում ունեցած էր։ Զի ծանոթ շատ անուններ կու տար և դաշնակցական հայտնի գործիչներու բազմաթիվ անուններ կը հիշեր, մասնավորելով յուրաքանչյուրին ծայրահեղ կամ շափավոր ըլլալը։ Այս առթիվ փափագ հայտնեց երկարորեն տեսակցիլ մեր ամենքին հետ, երբ իմացավ, որ աքսորական հարյուր հոգինոց քարավանով մը Տեր Զոր կը տարվինք։

Թեպետ առարկեցի, թե պանդոկի մեջ չենք, այլ բացօթյա դաշտի վրա՝ քաղաքին քառորդ ժամ հեռու, և բնականաբար աթոռ և այլն լունինք զինքն արժանապես պատվելու համար, նա պատասխանեց, որ ինք անպաշտոն կերպով կու գա մեր վիճակին ակնատես ըլլալու և ցավակցություն հայտնելու համար...

Ուստի թուրք հազարապետին պնդումներու վրա՝ նույն օրը կեսօրե վերջի համար ժամադիր ըլլալով, աճապարեցի կա-

տարել ինծմե խնդրված գնումներն, և որոշյալ ժամեն առաջ զարձա մեր հավաքատեղին։

Ստուգիվ որոշյալ ժամուն սեամորթ հազարապետի մը հետ եկավ հետիոտն մեր քարավանին հանգստավայրը, և ոտքի վրա սկսանք մի առ մի պատասխան տալ իրենց հարցերուն։ Ասոնք 8000 զինվորի հետ կ'երթային Բաղդադի ճակատը կովիլու անգլիացիներու դեմ։ Երկուքն ալ Եվրոպա ուսում առած հազարապետներ էին. զիս ճանչցողը հազարապետության բարձրացած բժիշկ մըն էր, իսկ մյուսը գործոն բանակի հազարապետ մը։ Երկուքն ալ 45—50 տարեկան ըլլալ կը թվեին, շատ քաղաքավար էին և իրենք զիրենք շափազանց հայասեր ցույց կու տային, իբր թե կը ցավեին եղածին վրա և կը կարեկցեին մեր թշվառ վիճակին։

Բայց կը կարծեմ, թե իսկապես եկած էին աքսորական հայերու և պոլսեցի մտավորականներու հյուժած ու սելառած թափթփուկ մեր այս քարավանը դիտելով զվարճանալու։

Հազարապետ բժիշկը՝ շրջապատված մեր քարավանի բոլոր մարդոցմով, խոսքը մասնավորաբար ուղղելով ինձի՝ ըսավ հետևյալ բովանդակությամբ.— Շատ կը ցավիմ, որ մեզ սիրելի հայ ազգին գլխուն այսպիսի փորձանք մը եկավ։ Ես միշտ համակիր եղած եմ հայոց. Փարիզ և ապա Բեռլին բժշկություն ուսած ժամանակս՝ հայ նշանավոր անձերու և ուսանողներու հետ ծանոթանալու առիթ ունեցա, որոնք հետո մեծ դիրքեր գրավեցին, և որոնց հետ հետո լավ և մտերիմ բարեկամներ եղանք։

Մասնավորաբար բարեկամություն ունիմ հաստատած Չերազի, Զոպանյանի, Ակնունիի, Վարդգեսի և շատ հեղափոխական ու դաշնակցական գործիչներու հետ։ Երբ օսմ. Սահմանադրութենեն անմիջապես վերջ Զվիցերիայեն Պոլիս եկա, իբր իթթիհատի գործոն անդամ շատ մոտիկ հարաբերություն ունեցա ձեր ազգային պաշտոնական շրջանակներու հետ, արդեն Ձեզ ալ այս առիթներով ճանչցա։

Իզմիրլյան Պատրիարքը դիմավորողներու հետ էի և ձեր շոգենավին մեջ էի, այն ատեն Դուք իբր վարչության անդամ շատ պատիվներ ըրիք ինծի. ես եկած էի հանուն իթթիհատական կենտրոնի կոմիտեին։

Բայց կը ցավիմ, որ ձեր քաղաքական գործիչներուն խոլականորեն հետապնդած երազատես քաղաքականության

պատճառով, հայ ազգը բնաջինջ եղավ գրեթե: Արամ փաշա մը Վանա մեջ անկախություն հռչակեց, և ահա ամբողջ ազգը իր արյունով քավեց իր մեկ խենթ զավկին դավաճանությունը հայրենիքի և պետութեան դեմ: Հարցարավոր տարիներ ապրեցաք հանգիստ և բարգավաճեցաք թուրքն ավելի, ու օսմ. պետութեան շնորհիվ: Երբ օր մը անկախ պետութիւն կազմելու երազը ունեցաք ու դավադրեցիք թուրք պետութեան դեմ, այն ատեն գտաք ձեր արժանի պատիժը... Մեպուսանի (օսմ. պառլամենտ) հայ անդամ մը Գարեգին Փաստրմաճյան կամ Արմեն Կարո, Կովկասի մեջ կամավորներու խումբ կազմելով թուրք պետութեան դեմ զինք առավ՝ հազիվ ռուս և թուրք պատերազմը սկսած: Առանց խորհելու, թե իր ամբողջ գերդաստանը Կարոն մեջ՝ և իր ազգը ասով արդար վրեժխնդրութեան պիտի ենթարկեր: Բայց ես կը ցավիմ, որ անցավորին հետ անմեղն ալ, մեղավորին հետ արդարն ալ ոտքի տակ գնաց: Ուրիշ կերպ չէր կրնար ըլլալ. զի օսմ. պետութիւնը իր կշանքի ու մահու մեծ պայքարին մեջ ժամանակ չունէր երբեք անմեղը հանցաժողովին զատելու, որով թաց ու շոր միասին այրեցան: Ո՞ր պետութիւնն է, որ իր երկրին մեջ ապստամբ ժողովուրդ մը զենքով չի պատժեր... Այս անմեղներուն արշաւն պատասխանատուն ձեր հեղափոխական կոմիտեներն էին, որ հակառակ օսմ. Սահմանադրութեամբ հռչակված հավասարութեան, ազատութեան, եղբայրութեան և արդարութեան, դարձյալ շարունակեցին սուլթան Համիդի օրով իրենց սկսած դավադրական գաղտնի գործունեութիւնը, և պատճառ եղան անմեղ հազարավոր կիներու և մանուկներու ողբալի մահման...

Երբ շարած էինք 4/5-րդը մեր մահման շարժումն, անշուշտ ավելորդ էր այլևս վերապահութեամբ խոսիլ, ուստի փութալի պատասխանել, թե Վանա դեպքերու մասին ոչ մեկ լուր ունինք, թե Արամ փաշայի մը անուշտ առաջին անգամ է, որ կը լսենք և ստուգիվ իրարու կը հարցնենք, թե ո՞վ կրնար ըլլալ այս նորելուկ հերոսը: Բայց իմ խորին համոզումն է, թե իթթիհատի կոմիտեի հայաջինջ քաղաքականութեան իսկական շարժառիթը ո՛չ Վանի կարծեցյալ ապստամբութիւնն է, ո՛չ Երզնկայի և ո՛չ Կեսաբիոն մեջ գտնված ռումբերն ու զանազան հայաբնակ քաղաքներու մեջ հայերի գտնված զենքերն են: Այլ իթթիհատի կոմիտեի

ազդեցիկ պետերու կողմն հաճախ թերանացի և գրավոր հիշված այս սպառնալիքն է, որ համաշխարհային պատերազմին բացառիկ պատեհութենէն օգտվելով գործադրութեան դրվեցավ, թե ԵՐԲ ԵՎՐՈՊԱԿԱՆ ՊԵՏՈՒԹՅՈՒՆՆԵՐՆ ԻՐԱՐՈՒ ՄԵՋ ՀԱՄԱՋՅՆՆԵԼՈՎ ՕՐ ՄԸ ՓՈՐՁԵՆ ՎԵՐՋՆԱՊԵՍ ԿՈՐԾԱՆԵԼ ՕՍՄ. ՊԵՏՈՒԹՅՈՒՆԸ, ՄԵՆՔ ԱՅՆ ԱՏԵՆ ՄԵՐ ՓԼԱՏԱԿՆԵՐՈՒՄ ՆԵՐՔԵՎ ՆԱԵՎ ՊԻՏԻ ԹԱՂԵՆՔ ՄԵՐ ՀՊԱՏԱԿՈՒԹՅԱՆ ՆԵՐՔԵՎ ԱՊՐՈՂ ՔՐԻՍՏՈՆՅԱ ԲՈՂՈՐ ՓՈՔՐ ԺՈՂՈՎՈՒՐԴՆԵՐԸ...

Բայց մեր խոսակից երկու հազարապետներն ալ մերժեցին սյապիսի սպառնալիքի մը և գաղտնի ծրագրի մը գոյութիւնը: Ուստի ստիպվեցա մանրամասնութեամբ հիշել հետևյալ վավերական դեպքերը:

Ա. Երբ օսմ. Սահմանադրութեան վաղորդայնին, հուլիս 15 հինգշաբթի օրը հայ ընդհանուր նահատակաց հոգեհանգստն վերջ, (որ կատարվեցավ մայր եկեղեցւո մեջ ավելի քան 10.000 հայ ժողովորդայն մասնակցութեամբ և ի ներկայութեան իթթիհատական թուրք մտավորականներու և ազդեցիկ անդամներու) հյուրասիրելու համար՝ Իթթիհատի ամենաազդեցիկ պետերէն մեկ քանին Պատրիարքարան հրավիրվեցան, ուր ինծի հետ ներկա էր՝ այժմ հանգուցյալ Օրմանյան Պատրիարքի մեկ օր առաջ անկումով պատրիարքական տեղապահ նշանակված Դուրյան Եղիշե սրբազան: Անոնցմէ մեկը հետևյալ ճառը խոսեցավ.— Մենք երբեք չենք կրնար չհիշել նյութական, բարոյական և մարդկային այն մեծ ու ծանր զոհողութիւններն, ինչ որ ըրավ հայ ազգը՝ տապալելու համար համիտյան բռնակալ ռեժիմը: Մենք հոս հաճուցքով կը խոստովանինք, թե հայ հեղափոխականները, և ի մասնավորի հայ հեղփ. դաշնակցութեան կոմիտեն եղան մեր ուսուցիչը և ռահվիրան, սուլթան Համիդի բռնակալութեան դեմ մեր վարած ժեռն-թուրք հեղափոխական շարժումին: Այո, մենք հավետ երախտապարտ ենք հանդեպ հայոց, որ գարշելի բռնակալութիւն մը տապալելու համար ըրին ինչ որ մարդկորեն հնարավոր էր, ենթարկվելով անլուր հալածանքներու և զրկանքներու:

Սակայն այժմ, երբ օսմ. Սահմանադրութեան հրատարակումով հայերն ևս տեր եղան իրենց փափագած ազատութեան և իրավունքներուն մյուս ազգերու նման, կը հուսանք թե այլևս հոգեհանգիստի փարին օսմ. պետութեան, որ ամենքիսն է:

ԲԱՅՅ ԵԹԵ ՀԱՅ ԱԶԳԸ, ՕՍՄ. ՆՈՐ ԵՎ ԱԶԱՏ ՌԵՎՈՒՄԻՆ ԴԵՄ
ԱԼ ԳԼՈՒԽ ԲԱՐՁՐԱՅՆԵԼՈՎ՝ ԱՆՋԱՏՈՂԱԿԱՆ ՆՊԱՏԱԿՈՎ, ՍՈՒԼ-
ԹԱՆ ՀԱՄԻԴԻ ՕՐՈՎ ԵՂԱՍԻՆ ՆՄԱՆ ՌԻՋԵ ԿՐԿԻՆ ԴԻՄԵԼ ԴԱ-
ՎԱԴՐԱԿԱՆ ԳԱՂՏՆԻ ԳՈՐԾՈՒՆԵՈՒԹՅԱՆ, ԱՀԱ ՀԱՄԱՐՁԱԿՈ-
ՐԵՆ ԿՐՍԵՄ ԹԵ ՄԵՆՔ ԻԹԹԻՀԱՏԱԿԱՆՆԵՐՍ ԱՅՆՊԻՍԻ ԽՍՏՈՒ-
ԹՅԱՄԲ ՊԻՏԻ ՊԱՏՃԵՆՔ ԱՅՍՊԻՍԻ ԱԶԳԱՅԻՆ ԴԱՎԱՃԱՆՈՒԹՅՈՒՆ
ՄԸ, ՈՐ ՊԻՏԻ ՓՆՏՐԵՔ ՍՈՒԼԹԱՆ ՀԱՄԻԴԻ ԲՈՆԱԿԱԼՈՒԹՅԱՆ
ԱՄԵՆԱՍԵՎ ՕՐԵՐԸ...

Թեպետ երկու խոսակից հազարապետները անհավանա-
կան դտան, որ պաշտոնական անձերու առջև պաշտոնատան
մը մեջ՝ ո՛րևէ իթթիհատական մը այսքան անխորհուրդ և
անհեռատես կերպով համարձակի այսպիսի հանդուգն հայ-
տարարություններ ընել. բայց ավելորդ էր այս մասին ո՛րևէ
առարկություն: Զի ես անձամբ ներկա էի և ականջալուր էի
այս բոլոր խոսքերուն, և նույն օրն իսկ արձանագրեցի առօր-
յա հուշատետրիս մեջ, ուրկե բառ առ բառ քաղելով հիշեցի
հոս:

Բ. Իթթիհատի կոմիտեի անդամ Աբղու Ռեշիտ 1912-ին
մարտի մեջ, այսինքն բալկանյան պատերազմն տարի մը
առաջ, Րումելի հիսարի իթթիհատական կուրբին մեջ ճառ
մը խոսելով, և հայ ժողովրդի անկեղծ բարեկամ լուսահոգի
մեծանուն ծերունուն՝ Կլատատոնի համար հայհոյալից լեզու
մը գործածել և—էշեկ օղլու էշեկ—պոռալե վերջ ի մեջ այլոց
ըսած էր.— Եթե ամբողջ Եվրոպան մեր վրան հարձակի մեզ
բնաջնջելու համար, մենք ալ այն ատեն ստիպված մեզի
հպատակ քրիստոնյա ժողովուրդներու դեմ այնպիսի վրեժ-
խնդրական ծրագիր մը պիտի գործադրենք, որ եվրոպացիներ-
ը պիտի ապշին և չպիտի կրնան մեզի դեմ քայլ մը իսկ առնել...

Հետևապես եզրակացնելով պնդեցի, որ վաղուց իթթի-
հատի կողմն պատրաստված ծրագիր մըն էր, որ ներկա
ընդհ. պատերազմն օգտվելով գործադրության դրվեցավ:
Որովհետև եվրոպ. բոլոր պետություններն իրար բզկտելով
զբաղած ըլլալով, ի վիճակի չէին արգելք ըլլալու այսպիսի
ահավոր ծրագրի մը գործադրության:

Իբր պատասխան սևամորթ հազարապետը հարցուց ինձի,
թե ես եկեղեցական էի և ինչո՞ւ քաղաքականությունը զբա-
ղած էի, և թե մի՞թե կառավարությունը իրավունք չուներ
մեզի պես վտանգավոր մարդիկ Պոլսեն հեռացնելու: Այս

առիթով հարցուց, թե ուրիշ որո՞նք հետս աքսորված էին Պոլ-
սեն:

Պատասխանեցի, թե Պոլսո ամբողջ հայտնի մտավորա-
կանները, մեջը ըլլալով նաև հայ հեղափոխական բոլոր
պետերը, ինձի հետ Պոլսեն աքսորված էին և թե ո՛րևէ լուր
չունեի անոնցմե: Երբ հարցուցի թե արդյոք իրենք լուր
ունեի՞ն թե ի՞նչ և զա՞ծ են, երկու հազարապետները իսկույն
պատասխանեցին.— Աստված ձեզի կյանք տա, անոնք ամենքն
ալ մեռած ըլլալու են...

Միայն մասնավոր ցավ հայտնեցի Ձոհրապի և Վարդգե-
սի մահվան համար՝ ըսելով, թե անձնասպան եղած է Վարդգե-
սը, իսկ Ձոհրապը սրտի հիվանդություն ունենալուն կաթվա-
ծահար եղած է:

Իսկ մենք մեր այս եղերապատումի ընթացքին տեսանք ար-
դեն, թե որպիսի՞ ահավոր մարտիրոսագրություն մը սպանվե-
ցան այս երկու դժբախտները Ուրֆայի մեկ քանի ժամ հե-
ռու, Տիգրանակերտի կուսակալ հայակեր գոկտ. Ռեշիտի
ղրկած շեթներուն ձեռամբ:

Երբ Պոլսեն մեզի ընկերացող և ողջ մեզի հետ դեռ մնա-
ցող հայ մտավորական երիտասարդներն մեկ քանին, որ
այս խոսակցությանց և վիճարանությանց կը մասնակցեին,
դառնապես զանգատեցան մեր աքսորական քարավանին կրած
տառապանքին ու թշվառության մասին, պատասխանեցին՝ եր-
կու հազարապետները անտարբերությամբ—աղոթեցեք որ ուշ
տեղահան ըլլալնուդ շնորհիվ, կրցեք եք ողջ հասնիլ մինչև
հոս՝ և դեռ կ'ապրիք, ալ ի՞նչ կ'ուզեք...

Իսկ ես համաձայն, ծովը ինկողը օձին կը փաթթվի, արևել-
յան ժողովրդական առածին, երբ իրենց կարեկցության դի-
մեցի և խնդրեցի իրենց միջնորդությունը, տեղական կառա-
վարական թուրք պաշտոնեից մոտ Հալեպ կարենալ մնալու
համար, սևամորթ հազարապետը պատասխանեց իսկույն.—
Տեր Ձոր Հալեպ լավ տեղ է... քանի որ ձեր պաշտոնաթուղթը
ան տեղի համար է, պետք է հոն երթաք, և մնացողը հայերդ
ապա հոն հայկական անկախ իշխանություն մը կը հաստա-
տեք օր մը...

Ակնհերև է՝ թե այս մարդիկ եկած էին մեր մոտ՝ ոչ թե
մեզ մխիթարելու, այլ մեծցնելու մեր անպատում տառապան-
քը և խորացնելու խոցերը մեր արդեն արյունոտ վերքերուն:

Այլ ավելորդ էր վիճաբանությունը շարունակել. երկու հազարապետներն ալ հեզնախառն բացատրություններով հասկցուցին մեզի, թե ազգովին արժանի էինք մեր կրած սարսափելի տիեզերական պատմության մեջ անլուր այս ահավոր պատժին, և թե մահեն զատ ուրիշ փրկություն չկար մեզի համար...

Երկու հազարապետները մեկնեցան թրքական հրաժեշտի կեղծավոր ձևակերպություններե վերջ, թողնելով մեզ կրկին մեր շարաշուր ճակատագրին հետ դեմ առ դեմ:

Իսկ մեզմե անոնք, որոնք երկու թուրք այս հազարապետներու այցելութենեն տառապանքի թեթևության աղոտ հույսեր ունեցած էին, կրկին խորասուզվեցան իրենց անհաստեթյան արևկոծ ծովուն մեջ, այս անգամ բոլորովին բարոյալված:

34.

ՏԵՐ ԶՈՐԵՆ ԲՈԹԱԲԵՐ ԼՈՒՐԵՐ

Ըստ սովորության՝ կաշառքի շնորհիվ հաջողեցա բացառիկ թույլտվություն ձեռք բերել, առանց հսկողության կամ առանց ոստիկան զինվորի ընկերակցության կրկին երթալու քաղաք, կատարելու համար մեր տառապանքի ընկերներուն զնումի ապսպրանքները:

Այս առթիվ տաք ապուր մը ուտելու փափագանոք մտա երկաթուղու կայարանի հանդիպակաց հույնի մը ճաշարան: Բայց որովհետև կեսօրին դեռ բավական ժամանակ կար, ստիպվեցա սպասել երկար, քանի որ ոչ մեկ կերակուր դեռ պատրաստված էր: Մինչ պատուհանին կից անկյուն մը քաշված կը դիտեի խուլարկու աչքերով անցորդները՝ ողջ մնացած հայեր փնտրելով, հանկարծ կիսաբաց պատուհանեն ներս երկարացավ կմախացած փոքրիկ ձեռք մը:

Հազիվ ութամյա տղեկ մըն էր՝ անապատներու արևեն սևացած, կաշիացած մորթով մը: Ոչ միայն զխաբաց ու բոկոտն էր, այլև համարյա մերկ էր, զի այն ցնցոտիները,

որ հեզ մանչուկին ուսերեն կախ ինկած էին, և ոչ իսկ կեսը կը ծածկեին հալումաշ եղած մարմինին:

Հայտնի էր, թե սովալուկ տղեկ մըն էր. զի իր մորվը կը կրեր դեղին բիծեր սովատանջ մարդոց: Թշվառ տղեկին դեմքին մարդկային գծերը այնքան այլանդակված էին, որ չպիտի քաշվիմ ըսելու, թե մարդե ավելի կապիկի կը նմաներ:

Մարդ չէր, այլ իրասպես մարդկային ուրվական մըն էր՝ գերեզմանե իոր հարություն առած, ազազուն ու շարժուն սովեր մըն էր, որը տեսնել ու չգթալ անկարելի էր: Եթե նույնիսկ Տեր Զորի մահվան ճամփուն վրա մեզի նման ոչ նվազ կարեկցության արժանի մարդիկ ըլլային, դարձյալ պիտի գթային այս հեզ մանչուկին: Զի մենք դեպի գերեզման գնացողներ էինք, իսկ այս կենդանի կմախքը կը թվեր թե գերեզմանեն նոր ետ դարձող մըն էր... Հազիվ լսելի ձայնով մը կ'աղաչեր ըսելով թուրքերեն.— էֆենտի էօլիլէրին ճանջ իշիւն օն փարա վէր...— Մեռելներու հոգվուն համար տասը փարա տուր... կ'ըսեր... այո, գերեզմանեն կու գար և մեռելներու անունով պատառ մը հաց կ'աղաչեր...

Այնքան հուզված էի, որ այս թշվառ տղեկը իսլամի մը որբը կարծելով հանգերձ, հինգ դահեկան տվի, որ հեռանա աչքերես... Զի տառապած հոգիս անզոր էր տոկալու այս հուզիչ տեսարանին և չեմ գիտեր ինչու, բարոյալքություն մը հաջորդած էր կարեկցությանս, թերես խորհելով, որ վազը մենք ալ այսպես պիտի ըլլայինք...

Մոսկովումով հազիվ դրամը տղեկին շորցած ափը դրած՝ կ'աճաբեր իրմե տասը քայլ հեռու իրեն սպասող քրոջը քով, հեասպառ իր թոքերու ամբողջ ուժովը պոռալով— Զարուկ Տեր պապան ինձի հինգ դուռուշ տվավ: Քովը գնա, հելպետ քեզի ալ կու տա:

Անհուն թախիծ մը կը խոցոտեր տառապահայուծ հոգիս: Բա՛րե իսլամ կարծած տղեկս հայ է եղեր... իսկ հեռուն կանգնած ազազուն սովերը՝ Զարուկը, հազիվ տասներկուամյա աղջնակ մը, ասոր քույրն է եղեր... Այս վերջինը հազիվ իր ոտքերուն վրա կը մնար, և ցորենի ցողունի մը նման կը տատաներ՝ հակառակ գարնանային գաղջ և առանց հովի օր մը ըլլալուն:

Քաշալերված փոքրիկ իր եղբոր Հակոբի խրախուսիչ այս հրավերեն, դանդաղ քայլերով մոտենալով պատուհանին՝ իր

կարգին ներս կը կարկատեր կաշխաթած և ոսկորուտ ձեռքը, ըսելով.— Տեր պապա, մեռելներուդ հոգուն համար, տասը փա-
րա տուր... երկու օր է անոթի ենք...»:

Վարդի կոկոն մըն էր, որ դեռ չբացված թարշամեր էր:

Այս փոքրիկ աղջնակն ալ եղբորը նման կենդանի կամխք
մըն էր, շարժուն ստվեր մը, որ թերևս մեկ-երկու օր հազիվ
կրնար դեռ քարշ տալ իր սպառած մարմինը:

Ճշմարտութիւնը խոսած չըլլալու համար պետք է հիշեմ,
թե համարյա մերկ էր, և ոչ իսկ իր վրա կախ ինկած զգեստի
մը թափթփուքները կը ծածկեին իր ամոթը:

Եվ բա՛բե թուրք լկտի անցորդներ կը հեզնեն եղեր...
թշվառ Զարուկի մերկութիւնը, և կը զվարճանան, եղեր լսիրը
հայհոյանքներ ընելով... Իսկ անմեղ աղջնակը լալով կը
պատմեր ինծի այս ամենը...

Շուրջ բոլորս քննել և ստուգել վերը, որ ճաշարանին մեջ
խլամներ չկան, և կեսօրվան ճաշի դեռ շատ ժամանակ
ըլլալուն ոչ ոք կար ինծմե զատ, հրավիրեցի երկու հայ որ-
բուկները պատուհանիս մոտը: Ի պատասխանի՞ իրենց վի-
ճակի մասին ստույգ տեղեկութիւններ քաղելու մտքը ըրած
կարեկից հարցումներուս, փոքրիկն Զարուհի հետևյալը պատ-
մեց դպրոցական աղջկան մը մաքուր հայերենովը, բայց ան-
կապակից կերպով, որուն միայն ամփոփումը կու տամ ստորև:

— Տե՛ր պապա, ես ու եղբայրս ատարազարցի ենք. հայ-
րիկս վաճառական մըն էր և քաղաքին մեծերնն: Ես Ատա-
բազարի հայուհայցը կ'երթայի, մեր ընտանիքը 14 հոգի էինք,
հայրս, մայրս, քույրերս, եղբայրներս, մորաքույրներս և
մորեղբայրներս ամենքն ալ ճամփան և մանավանդ Իսլահիյեի
մեջ մեռան և միայն մենք երկուքս մնացինք... Իցի՛վ թե (իբ
բառով «Քեշկե») չմնայինք... Ա՛լ անկարող սուգի ու տա-
ռապանքի պատմութիւնը շարունակելու սկսավ լալ հե-
կեկանոք, մինչ փոքրիկ եղբայրը Հակոբիկ— մի լար Զա-
րուկ—կ'ըսեր ու կը քաջալերեր իր քույրը: Ա՛խ Տեր պապա,
մենք ալ հարուստ էինք, տուններ, խանութներ և պարտեզ-
ներ ունեինք, հիմա բան մը չունինք և մուրալով կ'ապրինք ես
և եղբայրս: Այս միջոցին ներս մտան երկու հայ զինվոր-
ներ արևակեզ դեմքերով, որոնք կու գային Տեր Զորեն և զին-
վորական վարչութիւն մեջ կառապան են եղեր: Ներս մտնող

այս երկու հայ զինվորներն բարև տալով՝ եկան ուղղակի դե-
պի ինծի և նստան մոտս:

Շարունակելով հարցումներս, Զարուհի ևս շարունակեց
պատմել.— Ա՛խ Տեր պապա, ո՛ւր կ'երթանք մեզ կը վունդեն,
հայերու պարապ թողած տուները կը մտնեինք պատուհան-
ներէն և գիշերները հոն կը պառկեինք. բայց հիմա թուրք գաղ-
թականներ լեցուցին. կ'երթանք խաներուն ախոռները աղբե-
րուն մեջ գիշերը կը թաղվինք կը պառկինք: Բայց շատ ան-
գամ հոս ալ չեն թողուր, որ քնանանք և պարտեզներուն մեջ
լեցված շոր աղբերուն մեջ կ'երթանք թաղվելու գիշերը և
քնանալու՝ միայն գլուխնիս դուրս թողած: Մենք երբ ձմեռը
մտանք՝ շատվոր էինք և բոլոր հայ որբերս մուրալով կ'ապ-
րեինք. բայց ամենքը չգիմացան ցուրտին և անոթութիւն և
մեռան, և մենք միայն մնացինք: Ես ալ հիվանդ եմ. թուրք
երիտասարդներ ինծի հիվանդութիւն տվին... երբ որ դեռ լավ
էի. ալ հիմա ես ալ ուժ չունիմ և լմնցա... Ա՛խ Տեր պապա,
չե՞ս կրնար մեզ Ատաբազար ետ դրկել. մենք շատ կալված-
ներ ունինք. հոն մենք կրնանք ապրվիլ: Ուր երթանք՝ մեզ
թուրքերը կը վունդեն, եթե չես կրնար ետ դրկել, ո՛ւր որ եր-
թաս՝ Հակոբիկը և զիս հետդ տար, այս տեղեն ազատինք, փո-
ղոցներուն «չեռփերը» կ'ուզենք ուտել, այս անգամ ալ շուները
չեն ձգեր...

Անտերունչ որբուհին այս սրտաճմլիկ պատմութիւնները
ըրած ժամանակ, երկու հայ ունկնդիր զինվորներն մեկը, որը
մալաթիացի մըն է, շափազանց զգացված, գանակոծված տղու
մը նման լալով կ'ըսեր.— զավակն՛ւրս ողջ մնացած մո եթե հի-
մա կա, ո՛վ գիտե այժմ ո՛ւր տեղվանքը կը մուրա կոր ասոնց
պես... Աստված իմ, այս ի՛նչ վիճակի՛ հասանք, մեզ գնշունե-
րեն ալ գեշ ըրին...

Նավաբեկյալ հայութեան այս վերջին թշվառ խլակներուն
տեղեկութիւնները, զորս այնքան մանկական անմեղունակ
պարզութեամբ պատմած էին, մեզի այնքան հուզում և կսկիծ
պատճառած էր, որ չէինք նշմարած այն ամենազգի հաճա-
խորդները, որոնք հետզհետե ճաշի ժամանակը հասած ըլլա-
լուն՝ ներս մտնելով ճաշարան՝ տեղավորված էին մեկ-մեկ
անկյուն և զարմանքով կը գիտեին մեզ:

Երկու հայ որբերը ըստ մեր կարողութեան պարզեատրելով
ճամփու դրինք առժամապես՝ խորապես համոզված, թե քիչ

օրնք վերջ մեր ճամփաները պիտի միանային հավիտենականության մեջ:

Մենք մեզի մնալե վերջ, երկու հայ զինվորները շափազանց հետաքրքրված անձովս՝ կը զարմանային, որ դեռ ողջ մնացած հայ եկեղեցականի մը հանդիպելու բախտն ունեցած էին, և կը խնդրեին, որ պատմենք գոնե գլխավոր իր գծերուն մեջ և հակիրճ կերպով եղեռնապատումը մեր հայ Գողգոթային:

Հազիվ մեր խաշի ճամփան աղոտ կերպով գծած, այս անգամ իրենք կը սկսեին պատմել իրենց ոչ թե լսածներն, այլ տեսածներն Տեր Զորի անապատի ճամփաներուն վրա: Մալաթիացին ըլլալով քիչ շատ ուսում առած կտրիճ երիտասարդ մը, պատմեց ինծի հետեյալը.— Հայր սուրբ, ի՞նչ պատմեմ, ամենքին գիտցած բանն է. ա՛լ լմնցանք, ա՛լ չկարծեք թե հայութիւն մնաց, և եթե դեռ քիչ մը ողջ մնացողներ կան, ասոնցմե ալ խեր չկա...: Իրավ է, թուրքերը լմնցան, սակայն մեզ ալ հետերնին լմնցուցին զարշիւիները:

Ի՞նչպէս պատմեմ, որ ի՛նչպէս հասկնաք, մանավանդ Տեր Զոր գացողներուն քաշածները անկարելի է որ մարդկային լեզուն պատմել կարենա: Հազարավոր ընտանիքներ Հալեպեն ճամփա հանվեցան Տեր Զոր ղրկելու համար, ասոնցմե հարյուրին հինգն ալ չկրցավ ողջ հասնիլ Տեր Զոր: Որովհետև անապատի «էնեզե» կոչված ավազակներ ձիավոր խումբերով և նիզակներով զինված՝ հարձակեցան անտեր ու անպաշտպան ժողովուրդին վրա, զարկին, սպանեցին, առևանգեցին, լլկեցին, կողոպտեցին, հավնածին առին տարին, ընդդիմացողները ահելի շարշարանքներու ենթարկեցին և թողին գնացին:

Իսկ ողջ մնացողները, որովհետև ետ դառնալ արգելյալ էր և անկարելի, ճարահատ առաջ գնացին ու ենթարկվեցան նոր հարձակումներու, ալանի ու թալանի, և այսպես միշտ կոտորակվելով հարյուրին հինգը չկրցավ հասնիլ Տեր Զոր:

Տեսանք կիներու քարավաններ, որոնք ամբողջապես մերկ էին. որովհետև մինչև ներքին ճերմակեղենները առած տարած էին քարավանները դիմավորող «էնեզե» ավազակները: Հանդիպեցանք հազարավոր դիակներու, որոնք մորե մերկ էին և որոնց աչքերը փորված էին ու բոլոր անդամները զրոսանքի համար կտրված և մարմինները ուռած, փորոտիքը զուրս

թափված. ցորենկը անգղները կու գային այս դիակներուն վրա արյան խնջույքի, իսկ գիշերները վայրի կենդանիները: Հայր սուրբ, ո՞ր է հայուն Աստվածը... ո՞ր է ձեր քարոզած Հիսուսը... մի՞թե չի տեսներ հայուն այս անլուր թշվառութիւնը և տառապանքը:

Նթե այս քարերն, դաշտերն ու անապատներու ավազներն լեզու ունենային, ա՛խ, ի՛նչեր պիտի պատմեին... Մեկ մը անցյալ տարի աքսորին ատենը այս տեղվանքը ըլլայիր և աչքովդ տեսնիր հայ ժողովուրդին քաշած նեղութիւնները... Հայր սուրբ, խեղճ ժողովուրդը բռնի մեղացին, անոթի և ծարավի»:

Աստուծո ջուրը դրամով ծախեցին, և ով որ շատ դրամ տվավ, անոր ջուր տվին միայն... Խեղճ ժողովուրդը հոտած և նեխած ջուրերը իսկ խմելու հոժար էր, բայց այս ջուրերն իսկ դրամով ծախեցին: Արդեն թուրքին միտքն ալ մեզի մեղցնել չէ՞ր, ահա անօրենին ուզածը եղավ, աչքը լույս:

Հիմա ըսեմ շես հավատար. քանի՛ քանի՛ անգամներ անապատներուն մեջն զինվորական կառքերով փոխադրութիւն ցրած ժամանակս տեսա անոթի կիսամերկ կիներ և փոքրեր, որոնք սատկած ու հոտած կենդանիներու կամ ուղտերու ջուրը հավաքված՝ ասոնց դիակները կ'ուտեին... Տեսա մայրեր, որոնք նոր մեռած փոքրիկ մանուկները կրակը նետելով կեսեփած կամ կես հում կերած են և հետո խենթացած... կամ անոնք, որ նեխած դիակներ կերած են, թունավորված են և մեռած...:

Սրբ հետաքրքրվելով մանրամասնութեանց հարցուցի, թե աքսորական ժողովուրդին քարավաններուն հետ մի՞թե ուտիկան զինվորներ չկային և մի՞թե շպաշտպանեցին, պատասխանեց.— Ի՛նչ կ'ըսեք կոր. ավազակներուն արդեն լուր ղրկողները ժողովուրդին ընկերացող և անոր ապահովութեան հսկելու պարտականութիւն ստանձնող ոստիկան զինվորներն էին: Ասոնք միանալով հարձակող ավազակներուն հետ՝ կը կողոպտեին անտեր-անտիրական խեղճ ժողովուրդը, և ավազակներուն ցույց կու տային տեղերը գեղեցիկ աղջիկներուն, և ոսկի կամ ադամանդ զարդեր և կամ հնչուն դրամ ունեցողներուն:

Հայր սուրբ, կենճութեանդ մեղք է, ասկե առաջ ըլլա որ

երթաս, գլխուդ ճարը նայե, քեզի ալ մեղք է, ազգին ալ մեղք է, արդեն քանի՞ հոգի մնացինք որ...

Ավելորդ էր կասկածիլ հայ զինվորին սիրտցավ այս բոլոր պատմածներուն ճշմարտութեանը, որը պատմած էր միայն զիս զգուշացնելու համար, որ ճամփան շարունակելով ինքնաբերաբար մահվան գիրկը շնետվիմ, որը անձնասպանութիւն և ազգասպանութիւն էր անշուշտ: Այո՛, ստուգիվ միամտութիւն էր կարծելը, թե թշվառական թուրքերը հայու արյունեն կշտացած էին: Ո՛հ, ոչ, դեռ ծարաւի էին հայու անմեղ արյունին դարավերջիկ մարդ—հրեշ այս վամպիրները:

Այո՛, պետք էր փախչիլ, և իրավունք ունեին ամեն անոնք, որոնք ջանացին զիս համոզել փախչելու, հաստատելով, որ փախչողները հաջողած էին միայն ողջ մնալ:

Ստուգիվ քայլ մը իսկ առաջ երթալ հիմարութիւն էր, պետք էր վճռականութիւն ունենալ:

Արդեն այս նույն օրվան մեջ տեսածներուս և լսածներուս արդյունքը սա եղած էր, որ խորապես համոզված էի, թե պետք է այս պատեհութիւնները օգտագործել, և որոշած էի փախչիլ. հիմա կը մնար անմիջական գործադրութիւնը, որովհետեւ ժամանակ չկար կորսնցնելու:

Ուստի աճապարեցի ծրագրել փախուստս, և միտքս հոգնեցնել փախուստիս մանրամասնութիւններով, զի գիտեի, թե աննշան համարված մանրամասնութիւն մը շատ անգամ պատճառ կը դառնար ամենալուրջ ծրագիրներու վիժումին:

Իսկ այժմ փախուստի ծրագրիս անհաջողութեան պարագային՝ բացահայտ էր, որ մահվամբ պիտի պատժվեի:

Է՛հ կամենալն՝ կարենալ էր:

35.

ՓԱՆՈՒՍ ԻՍԼԱՀԻՅԵՆ ԳԵՊԻ ԱՅՐԱՆ

Որոշումը տրված էր, գործադրութիւնը միայն կը մնար: Խմբովին փախչելու ամեն փորձ ղժբախտաբար ապարդշուն մնացած էր, որովհետեւ մեր մարդիկը ա՛յնքան բարոյալքված

էին, որ անկարող դարձած էին այլևս ո՛րևէ վճռական քայլ առնելու, թեպետ և ասով իրենց փրկութիւնը ապահովված ըլլային թերևս:

Տառապանքի մեր ղժբախտ ընկերները ա՛յնքան հյուժածու սպառած էին, որ ինծմե կը խնդրեին կարելին ի գործ դնել՝ մեկ քանի օր Իսլահիյե մնալու արտոնութիւն ձեռք բերել կառավարական ձեռնհաս անձերե, գոնե փոքր-ինչ կազդուրվելու համար: Ամենքս ալ կը սարսափեինք, երբ ոստիկան զինվորներն մեզի կըսեին թե 7 օր դեռ ունեինք քալելու՝ Հայեպ հասնելու համար: Մինչդեռ Իսլահիյեէն Հայեպ երկաթուղին հինգ ժամեն արդեն կը հասներ: Սակայն աքսորականներու համար արգելալ էր երկաթուղիով ճամփորդել, քանի որ աքսորի անվան ներքե թուրք պետական մարդոց արդեն իսկական նպատակն էր՝ տաժանակիր և երկարող ճամփորդութեամբ մը հալումաշ ընել և մեռցնել անոնք, որոնք բախտն ունեցած էին ճողորկելու կացինի խուժողութ մահն:

Այս պատճառով ալ Իսլահիյեի կառավարական պաշտոնեից մոտ՝ երկաթուղիով ճամփորդելու մասին եղած ամեն դիմում ապարդշուն մնացին:

Բայց գոնե մեկ քանի օր Իսլահիյե մնալով կազդուրվիլ կարենալու համար՝ պետք տեսնվեցավ եռանդուն դիմումներ կատարել: Միսի մեջ մեկ քանի օր ավելի մնալու մեր դիմումներեն սա դառն փորձառութիւնը ստացած էինք, թե լավ է փոխանակ կառավարիչին դիմելու, երբեմն ալ իրավախոհ ըլլալ ոստիկանապետին և ոստիկան զինվորներու հրամանատարին հետ, ի հարկին կաշառքով ձեռք բերելով փափազված արտոնութիւնը:

Ստուգիվ ամենակարճ ճամփան այս էր եղած միշտ, կարենալ ձեռք բերելու համար մեր հետապնդած նպատակները:

Ուստի աճապարեցի առանձին երթալ կրկին քաղաք, և դիմելով ուղղակի կառավարչատուն՝ առանձին տեսա ոստիկան զինվորներու փոխհարչուրապետը, և մեկ քանի հնչուն ոսկիով իսկույն իրավախոհ եղանք, ձեռք բերելով 2 օր ավելի մնալու բացառիկ թույլտվութիւն:

Ուստիկան զինվորներու հերթապահ սպան գնաց իսկույն զեկուցանելու իր պետին, թե մեր քարավանին ընկերացի՛նու

համար պատրաստի 6—8 ոստիկան զինվորներ չկային. ուստի երբ գառնային զննցողները, այն ատեն միայն հնար պիտի ըլլար մեզ ալ ճամփա հանել:

Ահա օրինակ մը, թե թուրքերը ինչպե՞ս դժտերին իրենց ուզածը քալեցնել՝ այս կարգի կողմնակի ձևերու ներքե, երբ վճարող մը ըլլար, փույթ չէ, թե իրենց ըրածը բացարձակապես հակառակ ըլլար օրենքի:

Հուզիվ այս հրամանը ձեռք բերած և դառնալով մեր քաղաքական մարդոց հաղորդած, արդեն ամեն ոք ուրախ էր, որ գոնե 2 օր պիտի կրնայինք շունչ առնել մեր մեկուկես ամսվան անդադրում և տաժանակիր ճամփորդութան մեջ:

Ամեն ոք սկսավ հնարավոր միջոցներ ստեղծել՝ կարելու համար իր պատուած զգեստներն ու կոշիկները: Սափրիչ բերել տալով ամեն ոք ջանաց մաքրվիլ այն մազերեն ու մորուքներեն, որոնք դաշտը ծածկող մացառներու նման խեղդած էին մեր գլուխն ու դեմքը, իրապես վայրենաբարո գրսերուց թմբ տալով մեզի:

Ամեն ոք հետամուտ էր, որպեսզի ո՞րքան հնար է երկու օրվան մեջ կարողանա մաքրվիլ, կարկըտվիլ, կազդուրվելու տաք սնունդ առնել և պատրաստվիլ երթալու հայ Գողգոթային վերջին մնացորդ ճամփան՝ դեպի Տեր էլ Զոր, սր որոշված էր մեզի համար երթալ անպայման: Կը սարսափեինք, երբ կը հիշեինք, որ Տեր Զոր հասնելու համար դեռ ամիսեն ավելի ճամփա ունեինք քալելիք, Մեսքենեի և Ռեսուլայնի ավազի անապատներու միջով:

Օգտվելով այս բացառիկ երկու օրվան հանգիստեն, միաժամանակ ուզեցի փորձ մը ընել և միջոցը գտնել երկաթուղիով դեպի Հալեպ երթալ կարենալու համար:

Իսլահիյեի երկաթուղու կայարանի քրիստոնյա, արաբ պետեն իմանալով, որ այս մասին լիազորը կայարանին մեջ պաշտոնով բնակութեամբ հաստատված գերման հազարապետ մըն է, փութացի ներկայանալ իրեն և խնդրել առ այս բացառիկ թույլտվութուն, որպեսզի մեր ամբողջ քարավանը հաճի երկաթուղիով փոխադրել Հալեպ:

Գերման սպան շատ ընտանեբար ընդունեց զիս, և կարեկցութեամբ լսեց արքայի տաժանակիր ճամփորդության սարսափելի դրվագները, միանգամայն ուզեց տեղեկութուններ քաղել գերմաներեն լեզվի ունեցած հմտութանս մասին:

Երբ իրազեկ եղավ, թե 1914-ի աշնան պատերազմի հայտարարութենէն վերջ Բեռլինի համալսարանը թողնելով դարձած էի Պոլիս և դատապարտված արքայի ու այս հալածական հալումաշ կյանքին, կարի խղճաց և խոստացավ կարելին ընել մեր քարավանը երկաթուղիով փոխադրելու համար դեպի Հալեպ: Իմ ներկայութեան իսկ անմիջապես հեռագրեց Հալեպի երկաթուղու փոխադրութեանց գերման ընդհանուր հրամանատարին, որպեսզի բացառաբար թույլտվութուն շնորհե մեր քարավանին հարյուրե ավելի անձերը երկաթուղիով փոխադրելու Հալեպ:

Երբ իր հանձնարարութեան վրա 4 ժամ վերջ հանդիպեցա կրկին իրեն, մեծ ուրախութեամբ հայտնեց ինձի, թե հրաման եկած էր մեկ վազոն տրամադրելու մեզի համար: Հետևապես միայն առավելագույն հաշվով 60 հոգի կրնար միայն ընկերանալ ինձի երկաթուղու զննցքով, և մնացածը պետք էր դարձյալ ոտքով երթալին դեպի Հալեպ:

Տեսնելով, որ մնացորդ մեր ընկերներն ալ երկաթուղիով մեզի ընկերացնելու նոր փորձ մը ավելորդ կը համարեր գերման սպան, կես ուրախ, կես տխուր դարձա մեր քարավանատեղին՝ լուրը մեր ընկերներուն հաղորդելու:

Արդարև տպավորութունը շափազանց վրդովիչ եղավ. զի երկու խումբեր շանկըրիցի և յողկատցի, որոնք միացած էին եղերական պարագաներու ներքե Յողկատի մոտերը, այժմ պիտի բաժնվեինք իրարմե անդարձ:

Կը մնար քարավանը ուրեմն երկուքի բաժնել:

Օ՛հ, ո՞րքան դժվար էր ինձի համար այս խտրութունը ընել: Մանավանդ որ աղքատ մասին վրա, որոնք 54 յողկատցիներն էին, շատ ավելի երախտիք ունեցած էի, քան մյուսներուն վրա: Զանոնք խնամքով և գուրգուրանքով ամբողջ ճամփու ընթացքին պատսպարած էի և կերակրած, մերթ մուրալով, մերթ անձնական հոգացած էի իրենց շոր հացի համար ունեցած միակ պահանջը: Իսկ այժմ իրենց փրկութեան համար տարած բոլոր ջանքերս իզուր պիտի երթային, քանի որ զիրենք զատելով ինձմե՝ պիտի հանձնեի ամենքը բախտին շար հովերուն:

Հասավ վերջապես դժբախտ օրը հավիտենական բաժանման. Իսլահիյեի տեղական կառավարութունը՝ Հալեպին ստացած հեռագրական հրամանին վրա հրամայած էր մեզի

ըսելով՝ ով որ մինչև Հայեպ Կրկաթուղու տոմսակի արժեքը կրնա վճարել, կրնա երկաթուղիով երթալ, իսկ վճարել չկրցողները պետք է պատրաստվին իսկույն հետիոտն մեկնելու դեպի Հալեպ:

Ցողկատցի 54 տարագիրներ, մնացորդ ազազուն բեկորներն Ցողկատի 3000 տուն հայության, 16—85 տարեկան, մեկը մյուսին ավելի հյուծած ու հալումաշ եղած, շրջապատված ութը ոստիկան զինվորներն՝ եկան ահա հրաժեշտ առնելու ինծմե և մնացող ընկերներին:

Ամենքս ի մի վայր հավաքված էինք, երբ մի առ մի մոտեցան աշահամբույրի: Ամենքն ալ կու լային դառնապես և երախտագիտական բառեր կը թոթովեին հազիվ լսելի ձայնով մը: Անոնք ձեռքս կը համբուրեին, ես ալ անոնց արևակեզ սեջած ճակատները:

Նահատակված ցեղիս մնացորդ բեկորներն էին, որ դարձյալ չեմ գիտեր քանի՛ երորդ անգամը ըլլալով դեպի մահ ճամփու կը դնեի... ա՛լ անգամ մըն ալ շտեմնելու համար:

Ասոնցմե հազիվ մեկ քանին շորաբեկ հացի մը դրամ ունեցին, մնացյալ 50-ը ոչինչ ունեին:

Թախանձագին կոշերուս վրա՝ շանկըրիցիներեն ոմանց օգնությամբ, հազիվ կարելի եղավ արծաթ դրամով 135 դահեկան հանգանակել: Ասոր վրա ավելցնելով իմ մոտը գտնված և փախուստիս հաջողության համար մեկ բարեկամն մը նույն օրը ինձի արված երկու հնչուն ոսկիին մեկը, ընդամենը 250 դահեկան հանձնեցի իրենց ղեկավարին, որպեսզի ճամփու ընթացքին հոգա այս թշվառներուն հացի պահանջը: Միակ գումարը, որ մինչև մահ պիտի ունենային:

Գժբախտաբար այնպիսի վիճակի մեջ էինք ամենքս ալ, որ մեր կյանքի փրկության համար հաճախ կաշառք տալով և զանազան պատճառներով մեծ մասամբ այլևս զուրկ էինք նյութական միջոցներե: Մյուս կողմեն վաղվան անծանոթին օտահոգությունը վերապահ և զգուշավոր դարձուցած էր Ե.սև անոնք, որոնք դեռ ի վիճակի էին օգնելու ուրիշներուն:

Հարկ է սակայն խոստովանիլ միանգամայն, թե տակալ առ տակալ Փիզիկական մեր սպառող ուժերուն հետ նույնպես և նվազած էր մեր բարոյական արժեքը: Մոտալուստ մահվան խուճապը մեզ ամենքս ավելի անձնապաշտ դար-

ձուցած էր և նվազ կարեկից էինք դեպի մեր բախտակից ընկերներուն թշվառությունը:

Քանի մեր տաժանակիր ճամփորդությունը երկարեցավ և քանի հյուծեցանք թե՛ նյութապես, թե՛ ֆիզիկապես, նո՛ւյնքան և սպառեցանք բարոյապես, և աչելի սկսանք մենք մեզ փրկելու մտատանջությամբ վարակվիլ:

Եթե դառն է խոստովանիլ մեր հոգեկան ուժերու այս ոչ պատվաբեր կողմը, նո՛ւյնքան և հանուն ճշմարտության պետք է հիշեմ անոնք, որոնք իրենց ազնիվ և անձնվեր ընթացքովը վտանգներու պահուն դուցազնական հոգի մը ցույց տվին, և շտարվեցան տկար հոգիներու միայն հատուկ եղող եսամոլական ընթացքներին:

Անկարելի է մոռնալ ահավոր այս բաժանման սև օրը:

Ա՛խ ո՛րչափ երախտագետ էին, ո՛րչափ ազնիվ և ո՛րչափ հավատարիմ իրենց ազգության ու կրոնին: Ասոնք զրկված ամեն ինչքե և սիրելիներե, գտնվելով հանդերձ իրենց կյանքի վերջալույսին մոտ՝ դուցազնական հոգի մը ցույց տվին՝ հանդեպ մահվան ցույց տալով բոլորովին արհամարհանք:

Մերկացած մարդկային աղոտոտ ունակություններե, ահավոր տառապանքի օծումով սրբացած ի հայտ կը բերեին այն բոլոր ազնիվ ձիրքերն, որոնք հայ ցեղին բյուրեղացյալ արժանիքներն եղած են հազարավոր տարիներե ի վեր, և որուն մեջ պետք է փնտրել ցեղին գոյության հարատևությունը և տոկունության գաղտնիքը:

Գնացին ամենքն ալ անդարձ և այսօր կը հանգչին հավիտենական քունով Տեր Զորի անապատներու ավազներուն մեջ զոհ երթալով Ռեսուլայնի մեջ 1916-ի ամռան Տեր Զորի համատարած ջարդերուն: Միակ խումբն էին յոզկատցիներու, որոնք կրցան ողջ հասնիլ հարավի անապատները և բազմաշարքար նահատակությամբ իրենց արյունն ալ խառնեցին Տեր Զորի մեջ այդ օրերուն նահատակված 160.000 հայ բեկորներու թափած հորդահոս անմեղ արյան հետ:

Երբ մեր այս դժբախտ ընկերները ճամփու դրինք դեպի Հալեպ, մեզի եղած թուլություններիս համաձայն տեղափոխվեցանք մեզի տրամադրված երկաթուղու երրորդ կարգի վագոն մը, որ կայարանեն քիչ հեռու կը գտնվեր:

Ճիշտ այս միջոցին սարսափելի տեղատարափ անձրև մը սկսած էր Իսլահիյեի դաշտը մեր առջև լճի դարձնել:

Կեսօրվան պահուն մոտեցավ բավական ուժեղ ֆիզիկական կազմվածքով հայ մը, շուրջ հիսունամյա, և ուղեց տեղեկութուններ քաղել մեր աքսորի ճամփաներուն մեջ կրած մեր ամենօրյա տառապանքներուն մասին:

Ճիշտ այն պահուն մեջտեղ ելավ այս մարդը, երբ իզուր միտքս կը հոգնեցնեի փախուստի ճամփա մը գտնելու համար: Բայց ամեն ճամփա փակված կը գտնեի առջևս, մանավանդ որ չէի կրնար փախուստի գաղափարս և այս մասին պատրաստած ծրագիրներս վստահիլ ուրիշներու հայտնելու: Զի մի գուցե գործը իր սաղմնային վիճակի մեջ ինքնին վիժեր անգաղտնապահութեամբ մը, և անձս ալ վտանգեի իզուր:

Սակայն հազիվ այս մարդը հեռացած՝ բնազդաբար քաջալերվեցա երթալու բռնելու այս մարդը, և անվերապահ կերպով բանալու սիրտս և հայտնելու փախուստի գաղտնի ծրագիրս:

Երբ պաղարյամբ լսեց փախուստիս ծրագրիս մանրամասնութունները, դարձավ և ըսավ ինծի.— Ճիշտ փնտրած մարդդ ես եմ. կերևի Աստված զիս ղրկեր է մտող: Ես թեպետ պարտիզակցի եմ ըսի, սակայն վանեցի եմ, բայց վանի ապստամբներեն ի վեր պարտիզակցի կ'անվանեմ ես զիս, որպեսզի հալածանքի չենթարկվիմ: Անուես չովհաննես է, հիսուներկու տարու եմ. 14 տարի նիկոմիդիո շրջանին մեջ ծխախոտի մաքսանենգութեամբ զբաղած եմ և Ռեժիի շատ մը պետերու «գլուխ կերած եմ»: Ապա կառավարութունը ճարահատ զիս ոստիկան զինվոր ըրավ մասնավոր վարձատրութեամբ, որպեսզի հալածեմ ծխախոտի մաքսանենգները, որոնք ամենքն ալ կը ճանչնայի արդեն: Հաճախ մինչև Արմաշ ալ եկած եմ. կարծեմ քեզ ալ տեսած եմ հոն:

Հայր սուրբ, մեղք է երիտասարդութեանդ՝ ասոնք լմնցեր են, ասոնցմե խեր չկա. ես քեզ կը փախցնեմ և ուզած տեղդ կը տանիմ, մի վախնար, միայն ինծի ըսե, թե ո՞ւր կ'ուզես երթալ:

Հայտնեցի, թե Այրան՝ գերման երկաթուղու շինութեան Ամառնոսի գծին կենտրոնական գործատեղին կ'ուզեմ երթալ: Բայց փախուստի միջոցին երբ ձերբակալվեիք. անպայման պիտի սպանվեիք: Ուստի այս հույժ հավանական զնդակահարումի վտանգին դեմ պաշտպանվելու համար հարցուցի, թե

ինք ի՞նչ ապահովութուն էրնա ցույց տալ այս մասին ինծի:

Առանց վարանման պատասխանեց իսկույն.— Ես ընկեր մըն ալ ունիմ, որ շատ կտրիճ է, և երկուքս ալ զենք ունինք. մենք անմարդակոխ լեռան ճամփաների և անտառներու մեջ են կ'երթանք, եթե անակնկալս մեր դեմ ոստիկան զինվոր կամ ո՛րևիցե իսլամ ելլե և կասկածելով մեր վրա, ուղե ձեռքակալել կամ սպառնա մեր կյանքին, տեղն ու տեղն իսկույն կը սպաննեք ու կ'անցնինք կ'երթանք: Իրենք հարյուր հազարներով ա՛յնքան հայ սպաննեցին, մենք ալ քանի մը հատ սպանենք, մեղք ունի՞ միթե. անշուշտ թողութունը դուն մեզի կուտաս... Դուն պետք է ծպտվիս և վստահե մեզի. երկու զավակ ունիմ, անոնց վրա կ'երդնում, թե մինչև որ մենք չմեռնինք՝ քեզ ձեռք չեն տար: Զի դուն ազգին համար պետք ես. ա՛յնչափ մեր առաջնորդներեն սպաննեցին, որ քեզ ազատելով ազգիս մնացորդներուն մեծ բարիք մը ըրած պիտի ըլլամ: Անշուշտ, Աստված ալ իր պաշտոնյան և մեզ ալ քեզի հետ պիտի պաշտպանե ու փրկե այս գարշիլիներուն ձեռքեն: Աղոթե այս գիշեր մեր երեքին համար: Առավոտ շուրջացած եկուր սա դիմացի սրածայր վրանը. մենք երկուքս ալ պատրաստ պիտի սպասենք, գալուդ պես, զինված իսկույն ճամփա կ'ելլենք դեպի Այրան:

Արդեն վաղուց ամեն հույս կտրած մարդոցմեն՝ ապավինած էինք միայն Աստուծո, և ցարդ ողջ մնացած: Ապա թե ոչ մարդկորեն անկարելի էր առանց բարոյալքվելու տոկալ այսքան տառապանքի ու վիշտի՝ տարիներ երկար և անսպառ:

Անձնապես իմ վրա ծանրացած ըլլալով ամեն կարգադրութուն, ինչ որ հարկ էր, ըրած էի վաթսունե ավելի մեր ընկերներուն հանգստին համար, անշուշտ որքան որ ի վիճակի էի ընել նույն պայմաններուն մեջ: Ամենքս ալ տեղավորված էինք Գ. կարգի աղտոտ վագոնի մը մեջ, և մեկ քանիներ պոլսեցիներեն, որոնք նյութապես ի վիճակի չէին 40 դահեկանի տոմսակի գինը վճարելու, հանգանակութեամբ Պոզացած էի նույն գիշերը:

Հազիվ մեկ քանի մտերիմ բարեկամներու հաղորդած էի փախուստիս գաղտնիքը: Ասոնցմե մեկը Սեդրակ Շախյան, որ ամբողջ ճամփու ընթացքին միակ անձն էր, որ բարի եղած էր ինծի 25 հնչուն ոսկիի չափ փոխավորութուն ընելու, վերջին

պահուն կրկին 3 հնչուն ոսկի կու տար ինծի, որպեսզի հակա-
ռակ պարագային կյանքս փրկեմ կաշառքով:

Իսկ ինք հուսալով, որ ես Տերամբ ողջ պիտի մնամ, ինծի կ'ընեիր իր բերանացի կտակը, հայտնելով, որ իր տան գաղտնի մեկ անկյունը 2300 հնչուն օսմ. և անգ. ոսկի պահած էր, ողջ մնալու պարագայիս՝ պարտականություն կը դնեիր վրաս, որ անձամբ երթալով առնեմ և ազգին կարևոր մեկ պետքին հատկացնեմ իր հիշատակին համար: Բայց մահվան օրերու մեջ ոսկիի խոսք լսել բավական հեզնական էր:

Քեպես պահ մը եկավ, որ ինքն ալ ուզեց ըմբերանալ փախուստիս, սակայն հետո հրաժարեցավ այս գաղափարեն՝ առարկելով, թե ես 65 տարու մարդ եմ, չեմ կրնար երկար քալել, հետո դու ալ իմ պատճառովս պիտի վտանգվիս, քու կյանքդ սուղ է, ես լմնցած եմ, դու ազատե և գրե մեր տառապանքի պատմությունը, և թող ապագա սերունդները գիտնան, թե որպիսի՞ սուղ գնով գնած են իրենց ազգի փրկությունը և ազատությունը: Բարեսիրտ այս ծերունին Տերամբ ողջ մնաց և պատերազմի միջոցին Հալեպի մեջ աղ վաճառելով կրցավ ապրիլ, շնորհիվ փախուստիս միջոցին Իսլահիյեեն հեռագրով Պոլսեն իրեն ղրկել տված 25 ոսկիին, որը իր միակ դրամագլուխն մնացած էր և որ փոխ առած էի իրմեն:

Ձինադարեն վերջ Չանկըրի դարձին լսեցի, որ իր տունը քարուքանդ ըրած էին սուլյն դրամը գտնելու համար և կնոջը եղած սպառնալիքին վրա, ապա գտած էին և տեղվույն իթթիհատական կլուբը յուրացուցած էր սուլյն գումարը, բաժնելով գաղտնապես իր անդամներեն ամենաազդեցիկներուն մեջ:

Ուրիշ երկու բարեկամներ ալ նմանօրինակ կտակներ ըրին, իմ խնամքիս հանձնելով մասնավորաբար իրենց գավակները:

Կյանքիս ամենանշանավոր օրերեն մեկն եղավ Պոլսեն աքսորվելիս շուրջ տարի մը վերջ 1916 ապրիլ 2-ին փրկարար գրչերը:

Երկաթուղու գնացքը պիտի մեկնեիր առավոտուն ժամը 8.10 անցած, երբ դեռ լուսնշաղը չէր սկսած և մութ էր: Մինչ գարնանային տեղատարափ անձրև մը 15 ժամն ի վեր փոքր ընդհատումներով երկնքի սահանքները վար էր բերեիր, փոքր

լճերու վերածելով դաշտերը, և առվակներն ու վտակները դուրս պոռթկալով իրենց թումբերեն կը ծածկեին արտ ու արոտավայր:

Այլևս վճռական վայրկյանը մոտեցած էր, պետք էր կամքի վերջին ճիգ մը ընել՝ ձեռք բերելու համար այն ազատությունը, որ կապտած էին ինձմե տարիս մը ի վեր:

Չէ՞ որ կամենալը կարենալ էր: Այո՛, խորապես համոզված էի, թե միակ փրկությունը փախուստին մեջ էր, ապա թե ոչ անապատներու մեջ ոչ մեկ հույս կը մնար փախուստի կամ փրկության:

Հոռետես և շարաշուք մտածումներով բարոյալքվելու ժամանակն չէր, ընդհակառակը, հոգեկան կամ բարոյական բուրբ ուժերս ի մի հավաքելով՝ պետք էր վճռական քայլն առնեի, եթե իրապես փրկվիլ կ'ուզեի:

Մի՞թե հինգ հարյուր գերությունյան ահավոր տարիներ շարունակ մեր հայրերն ու պապերն սպասելով սպասած չէին ազգին փրկությունը տեսնելու:

Արարատի հավիտենական ձյունի կատարեն արդեն վարդամատն արշալույսը սկսած էր հուսադրիչ կենսապարզ և ճառագայթներ արձակել, հարություն տալով ցեղին հայրենաբաղձ ցան ու ցրիվ զավակներուն՝ մինչև անապատներուն խորերը և ավազի դաշտերը:

Մեռնելու օրերը անցած էին, ապրելու ժամանակն էր, տեսնելու համար հայություն հրաշալի վերակենդանացումը՝ նախնիքներու հոգիները ոգեկոչող խանդավառությամբ մը:

Այս ամեն մտածումներով ոգևորված՝ ես արդեն զիս փրկված կը համարեի, թեպետև դեռ երկաթուղու մեր վագոնին մեկ անկյունը կծկծտած էի:

Ժամը արդեն հինգն էր և տասը բոպենն պիտի մեկնեիր երկաթուղու գնացքը:

Վագոնին դռան առջև սվինավոր պահակ սպասող ոստիկան զինվորին հավատացնելով, թե հույժ ստիպողական պատճառով մեկ քանի վայրկյանի համար վար պիտի իջնայի, ոտքս կը դնեի հողին վրա...

Խավար էր. հազիվ մեկ քանի տասնյակ քայլ հեռացած, եկեղեցականի վերարկուս հանելով, դուրս եկա կատարյալ ծպտումով՝ անձանաչելի ըլլալու աստիճան:

Մեկ քանի տասնյակ քայլ առնել վերջ՝ վայրկյան մը հան-

կարծ վարանք կ'ունենայի շարունակելու ճամփաս: Արդյոք դեպի փրկութիւն կ'երթայի... թե դեպի մահ...

Սակայն տատամսելու ատեն չկար. հրազենի փողեն արծակված գնդակը շի կրնար բնավ ետ դառնալ. ուրեմն ամեն գնով պետք էր առաջ երթալ: Ա՛լ կը բավեր որքան ճակատագիրս ակամա հանձնած էի թշնամիներու ձեռքը, պետք էր դուրս գալ կրավորական և կորստական այս դիրքեն: Այո՛, պետք էր այլևս տեր դառնայի ես իմ ճակատագրին:

Չարագուշակ բոլոր գաղափարներս ու մտատանջութիւններս հօդս ցնդեցան, երբ ցեխոտ հողին վրա ծունկի գալով, ՏԵՐ ՈՒՂՂՅԱ մը ըսի սրտիս խորերեն, և հույժ համառոտ մեկ քանի կարճ աղոթքներ մըմնջացի...

Եվ ահա արիացած էի, ա՛լ ետևս չէի նայեր, ու կը փախչեի, արդեն 10 րոպե վերջ կը գտնվեի փոքրիկ և ինձ ցույց տըրված սրածայր վրանին առջև, որը մեր ժամադրավայրն էր եղած:

Հազիվ մեղմորեն ձայնած Հովհաննես, ահա դուրս կը թռչեին երկու անձնուրաց քաջեր զինավառ, որոնք իրենց կյանքի գնով զիրենք տրամադրած էին, վասն փրկութեան տարագիր ու հալածական եկեղեցականիս...

Երեք հոգիի բաղկացած մեր փոքրիկ փախստական արշավախումբը արդեն կ'անհայտանար լուանշաղին հետ Իսլահիյեի անմիջապէս հանդիպակաց անտառներուն մեջ, մինչ երկինք կը շարունակեր ջրի հեղեղանման տարափով մը դուրացնել մեր փախուստը:

Տեղատարափ այս հարատևող անձրևին պատճառով ընդհատված էր բոլորովին ամեն անցուղարձ, և ճամփան բաց էր արդեն մեր առջև:

Մինչև Այրան հասնելու համար 8 ժամ ունեինք սակայն: Անտառին մեջ ապառաժներու ներքև անձրևեն պատսպարվելով, կանխահոգ զգուշութեամբ հետս առած մկրատով և փոքր հայելիով մը կ'աճապարեի ձևափոխել մազերս ու մորուքս, և եղած էի արդեն անձանաչելի... Ո՛ւ երկու ամսվան մեջ թոռքի մազերս ճերմակած էին արդեն...

Այլևս մենք մեզ բարի Աստուծո հանձնած՝ խույս կու տայինք մարդոցմէ և ամեն շարժող էակե, և կ'երթայինք դեպի անժանոթ ճակատագիր...

ԲՈՎԱՆԴԱԿՈՒԹՅՈՒՆ

Քեզի հայ ժողովուրդ 3

Ա մաս

1914 հուլիսէն մինչև 1914 հոկտեմբեր

- 1. Բեռլին պատերազմի նախորդակին 11
- 2. Բեռլին պատերազմի վարորդայինն 17
- 3. Բեռլինէն Պոլիս վերադարձ 36

Բ. մաս

Առաջիկ տարագրութիւն

1915 ապրիլէն մինչև 1916 փետրվար

- 4. Հայութեան ընդհանուր կացութիւնը 1915-ի սկիզբը 46
- 5. Առաջին գոծկանը Կիլիկիային Գաղտնի պատգամավորը 71
- 6. Գեթսեմանիի գիշերը 78
- 7. Կարմիր կիրակին 80
- 8. Դեպի արսորավայր Այաշի արսորելոց անվան ցանկը 87
- 9. Չանկըրիի զորանոցի կյանքը Չանկըրիի արսորելոց անվան ցանկը 96
- 10. Աքսորյալներու կյանքը քաղաքին մեջ 104
- 11. Թուրքիո հայութեան բնաջնջման ծրագիրը 109
- 12. Էնկուրթի կուսակալութեան հայոց սպանդը 115
- 13. Այաշի արսորական ընկերներու եղբրական վախճանը 126
- 14. Չանկըրիի արսորականներու վերջին օրերը 134
- 15. Զոհրապի և Վարդգեսի արսորն և սպանութիւնը 145
- 16. Չանկըրիի հայութիւնը սարսափի օրերուն մեջ 150

Գ մաս

Երկրորդ տարագրութիւն

Մահվան քարավանը դեպի Զոր 1916 փետրվարէն մինչև 1916 ապրիլ

- 17. Հայութեան ընդհանուր կացութիւնը 1916-ի սկիզբը 168
- 18. Երկրորդ ձերբակալութիւն և բանտարկութիւն: Անապատի ուխտավորները 176
- 19. Մեկնում Չանկըրիէն Զորում 181
- 20. Զորումէն—Յոզկատ 192
- 21. Յոզկատէն—Պողազլիան գանգերը 197
- 22. Զարգարար հարյուրապետի մը խոստովանութիւնը 201
- 23. Մահապարտներու ուրիշ քարավանի մը հանդիպումը 220
- 24. Պողազլիանէն—Կեսարիա: Ալիսի կամուրջը և Իթթիհատի շիթաները 238
- 25. Կեսարիա—Թումարզա: Իսլամացած կեսարացի հայ կիներու անձնվիրութիւնը 252
- 26. Թումարզա—Կազպել: Գարնան մեջ աշուն 265
- 27. Կազպել—Հաճըն: Զրոնապատ սարերու մեջ հուզիլ գիշեր մը 271
- 28. Հաճընէն—Սիս: Այրած ու կմախքացած քաղաք մը 291
- 29. Սիս—Կարսպազար: Մեկ օր ավելի հանգիստ 307
- 30. Կարսպազար—Օսմանիյե: Երկաթուղու առաջին կայարանը 326
- 31. Օսմանիյե—Հասանպէլլի: Կանյը—Կելիտ 332
- 32. Հասանպէլլի—Իսլահիյե: Հացին անուշահոտութիւնը 348
- 33. Իսլահիյե: Գերեզմանաբլուրներու դաշտ մը 364
- 34. Տէր Զորն րոթաբեր լուրեր 374
- 35. Փախուստ Իլահիյեին դեպի Այրան 380

**Գրիգորիս Պալաքյան
ՀԱՅ ԳՈՂԳՈՒԱՆ**

**Григорис Палакян
ГОЛГОФА АРМЯН
(На армянском языке)
Ереван «Айастан» 1991**

*Խմբագիր՝ Մ. Վ. Երկանյան
Նկարիչ՝ Գ. Ա. Պապոյան
Գեղ. խմբագիր՝ Գ. Մ. Հովհաննիսյան
Տեխն. խմբագիր՝ Հ. Յ. Վաղանյան
Վերստուգող սրբագրիչ՝ Կ. Ա. Տոնոյան*

ИБ 7393

*Հանձնված է շարվածքի 7. 05. 1991 թ.: Ստորագրված է տպագրության
6. 09. 1991 թ.: Տորմատ՝ 84×1081/32: Թուղթ տպագրական՝ № 1: Տառատե-
սակ՝ «Գրքի սովորական»: Տպագրություն՝ բարձր, 21,52 պայմ. տպագր.
մամ., 20,01 հրատ. մամ.+9 ներդիր: Տպաքանակ՝ 25 000: Պատվեր՝ 676:
Գինը 6 ռ.:*

«Հայաստան» հրատարակչություն, Երևան—9, Ավ. Իսահակյան 28:

Издательство «Айастан», Ереван-9, ул. А. Исаакяна, 28.

*Հայաստանի Հանրապետության նախարարների խորհրդին առընթեր մա-
մուլի կոմիտեի № 1 տպարան, Երևան, Հանրապետության 65:*

*Типография № 1 Комитета по печати при Совете Министров
Республики Армения, Ереван-10, ул. Анрапетутян, 65.*

